

The Ohio State University




3 2435 018635102

Netayic ul-vukuat.
DR440N81877

001
V1-4

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	04	17	07	7	12	010	2



THE OHIO STATE
UNIVERSITY
LIBRARIES

Mustafâ Nûrî, Paşa

Netâ-yî Kâkû'ât, 4 vol.

1294-1327: 1327

(vol. 4 is mostly from another ed.)

DR 440

N8

1877

V. 1-4

نتائج الوقوعات

جلد اول



مطبعة عامره ده طبع اولندی

سنة ۱۲۹۴



الجلد الاول
من تاريخ نتائج الوقوعات

بِسْمِ اللَّهِ الرَّحْمَنِ الرَّحِيمِ

حمد وثنای رب العالمین وصلاة وسلام حضرت سید المرسلین وترضیة آل
واصحاب کزین وظیفه وجیهه سی ایفا قلند قدن صکره شو وجهله عرض
ما فی الضمیر ابتدار اوانور که فقیر کبضاعه آوان طفولیت مندبرو مطالعة
تواریخ و تتبع آثار اسلافه مائل اولاد یغمدن متداول ومشهور اولان
تاریخلردن ماعدا بعض ارباب وقوفک مواد مشهود دلی اوزرینه یازد قلمری
آناردن دخی خیالجه رسائل ولوایحی مکررا مطالعة وتدقیق ایاش وباطنه
تعالی اوز سنددن منجاوز زماندنبرو باب عالی و خزینه مالیه و دفتر خانه
خاقانی مأموریت و مناصب بند و با خصوص جنتکان سلطان عبد العزیز
خان حضرت تریک اوائل سلطنتلرنده مابین همایون باش کتابتند
بولندیجه هتله حسب المأموریه مطلع اولاد یغمدن حوادث یامی و مشهود عاجزانهم
اولان قوانین قدیمه و قیودات عتیقه فی نظر امعانن کجورمش اولاد یغمدن
بقدر الباقه استنباط ایرادیکمه کوره سلطنت سنیة عثمانیه نک بدایت
ظهور ندنبرو اداره سیاسیه و نظامات موضوعه و عرفیه سی بالدفعه تبدل
ایلمش اولمغله بونلرله حقایق نتائج واقعلرینی مبین اولیق و اخلافه

عاجزانه بر یادگار براغلق اوزره اشبورسانه مستمندانه می ترتیبه مباشرت
 وحالا اریکه پیرای خلافت عظما شوکتلو عظمتلو سلطان الغازی «عبد
 الحمید خان ثانی» افندمن حضرتلرینک نام نامی همایونلریله معنون وشرف
 مقارنت اسم سامی پادشاهانه لریله متین اولق دعواتنه مبادرت ایلدم
 اگرچه نیت عاجزانه هر عصرده جاری اولان نظامات ملکیه وقوانین
 عسکریه واداره مالیه و تفرعات سائرهبی توضیحیه منحصر ایسدهده بومقصدک
 لایقیه میدان چیقارلسی ضمیمه وقوعات کونیه نیک مجمل ترقیم وبر تکمله
 علاوه سی ایله مقصد اصلینک تنیم اولنسی مقتضی اولدیغی مثالو تغییرات
 کلیه تاریخلرندن بدأ اولنق اوزره سلطنت سنیه نیک شهنامه واقعاتی الی
 بابیه بالنقسم هر بابک تکمله سنده حاوی اولدیغی عصرک نظامات جاریه
 وقوانین مرعیه سی علی قدر الامکان توضیح واثبات قلنق صورتی اختیار
 قلندی

علامه ذوقون مؤرخ ابن خلدون هر دولته سن نمو سن وقوف و سن
 انحطاط اثبات واعمار دولی اکثریا یوز یکرمی سنه اولق اوزره ایراد ایدوب
 حابوکه کندوسی سکن یوز سکن سنه هجریه سنه قدر معمر اولق حسبیه
 بغداد واندلس و مصرده اوچر بشر یوز سنه سلطنت سورن خلفای
 عباسیه و امویه و فاطمیه بی مدرک اولدیغی جالده بودعواده بولنسی
 هر اوچ قرنده اصول وعادات دولت کلیا منحول ومتغیر اولور دیگه
 محمول اولوب بو عادت طبعیه ایسه دولت علیه عثمانیه ده دخی حکمی اجرا
 ایلدیکی هر بابک مقایسه تکمله سیله ظاهر اولق ایچون برنجی باب ابتدای
 ظهور کؤکبه عثمانیه دن تیمور حاکمه سنه قدر یوز بش سنه لک
 وایکنجی باب چلبی سلطان محمد خان حضرتلرینک تجدید دولته
 موفقیتلرندن سلطان بایزید ثانی حضرتلرینک ترک مشغله سلطنت
 بیوردقلری طقوز یوز اون سکن سنه سنه دکین یوز اون اوچ یلاق و اوچجی
 باب یاوز سلطان سلیم خان حضرتلرینک جلوسلرندن بیک اوچ تاریخنه
 قدر سکسان بش سنه لک و دردنجی باب سلطان محمد خان ثالث حضرتلرینک
 تاریخ من بوردده وقوعبولان جلوسلرندن بیک طقسان طقوز سنه سنده
 سلطان سلیم خان ثانی حضرتلرینک جلوسلرینه و بشنجی باب اورادن
 ک یوز سکسان سکنده منعقد اولان قاینارجه معاهده سنه دکین

مرور ایدن زمانه و واقع اولان حادثاتی و التبحی باب اندن صکره
 صورتیاب ظهور اولان احوالی مبین اوله رق ترتیب و اشبواثر ناجیرانهم
 (نتایج الوقوعات) نامیه توسیم قلندی مع مافیه ضروری الوقوع اولان
 خطیثاتک دامن عفو و صفح ایله مستور و قلم معارف رقله تصلیح و تصحیح
 بیورلسی مسترحدر ومن الله التوفیق
 السید مصطفی
 ناظر دفتر خاقانی
 حالا

✽ باب اول ابتدای ظهور آل عثمان ایدالله ملکه الی آخر الزماندن ✽
 ✽ سکز یوز درت تاریخنده واقع تیمور وقعه سنه قدر اولان وقوعاتی ✽
 ✽ میندر ✽

مفصلات توارینده مسطور اولدیغی اوزره برمدت اخلاطده متوطن
 اولان قایی خان قبیله سی ماوای قدیمیری اولان ماهان طرفلرینه عودت
 ایملک ندیه جهر قلعه سی جوارنده نهر فراتدن مرور ایدرلر ایکن امیر
 قبیله اولان سلیمان شاه غریقا فوت اولغله ترک ایلدیکی درت نفر اولادندن
 ایکسی وطن قدیمیرینه عودت ایدوب دیگر ایکسی اولان ارطغرل
 غازی ایله دوندار بک درت بشیوز خانه قدر توابعاتلریله کشور رومه
 منتقل و اول تاریخنده قونیه ده حکمران کشور روم اولان دولت سلجوقیه نیک
 زیر حایه سنه داخل اوللریله انقره جوارنده واقع سکود یا یلاسی مسکن
 تعیین قلندیغندن اوراده توطن ایلدیله
 بوتاریخه قدر که تقریبا هجرت سنیه نیک التیوز اوتوز سنه سی زاده لریدر
 قوه اسلامیه آیدین و مغنيسا و قره سی و کوتاهییه و انقره و قسطنطنی و سینوب
 طرفلرینه دکن ایلر و ایوب اناطولی قطعه سنده روملر انده یالکن بروسه
 و ازمید سنجاقلریله بولی سنجاقنک برپارچه سی و قره دکن سواحله نده
 صامسون و طربزون قلعه لری قالمشیدی بورالده بولنان امرای ملت
 مسیحیه هر نقدر استانبول ایمپراطورلرینه تابع ایسه لرده دره بکری مثلاً
 هر بریسی زیر حکومتده بولنان مواقعه بالتوارث متصرف ایدیلر روم
 ایمپراطورانی برارالق فرنکرک استانبولی استیلارندن ناشی از بنقه مر نحل و ذاتا
 سن شیخوخته و اصل اولسیله اگرچه التمش ینش سنه مرورنده بوتقریب

پای تحت قدیمک استردادینه دسترس اولدی ایسه ده قوت و ممکنتی همان
بالکایه محو اولق درجه سنه رسیده اولدیغندن وقتیه بنا اولمش اولان
استانبول حصن حصینک متانت و رصانتی سایه سنه صیغمش ایدی

دولت سلجوقیه واسع المالك بردولت قوی شوکت اولدیغنی حالد تاتارلک
مهاجماتی و شهرادگانک نائل سلطنت اولق ایچون یکدیگر یله اولان
مخاصمت و محارباتی و بعضا تاتار پادشاهلرینه التجاری سبیلر یله تیوز
الی تار یخندن صکره قوت و ممکنت و هیئت اجتماعیه لرینه و هن و خلل
تطرق ایدوب کوندن کونه تنزل ایتکه باشلادیلر

انا طولی قطعه سی بو حالد ایکن ارطغرل غازی سکود صحرا سنده ساکن
اولوب دولت سلجوقیه امر اسندن و بولندیغنی موقع روملر ایله هم محدود
اولق حسب یله اوج یعنی منتهای حدود بکاردن اولغین سلاطین سلجوقیه نک
سفرلری واقع اولدقجه اعوان و انصار یله خدمت دولته بولنور و مسکنده
بولندقجه جوارنده واقع رومستانه چاپول ایدوب اموال غنایله مفتتم
اولور ایدی چونکه دولت سلجوقیه نک هر نقدر روم ایمپراطورلر یله
مصالحه لری واقع اولور ایدی سه ده طرفین سرحد امراسی یکدیگری
ممالکنه تجاوز ایدرک صحرالرده بولان اهالی و حیواناتی اسیر و غصب
ایمک عادات عصر یه دن ایدی بناء علیه استحصال منافع ایله کوندن
کونه ارطغرل غازی نک قوتی تزايد و جمعیتی تکر ایدرک اورالرده بر اشوب
عمری آخر اولنجیه قدر غزا و جهاده و تزید ثروت و اقتدار ایله محافظه
تبعه و بلاد صر ف همت ایلشدر

ارطغرل غازی التیوز سکسان تار یخنده ترک ملک مجازی ایتد کده اوغلی
عثمان غازی امیر قبیله اولوب سلاطین سلجوقیه طرفندن امارتی تصدیق
قلندی

مشار الیه دخی پذیری کی غزا و جهادی پیشه ایدمکله انا فانا قدر و شانی
و قوت و سامانی ترقی ایدرک واحدأ بعد واحد قره جه حصار و بیله جک
ویار حصار و اینه کول قلعه لرینی فتح و تسخیر ایتمش و یکیشهری ابدیه منیه
ور فیه ایله تزین ایدوب دار المالك ایدمش اولدیغندن سلطان سلجوقی
اولان علاء الدین ثانی جانبندن اسکیشهر قصبه سی فتح ایتدیکی ممالکه
الحاق و جمله سی بر سنجاق اعتبار یله عثمان غازی عهد سه توجیه اولندقدن

ماعداء طل و علم امارت احسانه دخی شان و شهرتی لامع الاشراف
قلندی بوباده دیوان سلطان علاالدین صادر اولان فرمان همایون ایل
جوانی فریدون بك منشآتند مسطور در

عثمان غازی بوجه مشروح بر سنجاق والی کی هیئت کسب ایلد کدن
اون ارن ایکی سنه مرورنده غلبه تدریجیه تاتار دولت سلجوقیه بی کاملاً
مضمحل و تارمار ایتش اولمسه امرای سلجوقیه دن کریمان اوغلی
کوتاهیده و قره سی و صارو خان و آیدین و منتشا و حید اوغلاری ناملرینه
منسوب اولان یرلده و اسقندیار و رمضان و ذوالقدریه اوغلاری قسطنطونی
و ادنه و مرعش طرفلرنده وقتاً بوقتاً اعلان استقلال ایتدکاری مثلاً
عثمان غازی دخی التیوز طقسان طقوز تاریخنده نامنه خطبه قرائت
ایتدیره رك حوزه حکومتده واصل مرتبه استقلال و استبداد اولدی
تبریزده فرمان فرما اولان ایلخان جنکیری طرفندن مقدما دولت سلجوقیه به
ناظر تعیین اولوب قیصریه ده اقامت ایدن ارتنا بك وارث سلطنت
سلجوقیه اولق دعوا سنده ایدیه ده سالف الذکر ولایه سلجوقیه مومی
الیه اطاعت ایتدکارندن بشقه مؤخر قرمان اوغلاری دخی قویه ده تشکیل
حکومت ایلدیلر

لال عثمان غازی

مؤخر سلطنت ایلخانیان دخی کسب تفرق و نشئت ایلدیکنه مبنی تاتار
پادشاهلرینک اناغولی احوالیه تقیده اقتدارلری قالمد بگندن و مزبور
ارتنا بك دخی قوه موجوده سیله امرای سلجوقیه بی تحت اطاعته المغه
مقتدر اوله میه جغنی تبغن ایدرك قیصریه و حوالیسی حکومتیه قناعت
ایلدیکندن شیوه قدر اناطولی قطعه سنده ملوک طوائف حدوثنه منجر
اولدی

بوئدن صکره عثمان غازی تاریخ وفاتی اولان یدییوز بکرمی الی سنه سنه
قدر بالتدریج بروسه و قوجه ایلی حوالیسی فتح و تسخیر ایدوب بروسه
شهری پای تحت عثمانی اولق اوزره درون قلعه ده واقع آق کنبد
نام مناسرت درونته دفن اولمسنی وصیت ایدرك اعلان استقلالندن بکرمی
یدی سنه مرورنده و بتش باشند ارتحال دار بقا ایلشدر

عثمان غازی نك وقوع وفاتیه اوغلی اورخان غازی مسند نشین تحت
استقلال اولوب ایکی سنه صکره ازمید و هر که قلعه لری فتح و شهرزاده

اورخان غازی

اکبر سلیمان پاشای فازی به توجیه قلمش ویدیوز اوتوز بر سنده سی خیلی
وقتدنبرو تحت محاصره ده بولان ازینق شهری دخی تسخیر اولوب
بر مدت مستقر سر بر سلطنت اولمشر

شهرزاده سلیمان پاشا روملر انده بولان طراقلی یکجه سی تسخیری نینله
حرکت ایدوب آوازه عدل و دادی مشتهر آفاق اولدیفندن اهابسی
عرض انقیاد ابتدکاری مثالو مدرنی و کونیک حاکمیری دخی اطاعته
مجبور اولمیرله خلقی الزام جزیه ایله یرلرنده تقریر و همت اورخانی ایله
برآیدن زیاده محاصره دن صکره کملیک قلعده سی دخی تسخیر قلندی

شمدی به قدر اسلام انده بولان ممالکه تعرض اولنماشیکن امرای
سلجوقیه دن قره سی والیسی اولدیغی حالده امثالی مثالو کسب استقلال ایدن
عجلان بک فوت اولوب درگاه اورخانیده بولان اوغلی ایله بابایی باند
اولان دیگر اوغلی بیتمده وارث ملک پدر اولقی اوزره وقوع بولان محاصره
وقتل قره سی سنجغاک حکومت عثمانیه کیرمسی موجب اولفله لواء
عز بور شهرزاده سلیمان پاشایه واندن قلان ازیمید سنجاغی ایکنجی
شهرزاده سلطان مراده توجیه بیورلدی یدیبوز اوتوز سکن سنه سنه قدر
بروسه وازمید و بولی سنجاقلرنده بولان ممالک عیسویه کاملاً تسخیر
اولوب حدود عثمانیه اسکدار جهتمده قرتاله واصل اولمش وانا طولی
طرفنده یالکز الا شهر ایله بیفا قلعده سی روملر انده قالمشر

بولندن صکره یدیبوز الی سکن سنه سنه قدر توار بخدمه وقوعات حربیه به
دائر ابضاحات اولماسنه نظرا بومدته تشید بنیان دوات خصوصاً لرینه
اعتنا قلمش اولمسی ظن اولنور

مفصلات توار بخدمه بیان اولدیغی وجهله شهرزاده سلیمان پاشا معیتده
بولان مجاهدین ایله یدیبوز الی سکن سنه سی روم ایلی طرفته بالمرور
کلیولی و دیتموقه و برغوس طرفلرینی و معارض کورفرزینی روملر اندن
اخذ و تسخیر و بولار قصبه سی مرکز امارت اتخدا ایدوب توسیع ممالکه
صرف همت ایتمکده ایکن صید و شکار اثناسنده اتدن دوشوب فوت
اولدی

بوجهتله روم ایلمده بولان موحدین سردارسیز قالدقیری زمانده روم
و بلغار و صرب و افلاق امرای بالانفاق اوتوز بیک قدر عسکر ایله را

و بحرا هجوم ايتشلا ايسه ده بلطفه تهالی هزيمت كامله به گرفتار اولدقلرندن
بو مظريت اهل اسلامك روم ايلیده استقراريني تأمين ايلدی
و وقوعات مزبوره عقبنده يعني يديوز التمش برسنه سي اوانلنده اورخان
غازي سكسان برباشنده و حكومتك اوتوز بشنچي سالنده بروسه ده مرتحل
دار آخرت اولدی

خداوندگار غازي لقب جليليله مشهور اولان سلطان مراد خان اول
حضرتلری يديوز التمش برسنه سي پدري اورخان غازي برينه مربع نشين
سرير سلطنت اولدقلده اولاسوق سپاه ايله انقره قلعه سني امرای سلجوقيه
بقاياسندن اولان آخيلر نام مغلبه اللرندن انتراع ايلدكدن صكره عسكر
انجم شمار ايله روم ايلي طرفنه كذار و چورلي بي عنوة و مسوري بي
صلحا داخل قبضه اقتدار ايدوب ادرنه حاكمنك سد سپاه اسلام اولق
ايچون كوندربكي عسكری سازلودره نام محاده تدمير و ادرنه قلعه سني
تسخير ايلدی

بعده روم ايلي بكار بكيسي نصب اولنان لالاري شاهين پاشا و امرادن
اورنوس بك معيتلريله سوق اولنان جنود ظفر مقرون زغره و كولهجنه
طرفلريني الحاق قلمرو همايون ايلدكدن صكره پاشاي مشار ايله ادرنه ده
تقرير اولنوب موكب پادشاهي پای تحت اولان بروسه ده معاودت
ايلدی

مؤخر ميرميران مشار اليهك هميله قلبه قلعه سني فتح اولنديفنه مبنی
حاكمنك تظلم و تشويقيه صرب و افلاق و بوسنه و بحار قرالري عثمانيانی
روم ايلندن طرد ايتك اوزره عقد اتفاق والي التمش بيك قدر عسكر ايله
ادرنه ده طوغري هجوم ايلدكلري و اصل سمع مراد خاني اوليحق مدافعه
قصديله بروسه دن حركت بيور ياوب حاجي ايل بكي نام امير دليز استطلاع
احوال دشمن ايچون سكز اون بيك مقداری جنود اسلاميه ايله اولجه
بعث و تسير اولندی

اول شهنسوار عرصه بختياری حالا صرب صنديخي ديكله مشهور صحراده
اولان متفقين اردوسي جوارينه برشب تارده واصل اولوب كمال غرورلرندن
ناشي دشمنك بي حزم و احتياط كيمي مست و خراب و كيميسي آلوده خواب

نت سلطان مراد
اول المشهور
بخت اوندگار

اولاد قلوبنی تحقیق ایتمکله متوکلا علی الله مهاجده نمای سطوت اولوب
 صکر دشمنی مرتبه استیصاله ایصال ایلدی
 بو خبر مسرت اثر پادشاه غازی نیک روم ایلی جانبنه عبورندن مقدم واصل
 سمع همایون اولغله فریضه شگری ایفا و بیغا قلعه سنی روملر لندن بعد
 التسخیر مقر سلطنت اولان بروسه به عودت بیوردیلر استانبول امپراطوری
 طرفندن کیملر ایله یلاق اباد ساحلنه عسکر اخراج اولندیغی استخبار قلمغله
 ارسال سپاه ایله بر مقدراری اسیر و ماعداسی تدبیر قلندی
 ید یوز التمش سکر سنده سی خداوند کار غازی حضر تتری ایکنجی دفعه اوله رق
 روم ایلی جانبنه عبور وادرنه شهرینی دارالملاک روم ایلی اولق اوزره
 سرای همایون واذیه رفیعہ انشاسیله معهور ایدوب یتشیدی تاریخنه قدر
 گاه کندولری کیدرک وگاه امرا ارسال ایدرک ویزه و صفاقو طرفلری
 واورنوس بک ضرب شمشیر یله قواله ودرامه و سیروز جانبلی ضبط و صرب
 قرالک زیر حکمنده بولنان نیش قلعه سی دخی صولت پادشاهی ایله سلسله
 تملکه ربط قلندقدن بشقه قرال مزبور سنوی رکاب همایونه الی قبه کش
 اعطا ایتمک شرطیله مظهر عفو عالی و کوسه تبدیل و نیکبولی و سلسله
 حکمدارلری دخی التزام ویرکو ایله نائل مصافات شهر یاری اولدیلر

بعده روم ایلی بکلر بکلکی تیمور طاش پاشایه بالتوجیه بروسه به عودت و ولایه
 سلجوقیه دن ایکن کوتاهییه ده کسب استقلال ایدن کر میان اوغلنک کریمه سنی
 بیوک شهر زاده لری اولان یلدریم بایزیده البویرمکله جهاز عروس اوله رق
 کر میان زاده نیک طرف پادشاهی به تسلیم ایلدیکی کوتاهییه و سیما و
 وطاوشانلو قصبه لری ممالک عثمانیه به منضم اولدیغی مثلاً و حید ایلی حاکمی
 بولنان حسین بکدن سیدی شهری و بیکشهری و بلواج و قره اغاج
 و اسبارته ثمن معلوم ایله اشترا قلندی

پادشاه غازی اوچنجی دفعه اوله رق روم ایلی جانبنه کچوب صوفیه قلعه سنی
 فتح و تسخیر بیوردقلری آوانده قرمان اوغلی اشترا اولنان مواقع مذکوره
 سببیه ممالک عثمانیه نیک قلمرو حکومت کسب اتصال ایتمسندن توحش ایدرک
 و خداوند کار حضر تری نیک روم ایلیده اولان مشغولیتی فرصت اغناز
 ایلدیرک ممالک بروسه به دست تعدی بی دراز ایلدیکندن یدی یوز سکسان

بدی سنه سی موکب همایون اناطولی به عودت وقونیه صحراننده جمعیت
قرمانیانی رهین پریشانی وهزیمت ایلدکن صکره قونیه قلعه سی دخی
محصور اولشیکن قرمان اوغلنک حلیله سی بولنان کریمه پادشاهی نفیسه
سلطان شفاعتیه مظهر عفو همایون اودی

روم ایلی بکر بکیسی تیمور طاش پاشا مناستر و برلبه وقارلی ایلی بعد التسخیر
بوسنه وهرسک مملکتلرینی سوخته آتش خسارت ایلدیکندن حاکماری
بالضروره التزام ویرکوا یله تحصیل امنیت ایتمشلر ایلی

قرمان اوغلی مسئله سی حدوثنه وبلکه بیلنرنده قرار کیم اولان اتفاق خنی به بناء
بوسنه قرالی اظهار معامله سرکشی به جرأت ایلدیکندن لالا شاهین پاشا
معیتله سوق اولنان یکر می بیک قدر جنود موحدین غارت ممالک دشمن ایله
مشغول ایکن قرال مر قوم بغته اوزرلرینه هجوم ایتکله عساکر اسلامیه منهرم
واکثریسی دأره شهوددن منهدم اولدیغندن اولحوالیده بولنان ومقدما
التزام ویرکوا ایش اولان حکمداران ملت عیسویه دخی زروه عصیان
عروج ایتکین سلطان مراد خان حضرتلری روم ایلی طرفه مرور
وبرقوه مفرزه ایله صدر اعظم علی پاشایی مأمور ایدرک شمنی وپراودی
وطرنوی ونیکولی وسلاستره قلعه لری فتح وتسخیر ایتدیرلیدی

قونیه محاربه سنده موکب همایون معیتله بر مقدار صرب عسکری بولنوب
بولنردن اموال اهالی به اطاله دست تعدی ایدن چند نفر شتی حقنده
اجرای سیاست بیورلشیدی بوماده دن صرب بلور پاک زیاده منفعل اولوب
مملکتلرینه خودتلرنده اظهار عدوانه قیام وسالف الذکر امرای عیسویه بی
اضلاله اهتمام ایتکله اولدقلری تحقیق کرده پادشاهی اولغین نیت تأدیب
ایله سلطان ظفر قرین حضرتلری فلبه ده مشتانشین اولدیغی صرب
قرانک مسموعی اولیجق جوارنده بولنان ملوک عیسویه ایله عقد اتفاق
ایدرک و یوز بیکدن زیاده عسکر ومتعدد حکمدارلر ایله شهریار انامه
مقابله ایچون ممالک عثمانیه به هجوم ایتلریله یدیوز طقسان برسنه سی
رمضان شریفنده قصوه صحراننده محاربه عظیمه مشهوره وقوعوبه ورق
اردوی متفقین کاملاً گرفتار هزیمت و پریشانی وخداوندکار غازی دخی
اردوگاه دشمنی سیر ایدرکن مقتولین اراسنده مجروحایاتمقده بولنان میلوش

نام صرپا و فدایی ضربله شهیدا عازم ملک جاودانی اولمشدر سن عمرلی
الشمش بش و مدت سلطنتلی او توز بر سنهیه قریبدر

خداوندکار غازی حضرتلرینک شهادتی وقوعنه مبنی تعقیب دشمن ایله
مشغول اولان بیوک شهزادهلری یلدریم بایزیدخان معسکر همایونه کلوب
جالس سریر حکومت اولسیله برابر طرف طرف امر و سپاه ارسال
اولنهرق ممالک دشمن غارت ایتدیرلمکله بچد و قیاس اسرا و اموال نفیسه
ایله اردوی همایون مالامال اولدی

روم ایلی سرحداتی تأمین و تحکیم اولاندقدن صکره سلطان جدید اناطولییه
حدوت و طوائف ملوک النده بولنان آیدین و صارو خان و منتشا سنجاقلرینی
حکومت عثمانیهیه الحاق ایله توسیع دائره مملکت بیوردقلری مثلاً و روم ایلی
بکار بکیسی تیمور طاش پاشادخی قره طوه معدنیله اولحوالیده بولنان معادن
سارهیی تسخیر ایدرک اموال بشمار ایله رکاب همایونه واصل اولدی

ملوک عیسویه نک اتفاقیه ماده سنده قرمان اوغلی ذی مدخل و بلکه اشدا ی
اسباب و علل اولغله ترتیب مجازاتی یتیله رایات عثمانیه تیختر و اهترازه
آغاز ایدوب کرمان و تکه و حیدر ولایتلری حاکملری یدلرندن نزاع و ممالک
قرماندن قونییه و اف شهر و نیکده شهرلری کشور عثمانیهیه بالاحاق قرمان
اوغلنه لارنده و طاش ایلی قصبه لری ارزانی پیورلدی

افلاق حاکمی متعهد اولدیغی ویرکوی ارسالده اهل اوزره حرکت
ایتمکین پادشاه غازی سکر بوز طقسان اوچ سنه سنده اولجانبه عطف عنان
و بر حله ده صف سپاه افلاقی پریشان ایتمکله ویرکوی قدیمی تضعیف
ایلدیلر

قرمان اوغلی علاالدین بک پادشاه انامک روم ایلی طرفه عبورندن استفاده
طریقته سالک و ممالک عثمانیه نک غارتنه متهاکک اولغله یلدریم خان حضرتلری
سیرسریع ایله اناطولییه رجعت ایدوب وقوعبولان محاربه ده مظفریت
کاملهیه نائل و ابن قرمان دائره شهوددن زائل اولدی

سیواس و توقاد ستملری دخی قبائل تاتاردن اولان قاضی برهان الدین دست
تغایندن انتزاع قلندی

افلاق حاکمک عصیان قسطنیونی حکمداری بولنان اسفندیار اوغلانک
تشو بیله ظهوره کلدیکی متحقق اولدیغندن نیت تأدیب ایله اولجانبه

سلطنت بایزید خان
المشهور یلدریم

حرکت همایون وقوع بولدقده اسفندیار زاده سینوبه فرار و سینوب
قلعه سنک بدنده ابقاسی نیازینی تکرار ایتمکه قسطنونی و کره نحاس
ممالک عثمانیه علاوه ابله اکثفا و ممالک مفتوحه شهزادگان و امرا تعیین
واسرا قلندی

عثمانیان علمه اوله رق و ندیک و فرانسه و سائر اوروپا حکامی طرقدن
سلانیک ساحله کایتلو عسکر اخراج قلندیغی خبری وارد اولغله سلطان
بایزید حضرتلری طقوز یوز طقسان الی تار یخنده اولجانبه سوق سمند
استیصال و دلالت تیغ بیدر بغ ابله جیوش وارده بی استیصال ایتد کدن بشقه
سلانیک و یکیشهر قلعه لرینی دخی تسخیر ایلدی

یدیوز طقسان یدی سنه سی ادرنده جمع سپاه اوله رق حصن حصین
استانبول تحت محاصره به اندی ایسه ده بحار قرالی پادشاهی بو عزمندن
واز کچورمک ایچون یوز بیکن زیاده عسکر دن هر کب بر منفقین اردوسی
تشکیلله نیکبولی قلعه سنی محاصره ایتمین بالضروره استانبول محاصره سی
ترک اوله رق اول طرفه عزیمت و عسکر دشمنی گرفتار هزیمت ایلدیلر

استانبولک تکرار محاصره سی نتیله کولک صومسیره سنک اوست جانبده
واقع کوزجه حصار تعمیر اولنان انا طولی حصار ی بنا اولغله استانبول
ایمپراطوری سنوی اون بیک التون و یرکو و یرمک و درون استانبولده
براسلام محله سی احداثیله قاضی و امام نصب و تعیین قلنق شرطلر بله
متشبت اذبال استیمان اولمقین مصلحه مساعدده و بو وجهله مصلحه
وقوعندن صکره ارسال امر ا و سپاه ایله تر حاله واته شهرلری روملر اندن
ودیور بکی و کجیح و بهسنی طرفلری متقابله اترک یدلرندن اخذ اولنوب
ممالک عثمانیه اضافه قلندی

مفصلات نوار یخده بیان قلندیغی اوزره اون بش یگر می سنه دنبرو سمرقند
طرفلرند ظهور و ممالک اسلامیه بی گرفتار شر و شور ایدن تیمورلنک
اولوالیده بولنان ملوک غلبه ایدرک جهیت کثیره وقوه عظیمه پیدا و عراق
عرب و عجم و اذربایجان قطع لرینی دخی ضبط و استیلا ایتمکه بغداد
پادشاهی اولان سلطان احمد جلایر و تبریز حکمداری بولنان قره یوسف
سطوت تیمور بدن هراسان و التاجا کنان سلطان بایزید درگاهنه شتابان

اولدقلری مثلاًو جانب پادشاهیدن مملکتلری ضبط اولنان طوائف ملوک
دخی تیموره دخالت و سلطنت عثمانیه دن عرض شکایت ایتلریله و تیمور
منسوباتندن اولوب اردنجان طرفلرنده حکمران اولان طهرتن اوزرینه
یلدیرم یایزیدخان هجوم ایدرک اولاد و عیالی اسیر ایلکله بوماده دن
و طرفینده بولنان ملجیلرک ترغیب و تشویقلرندن حادث اولان حالات
و جریان ایدن مخبرات و معایبات تیمور مغرورک ممالک عثمانیه قیدوم شومنی
مستلزم اولدی

بناه دلی ذلک تیمور خوزیز سکن یوز اوچ سنه سی کشور رومه عنان انکیز
اولوب سبواسی تخریب و اهاالیسی انواع عقوبتله تعذیب ایلدکن صکره
شام و حلب طرفلرینه عزیمت و مدافعه سی ضمنده سوریه طرفلرینه
وارد اولان ملک مصری گرفتار هزیمت ایدوب عادت مستمره سی اوزره
اولوالی بی نهب و یغما و انواع شتاعت و مظالم اجرا ایلدی ایرتسی سنه
اواخرنده مبالغاتدن قطع النظر ایکوز بیکدن مبعاوز عسکر تیمور
اردوسنده و یوز یکریمی یک قدر جنک اور یایزیدخان مسکرنده بولندیغی
حالده انقره محاربه عظیمه مشهوره و قوعبوله رق بقضاء الله
تعالی اردوی همایون هزیمت کامله به گرفتار و سلطان یایزید دخی مبتلای
دام اسار اولغله بدی سکرز آی مرورنده حال اسارنده و سلطنتک اون دزدنجی
سالنده و قرق درت باشنده ارتحال دار بقا ایلدی

فصل اولک تکمله سی

دولت سلجوقیه نک انقراضیه ظهور ایدن طوائف ملوکدن بریسی دخی
عثمان غازی اولوب ملکا و نفوسا سائرلرندن کوچک کی کورندیکی حالده
بیان احوالاری صددنده بولندیغیز درت عدد پادشاهان ذیشانک تقریباً
یوز اتی سنه قدر اولان مدت سلطنتلرنده ممالک سلجوقیه کاملاً تحت
حکومت دولت علیه داخل اولدقدن بشقه طونه ساحلارینه دکین
روم ایلی کشوریک فتح و تسخیر اولمسی و برجیه قلیله نک بودرجده ده
کسب جسامت و عظمت ایلسی مادی و معنوی برطاقم و سائل و اسبابک
تجمعه به صورتیاب حصول اولشدر شویله که اولامشار الیهم حضراتی
احکام شریعت جلیله اجدیه به کردن داده مطاوعت اولوب مواد

حقوقیه بی حوزه حکومتده بولنان شهر وقصبه لره تعیین ایتدکاری قضاته
تحویل و کندولرینی دخی بویابده افراد ناس منزله سنه تنزیل ایدرک حکومت
شرعیه به اصلا مداخله ایتمایرله عدالت شریعت نبویه ملک و دولترینی
اعمار و احیا ایلشدر ثانیاً متبوعلری بولنان دولت سلجوقیه به نهسایت
حکومتلرینه دکین مقام اطاعت و انقیادده ثابت قدم اولهرق بروقتده
عصیان و تغلب وادیسنه سلوک ایلدکلرندن حق سبحانه و تعالیٰ حضرتلری
دخی مکافات جزیه احسان و دولت عثمانیه اوزرینه وقت وقت خروج ایدن
ارباب بغی و طغیانی مظهر و مدعی ایده کلشدر ثالثاً دولت سلجوقیه نیک
انقراضی و روم ایمپراطورلغنیك ضعف و اختلالی سیلرله عثمانیانك مهد
امارتلری جوارنده بر دولت قوی شوکت بولناماسی ظهور سلطنت سنییه بی
تسهیل ایلشدر رابعاً طائفه عثمانیه سرحد اسلامده متوطن و دائماً غزا
و جهاد ایله مشغول اولدکلرندن توبنی فتوحاته نائل و اموال غنایم ایله
ثروت و سامانه و اصل اولدقجه صیت شهرت و شانلری و اوله انداز اقطار
اولدیفندن طلب مثنوبات غزا و خواش اموال غنیمت و اسرا ایله اطرافده
بولنان شیعیان مسلمین اقین اقین بارگاه عثمانی به التحاق و انجما ایلدکلرندن
کون بکون موکب عثمانی کسب عظمت و مهابت ایلدی خامسا ارباب
فضل و معارفه تعظیم و التفاتلری و اعوان و انصار دولته تیار صورته
اراضی تملیک و تفویض ایدرک منافع دولندن حصه مند ایللری و توسیع
ممالک و تزید نفوس اسلامیه حقه اولان اقدام و همت فوق العاده لری
و عدل و داد و اعمار بلاد امرنده اولان دقت و غیرتلری و بویابده اتخاذ
ایلدکاری قوانین و نظامات حکمت امیرلری تأسیس بنیان دولت و تحکیم
ارکان سلطنت عثمانیه بی موجب اولشدر

عثمان غازی و اصل امارت اولدقدن صکره خیمه بدوبتی قصر حضرتیه
تبدیل و مرکز حکومتی اعمار و انشا ایتدیردیک یکشهره تحویل ایدوب
اواخر مدتده علت تقریبه ابتلاسی جهتله غزا و جهاد مصلحتی و اداره
امور عسکریه بی کوجک اوغلی اورخان غازی به تحویل ایلش و اورخان
غازی دخی جالس سریر محکومت اولدقدن اون ایکی سنه مرورینه دکین
پدری کبی بالذات حرب و قتال ایله مشغول اولهرق عصر مزک تقسیماته
قیاسا بروسه و ازمید و قره سی سنجاقلرینی داخل دائره حکومت ایلدکلر

صكره امور حربي بي بي بيوك اوغلي شهزاده سلیمان پاشايه تفويض ايتكله
مشار اليه دخی کایبولی حوالیسی ضبط ایدوب بولایرده ممتکن ومستقر
اولمشیدی

سلطان مراد خان اول عصرنده ادرنه وقصوه محاربه عظیمه
مشهوره رینک ثمره غالبیتی اوله رق ممالک عثمانیه طونه ساحلارینه و صرب
حدودینه قدر توسیع قیلانوب بعد ازین محارباتک ال خیر او ومنفعتلوسی
روم ایلمده وقوعبوله جغندن ادرنه شهری روم ایلی پای تحتی اتخاذا
اولندی اناطولجه دخی انقره و بیغا سنجاقلری حربا واسبارته سنجاغی
اشترااً ومملکت کریمیان دینلان کوتاهیه سنجاغک برمقداری جهاز
طریقله داخل قلمرو عثمانی اولوب طوائف ملوکک سرفرازی کچنان
قرمان اوغلی حکومتی دخی خداوندکار غازیک سیف سطوتیه مغلوب
اولدیغندن سلطنت عثمانیه دولت معظمه هیئتله کیردی باخصوص
خداوندکار غازیک مصره کوندردیکی ایلیچی وساطتیه مصرده بولان
خليفة عباسی طرفندن تنفیذ حکومت شرعیه ایچون اجازتنامه وسالطان
روم عنوانی وارد اولفله پادشاهه سلطان مراد نامی ودولتله رینه دولت
عثمانیه ومنتیان درگاه سلطنتله رینه عثمانلی تعمیرلی زبازد انام وطوائف
ملوک ایسترایسته من وقوعبولان غزواتده موکب همایون معیتله عسکر
ارسالیه اعانه ایلمکه رام اولدی مؤخر دخی یلدریم خان حضرتلری
نیکبولی وسلانیک محاربه مشهوره لرنده نائل فوز وظفر اوله رق سلانیک
ویکیشهر واتندی اوردده قبضه اقتدار واناطولایده بولان طوائف ملوک
ممالکئی دفعه حوزه حکومتله ادخال ایتکله کشور عثمانی بی طونه دن
سبواسه قدر توسیع ایدوب استانبول و صرب و بوسنه وافلاق حکومتلری بی
ویرکو اعطاسنه اجبار ایلمشیدی بوقدر مظفریت اوزرینه ذاتنده اولان
تهور و ضرور مرتبه کماله واصل ومع مافیه بعض کونه احتشام وهوایه
میلندن ناشی امرا وطوائف عسکریه ک آبا واجدادینه اولان اعتقاد
واعتمادلری زائل اولدیغندن بشقه آوان سلطنتی تیمورک زمان استدراجده
تصادف ایلمیکندن اوتار یخه قدر حرارت مغلوبتله تلکام اولیان
حکومت عثمانیه سبلاب زده شر و شور اولدی تیمور خونریزک احوالی
تبع ایدن ارباب انصافک معاومی اولدیغنی اوزره مومی الیه ملت اسلامیه

اوزرینه جناب حق بر بلای عظیمی اولدیغنده شبهه یوقدر چونکه
مرکز امارتی کویا سمرقند ایسه ده باشنده مجتمع اولان حشرات نهیب و غارت
اموال عباد ایله اعتنا و بوسیله قوت و عظمت پیدا ایلمکی اعتیاد ایدمکه
دائما سفر برلک حالده بولور ایدی بونک ایجاب طبیعیمی اوله رق دو کدیکی
قان وایتدیکی ظلم و تخریب ایلدیکی بلدان حد و حساب کلیوب اکثریسی
دخی ممالک اسلامییه اوزرنده در آسیای وسطاده کی ملوک اسلامییه بی زیر
زیر ایتدکن صکره عراق واذر بایجان طرفلرینه هجوم ایدرک قهر
وصولندن فرار ایدن بغداد پادشاهی سلطان احمد جلایر ایله تبریز
حکمداری قره یوسف بارگاه یلدرم خانیه دخالت ایتلریله بونی سر رشته
امل ایدوب اولا بر صورت متعبرانه ده انلرک طلبنه قیام ایلدی اگر سطوت
وصواتندن یلدرم یازید خانه خوف وحشیت طاری اولوب مطاوعتکارانه
حرکت کومریش اولسه درجه ثانیه ده کندوسنه انجا ایدن طوائف
ملوکک مملکتلرینی استرداد تشبث ایده چکی میدانده ایدی هرته حال ایسه
اورالره حاجت قالمیه رق یلدرم خان مرحوم غایت شدتلی و تحقیر امیر
جوابلر ارسالیله کبر و نخوتنه طوقندیغندن کسر شوکت عثمانیه قصدیه
سوق موکب ظلم و اعتساف ایدوب لکن حقانیت و شفقتدن بشقه
کندوسندن برشی صادر اولمامش کی گاه سلطنت عثمانیه مثلاً و مجاهد
ردواتی پریشان ایلمکی تجویز ایتدیکم حالده یلدرم خان حضرتلرینک
خلاف آداب ملوک نامه سنه درج ایلدیکی شتم و طعن بنی مجبور حرب
و قتال ایلدی دیهرک و گاه ممالک موثره لرندن و دار و دیار و اولاد و عیال لرندن
مهجور اولان طوائف ملوکک نثار ایلدکاری کوز یا شلرینه دایانه مدم یولو
مقالات نشر ایلدیرک مقصد اصلیمی اولان غارت و یغما ماده قبیحه سنی
سترایتدی واقعا یلدرم خان طرفندن دفعه او درجه تهو و طعن و تشنیع
اظهارینه لزوم یوغیدی حتی بویانده و کلاسی دخی و خامت انجامی
ممکن اولدیغی مرتبه بیان ایدرک منعه سعی ایلدیلر ایسه ده کار گیر اولدی
تیمور نامه زده کوریلان تفصیلاتدن مستفاد اولدیغی اوزره معسکر تیموری
بر دریای بی پایان اولدقندن بشقه امرا و افراد عسکر به نك اطاعت و انقیاد لری
حد کالده و نظام و انتظامجه دخی او اوقته کوره تحت انضباطده اولوب
لکن جبوش عثمانیه ده امنتظم و مکمل و طوب و تفنک مثلاً و اسلحه ناریه به

مالك ايدو كندن اردوي تيمور غلبه اولنق مستبعد دكل ايكن برطاقم
اسب هزيمتك نتيجه مظهر رائي اولان لواي عثمانيك سرنگون اولسني
مستلزم اولدى شويله كه اولاطوائف ملوك بدندن نزع اولنان ممالكك
اهاليه سي قلت زمان سبيله سلطنت عثمانيه عبوديت راسخه حاصل
ايدم مدكلرندن حين محاربده تيمور معك كرنده مشاهده ايلدكلري اسكي
بكاري جانبته فرار ايلديلر ثانيا اردوي همايون معينده سكر بيك قدر
صرب عسكري بولنديغندن بولدن تشام اولنور ومثال اوله رق خداوندكار
غازيك اواخر سلطنته قرمان اوغلي ايله ترتيب ساز اولديغي صف
مصافك نتيجه سي قصوه محارب به سنك وقوعه وخداوندكار غازيك شهادته
باعث اولدى ديتلور ايدى ثالثا بو محارب به نك ظهور زيني ذاتا اركان دولت
نجويز ايدم مدكلري كي يلدريم خان حضرتلري هوا وهوسه انهماكلري
ثمره سي اوله رق عسكر ووظائفجه بعض تفريحات اجرا ايلش بولنديغندن
متفقانه وفداكارانه حرب اولنه مدي وپادشاه مرحوم بوغو غانك
سبيتي بتون بتون گندو اوزرنده ايدوكني بلديكندن حد امكانده ايكن
فراردن عار ايدرك برقاج بوز كشي ايله قانجه به قدر بالذات چاليشوب
اك نهايتده اسير اولشدر

❀ احوال اركان دولت ❀

عثمان غازيك پدرندن قالم برطاقم امرا واركان وار ايديسه ده قاعده
دولت اوزره تعيين مناصب اولنموب فقط بيوك اوغلي علاالدين پاشا
تحصيل علم وعرفانه سالك مرد كامل وكوجك اوغلي اورخان بك ارباب
حرب و قتال واديسنه مائل اولغله علاالدين پاشا پدرى ياننده آرام ايدر
واورخان بك سردارلق وظيفه سني ايفا ايلر ايدى
اورخان غازى جالس سرير امارت اولدقون صكره ابرام والخاص ايله
پاشاي مقام وزارت ااصعاد ايتكله پاشاي مشار اليه وقت وحاله
مناسب وتأييد بنیان دولتی موجب نظامات عسکرية وسائر وضع وتنظيم
وبعد كوشه ازواجی منصب دنيايه تقديم ايلديكندن مؤخر ااورخان
غازيك اوغلي سليمان پاشا فریدون بك مجموعه سنده مسطور اولان منشور
موجبه دیوان همايونده وزير وكافه امرا وجيوش عثمانيه به امير نصب

اولندی خداوندگار غازیك یتشمش شهزاده سی اولدقدن بشقه
 عز سلطنت حقوق ابوت و بنوتی سالب اولق زمانی کیش و حتی
 اوچنجی دفعه روم ایلی به تشریفآورنده بروسده قائمقام بر اغیلان
 شهزاده ساوجی بك ڪندو نامه سکه و خطبه ضرب و قرائت
 ابتدر مشیدی بناء علی ذلک اواسط سلطنت مراد خانیده قاضی عسکر بولنان
 جاندارلو قره خلیل خیرالدین پاشا نامیله وزیر نصب اولوب سکران
 یدی سنه سنده وقوع وفاته مبی مع الوزاره قاضی عسکر بولنان اوغلی علی
 پاشا پدری مقامه اعتلا ایلدی

قوم ترك یتنده بیوک اولاده پاشا دیمك عادت اولمسیله علاالدین پاشا و سلیمان
 پاشایه پاشالق اضافه سی طبیعی اولوب جاندارلو قره خلیل خیرالدین
 پاشا نامك اعطاسی اولاد مقامه قیامی تلجها اولق کر کدر روم ایلی
 قهر اولدقدن صکره لالا شاهین و مؤخر تیمور طاش پاشا روم ایلی بکر
 بکیسی نصب اولنهرق بونلره دخی پاشالق نامی ویرلش ودها صکره لری
 تیمور طاش پاشایه و بعض امرایه وزارت احسان اولمش اولمسیله علی پاشا
 وزیر اعظم عنوانیله تمیز قلمشدر

هر سنجاقدن برر میرلوا وهر قضاده برر قاضی وانقرده اناطولی بکر بکیسی
 مقیم اولوب پای تحت قاضیلری سقر وقوهنده موکب همایون ایله عزیمت
 ایده کلشیکن اوائل سلطنت مراد خانیده سالف الذکر جاندارلو قره خلیل
 بروسه قاضی ڪندن مجدد احداث اولنان قاضی عسکر لک مأمور یتنه انتخاب
 اولندی

شهزادگان اناطولی بی مخصوص اولق اوزره برر سنجاقدن میرلوالق
 مأمورینیه اجرای حکومت وامور سیاسیه کسب مهارت ایده کادکاردن
 بارگاه پادشاهیده وزیر اعظم و قاضی عسکر و طوائف عسکریه ضابطانی
 و دفتردار و بعض امرای و خدمه مخصوصه پادشاهی بوانور ایلی

❦ صورت اداره اراضی ❦

ممالك عثمانیه نك اراضیسی تیمار و خاص نامیله ایکی صنفه تقسیم اولوب
 مثلا بشیوز قریه بی شامل اولان بر سنجاغك ایکی اوچبوز کوی ایجابنه کوره
 ایکبشر اوچردن سکسان طقسان تیماره بانتفریق شبحان مسلمینه تفویض

اولمش و ماعدامی خاص اعتبار اوله رق اقتضاسی وجهله شهراد کان
 ووزرا و بکاربکی و میراوا و سایر امرایه حصه افراز اولاند قدن صکره بقیده سی
 خاص همایون نامبله خزینة دولته بر اغلشد در ذکر اولانان خاص و تیمارلر
 چفتلک دیمک اولمیب چونکه هر خاص و تیمارک حاوی اولدیغی اراضی
 شونک بونک متصرف اولدقلری ترلاردن عبارت اوله رق اصحابی زراعت
 و حراثت ایدرلر و عشر شرعیسنی و فراغ و انتقال اراضیده مهین اولان
 خرجی خاص و یا تیماره متصرف اولنله اعطایلرلر که اصطلاح قانون اوله رق
 اشبو خزینة دولته عائد حقوقه متصرف اولا خاص و تیمار اصحابنه صاحب
 ارض دینلور و بعض اراضینک اشبو صاحب ارضلق حقوقی فائزقلری
 اولان وزرا و امرایه طرف پادشاهیدن تملیک اولنقله حاصلاتنی انشاسته
 موفق اولدقلری خیرات و میراثه وقف و تخصیص ایلدکلری کی سلامین
 عظام حضرانی دخی کند و جامع و مدرسه و سایر میراثلرینه مناسب مقدار
 اراضی وقف و تسجیل ایلشلددر

اصحاب تیمار تیمارلری داخلنده ساکن اوله رق حوزه تیمارینک ضابط
 و حارسی اولنقله محافظه سنه و کندوسی دخی حصه مند منافع اوله جغی
 جهتله زراعت و حراثتک ترایدنه اعتنا و غیرت و سفر و قوعنده مکمل سلاح
 و توانا آتی و حاله کوره توابعاتی ایله تحت لواسنده پولندیغی میرلوانک
 قومانداسی التنده ایفای وظیفه حرب و قتال ایلر ایدی
 بونلرک قوانین و نظاماتی عصر سلیمان خانیده استکمال قلمش اولسبله
 ان شالله تعالی فصل ثالثه مقدار و کیتلری و دسترس اولدقلری منافعک
 درجاتی و قاعده توجیهاتلری بر تفصیل ذکر و بیان قلنه جق ایسه ده
 بوراده اساس مصلحت بروجه اجمال ایراد و اتیان قلندی

تأسیسات و ترقیات

پادشاهان عظام - حضرتنک ارباب غزا و جهاده التفات و اعتبارلری
 برکمال اولدیغندن کرک اعوان و انصار قدیمه نلک و کرک میخال بک و اورنوس بک
 کی صکره دن بارگاه عثمانی به التماس ایدن امرانک اولاد و احفادلرندن
 فن حرب و قتالده ماهر بهادرلر یتشمکده اولدیغی مثللو اصحاب فضل
 و معارف حقنده مبذول بیوریلان تلطیفات و تعظیفات نمره سبله از وقتده

مرکز دولت مجمع فضلا و معارفندان اولشدر بولردن بریسی دخی
اورخان غازینک برادری علاالدین پاشا اولوب زمان و مکانی تشکیل بنیان
دولته مساعد کوردلاردن صرف نیروی اجتهاد ایله عساکر موظفه
ترتیب و تعیین البسه و قیافت ایله طوایف عسکریه بی ارباب حرف
وزراعتدن تمیز ایلدیلر واعظم علایم استقلال اولان سکه قطعی
خصوصنه اورخان غازینی ترغیب ایدرک اوچی بر درهم سیم خالصدن
عبارت اولق اوزره افچه قطع اولندی

چونکه عثمان غازی هر قدر نامه خطبه قرائت ایتدرمش ایسه ده سکه
قطعنه موفق اوله مدیغندن تداول ایدن نقود سلاطین سلجوقیه اسامیه
مسکوک ایدی

عثمان غازی هصرنده ادوات قلعه کبری مرتبه کماله واصل اولدیغندن
روسه وازنیک مثلاً اولوقته کوره مستحکم اولان قلعه لک قح و تسخیری
ضممنده مدت مدیده محاصره دن بشقه چاره اولنامسیله مذکور قلعه لک
جوارلینه استحکامات بنا و ایچلرینه عسکر وضع اولنوب اونر اون بشر سنه
تحت محاصره ده طوتلش و بالاخره ویره ایله انیشیکن ارباب هنر و معارفک
همتیله از مدت مرورنده دهایکی منتشر اولمده اولان اسلحه ناریه تدارک
اولمشدرکه قوصوه محاربه سنده طوب و تفنگ استعمال قلندیغی بعض
تار بخارده مسطور اولدقدن بشقه اولبایده اصدار و پروسه یه ارسال اولنان
قحنامه دخی محرردر

بیان احوالری صد دنده بواندیغمن پادشاهان عظامک و وزرا و امیرالینک
روسه وازنیک و سائر محارده بنا و انشا ایلدکاری جوامع و مدارس و خان
و حمام و سائر آثارلری الیوم موجود اولغله قدرت و قوتلرینه و مدنیّت
و معارفک نه درجه یه قدر ایلرولاش اولدیغنه مقیاس صحیح اوله بیله جکندن
اولبایده اطناب مقاله حاجت کور یله من و ابذیه من کوره نک اکثریسی
غالباروم معمارلرینه یاپدیرلشدر حتی خداوندگار غازی نام سامیسنه منسوب
اولان جامع شریفی انشا ایتدیرمک تصویر یله بر معمار تحریرسنده ایکن
روم امپراطورلری طرفندن عثمانیان علیه نه اوله رق یلاق آباد ساحلنه
شوق اولنان عسکر قرین انهرام اولدقدن النان اسرا ایچنده بر معمار

بولمغله ذکر اولسان جامع شریف ایله برخیلی اینه مذکور معمار
بنا ایتدیرلش اولدیغی بعض نوار یخده مذکوردر

✽ احوال عسکریه ✽

عثمان غازی زمانده ارباب حرب و ضربدن اولان اهالی اسلامیه ایجاب
ایتدیکه عموما سفره کیده کلشیکن ممالک وسعت و اهالیده کثرت حاصل
اولدقدن جیوش منظمه و موظفه ترتیبی لازم کلدیکندن اورخان غازی جلوسنده
بونک اجراسنه تشبث اولندی مع مافیه فتح اولتان ممالک اکثر اهالیسی
عیسوی اولمغله و تکثیر نفوس اسلامیه مادهسی ایسه اکثر زیاده اعتنا
اولنه حق اموردن بولمغله بو ایکی مقصدی جامع اولان دیوشیرمه قانونی
وضع قلندی شویله که خرسیان چوجقلرندن هر سنه ممکن اولدیغی قدر
اطفال اخذ و جمع اولنوب تربیه و تعلیم شرائط اسلامیه اولدقدن صکره
رکاب همایونده قشله نشین اولق اوزره یومیه برر اقبجه وظیفه و تعینات
مقتضیه ایله پیاده عسکری ترتیب اولندیکه یکپیری دینلان عسکر بونلردر
بوقانون وضع اولدقدن ابتداکی سنه پیک نفر چوجق النوب بعده
کیتدیکه توسیع اولمش و پیک الی تار یخلرینه قدر جریان ایلشدر مؤخرا
اشو دیوشیرمه چوجقلرندن پیک چوق امر اووزرا و محمود پاشا ورستم پاشا
وصوقولی محمد پاشا کی عظما ظهوره کلش اولمغله خرسیان اهالی
چوجقلرینی کندورضا و بلکه رجاریله ویرمهک باشلاقلری نوار یخده
مستوردر

ممالک عثمانیه توسع ایتدیکه تیمار چوغاوب تیمار تکر ایلدیکه سواری
عسکری ارتقمده ایسه ده بالاده بیان اولدیغی اوزره تیمار او سپاهیسی
تیمارلی داخلمده نوطن ایله کلر یله هرگز سلطنتده یکپیری عسکری کی
وظیفه یومیه ایله موظف بر سواری عسکری ترتیبی لازم کلدیکندن
خداوند کار غازی عصرنده روم ایلی بکار بکیسی اولان تیمور طاش پاشا
همیله ابنای سپاهیان بلوکی تنظیم و ترتیب قلندی بونلردن دیوشیرمه
چوجقلرینک کزیده لرندن و محارباتده النوب سرای پادشاهیده ووزرا
خدمتلرنده تربیه اولمش اسراندنر بو حالده تیمار او سپاهیسی اورو پالورک
ژندارمه دیدکاری ابالات عسکری حکمنده و یکپیری و سپاه او جاقلری

پادشاهلرک عساکر خاصه سی مقامنده اولدیغندن مرکز سلطنتده حاضر
بولورلر ایدی که یکجیری پیاده و اینای سپاهیان سوار بدر بونلرک تفصیل
احوالاری دخی عصر سلیمان خانیه تصادف ایدن فصل ثالثده توضیح
قلنه جقدر

✱ احوال مالیه ✱

واردات دولت جزیه شرعیهدن و متجاور اولان ملوک عیسویه نك
ویرکوی مقطوعلرندن و خواص همایون اعشاریه کمرک و مملکت
حاصلاتندن واک جسیی اموال غنایم خمس شرعیسندن عبارتدر که
اشبو خمس شرعی خداوندکار غازی عصرنده قرمانی مولانا رستم القاسمیه
وضع و تأسیس قلنشددر

وارداته نسبتله مصارف پک جزئی اولوب چونکه عساکر عثمانیه نك قسم
اعظمی اولان تیمارو سوار یسی ایله وزرا و امرا وارکان دولتک اکثر یسی
کنندورینه تخصیص اولنان خاص و تیمارلرک حاصلات عشریه سیله
موظف اولدقلرندن خزینه دولتدن اعطا اولنان مصارف قیو قوی
تعبیر اولنان یکجیری ودرگاه عالی سپاهیله یومیه معینه لر یله بعض علما
وساداته تخصیص قلنان وظائف یومیهدن عبارتدر

فضله واردات جامع و مدرسه و کوپری و خان و حمام مثلاً و عماراته صرف
اولنوز ایدیکه ممالک عثمانیه نك هر طرفنده الآن آثارلری باقیدر یلدریم
بازید خان زمانه قدر پادشاهان عظام حضراتی زینات و احتشاماتدن
غایت ساده اولوب حتی عثمان غازی نك محلفاتی برقاج طاقم اسلحه ایله بش
اون آت و اوچ بش سوری قیوندن عبارت ایدوی توار یخده مسطور اولوب
بوکا ایسه عدم اقتدار معنایی ویریه من چونکه یکرمی اوتوز سنه
برسنجافلقدن زیاده مملکته بوجه استقلال متصرف اولان بر حکمدار
اگر ارزو ایتش اولسه پک چوق تجملاته دسترس اوله جخی درکاردر

خداوندکار غازی یه سور همایونده اورنوس پک طرفندن تقدیم اولنان
هدایا که یوز نفر کوله و یوز نفر جاریه الارنده التون و کش تبیلر طوژلر
و ایچلرنده اوانی زر و سیم مملو ایدی بونلری کاملاً مصر سلطانه اهدا

ابتدیی کی سلطان مشار الیه طرفندن وسائر حکمداران و امر ا جانلرندن
وارد اولان هدایای کلیه نك بریسی نفسی ایچون توقیف ایتیموب شرفا
وعلمای و غزاة موحدینه تقسیم بیورمش اولدقلری دخی بوقضیه یی مؤیددر
یلدیرم بایزید خانك وزیر اعظمی بولنان علی پاشا که یقین وقتہ قدر جاری
اولان دارات وزارتک مخترعیدر مزین وملبس ایچ اوغلانلری و حرم
اغلاری قولالائق و اوانی زر و سیم استعمال ایلک یوللرینی اجدیقندن
وقاعدہ دخی دولتک ترفه و تنعم زمانی حلول ایلش ایدمکنندن یلدیرم
خان حضرتلری التون دوکهلو والتون تلار ایلہ نسج اولمش البسلر کیمکه
وزر و سیمدن مصنوع اوانی استعمال ایلککه باشلیوب سائر احتشامات
وتزیینات دخی بومقیاس اوزره جریان ایلدیکنندن اواخر ایام سلطنتنده
وظائف عسکریه یی تقلیلہ مجبور اولدی برکت و یرسون مصارف کلیه
دوات اولوق لازم کلان معاش وزرا و امر اوامورین و عساکر عثمانیه نك
قسم اعظمی اولان تیمارلو سپاهی نك معاشلری خاص و تیمار صورته
حاصلات عشریه دن محول بواندیغندن خزینہ دولتک مضایقه سی تمامیلہ
میدانه چیقمیدی

حکام شرعیہ خزینہ دولتن وظیفہ یومیہ ایلہ موظف ایکن عصر
یلدیرم خانیده بعض مکارهه جرأتلرندن ناشی تأدیب و تربیه لرینہ تشبث
اولندقدہ صدر اعظم علی پاشا بونلرک وظیفہ معینه لری پک جزئی اولدیغنی
ومتأخرین اخذ اجرت خصوصنده قلزن افتا اولدقلرینی بیان ایلہ ترکه
و حجت کی موثیق شرعیه به رسم معین وضع و تخصیص ایتدرمشدر

✽ احوال خارجیہ ✽

دوات سلجوقیه نك انقراضی ایلہ مکننت و مملکتلری طوائف ملوک
منقسم اولدیغنی مثللو استانبول ایمپراطورلغ نك کمال ضعف و فتوری سیبیلہ
انك توابعاتی دخی طوائف ملوک هیئتہ کبردیکنندن عثمان غازی نك
جوانب اربعه سنده ذی قدرت و بطش شدید صاحبی حکومت قالمافله
غازی مشار الیه ایلہ اورخان غازی زمانندہ اناطولی قطعہ سنده
ممالک عیسویه قولایاغله تسخیر اولندقدن صکره سلیمان پاشا روم ایللی
بقه سنده مرور ایلدکده شمسی به قدر اهمیت و یرمدکاری دولت عثمانیه
روم ایلندہ بولنان حکمداران ملت مسیحیه به موجب دهشت اولدوق بالاتفاق

قوه عظیمه ایله مدافعهیه قیام ایلدیلر ایسده ادرنه باغخنده وقوصوه
مخاربه شنده هزیمت کاملهیه گرفتار اولدیلرله رایات عثمانیه طونه ساحلارینه
وصربستان حدودینه واتنه طرفلرینه قدر واصل اولدیغندن بالضروره
افلاق و بوسنه وصربستان حکمدارلی واستانبول ایمراطورلی و برکو
اعطاسنه راضی اولدقلرندن بشقه ایجاب ایتدیکه عسکرلرله خدمت
دواتده بولمغه دخی مجبور اولدیلر

اناطولیده بولنان طوائف ملوک ممالکندن اولاقره سی بعده انقره واماسیه
وسیواس طرفلری حوزه حکومتده ادخال اولمسیله وطوائف ملوکات
قوتلوسی بولنان قرمان اوغلی حرکات تجاوز کارانه سنه بناء خداوندکار
غازینک گرفتار قهر قهرمانیدی اولغله طوائف ملوکات جله سی سرفرو
پرده انقیاد اولشار ایدی لکن یلدرم خان حضرتلری غایت متهور
ومغرور اولدیغندن مناسبت وقوعنه وتائی واحتیاط طرفلرینه اصلا نگاه
التفات ایتمه رک آیدین ومنتشا وحید ایل و قونیه و کرمان واسقندیار
حکمدارلرینی برجله ده قاجیروب ذکر اولنان مملکتلره طرفندن والیر نصب
وتعیین ایتدیکه بو کیفیت نیور وقعه سنه سبب اولدی

اورخان غازی و خداوندکار غازی و یلدرم خان حضرتلری روم ایمراطورلرندن
قیزالدقلری کبی کرمان و قرمان اوغلار یله و سائر طوائف ملوک ایله
قیزالب و بره رک شهریت حاصل ایتشار ایسده ده بو صورت دولت علیه نک
مستعد اولدیغی توسیع ممالکه حائل اولدقلندن بشقه بلکه اساسی شهریت
توسیع ممالکی مستلزم اولق مقصدینه مبنی ایدی چونکه خداوندکار
غازی اوغلی یلدرم خان حضرتلرینه کرمان اوغلانک قیزبنی ابو پردکده
جهاز اوله رق کوتاهیه سنجاغنک برقاچ قضای حکومت عثمانیه تسلیم
اولندیغی حالده بالعکس کریملری نفیسه سلطان قرمان اوغلی
علی بکه تزویج ایلدکده فریدون بک منشآتده مسطور اولان خطبه
نکاح مزایاسندن استدلال اولندیغی اوزره مملکت قرماندن افسرای
واقشهر و یاغین قصبه لری سلطان مشار الیهابه تملیک ایتدیرلشدن
وقوعات سائریه دخی مطف نظر اولمقدده بوقضیه ثابت اولور چونکه یلدرم
بایزید خاکن کرمان اوغلی قان پدری و قرمان اوغلی انشته سی ایکن

نطم کشور کشاییده شاهان مصاهرت رهین پیادگان اجانبین اصلافرق
و غیر قلمنامشدر

سلاطین عثمانیه حضراتی اروپا قطعه سنده نائل فتوحات اولدغه ملوک
اسلامیه بدنده فضائل غزا وجهاد ایله کسب شرف و افتخار ایده
کلدکارندن اولباده سلاطین مصریه ایله ملوک سائریه یازیلان قلمنامه
وکلان تبریکنامه لر فریدون بک منشأئنده مسطور اولغله معاملات
خارجیه لرینک بعض جهتلری دخی اندن مستبان اولور

✽ باب ثانی ✽

(یلدرم یازید خان حضرتلرینک وفاتندن سلطان یازید خان ثانی)
(فراغ مشغله سلطنت ایلدکلرینه قدر تقریباً یوزاون اوج سنه لک)
(وقوماتی متضمندر)

یلدرم خان حضرتلرینک امیر سلیمان و عیسی چایی و محمد چایی و موسی
چایی و مصطفی چایی و قاسم چایی نامنده الی نفر اوغلی اولوب قاسم چایی
صبی اولغله بروسده حرم همایون یاننده ترک اولنه رق ماعداسی معرکه
گاهده حاضر ایدی انهزام امارتلی نمایان اولدقده وزیر اعظم علی پاشا
و یکجیری اغایی حسن آغا و بعض امرا بیوک شهزاده امیر سلیمانی
بالاستحاب بروسه یه شتاب و دسترس اولدقلری اموال خزینه ایله حرم
همایونی و قاسم چایی بی الهرق زوم ایله بکچمک ایچون ساحل سلامت
مواصلت ایلدیلر ایسه ده دریادن مرور اولتی خصوصتده ایمپراطورک
اعانه سنه محتاج اولدقلرندن قرتال و بندق و کیکبوزه قضالری بی ایمپراطوره
تسایم و شهزاده قاسم چایی بی دخی ترهین ایدرک سالما ادرنه یه واصل
اولدیلر

عبسی چایی مقدا والی بولاندیغی بالیکسری طرفلرینه صاوشوب نیورک
عودتنه قدر اخفا ایلدی محمد چایی که چایی سلطان محمدخان حضرتلریدر
لالاری یازید پاشا و بعض امرا و دأرهمی خلای اولان بدی سکر بوز قدر
سواری ایله ایلتکاه قدیمی اولان اما سیه یه عزیمت ایلدی موسی چایی

یدرلر بله برابر اسیر و مصطفی چایی غائب اولدی
نیور غدار مسکر همتانینک پریشانیسی عقیبنده بروسه و کوتاهییه و سائر
بلاد و امصاره طاقم غارتگران تانار تسلیطیه بروسده بوله ییلدکلری

خزینہ ہمایونی و کوتاہیہ ده مدخر اولان تیمور طاش پاشاک خزان
و فیروسی ضبط ایلدکن صکره عادت مستمرسی اوزره هرملکت
اهالیسندن مال امان تحصیلہ غارت و خسارتی مرتبہ کالہ ایصال ایلدی

قرمان اوغلی علاالدین بکک ازالہ سندبرو بروشدہ محبوس بولان مخدومی
محمد بکی کتوردوب قرمان حکومتہ اصعاد و کرمان اوغلی یعقوب بکی
کوتاہیہ و صاروخان اوغلی خضرشاه بکی مغنیا و آیدین اوغلی جنید بکی
واسفندیار اوغلی حکومتکاه قدیملرینہ ایصال ایدرک ظاهرده برحروت
و حقانیت ابراز ایدوب معانا ناطولی قطعہ سندہ تکرار بین الاسلام مقاتلات
عظیمه و قوعی اسبابی تہیہ ایتدی لازمه مرحت و حیت اشخاص
معدودہ نک ترفہ و تنعمی استحصاله منحصر اولیوب بلکه اسلام یلینده
فته و فساد ظهورینی انتاج ایدہ ببلہ جک حالانک رفع وازالہ سیلہ ہیئت
عجمیہ نک اسایش و اقداری و توسیع ممالک و تزید نفوس موحیدینہ کسب
اقداری قضیہ سی ایکن مظهریتی ایجابنجه بورارہ عطف نظر ایتیوب
سکسان یوز سنہ قدر زمان دها بین الاسلام سفک دماء مؤمنینہ باعث
وبادی اولدی

تیمورک آسیا قطعہ سندہ سیر و حرکتی بک چوق ایشفدہ دکن کچمک عادی
اولدیفندن روم ایللی طرفلرینہ تسلط ایدہ میوب حتی روم ایمپراطورلری
جانبدن ارسال اولنان استخوان پارہ ہدایا ایلہ قناعت ایلدی لکن
اناطولایچہ مقتدر اولدیغی مظالمی اجراندہ قصور ایتدکن بشقہ چلبی
سلطان محمدک اماسیہ طرفلرنده تدمیر اشقیا حقندہ سرزده ظهور اولان
موفقیتلرینی استماع ایتدکده اتی دخی امحا ایلکہ تشبث ایلدی شریلہ کہ
عقیب محاربہ ده برطاق تاتار سرکرده لری ممالک عثمانیہ نک نہب و غارتہ
قویولدقلری مثلاً و بالطبع خصمای عثمانیاندن اولان طوائف ملوک توابعاتی
و باخصوص اسفندیار اوغلنک متعلقاتی یلدریم خان شہزادہ لرینک
فرصتیاب اقتدار اولہ ییلرینی منع ایچون بشر اونریک حشرات ایلہ
توقاد و اماسیہ طرفلرنده طولاشدقلرینہ مبنی چلبی سلطان محمد خان
حضرتلری بالضرورہ بونلرک دفع وازالہ سنہ مجبور اولشیدی کندوسنک
فیوسی خلقی و تحت حکومتدہ بولنان اماسیہ عسکری ایکی اوج بیک

کشیدن عبارت ایکن توفیقات الهیه مقارنتیه او مثلاًو جمعیت عظیمه
صاحبی اولان اشقیا و خونه بی واحد بعد واحد تنکیل و تدمیر ایلمکله
باباسنه خیر الخلف اوله بیله جکی تبین ایلدیکندن تیمور مغرور کندوسته
داماد ایدنک وعدیه دعوتنامه تحریر واسطار و یلدرم خان جضرتلرینی
دخی اجابتی آمر مکتوب از بارینه اجبار ایلدی

شهرزاده مشار الیهک امرا وارکانی تیمورک نقوله غدار و ستمکار اولدیغنی
بیان ایله اجابتی تجویز ایله مامشیر ایکن بر مقتضای سن شباب فریفته
ختم مکار اولملر یله برایکیبک سواری ایله سوق سمند شجاعت ایدوب
ایکن چند مر حله کیدر کتمز یوانی یکلمکده اولان ایکی طاقم خونه به
دوچار اولدیغندن حلات رستماسیله جله سنی تاز مار ایتش ايسده
بونلرک ظهوری مطالعات امرا وارکانی مؤید کورنکله مقر امارتنه عودت
واعذار نامه ایله خواجه سی صوفی بازیدی معسکر تیموره ارساله مسارعت
ایلدی

بو آوانده ايسه یلدرم خان وفات ایتکله تیمور تعزیتنامه و بعض هدایا ایله
خواجه مومی الیهی سلطان محمد طرفته اعاده وادرنده مربع نشین
امارت اولان بیوک شهرزاده امیر سلیمان دخی هدایا و تسلیتنامه فرستاده
ایلدی

تیمور تیره ده مشت نشین ایکن جنویرلرک از میر لیمانده انشا ایتدکاری قلعه بی
ملوک اسلامیه تسخیر قدرتیاب اوله مدقلرینی استخبار ایتدکده هم قدرتی
خلقه کوسترمک و همده فرنکرک مدخر اولان مال و منالارینی بغما ایلک
ایچون اول بهارده از میره هجوم ایدوب حله اولاده قلع ایلدکدن صکره
مقر حکومتی اولان سمرقنده عودتی تصمیم وقره تاتار دینلان قومی
بالاستحاب ضرب کوس رحلت ایلدی

ذکر اولنان قره تاتار طائفه سی جنکیریلر جانبدن سلاجقه به نظارت ایتک
اوزره رومه اعزام اولنان اقوامدن اولوب میور زمان ایله قبصریه
وسبواس طرفلرنده خیمه نشین اوله رق توطن ایتشیر ایلدی یلدرم خان
مرحوم سبواسی حوزه حکومتیه ارخال ایلدکده بونلری نکالیف دیوانیه دن
معاف ایدوب بالکز سفرلر وقوعنده خدمات حریده استخدام قلمقده
اولدقلرندن کوندن کونه تکثر ایدرک قرق الی بیک نفوسه بالغ اولش

و تیمور لك میز بوم رومه توجه ایند كده بولنك رؤسائی سلطنت رومی
وهد ایله خفیا جلب ایلدیکنه مینی درجك اول طائفه مرقومه تیمور
عسکرینه التحاقی ایلمش ایدی ایش بتد کدن صکره تیمور هر نه مطالعه به
مینی ایسه بولنری برابر کوتورمکی تنسیب ایدوب لکن رضایله
کتمه جکاری معلوم اولدیغندن هسا کر کلیه ایله جوانب از بعدلرینی احاطه
ایدرك الوب کتمشدر که تیمورك رومه اولان افعالك الك خیرلوسی بودر

هر نقدر خارج صد دایسه ده از میر شهری منقطه رأس عاجزانهم اولدیغندن
بویاده بعض معلومات درجی تصویب قیلنوب فقط شهر مذکور عمر انام
اولی حسیله حال حاضرینی توصیفه حاجت اولدیغندن بالکز احوال
قدیمه سیه سبب معمرینی ایراد قلنور شویله که از میر ایمانی اناطوایك
من سالی مواردی اولدیغندن بشقه غایت منفعتلو طوزلهاری بولمغله
مختصرجه بر شهری ولیمانه ناظر جبل اوستنده قیدفا نامنده برملکه به منسوب
قلعه بی حاوی اولوب بوقلعه آیدین اوغلارینك زیر حکمنده ایدی سیاح
مشهور این بطوطه نك یازیشنه کوره والی مملکت بولنان ایدین بك زاده
محمد بك اوغلی خضر بك کبیر نجیبزیه دأما اطهری وروم مملکتلرینی
اوروب اموال واسرا اخذ ایده کلدیکندن مومی الیهدن پایابه شکایت
وقوعبولوب پایادخی بین المال متداول اولان قوه بحریه نویی بد اقتدارلرنده
بولنان جنوبزلوره امر ایتمکله برکجه بفته سفن کثیره ایله شهری
پاصدقلرنده مومی الیه خضر بك قلعه دن اینوب مدافعه به چالشمش
ایسه ده مقدر اوله میوب کندوسی دخی شهید اولدی بوجهتله جنوبزلور
شهری ضبط ایدوب لکن نه انار قلعه به ونه ده قلعه ده بولنانلر شهره
ظفر یاب اوله مد یلربناه علیه جنوبزلور ساحل لیمانده برقلعه انشا ایدرك
لیمانك وطوزله نك منافعه دسترس اولدقلری حالدیه مذکور قلعه بی بروجه
بالا تیمور فتح و تسخیر و اساسندن تخریب ایلدی بوقلعه نك اوج طرفی
دکتر و طرف رابی قره اولوب تیمورك دکر طرفلرینی املا ابتدیره رك تسخیر
ایلدیکی نوار یخده مشطوز ایسه ده موقعی معلوم دکلدر بوندن صکره
از میر شهری آیدین اوغلی سلاله سندن اولوب از میر اوغلی دینلان جنبه بكك
نحت حکومتنه داخل اولمغله لیمانه ناظر اولان سالف الذکر قیدفا قلعه سیه که

یقین وقتہ قدر تربعا اون اون ایکی آرشون جسامتندہ مرمر اوزرینہ
حک اولنش ملکہ من بورہنک و یاخود الہد سنک رسمی مدفن اولسی
محمل اولان طاشدن اویمہ برصندق اوزرنده وقلعہ قپوسی خارجندہ دیوار
قلعہ بہ کوملی اولدیغی حالہ موجود و مشہود ایلدی

جنید بک ایمانک محارسه سندن اول صوات عثمانیہ دن وجودینک محافظہ سنہ
محتاج اولدیغندن اشبو قلعہ بی تعمیر و تحکیم ایلدی عصر مراد خان
ثانیہ اناطولی بکار بکیسی یخشی بک جنید بک دفع وازالہ سنہ مأمور
اولغہ پک زیادہ زحمت و مدت مدیدہ محاصرہ ایلہ ظفر یاب اولہ بیلدی
مذکور قلعہ ہر نقدر ایمانہ ناظر ایسہدہ اسکی طو پلرک مترانہ کورہ ایمانک
محارسه سنہ کافی اولدیغنے و تحصن ضمتندہ دخی دولت علیہ جہ لزومی
بولمادیغنے بناء اعتباردن اسقاط اولنوب لب دریادہ واقع و حصار جامع
دیکلہ مشہور اولان جامع شریفک پیشکاھندہ تقریباً اون اون ایکیمیک
زراع مربع جسامتندہ برقلعہ بنا وانکلہ سفاین دشمن تسلطی رفع اولمشیدی

بیک سکسان برتار یخندہ کو پر بلی اوغلی فاضل احمد پاشا گریذ ققندن
عودتندہ از مبرہ اوغرایوب اھالینک نیاز و استرحاملری اوزرینہ ایکی ساهت
مسافہ دن جسیم کرل و کارگیر بولار انشاسیلہ آدم بلندن قالین برصو
اجرا ایتدکن بشقہ یونمہ طاشدن بیوک برخان و برچارشو و بر چقته
جام و برجامع شریف انشا ایتدیردیکی کبی بنا امینی اولان وکیل خرجی
عثمان اغا دخی مشارالیهک اجراسنہ موفق اولدیغی صو جسامتندہ برصو
کتورمش و مؤخرادخی مرز بقونی قرہ مصطفی پاشا کوچک وزیر خانی
نامیلہ دیگر برخان ویشل دیرکلی اسمنده چقته برجام ودها صکرہلری
دارالسماعہ اغاسی بشیر اغا جسیم خان وچارشور انشا ایتدرہ شد

از مبر شہرینہ سکز میل بعدی اولان ولیمانک قپوسی حکمندہ بولنان
سنجاق برونی نام محلہ کرید سفرلری سبیلہ عصر محمد خان را بعدہ برقلعہ
انشا وعظیم طوپلر وضع اولمشدرکہ بوقلعہ یکی قلعہ نامیلہ الان
موجوددر مرور زمان سبیلہ وھن طاری اولدیغندن بیک ایکوز قرق
درت سنہ سنہ از مبر اعیانی بولنان بدرم منصورنی زادہ امین افندی مرحوم

بافرمان همایون تعمیرینه مأمور اولغله ماسلکنی صرف ایله قلعه یی تعمیر
وخارجنه طایه لر و برد کردن بردکزه خندق انشا ایتشدر غریبدر که
صدر مشار الیه قنده محاصره سنده اصاغه ایتدیروب استعمال ایلدکن
صکره کتوروب مذکور قلعه یه وضع ایلدیکی ایکی قطعه طونج طوبکه
ایچنه آدم کیره بیلور و بریسک اغزنده ایکی دانه کله یارسی اولغله
صاغلامنه غازی بوکا شهید دینلور بروجه مشروح خارج قلعه یه طایه لر
انشا اولدقده بوطوبلری چیقارمخی تصمیم ایلدکاری حالدده مقتدر
اولنه مامشدر کریدنه اعمال اولندرق کتورلکه قلعه دن طایه یه
چیقار یله ماق بیننده اولان اقتدارک فرقی معلوم اولق اوزره اطناب
مقال قلندی

اشبویکی قلعه نک بناسیله از میر شهری پیشگاهنده اولان سالف الذکر ایمان
قلعه سنک اهمیتی زائل اولدیغندن اطرافنه چارشو و خانلر بنا اولمشیدی
بیک ایکوز سکسان الی سنه سی متعلق بیور بلان مساعده سنیه موجبنجه
درون قلعه ده بولنان یکرمی بش اوتوز قدر خانه اشترا و قلعه هدم اولندرق
ارامل وایتام ایچون انشاسی تصور اولنان اصلاحخانه یه ایراد اولق اوزره
یرینه چارشو یا یلمسنه تثبث اولندی اسباب مشروح ایله شهر کوندن کونه
کسب جسامت و جمعیت ایدوب حتی وقتیه فنای بلده ده بولنان هنر ارقلر
شمی وسط شهرده قالشدر ینه صده رجوع ایدلم

تیمورک عودتی اوازه سی منتشر اولدقده برقاج یوز بیک غارتکک کذر کاهی
نه حاله کیره چکی محتاج بیان اولسامغله قریبتی اولان محلار اهالیسی
طاغلر باشلرینه چکدکاری مثلاًو چلبی سلطان محمد دخی اما سیه یی ترک ایله
بولی طاغلرینه صعود ایدوب مترقب انجام کار اولدی

تیمور شومک جهنم اولوب کتدیکی تحقیق ایتدکده یاننده بولنان برقاج بیک
هسکر ایله اینوب بروسه یه توجه ایتش ایتسه ده اولجه عیسی چلبی کنج
اختفادن ظهور ایدرک متوسد و سادده حکومت اولش بولندیغندن ایکی
برادر داعیه تاج و تخت ایله محاربه به ابتدار و حلات عسکر محمدی صف
سپاه عیسوی بی تار مار ایتکه سکن یوز الی سنه سنده چلبی سلطان محمد
بروسه یه داخل و دیهیم اجدادینه واصل اولدی
کرمیان زاده نک مودوع بدامانی اولان جنازه یلدرم خانی و شهرزاده

موسی چلبی جلب اولنه رق جنازه مشار الیهی تربه مخصوصه سنه دفن
ایتدیروب برادرلرینی صنوف نوازشه قرین بیوردیلر ادرنده حکمران
اولان امیر سلیمان برادری چلبی سلطان محمدی ازاله ایتک قصدیه اناطولی به
چکمکی تصیم ایلدیکی حالدده وزیر اعظم علی پاشا عیسی چلبی بی تسلط
ایلمکی دهها مناسب کوردیکندن موجب عیسی چلبی امیر سلیمان جانبندن
اقدار اولنه رق تکرار محاربه به تصدی ایتدی ایتده ینه منهزم اولدیغی
مثلاو منتشا و صاروخان و از میر اوغلارینک معاونتیه متجاسر اولدیغی
هجومنده دخی پریشان اولغله مؤخر اسکی شهرده مخفی ایکن دیار عدده
ایصال قلندی

پادشاه مؤید سلطان محمد آیدین طرفنه نهضت ایدوب ایانلوغده
وقوعبولان محاربه ده از میر و صاروخان و منتشا اوغلارینی پریشان ایلمکله
آیدین و مغنیا سنجاقلرینی تسخیر و صاروخان اوغلی خضر شاه بکی قتل
ایدوب از میر اوغلی جنید بکک ایتدارینی قبول ایله یالکن از میر قلمه سنی
یدنده ایقا ایدرک بروسدیه عودت بیوردیلر
خضر شاه بکک قتلی خصوصنده عیسم باشی تاریخ مشهورنده وقعه تیموریده
عقوی ناقابل جرمه تصدیسی موجب قتلی اولدی دیمش ایتده عقوله
جنایت اولدیغی تصریح اولنماشدر اگر طرف خلافتده بولمق و یا خود
عیسی چلبی به اعانه ایلمک تهمتی اولسه طوائف ملوکک جله سندن صادر
اولش بر حال اولغله امثالی مثلاو مظهر عفو اولق لازم کلور ایدی لیکن بو خضر
شاه عیاش و سفیه بر حریف اولغله وقعه تیموریده ناموس خاندان سلطنتی
محل بروضع ناهموارده بولنش اولق کرکدر که سائرلری حقنده اولان عفو
جیل محمد خانیدن محروم اولمشدر

استقلال محمد خانی امیر سلیمانی بی ارام ایتکله عساکر کلیه ایله اناطولی به
چکوب سلطان محمد اوزرینه هجوم ایلدکده کیفیت بین الاعیان تذکر
اولنوب امیر مشار الیه هر نقدر عیش و عشرته مبتلا واستحقاق خلعت
سلطنتدن معرا ایتده شهرادکانک اکبری وروم ایلی امراسی غوما
فرمانبری اولغله احوالی لایقیه میدانه چیقجه قدر اختیار تانی و مقابله دن
تبری اولنمی قرار کیر اولدیغندن چلبی سلطان محمد اما سیدیه رحلت و امیر
سلیمان تعقیب کنان انقریه مواصلت و بعده بروسدیه عودت ایلدی

عادت جاریه سی اوزره هر کون جاملرده زوق و صفا ایله مشغول اولدیغی
چای سلطان محمد مسموعی اولدقده سپاه اراسته ایله بغته بروسه به مهاجه
نمای سطوت اولدیه دخی کثرت باران سیبیه بعض نهرلری کچمک ممکن
اولمغله برقاج کون محاربه دن صکره اما سیه به مراجعت بیوردیلر

امیر سلیمانک عیسی چای بی سلطان محمد تسلیط ایلدیکنک نظیره سی
اوله رق بوکره کوجک شهرزاده موسی چای سلطان محمد جانیندن بالاقدار
سینو بدن روم ایلی طرفنه امرار اولمغله امیر سلیمان اناطولی بی ترکه مجبور
اوله رق روم ایلی به عودت و امیر سلیمانک احوال سر مستیسندن بیرار اولان
روم ایلی امراسی موسی چای به اتباع ایتشلر ایکن امیر مشار الیهک
ورودنده ینه انک طرفنه میل کوسترملر یله موسی چای شواهی جباله
اختیار فرار ایلدی

بو آوانده که سکز یوز اون اوچ سنه سیدر وزیر اعظم اولان علی پاشا
وفات ایدوب امیر سلیمانک انتظام احوالی کلیا مختل اولمغله بر مقدار
عسکر ایله موسی چای بغته ادرنه به هجوم ایلدکده امیر مشار الیه
برجامده مست و مدهوش بواندیغندن افاده کیفیت ایچون حضور ینه
کیرنلره غضب ایدوب حتی بونلردن یکچیری اغاسی حسن افانک صقالی
دالاک اوسستره سیله تراش ایتدرمکله بوحال جله نک روگردان اولسنه
بادی و بالاخره استانبوله طوغری فرار ایتشیکن اثنای راهده طوتلفله
حازم ملک جاودانی اولمشدر

موسی چلینک روم ایلی به حین اعزامنده نائل امل اولور ایسه خطبه و سکه
نام محمد خانی ایله مزین اولسی مشروط ایکن واصل مسند حکمرانی
اولدقده دعوی استقلاله تصدی ایلدیکنه و هر نصل اولسه برملدکده ایکی
حکمدارک اجتماعی قابل اولماق قاعده صحیحه سنه بناء سلطان محمد خان
حضرتلری عسا کر کلیه ایله روم ایله یکهوب وقوعبولان مقاتله ده نائل
ظفر اولمشیکن جیوش پادشاهینک تعقیب فراریان ایچون مرکز نلندن
آریله رک سلطان محمدک جمع اندک شمار ایله قالدیغی موسی چلینک منظوری
اولیحق رکابنده بولنان قیوقولی عسکر یله هجوم ایلدیکندن بالضروره
سلطان محمد خان حضرتلری رجعت و بروسه به عودت بیوردیلر

موسی چلبی تند مشرب و سوء ظنی غالب بر ذات اولاد یغندن اکثر امرای
قدیمه بی عزل و تنکیل ایلدیکه مثلاً سرفراز امرا اولان اورتوس بکی
دخی معاملات غیر لایقه ایله تحقیر و ازعاج و اسافل ناسدن کورشاه ملک
نامنده بر یسنی وزیر ایلدینه رک قلوب انامی کندوسندن تنقیر ایلدیکنه مبنی
صدر اعظم متوفی علی پاشا نیک اوغلی ابراهیم پاشایی سفارت و ویرکو طایله
استانبوله کوندردیکی حالد پاشای مشار الیه ادرنه به عودت انیموب سلطان
محمد درگاهنه واصل و ابرتسی سنه که سکز یوز اون الی تار یخیدر سلطان
محمد خان حضرتلری تکرار روم ایللی جانبده گذار ایتد کده روم ایللی
امراسنک اکثری موکب همایونه داخل اولغله موسی چلبی مقابله دن
اجتناب ایله نیش طرفلرینه طوغری حرکت و سلطان محمد دخی تعقیب
کنان اولحوالی به مواصلت ایلدیکندن بالمجبوزیه مقاتلات شدید و وقوعه
جهت موسویه پریشان و کندوسی دخی طوتیابو ابصال محله خاموشان
قلندی

استقلال سلطان
محمد خان اول المشهور
چلبی

تیمور وقوعه سندن موسی چلبی شهادتیه قدر مرور ایدن اون ابکی اون
اوچ سنه قدر زمان ایچنده ممالک عثمانیه ده انواع حروب و مقاتلات
وقوع بوله رق نهایت استقلال محمد خانی حصوله سفینه دوات مر سالی
سلامته واصل و امواج فتن اولد قچه زائل اولدی
قرمان اوغلی محمد بک سلطان محمد خان حضرتلرینک موسی چلبی ایلله
اولان مشغولیتنی فرصت اتخاذ ایدرک بر آیدن زیاده بروسه بی محاصره به
جرات و نهب و غارت مثلاً حرکات باغبانه به جسارت ایتد کدن بشقه
بعض روم مؤرخلرینک روایتنه کوره یلدرم خان مر حومک تر به سنی
تخریب و انواع حقارت اجرا ایتد کده ابکن موسی چلبینک جنازه سی
ظهور ایلد کده چلبی سلطان محمد خان حضرتلرینک موفقیتنی اذعان
ایدرک خوف مجازات ایلله فراره استیصال ایلدی
متعاقبا سلطان محمد دخی اناطولی به عودت و قرمان اوغلی اوزرینه تحریک
لوای سطوت ایدوب افشهر و بیکشهری و سیدی شهری و سار سعید ایللی
تعبیر اولنان ممالک که عصر مراد خانیده ثمن معلوم ایلله اشترا قلمشیکن
وقعه تیموریده قرمان اوغلی الله یکمشیدی تکرار ممالک عثمانیه به الحاق

فلند قدن صكره قونيه دخی محاصره اولنديغی حالدہ بعض غوائل ظهور يله
ترك بيورادی

ايرتسی سنه ينه فرمانيان تادیبی نیتيله انقره صحراسی مرکز اردوی همايون
اولدقدہ مزاج پادشاهی متغیر اولسنه مبنی اختیار سکون اولنقدہ ايکن
اناطولی بکار بکبسی بايزيد پاشا قرمان اوغلنه پادشاه انامک نامزاجلفنی
اخبار واطائف الحیل ايله امیده دوشيرك اغفال ايلسی اوزرينه بغنه
اردوسنی باصوب قرمان اوغلی محمد بك ايله براوغلی در دست ايدرك
حضور همايونہ ایصال ایلدی

بر موجب مکارم اخلاق فیما بعد دوات عثمانیه به خصوصت اتمامک اوزره
قرمان اوغلنه عین ایتدیرادکن صكره اطلاق وبایزید پاشانک ایالتہ
منصب وزارت الحاق بیورادی لکن قرمان اوغلی مملکتی جانیته
کیدر ايکن بزم عثمان اوغلار يله اولان مخاصمه من من المهد الى المهد
ديهرك چراگاهده بولان خيول پادشاهی بی غصب ایتش و بزجاج سنه
صكره انطاکیه بی محاصره ایتدکده طوب کله سيله اوريلوب وپاره پاره
اولوب عین شکنک چراسنی کورمشدر

مشاهیر فضلادن شیخ بدرالدین موسی چلبی عصرندہ قاضی عسکرلک ايله
مبجل اولوب استقلال محمد خانی ظهورندہ وظیفه تقاعد ايله ازبقدہ
اسکان اولمشیدی قاضی عسکرلکی زمانده کنخداسی بولان بورکلوجه
مصطفی بو ارالق قره بیرون طرفلندہ خلقی شیخ مشار اليه اتباعه دعوت
ايدرك برطاق حشرات جمع ایلدیکی مسموع اولدقدہ شیخ موسی ايله
خوفه تبعیتله سینوبدن افلاق طرفنه کذار واندن سلسرهبه کچوب دلی
اورمان ایچنده تحصن وقرار ایلدی اناطولی بکار بکبسی بايزيد پاشا
بورکلوجه مصطفی جمعیتی تفريق وکندوسنک جامه خیساتنی تمزيق
ایلدیکی مثلاًو شیخ مشار اليه دخی طوتیابو سپروزده معسکر همايونہ واصل
اولدقدہ خروج علی السلطان تهمت وسعدالدین تفتازانی تلامیذندن
حیدر هروی فتواسيله اول علامه فضائل مدار سپروز بازارنده بردار
فلندی

طوسیه وکنقری وقاعدجک ممالک عثمانیه مضافاتندن ايکن تیمورلنک
تقسیماتنده اسفندیار اوغلی ایالتہ الحاق قلنشیدی سلطان محمد خان

حضرتلی ملک موروثلی طلبه قیام ایدوب ابن اسقندیارده ایسه مخالفت
اقتدار اولماقله ذکر اولنان شهرلی جانب دولته تسلیم ایلدی
افلاق حاکمک ممالک عثمانیه به تعرضاتی اولجانبه حرکت همایون وقوعی
استلزام اینکله کشور افلاق یازده خیول یغما وایساقچی ویرکوی
قاعه لری تعمیر وانشا اولندقدن و اوچ سنه لک ویرکو استحصال قلندقدن
صکره اناتولی به عودت بیورادی

تیمورک رومه هجومه باعث اولنلردن قره یوسف برمدت مصرده محبوس
اولدقدن صکره تیمورک وفاتیه حیات تازه تحصیل و برتقریب ایله حکومت
تبریزی تسخیر ایتشیدی جانیک وقره حصار شرقیده اجرای حکومت ایدن
وساطنت عثمانیه به منتسب کچنان بهایای امرای سلجوقیه احقادی بی طرد ایله
کندو منسوباتی اقامه ایلدیکی اولجانبه موجب حرکت همایون اولوب معاونت
پادشاهی ایله مواقع مزبوره ینه امرای می قومه یدلنده تقریر وصامسون
قلعه سی تسخیر اولنلرق معاودت بیورادی

موکب همایون اسکلیبه واصل اولدقدن اوچ بشیک چادری حاوی
برعشیرت منظور پادشاهی اولوب لدی التحقیق تاتار سرکرده لرندن منت
بکک توابعاتی اولدیخی تبین ایلدکده ارکان دولتی مواخذ و تیمور عودتندن
صکره کشور روم تاتار شومدن خالیدر دینلور ایدی بونلندر وکندو
حالی رینه براخیلور ایسه قره تاتار جمعیترینه نظیره اولزمی بیوروب هیئت
مجموعه لرله فلبه جوارنده اسکانلرینی امری و فرمان ایلدیلرکه حالا بونلرک
مسکنلرینه تاتار بازاری دینلور

بروسده بناسنه صرف همت بیورلقدن اولان جامع و مدرسه و سایر مبراته
وقف ترتیبی لازم کیکله عصر اورخان غازیده فتح اولمشیکن امیر سلیمانک
ایمپراطوره تسلیم ایلدیکی هرکه و کیکوزه و پندک و قرتال ازسر نو تسخیر
و بعضیلری وقف و تسبیل اولندی

سلطان محمد خان حضرتلی ادرنده مقیم اینکن سکز یوز یکر می درت
تار یخنده قرق اوچ باشنده و بالاستقلال سلطنتک سکزنجی سالنده می تحل
دار آخرت اولوب جنازه لری بروسه به نقل و ترابه مشهوره لرینه دفن
قلندی

شهریار مشار الیه حضرتلی حلیم و صبور و شجاع و غیور تهذیبی

ایقاعه قادر موفقیتی باهر بر پادشاه جلیل الشان اوله رق انواع محن و مشقت
ایله ذوات عثمانیه بی تجدید ایلش و یکر می درت محاربه ده بالذات موجود
بولوب قرقه قریب یاره بمشدر بوقدر مشغولیتی اراستنده ادرنه و بروسنده
یک چوق خیرات و مبراته موفق اولدقدن بشقه حرمینه صره ارسالی دخی
ابتدا بونلر وضع ایلدی ذاتا علیل الوجود اولدقلرندن اکثر اوقاتلری
خسته لکله کچوب کنج یاشنده ارتحال بیوردیلر بعضیلر تاریخ ولادتلرینی
یدی یوز طقسان اوچ اولق اوزره ضبط ایدوب پدرلری وفاتنده
اون ایکی یاشنده ایدی دیرلر بعضیلری دخی ولادتلری بدیوز سکسان برده
ایدوکنندن پدرلری ارتحالنده یکر می درت یاشنده بولاندیغنی بیان ایدرلر
پدرلری زماننده اماسیه والیسی و نیمور محاربه سنده چرقه چی اولمسنه
وصکره کی اجرا آتلیینه و شهزاده لری سلطان مرادک تاریخ ولادتی سکر یوز
القی سنه سی بولمسنه باقلجه روایت ثابته صحیح اولق لازم کلور ایسه ده
بعضی تار یخلرده دخی والده لری دولت شاه خاتون کره میان اوغلی یعقوب
بکک همشیره سی اولق اوزره مسطور اولوب مشار الیه ایه بدیوز
سکسان اوچ تار یخلنده یلدریم یازید خان حضرتلریله ازدواج ایلش
اولدیغندن بوتار یخلرده دخی بریا کاشلق اولق ایجاب ایدر بنابرین
شهر یار مشار الیه ک تاریخ ولادتی صحت اوزرنده تعین ایده من
پروجه مشروح چلبی سلطان محمدک ادرنده وفاتی وقوع بولدقده وارث
تخت سلطنت اولوب اماسیه طرفلرنده بولنان بیوک شهزاده سلطان مراده
کیفیت انهارا و مر حومک وصیتی اوزره امر وفات اخفا اولنه رق پادشاه مرک
ازمیر اوغلی اوزرینه سفری واردر شایعه سیله موکب همایونده بولنان
عسکرک بر مقدار اناطولی طرفنه کچورلش ایستنده سپاه و سلحدار
طائفه می ماده ارتحالی تفتن ایله مطلقا پادشاه مرزی کوره لم دیو اصرار
ایلدیلر وکلای دولت بوکیفیتدن بغایت مضطرب اولدقلری حالده
حکیم باشینک ترتیبی وجهله مر حومک جسدی البسه ملوگانه ایله برقرانلق
اوطه ده تخت اوزرینه اوطوردیلوب وارقه سنه بر آدم وضع اولوب
ضابطانذن اوچ یش کشی ایچرویه صوقلدی و رای مینه موضوع
اولان آدم مر حومک الارینی و باشینی تحریک ایلدیکندن و مهسایت

همایون ایله ظلمت موقع اطلاع حقیقت حاله میدان ویرم دیکندن ضابطان
مر قومه دعا ایدرک چیقیدیلر بوققرده مورخین متفق الکلام اولوب
انجق مرحومک میتی بعض اجزا ایله تبخیر اولدیغی درکار ایسه ده تدبیر
مشروحک تمامیه عقله توفیق اولغسی مشکجه در هر نه ایسه بونی متعاقب
بروسه ده سلطان مراد ثانیک جلوسی خبری وارد اولغله ارکان دولت
جنازه پادشاهی بی الوب بروسه به کلدیلر و مرحومی وفاتندن قرق ایکی
کون صکره ایدیکه دفن ایلدیلر

سلطنت سلطان
خان ثانی

تجدد سلطنت خبرینک شیوعی اوزرینه تیمور محاربه سنده ضایع اولان
شهرزاده مصطفی چلبی اولق ادعاسیله سلاطینک طرفلرنده بر شخص ظهور
ایدوب اورنوس اوغلاری و سائر امرا و عسکری طائفه سی دعواسنی
تصدیق ایله معیتنه مجتمع اولدقلرندن نویت سلطنت بنمدر دهرک ادرنه به
کلوب اعلان حکومت و اناطولی به کچمک اوزره حرکت ایلدیکی سلطان
مرادک مسموعی اولدقده بر مقدار عسکر ایله یازید پاشا مقابله سنده
کوندرادی لکن حین التقاده یازید پاشاک معیتنده بولنان عسکر دوزمه
مصطفی نامیه مشهور اولان مدعی مر قومه دخالت ایتلریله پاشای
مشار الیه دخی اتباعه مجبور اولدی دوزمه مصطفی اولا یازید پاشایی
وزیر ایدیش ایسه ده صکره صداقتدن امین اوله مدیغندن ساری درده
اعدام و او یله مسبوق الخدمه بروزیر عالیشان کنام ایلدی

هر نه صورتله اولور ایسه اولسون ممالک عثمانیه نک شورشندن مستفید
اولق ارزوسنده بولنان از میر اوغلی جنیدک دوزمه مصطفی نک وزارت
وزدینی بوکانبوب عساکر کثیره ایله اناطولی طرفنه عبور و اولو باد نهرینک
بر طرفنه نصب اردوی شروشور ایلدیلر نهر من بورك دیگر جانبنده
بولنان سلطان مراد اردوسی مخالفینه نسبتله ضعیف اولدیغندن تدابیر
حکیمانه ایله تفریق جمعیتلرینه تثبیت لازم کلاکه روم ایلی امراسنک
مشاهیرندن اولوب موسی چلبی طرفنده بولمق تهمینه سکر سنده دنبرو
توقادده محبوس اولان میخال اوغلی محمدک سریعا جلب اولنه رقی انک
طرفندن روم ایلی امراسنه القات مؤثره اعطا اولدیغی کی وزرادن
حاجی عوض پاشا جانبندن جنید بکه مکتوب یازیلوب جنابکز ابنای
ملوکدن ایکن بویه مجهول النسب بر شخصک وزارتنی قبول ایلکز

شانکزه و منفعتکزه مخالفدر یولنده نیجه مقدمات تمهید و صورت صداقتده
دوزمه مصطفی یه تقدیم اولنان عریضه ده دخی امر اکز بوطرفله اتفاق
ایدوب سزه غدر ایتک اوزره درل دیو بعض مغالطه درج اولنه رق
هر قومک او هامی تشدید اولندیغندن ان غیر منقسمه ده جمعیتلری پریشان
ومدعی هر قوم روم ایلی جانبده فراره شتابان اولغله سلطان می اد دخی
درقفا اوله رق ادرنه یه بالوصول هر قوم یکجه ده طوطلوب ادرنه قلعه سنک
برجنه صلب اولندی

بزم تاریخلرک افادای بومر کزده ایسه ده روم مؤرخلرینک روایتده
نظرا شهزاده مصطفی چای تیمور واقعه سنندن صکره استانبوله کیش
وچای سلطان محمدک زمان سلطنتنده مشار الیهک التماسیه لمشده حبس
اولمشیکن روم ایمپراطورلری دخی حکومت عثمانیه نک اشتغالندن مستفید
اولان طوائف ملوک ایله هم مسلاک اولدقلرندن تبدل سلطنت وقوعنده
مصطفی چایینک روم ایلی جانبندن مرورینه خفیا مساعدده ایتشلردن

نظر دقتله باقلدیغی حالده بوصورتک صحتی استدلال اولنور زیر ذات
و شخصی معلوم امر و اعیان اولان بر شهزاده نک نامیه اجنبی بر آدم چیقوب
روم ایلی امر و عسکر یسنک علی العموم اکا اتباع ایلمسی مستبعددر لکن
بارگاه دوانده بولنان ارکان سلطنت انکاردن بشقه چاره بوله مدقلرندن
مشار الیهه دوزمه مصطفی نامی و یرمکه مجبور اولدیله

حکومت ایمپراطوریه نک دوزمه مصطفی یه اولان اعانه معنویه سنندن ناشی
سلطان مراد حضرتلری اخذ انتقامه قیام ایتکله شهر استانبول تحت
محاصره یه النوب خیالجه ده تضییق اولمشیکن قرمان و کرمان اوغلارینک
اضلالیه حمید ایلنده والی اولان کوچک برادرلری مصطفی نام صبی
شهزاده ازبیک شهرینه استیلا ایله دعوای استقلاله مجاسرت ایلدیکنندن
استانبول محاصره سی ترک اولنه رق اولطرفه عزیمت اولندی

شهزاده نک لالاسی اولان شربدار الیاس بک بعض مواعید ایله طرف
پادشاهیدن مجلوب اولدیغندن شهزاده بی طوطوب تسلیم ایتکله دفع فتنه
مقصودیه بجاره معصوم ازاله قلندی

اسفندیار اوغلنک تهمت مشروحه سنندن فضله اوله رق طرافلی یکجه سنی

محاصره ایلد بکی مسموع همایون اولد قده سوق سمند جلادت ایله بولی
حوالبسندده اسفندیار یلر جمعیتی پریشان ایلد کدن وقسطیمونی و کره نحاسی
ممالک عثمانیه به الحاق اولد قدن صکره اسفندیار اوغلی مخصن اولدیغی
سینوب قلعه سندن ضراعتنامه ارسال و کریمدستی پادشاه انامه عقد اینک
نیازینی تکرار ایتمکه مظهر عفو همایون اولدی

پادشاه حضرتلرینک بومشغولیتی اراسنده افلاق بکی اولان دراقوله
طونه بی مرور ایله بعض برلری غارات ایتشیدی ترتیب مجازاتی ایچون
روم ایللی جانبده حرکت همایون وقوعی استماع ایتد کده ادرنده تقبیل
دامن سلطانی به مسارعت وایکی یلاق ویرگوسنی تقدیمه مبادرت
ایلدیکندن اعتداری موقع قبولده واقع اولدی

منتشا اوغلی الیاس بک فوت اولوب دائرة همایونده بولنان اوغلاری
سودای استخلاص ملک موزوث قهمتنه بناء و لاوفاء الملوك قاعده سنه اتباعا
حبس اولد قرق منتشا سنجاغی ممالک محروسه به علاوه قلندی

ازمیر اوغلی جنید بک دفعاتله وقوع بولان حرکاتی و آیدین سنجاغی
بکیله دائمی حکمنده اولان مقاتلاتی سبیلر یله ازاله وجودی لازم کلمش
ونصب کرده تیموری اولان بوشلار کوجت کوجک حکومتلرک رفع و الغاسی
زمانی حلول ایلمش اولدیغندن اناطولی بکر بکیسی حزه بک ایله آیدین بکی
بخشی بک مأمور ایدیلرک خلیجه مقاتلات وقوعندن صکره جنید بک ایله
اوغلی قورد حسن اعدام و یوز سنه دن متجاوز زماندن پرو اورالده
حکومت ایدن آیدین اوغلی خاندانی کینام قلندی

پادشاه حضرتلری روم ایللی حدودلرینک تأمین ایچون ادرنده بواند قلمری
آوانده که سکر یوز اوتوز تار یخیدر قرمان اوغلی محمد بک کندوسنه
التجا ایدن تکه اوغلی احقاندن عثمان چلبی بی اقدار وانطالیه محاصره سنه
ارسال ایدوب کندوسی دخی استحضار ادوات قلعه کبری به اشتغال اوزره
اولدیغی مسموع اولسنی متعاقب محافظ قلعه بولنان فیروز بک وفات
ایتمکه اوغلی حزه بک جانشین پدر اولشیدی تکه اوغلانک خسته
اولدیغی حالده استانوز طاغنده خیمه نشین اقامت بواندیغی استخبار اولد قده
حزه بک قرمان اوغلی کلمسزین بونک تدارکی کورلسنه تشبث ایدرک

کوندردیکی فرقه حر بیه تکه اوغلی جهیتی باصوب بریشان و عثمان چلبی بی
اعدام ایلدیلر

قرمان اوغلی بو حالک وقوعندن یک زیاده مکدر اوله رق بر آیدن متجاوز
قلعه بی محاصره و طوپلر وضعیه تضییق ایتکده ایکن سلطان مرادک
اناطولییه عودتی خبری منتشر اولغله بر ساعت اول ایشنی بتورمک ایچون
قلعه نك هجومه قابل اولان محلی تحری اثناسنده قلعه دن آیلان کله ایله
اور یلوب باره باره اولدی

محمد بکک اوغلی ابراهیم بک پدرینک جنازه سنی الوب قونیه یه عزیمت
ایلدیکی اثناده علی بک نامنده اولان فرنداشی خوفه تبعیتله قلعه یه التجا
ایلدیکندن بشارتنامه ایله معاد رکاه همایونه ارسال قلندی و پادشاه
حضرتلری همشیره لرنک برینی میر مشارالیه تزویج و صوفیه سنجاغنی
دخی توجیه ایتکله الی الوفات اوراده مقیم اولدیلر

ابراهیم بک قونیه یه واصل اولدقده عیسی علی بکی تسلطن ایلش بولغله
بالضروره برادری عیسی بک ایله برابر سلطان مراد حضرتلرینه دخیل
دوشدیکنه بناء پادشاه حضرتلری بونلره دخی برر همشیره لرنی تزویج
ایلدکن صکره ابراهیم بکه عسکر و مهمات حر بیه اعطاسیله پدری
مقامنه اقعاد و عیسی بکی رکاب همایونده توقف ایلدی ابراهیم بک دخی
حمید ابلی سنجاغندن اولوب باباسنک غصب ایلدیکی برلری تسلیم ایله
وظیفه تشکری برینه کتوردی

سلطان مراد حضرتلری جلوسندن صکره ولایتکاهی اولان امامیه بی
لالاری بولنان یورکچ پاشایه ویرمیشدی مشارالیه اولحوالی بی تطهیره
آغاز ایدوب اولا ترکان عشیرتندن یوزغاد صحرا سنده خیمه نشین اولوب
واردین و صادرینه صارقندیلق ایتکده اولان قزل قوجه اوغلارینه
پادشاه طرفندن اولق اوزره فرمان اصداریه جانیک تسخیری ایچون
معینه جلب و کندوسی خسته لک اشاعه ایدرک بونلری اوچ بشیوز نفر
توابعلریله مناسب برلره قوناق و یردکن صکره بغته جله سنی اعدام
ایلدی

ثانیا عثمانجق جوارنده برقیانک تپه سنده واقع قلعه یه تحصن ایش اولان
حیدر نامنده بر پیر کلیتلو ذخیره ادخار ایدرک طرف سلطنته اطاعتدن

مجنب ایدی هر قومك آدم لرندن بعضی لرینی پاشای مشار الیه پس پرده دن
جلب ایدرك ذخیره انبار لرینی احراق ایتدیرمکله پیر مز بوری نفسی
تسلیمه مجبور ایلدی

ثالثا جانبك حاکمی بولان الب ارسلان اوغلی حسین بك که سلاجقه
احقادنددر انك اوزرینه حرکت ایتك تدارکنده ایدوی میرموی الیهک
مسموعی اولدقده هر نقدرین پادشاهه عامی دکم و مراد جانبك قلعه سی
ایسه کندم تسلیم ایدرم دیو النجا ایتش ایسه ده بیچاره کیفیت مطاوعتی
اکلاده مدیغندن پیر حیدر ایله معا ومقیدا رکاب همایونه ارسال ومواقع
مز بوره قلمرو حکومتیه ادخال اولمقله موی الیهمایه طرف پادشاهیدن
خاسلر تخصیصیه روم ایلنده اسکان اولندیلر

کرمیان اوغلی یعقوب بك سکسان یاشنی منجاذز بر پیر اولوب اولادی دخی
اولدیغندن همیشه سنك حقیقی بولان سلطان مراد حضرتلرینی زیارت
وملکنی پادشاهه وصیت ایتك صورتی تصمیم ایتکله سکر بوز اوتوز برسنه سی
بالاستیدان کوتاهییه دن حرکت وبروسه ده مواصلت ایلد کدن صکره کلیبولی
طریقیه ادرنه ده واصل وانواع احتراماته نائل اولوب بعد العوده برسنه
مرورنده هر محل دار آخرت اولغله کوتاهییه سنجاغی ممالک عثمانیه ده الحاق
قلندی

ارتق اناطولیده طوائف ملوکدن قرمان واسفندیار اوغلاری حکومتلرندن
بشقه حکومت قالیوب انلر دخی سطوت عثمانیه یی طائمش وتقلید پادشاهی
ایله نائل امارت اولمش اولدقلرندن اسکی اهمیتلری قالماشدر
سلانیک قلعه سی عصر یلدریم خانیده فتح اولمشیکن تیمور وقعه سنده روملر
النه یکمیش واستانبول ایمپراطورلی شعبه سندن اولق اوزره اواده
بر حکومت تشکل ایتشیدی سکر بوز اوتوز ایکی سنه سی اولطرفه سوق
موکب جلادت وکلیبولیدن دخی سفن حربیه ارساله مباشرت اوانوب
هر نقدر ونديك کیمیری روملره معاونت ایلدیلر ایسه ده پنجه عثمانیاندن
تخلیصه مقتدر اوله دقلرندن برآیدن منجاذز محاصره دن صکره عنوة
تسخیر قلندی

بولندن صکره طرف طرف امرا وشیاه ارساله ارنبودلق ومجارستان

طرفلری غارت اولمقده ایکن مجارستان سرعسکری اورنوس بك اوغلی
علی بك منهزم اولدیغنه وقرمان اوغلی ابراهیم بك ایله سمندره حاکی
ویلیق اوغلتك اتفاق خفیلرینه مینی مجارلر طونه بی کچوب ممالک اسلامیه
هجرم ایلدکاری کی قرمان اوغلی ابراهیم بك دخی حمید سنجاغنی تسخیر
ووالیسی بولنان شربدار الیاس بیکی اسیر ایلدی

بونک اوزرینه پادشاه حضرتلری ادرنده اقامتی اختیار وروم ابلی بکار
بکیسی سنان پاشایی عساکر کایه ایله مجارلر اوزرینه تسیر ایتکله دشمن
اوردوسی کوکرجنلک قلعه سنی محاصره ایله مشغول ایکن پاشای مشار ایله
یتیشوب دشمنی مرتبه استیصاله ایصال ایلدی ایرتسی سنه که سکر یوز
اونوز طقوز تارنجیدر پادشاه انام دخی قرمان اوزرینه حرکت وقونه بی
اورده قبضه حکومت ایلش ایکن ابراهیم بك طاش ایلدن ایتذار
نامه سی وارد اولوب حلیله سی بولنان همشیره پادشاهی دخی شفاعت
ایتکله بنه عفو همایونه نائل واز سرنو مملکت موروثی حکومت
واصل اولدی

پادشاه غازی قرمان اوغلی تأدیب ایله مشغول ایکن مجار قرالی طونه بی
کچوب الاجه حصاری محاصره ایتش و پادشاهک روم ایله عودتی
شایعه سی اوزرینه مایوسا مملکت کتمشیدی بوجر آتته مقابله ایچون
مجارستانه سوق عسکر منصور اولوب طمشوار وهر منشته دهک غارت
و بلغراد قلعه سی محاصره سی نتیجه بخش مراد اولدی ایسه ده اطرافنه
ایصال خسارت اولنه رق ادرنه عودت پیورادی

صربستان حکمداری بولنان ویلیق اوغلی قرمان اوغلیله مجار قرالک
اتفاقنه واسطه اوله کلدیکندن صورت مجازاتی تصور قلمقده ایدوکنی
حص ایدرک مقدمات پادشاهی به عقد ایلدیکی کریمه سنک جهازی
حاضر اولدیغنی عرض ایله پنجه عقابدن تخلص کریمانه وسیله ارامقده
ایدی چونکه بلدیرم خان زماننده صربستان قرالی بولنان لاس اوغلی
کریمه سنی بلدیرم خانه ویروب انک واسطه وشفاعتیه خیلجه منافع
دسترس اولدیغندن بوکره دخی او یله اولور قیاسنده ایدیلر ا کرچه عروس
من بور دارات فاخره ایله جلب اولندی ایسه ده تصمیم مجازاتندن فراغت

بیورلماغله سکز یوز قرق اوچ سنه سی موکب همایون جانب خزایه
منعطف اولق اوزره ایدوکندن بچله افلاق حاکی دراقوله وویلیق
اوغلی رکاب همایونه دعوت قلندی

دراقوله ایکی اوغلی ایله موکب همایونه واصل اولوب ویلیق اوغلی دخی
ایکی نفر اوغلارینی ارسال ایلدیکی حالدده جله سی کلیبولی وتوقادده
حبس اوله رق اردوی همایون سمندره جانیله سوق بیورلماغله بو کیفیت
ویلیق اوغلانک مسموعی اولیجق بحار قرانده التجا ایلدی وقوه قاهره
پادشاهی ایله دار اماره سی اولان سمندره ونیکبولی قلعه لری تسخیر قلندی
انجق قره چایی زاده نك قولنجه فرمان عالی به اطاعة رکاب همایونه واصل
اولان امرای مسیحیه بی بلاجنجه حبس ایلمک شأمتی ظهور ایدوب اولان
مزید بك وثانیا قوله شاهین پاشا قومانداریله کشور افلاقه سوق اولنان
ایکی فرقه عسکر اسلام منهزم اولدی

حتی بو انهزاملر سیبله قرمان اوغلی ینه امیدده دوشوب ممالک عثمانیه به
تجاوز و بك بازاری وسار بعض قصبه لری غارت ایتمکله سکز یوز قرق الی
سنه سی پادشاه انام قرمان اوغلی اوزر ینه عطف لجام ایدوب کمال
غضبلرندن خلاف این عثمانی ممالک اسلامیه بی قونییه به دك بازده خیول
یغما ایتدیردیلر

قرمان اوغلی ابراهیم بك عادت جار به شی اوزره طاش ایله فرار ایدوب
متشبث دامن امان اولغین بوکره دخی حلیله سی اولان خواهر پادشاهی
شفاعتی واولاد حضرت مولانادن عارف چایی توسطیله نائل عفو همایون
اولدی

بحار قرانده التجا ایدن ویلیق اوغلانک تشوینی وقرمان اوغلی ابراهیم بك
ممالک عثمانیه بی یدلرنده تقسیم ایلمک تکلیفی اوزر ینه قرال مز بور اوغلانی
ویانقونام بکار بکیستی بر جسم اردو ایله سوق ایدوب الاجه حصار
ونیش حوالیسی یاقوب یقینده اولدقلری مسموع پادشاهی اولدقده
سیرسیرع ایله فرماندن عودت ایدرک مانع مرور دشمن اولق اوزره
ایزلادی دربندی طوتلمشیدی بوجهله دشمن بوغازی کچمکه مقدر
اوله مامقله برابر تقرب موسم شان ناشی رجعت دخی مجور اولدقلرینی
دریش مطالعه ایله ترتیب مکر وال وصورتا اختیار فرار ایتدیلر پادشاه

حضرتلری بکر یکی قاسم پاشایی و توفاد والیسی بلان پاشایی و بولی یکی
 اوایوب همشیره لرنک زوجی و وزیر اعظم خلیل پاشانک برادری اولان
 محمود چلبی بی عسا کر و افیه ایله تعقیب دشمن ایچون کوندردیلر
 بونلر غافلا کتمکده ایکن یانقونک نیش در بندنده پوصویه وضع ایلدیکی
 عسکر جنود اسلامییه بی بغته احاطه ایتمکله اکثری شهید و محمود بک ایله
 بر مقدار ی اسیر اولدی

پادشاه حضرتلرنک ادرنه یه عود تارنده بر طرفدن و بلیق اوغلنک و دیگر
 جانبین محمود بکک حایله سی سلطان حضرتلرنک رجا و نیازلرینه بناء
 مصالحه یه رضا کوسریلوب سمندره قلعه سیله محبوس بولان اوغلاری
 و بلیق اوغلنه تسلیم و محمود بک ایله سار اسرای اسلامییه تحایض قلندی

تکرر انهرام سلطان مراد حضرتلرنه باعث اکدار و الام اولدیغی حالده
 بیوک شهرزاده لری اولان اما سیه والیسی سلطان علاالدینک وقوع انهدای
 بتون بتون یأس و فتورلرینی اوجوب اولغله سکر یوز قرقیدی سنه سی
 فرزند ارچندلری سلطان محمد خان حضرتلرنی ایالتکاهی اولان مفتیسادن
 جاب و تخت سلطنته اجلاس ایدوب کندولری مفتیساده عزالت کزین
 اولدیلر

بوخبر منتشر اولدقده قرمان اوغلی ابراهیم بک حکام عیسویه یه ابلاغ
 پیام و سلطان مرادک اختلال شعورینه مبنی اون ایکی یاشنده اولان
 شهرزاده سنی مقامنه اقعاد ایلمسی پک بیوک بر فرصت زمانی ارئه ایتشدن
 دیو اعلام ایلمسنه مبنی بحار قرانک وزیر ی اولان یانقو مباشرتیه بحار
 و الامان و بوسنه و هرسک و افلاق و بغداد و وندیک حکامی یتنده و اهل
 صلیب طرزنده بر اتفاق استیصال و عسا کر کلبه ایله بلغراددن کچوب
 اوکلرینه کلان ممالک اسلامییه ایصال خسار ایدرک دو بر یجه یه طوغری
 کلمکده اولدقلری ارکان دولتک مسموعی اولدقده بوبله بر هجوم عمومینک
 دفعی سلطان مرادک قدومنه موقوف اولدیغنی پادشاهه عرض ایله
 دعوتنامه یازدی سلطان مراد حضرتلری اولاه صورت استغنا کوسترمشلر
 ایتسه ده تکرر دعوت و اهمیت مصلحت جهتلریله مفتیسادن حرکت ایدوب

لکن اقدکز بوغازی الشمس یتش قطعہ وندیک سفینہ لیلہ مسدود
اولد یغندن بالضروره استانبول بوغازینہ توجہ ایلدیلر
وزیر اعظم خلیل پاشا دخی روم ایلی حصار بنک موقعہ کلوب ساحلہ
طوبلر وضعیلہ امر مروری تأمین ایلدیکندن سالما ادرنہ بہ مواصلت
وجنود اسلامیہ بی بالاستصحاب جانب دشمنہ سوق سیند جلادت بیوردیلر

سکز یوز قرق سکز سنہ سی رجبیک طقوزنجی صالی کونی وارثہ جوارندہ
تلاقی فریقین وقوعبولوب غایت شدتہ طرفین یکدیگرینہ هجوم اینکله
اناطولی بکلر بکسی قراچہ پاشا و برخیلی امرا واصل مرتبہ شہادت
واکثر عساکر اسلام اطرافہ پریشان اولہرق سلطان مرادک یانندہ
قبوقولی و بعض امرادن بشقہ کیمسہ قالدیغی مجار قرانک منظوری
اولدقدہ غالبتنہ جازم و بوجہ بتی دخی طاغتمہ عازم اولوب اسب تہورہ
ارخای عنان ایلسیلہ یکچیریلر ایکی شق اولہرق قرالی اورتنہ بہ الدقدن
صکرہ قرہ خضرنام بر یکچیری اتدن یقوب باشی قطع ایلدی
سرمہ قوطوع درحال برمرزاغہ طاقیلوب اعلان قلمغہ عساکر دشمن
پراکنندہ و پریشان اولد یغندن تعقیبلرینہ روم ایلی بکلر بکسی داود پاشا
ما، اور و معرکہ کاهدن طونہ بہ قدر اولان ایکی کونلاک بول قتلائی دشمن
ایلہ مالا مال اولدی

سلطان غازی بویلہ بر فتح عظیم ایلہ کامبین اولہرق ادرنہ بہ عودت ایلد کدہ
وزیر اعظم خلیل پاشا و سائر وزرا تخت دولتدن روگردان اوللرینہ باعث
اولان ملالاک زائل و قبول سلطنتہ مائل اولدقلرینی تفرس ایللریلہ سلطان
محمد حضرتلرینہ پدرکزک ہر نقدر قبول اینیہ چکی درکار ایسہدہ لاجل
التطیب سلطنتی تکلیف ایلدکز حقوق ابوت و بنوت ایجابندندر دیوالقا
ایلدکلرندن سلطان محمد دخی نیاز قبول تخت و تاجہ آغاز ایلدی
ایرتسی کونی سلطان مراد غازی صید و شکار بہنہ سبلہ ادرنہ جوارندہ
واقع یجق تپہ بہ چبقوب امرای عسکریہ بی جلب ایلہ استمزاج ایلد کدہ
جملہ سنک تکرر سلطنتلرینہ ارزو کش اولدقلری متعین اولد یغندن ایکنجی
دفعہ اولہرق تخت عثمانی بہ جالس و سلطان محمد دخی بتکرار خلعت امارت
منارو خانی لابس اولدی

سلطان مراد حضرتلری مغنیسان ادرنه یه کاور ایکن اقدکز بوغازینی
وندیدکیلری ابلوقه ایلمش بولمیسندن ناشی وندیک اوزرینه سفر تصمینه
اولوب انجق بونک سمت سهولتی موره نك تسخیرینه موقوف اولدیغنه
وموره شبه جزیره نك روم ایللی قطعه سنه اتصالی اولان محل که دربند
دینلور و اوچ میل عرضی حاویدر موره حکمدارلری جانبندن بورایه
متین بردیوار و بش موقعنه مستحکم حصارلر و پیشگاهنه جسم خندق
یاپلمش ایدوکنه بناء کرمه حصارلری دیو مشهور اولشیدی بونک
تسخیری ایچون سکزیوز الی تاریمخنده سوق سمند سطوت ایدرک تیشه
اهتمام مجاهدین ايله مذکور دیوار و حصارلر خاکله یکسان واستانبول
ایمپراطورلری شعبه سندن اولان موره حکمدارلری مجبور استیمان قلمغله
مظفرا ادرنه یه عودت بیورادی

ارنودلق حاکمک اوغلی اولان اسکندر بک مقما خلی زمان سرای
پادشاهیده تربیه اولمش و شرف اسلام ايله دخی مشرف اولشیدی
پدری وفاتنده نصب پادشاهی ايله و علی روایه فرار ایدرک ارنودلق
حکومته نائل اولدقدن صکره اعلان عصیان ایلدیکنه و عم زاده سی بولنان
جزیره بک دخی پادشاهی اسکندرک تربیه سنه تشویق ایتمکده ایدوکنه مینی
سکزیوز الی برسنه سی اولطرفه عزم همایون واقع اولوب اقبه حصار
قلعه سی تسخیر اولندی ایسه ده اسکندری اله کتورمک ممکن اولماغله
بولندن صکره یکریمی بش سنه قدر زمان بونک غائله سی تمتد اولشدز

وارنه محاربه سندن فرار ایدرک محارستانه واصل اولان جنرال یانقواخذ
انتقام سوداسیله تکرار براتفاق غموی احداثه تشبث ایدرک له وجه
وافلاق و بغداد بانلری یعنی حکمدارلری قاندروب جسم بر اردو تشکیله
طونه بی مرور و قوصوه صحراسنه ورود ایلدی پادشاه غازی دخی جمع
عسکر خصوصنده زیاده اعشا ایلدیکندن فرمان اوغلی بيله موکب
همسایونه بر مقدار عسکر کوندرمشیدی سکزیوز الی ایکی شعبانک
دردنچی جمعه کونی ترتیب صفوفه مباشرت اولندی چونکه وارنه
مهرکهنده عسکر اسلامک پریشانغنه سبب موکب همایونک ارقه سی
تأمین و تحکیم اولمادیغی قضیه سی ایدوکندن بوکره قانون عثمانی اوزره

پادشاه غازی قیوقولی دینلان یکجیری وسپاه و سلمدار بلوکاریه وسطده
وروم ایلی عسکری صاغ و اناتولی عسکری صولده طوروب اقبی بکاری
جرخه به تعین اولندقلری مثلاً صاروجه پاشا بر مقدار عسکر ایله اردوی
همایونک ارقه سنی محافظه به مأموز اولدی ایکی کون ایکی کجه
علی الاتصال آتش حرب و قتال اشغال اولندرق جیوش منفقین هزینه
کامله به گرفتار و بالجله مهماتلری داخل قبضه اقتدار اولوب یانقوبو کره
دخی فرار ایلدی ایسه ده بانلرک ایکسی فرسوده شمشیروله وجه بانلری اسیر
اولدی له بانی کندوسنی بلدیرمیوب الدن اله صاتلغله بالاخره خلاص
اولش وجه بانی حضور همایونده قتل قلمشدز

سلطان مراد حضرتلری بعدالعوده ادرنده آرام ایتمکده ایکن سکن بوز
الی بش سنه سی محرمک برنجی کونی خسته لوب اوچنجی کونی فرق طقوز
باشنده و سلطنتک اوتوز برنجی سالنده مر تهل دار آخرت اولغله سلطان
محمدخان حضرتلری مغنیسادن کلوب تخته جلوس اینجه به قدر اون ایکی
کون کیفیت وفاتلری کتم و اخفا اولندرق بعده بروسه به کوندربلوب
تر به مخصوصه لرینه دفن قلندی مشار الیه سلطان مراد ثانی
حضرتلری قوی العزم و شدید السیاسه بر پادشاه اولوب موفق اولدقلری
خیرات و عبرات مفصلات توار یخده مسطوردر اجدادندن مراد اول
و بلدیرم بایزید خانه و مخدوم و حفیدلری سلطان محمد و صایم خان اول
حضرتلرینه نسبتله توسیع ممالک امرنده پک ایلرویه کیده مامشله ایسه ده
بونلرک زماننده اولان کثرت اسرا و اموال غنایم هیچ بروفته کورلماش
وتیمورک غارتی سیبیله ضایع اولان ثروت عثمانیه بالغاماباغ رینه کلمشدر

ابو القمح سلطان محمد خان حضرتلرینک جلوسلرینی متعاقب قرمان اوغلی
ابراهیم بک بر معتاد عصیان و کرمیان و منتشا و صاروخان و آیدین اوغلاری
سلاله سندن بر در بدری ممالک موروثلری استخلاصنه ارسال ایدوب
کندوسی دخی ممالک عثمانیه خارتنه ال اوزاندیغی مسجوع همایون اولدقده
اناتولی جانبده کذار بیوردی صیت صولت موکب پاشاهی ایله مذکور
در بدر بر ایشان و قرمان اوغلی دخی طاش ایله کر یزان اولوب ممالک

سلطنت ابو القمح
سلطان محمد خان ثانی

قرمان قونییه قدر تسخیر اولمشکن توسط شفا ایله بنه ابراهیم بکه
احسان و روسه جاتنه عطف عنان قلندی
استانبول تسخیری سلطنت عثمانیه نك مطمح نظری اولوب سلطان مراد
مرحوم ایسه بو استعدادی حاصل ایتش و فرزند ارچندارینه یازدیغی
وصیت نامه ده توصیه و تشویق ایلش اولغله بروسه دن روم ایله عودت
بهانه سیله بوغاز ایچنده واقع اناتولی حصارى دینلان کوزجه حصاره
کلوب قارشویه مروری اثناسنده ذرت آیده و علی روایة قرق کونده
روم ایلی حصارینی بنا و ایچنه مستحفظار وضع بیوردیلر

استانبول امپراطوری بو خصوصدن پک زیاده اضطراره دوشوب وزیر
اعظم خلیل پاشایه مراجعت ایلدی ایسه ده برنمه حاصل اوله مدی

یلدیرم یازید خان زماننده واقع اولدیغی کی منجاوز اولان ملوک عبسویه
فسخ عزیمتی موجب تجاوزاته مقتدر اوله ماملری ایچون حدود اسلامیه
تأمین و تحکیم اولندقدن و بیوک طوبلر و سائر لوازمات قلعه کیری اعمال
و استحضار ابتدیرلکدن صکره یوز بیکدن منجاوز جنگی عسکر
و بر اولقدر دخی چاپوچی و سائر ایله قلعه استانبول برا و بحرا محصور
اولوب توار یخده تفصیل اولدیغی اوزره الی اوچ کون محاصره ایله
سکز یوز الی بدی سنه سی جادی الاخره سنک یکر می بدنجی صالی کونی
عنوة فتح و تسخیر اولندی

پادشاه حضرتلری اون سکز کون قدر استانبولده اقامت ایلدکدن و سلوری
و بوغا-وس کی نواحی بی دخی تحت حکومت الدقدن صکره تعمیر قلعه
و تنظیم مملکت خصوصلرینی قارشیدران سلیمان بکه بالتودیع ادرنه به
عزیمت ایله ایام شتایی اوراده امرار و بعث عسکر ایله اینوس قلعه سنی
و قارشوسند، واقع طاشوز اطه سنی قلمرو سلطنته ادخال ایلدی

صرب و بوسنه و موره حکمدار لیل و برکو مقاوله اولمش ایسه ده مؤخر
صرب حاکمک وقوع وفاتنه مبنی صر پستانک بعض یرلری غارت
و سکز یوز التمش تار یخنده باغراد قلعه سی محاصره اولنه رقی فتحی قوه
قریبه به کلشیکن محار قرالی هسا کر کلیه ارساله بحافظه قلعه به کافه

اقتدار بی صرف ایلدیکندن وقوعبولان مهاجرات نتیجه بخش مراد
اولوب عساکر اسلامیه رجسته مجبور اولدی

ایرتسی سنه اردوی همایون مورہ جزیره سنه سوق اولوب کردوس و بالی
بادره و سائر برقاچ قلعه اندقدن صکره پادشاه حضرتلری اسکوبده
مشنا نشین اولوب اول بهارده وزیر اعظم محمود پاشا ارصال اولنهرق
صر پستانک بقبه قلاعی تسخیر ایتدیرلمکده ایکن موکب پادشاهی سمندره
اوزرینه راهی اولغله واولوقت قلعه من بوره بوسنه قرالتک بد ضبطنده
بولغله قرال من بور مفتاح قلعه بی رکاب همایونه تقدیم ایلدی بوججهله
سکزیوز الشمس اوج نار یخنده کاملا صر پستان داخل حکومت عثمانیان
اولشدر

بوندن صکره پادشاه غازی اناتولی جانبده کچوب قره دکن ساحلنده واقع
وجنوبزل ضبطنده اولان اما صره قلعه سنی فتح و تسخیر واسفندیار اوغلی
اسماعیل بکه قلبه سنجاغنی توجیه ایدرک ممالک اسفندیاری کشور عثمانی به
الحاق ایللمریله نصب کرده تیموری اولان طوائف ملوکدن قرمان اوغلی
حکومتندن غیری حکومت قالدی

برمدتدنبرو ایران شاهی اولوب کوندن گونه کسب قوت و عظمت ایدن
اوزون حسن استانبولک فتحندن صکره طربزونده تشکیل حکومت ایللیان
روم امپراطورینک قیزی زواج ایدوب اما صیه سنجاغنی ملحقاته دخی
تعرضدن خالی اولماسیله قیونلی حصار ی ضبط ایتشیدی پادشاه
حضرتلری حصار من بوری استرداد ایتدکدن صکره طربزون اوزرینه
مزیمت ایتک اوزره اولدیغی حسن طوبلاک مسموعی اولیجی هم حرکات
واقعہ سندن اعتذار و همده طربزون حکومتی پنجه قاهره محمد خاندن
تخایصه چاره بولنی ایچون والده سی ساره خاتونی رکاب همایونه اعزام
ایلدی مومی الیها مظهر الطاف پادشاهی اولدی ایتسه ده نیت همایونی
تخویله قادر اوله میوب قلعه طربزون برا و بحرا محصور و بوجه استیمن
تسلیمه مجبور اولدی

افلاق حاکی اولان قازقلی و بوده که درافوله بکک اوغلیدن افعال
واطوارندن حرکت باغیانہ احساس اولمقدن ناشی رکاب همایونه دعوت
اولندقدن امر پادشاهی به اطاعت صورتنی کوستروب فقط کشور افلاک

محافظة سیچون بر مقدار عسکر کوندرلسی عرض ایلدیکنه مینی نیکیولی یکی
جزه بک مأمور اولشیدی قازقلی ویوده نک ورودینه انتظار اولنور ایکن
جزه یکی و مهیتنده بولنان جنود اسلامییه بی قتل عام ایلدیکی خبری واصل
اولغله پادشاه قازی سکر یوز التمش الی سنه سی کشور افلاقه سوق سمند
جلادت ایدوب جمعیت اشقیایی پریشان وقازقلی ویوده دخی مجارستانه
فرار ایتمکله افلاق حکومتی موی الیهک قرنداشی اولوب خیلی وقتدنبرو
رکاب همایون خدمتده بولنان رادوله ویوده یه احسان اولنهرق عودت
وعساکره اجازت ویرلکسزین کلیبولیدن اناطولی طرفنه ضروره
مسارعت اولندی

ایازمنده لدی الوصول دونمای همایون دخی مدلاو جزیره سی مقابلنه
انکر انداز اولغله جزیره من بوره بر مدت جزیه محاصره اولندقدن صکره
صلحا تسخیر قلندی

ضبط وقایع ابدن مورخین اسلاف کرک بالاده محرز و کرک بوندن صکره
یازلمسی مقرر اولان فتوحاتک هر بر یسنه بر سبب ایراد ایدوب صرب
قرالیک وفاتی واسفندیار اوغلنک تلقی امر همایونده بطائقی واما صهرده
بولنان جنویرلک سفن تجاریه یه تسلطی مملکتلرینک باعث انتزاعی
اولدی دیرلر وحادثات ضروریه وضعیفه بی اسباب قویه دن عد ایدرلر
حالبوکه هردوات وملت وقت وحالی مساعد بولدقجه توسیع ممالکدن
کیرو طورماق امر طبعی اولوب فاتح حضرتلرینک عصری دخی سلطنت
عثمانیه نک زمان نشو نمانی و هنکام ترقی واعتلاسی اولدیغندن بوندن بشقه
سبب تحری ایتمک تا ویلات ارامق نوعنددر بناء علی ذلک سکر یوز التمش
یدی سنه سی وزیر اعظم محمود پاشا ارسال ومتعاقبا تحریک لوای شوکت
واقبال اولنوب ایالت بوسنه کاملاً تسخیر واسیر ایدیلان بوسنه قرالی
موکب همایونده تدمیر اولندقدن صکره هر سک جانبیه عطف عنان قلندی

هر سک قرالی مملکتک نصفی تسلیم و اوغلانی دخی خدمت پادشاهی یه
تقدیم ایدوب چوق یکمکسزین فوت اولدیغندن مذکور قراللق دخی ممالک
عثمانیه منضم اولدی قرال من بوزک اوغلی مؤخر شرف اسلام ایله

مشرف اولوب بالدفعات صدر وزارت و عزت صهرینه نائل اولمش
و هر سك زاده احمد پاشا نامه كسب اشتهار ايتشدر
موره جزیره سنده واقع كردوس قلعه سی موره حكمدارلری جانبدن محاصره
و عصر مراد خانیده تخريب اولنان كرمه حصارلری تعمیر اولندیخی مسموع
همایون اولدقده سكر بوز یتش سنه سی وزیر اعظم محمود پاشا ارسال
اولنوب مذکور حصارلری بکیدن تخريب و كردوس قلعه سی تخلیص
اولدقدن ماعدا موره جزیره سئك جهت شرقیه سنده بولنان قلاع كاملا
انتراع اولمغه بوندن صكره موره حكمدارلری بولنان روم ایمپراطورایخی
شعبه سی پادار اوله مدیقتدن جزیره هر قومه نك غرب طرفنده واقع اینه
بختی و متون و قرون و سائر قلاعه و نككولر استیلا ایلش و مؤخر سلطان
بازید زماننده انلردخی فتح اولنوب موره جزیره سی بالتمام حوزه حكومت
عثمانیه داخل اولمشدر

فرمان اوغلی ابراهیم بك فوت اولدقده جازیه دن متولد اولان بیوك اوغلی
اسحاق بك جانشین پدر اولمشیکن كوچك قرنداشی اولان پیر احمد بك كه
چلبی سلطان محمد خان مر حومك كریم مسندن دنیایه كمشدر امداد
پادشاهی ايله سكر بوز التمش سكر سنه سی مسند نشین حكومت اولمشیدی
درت سنه هر ورنده طور ادیدن خروج ایلدیكندن پادشاه حضرتلری
قونیه سابه انداز مهابت اولوب منازع دفعی استیصال و ایالت قرمانی
بیوك شهرزاده لری سلطان مصطفى به توجیه بیوزدیلر

وزارت عظمادن معزول اولدقدن صكره كاپیولی سنجایخی توجیه اولنان
محمود پاشا دونمای همایون ايله و نككولر یندن بولنان اغر بیوز جزیره سئك
قیمی ایچون ارسال بولمغه سكر بوز یتش اوچ سنه سی جزیره هر قومه
تسخیر اولدی و نككولر دخی مدلولو اطله سنه و بهمن سواحله تسلط
ايتشدر ايسه ده بر شیه قادر اوله مبوب رجفت قهقری به مبتلا اولدیلر

كذلك احمد پاشا بعضی امرای قرمان یندن بولنان قلاعی ضبط ايتك ايله
مشغول ایتك احفاد سلجوقیه دن اولوب نواحی جزیره سیله علائیه ده
هم افزاز امارت اولان قلیج ارسلانك اوزرینه كیدرك مومی البهده ايسه

بازای مقاومت مقفود اولدیغندن امارتگاهنی ونفسنی تسلیمه مجبور
اولدی

پاشای مشارالیه من بوری رکاب همایون کوندرد کده روم ایلنده کوملجه
سجایغی احسان اولمش ایسه ده امیددی درجه ده مظهر الطاف اولدیغندن
مؤخره مصره فرار ایلشدر بعض مورخین بوکا و برده عصر مراد
خان ثانیله جانبیک حاکمی ایکن نفسنی تسلیم ایدن حسین بکه مقفودرد
دیرل واصله جانب سلطنته مخالفت وادیسنه سلوک ایتدکلی و ابا
واجداد لرندن موروث اولان حکومتلرنده مطاوعتکارانه تعیش ایلکده
بولندقلری حالده مظهر قهر دهر اولدیله دیو نأسف ایدرل

قونیه حکومتندن طرد اولنان قرمان اوغلی احمد بک ایران شاهی اوزون
حسنه النجا و سلطنت عثمانیه نك حقلرنده ظهور ایدن معاملانندن بشت
وشکوی ایدوب حسن طویل ایسه طربزون قهندن طولانی فاتح حضرت تلمیسه
مغیر و سیف جهانگیری بد اقتدارنده اولقی خلیاسی کندوسجبه مقرر
اولدیغندن بر مقدار عسکر ایله عم زاده منی بوسجبه میرزایی ارضال ایله
نوقاد و قرمان طرفلرینی تاراجه ایتدار ایتکله قونیه والیسی اولان شهرزاده
سلطان مصطفی اناطولی عسکر یله یتشوب اکثر غارتگرانی قتل و تدمیر
و بوسجبه میرزایی اسیر ایلدی

حسن طویلاک بویله اچیقندن اچیغه تعرضاته اجتناساری حرکت غیرت
صاحبقرانی اولغله موکب همایون تبختر و اهترازه آغاز ایدوب جانب شرقه
توجه بیورلادی سیواسه بعد الوصول روم ایلی بکار بکیسی مراد پاشا
یکرمی بیک قدر عسکر ایله ایلرو ارسال اولنوب پاشای من بور ایسه قنطره
نجر به دن مرور ایتماش بر جوان زور آور اولدیغندن دشمنی کوزینه
کسدیره رک مهاجمه نمای استیصال و اوزون حسنک دام مکر و فریفته گرفتار
اولغله کندوسی و میننده بولنان عساکر اکثریسی تلف اولدی

بونک اوزرینه حسن طویلاک غروری برقانده ترفی ایدرک بایورد فربنده
معسکر پادشاهی به مقابل اولدقه ذات پادشاهی قپو قولی عسکر یله
وسطده و شهرزاده سلطان مصطفی و سلطان یازید جناحینده و اناطولی
وروم ایلی و سائر ابالات عساکری موضعلرنده طوروب سکر یوز یتش

سکز سنه سی ربيع الاولك اون النجی چهارشنبه کونی حرب به مباشرت اولندی

رکاب همایونده بولتان قیو قوی هنوز یرلندن حرکت وتشهیر سلاحه مبادرت ایتکمزین جناحینده بولتان جیوش عثمانیه ک هجومیه اردوی دشمن یریشان وحسن طویل سمیت ادبارة کر یزان اولغله کافه مهمات وادواتی ادخال قبضه تسخیر واون بش بکرمی بیک قدر اشخاص دخی اسیر اولندی بونلرک احوالی لدی التفقد ایچلرنده تیمور احفادنن اوج میرزا و بش اون نفر فضلا ویک چوق ارباب صنایع موجود اولدیغی تبین ایتکله بومثالور مالک محروسه به اسرا وقره قویونلی طائفه سندن اولنلر حقهده صفو غموی اجرا اولنوب فقط اق قیونلی طاقی که لازم الازاله اشرادن ایدیلر انلردن درتیک نفری کردن داده بیغ سرتیز اولدی

موسم شتا قریب وتمقرب دشمن خصوصی بلاد اسلامیه بی مستلزم تخریب اولدیغندن عودته قرار ویر بلوب قره حصار شرقی حوالیسته کلد کده محافظی بولتان داراب بک تسلیم حصاره مسارعت ایتکله میرمز بوره چرمن سنجاغی احسان یورلادی

قرمان اوغلی پیر احمد بک حسن طویلاک باشنه بلا وشمع اقبالنه موجب انطفا اولدقدن صکره ارمناک وسلفکله طرفلرینه وارد اولدیغی متموج پادشاهی اولدقده تکرار کدک احمد پاشا ارسال بیور بلوب هجوم ناکهائی ایله میرمز بورتک جهمینی یریشان وعائله سنی وضع ایلدیکی مینان قلعه سی مجبور استیمان قلعه بچاره پیر احمد بک بو الم جانگاه ایله برسنه میورنده حدود شامده فوت اولدی

قونیه والیسی شهزاده سلطان مصطفی سکز یوز یمش طقوز سنه سی دوهلی حصار قحی نیله اول طرفه حرکت ایدوب امنای قرماندن محافظ قلعه بولتان انجه بک بعد ازین آل قرمانک اعاده حکومت ایده بلرلندن مایوس اولغله قلعه بی تسلیم ایلدی شهزاده مشار الیه بو وجهله نائل مطلب اولدی ایسده بهد العوده ارتحال دار بقا بیوردیلر

جنو یزر قوه بخریه لری شایه سنده اقدکز وقاره دکرک بعض ساحلارینه منصرف اولشلر ایدی بوقیلدن اوله رفی فریم جزیره سنک جهت

شرقیه سنده واقع کفه سنجائی تعبیر اولنان یرده یعنی بحر ازاق بوغازنده
برقاج پاره قلعه اغمار ایدوب اوتور مقده اولدقلری و ملوک نازک قلعه کیرلکه
عدم قدرتلرندن و علی روایه جنوبزل واسطه سبله اوروپا معمولاته
دسترس اوله کلدکلرندن تعرضدن اجتناب ایلکده بولندقلری حاله
سکز یوز سکسان تار یخنده کدک احمد پاشا اوچوز پاره سفینه ايله قره دکره
اخراج اولنوب کفه وازاق و منکوب قلعه لری تسخیر ایتدیرلدی النان
اسرا ایچنده قریم خانی ایکن وفات ایدن حاجی کرایک منکلی کرای نامنده
بر اوغلی اولدیغی خبر النوب لیدی التذقیق حاجی کرایک وفاتده حرب
و ضرب به قادر سکز اون نفر اولادینک تحصیل حکومت ضمنده بیلرنده
مقاتلات کثیره وقوع بولدیغندن مشار الیه منکلی کرای برقاج کون جالس
مسند حکومت اولدقسن صکره برادرلرینک تسلطلری سیبله جنوبزله
الجا ایلدیکی تبین ایتش اولسنه مبنی اکرام و احتیاضی امرنده اهتمام
اولمقده ایکن قریم اطه سنده تحث ایدن شورش و غوغا بروجله
تسکین اولنه مدیغندن قریک هلا و امراسی مشار الیه منکلی کرایک
علی طریق النیابه قریه کوندرلمسی نیازینی متضمن رکاب همایونه عرض
محضر تقدیم ایتلریله در حال دارات و لوازماتی ترتیب اولنه رق ارسال
و قریم حکومتیه توقیر و اجلال بیورلدی

اشقودزده نغرد ایدن اسکندرک تأدیپ و تر بیه سی ایچون دفعاتله عسکر
سوق اولمقده پک چوق تلفات وقوع بولاش و ارنودلغ اکثری موافقی
ضبط و ایل بصلان قلعه سی بنا اولنه رق اولدقجه امنیت حاصل اولاش ایسه ده
ارنود اسکندر یه سی دینلان اشقودره تسخیر اولنه مامشیدی بود قفه
دخی بوخصوصه مأمور اولان زوم ایلی بکلر بکیسی خادم سلیمان پاشا
موفق اوله مدیغنه و بغدادن حاکمک دخی حرکات سرکشانه سی مشاهده
قلند یغنه مبنی پادشاه غازی حضرتلری سکز یوز سکسان برسنه سی اولجانبه
عطف عنان ایدوب کشور بغدادن ایکی آیدن زیاده فرسوده سم سمند
غازیان اوله رق بعد العوده بحار قرانک طونه و موزوه نهرلری ملتقا سنده
بنا ایلدیکی قلعه تخریب قلمدی بوسفرده افلاق و یوده سی موکب
همایون معیتده بولمقده النان غنایمندن اکادخی حصه افراز اولندیکه
اکثریسی جنوار سوریلری ایدی

ايرتسی سنه اشقودره قلعه سی محاصره اولوب لیکن موقعنک صربلی
وقلعهنک رصانتی مانع فتح اولغله سد مخارج و مداخل ایچون جوارینه
برقلعه بنا واشقودره ملحقاندن بولان اوچ عدد پانقهنک تسخیر یله
اکتفا بیور یله رق عودت همایون وقوعنی متعاقب اسکندر بکک وقوع
وفاتی جهت یله اشقودره قلعه سی دخی اهلایسی جانبندن تسلیم اولغله
ارنودانک کیفه لاق قطعده سی کاملاً حوزة حکومت عثمانیه یه داخل اولدی

سکزیوز سکسان درت سنه سی کدک احمد پاشا دونمای همایون ایله
ارسال اولوب اولونیه طرفلری فتح اولاندقدن صکره ناپولی اولکاسنده
واقع اوترانته شهر ی وجوارنده بولان برقاج قلعه فتح اولمش ایسه ده
پاشای غازی تکرار عسکر و مهمات اللق اوزره ایکی سنه مرورنده عودت
ایذوب بو آوانده ایسه فاتح حضرتلری وفات ایش و سلطان یزید جم
سلطان غائبه سیله مشغول بولمش ایدو کندن ناپولی جهته باقلغه زمان
مساعده اولدیغنه مبنی ایتالیا نلر ممالک من بوره نک استردادینه دسترس
اولدیله

کذلک وزراذن مسیح پاشا سردار غلبه زدوس قلعه سی محاصره اولوب
قیمی قوه قریبه یه کلمشیکن پاشای من بور قلعه ده مدخر اولان اموال
طرف حکومت طائد در غارت اولمشون دیو دالالار ندا ایتدیر مکه
مهاجینک روگردانلقلرینه بادی و بی فتح وظفر عودتی مؤدی اولدی

ذوی القدریه خاندانی که چلبی سلطان محمد من حومه وفاتح حضرتلرینه
قیز و یروب شرف صهریتله مشرف اولمشلردن بولردن حکمدار وقت
بولان شهسوار بک برارالق فاتح حضرتلرینه مخالف و مصر لیلره طرفدار
کورغشیکن مؤخر مصر سلطانی قایقبا ی بر تقریبه شهسوار بکی اله کتوروب
مصرده باب ذویلده بردار و ممالک ذوی القدریه بی میر من حومک برادرینه
توجیه ایلدیکنه و منازل حجه اولان بر که لک نمیری حقنده اولان نیت
پادشاهی یه دخی مساعده ایلدیکنه بناء فاتح حضرتلری عربستان سفری
عزمیله اسکنداره گذار و ککبوزه قریبنده نصب سرادقات اجلال ایلد کده

طانت سلطان بايزيد
خاي ثاني

سكسان التي سنه سي ربيع الاول سنة ١٠٠٠ الي ابيك باشنده و سلطنتك اونوز ايكيني
سالنده هر تحل دار آخرت اولدي

مژده سلطنت اماسيه واليسى بولنان سلطان بايزيد اسرا و امر وفات
اخفا اولندي ايسه ده تدابيرده بعض قصور وقوعنه ميني بكيچريلر كيفيته
مطالع اولملايله رفع هلم شقاوت و وزير اعظم قرماني محمد پاشاي قتل
ايلد كدن صكره بيوت يهودي غارت ايلديلر

سلطان بايزيدك شهزاده لرندن سلطان قورقود استانبولده بولمغله پدري
طرفندن نيابة تحت سلطنته اصمعا اولديغني متعاقب سلطان بايزيد دخی
وارد اولمغله آتش فتنه منطفي اولدي

قونية واليسى بولنان جم سلطان پدربك وفات و برادرينك جلوسني
استماع ايلد كده شركت سلطنت دعواسنه قيام و بروسه جانبده عطف جام
ايدوب ايكينك بكيچري ايله بروسه محافظه سنه كوندز بلان اياس پاشا
مقاومته قادر اوله مديفندن سلطان جم شهره داخل و سراي همايونه
نازل اولوب نامه خطبه قرائت ايتديرورك اعلان استقلال ايلدي
سلطان بايزيد حضرتلري سپاه اراسته ايله بالذات جم سلطان اوزرينه
هجوم ايدوب يكيشهر محرابنده تقابل صفين وقوعه بولمغله سلطان جمك
لالاسي اولان يعقوب بك طرف سلطنتدن مجلوب بولنديغنه ميني موكب
همايونه التجا ايلكله سلطان جمك عسكري پريشان و كندوسي قونية
طرفنه كرىزان اولدي

قونية ده بولنان والده و عيال و اولاديني بالاستصحاب جانب مصره و اورادن
دخی حرمين شريفنه هزيمت و ايقاي فريضه حجب صكره سلطان مصرك
اعانه سي و آل فرماندن قاسم بكك اتفاقه دعوتی اوزره بنه فرمان
حدودينه عودت ايلدي

طرف پادشاهيدن جم سلطانانه ارسال رسل و رسائل ايله حكومتكاهي اولان
قونية ايلتك و ارداتي كندوسنه و يرلك اوزره قدس شريفده اقامت
ايلسي تكليف اولندي ايسه ده سلطان جم ارضا اوله مديفندن قوه
كافيه ايله كدك احمد پاشا مأمور اولمغله كرك سلطان جم و كرك قاسم بك
هسكريله وقوعه بولان مقاتلاتده پاشاي مشار اليه مظهر فوز و ظفر
اولمغندن سلطان جم بوجهتدن نائل امل اولمغدن محروم اولمغنه

وقاسم بك دخی دولتك مشغولیتنی روم ایلی طرفنه دوشوروب کندوسنجه
ممالك قرمانك مضبوطی کسب سهوات ایلک مقصدیله سلطان جی روم ایلی
جانبه کچمکه تشویق ایلدیکنه مبنی شهرزاده سادهدل ردوس قوالیرلندن
کی طلبی ایچون آدم کوندروب کتورتدی

مفصلات توار یخده بیان اولندیغی اوزره سلطان جم کی به بند کدن صکره
حریتنی غائب ایتمکله اون ایکی سنه قدر اوروپاده قالوب آخر الامر
مسموما وفات ایلدی

شویله که برمدت ردوشده توقیف وبعده پایایه اهدا اولنهرق پایا دخی
جانب دوات علیه دن تحصیل منفعت خصوصینده سلطان جی آلت اتخاذه
امراز وقت ایتمکده ایکن سلطان جک والده سی بوربون خاندانندن
بولنان فرانسه قرانك همشیره سی اولوب استانبول ایمپراطورینه تزویج
ایچون کوندرا دیکی حالد ايام قیحه تصادف ایدرك فاتح حضرتلرینك
شرف ازدواجیله مشرفه وسلطان جی متولده اولق حسبه فرانسه
قرالی سلطان جم اوززینه دعوی حق قرابت ایله حربا تخلص ایتش
ایسده طقوز یوز تار یخنده پایا طرفندن خفیا تسیم ایتدیرلشدر بعض
روایتده دخی قوجه مصطفی پاشا سلطان بایزید طرفندن کوندرا بلوب
بربر اولق اوزره شهرزاده یه انتساب وزهر آلود اوستره ایله تراش ایدرك
سبب ارتحال اولمشدر هر نه ایسه سلطان جک وفاتیه سلطان بایزیدك
اوهامی برطرف اوله رق جنازه شهرزاده دخی کتور بلوب بروسده تربه
مخصوصه سنه دفن اولندی

سلطان جک فرارندن صکره قرمان اوغلی قاسم بك حرکات واقعه سنندن
اظهار ندامت وعاطفت پادشاهی به دخالت ایتمکله علائیه سنجاغی احسان
اولنهرق سلطان بایزید ادرنه یه رجعت ایلدی

پادشاه حضرتلری سلطان جم غائله سیله مشغول ایکن بغداد حاکمی کشور
افلاقه تعرض ایلدیله موکب همایون بغدادنه سوق اولنوب سکر یوز
سکسان طقوز سنه سی کالی واتی کرمان قلعه لری فتح اولندی وبوسف
همایونده قریم خانی منکلی کرای خان وافلاق وبوده سی معیت پادشاهیده
بولندی

بعد العود بغداد حاکمی کالی بی محاصره ایتدی ایسده اولخوالیده بولنان

امرای عثمانیه نك سطوت سیوفيله فراره مجبور اولدیغندن ایکی سنه
علی الاتصال ممالك بغدادان پامال خیول یغما اولوب نهایت جانب سلطنتدن
ویوده نصیله اسایش مملکت استکمال قلندی

مصرده سلطنت ایتکده اولان دولت چراکسه نك ذوی القدریه ورمضان
اوغلی حکومتلرینه اولان تغابی دولت علیه به خوش کلدیکی کبی مملکت
قرمانک حکومت عثمانیه الحاقی دخی مصرلورک ایشنه الیوبرمامکله
دولتین بینه برودت واسترقاب کیرمشیدی حال بویه ایکن سلطان
مصرک جم سلطانه اولان اعانه سی مصر اولان آتش عداوی اشعاله
باعث اولدیغنه مبنی قرمان بکار بکیسی قره کوز پاشا سرحدده بولسان
قلاع تسخیریه مأمور اولغله ادنه وترسوس قلعه لری ضبط اولندی ایسه ده
مصردن اعزام اولنان اردونک مدافعه سنه تعیین اولنان اناطولی بکار
بکیسی هر سک زاده احمد پاشا وقوصبولان محاربه ده منهزم واسیر اولغله
مصرلور مذکور قلعه لری استرداد ایلدیلر

بونک اوزرینه سکر یوز طه سان اوچ سنه سی وزیر خادم علی پاشا سپاه
اراسته ایله ارسال اولنوب ادنه قرینه محاربه شیده وقوعیله ایکی
طرف دخی زیاده زده انوب مفارقت ایلد کد نصرکه اردوی همایونک عودتی
خبری فرط مخافه ایله طی مسافه ایدن مصرلوره واصل اولدقه تکرار
ممالك عثمانیه جانبیه حرکت ونیکده ولارنده به قدر ظارت ایتدیلر

بوخبر سمع همایونه ایریشد کده تکرار سردار تعیین قلندقدن بشقه بالذات
عزم پادشاهی دخی تقرر ایتش وعلما وارکان دولت مصر سفری اوزرینه
اتفاق ایتشیکن تونس پادشاهی سلطان عثمان حفصی طرفندن توسط
اونوب مفتی عصر اولان مولانا زین العربی دخی سفک دماه مسلمیندن
اجتناب اولمقی باینده نصایح موثره ایراد ایتکله سکر یوز الی سنه سی ترک
مخاصمه به قرار ویریلوب چقور اووده ضبط اولمش اولان برقاج پاره
قلعه دخی حرمین شریفین وقفی اولوق حسبیه حکومت مصریه به تسلیم
قلندی

بحار قرالی فوت اولوب غیر منکوحه برقراریدن متوالد اوغلندن ماعدا
خلف ترک ایلدیکندن انک ویاخود له قرال زاده سنک مقام حکمرانی به
اصغادی خصوصنده انکروس امراسی بینه اختلاف دوشدیکنه و بان

تمیر اولانان باغراد محافظی پادشاه حضرتلری اول طرفه کلور ایسه بلغرادی
تسلیم ایلده جگنی اخبار ایلدیکنه بناء سکر یوز طقسان یندی سنه سی
موکب همایون صوفیه یه وارد اولدوقده امرای انکروس له قرال زاده سنی
مجار نخته اجلاس و محافظ مر قومی تبدیل ایلدکاری خبر المنغله ارنوداق
طرفه توجه اولوب عصیان اوزره بولانان نواحی تحت تربیه یه ادخال
اولدوقدن صکره دار السلطنه جانبدار مرجعت والی سنه قدر زمان
اختیار سکوت و اقامت بیورالدی

بومدت ایچنده سمندر بکی اولان میخال اوغلی علی بک مجارستانی غارت
کیدوب عودتده یوصوده بولانان دشمن عسکرینه مغلوب اولمش
اولدیغدن مجار قرالی غیرته کلوب عساکر کایه ایله درنجیل بان نام جنری
بوسنه تسخیرینه کوندردیکی بوسنه بکی یعقوب پاشانک مسموعی اولدوقده
تحت اواسنده بولانان غزاة موحدینی جمع ایله خرواقستانه کچوب قروا نام
محامده وقوع بولان محاربه شیدیده فرقه دشمندن اون بیکی مقتول و جنرال
مر قوم ایله برابر اوله رق اون بک قدری دخی قید اسره موصول اولدی
بو خبر نصرت واصل سامه دولت اولدوقده پاشای غازی یه روم ایللی بکار
بکلیکی عنایت بیورالدی

مجار وله حکومتلری بک وجود حکمنه کیرمش اولدیغنه مینی مجارلورک
حرکات واقعه لرینه مقابله و له اولرک دخی بغدادنه تسلط لرینه بناء سلسیره
بکی مالفوج اوغلی بالی بک فرق بک قدر جنود مسلمین ایله لهستانه
هجوم ایدوب ایکی آی سرتاسر کشور لهی پامال خیول یغما و غارت
ایدرك غنایم و اسرای لایحصى ایله دارالاماره سنه عودت ایلدی
وندکلور بدنده بولانان موره جزیره سنک جهت غربیه سی فتح و تسخیر
اولمق تصمیم اولمنغله بوسنه ایالتی وزارتدن متقاعد اسکندر پاشایه بالکوجه
وندیک ممالکنی غارت ایلمی اراده بیورادیقندن پاشای مشارالیه پایجه
و بوسنه لوفجه سی و دراج کی قلاعی فتح ایتدکن بشقه نال وندیک شهرینه
قدر غارت ایتکده ایکن طغوز یوز درت سنه سی وزیر هر سک زاده احمد
پاشانک معینه روم ایللی و اناطولی بکار بکلیری مصطفی پاشا و سنان پاشا تعیین
اوله رق ارسال و دونمای همایون دخی قیودان داود پاشا قومانداسیله تسبیح
قینوب برا و مجرا محاربات شیدیده وقوعندن صکره ایله بختی قلمه سی تسخیر اولمنغله

و خبر فتح اثنای راهده سلطان بایزید حضرتلرینه واصل اولغله ادرنهیه
عودت اولندی

بوند فصره موزه ایالتی خادم علی پاشایه توجیه و قلاع سائرته ضابطه سردار
نصب و طقوز یوزیدی سینه سینه قدر بر او بحرا محاربات کثیره ایله و متون
و قرون و سار حصارلر تسخیر اوله رقی موره ایالتی و ندیک اشتراکندن
تخلیص قانندی

وند کلور فرانسه لوردن استمداد و سفن کثیره ایله مدلاوینی بوکره دخی
محاصره ایتمیشلر ایسه ده مغنیسا و الیسی شهرزاده سلطان قورقودک امانه سیله
منهزما فرار ایلمک لری مثلاً اناطولی ساحلارینه و قوعبولان تسلطلرندن
دخی فائده مند اوله مدیله

سلطان بایزید خان حضرتلری حد ذاتنده سفر و حرکتدن مجتنب و راحت
و انزوایه راغب بر پادشاه درویش نهاد اولدیغی حالده برش وافیون کی
بعض مکیفانه ابتلا سندن و یاشنی الدقیقه قواسنه ضعف و خلال طریان
ایلمه یکنندن امور سلطنتی و کلا سینه تحمیل و طاعات و عبادات می اسمنی تکمیل
وادی سینه سلوک ایدرک دولت صاحب سزکی قالمغله و قوعات آینه دهشت
بخشای ظهور اولمشدر شویله که شیخاقله شاهلخی جمع ایدن شاه اسماعیل
صفوی خطه ایرانی ضبط و جوارنده بولان حکومتلرک کیمنی الفا و کیمنی
امری نه ربط ایدوب نائل اولدیغی غلبات متوالیه و کثرت عسکریه یه
مغرورا تمور یولنی طوته رقی اسکداره قدر قبضه حکمنه اذخال ایلمکی
قورمش و کندوسی اکثریا حدود اوزرنده طولاشوب ارسال نقبا ایله
اناطولی خلقنی مذهبنه دعوت ایدرک خلیجه طرفدار پیدا ایلمشیدیکه
بقیه سیف سلیم خانی اوله رقی بونلردن بعض قبیله لر الان اناطولی ایچنده
موجوددر حال بومی کرده ایکن قونیه و مغنیسا و کفه و الیلمی بولان سلطان
علم شاه و سلطان محمود و سلطان محمد نام شهرزاده لری متعاقبا و فاتلری پادشاه
حضرتلرینک بتون بتون فتور و یاسنی مستلزم اولدیغندن اما سیه و الیسی
بولان بیوک شهرزاده سلطان احمد فراغ سلطنت ایلمکی تصمیم ایدوب
شهرزاده مشار الیه ایسه این الجانب حلیم و کریم اولدیغندن و بوجه تله
و کلانک دخی ایسه موافق کلمه یکنندن بویاده پادشاهی تشویق ایدرل
ایدی

ایکجی شهرزاده سلطان تورقود اصحاب فضل و کمالدن وادبا ايله هم بزم
والفت عرفادن اولوب پدرينک بونيتنه مطلع اولدقده طائفه عسکریه
ایچنده ال پیدا ایتکه تشبث ایلدیکنه مبنی مفتیسادن قالدیریلوب حکومتگاه
سابق اولان تکه به کوندرا دی لیکن مشار الیه بوتوجیهدن بوی تبعید
استشمام ایلکله مفتیساده ابقاسی نیازینی تکرار ایلدیکی حالده شهر
اوله مدیفندن باضروره تکه به کبتدی ایسه، برمدت مرورنده کال
انفعا لیدن مصره فرار ایدوب مؤخر سلطان مصرک نصایحیه تکرار
سجاعنه عودت واعتذار نامه تقدیمه مسارعتله مظهر اعفو پادشاهی
اولمشکن بغته تکه دن قیام و مفتیسا جانبغه عطف لجام ایلدیکی خبری
واصل در دولت اولدقده حسب الوقت و الحال ینه مفتیسا و ایلکله ایحال
بیورادی

لیکن شهرزاده مشار الیهک بو حرکت فوق العاده سی پادشاهک شایعه
ارتحالی تگونه باعث اولدیغنه و تکه حوالیسی حاکمکن خالی قالدیغنه بناء
شاه اسماعیل مجلوبلرندن و تکه اهالیسندن بر ملحد قاعده اعجام اوزره
شاه قوی نامنی طاقنوب باشنه طو پلطان ایکی اوچ بیک قدر اشقیای
روافض ايله اناطولی بککریکیسی قره کوز پاشایی باصه رق عسکرینی
تار مار و کندوسی اله کتوروب کوتاهییه قلعه سی برجنه بردار ایلدی
بو پیام بارد سمع دولته وارد اولیجق شهرزاده سلطان احمد تشکیل اشقیایه
مأمور اولمش ایسه ده عهده سندن کاه مدیکی جهته وزیر اعظم خادم
علی پاشا بر مقدار عسکر ايله استانبولدن قانقوب اشقیا اوزرینه توجه
ایلدی و سلطان احمد ايله بر اشوب بو ایشه موفق اولندقدن و خلق یشنه
شهرزاده مشار الیه تحصیل نام و شهرت ایلدکدن صکره اجلاسی مادی
تصمیم قلندی

علی پاشا اشقیانک ایرانه طوغری قاجه قده اولدقلرینی استماع ایلدکده
اجتماع عسکر حاصل اولقسزین اسب تهوژه سوار وارقه لرندن مهمیزن
الغار اولوب سیواس حوالیسندن کولک چای نام محله یشدی انجق اشقیا
فنا بر موقعه کیرودونوب علی پاشایه هجوم ایتکله پاشای غازیکنک شجره
عمری کوتاه و اشقیا دخی شاه اسماعیل درگاهنه رو براه اولدی
اوچجی شهرزاده اولان طربزون والیسی سلطان سلیم خان حضر تلزی

حرب و ضرب به مائل و فضیلت و شجاعتله مشتهر غصوب و غیور بر شهرزاده
مهاجم و فور اولدیغندن دأرہسی مجمع شجہان و ملجاء معارفندان زمان ایدی
علی الدوام کرجی طائفہسی و شاه اسماعیل منسوباتیله محاربہ لر ایدوب
حتی بایورد و ارزنجانی فتح ایلکله ارکان دولتک افاداتی اوزرینہ پدری
جانبندن فرمان عالی صادر و بالکز حوزه حکومتک محافظہ سیله مقید
اولوب تجاوزی حرکاتدن مجانبت ایتسی باینده تنبیه پادشاهی واقع
اولشیدی

سلطان احمد جتندہ اولان تصمیماتی استماع ایندکده احوال دولتک
اغتیشاشندن و طربزونک ستمسزایکندن بحث ایدرک روم ایلندن بر منصب
طلب ایدوب وارد اولان جوابده روم ایلی وجود پادشاهی ایلہ محافظہ یه
مقرون و شهرزادگانه اورادن سنجاق توجیھی خلاف قانون اولدیغندن
اناطولیدن قنغی سنجاغہ رغبت ایدر ایسه ویریلہ چکی بیان اولاندقده
یدرم ایلہ کوروشوب احوال دولتی شفاها عرض ایتک اقتضای مصلحتدن
اولشدر دیرک مخدوم مکرملری سلطان سلیمانک حکومتکاهی اولان
کفہ یه سرور و قریم اوزرندن طولاشه رق اون بیک قدر آدم ایلہ طونه
نهرندن عبور ایدوب سلسترہ یه واصل اولدی

ارکان دوات سلطان سلیمک مزاج و مشوارندن منوحش اولدقلری حالده
روم ایلی یه کچمستندن بتون بتون و همه دوشوب بوحرکاتی عادتاً عصیان
عد ایدرک جمع عسکر ایلہ سلطان بایزیدی ادرنہ کوتوردیلر سلطان سلیم
دخی تقرب ایلدکده ارسال رسل و رسائل ایلہ ماده ملاقات وقت مرهونته
تاخیر و شمدیلک سمندره منصیلہ توقیر اولوب خلعت سلطنت شهرزادگاندن
هیچ برینده الباس اولغامق و ولی عهد تعیین قلمیوب مشیت الهیہ یه
براغلق شرائطیله فصل دعوا اولندی

لیکن سلطان سلیم خان حضرتلری اناطولی احوالی کسب انتظام
ایدنجه یه قدر بزم بورالرده بولغامن لازمدر دیرک قرانلق حوالیستنده قرار
اوزره ایکن سلطان بایزیدک استانبوله عودت و سلطان احمد دعوتنامه
ارسالنه مبادرت ایلدیکنی استماع ایلدکده حرکت سریعه ایلہ چورلی
جوارنده موکب همایونه یتشدی سلطان بایزید حضرتلری عربہ ایچنده
ایدیلر ارکان دوات عربہنک پردهلرینی قالدیزوب دست شریفکزی

تقیه کلان مخدوم کز اردوسنه نظر بیورون دیوسلطان سلیم عسکری
 ارئه ایله محاربه به رخصت الوب همان طویلره آتش و یردیله سلطان سلیم
 محاربه دن اجتناب ایلدی ایسه ده ضروری بر مقدار مقاتله وقوه بولایله
 احوالی به رجعت و مقدا اوراده استحضار ایلدیکی سفینه لر ایله کفه به
 عودت ایلدی بونک اوزرینه سلطان یازیدک استانبوله وصولی متعاقب
 سلطان احمد اسکدار جوارنده واقع مال تپه به وارد اولدوق ظهور مرده
 سلطنته مترقب اولدیغی حالد یکیچر یلر سلطان سلیم طرفته مجزوب
 و مجلوب اولدیغندن مخالفته قیام ایلوب سلطان احمد شیطان قوی وقعه سنده
 لایق ناموس دولت حرکتیه موفق اوله مامغله باعث شین ورزالت اولدی
 سلطان قورقود اگرچه علم و فضل ایله متصفدر لکن بوعصرده مقام
 سلطنتک اهل واریانی دکلدر سلطان سلیم امی اداره و سیاسته ماهر
 و خصمای دولتک حقندن کلمه قادر اولدیغندن بویله زمانده اندن بشقه
 پادشاه قبول ایتمیز دیه رنه غوغانی بیودوب سلطان احمد طرفدار اولان
 وکلا خانه لرینی غارت ایتمزیه بالضروره سلطان احمد خبر ارسال
 و شمدیلک تأخیر مصلحت ایجاب ایتمشدر مآلنده اعتدال ایله منصبی طرفته
 عودتی استعجال اولدیغندن رجعتیه مجبور اولدی

ارتق بونک اوزرینه هوا دشمنکله هر طرفدن سلطان سلیم دعوتنامه لر
 یاغذیرلدیغندن شدت شتایه باقیوب طونه منجمد ایکن اوزرندن بالمرور
 سیر سریع ایله طقوز بوز اون سکن سنه سی صفر الخیری اوائلنده استانبوله
 واصل و یکی بنجه چایرنده رکز اولنان اردوگاهنه داخل اولدی

برقاج کون میرورنده پدیری ایله ات اوزرنده لدی الملاقات سلطان یازید
 حضرتلری شاه اسماعیلک متغلبانه اطوارندن شکایت و سنی سردار ایلوب
 کوندریم دیه رنک ضمیرینی بوقلمغه مبادرت ایتد کده بو امر عظیم بلاسلطنت
 قابل تنظیم دکلدر جوابینی المغله خواه ناخواه تخت سلطنتی سلطان سلیم
 تسلیم ایدرک عزت کزین اولوق اوزره خواص خدامیله مالقریه عزیمت
 ایلدی ایسه ده اثنای راهده احتمال ضعف تسیم ایله التمش الی یا شنده
 و سلطنتک اوتوز ایکنجی سالنده واصل خلد برین اولدوق جسد شریفلری
 جامع لامع الانوارلری پیشگاهنده واقع تریبه مخصوصه لرینه دفن اولدی

عمارت حاضر دارند الان محفوظ اولان وقفیه دارند مسطور اولدیغی اوزره
جسد شریف قاری حضرت خالد جوارنده مقابر مسایه دفن اولوب
اوزرینه قبه بنا اولماق جمله وصیتلرندن ایکن نه مطالعیه مبنی اجرا
اولمادیغی تحقیق قلند مامشدر

✽ ایکنی فصلاک تکمله سی ✽

تیمورک صدمه سی جسم دولته اغر یارملر اچدیغندن اعاده عافیت اقبال
قولای شی دکل ایکن مجدد دوات القابنه لایق ومظهر اولان چلبی سلطان
محمد مرحومک اقدام وغیرتی وتوفیقات الهیهیه مقارنیه التیام پذیر اولمشدر
چونکه تیمورلنک آبدین وقونیه وقسطهونی و کوتاهییه ایالتلرینی حکومدار
سابقلرینه اعطا ایتمکله اناطولی قطعه سنده ممالک عثمانیه ازمد و بروسه
وبالیکسری وانقره واماسیه سنجاقلرینه منحصر قالوب یلدرم بایزیدک
فقدانیله شهرادکان دخی بری برینه دوشدکلرینه وطوائف ملوک ایل
استانبول ایمپراطورزی عثمانلی اوجاغنی سوندرمک وتکرار فرصتیاب قوت
ومکنت اوله بیللرینی منع ایتمک ایچون قولا وفعلا مقتدر اولدقلری افسادات
واضرارائی اجرادن برآن کیروقالمدقلرینه مبنی ممالک عثمانیه اون سنه دن متجاوز
مقاتلات دائمیه ایچنده قالمشیدی اگرچه روم ایلی قطعه سی تیمورک یازده
خیول یغماسی اولدی ایسده اناطولی اعانه سندن محروم قالدیغندن سلائیک
وصربستانک بعض برلری الدن چیقدقدن ماعدا ویرکو اعطا ایتمکده
اولان ملوک مجاوره عیسویه معاملات سرکشانهیه متجاسر اولوب فقط
جناب حقک لطف واحسانیه قصوه وادرنه محاربه لری مثلواهل صلیب
هیتنده اتفاق عمومی ایل هجومه قدرتیاب اوله مدیلمر واکثریا دولتلرک
بویله بریشانقللری زماننده ارباب قدریدن بولنان ولایه وامرا دعوای
استقلاله تصدی ایده کلمشیکن وروم ایلنده اورنوس بک ومیخال بک
خاندانلری کی حشمت وقوت صاحبی امرا موجود اولدیغی حالده هیچ
برسی بوطریقه کیمدیلمر وولی نعمت زاده لرینه خیانت ایتمدیلمر برده
جناب حق هر فبالغک ایچنده بعض محسنات دخی خلق ایده کلدیکندن
تیمور وقعه سی دولت علیه نک انباه وتجددینی موجب اولدی چونکه
یلدرم بایزید خان عصرنده زیب وزینته وهوا وهوسه میل وزغبت

علامتلى ظهوره باشلامغه كوندن كونه ايلروايه چكى ويازيد خانك
وفاتنده بيوك شهزاده امير سليمانك قاعده جالس تخت دولت اوله چى
دركار وشهزاده مشار اليهك احوال تن پررانه سى ايسه ثابت و آشكار
ايدو كندن عواقب امورك وخامنى ملحوظ ايدى لىكن يلديرم خانك
بوصورتله فقدانى شهزادكانك تفرقه سنى استلزام ايدرك قاعده بوزلغله
وچايى سلطان محمد مر حوم ايله امرا ووزراسى حصول مطلبه قدر انواع
فلاكت و مشقت ودرلو درلو مخاطره و مقاتله ايجنده بوانه رق جفاكشلاكله
ازسرنوافت ايلملكه مزاج ذولنه عارض اولان طور غونلق زائل اولدى

بوجهله چايى سلطان محمد مر حوم ذوانى بوانه قويدقندن و مراد ثانى
حضر تلى دى تيمور وقعه سنده اولان ضايعاتك اكر ييسى استرداده
موفقى اولدقندن صكره اواخر سلطنتنده وارنه وايكنى دفعه اوله رق
قوصوه محاربه لى كى ايكي جسم ميدان جنك كنده نائل فوز و ظفر اولديقتدن
هيت شمشير عثمانى دوست و دشمنه هيت مدهشه سابقه سيله عرض ديدار
ايلدى

فاتح حضر تلى دى مركز استقرار دولت اولان استانبولى و مناقبا
صر پستان وهرسك و بوسنه يى و موره نك برجه تيله طربزون و قريم و مدالوبى
حوزه حكومتنه ادخال و قونيه نك ضبطيله نصب كرده تيمورى اولان
طوائف ملوك الغاسنى اتمام ايدوب صاحب ظهورلى دعوا سنده
بوانان حسن طويل دى تاديب و تنكيل ايلملكه سلطنت سنيه نك
شان و شهرتى و غلبه و عظمتى و اوله انداز جهان اولشد

يلديرم خان مر حوم استانبولاك قهنى قوه قريبيه كتور مشيكن تيمور
وقعه سى سيله تاخر ايدوب الى ايكي سنه مرورنده قمع اولمشنه باقلمشه
تيمورك صدمه سى دوات عثمانيه نك اعتلا سنى اولقدز زمان تاخير اتمش

اولديغى على طريق الموازنه استدلال اوانسه بخادر
فتوحات عثمانيه ايكي نوعه منحصرا اولوب بريسى دوات عثمانيه چه
وديكري ملت اسلاميه چه قنادر شق اول ذاتا اهل اسلام طرفندن قمع
اولمش اولديغى حاليه مؤخر سلاطين عثمانيه جانبندن ضبط قلنان
وشق ثانى هنوز اسلام انه كچميان برلك قهنى اولوب بونوعى ايسه

الك زياده مشروع و ممدوحيدر و فاتح حضرت تارينك اكثر فتوحاتي دخی
بوقبيلادن و ذلال شرع شريف حضرت نبوی بي جريان سبقت ايتيان
ممالكه اجرا ايلك موفقيتي جله سندن اولغله بحق ابو الفتوحات و المغازی
لقب جليلاني حائز اولشدر

سلطان بايزيد حضرت تارينك اوان سلطنتي پدر و فرزندينك زمانلرنده اولان
حرکات سر بعه و شديد و اجرا آت مهمه و جسميه نسبتله ايام سکونت
و عطالت حکمنده و هله اواخر سلطنتي بتون بتون شورش ايجنده در چونکه
مشار اليه درویش نهاد و رکوب نزولدن مجتنب بر پادشاه اولوب فقط
برادري سلطان جم اوروپاده بولند قجه ممالك عثمانيه د خولندن بغايت
و همنالك اولديغندن خلقك نظر تحسینه مظهر اوله جق حرکانه نفسي
نحت مجبور يتده کوره رك اوائل سلطنتنده بغداده سفر ايدوب کلی واقکرمان
قلعه لر بني قح ايله کشور بغداد اوزرنده حکومت عثمانيه بني تأسيس
و تأکيد ايلش و مؤخراموره جهته عطف هتله هنوز تسخير اولنه میان
قلاعك ضبطني استحصال ايلش ايسده طقوزيوز تاريخنده سلطان جم
وفات ايدرك ذهن بايزيد خاننده غائله عظيمه اولان معنا مندفع اولديغنه
و يوقاروده مذکور اولديغي وجهله کندورلي دخی ياشني الدقبه و مبتلا
اولديغي برش و آفيون کي مکيفات اعصابنه تأثيري ارتد قجه بتون بتون
امور سلطنتي و کلايه تفويض ايلديکنه مبنی شاه اسماعيلک ممالك عثمانيه جه
نفوذی ارتغه باشلادی و نهايت شهراد کانک ظهور و خروجيله ترك
سلطنت ايلکه مجبور اولدی

✽ احوال ارکان دولت ✽

فصل اول تکمله نسنده بيان اولنديغي اوزره خداوندگار فازی زماننده
نائل وزارت عظمی اولان خيرالدين پاشانک ارتحالنده اوغلی علی پاشا
وانک دخی وفاتنده کذاک اوغلی ابراهيم پاشا و اودخی فوت اولدوقده
ينه اوغلی خليل پاشا وزير اعظم اولوب يکرمي بش سنه دن متجاوز
پايدار اولشيمکن استانبول امپراطورلرينک مجلوبي اولوق و قح قسطنطنيه
خصوصنده ارائه مشکلات ايله عوق و تأخيره سعی ايتک نهميله عقيب
فيمده قتل اولدی

بونلرك دردی دخی اصحاب فضل و کالندن و تشکيل دولت و توسيع مملکت

خصوصاً در خدمت و صداقتی مسبق نداشتن اولوب ایچلرندن
علی پاشا هوا و هوسه میل ایله مشهور ایدیهده تدبیر امور ملکیده
دخی ماهر ایدی انجق بو خاندانک مدت وزارتلی طقسان سنه قدر ممد
اوله رق علی التوارث نائل مقام وزارت عظمی اوله کلدکارینه مبنی شجره
سلطنتک بر شعبه سی حکمنده کورلدکارندن و بوا یسه استقلال سلطنته
مخالف اولدیفندن بشقه خلیل پاشا فاتح حضرتلرینک ابتدای سلطنتلرنده
خلعنه سبب مستقل اولوب باخصوص خواجه تارینخنک روایتنه نظرا
سلطان مراد ثانی حضرتلری حین احتضارنده فاتح حضرتلرینی وصی
مختار و خلیل پاشایی نظارته اختیار ایلمی خاندانلرینک منشأ اضمحلالی
اولمشد

بعد زمان محمود پاشای ولی روم ایلی بکار بگیلکیه معا منصب وزارت
عظمی یه نائل و اون بش سنه قدر خدمات مرعوبه ابرازینه موفق
اولدقدن صکره قونیه سفرلنده قرمان اوغلی خاندانی طومق ممکن ایکن
مر و تمندانه حرکت ایلمک تهمتیه معزول و ایکی سنه مرورنده یه مقام اوله
موصول اولوب حسن طویل انهرزامندن صکره حضور هما بونده
عقد اوشان مجلسده اکثر وزرا پادشاه حضرتلرینی تعقیب دشمنه سوق
ایلدکاری حالده محمود پاشا طرف خلافته بولنوب اوزون حسنک بوضعتیه دن
صکره بربرده طور مق احتمالاً اولدیفندن طاغیر باشنده وقت کچوره جکی
بذیهی اولسنه نظرا تعقیبی بر فائده بی منتج اولیه جغی مثلاً ممالک اسلامییه بی
غارت و اهالیسنه ایصال اذیت دخی پادشاهمزنک دیانت وعدالتنه
موافق دکلدر دیملکه عودته قرار ویرلمشیدی لیکن خصمائی اگر حسن
طویل تعقیب اولسنه اله کچمک مقرر ایدی دیو سلطان محمدی اغضاب
ایلدکارندن تکرار عزل ایله ادرنه جوارنده واقع خواص محمود پاشا دینلان
محمده اقامه قلندی

بر مدت مرورنده قونیه والیسی شهزاده سلطان مصطفی فوت اولدقد
تعزیه ایچون استانبوله کلمکه خصمائی تکرار نائل اقبال اولسندن خوفه
دوشوب محمود پاشانک شهزاده مر حوم ایله بینونت قدیمه لرینی دخی
ایلدکارندن وفات شهزاده دن ممنون اولمشد زمیننده القا آتیه مسارعت
ایلدیلر

لدى الشخص اولوقته مرعى اولان ايام ماتم تمام اولديغندن البسه ماتى
چيقاروب شطرنج اويونيله مشغول ايدوى تين ايلكله قرق كون يدي
قله ده جيس بعده قتل اولدى

بولندن صكره خدمت وزارت عظماء حديقه الوزرا ناميله مشهور اولان
رساله ده بيان اولنان ترتيب وجهله ديوان همايونده بولنان وزرايه تفويض
اولنه كلشدر مقتولين مشار اليهمايه اوچنجهى اولقى اوزره انواع خدمات
جليه سى مسبوق اولان كدك احمد پاشا اوائل سلطنت بايزيد خاننده
ادرنه ده حلف تبغ تلف اولشدر شوييله كه احمد پاشا سلطان بايزيدك
بروسه حواليسنده جم سلطان ايله محاربه سى هنگامنده ركاب همايونه وارد
ومقام صداقتده قائم اولفله انواع التفاته نائل واينجهى دفعه اوله رق
خدمت وزارت عظماء واصل اولشيدى دشمنلى مشار اليه جم سلطان
طرفداراييله اتهام وانك بقايسى سلطان جمك سلطنتنى موجبدر ديو سلطان
بايزيدى اخافه ايلدكارينه و بايزيد خان حضرتلى قرنجه نك بيله رنجيده
اولمنه راضى دكل ايسه ده جم سلطانندن بغايت و همناك اولديغنه مبنى
محافظه جان شرين ايچون مشار اليه قتل اينمكه مجبوريت حاصل
ايدرك ترتيب اولنان برضايت كچه سى ختمنده بيجاره احمد پاشا كشته
تبغ نشئه قضا اولدى

ابوالفتح حضرتلى نك اواخر سلطنتلنده قاضى مسكرلاك اناطولى وزوم ايلي
اعتبار يله ايكي به تقسيم اولديغندن ديوان همايونده وزير اعظم و برقاچ
وزير وايكي قاضى مسكر واستابول قاضيسى و نشانجى و دفتر دار و بيچرى
اغاسى و بلوك اغارى و خواجكان ديوان همايون موجود بولور ايدى

نشانچىلك وظيفه سى ديوان همايوندى صادر اولان اوامر عليه به نظارت
اينك و توجهات مسكر به كه تيمار وزعات توجهاتيدر انلى قانون
ونظامى دائره سنده جريان ايتدير مك و ممالك مفتوحه نك تحريزينه اعتنا
ايلك قضيه لى اولوب حاصلى مسكره دن كسب تميز و تحيز ايدن رئيسك
منصبيله دفتر اما نك وظائفى حازر رئيس و دفتر امينلى انك معيتمده
ايدى

بلوك اغارى بيچرى وسپاه و سلحدار واورنه بلوكار زينلان علوفچيان

یعنی و بساز و اشاعی بلوکار تعبیر قلنان غرباء یعنی و بسار او جاقلرینک اغاری
اولوب دیوان همایون خواجهری دخی شمدی اردو محاسبه جیسی آیدیکم
مأمور بتلره عائد وظائفی رؤیت ایدن بلوکات مذکوره کاتبه‌ری و بکلکچیلک
و مکتوبجیاق و واردات و مصارفات محاسبه جیلکاری مقامنده بولنان ضابطان
اقلام دیمکدر مراتب دولته و صولک بولی دخی شوو جهله آیدیکه دوشیرمه
چو جقلرینک و سفرلرده انان اسرا اطفالک کزیدلری افراز وادرنه
و بروسه و کلیبولی و غلطه سرایلرنده تربیه و تلقین شرائط اسلامیة اولندقدن
صکره سرای پادشاهی به النور و برمدت خدمت همایونده بولانوب لیاقتنه کوره
کسب درجات ایدرک بعده بلوک اغالقلرنندن و یاخود اوزنکی اغالقلرنندن که
میر علم و میراخوز اول و ثانی و قیوچی باشیلقدن کنایتدر بریله چراغ اولوب
برزمان دخی او خدمتلرده اثبات لیاقت ایتدکن صکره حالرینه کوره
میرالوالی و یاخود بکار بگیلکله طشریه کوندر یلور و بروقت دخی اداره
ملکیه واردولر معیننده احوال حربیه به کسب و قوف ایدرک بعده طالعی
مساعد اولوبده خدمات جلیله به موفق اولوز ایسه منصب وزارت ایله
اکرام قلنور و دیوان همایونده قاعد اولورایدی نشانچی و دفتردار کی
ارباب قلیمة دن و طریق علمیه دن و طوائف عسکریه ایشکلارلندن دخی قطع
مراتب ایدرک نائل وزارت اولنلر وار ایسه ده اکثریتی بالاده بیان اولنان
طریق ایله اولدیغی ترجمه حاللرنندن معلومدر

اولوقنک و زراسی عصر من اصطلاحجه سردار اکرم دیمک اولوب لیکن
بولنرک ایکیشر اوچریک و بعضیسنک ده زیاده دایره‌ری خلقی بولندیغندن
برمقداری استانبولده ساکن اولدقلری قوناقده و ماعداسیله حیوانات
وخیام و سایر اسباب سفریه‌ری استانبول خارجنده اولان چیفتلرکلرنده
حاضر طوره‌رق برایش ظهورنده ایچلرنندن بریسی سردار نصب اولنوب
مثلا اون یاخود بکرمی اورتی بکچری و سواری بلوکلرنندن هاو فچیان بین
و غرباء بسار بلوکلری معینته تعیین و کیده‌جکی محلاک جوارنده بولنان
بکار بکی و میرالوالردن دخی اقتضاسی درجه‌سی رفاقتنه مأمور آیدیلرک
غایت سهوانله براردو تشکل ایدر ایدی اگر صدر اعظم کیدر ایسه
بریسی قائم مقام اولوب بالذات پادشاهک حرکتی مستلزم سفر ظهورنده

بررسی استانبول محافظه سنده و سفر روم ایلی طرفه ایسه بررسی دخی
 اناتولی و عکسی تقدیرنده روم ایلی محافظه سنده قالوب قصورری موکب
 همایون ایله عزیمت ایدر و معرکه کاهده ایجابی وجهله استخدام قلنورلر
 ایدی

و بعضی وزرا بالایحساب منصب وزارتدن عزل اولانه زق بکار بکیلیکیله
 کوندرادیکی و بعضیلری دخی بوجه تفاعد برر سنجاق امارتیه مدافعه
 اولندیغی واقم اولمشدر

خلفای عباسیه ده جاری اولان عاده توفیقاً وزیر اعظمه وکالت
 سلطنتده استقلالنی مشعر اولق اوزره مهر همایون اعطا اولنور ایدیکه
 حالا مرعبدر فقط اووقت مهر همایون یوزک اوزرینه محکوک اولغله
 وزیر اعظمه پاره قلمرینه طقارلر ایکن صکره لری التوندن اوزمه کیسه
 ایچنده اوله رقی جیبلمنده حفظ ایده کیشلردر

دیوان همایون دخی بوجه آتی عقد اولنور ایام تعطیلیه دن ماعدا هر کون
 علی السحر پادشاه انام دیوانخانه یه چیقوب وزرا وارباب دیوان یرویرنده
 طورر لر اولانوبت پادشاهی که مهتر خانه همایوندر چالینور عثمان
 غازی به سلطان علاء الدین سلجوقی طرفندن طبل و علم وارد اولوب چالندقدده
 غازی مشارالیه تعظیماً ایاق اوزرنده طورمش اولدیغندن اخلافی دخی
 نوبت چالنور ایکن قائماً استماع ایدرلر ایدی فاتح حضرتلری عصرنده
 سلطنت عثمانیه دولت سلجوقیه نك قات اندرقات فوقه ترقی ایلمش
 اولدیغندن بوقاعده عز سلطنته موافق کلامکله ایکیوز سنه اول وفات
 ایدن سلطان علاء الدین سلجوقی به تعظیماً قائم اولق پیهوده در دیوترك
 بیورادی کذلک فاتح عصرینه قدر پادشاهلر وزرا ایلله برابر اوتورلر ایکن
 کدک احمد پاشا وزارتنده اتراکدن بر مصالحتی دیوان همایونه کیروب
 دولتی پادشاه قنغکردر دیو کمال غلاظت ایلله سواله جسارت ایتمکله موجب
 انفعال پادشاهی اولدیغی احمد پاشانک منظوری اولیحق بعدما پادشاهمرك
 ورای قفسدن استماع امور بیورملری اقتضای وقت وحالندن اولمشدر دیتمکله
 وزرانک اوتوردیغی محله ناظر اقامتگاه همایون ترتیب و اوکنه قفس وضع
 اولندی

بروجه مشروح نوبت چالندقدن صکره امور مهمه دولته دائر اوراقی

رئیس الکتاب افندی اوقوبوب قراری در حال اجرا اولور یعنی قنخی
 دأربه متعلق ایسه خواجهکان دیوان همایون تحریر و ترقیم ایدوب بعده
 چاوشان و متفرقه کان همایون ایله حاضر بولسان چاوش باشی دعاوی
 عظیمیه دأر اولان ارباب مصالحی طاق طاق دیوان همایونه کتور مکه
 ایجابی وجهله محاکات اجرا و قنغینه طاق ایسه قاضی سکرل یاخود
 استانبول قاضیسی جانبندن حکم شرعیسی ایفا اولندیغنی متعاقب اولان
 وزیر اعظم منفردا و مؤخر و زرا مجتعا و انلردن صکره و ایام معینه سنده
 قاضی سکرل و بیکیری اغاسی حضور همایونه کتوب امری مأمور بتلرینه
 متفرع خصوصات و ارایسه عرض ایدوب چیقارل و منصب و یریه جک
 علما و امرایه خلعتلر اکساییه مأمور بتلری اعلان قلنه رق دیوان تمام
 اولور که بواجرا آنک جمله سی ظهر وقتندن اول ختامه رسیده اولغله
 ارباب دیوان یرلویرینه عودت و امور مأموره لرینه مواظبت ایدرل وزیر
 اعظم وقت عصردن صکره کندو سراینده دخی دیوانه چیقوب
 تذکره جیلری و سائر دأره سی خلقی متخیرانی و چاوش باشی ایله چاوشان
 و متفرقه کان اطرافنی احاطه ایدرل دیوان همایونه متحمل اولیان
 مصالحی رؤیت و اقتضا ایدن یرله حواله سنی امر ایتمکله صادر اولان
 امرینی تذکره جیلر ایاق اوزرنده بولندقلری حالده عرضحال بالارینه
 و یاخود بیاض اوزرینه تحریر و ترقیم ایدرل ایدی

تأسیسات و ترقیات

استانبول قحیله دوات عثمانیه می کز استقرارینی استحصال ایلش اولدیغندن
 شهر مذکور پای تخت اتخاذ اولانه رق اولان اسکی سرای صکره یکی سرای
 اعمار و انشا اولندیغنی مثلاًو فایح و سلطان بایزید می حوم و وزرا و امرای
 ناملرینه منسوب اوله رق الآن باقی اولان جوامع و مدارس و حمام و مکتب
 مثلاًو خیبات و مبرات ایله پیدر پی مملکتی تزین و بیکیری قشله لری ایله
 عصر مزک اصطلاحنه کوره مکتب اعدادیه دیمک اولان و دیوشمره
 چو جقارینک تربیتگاهی بولان عجمی اوغلانلری قشله سنی انشا ایلدیلر

جمعیت عظیمه بی حاوی اولان موکب عثمانی درون استانبولده توطن ایدوب

قونیه واناطولینک سائر موقعلرندن خیلجه نفوس دخی نقل خانه
ابتدیر یلرک اسکان قلندیغندن از وقتده معیوریت عظیمه حاصل اولدی

چونکه روم مورخلرینک بیاننه کوزه قبل التسخیر استانبولک نفوسی تقریباً
یوز الی یوز التمشیک رادلرنده اولوب درون سورده اون درت قصبه
واولمقدار اداره بلدیه موجود اولغله مذکور قصبهلرک ارالری باغلق
وبغچهلک ایدی که ابن بطوطه نیک بالمشاهده روایاتی دخی یونی تأیید ایدر
روملرک برازی اثنای محاربهده تلف اولوب بعضیلری دخی فرار ایلمش
ایسهده اکثریسی قبول رعیت ایله یرلرنده قالدیغندن فاتح حضر تلی
امور روحانیه ومذهبییه لرینی رویت اتمک ایچون بطریق انتخاب ایتدی
وتشریفات مطمنطنه ایله صورت مأموریتنی وامتیازات مقتضیه بی حاوی
برات عالی احسان ایلدی حتی روم ایمپراطورلرینه مخصوص اولان
جسیم ومکلف فراجیه که حالا بطریقار مواقع رسمیهده تلبس ایدرلرانی
دخی اکسایلدی جوامع شریفیه تحویل اولانلردن ماعدایه روملره
کفایت ایدهجک مرتبهده بولنان کلیساری دخی یدلرنده ایضا بیوردی

استانبولک طرف بریسی ذاتا حوزه حکومت عثمانیهده داخل وشر حد
عثمانی ایسه ایکوز ساعتک مسافه دن متجاوز اولدیغندن بشقه روم ایلینک
کافه بلدانی اول عصرک استحکاماتی حاوی اولغله برا استانبوله دشمن
کله بیلک مستحیل اولدیغنه وقاره دکر بوغازی روم ایللی واناطولی حصارلرله
مسدود اولدیغنی مثلاًواق دکر بوغازی دخی قلعه سلطانییه وقارشوشنده
واقع قوم قلعه نیک انشاسیله ترصین وتأمین قلندیغنه مبنی استانبول سورینک
تحکیم وتعمیرینه چندان التفات اولنمامشدر

روم دولته ضعف طاری اولدقجه ایمپراطورک وارکان دولتک تعظمتان
وتزیناتی ترقی ایدرک قوری بریدبه وداراته وانواع تشریفاتیه مستغرق
اولدقلرندن سلطنت سنیه استانبول تخته مالک اولدیغنی مثلاًبونلره دخی
وارث اولدیکه سورغوجلر وصولاق وپیکار ودرارو درارو البسهلر ایله
الایلر او جله دندر حتی افندی تعبیری بیلر روملردن مأخوذ در
سلاطین عثمانیه حضرائنک جله سی اگرچه علوم ومعارفک انتشارینه

اعتنا ابدزل ایدی لکن فاتح حضرتلری بو خصوصه بالذات اقدام و همت
 بیورمغله بروسه وازنیق وادرنه واستانبول مدرسه لرده هر نوع فنونده
 ماهر اصحاب فضل و کمال یتشمکده اولدیغدن ماعدا خارجدن دخی
 پک چوق علما وار باب معارف جلب ایدرک اولمصرده بولنان دول متمدنه نک
 برنجیسی اولمشدر علمای اعلامک تفصیل احوال و تألیفاتلری مشهور
 و ترجمه شقایقه مسطور اولمغله تفصیلدن مستغنی اولدیغی کبی فاتح جامع
 شریفنک معماری معمار اباسک و سلطان بایزید جامعنک معماری معمار کمال
 الدینک مرتبه معلوماتلرینه اثرلرله استدلال اولمق طبعیدر

فاتح مرحوم استانبول محاصره سی ایچون ذوکدیردیکی ایکی عددینوک
 طوب که اولعصره قدر امثالی کورلما مشدر بریسی اوریان نام بر عمار
 مهندسنک دیگری صاروجه اسمنده بریکچیرینک عملیات ماهرانه لرندن
 اولدیغی مفصلات توارینخده محرر اولدیغی مثلاً خاقان مشارالیهک
 اضاعه قوالیب اقتدار ایلدیکی طو بلردن برخیایسی الان قلعه سلطانیه ده
 موجود و بریسی ویده لو کچه وغایت مصنع ایدوی مشهود اولوب
 خباره ایجادی دخی فاتح مشارالیهه مسند و اشقودره محاصره سنده اعمال
 و استعمال قلندیغی روایت کرده ثقاتدر

کدک احد پاشا ایتالیا سواحلنده واقع اقرانته دوقه لغی ضبط ایتدکده
 کوزل برقله انشا ایتدرمش اولدیغدن کندوشنک بالاده مسطور اولدیغی
 اوزره رکاب همایونه عودتدن صکره ایتالیا نلر بوقلعه یی تسخیر ایدنجده
 قدر پک چوق زحمت چکوب سینی لدی التحری صنایع انشائییه سنندن
 اولدیغی استدلال ایلرله فن استحکاماته اساس اتخاذا اولمش ایدوی
 و مؤخر ایتالیا ن و فرانسز مهندسلری جا نبندن فروعاتنده جزئی نصیحتات
 وقوعبولمش ایسه ده اس اساس استحکامات بوگونکی کونه قدر کدک احد
 پاشا استحکاماتی اولدیغی فن مزبور علما سنندن روسیا و پرو نام مؤلفک
 علوم متنوعه مجموعه سنده و سونین نام بروسیه مهندسی کتابنده ودها سار
 استحکامات جسمیه کتابلرینک مقدمه لرده تصدیق و اعتراف اولمشدر

اسلحه ناریه کوندن کونه تصلیح و استعمالی تسهیل اولنلر قیچوش عثمانیه

تسلح قلمقله سلطنت سینه اردواری هم عساکر موظفه و معتمدی و همده
اسلحه جدیدی حاز اولوب دول متجاوزده ایسه هنوز عساکر موظفه
تشکیل و لایقله اسلحه جدیده تنظیم اولمادیغندن موکب عثمانی دنیانک
اک منتظم اردوسی دیتکه شایان ایدی

صنایع و حرف دخی ایلرولوب اقشه متنوعه و قالیجه و صوف و چینی
انواعی معمولات حد کاله واصل و حالا بروسده و اقع چاپی سلطان محمد
مرحومک جامع و تربیه سنده اولان بدینظیر چینی لکه کورنلر علی العموم
تمسکین ایدرلر دلی محمد نامنده بر استادک اثر مهارتی اولوب عالی اولان
مرفوم وضع ایتدیکی عمل محمد مجنون امضاسیله ابقای نام ایلشدر

اداره ملکیه خصوصنده دخی خیمانه و موشکافانه قانون و نظاملر وضع و حتی
استانبول خلیجک طولاماسی مقصدیله کاغذ خانه طاغیری زراعتدن منع
اولنه رق آیری کوی اکریش و بویله جزئیاته بیله اعتنا قلمشدر

دولت علیه نک برنجی دوشندیکی شی نفوس اسلامییه نک تکثری و باخصوص
روم ایلیده توفیری قضیه سی اولغله بوسنه وارنبودلق جهنلری اهلایسنک
دین اسلامه داخل اوللری امرنده پک بیوک همت و مساعی صرف اولتوب
ثمره خیریه سی دخی اقتطاف اولغله اولدیغی کبی اناطولایسنک مواقع
مختلفه سندن خیایجه عشار و قبائل روم ایلی به کچیریلوب بالقانلرده
ودو بریجه و هر سگ و سلائییک طرفلرنده اسکان قلمشدر که فاتحان نامیله
الآن سلائییک طاغلرنده مقیم اولان یورکار دخی بونلردندر

برطرفدن دخی هر سنه معتاد اولان دیوشمره چوجقلری و سفرلرده انان
اسرا ملت اسلامییه النحاق ایده کادیکنندن یوما فیوما اهل اسلام فوت
و کثرت حاصل ایدر ایدی

دیوشمره چوجقلری سنوی بش النیک نفردن عبارت ایسه ده اسرانیک
مقداری پک زیاده اولوب حتی فاتح مرحوم اوزون حسنه غایبه ایتدکده
شکرانه مظفریت اوله رق جمیع ممالیکم ازاد اولسون دیملکه لدی التدقیق
قرق بیک نفره بالغ اولدیغی تحقیق کرده ثقات مورخین اولغله وزرا و احرا
وطوائف عسکر یه نک اللربنه کچن اسرا بوندن قیاس اولنه بیلور
چونکه مملوک پادشاهی بولان امرا خمس شریعتدن مجتمع اولسنه نظرا

اول عصرده ملت اسلامیه النده ایکیوز بیک اسیر بواند یغی استدلال قیلنور

✽ احوال عسکر به ✽

قیوقولی دینلان طوائف عسکر به نك پیاده سی اولان یکچیر یلره مؤخرا احداث اولنان طو بیجی ونخبره بی و انجی و جبه بی بلوکاری الحاق قلندیغی مثلوسوار یسی بولنان سپاه و سلحدار بلوکارینه دخی ملوفجیان عین و یسار و غربای عین و یسار نامیه درت باوک علاوه قلندی مملک عثمانیه توسع ایتدیکجه تیمار چونغالوب تیمار تکر ایلدیکجه ایالات عسکری اولان تیمارلو سپاهیسی تزايد ایلمکله سلطنت سنیه هر قنغی طرفه اولسه قولایلقه یوز بیک منتظم عسکر سوخته مقتدر ایدی

باخصوص ملت اسلامیه نك قدرت بدنیه صاحباری علی العموم جهاد ایله مأمور و مکلف اولدقلرینه وروم ایلیک اکثری طرفلرنده توطین اولنش اولان ترک و تاتار قبیله لری وارنبودانک بعض مواقعی اهابیسی زراعت و حراثله مشغول اولوب عثمانلیق مسلککنده یعنی وزرا و امری اداره لرنده ماهیه او اوله رق خدمت عسکر یده و برطاقی دخی سرحداتده مقیم اولان اقنغی بکاری معینلرنده بولندقلرینه مبنی اهل اسلامک قسم کلیسی عسکرلک و سلحشور اقله مأوف و مأنوس اولدقلردن دولت علیه بولنردن دیله دیک قنر عسکر ترتیب و استحضار ایده بیلور ایدی

یکچیری اوجاغی تشکیل اوانه لیدنبرو یوز سنه دن متجاوز زمان مرور و یوزلردن فتوحات عظیمه ظهور ایتمکله برابر هیئلرلرنده کثرت و عصبيت حاصل اولدیفندن مصالح دولت حقننده تعریضاته جرأت اماره لری کورنمکه باشلامشیدی مراد ثانی حضرتلری ایکنجی دفعه کی جلوسلرندن اولجه اوجاقلو بی استمزاج و یارمشر اقبه ترقی وعد ایلدیکندن اهمیت وجودلرینه جازم اولدیلر

یدی سنه مرورنده فاتح حضرتلرینک دفعه ثانیه جاوسلاری واقع و عقینده قونیه سفری ظهور ایتمکله بعد العوده پادشاهمزلک ایلمک سفری و برنجی مظفریتدر قوله بخشش احسان ایلملری لازمدر دیوعلنا بی ادبلمکه جرأت ایلدکلرندن بالضروره اون کیسه اقبه احسانیه جهیتلری

طاغید یلوب ضابطلرینک بهضیسی عزل و تنکیل و بهضیسی ضرب تازیانه
ایله تعزیر قلندی

فاتح مشار الیه حضرتلرینک ارنحاللری وقوعنده بلا سبب علم افراز شقاوت
و وزیر اعظم محمد پاشای قرمانی بی اعدام و یهودی محله سنی غارت
ایلدیلر سلطان یایزید اما سیددن ورود و تخت سلطنته جلوس ایلدکده
صطایا و رفیات احسانیه فتنه بی نسکین ابتدی ایشده ان شاه الله تعالی
فصول آتیده بیان اولنه جنی وجهله هر تبدل سلطنتده اعطاسی جله
قوانین دولندن اولان جلوش بخششی تأسس و تقرر ایلدی سلطان
یایزید مرحومک حلم و سکونتی و وکلانک یکدیگری علیهنده تحریکاتی
یکجریلری درجه درجه شماردوب ال نهایتنده خلاف مرضیسی اوزره
پادشاه مشار الیهی سلطان سلیمه ترک سلطنت ایلمکه مجبور ابتدیلر
روم ایلی فتح اولندقدن صکره همروز و عبور ایچون کاپیولیده بر مقدار
سفینه و قایق تدارک اولمشیدی

سلطان مراد ثانی عصرنده صرف همتات ایله حرب دونمائی هیئت
کنیر یلوب قوره ساحلارینه و فاتح زماننده مدلول و قره دکر سواحله
و باخصوص کفه طرفلرینه کوندربلرک پک چوق ایشه برامش و پیری رئیس
و کال رئیس کی مجاهدین بخربه بنشمش اولافله عصر یایزید خانیده بولک
کیلر یایلوب وندکاولر ایله جسیم محاربیلر اولمشدر که کرک کیلرک
هیئت وجسامتی و کرک محاربات واقعه کاتب چلبی مرحومک تحفة الکبار
فی اسفار البحار نامنده اولان تاریخنده مفصلا مسطوردرر بوجهته جلوش
عثمانیه ایچنده برده عساکر بحریه حادث اولوب بونلره فی الاصل عرب
طائفه سی دینلور ایدی صکره لری قالیون و قالیونچیلر ظهور واسکی
که ییچیلره بهی کورکله کیدن سفینه لره و طائفه لری نه تفوق ایتمکله جله سنه
قالیونچی دینلشدر

✽ احوال مالیه ✽

اشبو فصل ثانینک حاوی اولدیغی زمانده یعنی سکر یوز بش سنه سندن
طغوز یوز اون سکر تاریخنه قدر اولان مدته سلطنت سنیه نک واردات
و مصارفاته دائر شایان اعتماد دفاتر و قیوده ظفر ممکن اولوب باخصوص

واردات دولت شمديکي کي خزينه کلوب، اورادن صرف اولمق قاعده سي تحته اولديغندن امور مالیه جه اولان وسعت و يا خود مضایقه روش اداردن استدلال اولمق ضرور بدر

چونکه دولت عليه نك واردات عشریه سي معاش مقالي اوله رق خاص وزعامت و تیمار صورته وزرا و امرا و مأمورین و ایالات عسکری اولان تیمارلو سپاهی به و عصر من اصطلاحجه معارف مخصوصا تي حکمنده بولان اوقافه منقسم و مخصوص اولديغندن و بعض پرلده عوارض ناميله جزئی بر ویرکو وار ايسه ده اودخی مملکتلرک مصارف ضروریه لرینه معین ایدو کندن خزینه دولته عائد اولان واردات جزیه شرعیه و مکرك و معادن و ملحله حاصلاتيله ملوک متجاوزدهن انه کلان مقطوعانندن عبارت اولوب مع مافیه کرک خزینه دولتی و کرک وزرا و امرا و افراد ملت عثمانیه بي اغنا ایدن اموال غنائم ایدیکه بودخی طوتدیفنه تابع پرواردات غیر مقرر در

مصارفات ايسه قبو قولى دینلان طوائف عسکریه ايله بعض علما و ساداته مخصوص اولان علوفه یومیه ايله ادوات حربیه و ابنیه خیریه اعمال و انشا آتیه منحصر و واردانه نسبتله جزئیانندن اولسیله دولتی دوشندیرر شیلر دکل ایدی تیمور و قهقه سندن صکره اون سنه دن متجاوز مقارنات داخلیه منقطع اولما مشیکن چلبی سلطان محمد مرحوم بعد الاستقلال سکر سندن عبارت اولان مدت سلطنتلرنده بروسه وادر نه ده اولان اثار مبروره لرینی انشا ایتدر دکلرینه و بومثلا و ابنیه خیریه ايسه اکثرا غزا مالیه یا پیابوب حقوق عباددن بغایت اجتناب اولانه کلایکته نظرا الحجه و انقریه اصولی احتمالی غیر وارد و خزینه دولتك وسعتنه دلیل و شاهد در قاج مرحوم حسن طویل اوزرینه کیدر ایکن طوائف عسکریه به یوز یوک افجه اقراض ایدوب بعد الظفر هبه بیورد قلری توارینخده مسطور و اولوقنک یوز یوک افجه سی عصر مزده تماجه یوز یوک غروش دیمک اولوب مع مافیه سیم وزرک اشیا به نسبتنده فرق عظیم اولدیغنه یعنی اولتارینخده بر درهم کش ايله انه بیلان اشیا شمدي برقاج مثله محتاج اولدیغنی ارباب حساب و تدقیق طرفندن بیان اولمقده ایدو کندن باقیاور ايسه مبالغ مذکور عصر مزه کوره کایتلو مبالغ دیمک اولدیغندن معین اولان

علوفه دن فضله بوقدر اقبه اقراض و هبه ايلك اقتدار مالي بي معان
اولديغي كې فاتح عصرينه قدر مسكوكات عثمانيه كمش اقبه به منحصر
ايكن مشار اليهك عمار التوني وزن و عيارنده اتون قطع ابتدرمش اولسي
دخى ثروت دولت عليهك ترقيستى مؤيددر سلطان بايزيد صوم اماسيه
واستانبول وادر نه ده جوامع و عمارات و عظيم متفرعات و كبوه قرينه سقر به
فهرى اوزرنده جسيم و كار كير كوپرى و سائر خيرات و مبرات انشاسته موفق
اولش ايسه ده و اخر سلطنته مضايقه ماله حادث اولوب دونما تداركى
ايچون فوق العاده اوله رق استانبول و بعض شهرلر اهاليسته و ير كو توزيع
و مؤخر ارك اولنديغي بعض توارىخده مسطور در حتى اول عصرده برآيدن
تجاوز استانبولده زلزله واقع اولوب يك چوق كار كير ايتيه منهدم اولغله پادشاه
ايچون چاته يعنى اخشاب داره لر بنا اولندي و سلطان احمد جامع شريفك
بولنديغي موقعك الت طرفده كون كورمز گليسا ديمكده معروف اولان
و باروت مخزنى اتخاذه قلنان بر ايتيه رصينه به صاعقه اصابتيه بر هوا اولوب
جوارنده بولان بيوتى و درت يك نفوسى افنا ايلسي شامت مظالمه حل
اولنديغدن و ير كوى مذكورك سبب تاخيرى اولشدر لكن بوه مضايقه
ضرورى الوقوع برشى اوليوب موقت وسوء اداره دن منبت ايدوكى
فصل آتى من اياسندن معلوم اولور

✽ احوال خارجيه ✽

ممالك دولت عليه به مجاور اولان دولتلر اسياجه ايران و مصر و اورو پاچه
ونديك و مجاور له دولتلر دن عبارت اولغله بونلرله وقوع بولان معاملات
خارجيه بوجه آتى بيان اولور
تيمورك ممالك عثمانيه به هجومه قدر سلطنت سنه ايله ايران حكامدارلى
ييتده معامله خصمانه ظهور ايتامشيدى وقعه من بوره دن صكره دخى
دولت عليه اكمل ضايعات به مشغول و ايران حكامداران كاه قره قو يونلى
وكاه تيمور اولاد و احفادى يد اقتدارلر به موصول اولغله مناسبت
واقع اولدقجه ارسال رسل و رسائل ايله دوستانه امرار وقت اولور
ابدى

وقت که فاتح عصر شده ای قبولی طائفه سندن ابو النصر دینلان حسن طویل
 ایران ملو کنند غلبه ایدرک کسب عظمت و شوکت ایلد کده تیموریانه طور ایل
 سرحدات عثمانی بن تجاوز و متعظمانه مکتوب ارساله جرأت ایتکله
 فاتح مرحومک سیف سطور تیله اوای استدراجی سرنگون اوله رقی غائله سی
 برطرف اولدی چوقی زمان کچمکسزین کندوسی ومؤخر اولاد
 واعقابی نوش پیاله مرک ایل وادی عدمه روان و شیخ صنی اردبیلی
 اولادندن شاه اسماعیل اشاعه مذهب شیعی و ابا واجدادی مریدرینک
 فدا کارانه اقوام و غیرتی ثمره سیله تخت نشین ایران اولدی

شاه مشار الیه هم صاحب مذهب و همده حکمدار ذیقدرت اولدیفندن
 ایشنی ابکی طرفلو طوته رقی اولانا طولی ایچنه ارسال نقبا ایله خلق
 مذهبیه دعوت و کلیتو مرید پیدا ایلدیکه شیطان قوی دینلان شقی دخی
 انلردندر

مملک شاهانه اول درجه ده درویش و قلندر صورتنده اشخاص
 چوغا لدی و اول مرتبده پادشاه اسلامه و اهل سنته عداوت و متبوع
 خفی لری اولان شاه شیعه یه فدا کارانه نصرت و خدمت ایدرلر ایدیکه
 تعریف اولمز حتی سلطان بایزید مرحوم ارنبودلق سفرنندن عودت
 بیوردقلرنده الایله ادرنده کبر ایکن برطار سوقاقده قلندر هیت رائم
 سل سیف ایله هجوم ایدوب رکاب همایونده بولسان بندگانی طاعتله
 ازقالدی و اصل مرام اوله یازدی هله پادشاه ایله هم رکاب اولان

اسکندر پاشا ضرب دیوس ایله من بورك باشنی ازدی
 بناء علیه بومثلا و اجلافک و مذهب شیعه متبعلرینک طرد و دفعلرینه
 تشبث اولندی ايسوده بومطلبک حصولی برقوه قاهره یه محتاج اولوب
 علاوه رحم و شفقتله اولور بتراموردن اولسیغندن رفع و دفعلری شریله
 طورسون کوندن کونه تکثر و زاید ایلدیله وارکان دولتین بعضیلری یله
 مذهب من بور محبت خاندان نبوی اولقی زعیمله درونی میل و محبتله
 باشلادیله بوحال سلطان بایزیدک ازواسی ایامنه دخی تصادف ایتکله شاه
 اسماعیل اسکنداره قدر ضبط ایلکی قوروب حدود اوزرنده طرلاشمغه
 باشلادی و دولت علیه دخی حسن مدافعه یه و چول بها نامیه افجه و بوغچه
 ویره رک دفع ایلک تشبته مجبوریت تحتله بولندی بوحالره نظر اروزکارک

نه نتیجه ویرد چکنه انتظار اولنور ایکن زمام امور سلطنت سلطان سلیم
ید اقتدارینه کچهرک هوا بردن بره دکشدیکه تفصیلاتی ان شاءالله تعالی
مصراتی فصلنده ایراد اولنور

بغدادده خلفای عباسیه منقرض اولدقدن صکره آل عباسدن مصرده
خليفة انتخاب اولنوب سلاطین مصریه انلردن تقلد سلطنت ایدرلر ایدی
اگرچه خلفای مشارالیه هم امور حکومتده مداخل دکلر ايسهده خلافتلری
عموما ملت اسلامیه جانبندن مصدق اولغله ملوک اسلامیهنک اکثریسی
حکومتلرینی شرع شریفه توفیق ایلک مقصدیله خليفة غصردن
اجازتنامه اله کلدکلری مثلاً سلاطین عثمانیه حضراتی دخی قاعده عومیه
مذکوریه بی ایفا و بومناسبتله سلاطین مصریه ایله رسم مراسلات و موالاتی
اجرا ایدرلر و فتوحات جسمیه وقوعنده تبشیر نامه لر و غنایمندن هدایای
مناسبه کوندرلر ایدی حتی سلطان مراد ثانیکن وارنه مظفریت
عظیمه سنده ارسال ایلدیکی هدایا ایچنده یگرمی بش نفر اهن پوش اسیر
بولندیقدن غزوه من بورهنک اهمیت و صلاحیتی بولردن استدلال اولنهرق
اول هفته منابرده الله ینصر ابن عثمان دعاسنی ادا ایلدکلری معتبرات توارنخده
مستوردر فقط تیمورنک کرک دولت علیه و کرک سلطنت مصریه نک دشمن
مخاربی ایکن و یلدرم یازید خان ایله سلطان مصر بیتنده بویاده مخابره جریان
ایلدیکی حالده نیچون طرفینک حرکاتی یکدیگرینه توفیق اوله مدیغی حلی
مشکل بر معمار زیر تیمور سکر یوز اوچ سنه سی سیواسی تخریب ایتدکن
صکره شام و حاب طرفلرینه هجوم ایلدیکی زمانده سلطان یازید دخی
اذربایجان حاکمی طهرتن اوزرینه کیشیدی ظاهر حاله باقلجه یلدرم مرحوم
ملک مصرک اردوسیه بر اشوب یاخود بری عربستان جانبندن و دیگری
قونییه اوزرندن حرکت ایدرک تیموری اورتیه السهل اغلب احتمال اوزره
کسر تسلط و تغلبی الطاف سبحانیه دن مأمول ایدی

اناطولیده واقع طوائف ملوک ممالکی ایکنجی دفعه یعنی فاتح مصرنده
کاملاً حوزد حکومت عثمانیه ده داخل اولدقده ممالک مصریه ایله کشور
دولت علیه بیتنده آل رمضان و آل ذوالقدریه حکومتلری قالمشیدی بولر
دخی جنکیز وقعه سی سیه و طنلرینی ترکه مجبور اولان قبائل اتراکدن
اولوب اذنه و هر عیش طرفلرنده توطن ایدرک تشکیل حکومت ایتشله ايسهده

حکمداری استقلال کامله مظهر اوله میوب اکثریا مصر پادشاهلری
طرفندن و بعضا دخی دوات علیه جانبندن مذکور خاندانلر منسوبانندن
اوله رق ملتجی اولنلر بالاقدار مقام حکومتده اصعاد اولانه کلدیکی جهتده
بوندن طولایی دولتین بیتنه استرقاب کیردیکندن فاتح مرحوم عربستان
سفری نیتله حرکت ایلدیککی حالدده وقوع وفاتی تأخیر عربی مستلزم
اولشیدی متعاقبا سلطان مصرک جم سلطانده اعانه سی محرک غیرت بایزید
خان اولغله کانون مقاله فروزان اولشیکن بروجده اشعار سابق مفتی
هصر بولنان مولانا ذین الدین عربینک سفک دماء مسلمیندن اجتناب
اولنق حقتده عرض ایندیکی شاهد ذیای نصایح پادشاه حضرتلرینک
ایده قلب حقایق اشنایلرندده تام الاندام کورنمکین ترک محاربه به رضاداده
اولوب دولتین بیننده اولان شراره فتنه رقابت اغوش رمادده تستر
ایلدی

وندیک جمهوری مالک اولدیخی قوه بحریه سابه سنده توسیع تجارت
و ثروت و مندرس اولان روم ایمپراطورلخی انقضاضندن استفاده ایدرک کرید
وسائر بعض اطدار ایله مورهک بر مقدار یرینی تحت تصرفه المشیدی
جیوش عثمانیه موره و بوسنه طرفلرینه واصل اولدقندن صکره دوات علیه
ایله محاربته مجبور اولدی ایسه ده موره ده اولان مستملکاتنی و دالماسیاده
واقع بعض سواحلی الدن چیقارمقدن و بوسنه عسکرینه وندیک شهرینه
قریب یرله قدر غارت ایتدیرمکدن بشقه برشی حاصل ایدمه میده رک محاربات
بحریه ده دخی کلیتو ضایعاته گرفتار اولغله غائب ایندیکی ممالکک
استردادندن قطع امید ایله طالب مصالحه اولدی اول عصرک صلحلری
ایسه عصرمن معاملاتنه مقیس اولدیغندن کیفیت انعقادلرینک بیان
وتوضیحنه ابتدار اولندی

محارب اولان دولته یأس و فتور عارض اولدقده رکاب همایونه وارکان
دولته و سرحدات امراسنه ایلمچی و هدایای مناسبه ارسالله استرحام ایدرک
عفو پادشاهی به نائل اوله ییلور ایسه مقام صدق و استقامتده دائم
اولدقجه و مغایر مصافات حال و حرکتده بولندقجه طرف سلطنت سنیه دن
مواخذده اولنمیدجغنی متضمن فرمان عالی اعطا اولوب انلر طرفندن سند
اخذنه تنزل اولنمز ایدی

چونکه فتح اولنان محارک استرداد احتمالی و یا خود حکومت دولت علیه به
 ترك قلند یعنی تصدیق ایندیرمک احتیاجی مفقود اوله رق طرفینک زیر حکمنه
 کیرمش بولنان محارک محتاج شرح و ابضاح اولماغله حدود تعیینی و بر طاقم
 شروط و قیود بیانی تکلفنه لزوم یوخیدی

مع مافیه اثنای صلحه دخی سرحدات اقبعلری فرصت بولدقجه چتهیه
 کیتک تعبیرله یکدیگری ممالکینه تجاوز ایدرک حیوانات و اسرا اغتنام ایلمک
 ناقض مصالحه و موجب شکایات اولدیغی بعضا طرفین سرحد محافظلری
 بدینده بر برلری ممالکینه طوب چکامامک اوزره معاوالات وقوعندن استدلال
 اولور که طو بسز تجاوز ایدن چنه چیار تحت مساعدده بوانورلر بوحالاره
 نظرا اول عصرک مصالحه لری یالکز حرکات کلیه عسکر په پی دافع برنوع
 متار که دیمک اولور

دوبرونیک جمهوری که راغوزه جمهوری دخی دیرلر ذاتا وندکلوردن
 امین دکلر ایکن دولت علیه نیک بوسنه وارنبودلق طرفلرینه طوغری
 ایلرولدیکنی مشاهده ایلدکلرنده امنیت و اسایشی حایه سلطنت سنیده
 بولملرله اوج سنه ده بر کره یتش بشیک قره غوش یعنی ربال ویر کو ویرمک
 اوزره عرض اطاعت ایلدکلرندن بشقه وندیک ایله هم حدود اولق
 مضرتندن قورتلق اوزره مملکتلرینک وندیک ممالکینه متصل اولان
 ایکی جهتندن تقریباً یارم و بر ساعت هر ضنده بر خط ایروب جانب
 دولت علیه به تسلیم ایلشله ایدیکه بو خطک بری قیلق و دیگری ستورینه
 ایمانلرندن بدأ ایله هر سک اراضیسنه منتهی والآن تحت حکومت سلطنت
 سنیده در مذکور جمهورلق در تیوز سنه دن مضارز بوحالده امین و سالم
 پایدار اولدقدن صکره بیک ایکیوز اون بش تار یخلرند فرانسه ایمپراطوری
 بنابارت طرفندن ضبط اولوب صکره نیچه لویه منتقل اولدی

دولت علیه روم ایلمک قهیلله مشغول ایکن طونه نیک بو طرفنده بولنان
 حکمداران ملت عیسویه مجار قراللرندن استمداد ایده کلدکلرینه و مجار دولتی
 طونه نیک قارشو جاندنده واقع و سلطنت سنیده دن اوزاق ایسه ده مطالعه
 انجام کار ایله مبتلای خوف و هراس اولدیغنه مبنی حکمداران سالف الذکره
 پیشوا اوله رق بالدفعات هجوم ایدوب ایکن ضایعاتدن غیری بر شینه نائل
 اوله میدرق فقط طونه نیک بو طرفنده واقع بلغراد ی بر تقریبه اله کچورمش

وفوق العاده استحکام ایله تحصین ایدرك برسد سدید استحصانه موفق
اولشیدی عساكر عثمانیه مره بعد اخری مجارستانی غارت ایلدی ایسه ده
بلغرادك فتحی ممکن اوله مامسیله کاه مصالحه و کاه محاربه صورتیله امرار
وقت اولمقده ایدی

افلاق امارتی بلدیرم یازید خان زماننده ویرکوا عطاسنه مجبور اولوب
نیور و قهقه سی سیله و صکره لری بروجہ آتی تشویقات نمره سیله صورت
مخالفتده کورندکجه جیوش عثمانیه نك صدماتنه کرفتار و فاتح عصرنده
بغدان مملکتی دخی سطوت سلطنت سنیه دن خبردار اولمقده و باخصوص
سلطان یازید و اینک اوائل سلطنتنده بندر واقکرمان قلعہ لری فتح
و تسخیر اولمقده مملکتین ممالک عثمانیه دن معدود اوله رق فقط والی
تعیینته عدم تصدی ایله ایچلرندن و بوده انتخاب ایتدیریلور و معین اولان
ویرکولی سنه بسنه رکاب همایونه تقدیم اولنور ایدی افلاقك اولان
ویرکوسی فرق بیک التون ایکن بردفعه و قوعبولان حصیانلری مجازاتی
اوله رق سکسان بیکه ابلاغ قلمشدر

له دولتی مملکتینک حکومت عثمانیه یه ارتباطی بروجہ له هضم ایده مملکه
بعضا و بوده لری تشویق و بعضا دخی سوق عسکر ایله متشبث تفریق
اولدیفندن کرك عساكر تانار و کرك سرحدات عثمانیه امراسی پک چوق
کره لهستانی غارت و یغما ایلدیکنه بناء له دولتی دخی دولت علیه ایله
دوام مخاصماتده تزیید ضرردن بشقه برشیته مقتدر اوله میه جفنی تیقن
ایدرك رکاب همایونه و قریم خانه و سرحد امراسنه افچه و بوغچه لر
تقدیمیه عهد و امانی مشعر فرمان همایون استحصانه موفق اولدیکه
بونلرك ده ا زیاده تفصیلاتلری ان شاء الله تعالی درجه درجه فصول آتی ده
ایراد اولنور

باب ثالث

(سکز یوز اون سکز سنه سنده واقع یاوز سلطان سلیم جلوسندن بیک)
 (اوج تار یخنده مر تحمل دار آخرت اولان سلطان مراد ثالث اواخر)
 (سلطنته قدر اولان سکسان بش سنه لک وقوعاتی متضمندر)

یاوز سلطان سلیم خان حضرت تلی اگرچه طوائف عسکر به نك طلب
 واستدعاری اوزر به نائل سلطنت اولدی ایسه ده قبل الجلوس یکی بنجه
 چایرنده خیمه زن اقامت ایکن امرای عسکر به ایله عقد مقاوله ایدوب
 امور سلطنته مداخله و خلاف ادب حرکت ایتیه چکارینه وامرندن
 چیقمبوب ارباب جنایته صحابت ایلیه چکارینه عهد و امان الهرق
 بوشر طرایله قبول سلطنت ایشیدی معتاد اولان جلوس بخششی ایله
 رقباتک اعطاسی ائساننده برمنین بک و بریکچری و بر سپاهی طور
 ادبدن خارج حرکاته تصدی ایلد کلرندن اوچنی دخی صلب ایدرک اجرای
 شروط مقاوله به بوندن بدا ایلدی

شهرزاده مکرملری سلطان سلیمانی کفهدن جلب ایدرک استانبول محافظه سنه
 بالتمین کندولری بکرمی بیک قدر عسکر ایله بیوک برادرلری سلطان احمدک
 اناطولیده اولان تسلطنی دفعه عازم اولدی چونکه بایزید خان مر حومک
 جله و صایاسندن بریسی بلاموجب برادرلرینه سل سیف ایتامک قضیه سی
 اولد یغندن پادشاه حضرت تلی اثنای جلوسده استانبولده بولنان سلطان
 فورقوده مدلو سنجاغنی منصب قدیمی بولنان لواء صارو خانه الحاقا
 توجیه و انواع تکریمات ایله اعزام ایدوب لیکن سلطان احمد نیل سلطنتدن
 مایوسا اسکداردن رجعته مجبور اولد قده کال غضبندن قونیه بی
 محاصره به جرأت و پادشاه عصره اعلان عصیان و مخالفت ایلد یکنه مبنی
 بالضروره ائک دفع تسلطی لازم کلشیدی

موکب همایون انقره به واصل اولد قده سلطان احمدک ملاطیه طرفلرینه
 طوغری فرار ایلد یکی خبر المنقله و اوزرینه کیداسه سلطان مصره دخالت
 ایده چکی اشکار بولمنقله بروسه به عودتله بالسهوله اله کچورلسی تدابیرینه
 تثبث اولندی

بارگاه پادشاهی به دخالت ایدن بش نفر برادر زاده لری اقتضای حکم

عصره و وزیر اعظم قوجه مصطفی پاشا دخی سلطان احمد ایله نهاتی
اجرای مکاتبه ده بولندیغنه بناء اعدام اولندقلرندن صکره کویا طوائف
عسکریه بونلرک بلا موجب قتلارندن طولای سلطان سلیمان روکردان
وسلطان قورقودک جلوسنی خواهان اولق زمینده سلطان قورقوده اطاره
اولان محررات مصنعه شهه دن وارسته طریق ایله شهرزاده مشار الیهه
واصل اولغله بیچاره شهرزاده بونی صحیح ظن ایدوب برطاقم مواعیدی
مشعر جواب یازدیغندن پادشاه شدیدالمشرب شکار شابعه سیله بفته
بروسه دن حرکت و مقنیه سیله صولت ایدوب سلطان قورقودا کرچه فرار
وتکه ساحلارندن کی یه بنوب سلطان جم کی صاوشیق تشبته ابتدار ایلدی
ایسه ده یقه بی اله و برمکه زمره شهیدایه الحاق قلندی

سلطان احمد دخی بومثلاو مکاتیب مصنعه یه اعتمادا بروشه جوارینه
جلب و اطرافی احاطه اولنهرق دردست ایدیلوب انک دخی شهباز روحی
اعلای علینه پرواز ایلدی

اکثر مورخین شهرزادکانک قولایلقه اله کچملرینی موفقیت سلیم خانیدن
عد ایدرلر و اگر بونلر شاه اسماعیله و مصر سلطانه النجا ایلسلر سلطان
سلیم هیچ برطرفه حرکت ایدمیز و نائل اولدیغی فتوحاته مظهر
اوله مزیدی دیرلر و پادشاه مرحومک برادرلرینک شهادتندن پک زیاده
مناسف و متأثر اولوب اغلبه رق بو بدعت سیئه یی نسلمزده ایجاد ایدن رحمت
حقدن بعید اولسون دیو انکسار ایلدکلی روایت ایدرلر

هرنه حال ایسه ورثه سلطنت منازعه سی برطرف اولدقدن صکره شاه
اسماعیلک اناتولی ایچنه کوندردیکی نقبا معرفتیه تضلیل ایلدیکی عشار
وایلات کمال تدقیق ایله لدی التحری مذهب شیعه یه داخل اولش قرق بیك
قدر نفوس دفتر اولغله بونلرک اشداسی قتل و تدمیر و سبکدیز اولنلری
تأدیب و تنکیل قلندی

بعده سلطان سلیم روم ایللی بی طولاشه رق ادرنه یه رهبت بخشای ورود
اولوب ملوک متجاوزده دن کلان ایلمچیلری کمال دارات و احتشام ایله قبول
وایجاب حاله تطبیقا تلطیف و ترهیب ایلدی

بو وجهله امور داخلیه بوانه قولندقدن صکره مقصد اقصى اولان شاه
اسماعیل تأدیبی ایچون شرق سفری اعلان و طقوز بوز بکرمی سندسی

محرمنده ادرنه دن استانبوله سوق موکب اقتدار ايله بشکطاشدن طرف
اسکداره گذار بیورادی

سلطان سلیمک هجومی شاه اسماعیلک معلومی اولدقده حرکات سابقه سندن
تجاهل ايله بومثلاو معامله خصمانه اجر اسنک سیندن سؤال معروضده نامه
وایلچیلر کوندردی ایسه ده سلطان سلیم اصلاحرکاتنه خلل کتورمیدرک
وایلچیلری تدمیر و تحقیر ایدرک اول تاربخده سرحد ممالک عثمانیه اولان
سیواسده عساکر منهدشده نك بوقلمه سنی اجرا و فرق بیکنی سیواسده توقیف
ایدوب منتهی اولان یوزیک نفر چند منصور ايله کشور ایرانه داخل
اولدی

شاه اسماعیل مقابلیه بکده جرأت ایدمه مدیکنه مبنی اوزاق طولاشمقده
وطوائف عسکریه ایسه ایکی آیدر ایران ممالککنده کشت و گذار ابتدایکمز
حالده شاه میدان چیمبور بوقدر اغر عسکر ايله بوندن ایلرویه کیدلمز
دیهرک عودت ارزوسنی سمع پادشاهی به الفا ایتیکده اولوب حتی لاجل
الاحافه اوطاغ همایونه قورشون دخی اتدیلر ایسه ده سلطان سلیم خان شاه
اسماعیلک کسر شوکتی حاصل اولقسزین رجعت اولندیغی تقدیرده بوقدر
زجت نافله به کیمش اوله جغنی بلدیکندن یکچیریلرک کفتکوسنه اصلا
قولاق اصمیب بلا محاربه دونک احتمال بوقدر جانی استیان بنله کلسون
استراحت طلب ایدن تن پرورلر دونسون جواب قهر عتابیه تبرزه طوغری
حرکت وشاه اسماعیلک غضبی تحریک ايله میدان چیمسی ایچون تسترواختفاسته
تهریضا لباس زنان و کسوه صوفیان ارسالنه مساعت ایلدی

وکلای دوات دخی هودت مطالعه سنده اینه لرده سویلمکه جسارت
ایده مدکلرندن مقرب پادشاهی اولان همدم پاشایی قاندر دیلر پاشای
مزبور غرور جوانی ونشئه کاسرانی ايله برتقریب لزوم عودتی یاد ایلدکده
تیغ سرتیز سلیم خانی ايله تباه و ساورله باعث انباه اولدی
شاه اسماعیل سلطان سلیمک تحقیراتنه وکندو امر اسنک تهریضات
وتشو یقاتنه طبانه میوب تبریز جوارنده واقع چالديران صحراسنده موکب
عثمانی بی استقبال ایلدی

شاه مزبورک عسکری هم کثرتلی وهم کاملا سواری و برفرقه سی زرهللی
بولندیغی وذاتا دخی غلبه ايله مألوف اولمش و سلحشورلقده کسب ممارست

ایش برطاق فدایی ایدوکاری جمله تحقیقاتدن اولسنه مبنی درجنگ اول
شدله هجوم ایدوکاری درکار اولدیغندن قانون قدیم عثمانی اوزره
تفنگ انداز اولان یکچیریلر صف حربك وسطنه وضع اولنوب جانبینه
طوبلر تعبیه وزنجیرلر ایله یکدیگرینه ربط قلندی اردوی همایونك
ارقه سی مهمات عربلری ایله تحصیل اولنوب چادرلر دخی اولقدر صبق
قورلدیکه ایپلرینك بربرینه مر بوطیتندن ارالزنده سواری دکل پیاده
یله حرکت ایدو مز ایدی و دشمنی طوبلرک نشانگاهنه حکمک ایچون
اوکارینه عرب تعبیر اولنان عسکر قونلندی

شاه اسماعیل بالذات موکب همایونك صول قولنه شدله هجوم ایدوب
عز بلری طوبلرک اوکندن مخرفا ایچرو المغه وقت ویرمامکه کلی تلفاته
صیب اولدقدن وروم ابلی بکار بکیسی ایله بعض امرای مقتول سیف حیف
ایلد کد نصره ارقه جانبندن معسکر همایونك ایچنه کیرمکه صوت ابتدی
ایسده بروجه محرز مهمات عربلرینك وچادر ایپلرینك حیلولتندن مقتدر
اوله میوب سلطان سلیم طرفندن صول قول امدادینه قیو قوی باوکلرندن
عساکر منتظمه دخی ارسال قلغله شاه مزبور بالضروره عودته مجبور اولدی
معسکر همایونك صاغ جناحنده قوماندان اولان اناتولی بکار بکیسی
سنان پاشا بو حالی مشاهده ایلد کده صاغ قول طوبلرینك پیشگاهنده بولنان
عرب طائفه سنی طوبلرک اره لرندن واوزلرندن ایچرویه الوب تمام نشانگاهه
ککش اولان امرای اعجام اوزرینه آتش ایتمکه باشلدی

شاه جانبندن بوقوله جمله ایچون معین اولان وکیل السلطنه عبد الباقی
خان و دیار بکر حاکی استاجلو محمد خان و سائر صنادید صفویه از وقت
ایچنده دانه قوارع آتش فشانه هدف و معیتلرنده بولنان جنود روافض
دخی افتاده صحرای تلف اولغله شاه اسماعیلک کوکب اقبالی غروب

یوز طوتدی

ایرانلرک وهله اولاده اولان شدت هجوملری بو وجهله یکشد براد کد نصره
برمدت دها محاربه به دوام اولنوب طوب و تفنگ قارشوسنده سوارینك
پایدار اولسی ممکن اوله مدیفته مبنی عساکر اعجام پراکنده و پریشان و شاه
اسماعیل دخی طوتلق مرتبه سنه کلمشیکن مجروحاً فراره شتابان اولدی
شاه مزبورک اردوسی و بایند فرار اولق ملاحظه سبله استصحاب ایلدکاری

اهل و عيالارى و حتى شاهك تاجلى خانم ناسنده اولان زوجه سى اغتنام
اولوب بعده جانب تبريزه سوق موكب اجلال بيورلدى
تبريز اهابلىسى موقع اطاعت و فرمانبريده قائم اولغله غارت و خسارتدن
امين اولوب فقط بيك قدر ارباب هنر و صنايع اهل و عيالارى له برابر
استانبوله اعزام وارسال قلندى

سلطان سليم قاره باغده مشتانئين اولوب اولبهارده تكرار شاه اسماعيل
اوزرينه صولت ايتك افكارنده ايديسده بيكچر يار عودت خصوصنده
هم زبان نياز اولوب موسم شتا دخی تقرب ايلكك ركاب همايونك تبريزه
دخولندن طقوز كون هرورنده اوازه كوس عودت ولوله انداز زمين
زمان واثناى راهده بيكچر يارى تحريك نهمله وزير اعظم هر سك زاده
احمد پاشا معزول و وزرادن دوقه كين اوغلى احمد پاشا مقتول اولوب
اناطولى بكار بكيسى خادم ننان پاشا وزارت عظمى به ارتقا ايلدى اما سيبه
بعد الوصول موسم شتا ننده امرار اولوب طقوز يوز يگرى برسندسى اول
بهارنده حركت و طلايع معسكر همايونك سيف سطوتلر له كاخ و ديار بكر
وچمشكرك طرفلى امرای اعجام اللرندن تخلص قلندى

ذوالقدر به حاكى اولان علا الدوله دولت مصر به طرفدارى اولوب
سنه سابقه ده موكب پادشاهينك بعض مهمات فرقه لر به تعرض ايلشيدى
ترتيب جزاسى ايچون وزير اعظم ننان پاشا و حاكم مشار اليهك برادر زاده سى
اولوب خدمت سليم خاننده بولغان شهسوار اوغلى على بك اعزام بيورلغله
بالحار به علا الدوله واركان و امراسى قنطره شمشيردن امرار و ممالك
ذوالقدر به دینلان هر عرش ابالى مشار اليه على بكه احسان قلندى

ملك مصر اولان سلطان غور يدن نامه و ايلچى كلوب شهسوار زاده
على بكك نظر التفاتدن اسقاط اولمسنى و ممالك ذوالقدر يده كافي السابق
خطبه ده نامى ياد قلنسنى التماس ايتمكك بو كونه متحكمانه معامله دن
پادشاه حضر تلى بك طبع سليملى متغير اولوب قوجه چركس
ار ايسه مصر ده خطبه سنى مستر ايتسون جواب قهر عتابيله ايلچيسى
اعاده و ذوالقدر به ممالك كنك على بكه احسان اولنديغى حكايه سيله
علا الدوله نك سمر بر يده سى دخی على رغم الانف فرستاده قلندقدن صكره
دار السلطنه استانبوله مراجعت بيورلدى

اماسیه شتاسنده عسکری طائغسی بر بهانه ایله دفتدار پیری پاشا
وخواجه سلطانی حلیمی چلبیک خانلرینی غارته اجتسار ایتشلر ایدی
استانبوله بعدالوصول ضابطان عسکر به بالذات حضور پادشاهی به جلب
وسبب فتنه دن سوال ایله تضییق ایدار کده وقعه منوره وزیران
اسکندر پاشا وقاضی عسکر تاج زاده جعفر چلبی و سکیان باشینک تحریری
اثری اولدیغنی بیان ایلمر ایله اوچی دخی شمشیر کلو کیره مبتلا اولدیلمر

شاه عجمه تابع اولان امرای اگرادی سمت اطاعته دعوت ایچون اماسیه
مشتاسندن ادریس بدلیسی ارسال اولمغله مولانا مشار الیه ارمی واشنی
وسوران و عمادیه و حسن کیف و بدلیس و حیزان و جزیره عربیه حکامنی
و بونلر امثالی بکرمی بش قدر امرای اگرادی کا، تخویف و گاه تلطیف
ایله ربقه اطاعت دولت علیه به بند ایلدی شاه اسماعیل طرفندن
دیلمر بکر استخلاصنه مأمور ایدیلان قره خانک دفع تسلطی ضمنده
میر میران قرمان خسرو پاشا سردار تعیین اولمغرق قوج حصار قر بنده
مقارله عظیمه وقوع علیه اون بیک قدر عجم ایله قره خان مقتول اولوب
بومظفریت جلایله نک ثمره سی اولمغرق کردستان طرفلرنده بولان بقیه قلاع
و سنجار و موصل و اورفه و سنجاقلری دست تغلب ایرانیاندن انتزاع قلندی

شاه اسماعیل طلب عفو و صلح ایچون مکررا ایلمچیلر کوندردیسه ده مظهر
مساعده اوله مدیغندن ملک مصر اولان سلطان غوری به نامه یازوب
اگر سلطان سلیم بر کره دها ایرانیه هجوم ایدر ایشه کشور عجمی ضبط
ایده چکی و بعده نوبت ملک عربیه کله چکی درکار اولسنه مبنی شمدیدن
بونک چاره سنه باقلمنی تذکار ایلمشیدی

سلطنت حنیه ایله دولت چرا کسه بینه ایسه فرق سنه دنبرو رقابت کیرمش
وامرای چرا کسه فن فروخته اولان مهارت لرینه مغرور و متکبر بر قوم
جاهل اولمغرق سلطان سلیمک درجه قوت و مکنتنی تمیزه غیر مقتدر بولمش
اولق حسیله صورت توسطه اظهار تحکم و عداوته مجاسرت ایلمکه
باشلا دیلمر

حالبو که شاه اسماعیل سیف سطوت سلیم خانی ایله مقهور اولدقدن صکره

جهانگیرك سوداسندن فراغت ومیدان حربہ چیقدیغنه ندامت ایدوب
عیش وعشرتہ منہمك اولمسیله اولجانبدن اندیشه بی موجب حال
قالمیغنه مبنی تسخیر کشور عرب ذہن پادشاہیدہ جولان ایتمکده ایدی
بناء علیہ ظاہرا ایران ویاطنا عربستان اوزرینہ سفر نیتیله طقوز یوز
یکرمی ایکی سنہسی اوائلندہ وزیر اعظم سنان پاشا یکرمی بیک قدر
عسکر ایله دیار بکرہ طوغری حرکت و سلطان سلیم دخی متعاقباتحریرک
لوای سطوت ایلدی

روم ایلی قاضی عسکری زبیرک زاده وامرادن قرہ جد پاشا سفارتلہ سلطان
غوری یہ ارسال وتسطیر اولنان نامہ ہمایونده ایران اوزرینہ اولان حرکتی
بیان ایله خادم حرمین اولدیغکزدن دعای خیر یہ کن رجا اولتور مالی
تذکار اولندی لکن سلطان غوری شہریار بلند اقتدارک نیتنی تفرس
ایلدیکنہ مبنی عربان وعسکر دن ماعددا اون اوچبیک عبد مشترایله تحریک
لوای نہضت ایدرک حلبدہ سفیران مشار الیہما ایله لدی الملاقات برقاچ
کون حبس ونحقیق ایلد کدن صکرہ ملاحظہ انجام کار ایله بالتطیب اعادہ
وایران اوزرینہ سفر ایتمک مراد کن اولدیغی حالده نیچون دونما کرک
اسکندر یہ یہ عزیمتی تنبیہ ایلدی کزدیو تعریضی متضمن جواب نامہ دخی
فرستادہ ایلدی

موکب ہمایون بوجاق درہ نام محلہ واصل اولدقدہ مشار الیہما تقبیل
سریر دولتمنصیر وزبان شکوی ایله سرگذشتلرین تقریر ایلدکلرینہ
وصدر اعظم دخی حدود عربستانہ بالوصول ملاطیہ معبرندن عبور
ایچون حکام چراکسیہ مراجعت ایلدکدہ سد باب رخصت ایله فتح
دروازہ ہداوت ایتدکلرینہ مبنی سلطان غورینک سالک اولدیغی طریق
نا موافق مؤکد عزم سابق اولہرق اردوی ہمایونک یوزی شرقہ ایکن
قبلہ طرفنہ چویر یلوب عربستان اوزرینہ سوق توسن عظمت قلندی

ہینتاب وملاطیہ ودیوریک و بیہسنی وقلاع الروم ضبط اولدقدن صکرہ
طقوز یوز یکرمی ایکی سنہسی رجبنده حلب قریندہ واقع مرج دابق
نام صحرائہ مصر اردوسیلہ مقساتلہ عظیمہ مشہورہ وقوع بولوب

بش ساعت ظرفنده عسکر چرا که منهرم و سلطان غوری دخی دأره
شهوددن منعدم اولدی

حلب والیسی اولوب عرض اطاعت ایدن خیری بک واسطه سبله حلب
سکانی موکب همایونی کمال تعظیم ایله استقبال ایلدکلرندن غارت
و خسارتدن مصون اولدیلمر سلطان غوری شاه اسماعیل کی اسکنداره
قدر ضبط ایتک اوهمانه قانع اولیوب استانبولی دخی تسخیر نیت
و حین محاصره صر فنه محتاج اولدیغی مبالغی تهیه واستصواب ایلش
ایدوکنندن حلب خزینه سنده مدخر بولانان یکر می کره یوز بیک التون یعنی
عصر من فیثاته نظرا برعلیون لیره ایله اشیای سائر و مودوع امر اولان
اموال کثیره مضبوط خدام سلیم خانی اولدی

اون سکر کون حلبده اقامتدن صکره طرف شامه عطف لجام اجلال
اولوب حاو حص و طرابلس و قدس شریف سکانی صف بسته مقام
اطاعت اولمشلر ایسه ده حاکم غزه اولان جانبرد غزالی بر مقدار چرا که
و عربان عسکر یله غزه ده اقامت ایدوب مصره سد سپاه اولق و یا خود
سلطان سلیم عودت اختیار ایدر ایسه شامی تخلص ایلک افکارنده
بولدیغی تحقیق کرده پادشاهی اولغله وزیر اعظم سنان پاشا ارسال
اولوب جمعیتی تدبیر و جنود عثمانیه حقنده بده معامله به متجاسر اولان غزه
اهالیسی تازیانه شمشیر ایله تعزیز ایتدیلمدی

شامده اوج درت آی آرام و غائله شتا بر طرف اولدقدن صکره تسخیر
مصر ایچون عزیمته اقدام اولوب وزرادن حسام الدین پاشا مشکلات
بریه بی بیان ایتدکده بقایای عسکر بیننده فتور و اوهای استلزام
ایده جکندن ایران سفرینه قربان اولان همد پاشایه تردیف و دولت
شهادت ایله تشریف قلندی

بونک اوزرینه مراد همایونه مخالف کلام تفوهنه کیمسه ده قدرت
و جسارت قلامقله موکب همایونه لزومی اولان صو و ذخائر برابر کنتور ملک
کی مشکلات عظیمه اختیار اولاندق یوله دوزلدیلر لکن عنایت حق ایله
بعضای غمور لر یا غمغه قور قیلان شیر وقوع بولمسیزین طقوز یوز یکر می
ایکی سنه سی ذی الحجه الشریفه سنک سلطنته مصر قرینده واقع بر کمال حاج

نام محله نصب سرادقات اجلال و همان اولکون ترتیب بزم رزمه استبحال
اولندی

سلطان غورینک وفاتندن صکره مصرده تسلطن ایدن سلطان طومانبای
زیدانبه صحرانده تشکیل ایلدیک اردویی طوب و تفنک و سار ادوات
جنک ایله تحصین ایش ایدده پادشاه صاحب تدبیر احوال دشمندن
خیر اولدیغنه مبنی جبل مقطعدن نازل و عرکه گاهه طرف خلافتدن
واصل اولغله طومانبایک سعی واقدامی نتیجه پذیر اولیوب جمع اندک
شمار ایله فراره مجبور اولدی

چراکسه چندیلرینک سلحشورقلری و فرط جسارتلری تسلیم کرده یار و اغیار
اولوب حتی اسلحه ناریه به مقابله ایدمه جکرینی تفرس ایلدکلرند برقاچ
نفر چرکس فدایینی بالذات سلطان سلیمه ایصال مضرت ایتک ایچون
رایت همایون اوزرینه هجوم ایلدیلر توفیقات ربانیه جله سندن اوله رق
پادشاه حضرقلری موقع اخرده بولمغله سنجاق دیدنده طوران وز بر اعظم
سنان پاشا و رمضان اوغلی محمود بک و عینتات والیسی بونس بک کشته تیغ
قضا اولدی لکن بودرجه جان سپارانه چالشمشیر ایکن خیانت و خسراندن
غیری برشیته نائل اوله مدیلر

محرابه ختام بولدقدن صکره سلطان سلیم شوکت باهره و کوبه قاهره ایله
مصر ایچندن کچوب بولاقده منصوب اولان معسکر همایونه نزول
بیوردیلر

چند کون هرورنده سلطان طومانبای جمع ایدمه بیلدیک عربان عسکر یله
بغته مصره دخول ایدوب اوچ کون اوچ کیجه درون شهرده محاربه
تمتد و لایعد جان و بیکلرجه نوجوان سیلاب زده فتن اوله رق یوم رابعده
طومانبای جانب فراره سوق سمند و اهالی مصر دخی الامان صداسنی
بلند ایلدیلر

مؤخر طومانبای دخی تعقیبنه مأمور اولان امرایه نفسنی تسلیمه مجبور
اولغله حضور همایونه ایصال اولدقدن سلطان سلیم مشار الیهی مصر
والیکنده قولالامق نیتنده بولمیش ایدده معامله سرکشانه اظهار
ایلدیکندن و عربلر اساندن الله ینصر طومانبای صداسی منقطع اولدیغندن
شهسوار زاده علی بکه تسلیم اولوب باب زویله ده بردار قلندی چونکه

میر مشارالیهک بیاسنی مصر لولر مقدما باب مذکورده صلب ایلش
اولدقلرندن اکابدل طوتلدی

سنان پاشادن صکره مقام وزارت عظمایه اعتلا ایدن یونس پاشا مصر
والیلکینه تعین اولنش ایسه فیه طمع خاندن ناشی مقتول اولان امرای
چراکسه حرملرینی مصادره یه باشلا دیغندن حکومت مصر خیری بکه
وشام ینه امرای چراکسه دن اولوب مؤخر ابارگاه سلیم خانیه دخالت
ایدن جانبرد غزالی یه توجیه و مصر محافظه سیچون خیری بک معینه
بشیوز یکچیری و بشیک سواری براغیلوب دزت آی قدر مصرده اقامتدن
صکره جانب شامه واندن حلبه عودت بیورلدی

اشنای راهده برکون وزیر اعظم یونس پاشا پادشاه حضرتلریله مصاحبت
ایدرك كلورلر ایکن بوقدر زحمت و مشقتلر چکله رك مصر فتح اولندقدن
صکره برخان چرکسه ویره چککزی پیاسه لر قوللرك ارقه که دوشوب
کلرلر ایدی دیوتهر یضه جسارت ایلدیکی انده همان ائک باشی چکوب
اورا جقده پاشای مشارالیهی قتل ایتدیرد کدن صکره اناطولی قاضیهسکری
بولنان کمال پاشا زاددی یانه چاغیروب مصاحبت ایدرك یوله دوام ایلدی
کمال پاشا زادهک اتی نصله برصو برکنندیسنه باصه رق سرپندیسی
سلطان سلیمی باشند ایغه قدر چاموره غرق ایلدیکنندن مولانای
مشارالیه بیجتابه دوشدکده علما اتی ایاغندن اوزریمه صحرایان چادور
باعث فخر و مباهاتمدر بعدالوفات صندوقهم اوزرینه اورتسونلر دیو
فراجه سنی چیقاروب حفظ ایتدیردی و بومعالمه ایله قدر دانلغنی عالمه
یلدیردی مذکور فراجه الان صندوقدری اوزرنده طورور

خدمت وزارت عظمی یه انتخاب اولنان استانبول محافظی پیری پاشا
حلبده رکاب همایونه لدی الوصول شاه عجمک قره باغده تحریب و اجتماع
اوزره اولدیغی استماع اولندیغندن قرق بیک قدر عسکر ایله پاشای
مشارالیه محافظه سرحد ایچون اعزام اولندقدن صکره پادشاه حضرتلری
جانب رومه عطف زمام ایدرك طغوز بوز یکرمی دزت سنفسی رجب
شریفنده استانبوله واصل و برقاج کون مرورنده ادرنه یه مرئحل اولوب
بعد الشنا استانبوله عودت بیوردیلر

وزیر اعظم بیره چک مقابله سنده ضرب خیام ارام و مالک مفتوحهک

تنظیم امور بنه اهتمام ایدوب شاه عجمک جانب خراسانه کر یزان اولدیغی
خبر النمله بعد الاستیذان عودت ورکاب همایونه مواصلت ایلدی
بوزق اشقیاسندن جلال نام مفسد توقاد سمتده برغارده قرار ومهدیلاک
دغواسیله یکریمی بیک قدر حقا جمع ایلدیکی استخبار اولنمله روم ایلی
بکمر بکیسی فرهاد پاشا استیصالنه تعیین ومرعش حاکی شهسوار اوغلی
علی بکه دخی پاشای مشار الیه الحاق ایلدی توصیه وتلقین اولنمشیدی
میر مشار الیه فرهاد پاشانک وصولنه ترقب ایتمه رک اشقیای مز بوره یی
تکیل وتدمیر ایلدی عصر سلیمان خانیده ویک تار یخندن صکره
ظهور ایدن بومقوله اشقیای جمیتلر بنه جلالی تعبیری بونلردن اقتباس
طریقله اولدیغی هر ویدر

برمدت قدس شریف و برالشامه مستولی اولان اهل صایب ملک صلاح
الدینک همیله اورالردن طرد اولندقلرنده ردوس جزیره سنده جمهور
صورتنده برحکومت تشکیل ایدوب مجاهد معناسنه اوله رق قوالیر نامیله
یاد اولورلر وتدارک ایلدکری قوه بحریه واسطه سیله سفن اسلامیه یی
طونق صنعتیله مشغول اولورلر ایدی

فاتح مرحوم عصرنده بونلرک دفع مضر تلر بنه ابتداز وردوسک تسخیر بنه
صرف اقتدار قلندی ایه ده قلعه سی فوق العاده استحکامات ایله تحصین
اولنمش و درونی فداییلر ایله ملو بولنمش اولدیغندن ضبطنه موفق
اولنه مامشیدی

لیکن مضر فتح اولندقدن صکره استانبول ایله مضر اراسنده موارده
اسفاین تکثر ایتک طبیعت مصلحتدن اوله رق بونلرک تحت امنیت کیرمسی
دخی بهمه حال ردوسک تسخیر بنه منوط بولندیغنه بناء وکلای دولت
سلطان سلیمی بوخصوصه تشویق و ترغیب ومهمات مقتضیه تدارکنه
اقدام ایتمکده ایدیلر

پادشاه حضرتلری ایه برکزه دها ایرانه هجوم ایدوب هنوز تأسس
ایتمکده اولان مذهب شعبه ودوات صفویه یی نحو وافنا ایتک نیتنده
اوله رق حالوکه علمای عصر بر اقالیم فتح ایلدکدن برعیسوی کوبی الوب
برخرستیان مسلمان ایتک دها خیراودر وسلاطان سلیمک کافه حرکاتی سفک
دعاء مسلمینی مؤدی اوایوب اوکا ایه مولا راضی اولمز دیهرک تعریض ایتمکده

ایدوکارندن ووکلانک ردوس سفریله سلطان سلیمی اشغاله چاشملری
دخی بونگته به مبنی اولدیقتن پادشاه حضرتلری بن اقلیلر قتح ایتک
ارزوسندهیم سزینی برخرسز جزیره شئی تسخیر ایله مشغول ایتک ایسترسز
حالبوکه بنم بوندن صکره آخرت سفرندن بشقه سفرم بوقدر و بزم
ارتحالز لازم کلمشدر زیرا بقامز چوق آدمک قناسنی ایجاب ایده یور جواب
جامع الکلامیله ردوس سفرینی ردیوردیلر

فاتح مرحوم استانبولی تسخیر ایلدکنده اهلایسنه امان احسان ایدوب اداره
امور روحانیله ریچون بهص امتیازات ایله بطریق نصب ایلمش و امرای
عیسویه بی دخی تلطیف و تبجیل ایتشیدی برمدت مرورنده قانته قوزن و سائر
بهض امر ابرتقریبه استانبولی استرداد ایتک سوداسنه دوشدکاری و اولوقت
طربزونده و مورهده تشکیل حکومت ایدن روم ایمپراطورلری تعلقاتیله مخابره به
کیرشدکاری استماع اولاندقده متجاسرلری تأدیب اولانوب سلطان بازید
عصرنده دخی بو وسوسه کاملاً زائل اوله مدیقتن سلطان سلیم روم
طائفه سنک یا قبول اسلام ایلملرینی و یا خود استانبولی ترک ایدوب کیتیرینی
امر ایلمدی

وکلای دولت بویابده اضطرابه دوشوب لکن پادشاهک شدت هیبت
وغضبندن مخالفتنه جسارت ایده ماملریله مفتی عصر اولان زندیالی
علی افندی به مراجعت ایلمدیلر

مفتی مشار الیه فاتح مرحوم بونلره عهد و امان احسان و برقطعه فرمان
دخی اعطا ایلمش اولدیقتن شمدی بوتکلیف شرعاً جائز اولان دیو افتا
ایتمکله سلطان سلیم فرمانی کورهم دیو طلب ایلمدی کیفیت بطریقه
افاده اولاندقده ذکر اولنان فرمان برحریقده محترق اولدیغنی بیان ایلمکله
ایش برقات دهامش کلالته کرفتار اولاندقده مفتی مشار الیه اثبات ماده دخی
کافیدر دیدیکنه مبنی اختیار یکیمیلردن ایکی کشی دیوان همایونده ادای
شهادت ایدوب سلطان غضوب حضرتلرینک دعواسی علیهنه حکم
اولمغله غائله برطرف اولدی

طغوز یوز یکرمی الی سنه سی شعباننده پادشاه حضرتلری ادرنه به عزیمت
ایدوب انجق پدرلری مرحوم ایله ترتیب ساز صف مصاف اولدقلری
اوغراش کوبی نام محله وصولارنده مبتلا اولدقلری عات شیر پنجه مشند

اولفله قرق کون قدر اوراده ارامه مضطر اولوب سنه من بوره شوانده
الی بریاشنده و سلطنتک طقوزنجی سالتده ارتحال دار بقا بیوردیلر

پادشاه مشار الیه خضر تلی مدیر و بهادر و تهیدینی ایقاعه قادر احوال
عالمدن خیر غضوب و مهیب حقه قائل واقضاسی درجه ده کرمکارغه
مائل لطیفه کو بر شهر یار عظیم الشان ایدیلر که احوال مبسوطه و حکایات
آیه من یاسندن اوصاف مذکوره ایله اتصافلری موقع ثبوت و اصل اولور

هرستان سفرینه عزیمندن مقدم پیری پاشایه مضمر درونی افشا ایلد کده
پاشای مشار الیه جنکیز و تیمور کی جهانگیرک چولی کچمد کلرینی
و بو خصوصده اولان مشکلاتی بیان ایلدیکندن مظهر غضبلی اولمشیدی
بعد الفتح پیری پاشایه خطاب ایدوب ایشته بن کیتدم و مصری فتح
ایتدم بیوردیلر پاشای مشار الیه دمای همایونلرینی تکرار و مطالعه
سابقه سنک به خافتنی اقرار ایلد کده یوق سنک عرض ایلدیکک
ملاحظات موافق حال و مطابق حزم و احتیاط ایدی لیکن حق بکا باباسنی
و قرنداشلرینی اولدردی دیو طعن و دشنام ایتمکده اولدقلرندن دولته علیه به
فوق العاده بر خدمت ایله بو تهمتی فراموش ایتدیرمکه مجبور اولدیمدن ناشی
مخاطرات ملحوظه بی کوزمه الدم بیورمشلردر

بر کونینه پیری پاشا ایله اثنای مصاحبتده تیمور لیک بزم بیوک پدری
طوتدیغندن بو کیفیت سلاله من اوزرنده بر لیکه براقیدی بونک ازاله سی
ایچون هندستانده حکومت ایتمکده اولان تیمور اولادلری اوزرینه سفر ایتک
ایسترم بیوردیلر پاشای مشار الیه بو وقعه نیک اوزرندن یوز سنه دن مجاوز
زمان هرور ایتش و سلطنت سنیه کز مؤخر بو قدر فتوحات و ترقی به مظهر
اولش ایدوکنندن بولیکه طبیعتیه زائل اولمشدر مع مافیه هندستانک
بعیدی سببیه سفر حد امکانده دکلدر دیدکده عصر مزده کشاد اولانان
قتال موقعی باتهریف اورادن بحر سوشی اقد کزه الصاق ایدر و بحرا
هندستانه کیدرم بیورمشلردر که بوققره احوال عالمه اولان وقوفلرینه
شاهد عادلدر

ینه بر کون اندرون همایون اغارندن اوتوز قرق کشی به بردن غضب ایدوب

قتلارینی امر ایشلرایدی مفتی عصر زنبیلی علی افندی کیفیت استماع
ایلدکده حضور همایونه واروب شویله بزوقه ایشتم دیمسنه جوابا
افندی ارتق سن امور سلطنته مداخله باشلادک بیورمشلر افندی
مشار الیه دخی بز امور اخرویه کزک محافظه سنه مأمور اولدیغره مبنی
احکام شرعیه بیانه کلام دیدکده پادشاه حضرتلری اصلاح احوال
عمومیه ایچون بفرقه ک قتلنجوین اولمش دکلیدر دیدیکنه جوابا اصلاح
عالم بونلرک قتلارینه منحصر دکلدر قباحتلرینه کوره تعزیر اولنق مرتبه
کفایه ده در دیو بیان حقیقت حال ایلمر یله پادشاه حضرتلری قتلارندن
واز کچدم لیکن قیومده طور ماسونلر کتسونلر دیمشلر مفتی مشار الیه عرض
تشکرله برابر بونلر خدام مخصوصه شاهانه کزدن بوندقلرینه مبنی بلانانپاره
چیقار یلور ایسه خدمات سافله ده بولمغه مضطر اولورلر بو ایسه موافق
شان سلطنت کزدکلدر نانپاره ویریلور ایسه بلا موجب بیت المال مسالین اضرار
اولمش اولور انعام عاطفت بیورون وقباحتلرینه کوره تعزیر ایله خدمته
البقوبک دیدکده بو کلام حقی قبول ایلمشلردر

مصر قحیله بکام اولدقلرنده شریف حجاز اولان ابو البرکات تهنیه فتح
وظفر ایچون اوغلنی کوندرمشیدی تکریمات فائقهیه مظهر اولدقدن
بشقه اهالی حرمین شریفه ایکوز بیک التون عطیه کوندردیلمر وعلمای
مصر سلاطین سالفه مصریه وقفلرینک ضبطنه فتوا ویرمشلر لیکن
ایقاسی طرفنی اختیار بیوردیلر ومصر خزینه سنده بولمان تبرکات جلیله
یعنی ذات مابه الموجودات حضرت رسالتیناهییه واجله اصحاب کرام
حضراتنه منسوب امانات سنیه ایله بعض نوادر اشیادن غیر یسنی المیوب
خزینه مصریه بی تخلیه ایلمدیلمر وروم وزراسنک عربستان اداره سیله
عدم القتلرینی در پیش ملاحظه ایدوب مصری خبری بکه وشامی جانبرد
غزالییه ویردیلمر بونلرک جمله سی علو جناب وکر مکارلفنک دلائلنددر

پادشاه مرحومک اوینخوسی غایت از اولمغه اکثر لیبالی بی مطالعه کتب ایله
اصرار ایدرلر و تزیناته اصلا رغبت بیورمز لرایدی بعض محرملری سیندن
سؤال ایتدکده وکلا و امرانک البسه رسمیه تلبس ایلملری پادشاهلرینه
تعظیمادر بزکمی تعظیبه مجبورز که اختیار کلفت ایدلم بیورمشلر

حاصل کلام کال پاشا زاده نک مرثیه سی تمام کاشف احوالی اولمغه انک
تحریر یله ختم مقال اولندی

ترکیب بند

هرزده نوجوان هرزده پیر * صاحب السیف صائب التذیر
 هم صف آرا ایدی هم اصف رای * نه وزیر ایستر ایدی نه ده مشیر
 الی شمشیر ایدی دبلی خنجر * نیزه ایدی قوی و پرمخی تبر
 از مدته چوق ایش ایشیدی * سایه سی اولشیدی عالم کیر
 شمس عصر ایدی عصرده شمسک * ظلی عمود اولور زمانی قصیر
 تاج و تخت ایله فخر ایدر بکر * فخر انکاه ایدردی تاج و سر بر
 کوکلی اول شورده بو اوردی سرور * که چلا چاغریدی تیغ و نغیر
 رزم ایشنده و بزم عیشنده * کورمدی پیر چرخ ا که نظیر
 کیرسه میدان رزده شیر دلیر * چیقسه ایوان بزمه مهر منیر
 اولیجی دار کیر اول شیری * اکسون و قائلر اغلسون شمشیر
 حیف سلطان سلیمه حیف و دریغ * هم قلم اغلسون اکا هم تیغ
 وزیر اعظم پیری پاشا سلطان سلیمک وفاتی اخفا و مغیسا والیسی بولان
 شهزاده سلطان سلیمانه سرعت ورودی لزومی انها اتمکله شهر یار جدید
 استانبوله واصل و تخت خلافت عظمایه نائل اولدیغی خبری پاشای
 مشارالیه وارد اولدقدی اردوی همایون ایله جنازه سلیم خانی بی بالاستصحاب
 استانبوله شتاب ایلدی سلطان سلیمان حضرتلری پدر مکرملرینک جنازه سنی
 استقبال و حین حیاتلرند نذمتکاه هر غوبلری اولان میرزا سراینه دفن
 ایتدیروب اوزرینه تربه وجوارینه جامع و تفرعات انشا ایتدیردیلر که
 سلطان سلیم جامعی دیمکله معروفدر
 سلطان سلیمک خبر وفاتی منتشر افاق اولدقدی شام والیسی اولان جانبرد
 غزالی سلطنت مندرسه مصریه بی اعاده اتمکله عزیمت و مصر والیسی
 خبری بکی اتفاقه دعوت ایدوب میر مومی الیه ایسه عاقل و دور اندیش
 برذات اولدیغدن بواصرک حصولی مرتبه استحاله ده اولدیغنی ادراک
 ایدوب انجق غزالینک کندو اوزرندن تسلطی دفع ایچون دعوتیه اجابتی
 حلبک تسخیرینه تعلیق ایلدی بنا برین جانبرد غزالینک حلبی محاصره
 ایلدیکلی خبری رکاب همایونه واصل اولدقدی فرهاد پاشا سرعسکر نصب

سلطنت سلطان
 سلیمان خان قانوی

وارسال و شهسوار زاده به دخی حلب محافظی قرجه پاشایه امداد
ایلمسی ایچون فرمان عالی اصدار اولندی

محافظ مشار الیهک اقدامی و شهسوار زادهک مهاجراتی جانبرد غزالی بی
ضبط حاکمیدن مایوس و فرهاد پاشانک قرب وصولی دخی رایت امیدینی
معکوس ایتمکله شامه عودت ایدوب قدوم سرعسکره منتظر اولدی
فرهاد پاشا شام جوارینه لدی الوصول و قوعبولان محاربه ده عساکر
شامیه منهزم و محذول و جانبرد غزالی دخی مقتول اولدیفندن سطوت
شمشیر عثمانی عرستان خلقنه تکرار عرض دیدار مهابت ایلمدی

ارکان دولت سلطان سلیمان حضرتلرینی لذت فتوحاته داداندرومق ایچون
غزا وجهاده ترغیب و محار قرالنک تبریک جلوسه مشارعت ایلمدیکنی
بیان ایله بلغرادک فتحنه تشویق ایلمدکارندن طقوز یوز یکره بدی سنه سی
اولجانبه سوق سمند جلالت اولنوب وزیر اعظم پیری پاشایی اولجه بلغراد
محاصره سنه اعزام و کندولری بودین نیتیه طونه نهرینی هروره اقدام
ایلمش ایکن تکرار انهای پاشای صاحب تدبیر ایله عودت و بلغراد
پیشگاهنده اولان وزیر اعظم اردوسیه ملاقات ایلدیلر برآی قدر
محاصره دن صکره قلعه بلغراد عنوة مسخر تیغ ظفر پیکر و جوارنده بوانان
چند عدد پلنقه دخی مرأت فتحده جلوه کر اولغله امر محافظه لری انمام
واها ایلمندن برمقداری استانبوله نقل ایله جانب دار السلطنه به عطف
زمان اولندی

مطمح نظر دولت اولان ردوس تسخیر ایچون انواع سفایندن التبور
التمش درت کی استحضار و وزیر ثانی مصطفی پاشا ایله ارسال اولندقدن
صکره سلطان سلیمان خان حضرتلری سوق موکب عظمت و اقتدار
و مرمرس اسکله شندن زدوس جزیره سنه کنار بیوردیلر مسانت قلعه
القی آق قدر کیجه و کوندز اشمال اتش حرب و قتاله بادی و یک چوق
ضابعات و تلفاتی مؤدی اولدیغی حالده بالآخره قوه قاهره ایله فتح
و تسخیر و جوارنده واقع استانبولی و بودرم قلعه لری دخی دفتر فتوحات
سلیمان خانیه درج و تسطیر بیوریه رق عودت همایون واقع اولدی

فرهاد پاشانک اوتهدنبرو شهسوار زاده به قبض و خصومتی اولغله

میر مشار الیهی دعوی استقلالده بولنق تهمتیه غمز ایلدیکندن ردوس
اوزینه حرکت همایون وقوعندن مقدم ظاهرا بحفاظه سرحد و باطنا
فیاضه ابن شهسواری سد ایچون اعزام قلمشیدی علی بک فرط
صدافته اعتمادا فرهاد پاشاک اردوسنه داخل اولدوقده علف شیر شمشیر
قلمغین و القدریه خاندانی رهین اضمحلال و پریشانی اولدی
دولت چراکسه اواخر ایامنده تورک لوندری سواحل یمنه منتشر و بعض
مواقعک ضبطیه تشکیل حکومته مقتدر اولوب اقلیم مصر حکومت
عثمانیه داخل اولدوقده غرض اطاعت و فرمانبری به مجبوز بولندقلرندن
طرف سلیم خانیدن بعض مرتبه عسکر و امرا ارسال و بکار بکیلکی
لوندات مزبوره سرآمدانندن کمال پاشایه توجیه قلمشیدی مؤخر
طائفه لونددن اسکندر نامنده برخارجی دعوی استقلاله قیام و تبدیل
خطبه و سکهیه اهتمام ایلهده میر میران مشار الیهک شمشیر غیرتیه
شقی مرقوم اذاله و اسایش مملکت اعاده قلندبغی خبر مصرت اثری رکاب
همایونه واصل اولدی

ردوس محاصره سی اثنا سنده مصر والیسی خیری بکک خبر وفاتی وارد
اولغله وزیر ثانی بولسان مصطفی پاشا حکومت مصر ایله اجلال
وقاذرغله ایله ارسال قلندی

ردوسدن عودت همایون وقوعندن صکرهجه برکون پادشاه حضرتلری
وزیر اعظم پیری پاشایه غایت مقبول و معتد بر قولم وارد بر بیوک منصب
ایله بهره مند ایتک ایسترم دیهرک افاده مرام و وزیر اعظم مشار الیه
نکته بی تفرس ایدرک او یله مرغوب و موثوق بنده رینه لایق اولان
قولکیزک مأموریتدز جوابیه استعفایه قیام ایلکین پیری پاشایه تقاعد
احسان اولوب خاص اوطه باشی ابراهیم اغا منصب وزارت عظمایه
اعتلا ایلدی

وزیر ثانی بولسان احمد پاشا که سلطان سلیم مرخومک امکدارلرندن
اولوب پدرلی سلطان یازید ایله وقوعبولان مصادمه دن عودتله
احیولی به شتاب ایدرلر ایکن عقبکیرلردن برقاج نفری یتشوب سلطان سلیم
سوه قصد ایلدکارنده جمله سنی دفع و قهر ایدن قهرمان زماندر سلطنت
سلیم خانیده میراخور و مؤخر وزیر اولمشیدی مهر همایونک بویله

خلاف اصول ابراهیم اغایه ویرلسندن صبر وقراری منساب ومصر
والیالیکنه طالب اولوب کیتدی لکن ابراهیم پاشانک مرکز اهاتنده
قیام وافتمای وجودینه نصب نفس اهتمام ایلدیکنه مطلع اولدقده
بواضطراب ایله متصدی اولدیغی حرکات مزبوحاته اعلان عصیان
ایلمک رنگنه قونیه رقی و دعوی استقلاله مبادرت وتبدیل خطبه وسکفه
جرات ایلدی دینلرک صدر مشارالیهک تسلیط ایلدیکی امرای
مصریه دن محمد بک طرفدارانی بالاستصحاب پاشای مشارالیه اوزرینه
هجوم ایله قتل وافتاوخزینه مصریه بی بغما ایلدیلم

بوخبر واصل در دولت اولدقده مصالح مخله مصریه نک تنظیم وتسویه سی
وزیر اعظم ابراهیم پاشانک کیتسه محتاج کورینوب کمال اجلال واستقلال
ایله اعزام قلمغین برقاج آی مصرده اقامت واعاده اسایش مملکتیه موفق
اولدقن صکره هودت ایلدی

طقوز یوز اوئوز ایکی سنه سی تسخیر کشور انکروس نیتیه سلطان سلیمان
خان حضرتلری سوق سمند جلالت ایدوب ره راستده بولنان قلاع
دست دشمندن انتزاع اولنه رقی موکب همایون مهاج صحرانسه واصل
اولدی

مجار قرالی توجه پادشاهی بی استماع ایتدکده منجاور اولدیغی ملوک
عیسویه دن استمداد وعساکر کایه اجمع واعداد ایدرک مزبور صحراده
مقابله مبادرت ایلدی ایسده قوه قاهره عثمانیه یه تاب آور مقاومت
اوله میوب انهزام کایله ایله منهزم وکندوسی دخی دأره شهوددن
منعدم اولغله پادشاه غازی اردوی همایون ایله بودین پیشگاهنه رهبت
بخشای وزود اولدی

امرای مجار مقام فرمانبرده پایدار اولغله مجار قرالغی خدام درگاه
سلیمانین اولوب حقنه وعد جلیل سبق ایدن اردل بانی اوغلی یانوشه
ارزانی بیوزیلوب مستقر سریر خلافت جانبده مراجعت قلندی

سلطان سلیمان خان انکروس سفریله مشغول ایکن اناطولیده ذوالنون
اوغلی وحاجی بک تاش اوغلی کی جلالیل ظهور و باشلرنده مجتمع اولان
بشر اوزر بیک حشرات ایله ممالک محروسه یه القای شر وشور ایلدکلی
استماع اولمغین صدر اعظم ابراهیم پاشا اعزام اولنوب بالمحاربه جمعیت

اشقيا تارومار و مر قومار دخی طوتیلوب قنطره سیف سیاستدن امرار قلندی

نمجه قرالی اولان فرندوش طرف پادشاهیدن مجاز قرالی نصب نیوز یلان یانوش قرال اوزرینه هجوم و بودینی تسخیر ایله یانوشی فراره مجبور ایلدیکی تکرار اولجانبه حرکت همایون وقوعی استلزام ایلدکله طقوز یوز اوتوز بش سنه سی تحریک لوی سطوت و قلعه بودین ایکنجی دفعه اوله رق آورده قبضه جلادت پیور یله رق ینه یانوش قراله احسان اولندقدن بشقه مهاج محاربه سنده مقتول اولان مجار قرالک ال کچمش اولان و قرونه تعبیر قلنان قدیم مجار قرالغی تاجی ایله دخی سر افتخاری تزیین اولندی

بعده نمجه قرالک حرکات واقعه سنه ترتیب جزا نیتیه و یانه اوزرینه حرکت اولوب یکریمی برکون محاصره و کال کریمتله محاربه اولندیغی حالده تسخیری ممکن اوله مدی

چونکه صدر اعظم ابراهیم پاشا و یانه قلعه سی تکلفات عظیمیه محتاج اولماق مطالعده سیله بیوک طوبلر استیجابنده قصور ایلشیدی اگرچه برمدت دهامحاصره ده دوام اولندیغی حالده شاهد مطلوب مرآت تیسرده جلوه نما اوله جنی بدیهی ایدیسده ذاتا و یانه ایله ممالک اسلامیه پيشنده علاقه اتصال اولدیغنه مبنی ضبطی غیر قابل و موسم شتا دخی داخل اولوب مع مافیه و یانه نک سکسان یوز ساعت قدر جوانب ار بهه سی غارتکران عساکر واسطه سیله تخریب و احراق قلعه رق امر جزا کایذبخی ایفا قلنش اولدیغندن و یانه ده محبوس بولنان اسرای اسلامیه نک سیلاری تخایه قلنقی و مجار قرالنه تعرض اولنماق اوزره محصورینک وقوع بولان نیاز واستدعاری موقع قبولده واقع اولوب دار اسلامیه عودت و شدت شتادن خیلجه زحمت چکبله رک استانبوله مواصالت بیورلیدی

نمجه قرالی فرندوش مجارستان هوا سندن کندوسنی اله مدیغندن طقوز یوز اوتوز سکر سنه سی تکرار بودین قلعه سنی محاصره ایلدکده سمندر سنجاغی میر اواسی اولان یحیی پاشا زاده محمد بک تحت حکمنده بولنان جنود موحدین ایله امداده شتاب واردوی همایونک دخی قریب الوصول

اولدیفنی اشاعه واشراب ایتمکه فرندوش قرال عودته مجبور اولدی

بوخبر در دولته واصل اولدقده سلطان سلیمان خان حضرتلری تکرار سوق توسن عظمت ایدرک نمچه ممالکنی زیر زیر و بکر میدان متجاوز قلاعی مسخر تیغ ظفر پیکر ایدوب حد و حساب کمن انواع غنائم و یوز بیکدن متجاوز اسرا اخذ ایدرک جانب دار السلطنه به معاودت بوردیلر

فاتیح مر حومک نصب کرده لری اولان قریم خانی منکلی کرای خان فوت اولدقده اکبر اولادی اولان محمد کرای جالس سریر حکومت و برمدت مرورنده شهیدا مر نخل دار آخرت اولغله غازی کرای نام صبی اوغلی وارث تخت پدر اولدی ایسه ده صباوتی حسنبیله قریبده انواع شورش حادث اولدیفندن منکلی کرای مر حومک اولادن اولوب کوچک کندنبرو دائرة سلیم خانیده تربیه اولنش اولان سعادتکرای طرف پادشاهیدن قریم خانلخی ایله بر مراد و کفه مقاطعه سندن یومیه بیک اقچه جیب خرجانی تعیینیله منظومه اقبالی مستزاد قلمشیدی برفاج سنه منکاپیرای حکومت دشت قبیاق اولدقندن صکره اسلام کرای نام برادری حربا تخت خانی بی غصب ایتمکه سعادتکرای در دولته کلوب صنوف عواطفه قرین و الی الوفات استانبولده مکین اولدی

بوجهته اسلام کرای تخت قریبده مستقر اولدی ایسه ده حرکات واقعه سی مخالف رضای سلیمان خانی اولدیفنی بلدیکندن خوف تیغ پادشاهی ایله راحت و حضوردن مهجور و بو اندیشه ایله عاقبت حکومت قریبندن عرض فراغه مجبور اولغله قریم خانلخی رکاب همایونده بولنان صاحبکرای نام کوچک برادرینه توجیه بیوردی

امرای اکراددن بتلیس حاکی بولنان میر شرف شاه عجم درگاهنه دخالت ایتمکه بتلیس حکومتی اولامه پاشایه توجیه بیورلشیدی میرمر قوم شاه طرفندن اقدار اولنه رق پاشای مشار الیه اوزرینه هجوم ایدوب وقوع بولان محاربه ده منهزم و مقتول اولدی ایسه ده شاه عجمک بوکونه متجاوزانه حرکتی و باخصوص بغداد حاکی اولوب طرف پادشاهی به تمایل بولنان امیر ذوالفقاری برتقریب ایله قتل و اعدام ایتسی چالدران محاربه سندن برو مستور خاکستر تغافل اولان آتش عدوانک

یکی باشند شررافشان اولسنی استلزام ایلمکله صدر اعظم ابراهیم پاشا
جیوش کافیه ایله جانب شرقه اعزام بیورلیدی

صدر مشارالیه وان قلعہ سنی وارجیش ووسطان وعادلجواز واخلط
بلده لرینی ادخال قلمروسلطنت ایدرک تبرزه داخل ومتعاقبا سلطان سلیمان
خان حضرتلری دخی موکب همایون ایله واصل اولوب شاه مشارالیه
اردوی صدر اعظمی ایله مقابله تدارکنده ایکن صاحبقران عصرک
وزودینی استماع ابتدکده جبال شاهقه ید کر یزان اولدیغندن خطه اذربایجان
فرسوده سم سمند عثمانیان اوله رق جانب بغداده عطف عنان اولندی

شاه جانبندن محافظ بغداد اولان تکلی محمد خان یم جان ایله سمت فراره
پویان اولغین دار الخلافه بغداد بی اتعاب شمشیر قمع ونسخیر اولنوب
التی آی مقداری اقامت همایون مدتده حله وشهر بان قلعہ لری ولورستان
وواسط و مشعشع و جزایر قطیف اولکه لری فرالقاب شهر یاری ایله شرفیاب
وبصره حاکی راشد دخی عرض اطاعت وانقیاد ایله سالک راه صواب
اولدی

خطه بغدادک اسباب محافظه شی انمام وشاهک وانی محاصره شی استماع
اولمقدنشای تکرار ایران اوزرینه سوق سمند اعترام اولنوب موکب همایون
درک زینه واصل اولدقده شاهک عفو جرایم رجاسنه نیاز نامه لری وارد
اولدیغنه ومقصد اصلی اولان عراق عرب حوزه حکومته ادخال قلمش
ایدوکنه بناء نظر قبولده واقع اولوب طقوز یوز قرق ایکی سنه سی اوائلنده
استانبوله مواصلت منیر اولدی

صدر اعظم ابراهیم پاشا سلطان سلیمان خان حضرتلرینک شهرزاده لگندنبرو
منظور نظر التفاتلری اولوب اون اوچ سنه دن عبارت اولان زمان صدرارنده
دخی فوق العاده استقلاله مظهر اولمشیدی غرور جوانی ونشئه کامرانی ایله
بعض حرکات ناسزابه مبادرت والقاب ومناشیرده سرعسکر سلطان
نامنی اشاعت ایتمکله خصمائی شرکت سلطنت دعواسنده اولق تهمتیه
متهم ایلمدکلرندن وپادشاه حضرتلری دخی اوضاع واطوارندن وسوسه به
ذاهب اولدیغندن معتاد اولدیغی اوزره برکجه مرایده الیقونیلوب
وکا فی السابق النفات واحترامی ایفا بیوریلوب جامه خوابنه واردقده

تعیین اولان مأمورلر واسطه سیه قتل واف و مهر صدارت ایاس پاشایه اعطا قلندی

مدلولو اهلایسندن اورج بک نام غازی تدارک ایلدیکی برقاچ قطعه سفینه ایله یقین و قته قدر جاری اولدیغی وجهله دول غیر متعاهده تجار کپلرینی ضبط ایله اغتنام ایده کلمکله کوندن کونه جمعیت واقفنداری تزیاید ایلش و بر مدت افریقا ساحلارنده کشت و کذار و عاقبت الامر جزایر غربی ضبط ایله جای تخصیص و قرار ایلد کدنصکره می تحل دار آخرت و برادری خیر الدین بک جالس سریر امارت اولمشیدی لیکن میر مشار الیه تورک آدمی اولق حسبیه افریقا ساحلارنده تشکیل ایتدیکی حکومتک دوامی ینه ترکستانک احاطه سنه و بودخی پادشاه عصرک مساعده سنه محتاج اولدیغی درک و تیقن ایلدیکندن اهلایسنگ وقوعبولان استدعای اوزرینه جزایر حکومتی سلطان سلیمان نامنه اوله رق قبول و مؤخر پادشاه حضر تلیزینک بغداد سفیرینه عزیمتلرندن مقدم اون سکز پاره قادرغه ایله در سعاده ورود ایلکله جزایر غرب بکار بکیمکی الحاقیه قیودان دریا نصب و بندکان سلطنت سنیه سلاکنه ادخال قلمشدر

مشار الیه امور ترسانیه نظام و دونمای همایونه رونق تام و یروب بعهده قورقه جزیره سنی تسخیر نیتیه رایت همایون تبختر و اهترازه آغاز ایتدکده مشار الیه خیر الدین پاشا و وزرادن سردار تعیین قلنان لطفی پاشا ایکبوز سکسان پاره قادرغه ایله ارسال قلندی

چونکه وندکلور خیلی مدتدنبرو جانب سلطنت سنیه مطاوعنکارانه حرکت اوزره بولندقلری حاده کچن سنه بوسنه قلاعنک بعضیلرینه تعرض و عثمانلو تجار سفینلرینه تسلط ایتشلر ایدیکه بودخی دولت علیه نک خصم طبیه سی اولان اسپانیا قرالی و المانیا ایمپراطوزی مشهور شارلی کنک اثر تشویق و تحریکی در بناء علیه طقوز یوز قرق اوج سنه سی توغ پادشاهی قورقه مقابله سایه ساز و دونمای همایون دخی جزیره مزبور جوارینه لشکر انداز اووب قرق اوج کون حصر و تضییق اولمش ايسده قمع و تسخیری میسر اوله مدیغنه و موسم شتادخی تقرب

ایلدیکنه مبنی ایکبوزدن زیاده قرا تخریب واقعا و جنود موحدین انواع
 غنایم ایله اغنا اولنه رق طرف دارالسلطنه به عودت بیورلدی
 بغداد و یوده سی پترو منعه اولدیغی مال خراجی ارسالده اهل مال اوزره
 حرکت واعادی دولت ایله عقد پیوند موافقت ایلدیکندن اسب همته
 ارخای عنان اولوب طقوز یوز قرق بش سنه سی علم پادشاهی کشور
 بغداد لامع اشراق اولدی مجرد مهابت کوکبه موکب همایون ایله
 مزبور و یوده برکیجه بغته عازم سمت فرار و جمع ایتدیگی سکسان بیگ قدر
 حشرات ان واحده تار مار اولغله بغداد کبراسندن اولوب بروقتدنبرو
 ملازم رکاب همایون اولان چیتنه ولد استفان بک و یوده نصیبه تختگاه
 عثمانی جانبته رجعت و عساکر تاتار ایله معیت پادشاهیده بولنان قریم خانی
 صاحبکرای تشریفات همایون ایله مکرم اولدقدن صکره حکومتگاهی
 جانبته عودت ایلدی

بغدان سفرینه حرکت همایون اثنا سنه قیودان غازی خیرالدین پاشا
 یوزالی پاره قادرغه ایله اقدکز محافظه سنه اعزام قلمشیدی و ندیکه
 تابع کرید و کر به و کفالونیه مثلاً و یکره بش قطعه جزیره غارت و تخریب
 اولدقدن صکره اوچیوز پاره قادرغه و یوز پاره قالیوندن عبارت اولان
 واسپانیا امرالرندن مشهور اندریا دوریا قومانده سنده بولنان متفقین
 دونماسیله اینه بختی اچیلرند محاربه شدیده واقع اوله رق جنود موحدین
 نائل فتح و ظفر و یوز قادرغه ایله الی قدر قالیون مسخر اولدیغی خبر
 مسرت اثری واصل در دولت اولدی

بونک اوزرینه و ندکولر اوچ یوز بیگ یالیز التونی تضمین صفر و سنوی
 سکر بیگ التون و یرکو و یرمک اوزره عقد صلحه موفق اولدیلر
 هندستان حکمدارلرندن کجرات پادشاهی اکبر شاه برطرفدن همایون شاهک
 و برطرفدن پورتیکرلرک مهاجمانندن مضطرب اولغله خلیفه اسلامه
 مرض شکایت ایلدیکندن سلطان سلیمان حضرتلری بغداد سفرینه
 متهمی حرکت اولدقلری زمانده مصر بکر بکیسی سلیمان پاشا هند سفریله
 مأمور اولوب استانبولدن و مصردن جنگی و کورجکی اوله رق اوتوز بیگ
 قدر عسکر ترتیب و سویشته تنظیم اولنان دونمایه ارکابا اعزام قلمشیدی
 لیکن مزبور سلیمان پاشا اق انارندن و حکمت حکومتدن عاری جبارهدن

اولغله جده به وین ساحلارینه اوغرایه رق عدن شهرینه واصل اولدقده
حاکی بولنان ابن عامری عرض اطاعت ایتش و کندوسی دخی امان
ویرمشیکن ماله طمعا قتل و اعدام ایلدی

بوحوادث بمن وهند طرفلرینه منتشر اولدقده عموم خلقک تنفرینه باعث
اوله رق حتی کچراته وصولنده اکبر شاه وفات ایتش ویرینه محمود شاه
قاعد مسند امارت اولمش بولمغله شاه جدید پوتکیزلر ایله اتفاق ایدرک
پاشای مز بوری مدافعه ایلشدر

بناء علی ذلک سلیمان پاشانک اورالده وقوعبولان محارباتی بر فائده بی مفید
اولیوب یالکز کندوسنک ثروت و سامانی مستلزم اولدی موخرا استانبوله
کلوب بذل اموال ایدرک اباس پاشا دنصکره صدر اعظم اولان لطفی پاشا
اوزرینه وزارت عظمایی استحصال ایلش ایسه ده وزیرتانی خسرو پاشا ایله
دیوان همابونده محاربه بی یکدیگرینه خنجر چکک درجه سنه قدر ایصال
ایلدیکندن معزول و چوق کچمکسزین دار مجازاته موصول اولدی
یرینه رستم پاشا صدر اعظم اولغله مؤرخین بو وقعه بی انک تصنیعه
حل ایدرلر سلیمان پاشا سفرندن صکره پیری قپودان و کمال قپودان
وسیدی قپودان قوماندنرله مکررا سویشدن هندستانه دوغمالر
کوندریلوب چوق جنکر اولشدر که تفصیلاتی کاتب چاپی مرحومک
اسفار البحار نام تاریخنده مندرجدر

طرف پادشاهیدن بحار قرالی نصب اولنان یانوش قرال فوت اولغله
اوغلی استفان صندالی قرالی به اقعاد اولمشیدی لیکن صبی شیر خوار
اولق ملا بسه سیله نجه قرالی اولان فرندوش بوکره دخی بودینی
محاصره ایله مشغول حرب و ستیز اولدیغی مسموع همایون اولدقده
وزرادن محمد پاشا و سکبان باشی علی جناح الاستیعال ارسال و متعاقبا
تحریک اوای شوکت و اقبال اولنوب بودینه لدی التقرب نجه قرالنک
فرق بیکه قریب عسکری قتل و اعدام و محاصره ایچون کنوردکاری
طوب و تفنک و سائر ادوات جنک کاملاً ضبط و اغتنام قلندیغی خبر مسرت
اثری پاشای مشار الیه طرفندن واصل و مظفریت عظیمه و قرعنه اطلاع
حاصل اولغله سرور نامحصور ایله بودینه مواصلت و نجه قرالنک رشته
طمعنی قطع ایچون استفان قراله باباسی اوجاغی اولان اردل قرالغی

توجیه بودین ایالتی طقوز یوز قرق سکز سنه سی یحیی پاشا زاده محمد
پاشایه تفویض قلندی

موسم شتا ادرنده امرار ووازمات سفریه استکمال اولندقدن صکره
نجه قرالندن اخذ انتقام نیتله رکاب همته وضع قدم بیور یلوب شقاوش
واسترغون واستونی بلفراد قلعه لر یله نجه قلاع وبقاع نجه لولر بدندن
انتزاع قلعه وقرال مشارالیه هجوم عثمانیانه تاب آور مقاومت اوله میه جغنی
تیقن و محارساتی در دست ابدیم دیر ایکن و یانه بی مخاطره به القا ایده جکنی
تفطن ایتمکله سنوی اوتوز بک التون ویرکو ویرمک شرطیله ترک محاربه
خصوصنده استحصال مساعده ایدوب سکنوار سفرینه قدر یکر می یلدن
متجاوز زمان ممالک نجه هجوم جیوش عثمانیه دن امین اولدی

طقوز یوز تار یخندن صکره جه اندلسده بولسان حکومت اسلامیه کلیا
مدرس اولغله اکثر اهل اسلام قبول رعیت ایدوب قالمشیر ایکن
اسپانیوللرک کوندن کونه تزیاید ایدن اذا وجفاری طاقت فرسا اولدیغندن
طاقم طاقم افریقا ساحلارینه کچمکه باشلاملریله خیر الدین پاشانک کیفیت
ظهور وغزواتی متضمن تاریخ خصوصیده وکاتب چلبینک اسفار
المحارنده تفصیل اولندیغنی اوزره اولوقتلرده قورصان حالنده بولوب
تحت تملکنده بولسان اون بش یکر می پاره کی ایله اسپانیول سفینه لرینی
طوتیق ومقتدر اوله بیلدیکی ساحلاری اورمق ایله مشغول ومغتم اولان
پاشای مشار الیه ذکر اولنان اندلس مسلمانلرندن التمش یمش بک قدر
نفوسی تخلص وافر یقایه کچور مشیدی

اسپانیالری اولان شارلی کان مؤخر المانیا ایمپراطورلغنی احراز وقرنداشی
فرندوشی نجه تحت قرالسنه اصعاد ایتمکله کسب عظمت وقوت ایدرک
بر طرفدن افریقا ساحلارینه تجاوز و بر طرفدن فرانسه یه تخطی ایدوب حتی
فرانسه قرالنی اسیر التمش وافر یقا خلیفه اسپانیوللر بدینده اولان عداوت مرتبه
قصویه واصل اولدیغنی حالده شارلی کان محارساتی قرنداشی اولان نجه قرالنه
ضبط ایتدیرمک داعیه سیله ظهوره کلان محاربات متوالیه دن ناشی سلطان
سلیمان الیه دخی خصوصت قویه پیدا ایلش ایدوکنه مبنی فرانسه قرالنه

شارلی کان علیهله اوله رق واقع اولان استمدادی سلطنت سنیه نك منافعه
تمامه موافق كاهرك طقوز بوز قرق طقوز سنه سی خیرالدین پاشای
غازی مکمل بردونما ایله ارسال قلندی

مشا الیه اوج درت سنه علی التوالی اسپانیا ساحل واطه لرینی غارت
وتخریب واسپانیا دونمار یله وافر یقا ساحلارینه مستولی اولان اسپانیولار
ایله کرة بعد اخری محاربهلر ایدرك فتوحات عظیمه به موفق اولدقدن
وبرا وبحرا اسپانیولار کسر قوت وقدرت لرینی استحصا ل ایدرك اعلام
عثمانیه نك هیئت وسطوتنی اقد کزده یار و اغیاره اعتراف ایتدرد کدن صکره
اسانبوله عودت وسکسان یاشنی منجاوز اولدیغی حالده هر تحمل دار آخرت
اولوب بشکطاشده اعداد ایلدیکی تربیه مخصوصه به دفن اولندی

غازی مشار الیه اقد کزی رایات عثمانیه حکمنه وضع ایلد کدن بشقه مکتب
تریتنده دورغود پاشا و قلیج علی پاشا و جزایر بکر بکیسی حسن پاشا
وصالح پاشا کی مجاهدینی یتشدیرمش اولغله بعد الوفا ت دخی خیلی مدت
اثاری پایدار اولمش وافر یقا ساحلارینك كاملا اسپانیولار تسلطندن
تخلیص وقبریس جزیره نك قهی انلرك اقدام همتیه میدانه ککشدر

طقوز بوز الی تاریخنده نچه سفرندن عودت همایون وقوعندن صکره
الی بش سنه سنه قدر اختیار حضور و راحت اولمشیکن دارای عجم اولان
شاه طهماسبک برادری القاص میرزا درگاه سلیمان خانی به دخالت
وقرنداشنك ظلم وتعدیسندن شکایت ایتکله انك رجاسیله ایران اوزرینه
حرکت اولنوب مقدا قح اولمشیکن مؤخر شاه عجمک ید استیلا سنه
کرفتار اولان وان قلعه سی بعد التسخیر شهراده مشار الیه بعض اصرا
وقبائل اکراد ترفیق اولنه رق کشور ابرانه اعرام قلندی ایتده درایت
ولیاقتی حصول مطابه کافی اولدیغندن برادرینك دانه فریبی ایله افتاده
دام اعدام اولدی

پادشاه حضرتلری حلیده مشتا نشین اولوب اول بهارده ینه ابرانه هجوم
اولغی نیتیه حرکت ایتمشیکن شاهك قرار کاغی معلوم اولدیغی جهته

متاعب بی فائده دن غیری برشی حاصل اوله میده جغی تبین ایلمسته مینی
استراحت اشکر منصور ایچون استانبوله عودت بیورلادی
صدر اعظم رستم پاشا القاسیله قریم خانی صاحبکرای معزول ومنصب
خانی به منکلی کرای احفادن دن دولت کزای موصول اولوب خان معزول
در دولت عازم اولدی ایسه دخی خلغی غدریله اثنای راهده سیراب شهید
شهادت اولدی

اردل قرالی استغناک صباوتی وامرای اردلک نمچه قرالنه نمایلی سیلر یله
ممالک اردلن اولان طمشوار و پچوی ولیبوه قلعهری نمچه عسکری دست
محافظته کچدیکی مسعود پادشاهی اولغله طقوز یوز الی طقوز سنه سی
میر مهران روم ایلی صوقولی محمد پاشا ارسال اولنهرق ذکر اولنان پچوی
ولیبوه وایرتسی سنه وزرادن احمد پاشا سردارغیله طمشوار قلعهری
فتح و تسخیر اولنوب بقیه اردلستان امتیازات سابقه سنده ابقا واولباده
برقطعه فرمان عالیشان اعطا قلندی

صدر اعظم رستم پاشانک حلیله سی مهرماه سلطان شهرزاده سلطان
بایزیدک لابوین قزنداشی اولق حسبله صدر مشارالیه وراثت سلطنتک
اکا انحصاری ترتیب مقدماته ساعی اولدیغندن بیوک شهرزاده سلطان
مصطفی خصم قویسی ایدی

شاه عجمک بعض سرحدات خاقانیه به اطاله دست خسارت ایلدیکی
رسیده سمع همایون اولدیغنه مینی رستم پاشا اناطولی جانبده امرار قلغله
سلطان مصطفی نک ایالتکاهنه تقرب ایلدکده شهرزاده مشارالیه بقته
کندوسنی باصوب قتل ایتک افکارنده بولدیغنی استخبار و طرف
پادشاهی به اشهار ایلدیکندن پاشای مشارالیه استانبوله جلب اولندی

برطرفدن انک القاتی و برطرفدن اثر تصنیعی اولهرق طوائف
عسکریه نک پادشاهک اختیارغندن و شهرزاده سلطان مصطفی نک تخت
سلطنته ایافت واستحقاقندن بحث ایلمری شهرزاده مشارالیهک طالب
تخت و تاج و متشبهت مطلب اولسی حقنده سلطان سلیمان خان حضرتلرینک
وهمنی درجه تحقیقه ایصال ایلدیکندن طقوز یوز الشمس سنه سی ایران
سفری شایعه سیله استانبولدن حرکت و فرمان ارکلیسنه مواصلت

اولوب سلطان مصطفی بر موجب امر همایون معسکر پادشاهی به وارد
اولدیغی آنده قرق باشند ایکن شهد شهادتی نوش ایلدی و بوفسادک
مؤلفی بولان صدر اعظم رستم پاشا تطیب انام و ستر افعال سیفهام
ایچون معزول و مقام صدارت عظمایه طمشوار فاتحی احمد پاشا موصول
اولدی

موکب همایون حلیه مشتا نشین اولوب اول بهارده ایران اوزرینه حرکت
وشاهک حرکات غارتگرانه سنه مقابله روان و کجوان اطرافی بکرمی کونلک
مسافه یه قدر اتش فنا ایله خاکستر قلندقدن صکره مشنای ارضرومه
عودت بیورلش و حرکات سرکشانه لرینه مجازاتا کشور کورجستان دخی
غارت قلندشدر

ارضرومه اقامتدن مقصد پادشاهی سنه آتیده ینه ممالک ایران
هجوم نیته مبتنی اولدیغی شاه طهماسبک معلومی اولغله ایکی کره
تقدیم نیاز نامه ایله استدعای عفو و صلح ایلدیکنندن ترفیه رعایای طرفین
ایچون مساعده پادشاهی به مقرون اوله رق طقوز التمش ایکی سنه سی
تختگاه عثمانی جایزه عودت و سنگتواز سفرینه قدر اون برسنه استراحت
بیورلدی

پادشاه حضرتلری ایرانده ایکن مقول سلطان مصطفی اولق و برتقریبله
دست جلاددن قورتلش بولمق ادعاسیله یانبولی طرفلرنده بر شخص
ظهور ایدوب باشنه خیلی اشقیاجمع اینشیدی روم ایلی محافظه سیچون
ادرنده مقیم اولان شهزاده سلطان یازید شخص مرقومی اله کچروب
اعدام ایتش ابدده کویا مرقومک ظهوری صدر اعظم بولان احمد
پاشانک اثر تصنیعی اولدیغی رستم پاشا طرفدارانی اولان حرم همایون
متغذائی جانبندن ذات شاهانه یه القا اولندیقنه و رستم پاشانک صدارتده
بولمسی سلطان سلیمان خان حضرتلرینک باعث حضور قلب و امنیتی
بولاندیقند بناء احمد پاشا بو افترا ایله کشته تیغ قضا و رستم پاشا ایکنجی
دفعه اوله رق مهر همایونه نازلایله کار فرما اولدی

طقوز یوز التمش الی سنه سی کوتاهییه والیسی اولان کوجک شهزاده
سلطان یازیده اماسیه و مغنیسا والیسی بولان بیوک شهزاده سلطان سلیم

قونیة سنجاقلری اتوجیه اولمغله بومعامله دن سلطان یایزید استشمام بوی
تبعید ایلدی

چونکه سلطان سلیمان خان حضرتلری واصل سن شیخوخت اولوب
یاخصوص علت نفر بس ایله خسته بولنده قیلندن ایکی شهزاده پینده
آتش رقابت تاج و تخت علو افشان اولمشیدی بناء برین اگرچه سلطان
یایزید امر همایونه امثالا اما سیه کیمش ایسده مقدما کندوسنک
وحالا سلطان سلیمک لالاسی اولان مصطفی پاشانک دانه مکر و فریبیه
کرفتار دام نفاق اولوب جمع عسکر ایدرک سلطان سلیم اوزرینه هجوم
ایلدی

صدر اعظم رستم پاشا سلطان مصطفی وقعه سیله متهم ایدو کندن بود دفعه
شهزاده لر احواله دأر سوز سوبلکه قادر اولما مغله و سلطان یایزید پدری
جانبندن وقوعبولان نصایحی تاقی ایتمامکله عاصی نظریه باقیلوب جانب
سلطنتدن ارسال سپاه و تعیین امرای اطراف ایله سلطان سلیم طرفی
تقویه اولمغین قونیة صحرا سنده وقوعبولان محاربه ده سلطان یایزید
منهزم و فرار کنان ایالتکاهنه عازم اولدق دن صکره عفو جرایم نیازینی
حاوی طرف پادشاهی به تقدیم ایلدیکی نیاز نامه لر و جانب همایوندن
پرسش احوال ضمنتده کوندریلان فرمانلر لالا مصطفی پاشانک تدابیر
رهز نانه سیله طرفینه واصل اوله مدیغندن بیچاره سلطان یایزید عفو پدر
عالیکهردن نا امید اولوب بانضرب درت نفر اولادینی استصحاب ایدرک
شاه عجم درگاهنه التجا ایلدی

شاه مشارالیه شهزاده نک قدومنی سرمایه جر و منفعت ایدینه رک
مفصلات توار یخده بیان اولندیخی اوزره اوچ درت سنه علی اتوالی
مراسلات و مجاریات جریان ایدوب نهایت طرف پادشاهیدن و وارث
تخت اولان سلطان سلیم جانبندن برملیوندن متجاوز التون و کلیتلو هدایا
و یرلک شرطیه شهزاده مشار الیهک میتا تسلیمی قرار اشدر لفظه طقوز بوز
التمش طقوز محرمنده سلطان یایزید درت نفر اولادیه قزوینده اعدام
و جنازه لری طرف رومه اعزام قیلنوب خارج سیواسده دفن ایدرادی

خیرالدین پاشا مرخومدن صکره هر سنه دونمای همایون اقد کره چیقوب

اسپانیا جزیره و ساحلارینی غارت و افریقا طرفلارندن اسپانیولارک دفعه
سعی و غیرت ایده کلدکارندن جزایر و طرابلس غربده اولان حکومت
عثمانیه کسب تأسیس ایلشیدی طقوز یوز التمش بش والی سنه لریینه
فرانسه قرانک طلب و استدعای اوزرینه قپودان دریا پیاله پاشا اقدکره
چیقوب دشمن ساحل و جزیره لرینی غارت و فرانسه زره معاونت قلندیخی مثلاً
مؤخر اسپانیا و ایتالیا فداییلری کلیتلود و نمتار تیبیه طرابلس غرب پیشگاهنده
بولسان جربه جزیره سی ضبط و تحکیم ایلدکاری طرابلس بکار بکیسی
طور خود پاشا طرفندن عرض اولمغله مشار الیه پیاله پاشا طقوز یوز التمش
سکز سنه سی دفع دشمن ایچون اولجانبه سوق مراکب سطوت ایدوب
متفقین دوئلما سی جربه قلعه سنک الشده بولندقلری حالد اوزرلرینه هجوم
اولنه رق و قوعبولان ملحه کبراده قرق قدر دشمن کیسی ضبط و ناپولی
جزالی و مشهور اندریا دوریانک اوغلی و چچلیه امرالی سلسله اسره ربط
قیانوب سفاین ساره کلیا اغراق و افنا اولندی

بعده طور خود پاشا غرب عسکر یله وارد اولمغله قلعه مر قومه نک قحنه
غیرت و عون و عنایت جناب رب قدیر ایله اورده قبضه جلادت قلندقدن
صکره بالتخریب قپودان مشار الیه سفن مفتوحه و اسرای مر قومه ایله
دار السلطنه یه مواصلت ایلدی

جربه جزیره سنک تسخیرندن صکره اقدکر قورصانلرینه مرکز اولان
مالطه اطه سنک ضبطی نصیم اولنوب طقوز یوز التمش ایکی سنه سی
اسفندیار اوغلی سلاله سندن وزیر رابع مصطفی پاشا سردار و معینه
قپودان دریا پیاله پاشا تعین و طرابلس غرب بکار بکیسی طور خود پاشابه
دخی مر افقی متضمن فرمان همایون اصدار و تسیار قلندی
مع مافیه طور خود پاشانک رأی اوزره حرکت اولنمی کرک سردار و کرک
قپودان پاشابه طرف پادشاهیدن توصیه و تنبیه بیورلشیکن دوتمای همایونک
مالطه یه و صوانده طور خود پاشا هنوز کلامش اولدیقندن اضاعه وقت
اولنماق مطالعه سیله لیان قلعه لرینک محاصره سنه مباشرت اولنوب
چند کون مرورنده پاشای مشار الیه وارد و کیفیت تشبه مطلع
اولدقد اصل مالطه حصار ی تسخیر اولمغله بونلر ایله اوغراشقی

اتلاف لوازمات و اتعاب عسکردن خبری برشی مفید اوله میه جفی بیانبه
سردار و قیودان پاشا له عتاب ایتمش ایسه ده لاجرم فباشرت اولنان امرک
انامی لازمه دن ایدوکنندن بویابده صرف اقتدار و بیکری اوج کون
مخاربه شدیده وقوعه ذکر اولنان قلمه لر فتح اولنوب لکن اثنای
مخاربه ده طور غود پاشا شهید اولدیفندن و لوازمات قلمه کیری به دخی
نقصانیت طریان ایلدیکندن اصل مالطه قلمه سنک محاصره سی نتیجه
بخش مراد اولماغله غارت اطراف ایله اکثفا اوله رقی حدود قلندی

سلطان سلیمان خان حضرت تارینه علت پیری مستولی اولوق حسیله التمش
تاریختندن صکره بر طرفه حرکت بیورم دیغندن و التمش سکن سنه سنه
صدر اعظم رستم پاشا سنک وفاتیه مقام صدارت عظمایه اعتلا ایدن
سمیر علی پاشا دخی رکوب و نزوله غیر قادر ایدوکنندن افتاب سطوت
عثمانیه نیجه قرالی نظرنده منکسف کورندیکنه مبنی معین و مهود اولان
ویرکونک ارسالنده اظهار بطائت اولمغه پاشا مشیدی سمیر علی پاشا سنک
دخی وفاتیه صدر اعظم نصب اولنان صوقوالی محمد پاشا اقتدار سلطنت
سنیه بی تکرار اظهار ایلک لزومی عرض وانها و پادشاه حضرت تارینه
بالذات سفره عزیمتلی باینده تشویق و اغرا ایتمکله اون ایکی سنه دن برو
ارامکیر کنج سکون اولان رایات همایون تخت و اهترازه اغاز ایدوب
طفوز بوزیتمش درت سنه سی محرمنده قلمه سکنوار محصور لشکر جرار
اولدی

بو قلمه قوه قاهره دولت علیهیه مقاومت ایتمک اوزره خیلی وقتدن
برو فوق العاده تحکیم و ترصین قلمش و بهادر لقله مشهور اولان رزونیجی
نام خروات جنزالی جیوش و مهمات متخیه و مکمله ایله محافظه سی درهده
ایدوب قیامتش اولمغه بادی نظرده فتح و تسخیری خارج طوق بشرکی
کورینور ایدی لکن عساکر اسلامیه سنک اقدام و غیرتی وفداکارانه
مهاجماتی ثمره سیله برقاچ کون ظرفنده واروش قلمه ضبط اولنوب
ایچ قلمه ده بولنان جنزل هر قوم سمت تسلیم دعوت قلند قدده مرکز
مخالفتده بارحاً اولدیفندن اطراف حصاره طاغیرکی اودون بغلوب آتش
و براسیله دارا مادر گرفتار التهاب نار اوله رقی بروجله ارامه امکان

خالد بن عبد الله بن جندب من قوم بر مقدار اتلو ايله چيقوب صاوشمق صد دنده
ايكن قتل و تدبير و قلعه من قومه فتح و تسخير قلندي

نمجه قرالی مكل بر اردو ايله امداد ايچون جوار سكتواره كلسيكن
اعانه به قدر تياب اوله مدبغى حاليه قلعه من قومه نك قوه قاهره اسلاميه ايله
زير زبر اولديغنى استماع ايند كده ارتكاب رجعت قهقرى ايلدى

بشمش درت سنه سي صفري نك يكرى برنجى كوني بو فتح ميين وقوعبواوب
او اخشام سلطان سليمان خان حضرتلى علت زخيردن بشمش درت
باشنده و سلطنتك فرق سكرنجى سالنده من تحمل دار آخرت اولغله
بر طرفدن كوس شادمانى چالينور و بر طرفدن درون اوطاغ همايونده
خفيا من حومك جنازه سي غسل قبلنور ايدى

كيفيت وفات بر معتاد كتم اولنوب کوتاهيه واليسى بولنان وارث سلطنت
سلطان سايم خان حضرتلرینه ضراعتامه ارسال و امر ورودلى استعجال
اولنوب طوائف عسكريه تعبير قلعه و تخریب دیار دشمن مثلاو مشاغل
ايله اشغال قلندي

سلاطين عثمانیه ده سلطان سليمان خان حضرتلى كى بختيار بر پادشاه
كلمديكى مواد آتیه ايله ثابت اولور كه اولاولان جوانیده يعنى بكرى التى
باشنده جلوس ايدوب فرق سكر سنه سلطنت سور مشدر ثانيا صدف
سلطنتك در بيمى اولغله ورثه سلطنت منازعات و مقاتلاتدن مصون
قالمشدر ثالثا بدر جنت مقرلى شرق و غربى سيف سطوتيله ارزان
واركان دوات و افراد عسكریه يي پر وجه اتم تربيه اينمكله قدر و منزلتى
واصل مرتبه عال الحال اولمش بر تخت عاليخته جلوس ايلمشدر رابعا
كمال پاشا زاده و ابو السعود افندي كى تشكيل دولته قادر فضلايه

و خيرالدين پاشا و طورغود پاشا مثلاو مجاهدینه مقارن اولمشدر
كندولرى دخی اوائل سلطنتلرنده اجداد عظاملرى كى بالذات اداره
امور دولت ايدوب اون اوج دفعه علم افراز سفر اولمشدر ايسه ده طقوز يوز
الى تاربخندن صكره اوليكى همت و مساعيسنه نسبتله نوعا كسل طارى
اولدى

حتى ذكر اولنان اون اوج سفر ك طقوزى سلطنتلر نك نصف اولنده

و بالکز دردی نصف اخیرنده بولنسی و عجم شاهنه التجا ایدن شهرزاده
سلطان بایزیدی شاه عجمی تهدید ایدرک حیا الملق شان سلطنتی ایجابندن
ایکن خلاف مأمول افچه و بوغچه لر اعطاسیله میتا المغه راضی اولسی
بوقضیه بی مؤیددر

سلطنت سلطان
سلیم خان ثانی

مژده سلطنت سلطان سلیم حضرتلرینه واصل اولدقده سرعت سیر ایله
استانبوله وارد و تخت عثمانی به صاعد اولدیغنک دردنجی کونی اردوی
همایون جانبته حرکت و صدر اعظام صوقوالی محمد پاشا دخی قلعه
سکتواری تعمیر و امور سرحداتی تنظیم ایلد کده نصرکه سلطان سلیمانک
جنارهنی صافلغنده بندیکی عربیه به تحصیل ایدوب اردوی همایونله بلغراده
طوغری عودت ایلدی

اگرچه پادشاه مرحومک وفاتی مکتوم ایشده امتداد زمان و روش
حرکات شیبیله موکب همایون خلغنک محسوسی اولغله و پادشاه جدیدک
بلغراده منتظر ورود موکب سلطنت اولدیغی استخبار قلغله بلغراده
قریب محله امر وفات اعلان قلندی

صدر مشار الیه سلطان سلیم تذکره تقدیم ایدوب اردوی همایونی
استقبال و طوائف عسکریه به ترقی احسان بیورملرینی وارد و خلق رسم
بیعتی اجرا ایلد کدن صکره اوطاغ همایونه کیرملرینی بیان ایلشیدی
سلطان سلیم ایله برابر کلان مقربان بو تکلفانه حاجت اولیوب امر جلوس
و بیعت استانبولده عمام اولغله صدر اعظمک بویله اعظام ماده ایلمسی
کندو موقعی محافظه مقصدینه منیدر دیمار یله سلطان سلیم اردوی
همایونی استقبال ایلد کدن صکره طوائف عسکریه نک بیعتنه التفات ایتیه رک
طوغریجه اوطاغ همایونه داخل اولدی

بو کیفیت عسکری طائفه سنک پک کوجنه کیدوب انواع قیل و قاله
مجا سر اولملریله و سلطان سلیم دخی یا کلاش یوله کتدیکنه واقف اولغله
طوائف عسکریه بی تاطیف ایچون لالاسی بولنان حسین پاشای روم ایلی
مناصبندن بر یله یانندن دفعه مجبور اولوب لیکن بونکله دخی مقصد
حاصل اوله مدیغندن بعد العوده استانبوله الای ایله کیرلیدی کون
یکجیر یلر سرای همایونک قیوسی قپادوب سلطان بایزید جوارنده

ایکی ساعت قدر سلطان سلیمی ات اوزرنده توقیف ووزرایه انواع حقارت
ایلدیلر نهایت ایچلرندن برقاج نفرسوزساحبلری حضور همایونه جلب ایله
ترقی و بخششاری قانون قدیم اوزره اعطا اوله جنی وعد بیور بله رق کوچ
حال ایلله غوغا تبس اولندی

بعد ازین صدر اعظمک معروضات وافاداته کیسه نک اعتراضه جرأتی
قالماغله واصل استقلال تام اولمشدر

سلطان سلیمان مرحوم سکتوار سفرینه عزیمت بیوردقلرنده قیودان
دریا پپاله پاشا دونمای همایون ایلله اقدکزه ارسال قلمشیدی ساقز
جزیره سنه واصل وامرای جزیره اطاعت صور یارینه اغترارا پاشا کیسنه
داخل اولدقده جله سنی اوروپایه اجلا وقلعه یه وضع مستحفظ وامرا
ایلدی بوخبر واصل سمع سلیمان خانی اولقسزین مرئحل دار بقا اولملر یله
سر لوحه ظفر نامه سلیم خانی اولمشدر

تبریک جلوس ایچون ملوک اطرافدن ایلیچیلر کلدیکی کی نیجه قرالی
جانبندن دخی سفیر مخصوص وارد اولمشیدی سلطان سلیمان زماننده
معقود اولوب سکتوار سفری سیبیله منجل اولان معاهده تجدد اولندی

افصای عراق عربده واقع ملک مشعشع حاکی اولان ابن علیان اطاعت
سلطنت سنیه دن روگردان اولوب بصره حوالیسنی غارت ایتمشیکن
میر میران بغداد اسکندر پاشا شمشیر سطوتیله نادیب و ژهیب قلندی
ال مطهردن یمنده اماملق ادعا سنده بولان آدم علم افراز عصیان اولمقله
ایالت حبش بکر بکیسی اولان اوز دهر اوغلی عثمان پاشا یم بکر بکیلیکیله
اولجانبه ارسال و میر میران شام لالا مصطفی پاشا مأموریت سرداری ایلله
اجلال اولمشیکن میر میران مصر سنان پاشا صرف نقدینه مساعی ایلله
سردارلق خدمتی استحصال ایدوب طقوز یوز التمش التی سنه سی درتیک
سواری ایلله برا جانب یمنه عزیمت ایلدی

لکن وصول سرداردن مقدم عثمان پاشا ساحه یمنی فتنه ال مطهردن
تطهر ایتمکین سنان پاشا برسنه قدر اولحوالیده حاکم مطلق العنان اولدقدن

واموال عظیمه اکتساب ایلد کدن صکره مصره عودت و بمن فائمی
هنواننی هلاوه القاب مفخرت ایلدی

ازاق دکرینه منصب اولان تن نهریله حزر دکرینه دوکبلان واته
نهرینک یکدیگرینه قریت حاصل ایلدیکی درت فرسخ قدر بر حفر
اولنور ایسه قاره دکرین بجر حزره امرار سفاین ممکن اوله رقی ترکستان
طرفلرینک تحت حکومت عثمانیه ادخالی قابل اوله جفی کفه بکلیسی
اولوب فن هندسه مهارت کامله سی اولان قاسم پاشا طرفدن عرض
اولنقله پاشای مز بور انعام خدمت ایله مأمور اولوب قیو قوی بلوکارندن
برقاج بک عسکر ارسال و قریم خانه دخی بو خصوصده اجرای معاونت
ایلك ایچون نامه همایون اصمدار اولندی وایشه مباشرت قلندی ایسه ده
خان مشار الیه بومقصد حاصل و حکومت عثمانیه ترکستانه واصل اولدیغی
تقدیرجه قریم امارتی پایدار اوله میوب ممالک دوات علیه نک ایالات ساروسی
حکمنه کبره جکنی در پیش مطالعه ایدرک صورت خیر خواهیده ترتیب
ایندیکی مقدمات مکروفریب هودت نابهنکام اقتضا اتمکله عساکر
اسلامیه انواع فلاکت و مشقت کرفتار و نصفندن زیاده سی تلف زده
روزگار غدار اولدی

سلطان سلیم خان حضرتلری قونیده حکمران ایکن مصر بکلیسی
طرفندن تقدیم اولان اتلری قبریس قورصانلری غصب ایلدکارندن
زینت افزای تخت عثمانی اولدقلرنده اخذ انتقامه قیام و دونمای همایونک
استکمالنه نصب نفس اهتمام ایدوب لالا مصطفی پاشایی قبریس قمنه
سردار و دونمایه پیاله پاشایی سرعسکر نصب ایدرک یکجیری اغاقلندن
قبودان دریا اولان مؤذن زاده علی پاشا ایله برابر طقوز یوزیمش سکر
سنه سی محرمنده اقدکره ارسال و اناطولی عسکرینک سلفکه اسکله سنیده
مجمع اوللری ایچون بکلیره فرمان همایون اصمدار بیوردیلر

دونمای همایون و مأمور اولان مجاهدین طوزله اسکله سنه واصل اولدقلدن
ولوازم قلعه کبری ترتیب قلندقلدن صکره دارالاماره جزیره اولان افقوشه
قلعه سی محصور لشکر منصور اولدی

فرق کون قدر انش حرب و قتال کرما کریم اشتعال اوله رقی قلعه مر فومه
هنوه فتح و تسخیر و کرینه و باف قلعه لری اهالیسی تسلیم حصار

ایلدکارندن الزام جزیه ایله برلرنده تفریر اولانوب بعلده منانت و رصانته
مشهور افاق اولان ماغوسه حصاری تحت محاصره به اندی ایسه ده
ضبط و قحی زمان طویله محتاج اولدینی تعین ایلدیکندن دونمائی همایون
اموال غنائیم ایله درسمارته اعاده قلندی

ایرتسی سنه دونماسر عسکری نصب اولنان پرتو پاشا و قپودان مشار الیه
علی پاشا ایله اوچبوز بکرمی پاره قادرغه چیقاریلوب جزایر غرب میر میرانی
اولج علی پاشا دخی حسب الامر بکرمی قطعه قادرغه ایله الهاق
وامرا ولوند کیلری تجمع ایتمکله دونمائی همایون ذرتبوزدن زیاده سفینه
اولدینی حالد ماغوسه یه واصل اولدی

برا و بحرا امر محاصره تشدید اولتمین محصورین استیمنانه مجبور
اولدقلرندن اوروپا یه نقلاری ایچون بکرمی قطعه سفینه تخصیص اولتمشکن
قلعه جزالی سردار اکرم مصطفی پاشایه ملاقی اولدقده ماغوسه قلعه سنده
بولنان اسرای مسلمین کیفیتی سؤال اولانوب اسیرلرم ایدی جمله سنی قتل
ایلدیم دیو جواب و یردیکنه و بو ایسه مغایر شرائط استیمان بولندیفته مبنی
سردار اکرم دخی مجازاة جزال من بوری اعدام ایلدی

جزیره قبریس سکانی عموما تحریر ایتدیریلوب بوز بکرمی بیک قدر نفوس
ذکور موجود بولمقله بهرینه برر التون جزیه تخصیص قلندی

دونمائی همایون کرید و قورقه جزیره لرینی غارت ایتدکدن مسکرة
لوند کیلرینه ارائه رخصت وروم ابلی عسکری دخی ساحلاره اخراج
اولنه رق استانبوله عودت تصورنده ایکن ونديک واسپانیانک اوچبوزدن
متجاوز کیلری ظهور ایتمکله امر مدافعه لری بین الامر مذاکره اولدقده
نقصانیت عسکر و مهمات سیلریله اینه بختی ایماننده استحقاقات التمه
اقامت اولتمسنى اولج علی پاشا و سائر فن دریا متفئلری بیان ایلمشله ایکن قپودان
پاشانک تهوور نایجاسی ایمان من بوردن خروجی مستلزم اولوب اینه بختی
اولکرنده محاربه شدیده و قوه یله درجنگ اول قپودان پاشا شهید و دونمائی
همایون سفینه لرینک اکثریسی مغروق و محروق اولدی

سر عسکر پرتو پاشا برتقریبله قریه چیقوب استانبوله وارد اولدقده مهزول
وجوق کیم کسزین رحمت حقه موصول اولمشدر
اولج علی پاشا کندو کیلرینی قورتاردقندن بشقه دشمن کیلرندن بکرمی

ایکسنی تسخیر ایدرک در سعادت واصل اولمغه منصب قپودانی ایله تبجیل
واولج لقبی قلیجه تبدیل اولندی

صغین دوتماسی نامیله زیبا نزد مورخین اولان اشبو هزیمت بحریه اوزرینه
وندیک واسپانیه لول سلطنت سنیه نك برقاچ سنه دوتما اخراج ایده میه جکی
اعتقادنده ایکن صدر اعظم صوقوالی محمد پاشانك اقدام و همیله بش التی
آی ظرفنده یوز الی پاره قادرغه انشا ونجهیز قلوب دوتما سرداری
تعین اولتان وزیر پیه پاشا ایله قپودان دریا قلیج علی پاشایه تودیعا
اقدکره تسیر اولندی

اوارین اوکلرنده دشمن کیلرینه تصادف قلنش ایسه ده دوتمای همایون
خلق سنه سابقه وقوعاتدن متوحش اولوب دشمن امر الری دخی خلاف
مأمول برخصه راست کلدکلرندن ایکی طرف دخی محاربه دن اجتناب
ایدرک ایرلایلر بنا برین بوسنه تلافی مافات ممکن اوله میوب فقط دشمن
دخی تصمیم کرده لری اولان سواحل اسلامیه غارتنه مقتدر اوله مدیلر

ایرتسی سنه که طقوز یوز سکسان برتاریخیدر دوتما سرداری نصب
اولتان فاتح بمن سنان پاشا وقپودان قلیج علی پاشا ایکیوز الی قادرغه
واون قطعه معونه دن مرتب دوتای همایون ایله اقدکره تسیر اولوب
وندیکه تابع سواحل و جزایر سوخته آتش غارت قلنقده ایکن وندیکلور
استانبوله عقد صلحه دسترس اولدکلرندن اولبابده سردار وقپودان
مشار الیه مایه فرمان عالی وارد اولوب موسم دخی گذران ایلش اولسنه مبنی
استانبوله عودت وسنه آتیله ده خلق الواد سفری ایچون تدارکات مقتضیه یه
مسارعت قلندی

چونکه اسپانیولار تونس ملوکی اولان بنی حفص خاندانندن بعضیلرینی
صحابت صورتیله تونسنده اجرای نفوز ایدوب باخصوص تونس پیشگاهنده
واقع خلق الواد قلعه سنی تحکیم و کندولرینه جای قرار ایدندکلرندن انترک
اورادن طرد و دفعی سلطنت سنیه نك لازمه ذمت همتی اولش و وندیکلور ایله
عقد صلح اولمغه بونک اجرایی کسب سهوات ایلشیدی طقوز یوز
سکسان ایکی سنه سی یته سردار وقپودان مشار الیهما دوتما وعسا کر
بریه ایله اولجانبه رایت کش سطوت اولوب مسینه و سچلیا اطهری غارت
اولندقدن صکره او توویدی کون محاصره و مقارله شدید ایله ذکر اولتان

خلق الواد قلعه سی فتح و تخریب و ایکی سنه اول دونای همایون انهرامنه
سبب اولان اضیانیول امرالی قلعه ده محصور بولمقله سیر مقطوعی باب
قلعه به او بختند قلندی

بوقح مین خطه تونسک حکومت سلطنت سنیه به التهاقنی مستانم اوله رقی
بنی حفص ملوکی بقیه سندن اولنلر استانبوله کنور بلوب تعین وظائف ایله
الی الوفات متم نعمت دولت اولدیلر

پادشاه حلیم سلطان سلیم حضرتلرینک سبب معلوم ایله وجودلرینه
طاری اولان اسقام منحدث علت سرصام اولدیغندن سرای همایونده
بنا بیوردقلری بیوک حمامه ایلاک کیرشلرنداه ایاقلری قایوب دوشمکله
وجودلرینک برطرفی برة لندی و بوعارضه عاقبت باعث رحلتلری اوله رقی
سکسان ایکی سنه سی اواسط شعبان شریفنده الی ایکی یاشنده و سلطنتینک
طقوزنجی سائده عازم دار عقبای اولدیلر

شهریار مشار الیه مائل عیش و طرب و شاعر خوش گو برخسرو و جشید
مشرب اولمقله امور سلطنتی پدری زماندنبرو مقام وزارت عظماده بولانان
و شرف صهرینلریله مشرف اولان صوفوالی محمد پاشایه تفویض ایدوب
کندولری مصاحبلری شمس پاشا و جلالیک و شاعر مشهور باقی افندی کی
ندما ایله بوغاز ایچنده واقع چبوقلی و سلطانیه مسیره لند و سائر موقع نشاط
افزاده امرار زمان ایشلردر روش و رفتارلری بلدیرم خان اوغلی
امیر سلیمان پک شبیه ابدده هنکام سلطنتی امیر مشار الیهک زمانی کی
فتن و غوغا اوانی اولدیغندن و شریک سلطنتی دخی بولمدیغندن حادثات
روزگار ایله رنجش خاطر دن امین اولمشدر

سلطان سلیم جنازه سی سرای همایون بوزلفنده حفظ اولوب مقبضاده
علم افراز حکومت اولان سلطان مراده مرده سلطنت ارسال اولمقله
طقوز یوز سکسان اوچ سنه سی رمضان شریفنده استانبوله واصل و تخت
عالی بخت عثمانی به نائل اولدی

قریم خانی دولترای خان واصل رحمت زحان اولدیغندن حکومت قریم
سعادترای اولادندن محمد کرایه توجیه و احسان بیورادی
فاس و مراکش سلطانی اولان شریف عبدالله عزم عدم آباد ایتد کده
اوغلی محمد مستصر تخت پدره نائل اولمشدی عی شریف عبد الملاک

سلطنت سلطان
مراد خان ثالث

دعوی حق سلطنت و جانب دولت علیه دن استعانت ایتمکله جزایر غرب
بکر بکیسی رمضان پاشا اعانه و امده مأمور اولشیدی پاشای مشارالیهک
اقدام و غیرتیه شریف عبدالمک تخت مغربه مالک و محمد مستنصر پورتکیز
قرانه النجا طریقه سالک اولدیغندن قرال من بور شریف مشارالیهی دیار
فاسک تسخیرینه آلت اتخاذ ایدرک اوچیز طوب و سکسان بیک عسکر ایله
افریقایه مرور ایلمش ایسده وادی السیل نام محله محاز به عظیمه وقوعنده
انهزام قاحش ایله منهرم و شریف مشارالیه قرال دخی دایره
شهوددن منعدم اولغله شریف عبدالمک نائل استقلال اولشیکن برقاج
کون مرورنده مرک شادی به مبتلا اولدی

شاه اسماعیلدن صکره دارای عجم اولان طهباسب شاه الی اوچ سنه
فرمان فرمای ایران اولدقدن صکره مسعوما مرتحل دار آخرت اولغله
اوغلی اسماعیل ثانی جانشین تخت شاهی اولوب مذهب اهل سنه سالک
اولق حسیله شعبی اولان امرای و ارکان دولتی قتل و اعدام و خاندان
صفویه دن اون بش نفر شهزاده بی کینام ایدوب یالکز بی شعور و بصیر
اولان کور خدا بنده بی ایقا ایلمشیدی لیکن اده سی چوق کچمکسزین
خیانت امرای اعجام ایله مقتول و مذکور خدا بنده تخت ساطنته موصول
اولوب عدم قدرت و قلت لیاقتی سببیه خزینه دولتی اتلاف و هیئت
حکومتی رهین اختلاف ایلدیکنندن جزئی همتله کشور ایرانک ضبط
و تسخیری ممکناتدن ایدوی ارضروم بکر بکیسی خسرو پاشا طرفندن
عرض اولدیغنه مبنی سلطان مراد حضرتلری سفر اجفه قیام ایلدی
صدر اعظم محمد پاشا بوایشک خلافتده بوانوب مملکت اعجام کاملاً
فتح اولسه دخی دولت علیه ضرر و نفع بشقه برشته دسترس اوله من چونکه
کشور ایرانی تحت حکومه طومق ایچون اورالده کلیتاً و هسکر بواندیرمق
لازم کلوب وارداتی ایسه مصارفنه کفایت ایتز و طائفه اعجام هر وقت
فرصت بولورل ایسه عصیان قیام ایدرل بوحالدر عصر سلیمان خانیده
مکرراً وقوع بولان ایران سفرل یله تجربه اولمشدر دیو واقع الحالی بیان
وسفک دماء مسلیندن احتراز باینده صرف تاب و توان ایلدی ایسده
صدر اعظمک خلافتده بوانسالتک اغرا و تشویقیه پادشاه حضرتلری
بو هزمندن فراغت ایلدیکنندن قبرس فاتحی اولان لالا مصطفی پاشا

سردار نصب اولنوب طقوز یوز سکسان بش سنه سی اوائلنده جانب
ایرانه عطف عنان ایلدی

اولتاریخده ملحقات کشور ایراندن اولان چلیدیر صحراسی هرگز سرادقات
لشکر منصور اولدوقده یکریمی درتدیک قدر عجمک مترصد هجوم اولدوقلری
استخبار اولنوب سردار اکرم مصطفی پاشا بالذات محاربه دن تصنف
واستکبار ودفع تسلطلری ایچون برقاج بکدر بکی ارسال اینکله وقوعبولان
مقاتله ده اون بشیک مقداری عجم مطهره نشین عدم ونیجه صنادید
صفویه کند اسره منضم اولدی بومظفریت اوزرینه تفلیس وشروان
طرفلرنده بوانان حکام ایران فرار اینکین اولحوالی حوزه حکومته ادخال
ومع الوزاره اوز تیمور اوغلی عثمان پاشایه توجیه اولنوب موسم شتاک
تقرینه بناء سردار اکرم مشتای ارضرومه عودت ایلدی

سردار مشارالیه کزیده سپاه ایله رجعتی شاه عجمک مسعودی اولیجی
اوغلی حزه میرزایی اوتوزبیک قدر عسکر ایله عثمان پاشا اوزرینه کوندرمکله
شماخی صحراسنده اوچ کون اوچ کیجه اتش حرب وقتال کرماکرم اشتعال
اولوب یوم رابعده قریم خانک برادری عادلکرای عساکر تاتار ایله امداده
بتشکین جیوش اعجام پامال خبول لشکر منصور اولدی لکن چندکون
مرورنده اوچیز قدر تاتار ایله عادلکرای و برادری غازی کرای چاپوله
چیققدقلرنده مکین مکین اولان ایرانیلره اسیر اولملریله بونشته ایله حزه
میرزا تکرار جمع سپاه و عثمان پاشا اوزرینه هجوم ایدرک شماخی قلعه سی
محاصره ایلدی

عثمان پاشا برمدت مدافعه دن صکره عنانی مکمل و ذخیره جعنه مستعد
اولان در بند شماخی که تیمور قبو قلعه سی دخی دیرلر بالجمله طوب و مهمات
ایله اورایه رجعت و طاغستان جانبلیرینی آورده قبضه حکومت ایلدی

عادلکرای صباحت وجهه ایله ممتاز برشهزاده بنام اولدیغندن شاهک
حریمی کندوسنه دایسته اولق شایعه سنه مبنی غلوی عام ایله شهید اولوب
غازی کرای مدت مدیده قهقهه قلعه سنده محبوس اولدقدن صکره
اسارتدن تخلص کریبان ایدرک استانبوله وصولی متعاقب قریم خانی

نصب قلمش و مشاهیر خانان فریدن اولی اوزره زیور صحائف تواریح
اولشدر

اواخر سلطنت سلیمان خانبندبرو صدر اعظم بولان ضوؤوالی محمد پاشا
سلطان صلیم ثانی جلوسنده سنجاقدن برابر کلان امرا و مقربین
طرد و تکدیر ایندیرمش اولدیفندن پادشاه زمان سلطان مراد ثالث
مقبیسا امارتده ایکن بندگانی افتدمزك سلطنتی بکلهرز لکن محمد پاشانك
صداری اواننده ارزو ایلمیز زیرا بزه دخی پدرك مفر بلرینه ایندوکنی
ایدر دیرل ایدی

مع مافیه مشار الیه ابتدای صدارتدنبرو اتابك دولت و صاحب شان
و شهرت اولدیفندن و سلطان مرادك دخی انشته سی بولندیفندن شهر بار
مشار الیه لاجل الجلوس استانبوله وارد ویالی کوشکنده محمد پاشایه ملاقی
اولدقده ثقیل دستنه مسارعت ایدوب هر تقدیر پاشای مشار الیه
بومعامله دن ابا و وظیفه عبودیتی اجرا ایلدی ایسده سلطان مراد
صکره دن بوتزلانه نادم و مشار الیهی تحقیر و استغفاله عازم اولوب درلودرلو
جفال ایدر ایدی نهایت طقوز یوز سکسان الی سنه سی شعباننده صدر
مشار الیه کند و سراینده ایکندی دیوانی ایدر ایکن بر مجذوب عرضحال
تقدیم ایده جك کی تقرب و خنجر ابله سینده سندن اورمقله بر ساعت مرورنده
وفات ایلدی و تفصیلات مبسوطه یه مطامع اولانر مجذوبك بوجرتنك
مصنع اولسنه ذاهب اولدیلر هر نه حال ابله بو وجهله صدر صدارت
منهل اولدیفندن وزیر ثانی احمد پاشا حازم مقام و کالت کبری اولدی

سردار اکرم مصطفی پاشا اسناد تقصیر ابله معزول و وزیر رابع سنان
پاشا مسند سپهسالاری به موصول اولقله مشار الیه مصطفی پاشا استانبوله
عودت اینشیدی

طقوز یوز سکسان یدی سنه سی زیبع الاولنده صدر اعظم احمد پاشا
وفات ایلدیکندن مصطفی پاشا مقام قائم مقامی به اصعاد اولنوب بعد ازین
مهر همایون اعطاسی و وزیر اعظم اطلاق لفو اولندیغی اعلان اولدی

لکن اوچ آی صکره مهر شریفك ایران اوزرنده سردار اولان سنان پاشایه

ارسال قلندبغنی مصطفی پاشا استماع ابتدا کده خصم قویستک کندوسنه
ترجیح اولمسنه طیانهمیوب حضرت خالد مشهد شیر بفرینه یوز سورهرک
الام دنیادن خلاصنی جناب حقندن ثنی ایلشیدی قوناغنه عودت ایلدیکنی
متعاقب فجاة وفات ایلدی

مشار الیه قبر یس قتمنده وایران سرهسکرلکنده خدمات جلیله یه موفق
اولشیکن مقصد اقصاسی اولان مهر صدارتله بکام اوله ماهسنی بعض
مورخین مقدا لالاسی بولندبغنی شهزاده سلطان یایزید حقنده سبقت ایدن
تصنیعات ظالمانه سی مجازاتی اولق اوزره ایراد ایدرل

صدر اعظم سنان پاشا ایران سفرنده برخدمته موفق اوله مذیفندن بعض
اوهامه تبعیله طوائف عسکریه و مهمات سفریه بی بکر بکیلره تسلیم ایدرک
بلا استیذان در سعادتیه چیه کلدیکندن عزلی قرار داده ایکن بذل درهم
ودینار ایله مقام صدارتده پایدار اولدی ایسده بر قاج ای سرورنده
عزل و معفریه اجلا اولوب دیوان همایون وزراسندن سیاوش پاشا صدر
اعظم و فرهاد پاشا سردار عجم نصب اولندی

طقوز یوز طقسان برسنه سی فرهاد پاشا روانی تسخیر و شور بناسیله تحصین
ابتد کدن و چقاله زاده سنان پاشایی مع الوزاره محافظ نصب ایلد کدنصره
مشتای ارضرومه عودت ایلدی

شروان جانلرنده بولتان وزیر اوز تیمور اوغلی عثمان پاشا اولحوالبده نیجه
آثار مردانکی اظهار واون یدی قطعه قلعه نك مفتاحلرینی داخل قبضه
اقتدار ایدوب صادر اولان امر همایون موجبجه جعفر پاشایی نامزد
خدمت محافظه ایدرک دشت قجاقندن عازم درگاه سلطانی اولغله کفه یه
داخل اولدقده قریم خانی بولتان محمد کرای برادری عادایکرایک
اسارتندن طولابی عثمان پاشانک خصم جانی اولدیفندن اخذ انتقام
قصدیله کفه بی محاصره ایلدی

بوخبر واصل سمع دوات و موجب رنجش خاطر سلطنت اولسیله قونیه ده
عزالت کزین اولان برادری اسلام کرای خلعت خانی ایله تشریف و قریه
ارسال اولدبغنه و امرای تانار خان جدیده اتباع ایلدیکنه مبنی محمد کرای کفه
محاصره سنی ترک ایله فراره مجبور اولدیفندن بالتعقیب اعدام اولندی
عثمان پاشا دوختای همایون ایله استانبوله واصل و متعاقبا مهر صدارته

نائل اولوب برمدت مهمساز مصالح سلطنت اولدقدن صكره مقتول محمد
كرايك بهمن عونانی قریمه ابقاد فسادہ سعی ایتكده اولدقلری استخبار
قلندیقندن سینوبدن دونغای همایون ایله قریمه کچمك اوزره قسطمونی
جانبه حرکت ایتشیکن اوازه شهامتیه قریم اختلالی برطرف اولغله
سردار فرهاد پاشا سمت رجوعه وضع قدم و صدر مشار ایله جانب ایرانه
تحریرك طوغ و علم ایلدی

تبریز قرینده جسیم بر ایران اردوسنه تصادف اولنوب بالمحاربه پریشان
ایدیلدکن و تبریزه کیریلوب اطرافنه سور بناسیله تحصین و خدمت
محافظه سنه جعفر پاشا تعیین اولندقدن صكره مشتایه عودت خلانده
صدر اعظم عثمان پاشا محل دار آخرت اولوب خدمت صدارت قائم مقام
مسیح پاشایه توجیه واردوی همایونده بولان چغاله زاده سنان پاشایه دخی
سرعسكرلك تفویض اولمش ایسه ده چوق کچمكسزین صدر اسبق
سیاوش پاشا مقام صدارنه اعتلا و شاه اوغلی حمزه میرزانك تبریزی
محاصره ایلدیکی استماع اولندیقنه مبنی فرهاد پاشا ثابا سردارلق ایله
جانب ایرانه توجیه لوای ظفر اتوا ایلدی

فرهاد پاشانك خبر تقریبی سبیلله حمزه میرزا تبریز محاصره سنی ترك ایدرك
کنجهیه هودت ایلدیکی متعاقب معشوقی اولان براوغلان مباشرتیه
منشور حیاتی تمزیق اولغین مشار ایله فرهاد پاشا کنجهیه اوردی قبضه
دولت و خدمت محافظه سنه حیدر پاشای با تعیین مشتای ارضرومه
مراجعت ایلدی

حمزه میرزانك فقدانیه شاه خدا بنده نك و ممالك عجمك احوالی بتون
بتون مختل و پریشان اولدیقندن اتفاق صناید صفویه ایله عباسی میرزا
نخت شاهی به اصعاد اولندی

لکن اوز بکر دخی کشور ایرانه هجوم ایتكده اولدقلرندن ایرانلرك
هرنصل اولور ایسه سلطنت سنیه ایله او بوشمقدن بشقه چاره لری
قالدیقندن استدعای صلحه اغاز ایلمرله و دولت علیه دخی اون ایکی
سنه دنبرو بو یولده کلیتو مال و جان اضاعه ایدرك اذربایجان و شروان
اولکارینی ضبط و تسخیر ایتسیله تبریز و کنجه و روان و خطه شروان
حکومت دولت علیه ده قالمق و شاه عباسك برادر زاده سی اولان حیدر

میرزا رهن اوله رق استانبولده اقامت ایتک شرطلرله امر مصالحه قرین
امضا اولوب طقوز یوز طقسان سکن سنه سی اوائلنده فرهاد پاشا میرزای
مشار البهی بالاستصحاب استانبوله واصل و ضعیفای سرحد نشینانک گرفتار
اولدقلری مصائب و فتن زائل اولدی

قریم خانی اولان اسلام کرای طقوز یوز طقسان الی سنه سنه عازم دار
قرار اولغله حکومت دشت قیجاق مر حومک برادری اولوب یانبولیده
ساکن اولان غازی کرایه تفویض قلندی

آل مطهر دن یمنده اولان طائفه زیدیه نک رئیساری بوانان بش کشی بی
یمن بکار بکیسی حسن پاشا حسن تدبیر ایله اله پکیروب زیر دستلرنده بوانان
قلاع و بقاعی قبضه تسخیر ادخال و مر قوملری در سعادته ارسال اتمکله
قدر کفایه علوفه و تعینات تخصیصیه یدی قله ده اسسکان اولندیلر

ایران سفر لری و عساکر موظفه نک تکثری سیاریله سلطنت سنیه نک واردانی
مصارفته کفایت ایده مامک راده سنه کلدیکندن وزن و عیار سکه تنقیص
اولمشیدی روم ایلی بکار بکیسی و مقرب پادشاهی اولان محمد پاشا
محسود و کلا اولدیغی حالده تصحیح سکه خصوصنی در عهده ایدوب
بویابده صرف نقدینه اهتمام ایلمکده ایکن سپاه طائفه سی منشوشبت سکه بی
بهانه ایله علم افراز شقاوت و صدر اعظم سیاوش پاشا سکه ماده سی
بکار بکنه حواله اولمشدر جوابله عاطف مسوالت اولدیفندن طائفه
مر قوم نک دیوان همایونده وقوع بولان افعال شقاوتکارانه لری مشار الیه
محمد پاشا ایله دفتر دار محمود افندینک قتانی مستلزم اولدی

پادشاه حضرتلری محمد پاشانک قتلی ارکان دیوان همایونک مسامحه و بلکه
مساعده سیله وقوع بولدیغنه ذاهب اولغله صدر اعظم سیاوش پاشا
و شیخ الاسلام شیخی محمد افندی بی و وزرادن قیودان ابراهیم پاشا و جراح
محمد پاشایی و یکچیری اغاسیله سائر بلوک اغارینی دفعه عزل ایدرک مقام
صدارته ثابا سنان پاشا و مشیخته روم ایلی قاضیه سگری بوستان زاده
محمد افندی اعتلا ایلدی

طقوز یوز طقسان طقوز سنه سی اواخرنده فرهاد پاشا صدر اعظم نصب
اولوب متعاقبا ارضروم خلقی خدمت محافظه ده بوانان یکچیر بلوک

تعدیاتندن شکایت ایتملریله استانبوله کلریچون فرمان کوندردیکندن
وتبریز محافظی جعفر پاشا دخی اوراده بولسان یکچیری سرکشلرینی
اعدام ایلدیکندن دودمان یکچیریان علم افراز عصیان اولوب ارضرومده
بولسان یولداشلرمنی قرق ایچون فرمان کوندرلمش دهرک دیوان
همایونده ولوله ساز غوغا اولملریله بیک سنه سی اواسطنده فرهاد پاشا
معزول و سیاوش پاشا ثالثا صدر صدارته موصول اولدی

بیک برسنه سی رجبنده یکچیری علوفه سی کاملا تسلیم و سپاه علوفه سی
مقسطاً ویرلک اوزره نصیم قلمغه اشقیای سپاه دیوان همایونده هر به ده
وغوغاه جرأت و صدر اعظم سیاوش پاشا ایله دفتر دار امیر پاشانک قتلرینی
طلبه مبادرت ایملریله دفع شقاوتلری ضمیمه علوفه لری انعام اولندیغی حالده
بنه مرکز عناد و اصرارده پایدار اولدیلر

بو کشمکش اراسنده سرای همایون خدای که مطبخ و اخور خلقیله قیوجیلر
و بوستانچیلردن عبارتدر اشقیانک شاید دیوان همایونه و بلکه دارالسعاده دن
ایچرویه هجوملری وقوع و لور ایسه مدافعهلری مصلحتی ایچون مترقب
و منتظر ایدیلر

ایچلرندن من غیر رویه بر اورک صداسی ظهور ایدوب موجود بولانلار
دخی طرف پادشاهیدن امر صدور بنه ذاهب اولدقلرندن یکپاره حله
ایتملریله اشقیای سپاهدن ایکیوزدن متجاوز کشتنی مقتول و ماعداسی فراره
عجبور اولدی صنادید سپاهدن محرك فتنه اولنلر تفریق وازاله اولنوب
اولدقجه تربیه لری حاصل و صدر اعظم سیاوش پاشا تشریفات
پادشاهی به نائل اولمشیکن در عقب معزول و سنان پاشا ثالثا صدر صدارته
موصول اولدی چونکه سنان پاشا مصر و یمنده کلینلو ثروته دسترس
اولمغه انک بذلیله هر مقصدینه نائل اولوب اولکی صدارتنده سرای خاق
پیننده اینجیلی کوشک و تاربخلرده سنان پاشا کوشکی نامیله معروف اولان
قصری و مؤخرادخی عصر مرزه قدر باقی اولدیغی حالده هدم اولنمش
اولان یالی کوشکنی پادشاه حضرتلری ایچون بنا ایلد کدن بشقه کرک
بو کوشکرک تقدیمی اوآننده و کرک سائر اوقانده هدایای عظیمه و نفود کثیره
عرض ایندیکی مثلاًو حرم همایون و مقر بان سلطنتی و طوائف مسکریه نک
سوز صاحب لری عطا یای وفیره ایله جلب ایتمش اولدیغندن و تحصیل

صدارت هواسندن بران کبر و قالیوب طرفدارانی دخی مناسبت وقوعه
مترقب ایدوکلرندن سیاوش پاشانک کرک صدارت ثانیه سنده و کرک
اشبو اوچخی دفعه سنده طوائف عسکر بهنک دیوان همایونه هجومی
شامت قدیمی اقتضاسندن اولق اوزره اتفاق کلام حاصل اولمغین بویه
بر موفقیت عقیده عزلی وقوع بولمشد

سرحد نشین اولان اقچی طائفه سی و بعضا امرای طرفین یکدیگری
ممالکنه کچوب چاپول ایملک عادات عصریه ایجابندن ایسه ده بوسنه
بکار بکیمی حسن پاشا دولجه اولان سفرلرده جاری اولان قاعده و جهله
عموما بوسنه نک طوائف عسکر به سنی جلب و جمع ایدوب نیجه ممالکنه
مرور و بهکه قلعه سنی قتح و پک چوق بلاد و قصباتی تخریب و یغما ایتمکله
نیجه دولتی طرفندن عرض شکایت و پاشای مشارالیه بوسنه دن
قالدیرلمدیغی حالدّه موجب نقض عهد اوله جغی حکایت اولاندقده حواله
سمع اعتبار اولاندقدن بشقه روم ایلی بکار بکیمی امانه سنده مأمور
ایلدیشیدی لکن تبدل صدارت مناسبتیه مذکور اعانه توقیف اولوب
حسن پاشا ایسه بوندن بی خبر اولدیغی حالدّه ایکنجی دفعه خروائستانه
کچهرک سیسقه نام قلعه یی محاصره ایله مشغول ایکن نیجه اولر کلیتاً
عسکر ایله ورود و واقع اولان مقاتله ده حسن پاشا و هر سک بکی محمد بک
واکثر جنود موحدین شهد شهادتی نوش ایلمدی

بوخبر واصل در دولت اولدقده حضور همایونده عقد مجلس مشورت
اولوب بعض حقایق بین اولئر سرحدات خاقانیه سلطان سلیمان
عصری کبی دکلدر اکثر دیراکره شهر سایه پرورلی اوشدی و بوجهته
وظیفه خواران محافظه قلاع ایچ ایله دوشدی ذبو سفردن محاببت
اولمسی طرفنی ترجیح و حتی خواجه سلطان سغددالدین افندی بن
دولت علیه تاریخی یازمقدیم و بوعصره تقرب ایلام ایسترمکه پادشاهک
برقولی عجم شاهنک برادرزاده سنی رهن الوب کنوردی و نیجه قرالی دخی
ایکی ییلاق و یرکوسنی تقدیم ابتدی مفاد مباحات انجامیله خاتمه زیب
مقال اولیم دیهرک مسلک بوزلامسی خیرلو اوله جغنی تصریح ایلمدی
لکن صدراعظم سنان پاشا فرهاد پاشانک کشور کشالقه اولان شهرتی

چکه میوب اگا تفوق ایتک مطالعه سنه سالک وسفره متهاک اولدیغندن
سعدالدین افندی به خطابا پادشاهک برقولی نجم شاهنک برادر زاده سنی
رهن الدیغنی و برقولی نجمه قرانی طوتوب کتوردیکنی بیان ایله ختم
وقایع ایام ایدیکز جواب مغرورانه سیله باب سفری کشاد ایتکه قرار ورتدیردی
و موسم شتاک تقرینه باقیه رق و خلافتده اولنلرک کفرینه حکم ایتدیردک
یک سنه سی اواسطنده علی الحجه بلغراده عازم اولدی

بلغرادده مشانشین اولق اوزره تصیم اولمشیکن نجمه لولرک یتش سکسان یک
عسکر ایله استونی بلغرادی واسترغونی محاصره ایلدکاری خبری وارد
اولغله بودین جانبده سوق موکب سطوت اولنوب جوارده بولانان بولانه
و یسرم قلعهلری تسخیر اولندقدن و جنود موحدینک حلات شجیمانه لری
نمره سی اوله رق استونی بلغرادی واسترغونی محاصره ایدن دشمن
اردولری دفع و سکر قطعه محاصره ظوبلری ضبط قلندقدن صکره
بقیه شتایی اصرار ایچون یک ایکی سنه سی صفرنده بلغراده عودت
اولندی

لکن بوسنه اواسط شتاده ایکی آی قدر هوار مساعد کیمکه و بودنده
سر عسکر نامیله براخیلان سردار زاده محمد پاشا مدافعه دشمنه موفق
اوله مامغله سکر اون قدر پانقه استیلای دشمنه گرفتار اولمشدر

صدور اعظم سنان پاشا اول امرده سفری تهوین ایتش ایسه ده مشکلات
خریده بی و دشمنک شدت هجومی مشاهده ایلدکده تلاشه دوشوب
عموما قیو قولی بلوکارینک اردوی همایونه کوندرملرینی عرض والتماس
ایلدی و موجبه فرمان صادر اولدی

صنادید یکچریان رکاب همایون سکون اوزره اولدقجه یکچیری اوجاغنک
هیئت مجتمعه سیله سردار معیتنه مأموریتی خلاف قانوندر دیوقبل وقاله
جرات ایتدیلر ایسه ده حکم زمان بونی ایجاب ایتشدر دنیله رک عزیمتلی
تاکید قلندیقندن جمله بلوکار اردوی همایون جانبده راهی اولدیلر

فریم خانی غازی کرای حسب الامر بوز یک قدر تاتار عسکر یله اردوی
همایونه کلوز ایکن طار بر بوغازده لشکر اهدایه تصادف ایتکه بالحرار به
یکرمی یک مقدارینی قتل و تدمیر والی بیکنی اسیر ایلدی

اولبهار حلوانده سردار اکرم مشتای بلغراددن حرکت و ناتانام مختصر
 قلعه بی آورده قبضه دولت ایند کدن صکره رایه نهر ینک طونه به منصب
 اولدیغی محله واقع اولوب سلطان سلیمان زمانده احراق اولمق حسابله
 یانق نامیله زیبا نزد مورخین اولان کلوار قلعه سی محاصره ایلدی انجیق
 طونه نهر ینک قارشو یقه سنده کلیتو بردشمن اردوسی موجود اوله رقی
 دائما قلعه یه امداد ایده کلد کارندن وانک دفعی استحصال اولمق قجه
 قلعه یه ظفر ممکن اوله میه جفی تعین ایلدی کندن قارشو به عسکر کچورمک
 ایچون کپری انشامنه مباشرت قلند قده هر نقدر دشمن امر مدافعه ده
 بذل مجهود ایلدی ایسه ده مقتدر اوله مدیقندن کوپری آقام و تانار خان
 وسار جیوش اسلامیه نک هجومیله اردوی دشمن پراکنده و پریشان
 و بالمله طوب وجبه خانه و خیام وسار مهمات حربیه لری ضبط
 و اختتام اولندی

بونک اوزرینه محصورین قلعه دخی زاینکیش ایستیمان اولدیقندن
 موجود اولان طوب و مهماتیه داخل قبضه دولت و طوائف عسکر به دن
 اون بیک قدر عسکر وضع و مجددا بکار بکیلاک اتحاد قیلنوب مشتایه عودت
 اثناسنده قومران قلعه سی دخی محاصره اولندی ایسه ده تقرب شتا مانع
 فتح و تسخیر اولدیقندن بیک اوج سنه سی اوائلنده بلغرا ده مواصلت
 اولندی

اقدیمجه افلاق و یوده سی فوت اولغله امارت افلاق متوفانک برادری
 مهال بکه توجیه اولمشیدی میر من بور اولوقتک قاعده سی اوزره تنظیم
 دازه امارت ایچون استانبولده بولنان و بومشلاو تجارت ایله مشغول اولان
 بکیچری وسار کساندن مجوهر خنجر وات طاقی و اوانی سیم و اشیای
 متنوعه مباحه ایدرک محل امارتنه عزیمت ایش اولغله الاجتلولری
 استیفای حقوق ایچون بکر شده تجمع ایدوب تضییقه باشلادیلر لکن اشیای
 من بوره غایت فاحش صالتش و اوزرینه فائض دخی ضم اولمش ایدو کندن
 تأدیه سی خارج امکان اولدیغنه و صدر اعظم سنان پاشا مهمات حربیه
 تدارکنده بطاآت اسنادیله میر من بوره اظهار غیض و غضب ایدرک
 برعناد تقدیم ایلدیکی هدایاسنی رد و قهر و تنگیلنه مسارعت اوزره
 اولدیغنی اشعار و اشاعت ایدوب نجه لوا یسه امارتین و بوده لری وار دل

قرانی دأره اتفاقه دعوت ایلمکده ایدوکنه بنه میرمز بور بقتة علم افراز
عصیان اولوب الاجتلولرندن وسأره دن بکر شده بولنان اوج درتیک قدر
اهل اسلامی قتل واعدام ویرکوی واروشنی احراقی ایتدکن بشقه
طونه نک بوجهتده اولان روسجق وسأر قصباته دخی اطاله دست عدوان
ایلمکه باشلادی

وقعه مذکوره دن مقدم بغداد و بوده سی استغان بک رکاب همایون
جانبندن عزل وفرهاد پاشا دأره سنده پرورشیاپ اولان بغداد بک زاده
نصب اولوب صندالی امارتنه اقعاد ایچون مباشر تعین اولنان قیوجی
باشی ایله کوندرلمش بولمغله معزول و بوده دخی بوقار بشفلی فرصت
انخاذا بیدرک امر همایونه اظهار مخالفت ایلمدیکندن مرعش بکر بکبسی
مصطفی پاشا میر معزولی طرد و تبعیده و یکی و بوده بی اصعاد و تقریر
مأمور اولوب طونه نهرینی هر روز ایلمش ایدیکه طاصی من بور پاشای
مشارالیهی باضوب کندوسنی شهید و عسکرینی پریشان ایلمکله سنه بوقازندن
و ذینه قدر نهر طونه سوا حلقده بولنان بالجمله بلدان وقراده امنیت ذائل
وانواع فتن و شرور حاصل اولدی

پادشاه زمان سلطان مراد خان ثالث حضرتلری جمعیت نسابه انهماکلری
سببیه علت مثانه به مبتلا اولهرق بیک اوج سندسی جهادی الاخره سنده
الی باشنده و سلطنتک بکرمبی سائنده هر نخل دار آخرت اولدیلم

شهریار مشارالیه حضرتلری ناز و نعم ایچنده نشو و نما بولمغله ضفره دکل
سرای همایوندن طشره به بیل چقمیوت برطاقم شعرا وندما و مضحک وجوجه
و خواننده و سازنده ایله امرار زمان ایلمشردز مع مافیه تصوفه مائل
و حقه خائل منهیات و سفک دماذن مجتنب اولوب فقط جمع مال و اشتهای
هدایای غیر معتاده ایله مشتهر ایدیلز بنه علیه آئیده تفصیل اولنه جغی
وجهله اکثر نظام دوات علیه نک انحلالنه اوان سلطنتلری مبدأ اولمشدر

باب ثالث تکمله سی

مقدمه کنایده اراد اولندیغی اوزره مقصد عاجزانهم هر عصرده

دولت عالیہ تک صورت اداره و نظامات جاریہ سنی تصریحہ منحصر
اولوب اشو فصل ثالث حاوی اولدیغی مدت ایسه قوت و شوکت سلطنت
سنیہ تک درجہ عال العالی و قوانین و نظاماتک مرتبہ کماله و اصل اولدیغی
زمان اولسبله برابر عادات الهیه اقتضاسیجہ تشویش و فتوری مستلزم
اولان بعض احوال و مقدمات دخی سرزده ظهور اولدیغندن بویایده
بسط تفصیلات اولتی اقتضا ایلمدی

ذوات عالیہ تک هیئت مشکله سی ایجابیجہ طور و حرکتی پادشاهان عظام
حضراتک احوال ذاتیه لرینه تابع اولدیغندن سلطان یازید خان ولی
مرحومک مبتلا اولدیغی فتور و رخاوت کافه ارکان و امرا به دخی
سرایت ایلمکله اعصاب دولته یورغلتیق و عروق ملته طور غلتیق کلشیکن
یاوز سلطان سلیم خان حضرتلری رونق ساز تخت عثمانی اولدقلرنده
دفعه تبدل اطوار و افکار و قوعیله سلطنت سنیہ کو با بر غضنقر خواب آلود
ایتمش ده اویانمش و یاخود سلاح و ادواتدن خالی بر سفینه کوه اندام ایتمشه
طونانمش حکمنی حائر اوله رق کلزار سلطنت مشار الیه حضرتلریک اب
و تاب اقدام و سطوتیله تجدید زونق و انتظام ایلمدی و خلعت جالیله
خلافت دخی مصرده الک صکره کی خلیفه اولان مستمسک باللهک فراغیله
سلاطین عثمانیه حضراتک زیور دوش اقتخاری اولدی

بناء علیه اعدای دولت مقهور و مدعی اولوب پادشاه مشار الیه عصرده
ممالک مصریه ایله سوریه و کردستان و سلطان سلیمان زماننده عراق
عرب و مجارستان و افریقا ساحلاری و سلطان سلیم ثانی عهدنده قبریس
جزیره سبله تونس ایالتی و سلطان مراد ثالث سلطنتنده اذربایجان
و شروان الکاری الحاق کشور عثمانی قلمقله ممالک سلطنت سنیہ فاس
حدودندن حبشستانه و اقصابی یمنده واقع عدن بندرندن مجارستانه قدر
کسب وسعت و جسامت ایلمدی

سلطان سلیمان مرحومک اکثر غزواتی مجارستان اوزرنده اولقله اورالره
صرف ایندیکی اقتداری عجمستان و ترکستان جانبازنده اعمال ایتمش اولسه
ملت اسلامیه تک قسم اعظمی نقطه واحده ده جمع ایله یاور و دها خیر او
اولور ایلمدی دیو بر ملا حظہ السنه انامده دوران ایدر لکن عصر من بور

و قتمزه يك اوزاق اولديغندن اوزمانك حكمی تماميله تاريخ كتابلرندن استنباط اولنقى ممكن اولدقدن بشقه شوراسی دخی جای مطالعه در كه افریقای و هرستان و كرستان قمع ایدن و صكره تحت حكمده طوتان تورك قومك وجوش عثمانیه تك منبعی اسرا ایله دیوشمره چوجقلایدر چونكه دولت علیه اروپا سفرلرنده ضایع ایتدیكى نفوسك اضعاف مضاعفی اسرایه دسترس اولوب ملت اسلامیه الجاق ایده كلكله ایتدای ظهور دولندبرو الثان اسرا حساب اولنسه ملیونلر بالغ اولور و تكثر نفوس عثمانیه به قدر خدمت ایلدیكى تبین ایدر مع مافیه فضائل جهاد و اختتام اموال و سهوات طریق سفر مثلاً باشلو سبیلر دخی میدانده اولغله بوخصوصلر نظر تدقیقه ائدیغی حالده اروپا سفرلرینك اختیاری طبیعت مصلحت اقتضاسندن و بلكه دولت علیه چه اك منفعتلو اموردن بولنسی ظن و تخمین اولنور

سلطان بایزید ولی مرحومدن ماعدا سلاطین سالفه حضراتی تنظیم امور مهمه و ترتیب صفوف حربیه خصوصلرینه بالذات نصب نفس اهتمام ایده كلكاری و سلطان سلیمان دخی اوائل سلطنتنده مسلك اسلاف گرامی اوزره حرکت ایتدیكى حالده دولت و ثروت كمالی بولمش و ریاض سلطنت اذهار ترفه و تنعم ایله طونامش اولدیغندن بشقه اواخر سلطنتلرنده ضعف پیری به علت تقریب دخی منضم اولغله بالضروره حضور و اسایشه میل ایله اداره امور دولتی دوش و كلیه تحمیل ایلكه باشلا دیلر و دیوان همایونه حاضر و ناظر اولمز اولدیلر

سلطان سلیم ثانی و مراد خان ثالث عصرلرنده ايسه عموماً هیئت دولنده زیب و زینت و دارات و احتشام كوندن كونه چوغالوب سفر برلك و جفاكشاك خصلت قدیمه لری متروك اولق بولای طودی

منقولدر كه یاوز سلطان سلیم مرحوم سلطان غوری ایله تقابل صدئنده كندو عسکرینی نیموره و مصر لشكرینی زر و زیوره مستغرق كورمكه همركابی بولنان كمال پاشا زاده به بوصورتك احكامندن سؤال ایلدكه وجوش عثمانیه مصر یلك اشبای نفیسهلرینی غارت ایتك ایچون هر نوع

فداکارانی اختیار ایده جکاری امر طبیعی اولدیغندن اسباب مظفریت
شاهانه‌ری جله سند ندر دیو جواب و یرمیش و پادشاه مشارالیه‌ک شهرزاده
مکرملری سلطان سلیمان زر وزیر ایلده اراسته البسه ایلده حضورلرینه
کپردکده سلیمان انک نه کیسون بیوزمشلردرینه بونی مؤید اوله‌رق
کوز یجده‌لی قوجی بک سلطان مراده تقدیم ایلدیکی رساله‌سنده سلطان
سلیمان وزراسندن احمد پاشاک بش التیوز عبد مشتریسی واکا کوره اسلحه
و مهمات سفر به‌سی موجود اولدیغی حالده ایکی کورکی اولوب برینی
ایدیوانده و برینی خانه‌سنده تلبس ایده کلدیکی بیان ایلشدر حال
بودنوال اوزره ایکن سلطان سلیم ثانی و مراد خان ثالث عصرلرنده
عموما هیئت دولنده برطرفدن زیب وزینت ودارات واحتشام جوغالوب
برطرفدن دخی سفر برلک وجفا کشاک خصلت قدیمه‌ری فائب و مساکن
وملابسده و امر تعیشده انواع تکلفات حادث اولدی و پادشاهلرک
سفره کتبی شویله طورسون دیوان همایونه کللری بیلده ایلچی قبولی
وطوائف عسکریه وظائف معینه‌لرینک اعطاسی کونلرینه منحصرکی
قالغله توجیبهات منصب وامور مهمه‌یه دأر خصوصات معروضات ایلده
استیذان قلمق اصولی تأسس ایلدی

مواد مبسوطه‌نک استلزام ایلدیکی حالات متعلق اولدیغی اداره‌لرک بیانی
صره‌سنده ایراد قیلنور

✽ احوال ارکان دولت ✽

ارکان دولت باب سابق تکمله‌سنده بیان اولسان صورتده اولوب فقط
شیخ الاسلاملرک ابشی خدمت فتوایه منحصر و فاتح عصرنده استنبول
قاضیسی حضرت بکه علاوه مأموریت اولدیغی حالده مؤخر کمال پاشا
زاده و ابوالسعود افندی کی فضلا بعد الصداده منصب فتوایه رونق
بخش اولملریله منصب وزیر صدر بن محترمینک فوقنده اوله‌رق طریق
علیه‌نک رئیس و محاکم شرعیه‌نک ناظری اعتبار اولنوب کیدرک بالجمله
توجیبهات علیه‌نک ترتیب وتنسیبینه وابسته اولمش و صدر اعظم‌لر ایلده
هم رتبه طوتلشدر

یلمیرم بایزید خان عصرنده سادات کرامه ناظر تعیین اولمشیکن صکرلری
متروک اولغله سلطنت سلیمان خانیده سید صحیح النسب اولان طریق علیه
رجالندن نقیب الاشراف نصب اولمش و سادات کرامت سلسله نامه لری
نقیب افندی جریده سنه قید ایندیر بلوب بالا بحجاب تأدیبی اقتضا ایندن شرفا
دائرة نقابتده حبس و توقیف اوله رقی احاد ناسدن تمیز و تفریق قلمشدر

سلطنت سنیه سفن حربیه تدارک ایند کدن صکره بحرا بر جانبه سنر و قوعنده
کیلره ارکاب اوله جق قره عسکرینه و زراهن بر بسی سردار نصب و تعیین
اولمق قاعده دولتدن ایکن مؤخر یاوز سلطان سلیم خان حضرتلری
ترسانه بی کلیبولیدن استانبوله نقل ایدرک امور بحریه کسب جسامت ایلدیکنندن
و با خصوص مصر و ردوس و قبر بس و افریقا ساحلاری فتح اولندقدن
صکره مر اوده سفاین عثمانیه تکثر ایلسیله مالطه و اسپانیا قورصانلرندن
اقدرک محافظه سی ایجاب ایندیکنندن هر سنه دوتای همایون چبقارلق
اقتضا ایلدی بناء علیه وزرادن و یاخود میر میراندن مستقل قیودان
دریا نصب اولمغله باشلانیه رقی بومأ موریت دخی مناصب سلطنت سنیه نک
اهم واعاظمندن اولمشدر

ممالک دولت کسب جسامت ایندیجکده مصالح مهمه دخی تکثر ایلدیکنندن
اناطولی و روم ایلی دفتر داری نامیه ایکی دفتر دارلق دهها ایجاد اولنوب اصل
دفتر داره باش دفتر دار و بونلره ایکنجی و اوچنجی دفتر دار دینلور ایدی
ایکن صکره لری امور مالیه کاملاً باش دفتر دارلق مقامنده تجمع ایلدیکنندن
ایکنجی و اوچنجی دفتر دارلق پایه کی قالب قدما ی رجاله جهت تعیش
اولش و شق ثانی و ثالث تعبیریه دفتر توجیهاتده مقید اولدیغی حالده
وقعه خیریه دن صکره الفا قلمشدر

وزیر معین مناسنه اولق اعتبار بله اسمی مناسنه موافق اوله رقی وزرا
پادشاهان عظامک معاونلری و وزیر اعظم انلرک رئیس ایکن سلطان
سلیمان مرحوم اوائل سلطنتنده مقبول و مرغوبی اولان ابراهیم اغای
خلاف و تبره اسلاف اوزره دفعه مقام وزارت عظمایه اصعاد و فوق العاده
استقلال اعطا ایلدیکی مثلاً او ان پیریسند دخی رستم پاشایه تودیع

مهام انام ایلیکله ینه اهمی مسماسته موافق اوله رق وزیر اعظم له صدر اعظم و وکیل مطلق ودها صکرلری صاحب دولت دینکله باشلانادی و سلطان سلیم ثانی مرجوم دامادی اولان صوقوالی محمد پاشایی صدر اعظم بولوب کاملاً تحمیل امور سلطنت ایلدی

سلطان مراد ثالث عصر نده پاشای مشار الیهک شهادتی وقوعندن صکره اصول د کشوب وزرا تحصیل صدارت امر نده بکدیگر ینه مسابقت ایچون طرف سلطنته و حرم همایون و مقربان پادشاهی صاحب نفوذ ل ینه تقدیم هدایا ایله استحصال مقصد ایده کلان زندن مسند صدارت کیسه ده پایدار اوله میوب صیق صیق تبدل ایدر اولدی

چونکه مقدم لری بر جانه صدر دار اوله رق کوندر یلان وزرا و امر افتوحات لری نمایندن اولوق اوزره پادشاه عصره هدیه تقدیم ایتک قاغده دولندن اولوب حتی قپودان دریا غازی خیرالدین پاشا بر دفعه سفر عودت نده آموز لر نده برر پستال چوقه ایله ایکیک اسیر و کذلک آموز لر نده برر کیسه اقچه ایله ایکوز غلام والار نده کش تبسی ایچنده اطلس کیسه لر ایله بیکر التونی حامل دفعه یوز غلام و ینه الار نده التون تبسی لر ایچنده ایچو و مرجان تسبیح لر و کردانقلر و التون قدح لر و سایر اشیای نفیسه بی شامل ایکوز جاریه تقدیم ایلشیدی کیدرک سفر عودتی و اموال غنایم قیدی بر طرف اولوب استانبوله کلان وزرا و بکلر بکیرلر هدیه تقدیم ایدر اولدی لر حتی سلحدار لقند مصر و الیسی اولان ابراهیم پاشا قبه وزارت لیه استانبوله دعوت ارلند قده تقدیم ایلدیکی هدایایه بکرمی کره بوزیک التون قیمت تقدیر اولمشدر که عصر من حسابنه کوره برملیون لیرا دیمک اولور مذکور هدایا سکسان یک مثقال التوندن مصنوع مرصع برنخت و التون و مجوهرات ایله اراسته اسلحه و ات طوقلری و اشیای سائر و برقاج یوز حیواندن عبارت اولدیغی توارنخده مسطوردر صدر اعظم سنان پاشا دخی وزرای عصرک اغنیاسندن اولغله سلطان مراد ثالث حضرت لری ایچون کلخنه ده واقع اولوب حالا ثاری باقی اولان اینجیلی کوشکی بنا ایتد که عظیم برضیافت ترتیبیه عرض و کلبه لو مرصعات دخی تقدیم ایلشدر ال عصر ده وزرا و امر انک

جمله سی حالینه کوره هدایا اعطاسنه مجبور اولدقلری مثلاًو عیدیه
و نوروزیه نامیه هدایای رسمیه تقدیمی دخی معتاد حکمنه کیرمشدن
وزرای سالفه نك درجه ثروت و قدرتلرینه ائارلری برهان و مقیاس
اولوب فقط ایچلرندن بعضیلری فوق العاده زنکیندر ازان جمله رستم
پاشانك کندوسیه حایله سی مهرماه سلطان نامه ادرنه قپوسنده
واسکدارده وزندان قپوسی جوارنده وازمیده بنا ایلدیکی جامع
ومدرسه و خانلر و سائر ائار که يك کلیتاًو مبالغه محتاجدر بونلری تنظیم
ایلدکن صکره حین وفاتده و قتمز حسابنه کوره تقریباً اوچیوز يك کیسه
اقچه لک خلفائی قالمشدر رتبه میر میرانی ابله قپودان دریا اولان قلیج
علی پاشا مشهور اولان جامع شریفی و اوقافی بنا و ترتیب ایلوب بعده
حین وفاتده بشبوز يك التون نقدی چقمقله و ورثه سی دخی اولماغله جانب
بیت المال اخذ اولمشدر فاتح بمن سنان پاشانك استانبول و اناتولی
و روم ایلی و عربستان و یمنده ابنیه جسیه اوله رقی یوزدن متجاوز مبرانی
وانلری اداره به کافی اوقافی اولوب حتی عصرنده چیرنده شعور اولان
رؤتی کورن ضعیفای عقول اصحابی علم کیایه ظفریاب اولمشدر ظننده
ایدوکاری مضبوط ائار رواتدر

وزرا و امرای دولتک معاش مخصوصلری بخشده دخی شو وجهله عرض
تحقیقات اولنور که والیلکه بولنان شهزادگان حضراتنه اوتوز ایکی یوک
اقچه لک خاص تعیین قلمق قانون دواندن اولدیغی بعضی توار بخده مسطور
اولسبله برابر سلطان سلیم ثانی شهزاده ایکی اوانده قونیه والیسی ایکن
الی بش یوک اچه لک خاصه متصرف اولدیغی بنه تار یخلرده مندرجدر

صدر اعظمک یکر می یوک اچه لک خاصی اولدیغی حالده فاتح مر حوم
محمود پاشانك و سلطان سلیمان ابراهیم پاشانك خاصلرینی اوتوز یوک
ابلاغ ایلشدر

قبه وزیرلر نك حیثیتلرینه کوره اوز اون بشر یوک و نشانچی و دفتردار
ورئیس کی عظمای رجالک ایکیشر اوچر دردر یوک اچه لک خاصلری
وقلم خواجه لر نك و کتبه نك و متفرقه تعبیر اوانان خدمه دولتک درجه لرینه

قیاسا خاص وزعامتاری اولوب کرک بونلرک و کرک طشرده بوانان بکار بکی
ومیراوا و تیمار کنخداسی و دفتر داری مثالو مأمورینک خاص وزعامتاری
وتیمارلو سپاهیسینک تیمارلری کیفیتلری و بویاده موضوع اولان قوانین
ان شا الله تعالی اتیده تفصیلا ایراد اولنور

سلطان سلیمان وزراستندن لطیف پاشا اصفنامه نامیه قلمه الدیخی رساله سنده
اون صدرتمده یکر می یوک اچمه لک خاصلرم اولدیغندن اون یوکی دارمه
مصارفنه کفایت ایدوب بش یوکی تصدق اولنور و بش یوکی خزینه مده
قالور ایدی دیور اداره موازنه سی کوستر اول عصرک بر اچمه سی
وقتکزک تمام بر غروشی وزن عبارتده اولسته نظرا مشار البهک داره سی
مصارفی سنوی ایکی یک کیسه دیمک اولوب کندوسی هر قدر کثرت خدم
و حشمه مشهور اولنلردن دکله دخی امثال واقرائنه و حکم زمانه کوره
داره سی خلقی بهمه حال ایکی یک کشیدن اکسک اوله میده جفندن مبالغ
مزبوره ایله اداره سی قابل اوله مامق اقتصا ایدمه چکی بادی نظرده وارد
خاطر اولور لکن اول عصرلرده و بلکه یقین وقتلره قدر ممالک محروسه
اوجوزلق اولق مطالعه سیله حوایج عامه دن اولان حبوبات و ساره خارجه
چبقارلما ایدی چونکه اوروپادن مبايعه اولنه کلان امتعه جزیاتدن اولدیغنه
واخراجی تحت مساعدده بولنان برقاج قلم اشیا بلغا مبالغ اکا تقابل
ایلدیکنه مینی ممالک محروسه نك ما کولاتجه بولاق و اوجوزلق برحالده
بولنمی بغایت التزام اولنان مواد دن اولغله فی الحقیقه بعض وقفیه لر
مزایاسندن استدلال اولنان اوجوزلق تصور و حسابک خارچنده دن
برده وزرای عظامک استانیول قیمرنده چفتلکاری اولغله حیوانات و اکثر
آدملری اوراده ساکن اولوب چفتلکک محصولانیله وغایت ساده صورته
تعیش ایدمه کلرندن اول وقتک مصرفی زمانکزک فیثات و تکلفاتنه بروجهله
قیاس قبول ایتمز مع مافیه معادنک اشیا به نسبتنده دخی فرق عظیم وارد

اوائل دولتمده میر میران و میر لوال اوز یکر میشر سنه و بلکه دهها زیاده
منصبیلرنده مستقر اولملریله بک چوق اثار خیریه و تنظیمات ملکبیه موفق
اوله ککشلر ایکن کیدرک رکاب همایونده اولان تبدلات سریعه بولنره دخی

سرایت ایلدیکندن بر منصبك اوچ بش سنه تبدلاتدن وارسته اولسی شاذ
حکمه کیردی و بنارین امرایه قدرتسزلاک و معموریت ممالکه نقصان
کلیکه باشلادی و امورین دخی انواع ارتکاباته متجاسر اولدیله ماده
رشوت طبیعت بشرده مرکوز بر فطرت اولدیغندن شئون عالم بروقتده
بوندن خالی دکل ایسه ده جای بحث ودقت قلت و کثرتی و متجاسر لرینک
مظهر مجازات اولوب اولماسی قضیه سیدر صدر اعظم رستم پاشا
رشوتسز منصب توجیه اینز ایلدیه ده انصافی دخی الدن براقر ایدی
دیرلر و حتی بعض مورخین انصافی بیان صد دنده برده ارضروم
بکار بکیسی طرفندن بشیک التون تقدیم اولاندقده ارضروم منصبك
بو قدر التونه تحملی یوقدر دیو اوچیک التوننی الوب ایکی بیک التوننی
اعاده ایلدیکنی بازارلر بوندن استدلال اولور که اخذ رشوت اولوقلمده
منوعیت قویه تحتدن چیقمشدر صوقوالی محمد پاشا صددارنده بوداد
وستد ملعونه فی الجمله کسل کلشیکن مشار البهک وفاتندن صکره
اولدرجه ایلر اولدیکه اقسام وانواعنی بیان عذیم الامکاندر حتی قسطمونی
حکمدارلری اولان آل اسفندیار سلاله سندن اولوب مصاحب شهر یاری
اولان مشهور شمسی پاشا برکون یالیسنه غایت بشاشت ایله کلوب
سبی سؤال اولاندقده بو کون سلطان مراد حضرتلرینه بیوجک
بر رشوت قبول ایتدیرم بعدما بوانت دماغ سلاطینده مستقر اولور
وانتظام دولتک انحلائی ایجاب ایدرک بو صورتله بندخی اجدادک انتقامنی
المش اولورم دبدیکنی عالی افندی کنه الاخبار نام تاریخنده ایراد ایلشدر

اوائل دولته علمای اعلامک فضل و مزیتلری اعتبار یله مشیخت
وقاضیه سکرلک و مولویتلر توجیه اولور ایکن الان جاری اولان اصول
وقاعده طریق علمیه وضع و تأسیس اولمغله انجام حال موجب تأسف
وملال اولدیغنی مثلاً امارت ایالات والویه به وصول ایچون باب سابق
تکمله سده بیان اولنار طریق متروک اولوب کسب روت ایتش ملتزم لر میراوا
و میر میرانلغه دسترس اولور اولدیله و بناء علیه ظلم و اعتسافده کسب
مهارت ایتش نیجه نیجه نا اعلان مناصب دولته شایان کورلک مقدمانی

ظهوره باشلاڭىكه فصل آتيد. بونك نتاييجى دىنى از شاه الله تعالى ابرار
اولور

تفصيلات اداره اراضى

واردات دولتک ال باشاوسى عشر حاصلاتى اولوب اکرچه بو واردات
خاص وزعامت و تيمار صورتيه وزرا و امرا و بندگان و ايالات عسکرى
اولان تيمار او سپاهيسنه و وقف ناميله نشر معارف خصوصاً سینه
و بورتاق اوجاقلى تعبيريله حدود محافظه سینه و سینه اوجاقلى اصطلاحيله
بعض قلاع و امصار يراو نفراتنه مخصوص ايسهده بو تخصیص و تقسیم
سبيله سلطنت سینه و کلا و رجال دولت و مأمورین اقلام و بالمله طشره
والى و مأمورلى معاشندن و ارسته اولاد قدن بشقه آتیده تفصيل اولنه جنى
وجهله بلا مصرف يوز فرق پیک قدر سواری به مالک اولديغنه مبنی
اشبو اراضى توجیهاتک نظام موضوعى دائره سنده جریانه فوق العاده
اعتنا اولمشیدی

حتى بر ارضک وقفه و يا خود خاصک زعامته و يا زعامتک تيمار تحویلى
والحاصل موضوع لهنک جهت اخرايه تبديلى لازم کاور ايسه اراده
مخصوصه پادشاهى اوزرينه نشانجى بولنان ذانه خطاباً تصحيح امر عاليسى
صادر اولوب موجبجه نشانجى دى قیود دفتر خاقانى يى کند و قابيله
تصحيح وزيرينه امضاسنى وضع ايلک و بو فرمانک طغراسنى مطلقاً
صدر اعظم بولنانلر چکک مقتضای قانون دولتدن ایدی چونکه کرک
امور مهمه به و کرک دماوى به دائر صادر اولان فرمانلرک طغراسنى
قبه وزیرلى يعنى ايکنجى و اوچنجى و دردنجى وزیرلر ديوان همايونده
اوتوردقلى زمانده چکرلر ایدی

هر کسک معلومى اولديغى اوزره اراضى اوزرنده ايکى وجهله تصرف
جاری اولوب انک بریسی حق زراعتيدر که طابو سنديله متصرف اولان
کسان زراعت و انکله تعیش ايدرلر ايکنجیسی او ارض محصولک عشر
شرعیسنى المى و محمولاتنى طابونه تفویض ايلک و فراغ و انتقالى وقوعنده
معین اولان خرجنى استيفاء ايدرک طابو سندی و برک حتى اولوب بودى
دولته عائد اولدو بندن سلطنت سینه بو حقنى خاص وزعامت و تيمار اصحابنه

اعطا و تقسیم و بعض خیرات و مبرات و وقف اولی اوزره تخصیص اینمشد

مثلاً برقریه نیک اراضیسی طایف سندر یله سکسان یوز نفر اهالینک عهده
تصرفلرنده اولدیغی حالدده او قریه نیک کافه اراضیسی اوزرنده بولان
و جانب دولته عائد اولان حقوق عشریه سی بر سپاهینک تیماری
و یا بر زعمیک زعامتی و یا بر میراوانک خاصیدر و یا خود خیرات و مبراتدن
برشینک مصارفی قارشولغی اوله رق وقفه تخصیص اولمشد

بویابده تطویل کلام ایلدیکمزدن طولایی شو وجهله اعتذار اوانورکه
مالیه خزینه سی مأموریتلرنده بولندیغیمز اوانده قره طاغ حدودی تحدید
اولنوب اشفودره ملحقانندن بر مقدار اراضی قره طاغلور طرفنده
قالدیقندن صاحب لرینه جانب دولتن تضمین صورتنده اراضی ویرلک
لازم کشیدی

اتک اوزرینه مجلس مخصوص قرار یله کلان بیورلرینک مالی بکنده اشفودره ده
بر تیمار محلول اولمشد بر تیمارک اراضیسی تضمین ویر یله جک ادملره تقسیم
اولسون حکمی شامل اولغله تیمار دیمک چفتلک دیمک اولدیغی و تیمار
داخلنده بولان ترلارک صاحب لری بولندیغی جوابا اشعار اولمشد
برده زمانمزدده قلمه النان تار بخلردن خیر الله افندی تار بخلنده پادشاهان
عظام حضراتنک واردات مخصوصه لری خاص نامیله بر طاقم چفتلکاندن
عبارتدر دیلوب حالبوکه چفتلک ایله خاص بپشنده فرق عظیم اولدیغی
و تیمار وزعامت و خاصلرک کلیا الغاسی یکر می اوتوز سنه لک شی بولندیغی حالدده
بو وجهله احوال لرینک اونودل سنه نظرا ده اصرکر لری بتون بتون معلوم
اولیه جق بر حاله کله جکی مطالعه سنه مبنی ینه تفصیلاته دوام اولمق
اقتضا ایلدی

بر وجه مشروخ اراضینک حقوق عشریه سنه متصرف اولانلره اسان
قانونده صاحب ارض دینلور و اهالیدن بر بسی تر لاسنی صائیه جق اولسه
صاحب ارض حضورنده تقریر ویرمک و صاحب ارضک اتنی لاحق
اولق لازمدر و دیرلک دخی دیرلکه دیرلک مدار تعیش معائنه اولغله
طرف دولتن ویریلان هر نوع علوفه یو بهیه و خاص و تیمار وزعامت
پادشاه دیرلکی اطلاق اولنور

صاحب ارض دیراکی داخلنده محمول اولان اراضی بی و خالی عن الزراعه
بولان برلری طایفو مثلیله طالبلرینه تفویض ایلر فقط کندو عهده سنده
الیقویه من و آخر قضا اها ایسنه صاته من مکر که بیوک جفتک اولوب کوی
اهالیسنک دخی اراضی به احتیاجی اولیه چونکه کندو عهده سنده
الیقویه بیلسه بالاخره کویک جفتک اولسنی و آخر محار اها ایسنه صاته بیلسه
کویلونک مضایقه حاللرینی ایجاب ایده جکندن ذکر اولانان محذورلری دفع
ایچون بو وجهله قانون وضع اولمشدر

فتح ممالک واقع اولدقجه اراضیسی تحریر ایتدیریلوب هر قریه نك مقدار
حاصلات عشریه سی و نفوسی وقاج خانه دن عبارت ایدوی و هر قضانك
مستقلا و یا خود مشترکا استعمال ایلدکری اورمان و مرعائت و ترقیم اولوب
مثلا بر سنجاغك یوز یوک اقچه حاصلات عشریه سی اولوبده دیراکنک
هر نوعی دخی بولمقی فرض و تقدیر اولندیغی حالده یکر می یوکی خاص
واون یوکی زعامت و قرق یوکی تیمار و یکر می یوکی اوقاف و اون یوکی
اوجاقلق و یورتاق و اوجاقلق اولق اوزره تقسیم اولمشدر که بوجه ترتیب
کیفیتلری بیان و توضیح اولنور

حاصلات مقیده سی یوز بیک اقچه دن زیاده اولان دیراکنکه خاص اطلاق
اولنور و طرف پادشاهی به مخصوص خواص همایون ایله سلاطین عظام
حضراتنه تخصیص اولانان حاصلدن ماعدا وزرا و بکار بکی و میراوا
وسائر بندکانه معین اولان حاصل منصبلر یله قائمدر

یعنی هر منصبك متصرفی معین اولان خاصنه دخی تصرف ایدر و اصحاب
خاص سفره عزیمت ایلدکده قاج یوز بیک اقچه خاصی واریسه هر بشیک
اقچه سی ایچون برجه او کو تورمکه بورجلو و بو تقدیرجه اون یوک اقچه
خاصی اولان بر بکار بکی نام السلاح و حرب و ضربه قادر ایک یوز جبه او ایله
سفره کتمک مقتضای قانوندر فقط جبه لول امرانک توابعاتی دیمک
اولدیغندن اکثر یا بر بکار بکی و یا خود میراوا خاصی نسبتیله بورجلی اولدیغی
جبه اونک بر قاج مثانی استصحاب ایدر و قیوسی مکمل تعبیر یله شایان ساپاش

و تحسین او اولر ایدی

حاصلاتی یکر می بیک اقچه دن یوز بیک اقچه به قدر اولان دیراکنکه زعامت
اطلاق اولنور و بونلر دخی حاصلات مقیده مقدارینک هر بشیک ایچون

برجبه او کوتوردر لیکن زعامتله هریالت می کزنده بولنان خزینه و بیمار
دفتردارارینه وزعامت کتخدالارینه وهرسنبخافده اولان الای بکنه وقلاع
خاقانیه دزدارلارینه ورکاب همایونده بولنان قیوچی باشیلره وخواجکان
دیوان همایونه و متفرقه تعبیر قلنان زعمایه ودفترخانه و خزینه عامره
و دیوان همایون قلمی کتابخانه توجیه اولانه کلکله پک بیوک برجنایتی ظهور
ایتمد کجه عهده سندن رفع اولمز بناء علیه قید حیثاته مقیددر

حاصلاتی اوچبیک اقجه دن بکرمی بیک اقجه یه قدر اولان دیرلکه بیمار تعبیر
قانون و قلیج بیمار اطلاق اولنان اوچبیک اقجه سندن صکره هر اوچبیک
اقجه ایچون دیرلک صحی برجبه او کوتورمک مقتضای قانوندر مثلاً
التبیک اقجه بیمار منصرف اولان سپاهی برجبه او و طقوز بیک اقجه بیمار
منصرف اولان ایکی جبده او و اون طقوز بیک اقجه بیمار منصرف اولان
بش جبده او کوتورمکه بورجلو و بیمار اصحابی دیرلکنک بولاندیغی سنبخافده
متوطن اولق مشروطدر

بیمار اوچ نوعه منقسم اولوب برنجیسی والک کلیتوسی اشکنجی بیمار بدرکه
منصرفلری الای بکیسی بیراغی التمه مأمور اولدیغی سفره اشرا بکیسی
مستحفظ بیمار بدرکه منسوب اولدیغی قلعه محافظه سنده بولور اوچبکیسی
خدمت بیمار بدرکه بعضی سر خداتده بولنان جوامع امامت و خطابتنه
وسرای همایونلر خدمتانه مخصوصدر حتی سرای همایونه سنوی اوتوز بیک
سنبل صوغانی کتورمک وشاهین وجاقیر دینلان قوشلری تدارک و تقدیم
ایتمک ودها بونک کی ایشلری رؤیت ایتمک ایچون مخصوص بیمارلر واردر
بعضاً دخی بالذات پادشاهلر بعضی امکداران سپاهیان منصرف اولدقلری
بیمارلری نیکایه ایملر بدرکه ورثه سنه توارث ایدر

بر بیمار و بازعامت محمول اولدقده متوفانک حرب و ضرب به قادر اولادی وارایسه
اکا و یریلور اگر ولدی صبی ایسه ایقای خدمته مقتدر اولجیه قدر جبده او
کوندرمک شرطیله توجیه قلنور بلاولاد قوت اولان دیرلک اصحابنک بیمار
و بازعامتی جبده اولدن مستحق اولانه ویرلک اوزره بکار بکیر تذکره اعطا
ایدوب بعده در سعادتدن برات شریف ایله تفویض قلنور فقط بیمار ایسه
مثلاً اون بش بیک اقجه لک وزعامت ایسه اوتوز قرق بیک اقجه لک
بولاندیغی حالده ایجابنه کوره بیمارک اوچ بش بیک وزعامتک بکرمی بکرمی

بش بيكي توجيه اولنه رق اوست طرفلری شايد مكافات كوريلان ديرلك
صاحبلىرىنه ترقى يعنى ضميمه صورتيله تقسيم اولنور و بويلا ترقيلرايله
برسپاهينك تيمارى يكرى بيك اقچه يى تجاوز ايدر ايسه زعامت اعتبار قيلنور

يوز سنه ده بر كره عموما تحرير ممالك نظام موضوعى ايجابندن ايديسه ده
سلطان سليم ثانی زمانده ختام بولان تحريردن صكره اجرا اولنه مديفنه
وترقيات مشروحه سبيله ديرلكار دخی حصه لره منقسم اولوب باخصوص
مرور زمان ايله ديرلكار ك حاي اولديغى اراضيله معوريت و خرايت
وقوعندن ناشى بازوسى يعنى حاصلات مقيده سى ترقى و تنزل ايلديكته مبنى
بر اتلرده يازيلان اقچه برامى اعتبارى و بلكه حصه دارانه تقسيم
حاصلاتى ارانه ايجون بر ميزان حاكمنده قالمشدر

بر سنجاق و با ايلانك اشكنى زعما و ارباب تيمارى سفره مأمور اولدقه
هم محافظه وطن و همده ارقداشلىرىك ديرلكارى امور ينى تسويه ايلانك
ايجون اولنده برى مملكتلرنده قوروجى قالوب ماعداسى كيدر و مأمور
اولدقلى سرعسكر معينه وصوللرنده بوقله اولنوب كرك ديرلك اصحابى
و كرك جبه اولرى اير و اير و دفتر اولمقله فلان سپاهى و يا فلان جبه او
فلانجه پاشانك دفتر لوسيدر ديلور كه سفرده اثبات وجود ايتش ديمكدر
اكر سرحدانده قشله مق لازم كاور ايسه هر سنجاق سپاهيسى ايجلرندن بشر
اوز آدم انتخاب ايدوب خرجلقى ناميله يعنى تيمارلى حاصلاتندن كندولرینه
خرجلق كنورمك اوزره مملكتلرینه كوندورلر ايدى چونكه بونلره سفرده
بولندقلى وقت بيله معاش و تمين مئالو برشى و يرلر ايدى بك اختيار و عمل
مانده اولنلرى تيمارىك ترقياتى مساعد ايسه انكاه تقاعد ايديله رك قليج تعبير
اولان و وظيفه حربه يى شامل اولان اساس تيمار آخره تفويض قلمقله بكيدين
مصرف اچلمسز يى هم بر آدم تقاعده نائل اولور و همده اعداد هسكريبه
نقصان ترتب ايلز ايدى قوانين مبسوطه بك چوق انتظامات و حكيمياتى
موجب اولديغى ادنا ملاحظه ايله معلوم اولوب بونلردن برنجيسى سفرلى نقدر
مند و تلفات مشد اولسه عساكر هر قومده دن بر نفر اكسلك احتمالى بوقدر
چونكه بر تيمار محلول اوور ايسه اون طاللى بولنور ايكنجيسى اكثر اصحاب
تيمار اباعن جذ وطنلرىك ضابط و حارسى و مملكتلرىك اوجاق زاده سى
اولمقله اهالى بونلرى بيوك كورمش اولدقلىندن كندولرى دخی خاندانقله

مفتخر صاحب دارات ادملر ایدوکارندن قرا وقصبلرینک محافظه سنده
 قادر واشقیا واجانب تسلطی احتمالنده درحال اهلینک ایشه برارلرینی
 طوبایوب دفع وتنکیل اعدایه مسارعت ایده بیلک قوه عصبیه به مالک ایدیلر
 اوچنجیسی بونلرک اولادلری بابالرینه خلف اوله بیلک استحقاقنی تحصیل
 ایتیش بولنق ایچون وقت صباوتلرنده اته بیلک واسلحه قولالانق
 خصوصایله اشتغال ایده کلدکارندن فروست وسلاحشورلرده کسب
 مهارت ایدرلر ایدی دردنچیسسی بونلرک منافی دیرلرکری داخلنده
 بولان زراعتک تکثر زراعتلرینه وابسته اولدیغندن محتاج اعانه اولان اهللی به
 تخم و حیوانات اعطا وزراعتدن خالی محل قالماسنده اعتنا ایتلریله و کندولری
 ایچون دخی حیوان یتشدیرمک مجبوریتنده اوللریله ممالک محروسه بیلک
 معموریتی وتوانا حیوانلر یتشمسی امرلرنده تأثیرات کلیه لری بدیهیاتندن
 بولنمشدر

بوطانفنه بیلک تشویش نظام وانتظاملری مقدماتی دخی شو وجهله سرزده
 ظهور اولدیکه محلول اولان دیرلرک حرب وضرر به قادر واصحاب حیثیت
 وناموسدن اولان وملازملاک ایله خدمتی مسبوق بولان مستحقینه توجیه
 اولنه کلور ایکن عصر سلیمان خانیده چاشنکیر باشلیقدن بکار بکیلاک ایله
 چیقان خسرو پاشا رشوت ایله ویرمک سیئه سنده پدشوا اولدی
 عصر مراد خان ثالده ایران سرعسکری اولان عثمان پاشا محلول اولان
 تیمار وزعامتلی کیندو توابعاتنه توجیه ایتکه باشلامغه ایالتلر خلق دعوايه
 قیام ایلدکارنده بنم آدلرم بمله برابر بونجه سفرلده بولنمش و پادشاه
 دیرلکنه کسب استحقاق ایتشدیر دیو جواب و یروب نهایت محمولاتک ثانی
 مشار الیهک منسوباته و ثنائی ایالتلو ملازملرینه توجیه اولنق اوزره
 قرار ویرلدیکنی کور یخچلی قوچی بک لایحه معلومه سنده ایراد و بونک
 ابتدای وقوعنی عثمان پاشایه اسناد ایتدکنه نصرکه فی الحقیقه مشار الیهک
 آدلری بمن و ایران سفرلنده بک چوق خدمات حریبه ده بولنقلرندن
 استحقاقلرینی تصدیق ایلر ایلده تواریح متعدده مؤلفلری سلطان
 مراد ثالثک صوقوالی محمد پاشا حقیقه واقع اولان تحقیراتی بیان صد دنده
 مشار الیهک اون یدی نفر اغواتنک متصرف اولدقلری نمالو تیمار

وزعامتلى خواص همايون ضبط اولوب بدل اوله رق يازوسندن يعنى
حاصلات مقیده سندن منزل چورك تيمارل و يردیلر دیو حکایه ایدرل
بو تقدیرجه وزرا دأرلرنده بولنان توا بسانه دیرلک توجیهی دها اول
جریان ایتش دیمک اولور

اگرچه اولوقتک اداره سنجه هر وزیرک دأر سی بر مکتب حکمنده اولدیغندن
لباقت واستحقاقی مشاعده اولنانلره دیرلک توجیهی مخالف حکمت
حکومت دکل ایدیسده پادشاه دیرلکته نائل اولنلر بعد ازیں اقدیلری
دأر سنده قالیوب دیرلکک معین اولان موقعنده ایقای خدمت ایللری
لازم کلور ایکن بوقاعده صحیحیه رعایت اولمز اولدی حتی بیک برسنه سنده
کشاد اولنان سفر مذاکراتنده سرحدات عساکر مرتبه دن خالیدر
دیرلکار ایچ ایله دوشدی دیدکاری بومضایی متضمن ایدی زیرا اصحاب حرب
مخصوص اولان تيمار وزعامت متصرفلرینک دیرلکارینک بولندیغی
سبحاقده ساکن اوللری وخلافنده بولنانلرک دیرلکی رفع اولمسی اقوای
شرائط قانون همايوندن ایدی

برده کرک خواص همايون و کرک وزرا وامرا خاص وزعامتلى امانا
معرفتلیله تعشیر اولنه کلور ایکن رستم پاشا خواص همايونی التزامه
وبرمک بدعت مخربه سنی ایجاد ایدوب کیدرک وزرا وامرا خاص
وزعامتلینه و اوقاف اراضیسینه و بلکه تيمارلره قدر سرایت ایلدی
ملترملر دیرلک اصحابی کی ایلرو سته لر حاصلاتنک تکثری مطالعه سنده
اولاملرله زراعه دراو دراو ظلم و تعدی به منجاستر اولدقلرندن ممالک
دولتک خرابیتنه بودخی بر سبب قوی اولدی

اوائل دولته خرسنیانلقدن فتح اولنان ممالکک بعضی قراسی سلاطین
عظام حضراتنک انشاسنه موفق اولدقلری خیرات و مبرات مصارفاتنک
تسویه سی ایچون وقف و تخصیص اولندیغی مثلاًو بعضیلری دخی
اورنوس بک و میخال بک و لالا شاهین پاشا و تیمور طاش پاشا کی بالذات
خدمت فتحده بولنان مجاهدین مسلمینه و بعض اعزه کرامه تملیک
بورلدیغندن انلر دخی وقف ایتشلردر تملیک اولسان شی عینیه تيمار
وزعامت و تیرسی اوزره زراعت باطایون تحت تصرفلرنده بولنان ترلارک
حقوق عشریه و عرفیه سی اولغله جانب وقفدن تعشیر و محمول و خالی

عن الزراعة اولان يرلى طالب اولان زراعه تفويض اولنوب حاصلات
خبرات ومبرات مصارفه صرف اولنور ابدى

ملوك اسلاميه دن نزع اولنان ممالكده ملوك سالفه نك كرك كندو وقفارينه
وكرك اعزه كرامه تخصيص ايلدكارى اراضى اكثر يا حال وقفيتده ابقا
اولندي ليكن كيدرك بو خصوصيه دخی سوء استعمالات جريان ايتكه باشليوب
يوز سنه اول فتح اولنوب خاص وزعامت اعتبار اولنان اراضى وزرا
وامر ايه تملك اولنور ووقف ايديلور اولدى

ياوز سلطان سليم دن بعض مقر بلرى بر مقدار اراضى تملكى رجا ايلدكارنده
ابتداى جلوسمزد غفله على پاشايه بعض قرا تملك ايتشيدم اصحاب
سيفك مخصصاتى ماوضع له نك غيرينه ويرديكمن طولاني حالانام
ويشيانم بيوردقلى منقولدر

دها صكره لى ايش بتون بتون چفرنن چقمقله اراضى توجهات
وتخصيصاتى حقنده تفصيل اولنان مقدمات افساديه نه درجه لره قدر
ترقى ايتديكى ونه مرتبه ده اغتشاش امور دولتى مستلزم اولديغى انشاالله
تعالى اتیده ايراد اولنور

اوجاقلق تعميرى ترسانه عامره مصارفه وياخود بر قلعه مستحقظلرينك
ويا بر شهر يرلو نفرا تكم علوفه يوميه لرينه قارشواق اوله رق تخصيص
قلمش اولان برقاج قريه ويا برقضا حاصلات عشرية وعرفيه سنه اطلاق
قيلنور وبونلر دخی عينيله ديرلك كى اداره ووارداتى ماوضع له نه صرف
اولنور فقط اوجاقلق يالكر اعشاره منحصر اوليوب جزيه وميزان حرير
وكرك مثلاً بعض رسوماتدن دخی تخصيص اولمشدر

ياوز سلطان سليم مرحوم جالديرانده شاه اسماعيلى تدبير ايلدكمن صكره
ادر يس بداييسى كوندروب حدود اوزرنده بولنان امر اى اكرادى طرف
دولت عايله اتباع ايتدیرمش اولديغندن امر اى موسى اليه نك متوطن
اولدقلى محللار كندولرينه يوردلق واوجاقلق ناميله توجه اولندي
يوردلق واوجاقلق حادى اولديغى اراضينك واردات عشرية وعرفيه سى
وامر حكومتى متصرفلرينه عائد خدمتلى دخی حدودى محافظه ايتك
واوجاقلق اردو سوق اولنور ايسه سر عسكرلر معيتمده بولنق ماده سندن

عبارت اولوب حل وقوعنده دیرلکاری اوغلارینه و بلا ولد ایسه
او خاندانن مناسبنه توجیه قلمق دخی جله شرائطنددر

ممالک عثمانیه نك حاوی اولدیغی ایالات

ایالت روم ایلی پاشا سنجاغی یعنی مرکز ایالت اولان مناستر و صوفیه
لواریه موره واسکندریه یعنی اشقودره ویانیه و ترحاله و کوستندیل
واوخری و دوقه کن و اولونیه و ایلبصان و سلانیک و دالونیه و اسکوب
وودین و الچه حصار و برزین و برشته و سلستره و نیکولی و چرمن و ویزه
و قرق کلیسا و بندر و افکرمان سنجاقلری حاوی اولوب بکر بکیسنگ
سنوی بره بون یوزیک اقچه لک و میراوارینک دخی ایک یوزیک اقچه لکدن
بش یوزیک اقچه لک قدر حاصلری واردر بو ایالتده طقوز یوزاون
درت زعامت و سکر بیک اوجیوز التمش تیمار اولغله بالجله حاصلات مقیده لری
الی الی ملیون سکر بیک کسور اقچه به بالغ و قوه عسکریه سی دیرلک
اصحابک جبه اولریه برابر اوتوز اوج بیک قدر سواری به رسیده اولور
سلستره دن صکره محرر اولان سنجاقلره مؤخر اوزی و قلیرون و کیلی لوارلی
الحاق اولنهرق سلستره ایالتی تشکیل اولدیغی مثلاً موره دخی الی سنجاغه
بالتقسیم مستقل ایالت اتخاذا قلمشدر

ایالت بوسنه سرای بوسنه و کلیس و هر سک و ایزورنیق و یوزغه و راجنه
و کرقه و راه و یجه سنجاقلردن عبارت اولوب بکر بکیسنگ سنوی التیوز
الی بیک اقچه لک و میراوارینک یوزیتمشیک اقچه لکدن التیوز قرق بیک
اقچه لک قدر حاصلری واردر بو ایالتده اوجیوز سکسان طقوز زعامت و تیمار
اولدیغی حالده عمومک حاصلات مقیده سی اون ایکی ملیون ایک یوز بیک اقچه به
بالغ و قوه عسکریه سی جبه اولریه برابر اوج بیک سواری به رسیده اولور
هرنه سیه مبنی ایسه بو ایالتک دیرلکاری جسامت لوجه تفریق و قیودان
تعبیر اولنور خاندانلره تقسیم قلمق حسبیه عدد تیمار و زعامت مائر ایالاته
و عموم حاصلاته نسبتله ازجه در

ایالت طمشوار طمشوار و کوله و موزوه و جنات و یانوه سنجاقلری
حاوی اولوب صکره دن قتح اولنان شیش و لغوش و قاجاص و واراد
و بشاک لوارینک الحاقیه اون بر سنجاغه ابلاغ اولمشیکن مؤخر یانوه

و برقاج سنجاق دها برلشیدیرلرک و اراد ایالتی تشکیل قلمشدر
طمشوار بکار بکیشنک سنوی سکر یوک التیبیک یدیوز طقسان بش والویه
ملحقه میرالارینک یوز طقسان بیک اقچه لکدن اوجیوز بیک اقچه لکه قدر
خاصلری وارد و عموما خاص وزعامت و تیمارلرک حاصلات مقیده لری
سکسان بشیوک کسور اقچه اولوب عسکر یسی دخی ایکیک سوار یی
بالغ اولور

ایالت بودین بودین و سمندره و یچوی و استونی بلغراد و اوسک و مهاج
و استرغون و سمر و شمو نطوری نه و سکسار و اگری و قانیزه و صولتی و سکدین
و خطوان و فلک و سبجان و سکتوار و قوبان و نو یغراد سنجاقلرینی شامل
اولدیغی حالده مؤخر اگری و قانیزه سنجاقلرینه یدیشر لوا الحاقیله مستقلا
ایالت اتخاذا اولندیغی مثلاً ایوار قیچندن صکره کذلک یدی سنجاق تشکیله
بر ایالت دها ترتیب اولندی

شوراسی دخی اخطار اولنور که تفصیلات مبسوطه مزک مأخذی اولان
دفتر امناسندن هین علی افندیکن « قوانین ال عثمان در خلاصه مضامین
دفتر دیوان » نامنده اولان رساله سی بیک اون الی تاریخنده ترتیب اولمش
ایسده بیک یوز سنه لرینه قدر اولان وقوعاتک بعضیلری دخی رساله ک
حین طبعنده علاوه اولوب فقط هر فصل ایسه کرید قحی درج و تسطیر
قلمامش و اسامینک حتی التزامندیمدر ندر خیلی تغییرات اجرا اولمشدر
بنابرین فصل اتیده تکرار ایراد اولمغه لزوم قالماق ایچون هر تقدیر بیانی
صددنده بولندیغیز مدتک خارجنده ایسده علاوه مز بوره نک لزومی
اولنلری دخی تسطیر قلندی بودین بکار بکیشنک سنوی سکر یوک سکسان
بیک و ملحقاتی بولنان میرالارلرک ایکیوز اون بیک اقچه لکدن یدیوز قرق
بیک اقچه لکه قدر خاصلری اولوب مجموع ایالتده ایکیک یدیوز بکرمی ایکی
قلیج زعامت و تیمار وارد قلیج تعبیری دفتر خاقانی اصطلاحاتندن اوله رق
ارباب حربیه مخصوص اولان زعامت و تیماراتک اصل باش قلمنه یعنی اساسنه
اطلاق اولمغه رقی اوله رق صکره دن الحاق و اعطا اولنان ملحقات قلیج
تعبیرندن خارج قالور و حل و قوعنده قلیجی مجددا بر یسنه و ملحقاتی رقی
اوله رق درلک اصحابنک مستحق مکافات اولنلرینه علاوه توجیه قیلنور

بغداد و مصر و بودین ایالتلری وقتیه دارالسلطنه اولدقلرندن میر میرانلرینک
قوجیلی قایغه بئک ورکابنده صولاق و پیک یورتمک و بر درجه ده قدر
توجیهاته مأذون اولاق کی بعض امتیازلری وار ایدی

ایالت اناتولی پاشا سنجاغی اولان کوتاهیه ایله صاروخان و ایدین
و خداوندکار و قسطمونی و منتشا و بولی و انقره و کنتفری و قره حصار صاحب
وتکه ایلی و حید ایلی و سلطان اوکی و بالیکسری سنجاقلرینی حاوی اولوب
بکار بکیسینک اون بوک و میراوارینک ایکی بوکدن اتی بوک اقیچه لکه قدر
خاصلری واردر بو ایالتده یوز طقسان بش زعامت و یدیدیک یوز التمش اتی تیمار
اولغله جبه اولریله برابر قوه عسکریه سی اون یدیدیک سواری به بالغ اولور

ایالت قرمان پاشا سنجاغی اولان قونیه دن ماعدا نیکده واقسرای
و بکشهری و قیر شهری و قیصریه و اقشهر سنجاقلرندن هر کب اولوب
بکار بکیسینک سنوی اتی بوک التمش بشبیک و میراوالقارینک یوز طقسان بیک
اقچه لکدن اوجیوز الی بیک اقیچه لکه قدر خاصلری واردر و بو ایالتده
یوز اون اتی زعامت و بیک بشیوز درت تیمار موجود اولغله جبه اولریله برابر
قوه عسکریه سی درتدیک اتی بوز سواری به رسیده اولور

ایالت جزایر بحر سفید کایبولی و اغریوز و اینه بختی و قارلی ایلی و مسستره
وردوس و مدلو و قوجه ایلی و بیضا و صفله سنجاقلریله سالیانه ایله
تصرف اولنان ساقز و نقشه و مهدیه اولارینی حاویدر بو ایالت
قیودان پاشاغله هر بوط اولوب بکار بکیسینک یعنی قیودان پاشانک سنوی
سکر یوز سکسان بشبیک و میراوالقارینک ایکیوز اون بیک اقیچه لکدن
درتیوز فرق بیک اقیچه لکه قدر خاصلری واردر اشبو ایالتده یوز
یکرمی اتی زعامت و بیک درتیوز طقسان ایکی تیمار بولمغله قوه عسکریه سی
جبه اولریله برابر درتدیک بشیوز نفره بالغ اولور و بونلره دریا قلمی اطلاق
قیلنوب دریا سفرلینه اشیرلر میراوالری دخی برر ایکیشر کی ایله دوتنای
همایون معینده ایغای خدمت ایدرل صفله یعنی از میر سنجاغی ترسانه
کتخدالرینک خاصیدر

ایالت قبریس پاشا سنجاغی اولان لفقوشه ایله ایجیل و سیس و غلائییه
و طرسوس سنجاقلرینی و سالیانه ایله تصرف اولنان کرینه و باف
و ماغوسه اولارینی شامل اولوب بکار بکیسینک سنوی اتی بوک و سنجاغی

بکلیکارتینک ایکیوز بیک اقیچه لیکدن ایکیوز قرق بیک اقیچه لیکه قدر
خاصلری واردر بویالتده اوتوز سکر زعامت و بیک الی یوز بکرمی بدی
تیمار اولغله قوه عسکریه سی جبهه لور یله برابر درت بیک بشیوز کشی یه بالغ
اولور وقبریس بکلیک بکلیری برکی و بریدک ایله دریاسفرینه اشک اوزره
مأموردز جزیره مذکوره قح اولندقدن صکره اهمیت زمانیه سنه بناء ایالت
اتخاذ قلمش ایسده بکلی بکلیستک تقوایه بازوی اقتداری ایچون خارجدن
اعانه یه لزوم کورندیکندن اناطولی ساحلنده واقع اولوب بالاده محرر اولان
درت سنجاقلر علاوه والحق اولغله ایجابی تقدیرنده میرمیران ایالت مذکور
سنجاقلرک ار باب زعامت و تیمارینی جزیره جالب واستخدام ایده بیلور
ایدی

ایالت ذوالقدریه مرعش وملاطیه وعینتاب وقارص ذوالقدریه
وصمصاد سنجاقلرندن عبارت اولوب بکلی بکلیستک الی یوک بکرمی سکر بیک
درت یوز الی ومیر لوالقارتینک اوجیوز بیک اقیچه لیکدن بشیوز بیک اقیچه لیکه
قدر خاصلری واردر و بویالت بکرمی طقوز زعامت وایکی بیک یوز قرق
تیماری حاوی اولغله قوه عسکریه سی جبهه لور یله برابر بشیک بشیوز
سواری یه بالغ اولور عصر سلیمان خانیده مرعش حکمداری بولنان
شهمسوارزاده علی بک فرهاد پاشا غدیریله مقتول اولدقده زعامت و تیمارلر
میرمرحومک توابعاتنده بولنق مطالعه سیله رفع والفا ومقاطعات میریه
اتخاذ قلمشیدی برقاج سنه هرورنده جلایلر ظهور ایدوب دیرلکندن
محروم اولان کسان دخی انلره النحق ایله جهیت شقاوت کسب جسامت
ایلدیکندن اولوقت صدر اعظم بولنان مقتول ابراهیم پاشا مذکور
مقاطعه لری هیئت اصلیه سنه ارجاع واصحابنه وسائر مستحق اولنلره اعاده
وتوجیه ایدرک جهیت اشقیایی طاغتمه موفق اولش واول زماندن برو
تکرار زعامت و تیمار صورتیه تصرف اولنه کلشدر

ایالت رومیه صغری پاشا سنجاقلی اولان سبواس سنجاقلیه اما سیه وجورم
و بوزق و دیور بکی وجانبیک وعر بکیر لوالرینی حاویدر بکلی بکلیستک
طقوز یوک ومیر لوالرینک ایکیوز بیک اقیچه لیکدن اوجیوز الی بیک
اقیچه لیکه قدر خاصلری واردر بویالتده بکرمی طقوز زعامت و اوجبیک

يکرمی بر تیمار اولمغه جبه اولر یله برابر قوه عسکریه سی طقوز بیک مقداری سواری به رسیده اولور

ایالت ارضروم ارضروم وقره حصار شرقی وکیخی وخنس وپاسین علیا وملازکرد وتکمان وقوزی جان واسبر وطرطوم وپاسین سفلا ومامروان سنجاقلرینی شامل اولوب بکار بکیسنک سنوی برملیون ایکوز اون درت بیک ومیر اوارلرینک یوز بیک اقچه لکدن اوچیوز یکرمی بیک اقچه لکه قدر حاصلری واردر بوایالتده یوز یکرمی زعامت وبشیک یوز الی طقوز تیمار اولمغه قوه عسکریه سی جبه اولر یله برابر یدیک سکز یوز سواری به بالغ اولور

ایالت شام دمشق وقدس شریف وغزه وصفد ونابلس وعلون وبلون وبقاع وعکه وتدمر وصیدا مع بیروت وکورك مع شویک سنجاقلرینی حاوی اولوب بکار بکیسنک سنوی برملیون اقچه لک ومیر اوارلرینک ایکوز بیک اقچه لکدن اوچیوز التمشیک اقچه لکه قدر حاصلری واردر بوایالتده یوز یکرمی سکز زعامت وسکز یوز التمش سکز تیمار اولمغه جبه اولر یله برابر قوه عسکریه سی ایکبیک التیوز مقداری سواری به رسیده اولور

ایالت طرابلس شام طرابلس وحما وحص وسمیه وجبلیه سنجاقلریندن عبارت اولوب بکار بکیسنک سنوی سکز یوک اقچه ومیر اوارلرینک ایکوز اون بیک اقچه لکدن اوچیوز طفسان بیک اقچه لکه قدر حاصلری واردر بوایالتده التمش اوچ زعامت وبشیوز التمش بر تیمار اولمغه جبه اولر یله برابر قوه عسکریه سی بیک درتیوز سواری به بالغ اولور

ایالت حلب حلب وادنه واکراد کلیس ویره جک وعزیز ومعرة وترکان حلب وعزاز و متیج مع مضیق سنجاقلرینی حاوی اولوب بکار بکیسنک سنوی سکز یوز اون یدی بیک ومیر اوارلرینک ایکوز بیک اقچه لکدن بشیوز بیک اقچه لکه قدر حاصلری واردر بوایالتده یوز درت زعامت ویدیور طفسان طقوز تیمار موجود اولمغه قوه عسکریه سی جبه اولر یله برابر ایکبیک بشیوز سواری به بالغ اولور ادنه سنجاغیکه طوائف ملوکن رمضان اوغلاری حکومتگاه یدر فصل سابقده بیان اولندیغی اوزره بونلر کاه سلاطین مصر بهیه وکاه دوات عثمانیه به طرفدار کچمکده ایکن

مصر فتح اولندقدن صكره بالطبع دولت عليه نك زير حكمنه داخل
اولدقلرندن سنوى اون يوك كسور اقچه لك خاص تعيين و حكومت تعبيريله
ادنده تمكين اولمشلر ايدى هرور زمانه حكومت مزبوره مندرس اوله رقى
مستقل ايالت انخاز قلمشدر

ايالت رقه پاشا سنجاغى اولان اورفه سنجاغيله جماسة و خاور و ديرره به
و بنى ريحه و سروج وعنه سنجاقلرينى حاوى اولوب بكار بكيسنك سنوى
التبوك سكسان بيك اقچه لك و مير لوارينك يوز بيك اقچه لكدن ايكيوز
سكسان بيك اقچه لكه قدر خاصلرى واردز بو ايالتده اوتوز يدى
زعامت والتبوز اون التى تيمار اولغله جبهه لوريله برابر قوه عسكر يه سى
بيك التبوز سوارى يه بالغ اولور

ايالت قارص قارص و حيوان وزار و شاد و كچوان و قغزمان مع شوره كل
سنجاقلرندن مرتب اولوب بكار بكيسنك سكر يوز يكرمى و مير لوارينك
ايكيوز بيك اقچه لكدن درتبوز بيك اقچه لكه قدر خاصلرى واردز
بو ايالتده بيك ايكيوز التى زعامت و تيمار اولغله قوه عسكر يه سى بونسبنده
اولق اقتضا ايدر

ايالت چلدر چلدر و اوانى و خرنوش واردنوج واردهان و حرك
و بوشخو و ماخجيل و اجاره و پيك و برترك و اوانه و نصف لوانه و شوشاد
سنجاقلرينى حاوى اولوب بكار بكيسنك طقوز يوز يكرمى بشييك
و مير لوارينك ايكيوز بيك اقچه لكدن التى يوز بيك اقچه لكه قدر خاصلرى
واردز والويه اخبره نك دردى بورتلق و اوجاقلق وجهله تصرف
اولنور بو ايالتده طقسان يدى زعامت و بشبوز الى طقوز تيمار اولغله
قوه عسكر يه سى جبهه لوريله برابر بيك سكر يوز سوارى يه رسیده اولور

ايالت طربزون طربزون و باطوم و كونيۀ سنجاقلرندن عبارت اولوب
بكار بكيسنك سنوى يديوز اوتوز درتبيك سكر يوز الى طقوز اقچه لك
خاصى واردز بو ايالتده الى التى زعامت و درتبوز طقسان سكر تيمار اولغله
جبهه لوريله برابر قوه عسكر يه سى بيك يديوز الى سوار ايدر

ايالت كفه بو ايالت بر سنجاقدن عبارت و قريم جزيره نك بحر ازاى
جانبنده واقع و برقاچ قلمه بى حاوى اولوب بكار بكيسنك التبوز يمش

طفوز بيك افجه لك خاصي واردر وقریم خانلرينه اعطا اولنه كلان
يوميه بيكر افجه جيب خرچلغی كفه مقاطعه مندن محوادر مغ مافیه
بشيوز الی درت عدد تیمار وزعامت دخی موجوددر

ایالت موصل پاشا سنجاغی اولان موصل سنجاغیه باجوانلو و تکریت
واسکی موصل وهورن و بانه لوارینی حاوی اولوب بكار بکيسنك سنوی
التیوز سكسان بيك ومير لوارينك ايكیوز بيك افجه لكدن ايكیوز بکرمی
بيك افجه لكه قدر خاصلری واردر و ايكیوز یتش درت زعامت و تیماری
حاویدر

ایالت دیاربکر پاشا سنجاغی اولان امد یعنی دیاربکر لواسیله اُخر بوت
وارغنی و سیورک و نصیبین و حسنکیف و جمشکرک و سمرد و مفارقین و افجه
قلعه و سنجار و خابور و صفهان و قوالب و مهران و ترجیل و اوتاق و یرتک
و چباقلور و چرمیک سنجاقلرینی حاوی اولوب بكار بکيسنك برملیون
ایکیوز بيك ومير لوارينك یوز بيك افجه دن بشیوز بيك افجه لكه قدر
خاصلری واردر بوسنجاقلرك سكرينه اكراد بکاری یورداق و اوچاقلق
وجهله متصرف اولدقلری مثلاً و درتیوزدن متجاوز عشائر اكراد بکاری
دخی واردر که میر لوار کی صاحب توغ و علم اولوب زعما حکمنده در
و بو ایالنده قرق ایکی زعامت و التیوز سكسان سكر تیمار اولفله قوه
عسکریه سی جبهه لور یله برابر بيك سكر یوز و اكراد عسکر یله معاطفوز
بيك سواری یه بالغ اولوز

ایالت وان وان و عادیلجواز وارجیش و موش و بارکری و کارکار و کسان
و آسیابرد و افاکس و اكراد بنی قطوز و قلعه یازید و بردع و اوو جق
سنجاقلرینی حاوی اولوب بكار بکيسنك سنوی برملیون اوتوز ایکی بيك
ومير لوارينك ايكیوز بيك افجه دن درتیوز الی بيك افجه لكه قدر
خاصلری واردر بو ایالنده یوز طقسان طفوز زعامت و طفوز یوز اون الی
تیمار اولفله قوه عسکریه سی بونستنده اولق اقتضا ایدر

بغداد و بصره و مصر و یمن و حبش و لحسا ایالتلریله جزایر بحر سفید
و حلب ایالتلرند و اقع بعض سنجاقلر سالیانه لو اولدیغندن اول امرده
بونك تعریفنه ابتدار اولوز شویله که سالیانه لو دینلان ایالات والویه
ممالك سائر کی وقتیه خاص وزعامت و تیمار صورتیه تفریق و تقسیم

اولنامه‌ی بالجه حاصلات عشریه و عرفیه سی خزینة دولتہ عائد در بناء علیہ
حاصلات واقعه دن میر میران و میر لوارہ سالیانہ یعنی معاش سالیہ
و برلی قوی تعبیر قلنان محلی طوائف صکریہ سنہ علوفہ معینہ اعطا
اولنوب فضلہ سی جانب دولت علیہ کوندریلور فقط شوراسیدخی
معلوم اولسونکہ مصر ارسالہ سی درتیوز بیک التون ایکن عصر سلیمان
خانبدہ مصر بکار بکلیسی پاشا التیوز بیک التونہ ابلاغ و ارسال ایلد کده
سلطان سلیمان مرحوم سینی استفسار ایلدی پاشای مزبور هر نقدر
بوفضلہ حسن اداره و تصرفات ثمره سیدر یوخسه قدیمندن زیادہ اہالی بہ
برشی طرح اولنامہ شد در دیو جواب و یردی ایسده پادشاه مشار الیہ
حضرتلری مذکور فضلہ بی خزینة عامرہ بہ قبول ایتیموب استانبولہ اجرا
ایلدکاری صویولارینہ و تکرارینہ خرج ایتیمشدر

ایالت بغداد بغداد و حله و زنکی آباد و جوارز و رماحیہ و چنگولہ و قرہ طاغ
و درتک و سماوات و بیات و درنہ و دہبالا و واسط و کرد و تیمور قپو
و قزانہ و کیلان و ال صایح و عمادیہ و سنجاق و حکومتلری بی حاویدر
بغداد بکار بیکلکنک برملیون درتیوز بیک اقچہ سالیہ سی اولوب الویة
ملحقہ نک بعضیسنده خاص امرا وار ایسده اکثریسی سالیانہ ایلہ
موظفدر

ایالت بصرہ عصر سلیمان خانبدہ بغداد فتح اولندقدہ بصرہ امیری
راشد عرض اطاعت ایتیکلہ بروجه حکومت کندوسنہ تقویض اولنوب
برمدت مزبورک اعقابی تحت اداره سنده قالدقدنصرکہ جانب دولت علیہ دن
میر میران کوندریلکہ باشلادی و التزام صورتیلہ بکار بکیلرہ توجیہ اولنور
اولدی حاصلاتی اون یوک اقچہ یہ بالغ اولور

ایالت الحسا بودخی بغداد فتحندن صکرہ حوزہ حکومت عثمانیدیه داخل
اولوب سکر یوز سکسان بیک اقچہ سالیانہ ایلہ میر میران کوندریلور ایکن
مؤخرًا عربان تسلطنہ گرفتار اولغله بغداد والیرینک اقتدار لوجه لری
بردرجہ یہ قدر تنفیذ حکومت ایدرلر ایدی

ایالت یمن سلیمان پاشا و سنان پاشا سفر لردن صکرہ یمنک اکثر موافقی
تحت حکومت دولته داخل اولوب مخا و زبید و صنما و تمز و صہلہ و کوبان
و طویلہ و معارب و عدن لوالری تشکیل قلمش و بکار بکیلر خلیجہ آثار

براقوب برارالق عدن ابروجه بكار بكلاك اتخاذا اولمشيكن بيك تار يخنندن
صكره لري اورالره باقلمغه زمان مساعد اولمديغندن اكثر محملاري اماملك دست
تصرفنه كچه مشدر

ايات حبش مصوع وسواكن سنجاقلرندن عبارت اولوب فقط اوز تيمور
پاشا و اوغلي عثمان پاشا حبش بكار بكيسي ايكن حبشيلر ايله عظيم جنكلر
ايدوب توسيع دائره حكومت ايلشلا ايدى مؤخر ايات من بوره بر طاقم
نا اهلاره توجه اولمغله شيرازه حكومت بوزلدى دهها صكره جده سنجاغى
مرکز ولاه اتخاذاوانوب ايات حبش دخی الحاقا توجه اولنور اولدى
ساليانه سي اون بر يوك سكسان بيك اقچه در

ايات مصر جرجه و ابريم والواحات ومنفلوط وسيوط و بهنسا
و شرقيه و غرييه و منوفيه و منصوريه و قايوبيه و بحيره و اسكندريه
ودمياط ورشيد سنجاقلرينى حاوى اولوب بكار بكيله كنك در تيوز سكسان
يدى كيسه ساليانه سي واردر

ممالك محروسه ده واقع سنجاقلره تعيين اولنان مير اولار جانب دولت عليه دن
انتخاب وارسال اولنور ايسه ده مصر و بغداد كي اوزاق اولان اياتلرك الويه
ملحه سنه بكار بكيلر تعيين مير او ايدرلر ايدى دولت چرا كسه بقايا سندن
اوله رق مصرده بر طاقم كولمن بكارى موجود اولوب بونلره مخصوص
منصب و كويلر واردر كه بكار بكيلر تفويضه مأذوندر اسكندريه
ودمياط ورشيد سنجاقلري ساحله بولمق تقريريله اكثر يا بوجه خاص
ترسانه عامره امراسنه توجه اولمغله طرفلرندن مسلم كوندروب اداره
ايديرلر و فضله حاصلاتيله تعيش ايدرلر بو كوله منلرك نتايج احوالى
ان شاء الله تعالى فصول آتيه ده تفصيل اولنور

طرابلس غرب و تونس و جزاير اياتلري بونلره غرب اوجاقلري اطلاق
اولنور و امر ادارلري بتون بتون بشقه بر حالددر شوييله كه بو اياتلر
فتح اولندقيجه رلى قولى ناميله سكرز اوز بيك ترك عسكرى برا غلشيدى
اسپانيوللرك انداسده بولسان عربلر حقنده متجاسر اولدقلري حرکات
غدارانه سبيله ملت اسلاميه ايله اسپانيا اولر بيشنده مخصوصه قويه حادث
اولديغنه و دولت عليه نك ايسه اسپانيا دولتيه اصلا معاهدسي سبقت
ايتديكند مبنى ذكر اولنان اوجاقلر خلق تدارك ايلدكلري سفن حربه ايله

على الدوام اسبانيا ساحل وجزيره لى غارت و تبحار سفينه لى بنى اخذ
وضبط ايدر و ايجاب ايند كجه دونماى همابون معيته جلب اولنه رق
خدمات سفر يده بولنورل ايدى

برده اول عصرده مالطه قورصانلى اسلام تبحار سفينه لى بنى شكار ايتك
ايله مشغول و مالوف بولند قلزندن غرب اوجاقلرى دخی دولت عليه جه
انله مقابل طولمشر اسپانيولار بو اوجاقلرك اك قوتلوسى و كندولر ينه
اك قريبي بولنان جزيره دفماتله هجوم ايلديلر ايسه ده كللى ضايعاتله
كرفتار اوله رق رجعت قهقرى يه مجبور اولمشلردر كيدرك مذكور
اوجاقلرده عصبيت عسكر يه حاصل و فى الاصل بولنر يكچيرى ايكن
دايى تعميرى ايله كى قيودانلى و صاحب نفوذ ضابطان حادث اولمقله
بكار بكيلرك چوقلق حكيمى قاليوب حل وقوعنده ايجلزندن انتخاب ايدر
اولديلر و جانب سلطنت سيده دن دخی تصديق و توجيه اولمقله باشلادى
ايكى اوج سنده بر كره طرف دولت عليه يه هديه تقديم ايدرلر و ترسانه
عامرهدن دخی كندولر ينه سفينه و ادوات حربيه اعطا اولنور ايدى

اناطولى و افدكز جزيره لى اهالىسك اشبهلرى و برجنائتله متهم اولوب
نحريات حكامه مبتلا اولنلر غرب اوجاقلر ينه فرار ايدرلر و بعضا دخی
مذكور اوجاقلردن مخصوص مأمورلر كلوب ازميز و سائر يرلده بايراقلر
آچه رق صولومه دن جان و یرمك و ترلمه دن مال قزاقق استيانلر بايراقنر الله
كلسون ديو دللالر ندا اينديروب عسكر بازارلر ايدى ده ا صكره لى
مذكور اوجاقلر خلقنه اوروپا دولتلر يله عقد معاهده ايتكه جانب
دولت عليه دن رخصت اعطا اولمقله و بعضا دخی اجبار قلمقله بتون
بتون برسر بست اداره استحصا ايلديلر واقعا بولنرك معاهده لى
دولت لرجه مرعى اولان قيود و شروط بولت بقيه لى حاوى اوليوب ترك
مخاربه دن عبارت و بر نوع متاركه ديمك ايسه ده بومأذونيت آتيده
دولت عليه يه بيوك مشكلاتى دعوت ايتمشر

بالاده قسطنطين اولان ايلاتدن ماعدا دولت عليه يه تابع بعض حكومتلر دخی
واردركه بوجه اتى ايراد اولنور

شرافت حجاز شرفای اداره‌دهن شریف قناده بشیوز طقسان
طقوز سنه‌سی حرمین شریفی شرفای هواشم یندن اخذ وضبط
ابدوب تشکیل حکومت و امارت ایش ایدده بحر احمر ساحلاری سلاطین
مصریه زیر حکمنده بواندیغنه و بلدتین مبارکتینک ذخائر وارزانی
مصر دن کلکه منوط ایدوکنه مبنی مصر پادشاهلرینک ناملری خطبه‌لرده
یاد اولنور و بدرجه‌یه قدر امر ونهیلری دخی تنفیذ قبلنور ایدی
باوز سلطان سلیم مرحوم فتح مصر ایله کامین اولدقده شریف وقت
بولان ابوالبرکات تبریک فتح وظفر ایچون اوغلانی والان زیب ارای
خزینة عثمانی اولان بعض تبرکات جلیله بی اعزام وارسال ایتکله مظهر
صنوف تکریم اولمشیدی

یمن و حبش طرفلرنده کوندن کونه جیوش عثمانیه تکر ایدرک طقوز یوز
فرق درت سنه‌سنده حرمین شریفنه طرف دولت علیه دن قاضی نصب
وارسال و سنان پاشانک یمن سفری عودتنده جده مکرکنک نصف حاصلاتی
شریف بولانلره تخصیص قلندی

دها صکره‌لری لواء جده و ایالت حبش و شیخ الحرملاک مکه خدمت
جلایه‌سی برلشدیر یلوب میرمیران و وزیرایه و مدینه منوره شیخ الحرملاکی
مأموریت علیه‌سی دخی دارالسعاده اغایی معزولارینه تقویض اوانه
کلکله شریفلرک ایشلری شرفایه نظارت و بدوی عربانه حکومت ایتکله
منحصراً قالدی

مع مافیه طرف دولت علیه دن علو شانلرینه احترامده قصور اولمیشوب
هرسنه صره همایون امناسیله اینجو و الماس ایله مرصع خلعت و نامه
همایون ارسال اولنوب وحل الهی ظهورنده و باخود بالا بجا انقصاللری
وقوعنده سلاله جلایه لرندن انتخاب اولنان ذات شریفه توجیه امارتی
منضمین منشور و تشریفات پادشاهی کوندیریلور که جناب حق الی قیام
الساعه پایدار پیورسون بواصول الان مرعی وجده و الیریه بالاشترک
اجرای حکومت ایتکله اولدقلری مریدر

قریم خانلخی فاتح مرحوم عصرینک وقوعانی صره‌سنده ذکر و بیان
اولندیغی اوزره منکلی کرای خان فاتح مشارالیه حضرتلری جانبندن
فرجه ارسال قلندقدن صکره جانب دولت علیه برنوع مر بوطیت

حاصل اولغله سلطان بايزيد مى حوم بغداد سفرينه عزيمت ايند كده
خان مشار اليه دخی على طريق الاعانه موکب همایونه کلوب خدمتده
بولنش وعسکر تاتارک فتح ايند کاري بالطوره نام اراضى خانلره خاص
تخصيص قلنشيدى

فاتح حضرتلری عصرنده ككك احمد پاشا شمشير سطوتيله جنويزلردن
فتح اولنان کفه وازاق ومنکوب قلعهلری قريم شبه جزيره سنک جهت
شرقيه سنده واقع و بوسيله دولت عليه جزيره مذکوره اراضيسندن
حصه دار بولنديقنه بناء نفوذ دولت کوندن کونه حکومت تاتار اوزرينه
کسب تقويت ايدوب نهايت خانلر عصر سلیمان خانیده عزل ونصب
اولغله و خان زادلردن برقاج شهزاده رهن اوله رق استانبولده توقيف
قلنغه باشلانمش و کفه مقاطعه سندن يومية بيك افجه جيب خرچلغى
تخصيص قلنشدر

ليکن قريم خانلری ملوک اسلاميه دن معدود و امى حکومتلرنده و مجاور
بولندقلری ملوک عيسويه ايله جنک و صلح خصوصنده بدرجه به قدر
مستبد بالرأى اولندقلری مثلاً خطبه لرده دعای پادشاهی به ترديفا خانلره
دخی دعا اولنور و کئندو ناملرينه اوله رق سکه قطع اينديررلر ایدی بونلرک
عزل ونصبي وقوعنده والقب و معاملاتده ملوک لایق اعزاز و تشریفات
ایله تکریم و سفرلر ظهورنده دعوتی متضمن نامه همایون و سکبان بهاناميله
خرجه ارسال قلنهرق امر احترام تنیم اولنور و معزول اولان خانلر
واولاد و تعلقاتلری اسليه و یانبولی و تکفور طاغی و چتالجه کبی مناسب
موقعلرده بالاقامه چفتلکات و سالیانه و سایر معینات کافیه ترتیب و تخصیص
قلنهرق ترفیه حاللرينه اعتنا قیلنور ایدی

سلطان مراد ثالث عصرنده سیمین محمد کرای عزل اولندقدده بر عثمانیانک
امر اسندمیز که انلرک عزایله معزول اوله ییم قريم تختی بکا ابا واجدادمدن
موروثدر دیو ادعای استقلاله تصدی ایتدی ایسه ده خلفی اسلام کرای
ساکن اولدیغی محالمن استانبوله جالب ایله حضور همایونده متلبس
خلعت خانى اوله رق دونغای همایون ایله ساحل قریه واصل اولدقدده
قوم تاتار خان جدیده اتباع ایتلریله محمد کرای هدف سهام روزگار
اولدی

كذلك عصر مراد خان رابعه بنه محمد كراي نامنده برخان عزاني قبول
ايموب وادي عصيانه سالك اولغله صورت جبريه ده ابقاسي منشوريني
استحصال ايلدي ايسه ده انك دخي انجام حالي نشانه تفنك فنا اواغني
انتاج ايلدي اوچيوز سنه قدر مدته بوايكي محمد كرايدن ماعدا خانان
قريمدن هيچ بريسي علم افراز عصيان اولمامشدر
قريم حكومتك حدودي واداره داخليه سي لايقيه معلوم اوليوب فقط
اورقيوسنك خارجنده واقع صحاري جسيمه قبائل تاتار ونوغاي وقزاق ايله
ملو و خانلرك درجه افتدار و حر كترلينه كوره بونلره امر ونهيلري جاري
اولوب نفس قريم خلق ايسه مدن وامصارده ساكن اولملييله برابر بدوي
الطبع اولدقلىزندن و غايت كلفتميز اوله رق كرك كندولرينك و كرك
اتلرينك ما كولا تلريني تركيلرينه وضع ايله برايكيوز ساعتك مسافه ده قدر
ايلغار ايله كلكلرندن على الدوام قزاق و روس وله ممالك تارينه چاپول
ايدرك كليتاو اسرا و حيوانات چيقاروب صائرلر و بونكله تيميش ايدرلر
ايدى

خانلر دارالاماره اولان بغچه سرايده ووزير اول و ثاني حكمنده اولان
واكثريا سرعسكرالك وظيفه سني ايفا ايدن قلغاي ونورالدين سلطانلر
وساير ميرزار هر بريسي قريم شهرلرندن برنده اقامت و اجراي حكومت
ايدوب خانلرك برجانبه سفرى وقوعنده دائره لرى خلقنى واهاليدن
حرب و ضربه قادر اولنلري جمع ايدوب موكب خانى به الخاق ايله كلسلردر
طرف دولت عليه دن وظيفه خوار اوله رق خدمت خائده بولسان
يك قدر طوائف عسكريه دن غيرى عساكر منتظمه معلوم دكل ايسه ده
سالف الذكر سلطان و ميرزار ايله امر اى تاتار كندولرينه منسوب قبائل
خلفيه خان اردوسنه واصل و اجتماع حاصل اولدقده اوتوز قرق يك
وبلكه دها زباده جنگاره رسیده اولدقلىرى ثابتدر حتى يك نار يخندن
صكرلره قدر قريم خانلري مسقوه شهرينه قدر بالدفعات ايلغار و غارت
وروسيه وله دولتلرندن و بر كوى سنوى اخذ ايله كلسلر ايكن بالاخره
طائفه تاتاره ضعف و تن پرورلك مستولى اوله رق اسكى بطش و شدتلىرى
درجه درجه زائل اولغله ملك اعدايه تجاوز شويله طورسون كندو
ولايتلرينى بيله محافظه قادر اوله ايموب بالاخره ذل اسارت كرفار اولديلر

شوراسی رول دقتدر که قریم خانلری غازی و مجاهد ملوک اسلامیه دن
اولوب کرد منفردا و کړک اردوی همایونلر معیتند غزوات عظیمه و فتوحات
جسمیه به نائل و درلو درلو الطاف و التفات دولته واصل اولشلر ایکن
کفه سنجاغی کی کوجک و ممالک عثمانیه به غیر متصل و قریم جزیره سی
اوزرنده واقع برلوی نه خانلر طلبه جرأت ایده بلش ونه جانب
دوات علیه دن قریم حکومته الحاق قلمشدر فقط یاوز سلطان سلیم
مرحوم کفه دن روم ایلی طرفته کلور ایکن قریم خانی پک چوق ارام
و احترام و اعانه عسکریه ایله وظیفه مخادنی تمام ایتمی عقیننده ان شاء الله
نائل تخت پدر اوز و کفه سنجاغک قریم حکومتنه الحاقیله حقمرده
درکار اولان لطف و گرمیزی اکمال بیوررسکز دیدکده خاقان مشار الیه
پادشاهلر هر نوع لطف و کرمی دریغ ایتمزلر انجق ملک و یرمک پادشاهلره
کوره دایره امکاندن خارجدر دیدکاری منقولدر

افلاق و بغداد امارتلرینک و رافوزه جمهورلغک احوالی باب سابق
تکمله سنده مسطور اولوب فقط طوره و طونه نهرلری ساحلارنده اولان
قلاع نو بنو تحکیم و تعیین مستحفظین و امر ایله امر حراستلری تثمیم
اولغله مملکتین اوزرنده اولان حقوق دولت کوندن کونه کسب منانت
ایلدی

اردل قرالغی سلطان سلیمان مرحوم مجارستانی فتح ایتدکده اردل
حاکمی بولان یانوشی بودین نخته اصعاد و سکز اون سنه هرورنده وقوع
وفاته مبنی اوغلی استفانی پدری مقامنه اقعاد ایتشیدی لیکن استفان
صبی شیر خوار اولوب والده سی و کالة تسویه اموره قائمه ایسه ده
نمجه اولر بو وسیله ایله قلعه بودینی تسخیر ایتک سوداسنه دوشدکلرندن
قلعه می قومه و لاه دولت حومه مجارسته نو دیع واردل قرالغی مز بور
استفانه توجیه بیورلدی

بوندن صکره مذکور قراللق بیک یوز تار یخنه قدر پایدار و تابعیت سلطنت
سنیه ایله شهرت شعار اولوب قرالارینک حرکاتی دخی و قوعات حریبه
صره سنده ایراد اولدیغندن تکرارندن صرف نظر قلندی
اردل قرالارینک تشریفات و معاملاتجه افلاق و بغداد و بوده لرندن

برقاج وجهله فرق و امتیازلی اولوب اولالقاب و منانه مملکتین
بکرینه ویوده واردل حکمدارلرینه قرال تعیر و تسطیر قیودر ایدی
ثانیا حین نصبلرنده مملکتین بکرینه قوقه تعیر قلنان و قول کنخدالرینه
مخصوص اولان قلنسوه کیدر یلوب اردل قرالارینه قورونه دینلان تاج
اعطا اولنه کلشدر ثالثا مملکتینده بولنان قلاع امرای عثمانیه دست
محافظتلرنده اوله رق اردل قلاعی ایسه قرالره مودوع بولنشدر رابعا
مملکتین امارتلی صکره لری روملردن خدمت دولنده اولان بعض کسانه
توجیه اولنه کلوب اردل قرالغی ایسه دائما اهالینک انتخاب ایلدکاری
یر او کبراسنه تفویض اولنور ایدی

باب دولته موجود اولوب خزینه همایوندن علوفه یومیه ایله
موظف اولان علما و مامورین و قیو قوی تعیر قلنان و پادشاهلرک عساکر
خاصه سی حکمنده بولنان طوائف عسکریه نک یکت و مقدارلریله نظامات
و قواعد مرعیه لری بر وجه آئی بیان اولنور

مامورین و عساکر عثمانیه نک بر صنفی کندولرینه تخصیص و اراده اولنان
حاصلات عشریه و دیگر صنفی خزینه دولندن علوفه یومیه ایله موظف
اولدقلری بالاده تحریر قلنش و حاصلات عشریه ایله تعیش ایدنلرک
احوال و کیفیتلری بر وجه تفصیل بیان و ایراد اولنش اولدیغندن صنف
ثانینک توضیح مقدار و نظاماته شروع اولندی
وظیفه یومیه ایله موظف اولان طوائف دائما رکاب همایونده موجود
و حاضر بولاندقلردن قیو قوی تعیر بله مشما و پادشاهان عظامک بنده
مخصوصی و عساکر خاصه سی حکمنده بولنشدر طقوز یوز یتمش
اویچ سنه سنده واقع سلطان سلیمان مر حومک سکتوار سفرینه عزیمتلرنده
بونلرک مجموعی قرق سکز بیک اوچیوز اون الی نفر ایکن عصر مراد
خان ثالثه الشمس درتدیک درتیوز یکرمی الی نفره و بیک تارینخندن صکره
طقسان بر بیک ایکویوز ایکی نفره بالغ اولدیکه هر صنفی ابروایرو ایراد
اولنور

شیخ الاسلام اولان ذوانک یومیه بدییوز الی و بالغل روم ایل
قاضیه سکرلرینک بشوز یتمش ایکی و انا طولی قاضیه سکرلرینک بشوز یتمش

ایکی و معزولارینک ایکی یوز الی واستانبول قضااسندن منفصل اولانلرک
یوزیکرمی و بعضا ایکوز و حرمین وادرنه و بروسه دن منفصل اولانلرک
یوز و سائر مواییت معزولارینک سکسار و طقسار اقیچه وظیفه یومیه سی
اولدیغی مثلاً مدرسین کرام مدرسهلرینک وقفلری جانبندن موظف
ایدیلر مع مافیہ بالفعل حکومت شرعیه ده بولان صدور و موالینک خرج
مواثیقندن کلیتاً وارداتلری اولوب معزولاری اوائلده وظیفه یومیه لری
ایله تعیش ایدرلر ایکن اتیده تفصیل اولنه جغی وجهله برطرفدن اقیچه نک
قیقی تناقص و برطرفدن زینت و احتشام تکثرا تیکله ترفیه حاللری ایچون
ار په لقا احداث و تخصیص قلندی شویله که صدور و موالی به بعضی قضالرک
حکومت شرعیه سی تفویض اولنه رق انلر دخی طرفلرندن نائب ارسالله
اداره ایتدیره رک فضله حاصلاتی مدار تعیش ایدر اولدیله بینه اسباب
مشروحه به مبنی کتبه و متفرقه و سائر بندکاندن زعامت متصرفلرینه
ضمیمه اوله رق علوفه یومیه و علوفه یومیه متصرفلرینه زعامت و برلکه
باشلادی

عصر مراد خان ثالثه امرای عسکر به و بندکان دولت و سرای همایون
خدامنک معین اولان وظیفه لریله عدد نفوسلرینی معین اولان جدول
بروجه اتی ایراد اولوب بعده صنوف عسکریه نک بیاننه مبادرت قلندی

علوفه یومیه

نفر		اکیچه
۰۱	بکیچری افاسی	۰۵۰۰
۰۱	میر علم	۰۲۰۰
۱۰	سر بوا این اغار	۱۵۲۰
۰۳	بیوک و کوچک میراخور و چاشنکیر باشی	۰۴۵۰
۰۱	چاقرچی باشی	۰۱۶۰
۰۶	سپاه و سلحدار و علوفه بیان عین و یسار و غربا عین و یسار اغاری	۰۷۲۰
۰۲	چاوش باشی و قبوجیلر کتخداسی	۰۱۴۰
۰۱	جبه جی باشی	۰۰۶۰
۰۷	اوزنکی اغاقلارندن معزول بولانلار	۰۶۹۳

۱۷۷۶	مخادیم وزرا و علما و امرا و دفترداران و اغان	۳۵
۱۲۷۸	اغان متقاعدین	۳۲
۰۲۴۶	اغان اهل حرف	۰۵
۰۴۹۰	بغدان و افلاق و یوده لرینک قیو کتخداری	۱۳
۰۴۷۱	کاتبان دیوان همایون	۰۴۴
۰۴۹۰	کاتبان خزینة عامیه	۰۱۶
۱۱۳۰	شاگردان خزینة عامیه	۱۳۳
۰۲۵۳	کاتبان احکام مالیه	۰۲۰
۰۵۹۲	مشاهره خواران	۰۲۵
		۳۳۵

سررای همایونده بولنان خدام پادشاهی و سائر

علوفه یومیتری

افچه	نفر	
۷۰۸۰	غلمان اندرون مع اغان	۷۰۹
۰۵۷۵	جماعت تبرداران خاصه	۱۰۹
۴۶۸۰	جماعت منفرقه کان درگاه عالی	۴۳۳
۸۸۲۰	جماعت جاوشان درگاه عالی	۳۲۴
۱۶۷۰	جماعت چاقرجیان خاصه	۲۷۱
۱۳۴۵	شاهیچیان	۲۷۶
۰۲۲۵	انجه جیان	۰۴۵
۰۸۹۳	اطبای خاصه	۰۰۲۱
۰۰۲۴	جماعت شاگردان منجمان	۰۰۰۵
۰۶۴۳	جماعت اطبای یهود	۰۰۴۱
۵۴۷۸	جماعت مهتران خیمه	۰۸۳۳
۲۰۷۴	جماعت مهتران علم	۰۲۲۸
۰۷۴۲	جماعت خزینة داران بیرون	۰۰۱۹
۲۴۹۹	جماعت معماران خاصه	۰۰۴۴

۰۱۹۸	جماعت مؤذنان خاصه	۰۰۱۵
۰۳۳۵	جماعت سقایان دیوان	۰۰۳۶
۰۳۳۲	جماعت شاطران خاصه	۰۰۵۷
۹۳۰۸	مطبخ عامره و کیلار خلقی	۱۱۲۹
۳۰۳۰	جمله خاص و خلعت درز یلری	۰۳۱۹
۸۱۶۴	خدمه اهل حرف	۰۹۴۷
۲۳۶۱۳	بیوک و کوچک اخویده اولان سراج و خدمه	۴۳۲۲
۱۶۸۸۱	درگاه عالی بوابلری	۱۹۲۵
۰۹۶۰۳	باب همایون بوابلری	۰۴۱۷
		۱۲۵۲۵

فصل اولده محرر اولان امرای و بندگان ۰۰۳۳۵
۱۲۸۶۰

خاص وزعامت و تیمار ایله تعیش ایدن وزرا و مأموریندن ماعدا خزینۀ دولتدن وظیفه خوار اولان امرای و خدمه بر وجه بالا اون ایکیدیک سکر یوز التمش نفره بالغ اولدیغنی بیاندنصکره طوائف عسکر یه نك کیفیت و کیتلری توضیحنه شروع اولندی

یکپیری اوجاغی

برنجی و ایکچی فصل تکمله لرنده ایراد اولندیغی اوزره یکپیری طائفه سی عصر اورخان غازیده خرسیتیان چوجقلرندن دوشیریلان اطفالدن ترتیب اولنوب کتدیکجه قانون و نظاملری تصحیح و تنظیم و عصر سلیمان خانیده تکمیل و تمیم قلندی شوبله که دوشیرمه چوجقلری عجمی اوغلانلری قشله سنده تربیه و تلقین شرائط اسلامیه اولندقدن صکره یکپیریله الحاق اولنور و خارجدن یکپیری یازلق محال حکمنده اولنور ایدی حتی یاوز سلطان سلیم مصر سفرینده عزیمتلری هنگامنده برتاجردن مبالغ و فیه استقراض ایدوب بعده تأدیه اولنده جنی زمانده تاجر صر قوم نیازه اغاز و اوغلی اوچ اقچه علوفه پادشاهی ایله عسکری ساسکینه ادخال قلندیغی

حاله مبالغ مستقرضه بی همه ایده جکفی بیان ایلدیکندن کیفیت حضور
همایونه عرض اولندقدده موجب غضب سلیم خان اولوب تیر تاجرک
پارسی ویرلسون و عساکر عثمانیه ایچنه اجانب قارشیدیرمغه سبب اولنلر
جناب حق لعلته مظهر اولسون دیدکلی مسطور توارمخ اولدیغی
مثلاو سلطان سلیمان مر حوم سکتوار سفرینه کیدر ایکن دائمابندکاری
رهوارک کی قبلقله تعبیرینه اهتمام اولنهرق بریکچیری نفری بلورسیر
صورته یامشیدی پادشاه حضرتلرینک مسوعی اولدقدده طائفه
عسکریه یه اصناف قارشیدیرلش اولدیفندن ازقالدی یکچیری اغای
فضازده اوله یازدی هله توسط شفا ایله اغا قورتارلدی ایسه ده کی تعبیر
ایدن یکچیری بی تقاعد علوفه سی احسانیه اوجاقدن اخراج ایلدیلر

حال بویله ایکن بیک طقسان سنه سنده سلطان مراد ثالث حضرتلرینک
شهرزاده سلطان محمد ایچون ترتیب وایکی ای قدر تمید ایلدیکی
سورختانده نجمع ایدن جانباز وحقه باز و پرنده باز مثلاو اشخاصک و سور
همایون خدمتده بولنان کسانک صورت تلطیفلی کندولرندن استفسار
اولندقدده جمله سی یکچیری اوجاغنه ادخال اولمق نیازنده بولنلرله اسعاف
مسؤلرینه اراده تعلق ایلدی یکچیری اغای بولنان فرهاد اغا ضابطان
وامکداران اوجاق ایله کیفیتی درمیان مذاکره ایدوب اشخاص مر قومه
اوجاغه قبول اولندیغی حالده اداب و تربیه عسکریه وقوانین موضوعه
رهین اختلال اوله جفتدن بحثله اعتذار ایلدی ایسه ده طرف پادشاهیدن
امر سابق تأکید اولمقله اغای مشار الیه استفساسنی تقدیم ایدرک وظیفه
صداقتی برینه کتوردی

لکن نه چاره که خلای اولان یوسف اغا اشخاص مر قومه بی قبول ایتدکدن
بشقه اغا چراغی نامیله برخیلی منتسبان ارباب اقبالی یکچیری یازوب
جو بیار فسادی اب روی جبوش عثمانیه اولان یکچیری اوجاغنه اساله
ایلدی فقط شوراسی جای دقتدر که یکچیری اوجاغی نظماتنک مبدأ
فسادی اوجاغنک ایجادندن ایکوز التمش سندن زیاده زمان مر وورندن
صکره واقع اولمشدر
بعد ازین شفیع مجبره مالک و نزل رشوته سالک اولنلر ایچون صنوف

عسکریه به التحاق ایتمکه مانع قالدیغنه و تکرر عساکر ایله برابر ایراندن
فتح اولمان یرلک محافظه سی ضمانتده اوجاقلردن نفقات ترتیب وارسالی
ممکن اوله مدیغنه مبنی اوج سنه خدمت محافظه ده بولمق شرطیله و قول
اوغلی و قول قرنداشی نامی و مجددا علوفه تخصیصیله یکیدن بش اونیک
یکچیری بازلدیغندن بیک تار یخندن صکره جه مع ضابطان یکچیری اوجاغی
عجمی اوغلانلریله برابر قرق سکر بیک التیوز سکسان سکر کشی به و سنوی
علوفه لری یوز اون بر ملیون یوز یتمش ایکیک بشبوز یکرمی الی اقچه به
بالغ اولدی

حالبوکه سلطان مراد ثالث جلوسنه قمر عجمی اولنلریله برابر کانه
یکچیریان یکرمی بیک راده لرنده اولوب انجق عصر مزده بولمان عساکر
نظامیه کی جمله سی بیکار و قشله نشین اولغله متقاعد اولدقجه تأهل ایتمک
واصفنا فلق ایلمک ممکن دکل ابدی

بروجه محرر اوجاغک نظامی بوزلدقدن و تربیه سزاجلاف ایله طوابعدن
صکره منتسبین گروهی افندیلرینک یانلرنده اوطورور و بر فرقه سی دخی
الیش و یرش ایله مشغول اولور اولدی بوندن حاصل اولان مضرات
پک چوق ایسه ده اک مؤثرلری عساکر منتظمه عثمانیه نک کیدرک درندی
بر عسکر حکمنی انساب ایلمی و علوفه لرینه خزینه دوات طاقت کتوره مامکله
انواع مکارهه مجبوریت حاصل اولمی ودها فنا سی دوشیرمه اصولنک
متروکیتنی نتیجه و یرمی قضیه لریدر چونکه علوفه خوار اولان
قبو قولی اوجاقلری دفعه برر مثلی تزیاید ایدوب بر طرفدن دخی اجلاف
اهالی سلاک عسکری به کیرمکه چالشمنده اولدقلردن خزینه دواتی وقایه
مقصدیله صدر اعظم لر ایچون اک بیوک ممدوحیت تقایل عسکره موفق
اولق و اک زیاده مدخولیت تکثیر نفقاته مساعدیه کوسترمک ماده لری
اولغله طبیعتیله دوشیرمه اصولندن استغنا حاصل اولمشدر

یکچیری اوجاغی جماعت و بلرک و سکبان بلوکی نامیله ارج صنفه و یوز
طقسان الی اورتیه منقسم اولوب برنجیدن یوز برنجی به قدر جماعت وینه
برنجیدن التمش برنجی به قدر بلوک و کذلک برنجیدن او توز دردنجی به قدر
سکبان بلوکی تعبیر اولور ایدی هر اورتیه نک چورباچی و اوسته و اوده باشی
ومتولی و یراقدار و امام و یاش قره قول لقبی نامیله ضابطانی و چاوش حکمنده

قره قوللقچیلری ومفتاح وقالیون تیموری وبالق وعلم ودپوس مثلاً و بر نشانی اولغله قشله وقوللقاری قپوسنده و بیراقلرنده بونشانلر منقوش اولدیغی حالده صکره لری افراد عسکریه منسوب اولدقلری اورتیه نشانلرینی مرکب ویاخود باروت ایله قوللارینه وپالدرلرینه دوکدرمکی اعتیاد ایدنمشلردر

اوجاغك طرف دولتدن منصوب براغاسی وبرگانی اولدقدن بشقه ایچلرندن قول کتخداسی وصامسونجی باشی وزغرجی باشی وطورنه جی باشی ومحضر اغا وباش چاوش وکتخدایری نامیله ضابطان عمومیه سی واردر که بونلره قطار اغاری اطلاق اولنور بودخی صکره لری یکچیری اغاری قول کتخدالرندن اولغله باشلامغله ایچلرنده سلسله وقوعبولدیغندن کنایتدر

اوائله سکبان اورتیه لری سکبان باشی بولنان ذاتک زیر اداره سنده ایکن مؤخرایکچیری اغاری حکمنه داخل اولغله سکبان باشلیق ایشسز بر منصب قالب فقط اردوی همایون ایله یکچیری اغاری عزیمت ایتدکه سکبان باشلر استانبولده یکچیری اغاخی مقامنده قائم ودر سعادتده بولنان هر نوع یکچیری به حاکم اولورلر ایدی

اوجاغك ابتدای ترتیبده بهر نفره یومیه برر اقچه علوفه تخصیص اولمشیکن صکره لری اوچ اقچه و بیک تارینخلرینه قریب زمانلرده بش اقچه به چیقوب فقط سفرلرده مظفریت عظیمه واقع اولدقچه وبعضا سفره کیدیلور ایکن اردوی همایونده موجود بولنسانلرینه یعنی قشله لرنده قورمچی قلانلردن ماعداسنه برر ایکیشر اقچه ترقی و بریله کلدیکندن بعض امکدارانک علوفه یومیه سی اون اون بش اقچه به قدر تزايد ایش و بوجهتله علوفه نفقات متخالف المقدار بولمشدر

برده بعض قلعه لره هجوم ایچون ویاخود بوکامقبس مخاطره لی ایشاری رؤیت ایلک ضمننده ایجاب ایتدکه اوچر بشر اقچه ترقی ایله یکچیریلردن ایکی اوچبیک سردن کچدی وتعبیر اخرله دال قلیج بازارلر ایدی که فدایی دیمکدر بونلردن صباغ قلانلر مذکور ترقی به نائل اولدقدن بشقه امتیاز مخصوص اولق اوزره سردن کچدی قاوغی نامیله برنوع قاقوق کیرلر و سرددن کچدی اغاسی دیو مظهر تکریم اولورلر ایدی

هر اورتك قشلاسنه مرتب اولان ات واكمك تميملىرى و نقراتك البسه
هينه و بدايه لى كندولرینه مخصوص عادات و تشریفات اوزره وارد
و واصل اولدیغى مثللو معاملات روز مره لرند و البسه مخصوصه لرند
يك چوق قاعده و اصوللری وار ایسده بیان و تصریحی تفصیلاتی
مقتضی و فائده استماعدن عاری اولدیغندن ترك اولندی

پادشاهان عظام حضراتی برنجی بلوكت يولداشلردن و وظیفه خوارلردن
اولغله علوفه چیققدقجه یکیچری اغای قیافتده برنجی بلوكت قشله سنه
كلوب دائرة مخصوصه سنده اوطورور و علوفه معینه سنی اخذ ایدوب
عودت ایدر ایدی

قشله لك برطاقی شمعی احمدیه میدائی دینلان ات میدائنده و برازی
شهرزاده جامع شریفی قارشوسنده اولوب برنجی بلوكت قشلاسی ایسه
شهرزاده باشند، عثمان بابا تربه سی نامیله مشهور و مشهود اولان مرقدك
ارقده سنده واقع اولغله دائرة همایون مرقد من بورك اوزرند و اولدیغی
بیلانلرك افاده سندن مستبندر

پادشاهلر علوفه المغه كلور ایكن اغا قپوسيكه عصر مزده باب فتوادر
اورادن مرور ایتك و یکچری اغاری کاسه ایله شربت عرض ایدرك
ات اوزرند ایچمك جله قوانیندن اولدیغی و بودخی اوجاغه پادشاهلرك
كال امنیتنی کوسترمك مقصدینه مبنی ایدوی منقولدر

چالديران سفرند و یکچر يارك واقع اولان شقاوتلری اوزرینه یاوز سلطان
سلیم مرحوم تربیه مقتضیه لرینی اجرا ایلمکله بونك حسن تأثیری ثمره سی
اوله رق يك تار یخلرینه قدر معامله سرکشانه ده بولمديلر اگرچه سلطان
سلیم ثانی جلوسنده طلب ترقی ایله حرکات بی ادبانه به تصدی ایتديلر
ایسده مفصلات توار یخك سیاق و سباقه امعان نظر اولندقد و صدر
اعظم بولان صوقوالی محمد پاشانك رأینی تزییف بولنده مقریدك
وقوع بولان تشجیه لرینه مبنی سلطان سلیم مرحوم مبالا تسر برحاله
بولندیغندن وقعه من بوره صدر مشار الیهك تعلیمه دینله من ایسده
مساعده ضمیمه سیله سرزده ظهور اولمشدرکه بودخی زور بالغك دوام
ایتمام سیله استدلال اولنور

چه نكه يك تار یخندن صکره واقع اولان حادثات فجعده تجربه اولندیغی

وجهه بر کره طوائف عسکریه یوزه چیققدن صکره تأدییات شدیده
نصادف ایندیکه امر شقاوتک ارقه سی انه مدیغی ظاهر در

جبهه جی اوجاغی

قیو قوی عسکرینک پیاده اوجاقلرندن بریسی دخی جبهه جی اوجاغی در که
طوبجی و عربی اوجاقلری دخی انک متفرعاندن محدوددر بونلر دخی
حالرنجه تکثر ایدوب بیک تارینخندن صکره لری یدیدیک طقوز یوز التمش
اللی نفره وعلوفه سنویه لری اون بش ملبون اوچیوز قرق التبیک ایکبوز
سکسان درت اقچهیه رسیده اولدی مذکور اوجاقلرک مناصب دیوانیه دن
اوله رق بر راغا و عصر من اصطلاحنه قیاسا محاسبه جی موقعه دن بررکاتیلری
ویکیجری اوجاغی مثلاً اورته و بلوک وضابطلری اولوب ایاصوفیه
جوارنده و طوبخانه طرفنده اولان قشله لرنده اقامت و امور مأموره لرنک
تنظیم و تعامله امرار وقت ایدوب ایجاب ایندیکه مناسب مقداری
سر عسکرلر معینه کوندریلوز و موکب همایون چیققدیغی حالده هبت
مجمعه لریله عزیمت ایدرلر ایدی

سواری اوجاقلری

کذلک قیو قوی عسکرینک سوار یسی که الی بلوک نفراتی دینلان سپاه
وسلحدار و علوفچیان یمین و یسار و غربای یمین و یسار بلوکلر یدر بونلرک
ایکیسنه باش وایکیسنه اورته وایکیسنه اشاغی بلوکلر دینلدیکی مثلاً سپاه
بلوکنه قیرمزلی بیراق و سلحدار بلوکنه صاری بیراق و اورته و اشاغی
بلوکلره لاجه بیراق تعبیری دخی مستعملدر

چونکه سلطان علاالدین سلجوقینک عثمان غازییه کوندردیکی علم بیاض
اولدیفندن پادشاهان عظام حضراتی اق سنجاق انخاز ووزرا و بکلر بکیرلر
دخی اکا اتباع ایدوب فقط طوائف عسکریه نک رنک امیر بیراقلری
وهر صنفک نشان و علامت فارقه لری وار ایدی

اشبو سواری اوجاقلرینک منبعی دخی دیوشمرمه چوجقلریله سفرلده
النن اسرا اطفالیدر که مذکور چوجقلرک ایچلرندن متناسب و قابلیت لوری
استانبول وادرنه و کلیولی سرای همایونلرنده تربیه اولندقدن صکره

یدی سنه ده بر کره چیمه تعبیر یله کسب ایاقیت ایدنلری بلوکاره تقسیم
اولنه کیشدر

عصر مراد خان ثالثه بونلره دخی خارجدن اشخاص داخل اوله بئلك
قیوسی اچمله سلطان سلیمان زماننده الی بلوك خلقی یدیدك كشی
راده سنده ایکن مؤخرایکری بیکی وعافه سنویهلری یوز اوتوز ملیون
اچیمه نی تجاوز ایتدی سائر اوجاقلری بونلرك دخی طرف دولتدن
منصوب افا و کاتبلری و اوجاق کتخداسی و چاوش نامیله ضابطانی
وار ایدیسده پیاده اوجاقلری قدر مکمل اولمیدن آتیده بیان اولنه حق
شقوتلری قلت ضابطاندن منبث اولدیغنی کاتب چلبی اراد ایدر
بونلرك قشلهلری اولیوب ات بئلك خصوصنده سهولت اولق
مطالعہ سنه مبنی بروسه وادرنه مایینده اولان قراوقصباتده توطنلرینه
مساعده اولمش ایدوکندن بعضیلری استانبول ایچنده و بعضیلری جوار
قریهلرده ساکن اولور و علوفه چیققدجه کلوب علوفه سنی الورل ایدی

باش بلوکار نفرائتک یومیه اون اوچر واورته بلوکار خلقنک اون برر
واشاغی بلوکار طائفک طقوزر اچمه علوفه یومیهلری اولدیغنی بعض
تواریخک مزایاسندن استدلال اولنور ایسده بومقدارلر ابتدا بلوکاره
چراغ اولدقلری زمان تخصیص اولنان علوفه اولوب مع مافیہ بیوک
سفرلرده احسان اولمشی جله قوانین دولتدن اولان ترقیلر سیبیلہ سفر
کشیده اولان امکدارانک علوفهلری بوراده نی تجاوز ایده کیشدر

سلطان سلیمان مرحوم سفرلره عزیمت ایلدجه ملازم نامیله سواری
بلوکلرندن اوچیوز کشی افراز ایدوب دائرة همایون محافظه سنده
وعصر مز تعبیراتجه باورلک خدمتلرنده استخدام ایدرک بعد العوده مکافاة
بعض سلاطین توایتلرینک وجسمجه مقاطعات میریهنک برسنه لک اداره سنی
وجبات جزیه مثلاًو خدمتلری بونلره تفویض ایتکله خدمات مز بوره دن
منتفع اولورل ایدی

بوقاعده کیدرک قانون حکمنی اکتساب ایتدکن بشقه طائفه مر قومه
خدمات ملکیه منافعندن والتراجیلقدن لذت المریله برابر حائز ثروت و اقتدار
واستحصال احتشام ودارات ابله کامکار اولدقلرینه و ایران سفرلرنده

سر عسکر بولمانلرک توجیهلریله ایچلرینه اجنبی قاریشوب اداب و تربیه‌لی
دخی بوزلدیفنه مبنی سلطان مراد ثالث عصرنده ایکی دفعه علم افراز بغی
و شقاوت اولوب دیوان همایونه هجوم ایلدیلر

ان شاء الله تعالی فصل آتیده بیان اولنه جغی وجهله بیک تاریخنند نصکره‌لی
سفر اولسون اولسون هر سنه طائفه مزبوره‌نک صاحب قدرتلرندن
اشخاص کثیره ملازم یازیلوب خدمت نامیه هر نوع خدمات ملکیه
ودیوانیه طالب اوله‌رق قبه‌لی مناصبت و بلکه صدارته قدر بزم
حقمزد دیرر و وکلای دولته ایتمک‌لری اذا وجفا قالمز ایدی

گاه منفردا و گاه یکچریلری دخی جلب ایدرک مجتمعا متجاسر اولدقلری
زور بالقلمک حد و پایانی اولوب باخصوص سلطان عثمان وقعه‌سی کی
برماده فجیهه‌یه‌لیت اولدقلرندن اول سلطان مراد رابع مر حومک سیف
سطوته و مؤخر کور بلی محمد پاشانک تیغ سیاستنه گرفتار اوله‌رق پیماه
ناموس و حرمتلری شکسته و دهان لاف و کذاقلری بسته اولدی
بعدازین هر نقدر بو اوجاقلر کلیا الغا اولندی ایسه‌ده نظر اعتبار
دولتدن اسقاط و السنه انامده تهمت خیانت ولی نعمت ایله یاد اولمغله
کوندن کونه مقدارلری مرتبه جزئیاته تنزیل و معامله بی اعتباری ایله
ترذیل اولنه‌رق وقعه خیره‌یه قدر بویله کذارنده ایام اولدیلر

ترسانه اوجاغی

قبو قوی اوجاقلرندن بریسی دخی ترسانه خلقیدر که عزب طائفه‌سی دخی
دینلور مقدارلری ایکیک اوچیزو الشمس درت نفرندن و علوفه سنویه‌لی
یدی ملیون یدیبوز یمش طقوز بیک التیوز الشمس سکن اچیدن عبارتدر
بولر سفینه قیودان و رئیسار یله ضابطان و طوبجی نفراتبله کیلر ترسانه‌ده
بولند فجه محافظه‌لرینه مأمور اولان کسان دیمکدر چونکه دونما
چیق‌د فجه دریا قلی تعبیر اولمان سواحل سنجاقلرینک زعما و از باب تیماری
سفر دریا ایله مکلف بولندقلرندن انلردونمای همایونه کیردکن بشقه
ایجاب ایتدیکه یکچیری و سائر طوائف عسکریه دن لزومی مقدار نفرات
دخی ارکاب اولنور و اولوقنک کیلری کورکله حرکت ایلر یکنه مبنی کورک

چگونگی خدمتی دخی فورسه دینلانه اسرایه کوردیریلور ایدی زیرا
سفرلرده اخذ اولنان اسرانی اطفالی سرایله و عجمی اوغلانلری قشله لینه
ویرلدیکی مثلاً ویکرمی اوتوز یاشنده بولنانلری ترسانه کورکنه وضع اولنق
قاعده دن و با خصوص اکثریا بحر سیاه ساحلارینی غارت ایتک قصدیه
اوزی صویندن چیقان قزاق طائفه سی واقد کزده کز مکه اولان
فورسانلر اشقیاسی اله کچدیکه ترسانه کیلرینه تقسیم اولوب تیور بند
اولدقلری حالد کورک چکیرمک عادات عصریه دن بولمشد

✽ بوستانجی اوجاغی ✽

عجمی اوغلانلرندن اوج بشیک کشی استانبول وادرنه سرای همایونلریله
اسکدار وداود پاشا و بوغاز ایچنده واقع حدایق سلطانیده بوستانجیلق
خدمتی و دائرة همایونک قایقچیلای ایشی اجرا ایدرلر ایدی کیدرک بونلر
دخی برعسکر اوجاغی هیئتینی اکتساب ایدوب بوستانجی باشیلر بوغاز ایچنک
وسرای وحدایق پادشاهی جوارلرینک امور مضابطه سنه مأموریت ایله
حاز امتیاز اولدیلر

✽ طشره ده بولنان یری قوی اوجاقلری ✽

بالاده ترقیم وتفصیل اولنان قیو قوی وایالات عسکری اولان زعما وارباب
تیماردن بشقه بغداد و مصر و غرب اوجاقلرنده و شام و حلب وارضروم
و قونیه و کوتاهییه و بروسه و از میر و قبریس وادرنه و سلانیک و بوسنه
و بلغراد و طمشوار و بودین کی مرکز ایالت اولان موقعلرده یری قوی
نامیه یکیچری و سائر صنوف عسکریه دن بلوکلر و یکچری اغاری و یکچری
سردارلری و قلاع خاقانیده یماق تعبیریه مستحفظ نفراتی موجود اولوب
بونلرک علوفه ووظائف مقتضای اوجاقلای تخصیص اولنان اعشار
و جزیه و میران حریر رسمی مثلاً وارداتدن تحصیل و ایضا اولنور
و شهرادکان حضراتی منصبده بولندیکجه طرف سلطنتدن معین اولهرف
خدمتلرنده وزیر مقامنده لالا و دفتردار و نشانجی و رکاب همایون ترتیبه
تطبیقا بلوک اغاری و هر صنف عسکردن اوچر بشر بوز کشی بولنور
ایدی

روم ایلی ایالتنده یورك واناطولی ایالتنده مفتخم وزنده مسلم نامیله الی
بیک قدر بر نوع عسکر وار ایدیکه بونلره بر چقماک یعنی سگسانر یوزر
دوئم اراضی اعطا وعشر شرعیلری دخی بدل خدمت اوله رق کندولرینه
ترك اولمش وزعمادن میر یورکان ومیر مسلم ناملریله ضابطان نصب قلنشیدی
سقر روم ایلی جانبنه واقع اولور ایسه یورکان طائفه سندن واناطولیه
اولور ایسه مسلمان گروهندن بنوبت تعیریه بشده بری معسکر همایونه
جاب اوله رق بول اچمق وخندک قازمق کی خدمتلری ایفا ایدرلر ایدی
صکره لری بو ایشلر اکثریا عملکتن عسکرینه کوردیریه کلدیکندن
ذکر اولنان یورکان ومسلمان طائفه لری رفع والفا وارضیلری دریا قلنه
الحاق قلنغله منسوخات نامیه برخیلی تیمار حاصل اولوب متصرفلری اسفار
بحریه اشرا ولدیلر

❖ اقبی طائفه سی ❖

روم ایلنده یکر می بیک مقداری اقبی گروهی وار ایدیکه اقبی بکری
معینده ممالک اعدایه چاپول ایدوب نهب وغارت واموال غنایم ایله
تحصیل ثروت ایده کلدکلرندن سفر واقع اولدقجه اردوی همایونک
حرکتدن مقدم امرلر ارساله ممالک اعدایه تسلیط اولورلر وبونلر خفیف
سواری اولدقلرینه مبنی قلعه وارد واوزرینه وارمیوب قراء معمره دشمنی
تخریب ایدرلر ایدی مؤخر بو وظیفه عسکر تاناره منتقل اولدی

❖ احوال امور مالیه ❖

سلطان بایزید مر حومک اواخر سلطنتنده مصالح دولت مختل ومشوش
اولغله امور مالیه جه دخی مضایقه حاصل اولشیدی یاوز سلطان سلیم
نائل تخت ودیهم اولدقده بعض تجار دن استدانیه مجبور اولشیکن مؤخر
سلاطین مصریه نک خزینه سنه مالک وطریق حسن ادارهیه سالک اولغله
کلینو نقود ادخار ایلدی

حتی اتون ایله طولدردیغم انبارلری اخلافتن هرکیم اقبیه ایله املا
ایده یاور ایسه کندومهی ایله تمهیر ایلسون والا خزینه همایون

بنم مہرم ایله مہر انیسون دیو وصیت ایلمکله الی الان اندرون خزینہ سی
مہر سلیم خانی ایله تمہیر اولنور

عصر سلیمان خانیدہ حوزہ حکومت دولت فوق الحد کسب وسعت ایتسبلہ
برابر تزیینات واحتشامات تکثر ووظائف عسگریہ ترقیات متعاقبہ ایله
تزايد ایتدیکی وساطت سلیمان مرحوم خیرات ومبرات معلومہ ومشہودہ لرینہ
خزینہ لر صرف ایلمدیکی حالده مشکلات مالیہ بی ایما ایدر توار بخندہ برشی
کورلیوب فقط خاقان مشار الیہک طقوز یوز یتش اوچ سنہ سندہ سکتوار سفرینہ
عز یتلرنده کہ سلخ شهر سلطنت لریدر سرای همایونده بولنان بعض اوانی
زروسی می ضربخانه یه اعطا ایدوب سکہ ضرب ایتدیردیکی وسنہ من بورده
واردات دولت یوز سکسان اوچ ملیون سکسان سکز یک ومصارف
یوز سکسان طقوز ملیون التیوز الی یدیک اقچه اولغله التیوز الی التیبیک
طقوز یوز اقچه اچیق بولندیغی بالمناصبہ نعما تار بخندہ وعین علی افندی
رسالہ سندہ مسطوردر

سلطان سلیم ثانی عصری دخی صدر اعظم بولنان صوقوالی محمد پاشانک
حسن اداره سی ثمره سبلہ ضرر سرجه کچوب سلطان مراد ثالث زمانندہ
بروجه بالا عساکر موظفہ نک تکثری واتلافات واسرافاتک تزايدی سبیلرله
امور مالیه مختل ووقت وزمانبلہ علوفہ ویرلک قاعدہ قدیمہ سی معطل
اولوب ارکان دولت تدارکات مبالغ خصوصندہ انواع مکار به اختیارینہ
مجبور اولدیلر

اگرچه یک برتار بخندہ یعنی مراد ثالث حضرتلرینک اواخر سلطنتندہ
واردات ایک یوز طقسان اوچ ملیون درت یوز یک اقچه یه بالغ اولوب عصر
سلیمانیدہ اولان وارداتدن یوز اون ملیون اقچه تزايد ایلدی ایسده
مصارف دخی اوچ یوز التمش اوچ ملیون درت یوز یک اقچه یه رسیدہ اولغله
اچیق یتش ملیون اقچه یه پیوستہ اولدی

مصارفک ارتسی علوفہ خوارانک تکثردن منبعت اولدیغی معلوم
ایدوکنندن اندن بحث ایجاب ایتوب وارداتک نه سبیلرله ترقی ایلدیکی
بروجه آتی ایراد اولنور

توجیه مناصب خصوصندہ بالادن ادنا یه قدر هدایا ورشوت تعاطیلی
رایکان اولسبلہ برابر مصارف خزینہ نک تکثرینہ قارشواق اولاق ایچون

واردات تحریری امر ضروری کورندیکندن اولاً جسیجه زعامت
وتیاری محلول اولدقجه ارباب استحقاقه توجیه اولمبوب مقاطعات میریه نامیه
خزینهدن بالتوقیف سنه بسنه ملتزملمره الزام و بدلاتی ایراد قید اولمغه
باشلادی و بوسیله ایالات عسکرینک تذنی و قدرتسزلیکاری مقدماتی
حادث اولدی ثانیاً مسکراته رسم وضع اولمشیکن رعایا بوندن اشتکا
ورسم مزبورک جزیه به علاوه سنی استدعا ایتلریله ادنا و اوسط و اعلا
اعتباریله المنقده اولان اون و یکریمی و اوتوز اقیچه جزیه شرعییه نصف
ضم اولنوب ادنا اون بش و اوسط اوتوز و اعلا قرق بش اقیچه به ابلاغ
قلندی ثالثاً وفات ایدن وزرا و امرانک مصادرات نقودیه لری دخی
بر واردات خیر مقرر حکمنه کیردی رابعاً عصر اورخان غازیده طقسان
عیارنده و اوجی بر درهم وزننده اقیچه قطع اولنوب بایزید ثانی عصرینه
قدر بوزلماشیکن مؤخر عیاری سکسان بشه تنزیل قلندقدن بشقه
بوز درهم سیمدن درتوز ودها صکره لری بشیوز اقیچه و بالاخره مراد ثالث
زماننده سکز بوز اقیچه قطع اولمغه باشلادی مع مافییه اصول مسکوکات
اولان بهودی صرافلر اقیچه لک اطرافنی کسمکه متجاسر اولدقلرندن
قره غروش یعنی درکلی اربال قرق اقیچه به ایکن سکسان اقیچه به و التون
الشمس اقیچه به ایکن بوز یکریمی اقیچه به فیرلادی

چونکه دوات علیه نك اساس معاملات نقودیه سی اقیچه اوزرینه مبنی
اولوب غروش تعبیری برنوع سکه اسمی ایکن یقین و قتلرده یعنی عصر مزندن
بوز بوز الی سنه مقدم قرق پاره اعتبارینی و اساس معاملات اولاق حکمنی
اکتساب ایلشدز

بنابرین فاتح زمانندن بزو قطع اولمغه اولان التون بالذیر التونی وزن
و عیارنده اوله رقی بیک تار یخندن صکره لره قدر اصلاً تغیر ایلدیکنه مبنی
القیحه نك وزن و عیاری تنزل ایلدیکه التونک فیثاتی ترقی ایدوب یعنی قرق
القیحه به ایکن الی به الی اقیحه ایکن الشمسه و یوزه ودها زیاده به چیه کلمشدر

نقودک اشیا به نسبتی بخشنه کلنجه طقوز بوز شمس درت سنه سنده واقع
سکتوار شفرنده برابر بولنان سلا نیکی مصطفی افندی شفر من بورده

غلا واقع اولوب ارپه‌نك كيله‌سی اون اچیه‌نی تجاوز ایندیكنی تاریخ
مهورنده بیان ایدر بوحاله باقلجه ارپه‌نك فیثات عادیه‌سی بدی سکر
اچیه اولدیغی و تقریباً ایکی درهم کش ایله برکله ارپه‌نك بلدیکی استدلال
ارنغله عصر من حسابنه نسبت اولنور ایسه براچیه اوتوز اوتوز بش پاره
قیمتده بولدیغی واشیایه نسبت قیلنور ایسه بر اچیه‌نك یوز پاره‌لغه یقین
ایش کوره بلدیکی معلور اولور

بالاده بیان اولان واردات و مصارفات طوغری به خزینه دولته
کیروب چیقان مبالغ اولوب بودخی جزیه شرعیه و بدل مقاطعات میریه
و مکرك و ملحه‌ل حاصلاتیه ذول منجاوره و ایالات ممتازه دن النان و یرکوردن
عبارت اوله‌رق اعشار شرعیه و بعض رسومات بزوجه تفصیل سابق
خاص وزعامت و بیمار و اوجاقلق و بوردلق اوجاقلق نامیه پادشاهان
عظام و سلاطین و شهرزادکان و وزرا و امرا و بیمارلو سپاهیینه و بیوک
شهرلرده و سرحداده بولشان یرلی قوی و مستحفظ عسکرینه مرتب
و منقسم اولغله واردات نامیه مذکور اولان مبالغ خارچنده در

❖ احوال رقیات علوم و فنون ❖

بوعصرده علوم و فنون کرکی کی ترقی ایدوب نو بنو ظهور ایدن علما
و فضلا كرك استانبولده و كرك ممالك عثمانیه‌ده واقع هرگز لوا و قضا‌لرده
اولان محاکم شرعیه مأموریتلرینه یعنی قاضیلقلره بلغا مبالغ کفایت
ایتدکن بشقه پك چوق فضلا دخی استانبولده و طشره‌لرده نشر علوم
و معارفه حصر حیات مستعار ایتشار ایدی

هندسه و معمارلق و سایر معارفه دأر اولان فنون اربابی ایسه خیلیدن
خیلی ترقی ایدوب معمار سنان شهرزاده و سلیمانیه و ادرنه‌ده واقع سلطان
سلیم جامع شریفلرینی و مشهود و معلوم اولان وزرا و امرا خیرات
و مبراتلرینی اساسی متین و طرز دلشین اوزره انشا ایدرك اسلاف و اخلافنه
تفوق و رجحانیتنی اثبات ایلشدر حتی سلطان سلیمان هر حومدن هند
پادشاهلری معمار طلب و نیاز ایلدکارینه مبنی معمار سنانك شاگردلردن
موسی اوسته ارسال قلنغله بنادر هندیه‌ده طرز رومی اوزره ابنیه جسمه
بنا و اعمار ایلدیکی هر ویدر

یاوز سلطان سلیم مرحومك زماننده اعمال اولنان طوبلردن برقطعه سی
الان مدلاو قلعه سنده موجود و اوزررنده سلطان سلیم بن بایزید خان
عنوانی و عمل مصطفی و طورسون کاتب طوبخانه امضاری و طقوز یوز
بکرمی اوچ تاریخی محرر و منقش اولوب بو طوب بکرمی الی قارش طولنده
و تقریباً بکرمی ایکی چاپنده اولدیغی حالده صارمه تعبیر اولنان صورتده
تیمور چوقلردن اعمال اولمش واریانك افاده سنه کوره غایت مصنع
و عاملنك مهارت و لیاقتنه دلیل قوی بولامشدر

كذلك عصر سلطان سلیم خان ثانیه قیودان اولوب سلطان مراد ثالث
زماننده وفات ایدن مشهور قلیج علی پاشا جزایز بکمر بکیمی ایکن اصاغه
ایتدیردیکی جسم و اردر پیکر طونج طوبلر الان طوبخانه عامیه ده
موجود و اوزرلرنده مشار البهك نامی منقش و مشهوددر
و ممالك عثمانیه معمولاتی اولهرق انواع قلیج و تفنگ و مزرراق و وزره مثلاو
شیار الحاله هذه موزه خانه لرده و شونك بونك النده پك چوق اولغله
محتاج تفصیل دکلدر

حاصل کلام دولت علیه كرك لوازمات حربیه جه و كرك ابنیه و مقتضیات
بشریه دن اولان ارزاق و منسوجانجه خارجه محتاج اولیوب اگرچه
تزیینات و احتشاماته رغبت اماره لری ظاهر اولدقدن صکره چوقه و اقشه
فرنکبه و ساعت و شکر کی برقاج قلم اشیا مبايعه اولمغه باشلادی ایسه ده
بودخی کبرایه مخصوص ایدی

پادشاهان عظام حضراتنك و باخصوص سلطان سلیمان مرحومك بنا
وانشا ایلدکاری مدرسه ارك بعضیاری علوم عالییه و بعضیاری دخی طب
و هندسه مثلاو فنون حکیمیه و ریاضیه یه مخصوص اولهرق تعلیم و تعلم
امرنده فوق الحد دقت و اعتنا اولنور و دواته لزومندن زیاده ارباب
معارف یتشدیریلور ایدی

وزرا و امرای دولت عوما غزا و جهاد ایچنده نشو و نما بولدقلری جهته
فنون حربیه و حرکات عسکریه جه کسب مهارت و ملکه ایدرك تنظیم
مهمات سفریه و ترتیب صفوف عسکریه خصوصاً لرنده سبقت ایدن درایت
و خدمتکاری معلوم اولوب اگرچه ارکان حربیه ایشارینی رؤیت ایدن
اصحاب معز و معارفك مفرداتیه اسم و رسماری بزم تاریخلرده محرر

دكل ايسده اردن مؤثره استدلال اولمق قاعده سنجه پای تخت سلطنتدن
مصر و بغداد و ويانه کی مواقع بعیده به جسم اردول سوق اولنه بيلک
وسویشدن هند دکرلینه دونما کوندرلک وینه سفن حریبه و عساکر بریه
ارسالیه اسپانیوللرک بورنلرینک دیننده اولان افریقا ساحلارینی بد
استیلازلندن تخایص ایلک نقدر قوت و مکتبه ونه درجه ده معارف
وانتظامانه محتاج اولدیغی ازاده کلفه بیان اولغله رقباتک مرتبه سی
وقوعانک اهمیت و مشکلاتیه موازنه اولمق امر طبعیدر

احوال خارجیہ

عصر سلیمان خانیده عجم واوروپا دولتریه معاهدات رسمیه تنظیم
اولغله باشلوب فقط سلطنت سنیه نك معیار غالبیتی اوله بیله جکی وجهله
همجوار بولنان اوروپا دولترلندن ویرکوی سنوی اخذیه عقد مصالحه
اولمشدر شویله که وندکلور ممالک دولت علیه به قریب اولان بعض
مواقع ایچون ویرکو اعطاسنی درعهده ایتکه مجبور اولوب حتی قبریس
جزیره سی ویرکوسی اوله رق مصر خزینه سنه ویره کادکری قرق بیک
التون مصرک فتحندن صکره خزینه دولته منتقل اولدیغی حالده عصر
سلیم خان ثانیده جزیره من بوره تسخیر و متعاقبا وندکلور ایله تجدید صلح
اولندقدن مبلغ من بورك کا کان طلب اولمامسی ایچون خلیجه تلاش
ایلمشدر

نمجه دولتی سنوی اوتوز بیک التون ویرکو اعطاسنی متعهد اولغله مبلغ
من بوره سنه مأمور مخصوص واسطه سیله تقدیم اولندقدن بشقه سرحد
عثمانی اولان استرغون قلعه سی محفوظه و بودین والی وقاضی سنه وارکان
دولته دخی پاره لر وزر و سیدن معمول هدیه لر کوندرلر ایدی بونک
تشریفات و تفصیلاتی پچوی تاریخنده مسطوردر

له دولتی برقاج کره بغداد بکارینی عصیان تشویق ایدرک اعانه فعلیه ده
دخی بولغله بالدفعات اهلستان پامال خیول عثمانیان ایدلر یکنندن کرک
طرف سلطنت سنییه و کرک قریم خانلرینه ویرکو وهدایا اعطاسنی تعهده
مضطر اوله رق تحصیل مصافاته دسترس اوله بولمشدر
روسیه دولتک اول عصرلرده سلطنت سنییه ایله پکده معامله سی اولیوب

قریم خانلریله گاه محارب و گاه مصالح اوله رق و برکو و هدایا اعطاسیله
تاتارلرک غاراتندن اولدقجه مملکتی محافظه ایدر ایدیه ده برطرفدن دخی
قران تاتارلغنی ضبط و تسخیر ایله مشغول اولوب و قریم خانلری ایسه
بالدفعات مسقویه قدر غاراته قورتیاب اولمشلر ایکن قران جهته
عطف نظر دقت ایتیه رک استیصال منافع روز مره لریله اوقاتگذار
اولدقلرندن روسیه دواتی اولحوالی بی بالندریج زیر حکمنه یکیر مشدر

عصر سلیمان خانیده سلطنت سنیه نک محارب بولندیغی اوستریا و اسپانیا
دولتلیله فرانسه دواتی مخصوصه اوزره اولدیغندن دوات علیه ایله فرانسه
پیشده عقد اتفاق و تنظیم معاهدات اولندیغی مثلاًو ایرانلر دخی دوات
علیه علیه اوستریا لول ایله عقد اتفاق ایتیشلردر انکله دواتی
ممالک عثمانیه دن اوزاق و حرکات خصمانه بی موجب حالاتدن وارسته
بولندیغندن بشقه اول عصره کوره ترکستان ایله خلیجه معامله تجارتی
اولدیغنه مبنی دائماً ابرازود و مخالفت ایده کلمکه دولت مشار الیها ایله
دخی عقد معاهده قلمشدر

ذکر اولان معاهدلرده تجار اجنبیه نک کتوردکاری مال ایچون و برملری
لازمکلان مرک رسمی ایفا ایلدکن صکره کندولرندن برکونه رسم طلب
اولنمائی و حقوقه دأر ایکی اجنبی پیشده تگون ایدن دعوانک کندو
قونسالوسلری معرفتیه رؤیت قلمسی و تبعه دوات علیه ایله اجنبی اراسنده
واقع اوله جق دعاوینک رؤیتده ترجانلری حاضر بولنوب درتیک
اقچه لکدن زیاده اولان محاکمات کنار محکمه لرده کورلیه رک قاضیه سکرلر
حضورنده مرافعه اولنسی کی بعض مساعدات مندرج اولدیغندن بولر
عصر مزده باعث مشکلات اولمده ایسه ده اولوقنه کوره اهمیت و بریله جک
و محذور مطالعه اوله جق مواددن دکل ایدی

چونکه ممالک محروسه ده بولان اجنبی تجاری حال مسافرتده واستلاک
املاکدن و خرده فروشلقدن ممنوع اولمیریله ذاتا تکالیف اعطاسنی
ایجاب ایدر کیفیتله مألوف اولدقلری مثلاًو فرضاً برفرانسز یا خود انکلیز
تاجرلیله مناع تجاریه سنی کتورمش اولان کذلک فرانسز و یا انکلیز او
برقیودان پیشده تگون ایده بیه جک دعوانک محاکم دولت علیه ده رؤیتنی

طالبه فائده و فوئسل و سخاوت لرنده فصل و تسویه اولمسنده دواتجه بر ضرر
کورلدیکندن لایاس حکمنده طوئاشدر چونکه هر وقتده یاپیلان معاهدهلر
مزاج عصره توفیق اولانه کلوب یوخسه اوچیوز سنه صکره اداره دولت
شوهیتنه کیره جکدر اول زمان بومادهلر مضر اولور مطالعه سنی دریش
ده بلك عقول بشریه نك خارجنده اولدیغی جای اشتباه دکلدر

بوکا دلیل ارا نیلور اینسه عصر مزده واقع اولان فرانسه محاربیه سی
کوستریله بیلورکه فرانسه ایمپراطوری ایکنجی ناپولیونک ولوله شوکت
وسطوتی بتون عالمه دهشت انداز اولوب جمیع دول شرنندن استعاده
ایتمکده ایکن پروسیا اوزرینه اعلان حرب ایلدیکنک اینه وارمق سزین
ارذولری پریشان و کندوسی اسیر اولدقدن بشقه مؤخر پروسیا اولور پارس
شهرینی دخی تسخیر ایلدیلر

حالبوکه فرانسلر یکریمی اوتوز کون ظرفنده براینه کیره جکلرینی اعلان
ایدوب کافه ناس دخی پروسیا لورک قدرتیاب مدافعه اوله میه جقلرنده
متفق الکلام اولغله نتایج واقعه کیمسه نك خیال و خاطرینه کلز ایدی

شوراسی دخی علاوه مقال اولورکه تفصیلات مبسوطه دن غرض
عواقب امورک تفکری عبث اولق معناسنی متضمن اولوب قاعده التده
اولان تخمینلرک و بدیهیاتدن اولان مقدماتک نتایجی ظاهر اولور ايسه ده
اوله اوچیوز سنه صکره واقع اوله حق حالات بیلنر و بلیکه حوادث
ناکله ظهور کونیه ایله ملحوظ و منتظر اولان پک چوق مواد

تغیر و تبدل ایدر دیمکدر بنا برین مشید بنیان دولت
اولان اسلاف عظامه عاقبت بین اولماق نقیضه سنی
اسناد ایلمک مغایر انصاف و محل ادبدر







صفحه	
۳	سلطنت سلطان محمد خان ثالث
۵	غزوه مشهوره اگری
۱۵	غزوه عظیمه قنبره
۱۶	ظهور جلالیان
۲۲	نقض عهد شاه عجم
۴۲	سلطنت سلطان احمد خان اول
۳۰	عقد مصالحه نجه
۳۲	استیصال اشقیای جلالیان
۳۷	عقد مصالحه ایران
۳۹	ظهور سفر ایران دیگر بار
۴۱	سلطنت سلطان مصطفی خان اول
۴۱	سلطنت سلطان عثمان خان ثانی
۴۴	عزیمت سلطان عثمان بسفر له
۴۵	وقعه مشهوره عثمان خان شهید
۴۶	سلطنت سلطان مصطفی خان اول در دفعه ثانیه
۴۸	استیلای شاه عجم بشهر بغداد
۴۸	عصیان ابازه پاشا
۵۰	سفر بغداد
۵۱	ظهور سفر نجه و تجدید مصالحه
۵۲	تبدیل خان قریم
۵۴	سفر صدر اعظم خسرو پاشا بایران
۵۵	ظهور فتنه سپاه در آستانه
۵۸	ظهور سفر له و تجدید مصالحه
۵۸	عزیمت سلطان مراد خان بسفر روان
۶۰	قتل خان قریم عنایتکرای خان
۵۱	عزیمت سلطان مراد خان بسفر بغداد


انعقاد مصالحه در میان دولت علیه و دولت ایران	۶۲
سلطنت سلطان ابراهیم خان	۶۲
ظهور سفر کرید و فتح قلعه حانیة	۶۴
سلطنت سلطان محمد خان رابع	۶۷
ظهور فتنه و شهادت بیوک والده سلطان و تدمیر صنایع و یکپیران	۷۳
وقعه و وقایع	۷۶
صدارت کوپربلی محمد پاشا	۷۸
دفع و تشکیل دونمای وندیک و فتح بوزجه اطه ولنی	۷۹
سفر اردل و فتح ینوه	۸۱
تدمیر جمعیت ابازه پاشا	۸۲
ظهور سفر نمچه و فتح ابوار	۸۵
عقد مصالحه نمچه	۸۸
عزیمت صدر اعظم فاضل احمد پاشا بجزیره کرید	۸۹
فتح قندیه و عقد مصالحه وندیک	۹۰
عزیمت همایون بسفر له و فتح قانیچه و عقد مصالحه	۹۱
سفر جهرین و عقد مصالحه روسیه	۹۲
ظهور سفر نمچه	۹۳
محاصره ویانه و وقوع هزیمت	۹۵
نقض عهد وندیک	۹۷
هزیمت عسکر اسلام و ظهور فتنه در اردوی همایون	۹۸
وقوع تبدل سلطنت	۹۹
باب ثالث تکمله سی	۱۰۰
احوال ارکان دولت و اداره امور سلطنت	۱۰۳
احوال عسکریه	۱۰۶
احوال بحریه	۱۱۲
احوال مالیه	۱۱۳
احوال علوم و معارف و صنایع	۱۲۳
احوال خارجیّه	۱۲۵

اشبو جلد ثانیك حین طبعنده كرك حروفاتجه و كرك سبك وربطجه بعض
خطبات واقع اولش ایسه ده جزئیاتدن سیاق و سباق قرینه سیله معلوم
اولان مواددن اولغله خطا و صواب جدولی ترتیبه لزوم کورلمیوب مطالعه
بیوران ذواتك عفو و تصحیحنه براغلدی

﴿ نتائج الوقوفات ﴾

﴿ جلد ثانی ﴾

﴿ مطبعة عامرہ طبع اولندی ﴾
سنہ ۱۲۹۶



الجلد الثانی
من تاریخ نتائج الوقوعات

بِسْمِ اللَّهِ الرَّحْمَنِ الرَّحِيمِ

باب ثالث

بيك اوچ سنه سنده واقع جلوس محمد خان ثالثدن بيك طقسان
طقوزده وقوعبولان سلطان محمد خان رابع خلعه قدر طقسان بش
سنه لك وقوعاتي متضمندر

باب ثانی خاتمه سنده بیان اولندیغی اوزره بيك برسنه سی اواخرنده اوستریا
دولتی اوزرینه سفر آچیلوب سردار اکرم سنان پاشا بودینه قدر عزیمت
وموسم حربك کذرانی جهتیله بیوک بر محاربه واقع اولمق سزین بلغراده
عودت ایلدکن صکره سفرک ایکنجی سنه سی بلغراددن تکرار ترفیع
رایات اقتدار وویانه یه قریب راپه نه ری کنسارنده اولان یانق قلعه سی
محاصره یه ابتدار ایدوب قلعه مرقومه یی محارسه قصد یله وارد اولان
بیوک برنجه اردوسنی پریشان وکافه طوب و مهماتلرینی ضبط وقلعه یی
دخی تسخیر ایتمکله مظفرا بلغراده عودت ایتشدی لکن اوستریا لورک
افساداتی وپایانک امرای ملت مسیحی یی اهل اسلام علیه نه دعوتی
وسردار اکرم سنان پاشانک افلاق بکی میخالی بک حقنده اولان تفوهات
تهدید انکی رنی سبیلر یله افلاق وبغدان واردل امارت لری بالاتفاق اعلان

عصیان و طونه ساحلار بنی تخریب و تالان ایلدکاری حوادثک و رودینی
 متعاقب مراد خان ثالث حضرتلری مر نخل دار آخرت و سلطان محمد خان
 ثالث حضرتلری جالس تخت خلافت اولوب قائم مقام بولنان صدر سابق
 فرهاد پاشایی مهر صدارت ایله تکریم و سردار اکرملاک ایله توقیر ایلدی
 اول امرده مذکور امارتلاک تأدیب و تربیه سیله طونه سواحلاک تأمین ایدلسی
 لازمه مصلحتدن اولغله صدر مشارالیه اردوی همایونی بالاستصحاب
 روسجغه واصل اولوب طونه اوزرینه کوپری قورمق ایله مشغول ایکن
 سنان پاشا هوادارلری اولان قائم مقام ابراهیم پاشا و وزرادن چغاله زاده
 و جراح محمد پاشا و شیخ الاسلام بوستان زاده و روم ایلی قاضی عسکری شاعر
 مشهور باقی افندی اتفاق ایدوب طوائف عسکریه فرهاد پاشادن متفر
 اولدقلرندن معینده لایقینه خدمت ایتزلر و کندوسنک عاصی میخال بک ایله
 اتفاق خفییسی وارد دیرک اغراض ذائبه لرینی اجرا ایچون بویله برتنک
 وقتده تبدیل سرداردن جانب دولت علیه یه جائد اوله جق مضراتی اختیار
 و القای مفتریانه اجتناسار ایلدیلر پادشاه صافدل مکر دشمندن غافل یولغله
 مهر همایونی استرداد و فرهاد پاشایی عالم هستیدن ابعاد ایچون مأمور
 کوندردی ایسه ده وصولندن اول پاشای مشارالیه کیفیتدن خبردار اولغله مهر
 شریفی و اداره عسکریه بی یکجیری اغاسی ساطورجی محمد پاشایه تسلیم ایدرک
 روسجقدن فرار و استانبوله کلوب حضرت خالد جوارنده اولان چفتلکنده
 مختفیا قرار ایلدی خلفی اولان سنان پاشا اردوی همایون جانبده راهی اولدقلدن
 صکره فرهاد پاشا والده سلطان طرفه هدایای عظیمه تقدیمه عفو مشر خط
 همایونه دسترس اولوب باخصوص قائم مقام ابراهیم پاشایه دخی غایت ذی
 قیمت برخبر اهداسیله تحصیل امنیت و بعضی اصدقاسیله کورشمکه مبادرت
 ایلدیکی حالده ابراهیم پاشای غدار تکررا اعدامی تلخیص ایله استیصال
 اراده ایلکله مسبوق الخدمه اوله برغازی وزیر عارف شیر شمشیر اولدی
 صدر جدید بیک اوچ سنه سی اواخرنده اردوی همایونه واصل اولوب
 انشا اولنان جسردن طونه بی مرور و بکرشده توجه ایلدی میخال بک جمع
 ایلد بیلدیکی یکرمی اوتوز بیک قدر عسکر ایله بکرش بوغازنده معسکر
 همایونی استقبال و متصدی حرب و قتال اولدی ایسه ده قدرتیاب
 مدافعه اوله مدیغنه مینی بکرش و اندن ترغوشده قصه سنه عودت و اوراده

دخی پابرجای تمکن اوله مامسینه اردل طاعنرینه فراره مسارعت ایلدی
 سردر اکرم بکرش وترغوشته قصبه لرینه سور انشاسینه تضییع
 اوقات ایلدیکندن و باخصوص تبدل صدارت سببیه زمان سفر
 طارشمش وجیوش عثمانیه دخی اموال غنایم ایله پر بار اوله رق عودت
 ارزوسنه دوشمش ایدو کندن میخال بک اتخاذا فرصت ایله تکرار ظهور
 وترغوشته بی جبراً وقهراً استیلا و مستحفظ لرینی انواع اشکنجه ایله شهید
 ایلدیه بکرشک محافظه سی ممکن اوله میه جغی استبدلال و باییلان سور
 تخریب و احراق اوله رق عودت اولندی طونه ساحلنه ندی الوصول
 کو پری یه مأمور لر تعیینیه اموال غنایم دن خمس شرعی المنغه مباشرت
 و بواش ایله مشغولیت خلانده میخال بکک تعقیب ایتیکده اولدیغی استماع
 اولاند قدس سردار اکرم هنگام شبده کو پریدن کچوب ایرتسی کون دخی طوب
 و مهمات وجیوش اسلامیه مرور ایتیکده ایکن بین الصلاتینده میخال
 بکک عسکری یتشه رک دانه طوب ایله جسری شکست ایلار یله کرده قلان
 عسکر و باخصوص اقجی طائفه سی دو گوشه دو گوشه سرمست سلاف
 صاف شهادت اولدیلر حتی ابتدای ظهور دولت عثمانیه دنبرو استخدام
 اولانه کلان اقجی طائفه سنک انقراضنه بووقعه نك سبب مستقل اولدیغی
 بعض مورخین ایراد و اتیان ایلشدر

صدر مشارالیه افلاق اوزرینه توجه ایتد کده نچمه حدودنده واقع سرحدات
 اسلامیه نك محافظه سیچون اوغلی محمد پاشایی مع الوزاره سر عسکر ایدوب
 اناطولی و بوسنه و قرمان و سیواس و بودین و طمشوار و حلب و سکتوار
 و یانق بکار بک لرینی و سپاه و سلحدار بلوکارینی معیتنه تعیین ایتشدی نچمه اولرک
 استرغونی محاصره ایلد کیری استخبار اولند قدس بودیندن قالفوب معیتنده
 بولنان امر او جنود اسلامیه ایله اولجانبه عزیمت ایلدی لکن محاربه یه مباشرت
 اولندیغی کون سر عسکر مزبور جرأت عارضی تحصیل ایده بم دیر ایکن مست
 مدهوش اولوب آت اوزرنده استفراغ ایتیکه و نور و سونلر دیوهذیان سویلکه
 باشلادیغی امر او طوائف عسکریه نك منظوری اولیجق مظهر لعن و دشنام
 اولمقد و طرف طرف محاربه اولمقد ایکن عسکر بوزادی ظنیه بودینه فرار
 ایلدیکنه مبنی جیوش اسلامیه نك بره قدری رجعت و اناطولی بکار بکیسی
 محمد پاشا بک بشیوز قدر سواری ایله استرغون قلعه سنه دخول ایلدی

و برای قدر مدافعه دشمن خصوصاً بذل مقدور آید ایستاده انقطاع
امداد و اشتداد قلت زاد سبیل یله قلعه مر قومه نمچه لولرک بد استیلا سنده
تسلیم اولندی حاصل کلام سفرک اشبوا و چنی سنده سی وقوعاتی سلطنت
سنیه نک شان و عظمتنه موجب نقیصه و شین اولوب هیئت انکیز دول
اولان عساکر عثمانیه افلاق و یوده سنده مغلوب و نمچه طرفنده دخی
استرغون قلعه سیله بر قاج بلنقه ایادی اسلامیه دن مسلوب اولدی

بونک اوزرینه سنان پاشا خدمت صدارتدن معزول ویرینه لالا محمد پاشا
موصول اولمشیکن صدارتک اونچی کونی وفات ایلدیکنه وقائم مقام ابراهیم
پاشا فرهاد پاشانک قتلنه سبب اولق تهمتیه پادشاه حضر تلی نزدنده
متهم ایدوکنه مبنی شبهه قدر سنان پاشانک بشنچی دفعه صدر اعظم اولسنه
منجر اولدی مشار الیه بو کره بالذات پادشاه انامک سفره عزیمتی سوق
و تصویب و خواجه سعد الدین افندی دخی تشویق و ترغیب ایتمکله
شهر یار نوجاهی اختیار مشقت سفره قائل و طریق غزا و جهاده مائل
ایلدکلرندن موسم شتاده استحضار لوازمات موکب همایونه تفید اوزره
ایکن صدر مشار الیه مر تحمل دار آخرت اولغله اقتضای حکم زمان ایل
چار ناچار ابراهیم پاشایه تفویض خدمت صدارت قلندی

سلطان سلیمان عصر ندنبو ارام کیر کنج سکون اولان رایات سلطانیه
تبختر و اهترازه آغاز ایدرک بیک بش سنده سی اوا ثلنده پادشاه اسلام
بلغراده واصل اولغله بین الارکان جهت توجه مذاکره اولندقدنه بعضیلر
قومر ان قلعه سنک تسخیرینه عزیمت اولغنی تنسیب ایتدیلر ایستاده قلعه
مر قومه طونه ایچنده بر اطهده واقع اولوب پادشاه حضر تلینک اختیار
کلفت ایلدکلرینه دیکه جکندن واکری قلعه سی استحکامات جسدیدن
و نمچه ممالکی ایله اردل ولایتی فاصل اولق حسبیه مواقع مهمه دن
اولدیغندن انک فتحیه نمچه لولرک اردل طرفلرندن قطع آبادی تسلطلی
قرارلشدیلر دیغنه مبنی بلغر اددن صاوه و وارهدیندن طونه نهرلی بکیلوب
قلعه مر قومه پیشکاهنده نصب سرادقات شوکت ویکرمی کون قدر
محاصره و مقاتله شدید و قوعیه اوردی قبضه دوات قلندی

بالذات پادشاه آل عثمانک مجار ستانه توجهی اخباری منتشر اولد قدنه
نمچه اولر پاپانک امر و قرار یله دول عبسویه دن بالاستعانه اهل صلیب

طرزنده بر هیئت حربیه تشکیل و یوز الی بیک قدر عسکر جمع ایستاد ابدی
اگری محاصره سی هنگامنده اردوی همایونی باصمق تصورنده اولدیله
ایسه ده یتیشه مد کلرندن اگری یه سکز اون ساعت مسافه ده واقع حاج
اوه صحرا سنده رکز خیام ارام ایلد کیری مسموع ارکان دولت اولد قدده
ینه خواجه سعدالدین افندی نیک ترغیب و تشویقیله موکب همایونک دشمن
اوزرینه هجومی تنسیب قلندر قی حرکت اولندی معسکر اسلامده الی
الی بشیک قدر قیو قوی ورا اولقدر دخی ایالات عسکری ووزرا واهرا
توابعاتی موجود اولد قدن بشقه قریم خانی غازی کرایک برادری قهرکرای
یکرمی بیک تاتار سوار سیله معیت پادشاهیده حاضر ایدی بیک بش سنده سی
ربیع الاولنک دردنجی کونی تقابل صفین واقع اولدی ایسه ده بر مقدار
محاربه دن صکره حلول وقت شام ایله طرفین اردوگاهلرینه جکدیلر مخیم
همایون ایله اردوی دشمن ارا سنده بر بطا قلق اولوب ایکی محله ده یکید
یرلی اولغله ایرتسی کونی دائرة همایون ایله پادشاهدن ماعدا کافه
وزرا و صنوف عسکریه بتاغی اوتنه جانیه کچوب حرب وقتاله مباشرت
ایتمکله نمچه اولر اول امر ده اغفال قصدیله صورت خوف وهراس اراثت
ایلمشلا یکن بردن بره آتش افشان هجوم اولد قلرینه مینی جیوش
اسلامیه نیک یوزی دونوب بتاغی برو طرفه هرور و دشمن دخی درقفا اوله زرق
عبور ایدرک اردوی همایون ایچنده یقه یقه غوغایه باشلانندی و پیادگان
دشمندن موکب همایون چادرلرینی غارته متجاسر اولنلری اگرجه آشجی
وقره قوللقجی وخر بنده مثالو جادر بکچیلری اللرینه بکن الات ایله اعدام
وافنایه آغاز ایلدیلر ایسه ده بوحالی مشاهده ایدن کونه بینان عسکر دن
اردوی همایونک ربعنه مساوی بی عار عازم سمت فرار اولغله وزرای عظام
پادشاهی احاطه ایدرک خواجه افندی صبر و ثبات موجب فوز و نجات
اوله کلدیکنی پادشاهه تقریر ایدر ایدی دشمنک صف مرتیلری بوزلق
حسبیه از وقت ظرفنده قوت و شدت لری مبدل ضعف وانگسار اولدیغندن
عودته شتابان اولدقلری مشاهده اولد قدده انجام کاره منتظر و مترقب اولان
سواری سر عسکری چغاله زاده سنان پاشا و قهرکرای سلطان تعقیبه
مسارعت ایتملریله یوز بیکه قریب دشمن افتاده خاک هلاک اولد قدن
ماعدا بقیه السبوقلری دخی اردوگاهلرنده پایدار اوله میوب وقت غروبده

طاغله دوشدیلر بنابرین معسکر دشمنده موجود اولان اونر بیک فیلور بیک
 طقسان یدی قطعه طوب ویک چوق ضربه زن و شاهی و کافه جبه خانه
 و مهمات ضبط و اغتنام اولندی جغاله زاده مهر صدارت و قحکرای
 سلطان برادری غازی کرای یرینه قریم خانلی ایله تشریف اولنوب
 فرار بیک در لکری جالندی یعنی دفاتر خاقانه ده اولان اسامیلرینه خط
 بطلان چکیلوب اله کچنلری عقوبات شدیده کرفتار اولدی لیکن اشبو
 مظفریت عظیمه اوزرینه مهابت دور سلیمانی اعاده قلمشیکن لایقوله ثمره
 غالبیت اقتطاف اولنه مدیغنی وقعه ده حاضر بولنان بچوی ابراهیم افندی
 تاریخ مشهورنده بیان ایدوب دیر که اگر اول قیش پادشاه حضر تلی
 بودین یا خود بلغرادده مشتافشین اولوب اولبهارده تکرار هجوم اولنسه
 و یانه به قدر تسخیر اولنق و دلخواه اوزره عقد مصالحه ایلک ممکن ایدی
 نه چاره که عقیب غزای اکبرده استانبوله عودت بیوریلوب امور سفریه
 کوشک طوتلغله دشمنه تدارکات مافات خصوصنده ارخای عنان اولندی
 دیو تأسف ایدر

موکب همایون ادرنه جوارنده ایکن والده سلطان شفاعتنامه سیله
 ابراهیم پاشا ثانیاً صدر صدارته اعتلا ایلکله در حال سلفی جغاله زاده نیک
 نصب کرده لرینی عزل و ازعاجه قیام ایدرک اولا سرعسکرلک خدمتیه
 بلغرادده براخیش اولان صورتلی محمد پاشا زاده حسن پاشایی تبدیل
 و امر عظیم سرداری بی کرک قدرت و مکنت و کرک رای و تدبیرجه صعفادن
 اولان ساطورجی محمد پاشانک کردن بلاهته تحمیل ایلدی ثانیاً غازی کرای
 انفصالی استماع ایتد کده اره اطاعتدن خروج ایده چکی مجزوم اولغله
 بویله بروقتده دولته غائله عظیمه بی مستلزم اوله جقدر دیو پادشاهی وارکان
 دولتی اخافه ایله قحکرایک عزانه صرف ما حصل قدرت ایدوب هر نقدر
 پادشاه حضر تلی غرس بمیلری اولان خان عالیشانک محافظه جاهنه
 اعتنا ایلدی ایسه ده ابراهیم پاشانک تزویراتی ابطاله قدرتیاب اوله مدیغنه
 منی ناچار بری غازی کرای و بری قحکرای نامه اوله رقی ابکی قطعه
 ایفا فرمانی تصدیر اولنوب اگر غازی کرای قریمدن چیقمش بونور ایسه
 قحکرایک فرمانی اعلان قلمی و چقماش او اویده طائفه تاتار غازی کرایک
 بقلمی ارزو سنده اتفاق ایش بونور ایسه اولخالده انک فرمانی ارئه اولنق

سلطان بنی قسطنطنیه کسمشدر جمع ایلدیکم اقیچه واشیانی مشار الیه ایله تقدیم
ایتمکده مأمور و مجبورم دیرک اعلان ایتمکده ایدی بو اوانده شیخ الاسلام
بوستان زاده فوت اولغله پادشاه خدمت فتوایی خواجه سعدالدین افندی به
ویرمک حیراد ایلدیککی حالدده صدر اعظم شاعر باقی افندی به توجیه
ایتدیرمک ایچون براییکی دفعه تلخیص ایتدی ایسده کارکر اوایوب
خواجه مشار الیه مسند فتوایه باعث مزیت وزین و جامع الیاسستین
اولدیغنه و صدر اعظمک مقرب پادشاهی اولان غصنفر اغا حقنده اولان
غیضی دخی اغای موی الیه عکس ایلدیکنه مبنی خواجه افندی ایله
بالاتفاق صدر مشار الیهک افعال واقوال نامی ضمیمه سنی افاده و تقریر
ایلار یله سیف سیاستله مقبول و صدارت عظمایه جراح محمد پاشا موصول
اولدی

بغدان اراضیسی تاتارستانه ملاصق اولق حسبیه اهالیسی مهاجرات تاتاره
تاب آور مقاومت اوله مدقلردن قریم خانه عرض اطاعته مجبور اولمشار
ایسده ده افلاق بکی میخال بک واردل قرالی زیغنون بر طرفدن جانب
دولت علیه به تقدیم معروضات ایله استیفای جرایم بولنده اغفاله مباشرت
وبریاندن مقدر اولدقلری مرتبه حرکات خصمانه به مجاسرت ایده کلدکارینه
واردلستان تحت اطاعته المذقجه افلاقک ضبطی قابل اوله میه جغنه مبنی
سردار ساطورچی محمد پاشایه بک یدی سنه سی موسم صیفنده اردلستان
اوزرینه سفر ایتمک اوزره رکاب همایون جانبندن اصدار فرمان اولمشیدی
لیکن سردار مشار الیه بلغراددن حرکت ایتمکسزین یعنی سنه سابقه
اواخرنده نمچه لول باقی قاعده سی محافظلرینک کمال غفلت اوزره آرام
وطوائف عسکریه دن اکثر یسنگ پچوی واستونی بلغراد
طرفلرند تاهل ایدرک اورالده امرار ایام ایلدکارینی استخبار ایللریله
قومران قوماندانی اولان پالخی نام جنرال بر کیمده بغنه یدی سکر بیک
سواری و پیاده عسکر ایله قلعه قپوسنه قدر کلمشیکن کیمسه نک خبری
اولدیغندن و قلعه نک متانتی کالده ایسده قپوسی غایت ضعیف و خندق
اوزرینه بولان احمد کورپی دخی غنه تکامل جله سندن اولارقی
قالدیرلماش بولندیغندن رفوع اتاج طوب ایله بوی شکست ایدرک
یکجیری اغای اولان سرخوش و محافظه خدمتیه مأمور اولان جیوش حال

سر رسیدن بیدار اولجیه قدر قلعه بی استیلا و قورتیه پیلان بش اون کشیدن ماعداسنی اعدام وافنا ایلدی

بصره ستمارنده تحشد ایدن عربان مشایخندن سید مبارک علم افراز عصیان اولوب بصره و لحه حوالیسنی تاراج و انهارا ایلکاده اهالی قرا و قصبات عجم شاهندن استعانه ایلدکلیرینه مبنی اوچبیک قدر عجم کلوب انارک غارانی دخی عربانک سیاتنه منظم اولدیغی پیامی واصل در دولت اولدقدن مذکور عجملرک کرو التمسچون شاهه نامه همایون اصدار ووزرای دیوان همایوندن صوقوالی محمد پاشا زاده حسن پاشا سردارلق نامه بفرماد وایلکینه تعیین وارسال قلندی

سردار ساطورجی محمد پاشا بلغراددن حرکت و طونه اوزرینه تمبید اولنان جسردن قارشو جانبه هروره مباشرت ایلدوب بیک یدی سندسی اوائل محرمنده بچکرک صحرا سینه رکز خیام وقریم خانی غازیگرایک ورودینه انتظارا الی بش کون آرام ایلدکدنصکره مشارالیه عساکر تاتار ایل واصل معسکر همایون اولغین اردلستانه توجه ووراد قلعه سنی محاصره ایلدی لکن بو سفردن مقصد ممالک اردلی غارته منحصر اولدیغی جهتله بیوک طوپلر وادوات قلعه ستانی استصحاب اولمادیغنه و موسم شتا دخی تقرب ایدرک یغهورلرک کثرت اوزره نزوانه مبنی برای قدر ممتد اولان امر محاصره نتیجه بخش مراد اولدیغی مثلاً و حین محاصره ده کرک اقنچی طائفه سی وکرک جنود تاتار چاپوله رخصت طلب ایلدیکجه بعد الفتح برلکده کیدرز دنبله رک تأخیر اولماریله غارت ممالک عصات دخی حاصل اوله مدی نجه لول ایه اون بشبیک قدر ایتالیان و التمش بتشبیک مقداری محار و خروات عسکرندن مرتب برارد و ایله یوریوب کچن سنه فتح اولنان تاتا پلنقه سنی و سار پلنقه لری ضبط و بعده بودینی تحت محاصره ده الدقلری خبری سمع سرداره منعکس اولیجی یکر می بیک قدر تاتار عسکرله بعض امرایی امداده ارسال ایلدوب کندوسیدخی و اراد محاصره سنی ترک و بودینه کیدلک شایعه سبله حرکت اتمش ایلدده اهرلک طغیان و ذخارک قلی و دواب و مواشیک طائفه لری سبیلرک قدر تاتار اوله مدی فادن بلغراد عودت ایلدی بودین محافظه سنده بولسان مرعش بکار یکسی سنار پاشا و استونی بلغراد بکار یکسی سمندر پاشا مقالات و افعه ده شهید وریای

حسن پاشا ايله سمندره بكي محمد بك زخدار اولدقدن صكره واروشي ترك
وقلعهده تحصن ايلدكلرندن اگرچه دشمن واروشي ضبط ابتدی لكن
اطرافدن امداده كلان جيوش اسلاميه بشتديه طوبلر وضع ايدرك
نمجه لوري ازعاج وموسم شتادخی حاول ايتسيله استيلای قلعهدن مأیوساً
واروشي تخریب واحراق ايدرك یقيلوب كیتدیلر

بو سنهك وقوعات مآله سندن بریسی دخی حافظ احمد پاشا انهرامیدر
شویله كه بوسنه والیسی اولان پاشای مشار اليهك معيته برقاج بكربكي
تعین اولنهرق طوته یالیرلی محافظه سنه مأمور ایدلشیدی نيكبولی یه
واصل اولدقده میخال بكك برآدی كلوب عفوجرایم رجاسنی تكرار
ومساعده بیورلدیغی حالد میخال بكك خاكپای وزیر مشار اليه رومال
ایده جكنی نذكار ایللكه حافظ پاشا بوكا الدانوب اوطاقتی انواع زیب
وزینت ايله تزین ایدرك میخال بكك بنه جكي قایقه نكران ایكن وادی
دیكردن اوزرلی آل چوقه پوشیده او عربلر كورندی میخال بكك ادمندن
سؤال اولدقده هدیه عربلری ایدوكنی بیان ایلمی عقینده میرمزبور
عساكر كلیه ايله ظهور ومذكور عربلر ك دخی طوب عربلری اولدیغی تبین
ایدوب عساكر اسلامیه ایسه غافل بولند بختدن حله اولاده وزیر مشار اليه
عازم سمع فرار وبالجله خیام ومهمات نصیب دشمن مكار اولدی بونك
اوزرینه میخال ضال یكرمی كون قدر نيكبولی قلعه سنی محاصره ایدی
ایسده اطرافدن وارد اولان جيوش اسلامیهك صولتیه مأیوساً افلاق
جانبه مرور ایلدی

وقوعات مبسوطه صدر اعظم جراح محمد پاشاك وسردار ساطورجی
محمد پاشاك رخاوت وعدم اداره لرینه محمول وصدر مشار اليه عزل
اولنهرق سردار مزبور دخی مقتول اولغله خدمت صدارت ثاكا ابراهیم
پاشایه توجیه وسردار قی دخی عهد سنه تحمیل اولنوب قیودان خلیل
پاشا قائم مقام وجفاله زاده سنان پاشا ثابا قیودان دریا نصب بیورلدی
حالبوكه ساطورجی محمد پاشا ابتدای نصبده بواشده عدم ایافت
واستطاعتی بیان ايله اعتذار اغشیکن قبول اولنمدیغی ورکاب همايوند
عقد اولنوب سردار ك اردلستانه توجه ایلمسنة قرار ویریلان مجلسده جراح
محمد پاشا نمجه اولر استرغونده تخریب واجتماع اوزره اولمیرله بودن

جانبی ترك اوله رقی اردلستانه عزیمت مخاطره لیدر اقتضاسنه كوره حرکت
اولمق اوزره سردار تخیر اولسون دیشیكن مئر اولوب اردله
توجهی متضمن امر قطعی كوندردیكى اونودلدی وجراح پاشا یالساكن
عزل ایله قورتیلوب بیچاره ساطورجی پاشا شربت شهادتی نوش
ایلدی

صدر اعظم ابراهیم پاشا استحضار اوزمات سفریه ایله مشغول اولوب لکن
پادشاه حضر تلی یکن سنه ایچ خزینه دن الی ملیون آقچه ویردیکی حالد
بوسنه مصارف سفریه نك اعطاسنده تردد كوستردیكندن حضور همایونده
عقد اولنان بر مجلس عمومیده شیخ الاسلام سعدالدین افندی وجاهاً آقچه
طالبه جرأت وپادشاه دخی بالضروره اظهار موافقت ایتمكده صدر مشاور ایله
طوائف عسکریه بی مستحجاباً جانب بلغراد عطف زمام ایلدی بیک سكر
سنه سی محرم نك اوائلنده زمون صحراسنه میور واردلستان طرفلری
بازده خیول غارت ایلمك ایچون بودیندن پشته جانبده عبور اولوب
ضنبورده مشتا نشین اولان قریم خانی غازی کرای ساطورجی پاشا می حومك
تهدیده مشترك طوئلق وسوسه سیله مستشعر اولدیغندن هر نقدر صدراعظم
تعظیم وتوقیرنده مبالغه ایلدی ایسدهده مطمئن ومؤلف اوله میوب كور یوز
كوستردی

نمجه اولك اردوسی استرغونك قارشوسنده واقع جگردان صحراسنده
اولدیغندن اولا طابور دشمن اوزرینه واریلوب بر طرف ایلدكدن صكره
غارت سووق جیوش قلمسی تنسب قلمغله نمجه اولر وقت قزاق وایوار
ایالتی خسار دن محافظه ایلك قصدیله مأمور كوندره رك صلحه
طالب اولدقلمی اظهار ایلدكندن مذاکره مباشرت واکری ایله
استرغون مبادله قلمق مثللو بعض شرائط ایراد ایلدیلر ایسدهده هر ادلی
اغفال ایدوی تبین ایلدیكده مبنی ترك مذاکره ایله طابورلری اوزرینه
وارلغده قرار ویرلدیکی حالدده ممدود اولان کوپریدن استرغون طرفنه
کچوب جسری دخی قالدیرملریله هجوم جیوش اسلامیه دن تخلص
کریبان ایلدیلر بنابرین صدر اعظم برای قدر اولحوالیده اقامت و طرف
طرف اقنچی سوقیله ایوار ایالتی واردلستانك بعض طرفلری غارت
ایتدیرد كد نصكره مشتاى بلغراد می اجعت ایدوب یکجبری وسار فیو قولی
عسکری بلوکلرینی استانبوله اعزام وایالات عسکریه ولاتی مناسب مشتاره

تقسیم ایلدی قریم خان بوفیش دخی الی توفه چوق چالشی ایلده
خان مشار الیه عداکر تاتارک ضعف حاله کرفتار اولدقلندن بحال آلام
قراره اقلارلی قالدیغنی بیان وئذکار الیه جانب قریه روبراه عزیمت
اولدی

عصر مزده طابور تعمیر یدی سگز یوز کشیدن مرکب بفرقه عسکریه به
اطلاق اولوب حالوکه اولوقلرده اردو اطرافنه خندق چرمک ویاخود
عربه دلو شیلر وضعیه اطرافنی تحصین ایتک واقع اولدقجه بزم تاربخلرده
طابور قوردی تعبیریه توضیح واستکام الشده بولنان دشمن اردولرینه
طابور اطلاق اولنه کلمشدر

کرانامنده بریهودی قاریسی بر تقریه حرم هابونه یول اولوب واسطه
رشت اولدیغندن پک چوق مناصب مز بورهک دلالتیه توجیه اولمقده ایدی
طائفه سپاه قائم مقام خلیل پاشا سراینده مجتمع اوله رق بوبابده عرض
شکایت قیام و مز بوره جاب اولندیغنی آنده پاره پاره ایلکه اقدام ایلدکلرندن
والده سلطان بووقعهک ظهورندن بغایت منفعله اولوب قائم مقام
مشار الیهک مسامحه و بلیکه تحریرکنه حل ایدرک عزل ایتدیرمکه
مسند قائم مقامیه حافظ احمد پاشا موصول اولدی

عاصی میخال بک ارداستانی قبضه تصرفه ادخال ایلدیکندن بحال افلاق
ایالتیه برابر عهده سنه توجیهنی مستدعی صدر اعظمه یازدیغنی عریضه بی
دیو نامنده بر معتمد آدمی الیه ارسال ایتکله صدر مشار الیه دخی کیفیت
انها و دیوبی دخی استانبوله اسرا ایلشیدی مر قوم نیکیولی وقعه سنه
حافظ احمد پاشایی اغفال ایدن حریف اولدیغندن پاشای مشار الیه
بلا امان مز بوری قتل و اعدام ایلدیکنه و صدر اعظم سرحدده بواندیغنی
حاله قلاع خاقانیهک تفتیشی ایچون برچاوش کوندرمک کی خلاف
اصول و ادب حرکاته جسارت ایتدیکنه مبنی صدر مشار الیهک شکایتیه
عزل اولنه رق یکجیری اغامی بولنان بمشچی حسن اغا مقام قائم مقامیه
اعتلا ایلدی

اول بهار حلوانده قری قولی بلوکلری سرداز اکرم معبته قاده جنبان
عزیمت اولغله بیک طقوز سنه سی محرمنده صدر اعظم بلغراددن قیام
واوسک کو پریمی مقابله نصب سرادقات اسلام ایدوب استرغون

محاصره سینه عزیمت منوی ضمیری ایکن بودین والیا کنندن معزول تریاکی
حسن پاشا ایله جهت توجه مذاکره اولند قدده بودین قلعه سنک صاغ
طرف قدده و دراهه نهرینه منصب اولان برق صوی کارنده واقع قنیره
قلعه سی قلاع متیندن و اوسک معبریه کذرگاه اردوی همایونه قریبتدن
ناشی مستحفظلری دائماً معسکر اسلامک خط حرکاتنی تخریب و تضییق
ایده کلدکارندن اولا قلعه مر قومه نک تسخیریه ره راستک تأمیننی سوق
ایلدیکنه و مطالعات معروضه موافق حزم احتیاط کورلایکنه مبنی اوسک
جسری مرور اولند قدن صکره جانب یساره عزیمت و قلعه مر قومه نک
محاصره سینه مباشرت قلندی چند کون مرورنده قلعه مرز بوره یی
محارسه ایچون وارد اولان نیجه اردوسی طابور قوروب اوطور مغله
بر طرفدن قلعه محاصره و بر جانبدن علی التوالی یدی کون طابور اوزرینه
مهاجه اولندرق اسکرچه دشمن استیصال اولندمدی ایسده قرار
و ثباته دخی تاب و توانلری قالدیغندن بالضروره عودت و رجعت
و محصورین دخی ناچار قلعه مر قومه یی ایادی اسلامیانہ تسلیم ایلدیلر
سکنتوار و یجوی و شفلوش و اوسک سنجاقلرینک الحاقیه قنیره قلعه سی
بکار بکیلاک اتخاذ و الای حسن پاشایه توجیه اولنوب ایکی سینه خدمت
محافظه ده بولند قدن صکره سواری بلوکارینه قید اولنق شرطیه اوچبیک
قول اوغلی و ترقی احسانیه یکر می قدر چور باجی و وافر یکچیری قلعه
محافظه سینه راغیلوب و عموماً قیو قولی نفراتنه ایکیشراقجه ترقی احسان
اولنوب مشتای بلغراده عودت و بر معتاد یکچیری اغاسی طوائف عسکریه
ایله استانبوله و بکار بکیلر دخی مشتای تعیین اولسان محلا ره عزیمت
ایلدیلر

حافظ احمد پاشا انهن زماندن صکره طونه سر عسکری نصب اولنان کوزجه
محمود پاشا اولاقه مرور ایتدکده میخال ضال اوچ دفعه متصدی حرب
و قتال اولدی ایسده جله سنده عساکر اسلامیه منصور و مظفر و بالجله
طوب و مهمات حریه سی مضبوط و مسخر اولغله مخذول و منکوب
اردلستانه فرار ایلدی لکن مقدما نیجه لولر ایله دخی بوز شمش اولدیغندن
انلر طرفندن کشته تیغ سیاست قلنغله یدی سکر سینه دنبرو دغدغه فرسا
اولان کانون فسادی منطقی اولدی

قنبره نك قنچى نچهلوره بك کران کلکله نزع واستردادی ایچون تدارکات
 عظیمه قیام ایدوب اسپانیا و فرانسه و ایالتیادن قرق الی یک فدای
 عسکر جلب و محار و سار ککندو عسکرلر یله برابر یوز یک کشیلکدن
 مجاوز براردو تشکیل ایلکده ایدوکلری استخبار اولندیغه منی صدر
 اعظم ابراهیم پاشا قنبره محافظه سنی تریاکی حسن پاشانک عهده درایتنه
 تودیع ایدوب قیوقولی اوجاقلرینک ورودینه مقرب ایکن مر تحمل
 دار مجازات اولغله قائم مقام بولان یمشجی حسن پاشا صدر اعظم و سردار
 اکرم نصب اولدو رفی علی العجله معسکر همایون جاننده راهی اولدی
 نچهله ایمراتوری عساکر مجتمعه نك قرق یک قدرینی استونی بلغراد اوزرینه
 سوق و ماعداسیله بالذات قنبره محاصره سنه عزیمت ایدوب استونی
 بلغراد کیدنلر طقوز کون ظرفنده قلعه مر قومه بی ضبط ایلدیلر
 بوخبر سردار اکرمک سمعنه واصل اولیجق اولاق قلعه مر قومه استرداد
 و بعده قنبره امداد اولنق اوزره یک اون سنه سی اوائلده اولجانبه
 عطف زمام و استحکام الته کیرمش اولان دشمن اردوسنک تدبیرینه
 اقدام ایلدی ایسه ده موقعک صاریلخی مانع ظفر اولغله و موسم شتا دخی
 تقرب ایتمکله سکدینه عودت ایدوب قنبره نك نتیجه احواله دیده کشای
 انتظار اولدی

نچهله ایمراتوری عساکر کلیه ایله قنبره بی محاصره ایدوب مؤخرأ استونی
 بلغرادى تسخیر ایدن فرقه مفرزه دخی منضم اولغله کمال شدت ایله مقتله
 قلمقه ایکن مفصلات توارینجده مسطور اولدیغی وجهله تریاکی حسن پاشا
 بر جانیان مدافعه شجیعانه قیام و بر طرفدن دخی خدمه حکیمانه ایله محار
 و نچهلور بیته منافرت و عدم امنیت القاسنه اهتمام ایدوب عاقبت تشبث
 ایلدیکی تدبیر کار کر تأثیر اوله رق مجارلور ایمراتوری براغوب مملکتلرینه
 کیدیلر و طوبو کشان اولان حیواناتی استصحاب ایتدیلر مع مافیه ایام محاصره
 ایکی بجق آبی کچمش و قاسم دخی مرور اتمش اولغله جناب عتک عتایله
 بردن بره برقیش مسئولی اولدیکه ال وایانی طوتمز درجهیه واردی و ایمراتور
 کال ضجرت ایله فراره مجبور اولدی بناء علیه قرق الی قدر محاصره
 طوبلری که هرری بریدن جلب اولمش غایت قیمتدار و مصنع ایدی
 ال و بالجله خیام و مهمات وجیه خانه و حتی ایمراتورک بارگاهله اتون

و کشدن معمول ترزه و صندالیه‌ری حالیه یرنده قالدیغندن کافه سی اغتنام
اولندی عساکر مجتعه مخالفیندن یک جزئیسی شمشیر سرتیز مجاهدیندن
تخلیص گریبان ایده بیلشدر صدر اعظم یک زیاده تلاش و حیرت ایله
سکدینده مقیم ایکن بوقیغ مبین نصیب مسلمین اولدوقده مبروراً بلغراد
مشتاسنه عزیمت ایدوب تریای حسن پاشا رتبه وزارت و انواع تعطفات
پادشاهییه واصل و معیتده بولنان امر او جیوش اسلامیه دخی انعامات
و ترقیاته نائل اولدیلر نچمه لولرک دندن امید و طمع لرینی شکست ایتک ایچون
مؤخرأ مذکور طوبلر اولوقت دارالامن اولان بلغرادده نقل اولمشدر
بروقتدنبرو نچمه سفر لری ملا بسه سیله اناطولی و لاته و عسکر دن خالی قالدیغندن
هر طرفده جلالیلر ظهور ایدوب بولنرک اشداسندن اولان قره یازیچی نام
شقی بش اون بیک قدر حشرات جمعیله اورفه طرفلرینی خراب و بیاب ایتکده
اولدیغی استماع اولندوقده او چنجی وزیر بولنان سنان پاشا زاده محمد پاشا
سر عسکر تعیین اولنهرق سنه سابقه ده ارسال اولمشیدی حبش بکار بکیلمکدن
معزول و اناطولی تفتیشیه مأمور اولان حسن پاشانک متجاسر
اولدیغی ظلم و اعتسافدن طولانی ترتیب جزاسنه تشبث اولندیغندن پاشای
مزبور دخی یازیچی مر قومه دخالت ایتکله محمد پاشا ره اقلعه سننده ایکیسی
بردن محاصره و تضییق و قره یازیچی حسن پاشایی تسلیم ایتک شرطیه
استیمان ایلدیکنه مبنی دفع فته ایچون کندوسنه اما سیه سنجاغی توجیه
اولنهرق و پاشای مزبور استانبوله کوندربله رک اشد عقوبتله قتل اولندی
انجق قره یازیچی شقاوت سابقه سننده پایدار اولدیغندن سر عسکر مشارالیه
استیصاله قیام ایلشیکن سیواس بکار بکیسی علی پاشا مجارستان سفرینه
عزیمت ایچون استانبولدن مرور ایلدیکی اثناسه عاصی مر قوم حقنه
حسن شهادت و حرکات واقعه سی سر عسکر مشارالیه ک سطوت
و تسلطندن خوفه منیدر دیملکه و علی روایه شیخ الاسلام صنع الله
افندیکن برادر زاده سنه قره یازیچی جانبدن اوتوز بیک التون تقدیم اولمغله
محمد پاشا سر عسکر لکدن عزل اولنوب شقی مر قومه بود دفعه ده دخی جورم
سنجاغی احسان اولندی لکن مر قومک حرکات شقاوتکارانه سنندن رجوع
شویله طورسون نعیما تاربخنده صورتی مسطور اولان و فرمان همایون
روشیله برطاق هزیانی مشتمل بولنان حکنامه سی مز ایاسندن معلوم اولدیغی

اوزره دعوائی سلطنته قدر متجاسر اولسیله قهر و تنکیلی ضمنتده بغداد والیسی
 صو قوالی محمد پاشا زاده حسن پاشا سرعسکر نصب واستانبولدن دخی
 حاجی ابراهیم پاشا تعین وار سال قلندی ابراهیم پاشا سرعسکر مشارالیه
 الحاق ایتکسزین حرب و قتاله متصدی و منهزم اولش ایسده حسن پاشا
 جمعیت اشقیایی پریشان ایدرک قره یازیچی بی سیواس طاعلربنه قاچردی
 لکن متعاقباً شقی مر قوم فوت اولدقه سر کردگان اشقیای برادر ری دلی حسن
 مقامنه اقامه و حسن پاشاک بغداددن کلکده اولان اموال کثیره و اشقای
 نفیسه سنی نهب و غارت ایدرک بوسیلله کسب قوت و توفیر جمعیت ایلدکلرندن
 پاشای مشارالیه اوزربنه قدرتیاب هجوم اولدیلر حسن پاشا معینده مأمور
 اولان عسکره رخصت انصراف ویریش بولندیغنه مبنی بالکمز قیوسی خالق
 مدافعه اشقیایه غیر کافی ایدوکنندن توقاد قلعه سنه تحسن ایدرک جمع
 عسکره اقدام ایتکده ایکن مقرب پادشاهی قیو اغای غرضقر اغا سوقبله
 طواشیاندن دیاربکر بکر بکسی بولنان خسرو پاشایه سرعسکرلک تفویض
 اولمغله حسن پاشاک قوه نفوذیه سی سکتهدار ایدلدی مع مافیه اشقیای
 توقاد قلعه سنی تسخیره سعی بلیغ ایتکده ایسده لده لوازمات قلعه کیریدن
 معرا اولدکلرندن بروجهله حصول مقصده مقتدر اوله میوب فقط حسن
 پاشاک صباحلری قلعه قیوسی خارجنده اوورمقده ایدوکنی واسطه
 جواسیس ایله استخبار ایدرک قورشون ایله اوروب اعدامنه ظفریاب
 اولملرله ارتق قلعه محاصره سنی ترک ایله قره حصارده مشتانشین اولق اوزره
 اولطرفه کیتدیلر مؤخر دلی حسن بقیه عمرینی غزا وجهه سادده کچرمک
 شرطبله استیمان ایتکله دفع فتنه ضمنتده عهده سنه بوسنه بکر بکیلیکی توجیه
 اولنه رق سکرز اون بیک قسر عجیب الهیکل حشرات ایله انواع تخریبات
 و مظالم اجرا ایدرک کلیبولیدن کچوب منصبی جاننده روانه اولدی
 اولبههار حلوانده عساکر عثمانیه بلغرادده مجتمع اولمغله صدر اعظم بمشقی
 حسن پاشایک این برسنه سی محرمنده کچن بیل ابادی دشمنه گرفتار اولان
 استونی بلغرادی استرداد ایچون سوق سمند عزیت و سکرزاون کون محاصره
 ایله اورده قبضه دوات ایدرک بودنه واصل واردلستان غارتنه کتمک
 نیتله پشته جاننده مر نعل اولدی سرحد المراسی و بودین خلق استرغون
 قلعه سی ابادی دشمنه گرفتار اوله لی بودین سرحد اولمشدر و نچه اردوسی

استرغونده مهیا اید و کندن معسکر همایون اردلستانه توجه ایتد کده کلوب
بودینی محاصره اید و جگری در کار در دیمشار ایکن صدر مشار الیه عنود
براز بود اولدیغندن حواله سمع اعتبار ایلدی ایتده بر قاج مرحله کیدر
کمز نمچه اولرک یشته یی ضبط و بودینی محاصره ایلدکاری اخبار اولند قدده
جان باشنه صجرا یوب سرعت سیر ایلده عودت ایلدی و یشته نک استرداد
ایچون طوبلر وضع ایدرک دو ککه باشلادی بو وجهله یشته جانب
اسلامیاندن و بودین نمچه لور طرفندن دو ککه ایکن معسکر همایونده قلت
ذخائر نمایان اولغله وارد و خلق بودیندن ذخیره لیکه باشلادیغنه و بوا یسه
وخامت انجای موجب اوله جفته مبنی بین الارکان مذاکره مصلحت
اولند قدده وریلان قرار موجب نمچه ترقی ایلده بیک نفر یکجری و بعد اداء
الخدمه سواری بلوکلرینه الحاق اولمق شرطیله بیک نفر قول اوغلی
یازیلوب روم ایلی بکلر بکیسی لالا محمد پاشا ایلده بودین محافظه سنه وضع
و تعیین اولند قدنصکره صدر اعظم مشستای بلغراده عطف لجام ایلدی
نمچه لور بر مدت دهها محاصره یه دوام ایتدیلر ایتده قدر تیاب تسخیر
اوله میه جقارینی استدلال ایدوب موسم شتادخی تقرب ایتمکله رجعتیه مجبور
اولدیار و کوتوره مدکاری بعض طوب و مهماتلری اغتنام اولندی
صدر اعظم بلغراده بعد الوصول استونی بلغراد قیحی مکفاتی اوله رق
سواری او جاقلری نفراتنه ایکیشرو پیاده او جاقلری نفراتنه برر افچه ترقی
احسان ایدوب قیو قوللرینی استانبوله و امرایی مشتالرینه ارسال ولالا
محمد پاشایه وزارت ثالثه براتی تسیار ایدرک روم ایلی بکلر بکیلیکنی قیوجی
مراد پاشایه توجیه ایلدی

یکجری طائفه سی مدران دولته تعریض و سوء اداره لری حقننده گفتکویه
محاسرت ایتلرله قائم مقام بوانان ساعتی حسن پاشا و شیخ الاسلام خواجه
زاده محمد افندی و یکجری اغاسی علی اغا معزول اولوب کوزلجه محمود
پاشا قائم مقام و صدر اعظمک مقدا عزل ایتدیردیک صناع الله افندی ثابا
شیخ الاسلام و بوستانجی باشی دلی فرهاد یکجری اغاسی اولمشیدی اشو
بیک اون بر سندی رجبک یکری اوچینی کونی سپاه زورباری دیوان
همایونده اظهار شقاوت و شهرت انانی ایاق دیوانه دعوت ایتلرله بالفسروره
باب الساده پیشگاهنه تحت همایون قوریلوب پادشاه حضر تلری عرض

دیدار ایتدیلر متعینان سپاهدن حسین خلیفه و بو یراز عثمان و کاتب جزی
ایلرو کلوب پادشاهم اناطولیده جلالی اشقیاسی کوندن کونه تکثر و مظالم
و تعدیاتلری تزیاید ایتکله سفرده بولنان طوائف عسکریه نك خانمانلرینی
خراب ایلدیلر کوندر یلان سرعس-کرلرک و باخصوص طواشی خسرو
پاشانک عدم لیافتلری ناموس دولتک کسرینه سبب اولدی بوکا دخی
باعث قائم مقام سابق ساعتی حسن پاشا و وزرادن طرنقچی حسن پاشا
وقیو اغاسی غضنفر اغا و دارالسعاده اغاسی عثمان اغا اولغله بونلرک جزاری
ترتیب اولنق مطاوبدر دیهرک الحاح و ابرام ایلدکلرندن پاشا موقع قتله
کلمشیکن تبریه ذمت و یکچریلر دخی شفاعت ایللریله قورتلوب مذکور
اغار قنطره سیفدن امر ار اولندی
طوائف عسکریه نك غلیانی صدر اعظمک مسموعی و عدوی جانی اولان
صنع الله افندیئت مشیخت و محمود پاشانک قائم مقاملق مسندلرینه ارتقاری
وانلرک اثر تحریکی اوله رق غضنفر اغا و قعه سنک ظهوری و کندو حقنده
دخی سوء تصمیمیاتلری معلومی اولیجق لالا محمد پاشایی سردارلق ایله
کندو مقامنه اقامه ایدرک سبکبار بلغراددن اغار ایله شعبان شریفک
یکرمی بشنجی کیجه سی استانبوله واصل و طوغریجه سرای پادشاهی به
داخل اولوب مظهر التفات جهانداری اولدی ایرتسی کونی قائم مقام محمود
پاشا صدر مشار الیهک قتلی ایچون فتوا الوب طائفه سپاهک مطاوبلری
دخی بومر کرده اولدیغنی عرض ایلدی ایسه ده پادشاه حضرتلری
مساعده ایتملرله شیخ الاسلام ایله قائم مقام نتیجه حالی تفرس ایدرک فرار
واشقیای سپاه دخی عقد جمعیت ایله آت میداننده قرار ایلدیلر طائفه
یکچریان صدر اعظمک مجلوبی اولق حسبیه صدر مشار الیه اغا
قیوسنه عزیمت ووزرا و علمایی و ترسانه و طوبخانه عسکرلرینی دعوت
ایدوب انلرک اجتماعیه کسب قوت و باخصوص علی رؤس الاشهاد قرائت
اولنان خط همايونده صدر اعظمه معاونت و اشقیانک تنکیلنه غیرت اولنمی
امر و فرمان بیورالغله تجدید اقبال و سطوت ایلدی بناء علیه بلوک افاری
جمعیت سپاهه کوندریلوب اسم و رسملری معین اولان شقیارک تسلیمی
تکلیف اولندقدنه اول امرده مخالفت و تجدد اظهار ایلدیلر ایسه ده متعاقبا
خوف تأدیب ایله یراکنده و پریشان اولار یله صنادید اشقیایرقاچ کون

ایچنده اله بکجه قتل و افنا اولندی اناتولی قاضی عسکری ابوالمیا من
مصطفی افندی صدر اعظمک علیه منده اولنلردن وقتلی امضا ایدنلردن
اولدیغی حالدده عدم وقوف ایله افندی مشار الیهی مسند فتوایه سوق
واصعاد ایدوب صکره دن واقف حال اولدقدده طریق عفو و اغماضه سالک
اولدی سردار لالا محمد پاشا طور ناجی باشی معیتله کوندریلان سکر
اون بیک قدر یکچیری عسکرله بوسنه بکربگیسی جلالی دلی حسن پاشانک
ورودلرینه مترقبا بلغرادده آرام ایتمکده ایسه ده وقت سفرتنک اولدیغندن
حرکته قیام و اوسسک کوپریسی جوارینه نصب خیام ایلدکده عساکر
هر قومه و متعاقبا دلی حسن پاشا اون بیک قدر جلالی سوار یسیله معسکر
همایونه وارد اولوب منتخبی اولان درتیوز قدر آدم لرینی سواری بلوکلرینه
قید ایتک اوزره سرداردن التماس ایتدکده سردار مشار الیه هر قدر
یکشد بر مکه اقدام ایلدی ایسه ده بروجهله قابل اوله مدیغندن ضروری
ابراز مساعدده ایتدکدن صکره فک رابطه خیام و بیک اون بر سنه سی
اوانلنده بودین جانبده سوق سمند اعترام قلندی
قریم خانی غازیکرای خان سردار اسبق ساطورجی محمد پاشانک قتلندن
منفعل اولدیغندن اولوقتدنبرو بالذات سفره کلیوب هر سنه اون بش بکرمی
بیک تاتار عسکری کوندرمکده اولدیغی حالدده سلامت کرای و محمد کرای
وشاهین کرای نام برادرلری خان مشار الیه دن روگردان اوله رقی جلالی
دلی حسن جمعیتنه داخل و جلالی مزبورک بوسنه والیکله روم ایلی
جانبده کچه سی صورتیزر اولدقدده عفو همایونه نائل اولدقلرندن خان
مشار الیه شاید حقمده اغبرار پادشاهی حاصل اولش ایسه بونلردن بری
قریم خانلغنه نصب اولنور و اهمه سیله سنه سابقه او اخرنده یعنی صدر اعظم
عشقی حسن پاشانک اردوی همایونه بلغرادده عودت ایلدیکی زمانده
واصل معسکر همایون اولوب محافظه سرحداث ایچون یچویده مشتانشین
اولشیدی بودفعه سردار لالا محمد پاشا خان مشار الیهی برلکده سفره
کوتورمکه چوق غیرت ایلدی ایسه ده بزم جلالی طائفه سیله اجتماعز قابل
اوله مز اعتذار یله جانب قریمه عطف عنان می اجمعت ایلدی
عسکر اسلام بودینه ونجه اردوسی پشته یه واصل اولوب قارشو بقارشو

رکز خیام اولاندقدن صکره یشته جاننه مرور اولمق تصمیه کوپری
انشاسنه مباشرت و ختامه رسیده اولقسزین یدی سکز بیک جلالی و اوچ
درت بیک قدر یکچیری و سار عسکر قایقار ایله امرار اولنوب کوپرینک
محافظه سی ایچون استحکام انشاسی سپارش اولمشیکن جلالی طائفه سی
بز اناطولیده بو قدر غوغا ایتدک و نیجه ممالک تخریب و غارت ایلدک نه مترس
قازدق و نه سپت دیزدک دهرک اچیقدن دشمن اردوسی اوزرینه هجوم
ایدوب خلیجه جلالت اظهار ایلدیلر ایسه دخی ایش اسکی یلدلرینه
توافق ایلدیکندن و کوپری دخی تمام اولماق حسیه اعانه اولنه مدیقندن
بودین جاننه مرور ایدیه یلان افراد جزیه دن ماعداسی تلف و هبا اولدی
برقاج کون مرورنده سکز بیک قدر فدایی نیجه لو بودین جاننه کچوب
متصدی رب و قتال اولدقلرنده مقدار کلیسی علف شیر شمشیر و بر طاقی
دخی طونه ده دو کیلوب غریقا تلف اولدیغی مثلاً و مؤخر واقع اولان
هجوملری دخی موجب انهزام و حرمانلری اولدی و وقعه سابقه نک عینیه
نظیره سی ظهوره کلدی بوندن صکره بر مدت ده طرفین موقعلرنده آرام
و موسم شتانک حلولی جهتیه بیک اون ایکی سنه سی ربع الاولنده روم
ایلی والیسی تریایکی حسن پاشا بودین محافظه سنه بالنعین موکب اسلام
جانب بلغراده و نیجه لول دخی مملکتلری طرفنه عطف زمام ایلدیلر

جلالی حسن پاشا روم ایلی طرفنه کچورلش ایسده پاشای مر بوردن
آبریلان و طرف طرف حادث و پیدا اولان جلالیلر کوندن کونه کسب
جمعیت و جسامت ایتکده اولملریله تنکیل و تدمیرلری ایچون اول و زرادن
نوح پاشا و ثابا نصوح پاشا سر عسکر تعیین اولمشیکن موفق اولنه میوب
صدر اعظم یمشچی حسن پاشا دخی ایکی طرفک اموریله تقید ایلک ضمنده
استانبولده قالدیغی حالده اغراض شخصیه سنک اجراسی قیدنه دوشهرک
وزرا و امرادن منفوری اولملری قتل و اعدام ایلدیکنه و یکچیریلرک
حایه سیله نائل استقلال اولقدن ناشی مغلوب امتانلری اولدیغندن
یکچیری طائفه سی کرک استانبولده و کرک اردوی همایونده پک زیاده
بوزه چقبوب اداره لری کسب مشکلات ایتدیکندن ماعدا طوائف عسکریه
ایله اعتصامی جانب سلطنته خوش کلدیکنه بناء بیک اون ایکی سنه سی

ربیع الآخرندہ معزول و برقاج کون صدر مقتول اولوب مقدا
سلحدارلقدن مصر والیالیکله چیقان یاوز علی پاشا صدر صدارتہ انتخاب
ودعوت اولندی

حکمران ایران اولان شاه عباس عصر مراد خان ثالثہ دولت علیہ ایلہ
عقد مصالحہ ابتدا کدن صکرہ امور مختلفہ دولتی تنظیم واوز بکارالنه کچن
ممالک موروثہ سنی مع زیاده استرداد ایلہ قوت و قدرتی یتیم ایتمکله مقدا
جانب سلطنت سنیہ یہ ترک ایلدیکی اذر بایجان و شروان الیکارینک ضبطنه
فرصت بین ایدی نچہ سفرینک تمادیس و باخصوص اناطولیدہ جلالی
اشقیاسنک ظہوری ارادیغی زمانی ارأه ونچہ اولرک ترغیب و تشویقیلہ
حاصل اولان اتحادلری دخی شاہک ارزوسنی اجرایہ اراز مساعده
ایلدیکندن و تبریز محافظہ سندہ بولنان ویرلی قوی دنیلان اوچ درتیک قدر
یکجیری نفرائی والیرلی بولنان زنجیر قران علی پاشاہ تغلب ایدرک اہالی بہ
ایتمدکاری جور و اذا عالمقدن بشقہ پاشایی قالدیروب بعض اکرادی
تریہ نامیلہ غارتہ کوتوردکاری شاه مشارالیہک مسموعی اولدیغندن اونبشیک
سواری ایلہ بروجہ ایلاغاریدی کونفہ اصفہانندن تبریزہ واصل اولدی
علی پاشا برایکی بیک کشی ایلہ اثنای خودتندہ شہادہ راست کلدرک
وقوعبولان محاربہ دہ اثبات شعار مر دانہ کی ایتمشہ ايسمده عجمارک کثرتی
موجب غلبہ لری اولغله اکثر عسکر و امر اشہیدا عازم ملک جاودانی اولوب
علی پاشا اسیر و شہر تبریز گرفتار دام تسخیر اولمسیلہ برابر شاه مشارالیہک
روانی محاصرہ یہ شتاب ایلدیکی خبری در دولتہ وصول بولدی بونی
متعاقب پادشاہ زمان سلطان محمد خان حضرتلری بیک اون ایکی سندہ سی
شہر رجبی اواسطندہ اونوزیدی یاشندہ و سلطنتلرینک اونچی سالندہ
مر تحل دار آخرت اولغله سلطان احمد خان اول جالس تخت پدر
اولدی شہر یار مغفور طاب و زاهد بر پادشاہ کثیر المحامد اولوب فقط قوہ
مدبرہ سی مرتبہ احتیاجدن دون ووالدہ لری صفیہ سلطانہ تعظیم و توقیری
حددن افزون اولغله عزل و نصب و کلا و حل و عقد مصالح سلطنت
مشارالیہانک مسلم کف غیر کافیہ سی اولدیغندن رواج ارتشا فوق العادہ
شہر تما ایدی

سلطنت سلطان
احمد خان اول

جلوس احمد خانی وقوی کونی قبودان دریا جغاله زاده سنان پاشا دونغای
همایون ایله اقد کردن عودت و تقبیل دامن پادشاه جدید ایله تجدید عزیت
ایلدیکی مثلاً بش التی کون صکره صدر اعظم یاوز علی پاشا دخی واصل
اولدی جلوس بخششی صدر اعظمک مستحیی اولان مصر خزینه سندن
اعطا اولنق مصمم اولدیغی حالده خزینه مزبوره نک قاره دن کلدیکی جهتله
ورودی بش اون گونه محتاج اولدیغندن یالکز ایچ خزینه دن یدییوز بیک
التون اخراج وقانون دولت وجهله طوائف عسکریه یه تقسیم اولندی
صدر اعظم نیجه طرفته وجغاله زاده عجم اوزرینه سردار نصب اولنوب
بش اون بیک یکچری ایله سلحدار وعلو فحیان یسار و غربای یسار بلوکاری
جغاله زاده معینه وقصور طوائف عسکریه صدر اعظم اردوسنه مأمور
وترقیق قیلنوب صدر مشار ایله بیک اون اوج سنه سی محرمنده جانب
انگرو سه تحریک طوغ و علم ایلدی لیکن بلغراده وصوانی متعاقب مر نخل
دار آخرت اولغله مهر صدارت سنه سابقده سردار بولنان لالا محمد
پاشایه ارسال بیورلادی

صدر جدید ابتدای سفردن یعنی اون ایکی سنه دنبرو محاربه ومحافظه
خدمتلرنده مستخدم ودرایت وشهامتی مسلم اولدیغندن تدارکات قویه ایله
بودین جانبیه عزیمت ایدوب وصولندن مقدم یشتهده بولنان نیجه اولر
فرار ایتمکین اولحوالیده بولنان جان قورتران وخطوان وواج پلنقه لر بنی
ایادی اعدادن تخلیص وتعمیر وترمیملرینی تمیم ایند کدن صکره استرغون
قلعه سنی محاصره ایلدی ایسه ده نیجه اولر استرغونک قارشوشنده واقع
جکر دین نام استحکام جوارینه اردو وطونه نهری اوزرینه کوپری قوروب
نوبنو قلعه یه عسکر ومهمات وضعیله تحکیم وترصین ایلد کلرندن وروز
قاسم دخی تقرب ایتدیکنندن برایدن متجاوز وفوق بولان محاصره ومحاربه
نتیجه بخش مطلب اولماغله صدر مشار ایله سرحدات اسلامیه نک امر
محافظه لر بنی بالاکال بودینه وانندن بلغراده عودت ایدوب بش اون کون
میرورنده خاکپای شاهانه یه یوز سورمک ومصالح مهمه بنی شفاها عرض
ایلمک ایچون جانب استانبوله تحریک توسن استیصال ورمضان شریف ایچنده
تقبیل دامن سلطانی ایله تحصیل شرف واقبال ایلدی
شاه عجم روانی محاصره یه عازم اولدقده والیسی بولنان شریف پاشا

جوارده بولنان نجوان قلعه سنی ترك ايتدرهرك ايچنده بولنان عساكر
عثمانيه بي جلب اتمكله روانده التي بيك قدر عسكر تجمع ايتشيدى
بولنرله امر مدافعه قيام ايلدى ايسه ده استانبولدن سردار تعين اولنان چغاله
زاده نك ورودى اوچ بش آيه محتاج اولديغنه وجوارده بولنان ولاه دخي
جلالى غائله سندن ناشى قدر تباب اعانه اوله مدقلرينه مبنى بدى آي محصور
اولدقدن صكره بالضروره تسليم حصار ايلدى اذربايجان اهاالىسى
ايچنده شيعيت تاسس ايلش بولمقدن ناشى انلرك اعانه سيله شاه مشاراليهك
قوت وجهيتى كوندن كونه مترابد اوله رقى اولحواليده بولنان موافقى كاملا
زير حكيمه المغله صوقلى محمد پاشا مى حومك فصل سابقده بيان اولنان
ملاحظات ومطالعائى تماميله ظهوره كلى ومقدما جكيلان بونجه
امكلى هيا اولدى

سردار ايران چغاله زاده سنان پاشا بيك اون اوچ سنه سى محرمى اواسطنده
اسكداردن حركت ايدوب راست كلديكى جلالى سر كرده رينك كيني
قتل وتدميرو كيني تلطف وتأمين ايله جنود عثمانيه بي توفير ايدرك ارضرومه
واندن قارصه واصل اولدقه جنكه دعوتى متضمن ايران شاهنه نامه لر
كوندردى ايسه ده شاه مشاراليه مقابله دن كريزان وروانه طوغرى روان
اولديقدن سردار اكرم دخي ارقه سى صره بويان اولدى شاه عجمك
مقصدى عساكر عثمانيه بي اتعابه محصر ومقابله دن مجتنب اولديغنه
ومقدما قلعه روانى تخریب واولحوالى بي اهايلدن تخليه ايلش ايدوكفه بناء
سردار عشاراليه نجوانه منصرف وزمام تدبیرى قره باغده قشلاقمه
منعطف اولديغى حاليده معيتمده بولنان امر او طوائف عسكريه ممالك عثمانيه
عودت خصوصنده همزيان اتفاق اولديلر سردار اكرم هر چند كه قره باغك
شتاسى خفت وما كولات ومشروباتى كثر اوزره در جمعيت مزى طاغتموب
بوسنه اوراده مشتا نشين اولور ايسك عجم شاهنى بریده قصه يروب طوتمق
اغلب مأمولدر دیدى ايسه ده كار كر تأثير اوليوب وموسم شتاك حلولى
جهتيله بعد ازین تبریزی محاصره دخي نتیجه بخش اولمز ديوغلو ايلد كلردن
بالضروره نهر ارسى مى ور ايله تبریزه قريب محلاردن وانه لى الوصول
امرا وطوائف عسكريه بي مناسب مشتمله ارسال وكندوسى وانه
اقامتى اختيار ايلدى وامر ادن بعضيلرينك سردار اولانلرك سرحداته

مشتا نشین اولسی خلاف معناد و مغایر احتیاط در دیدگاری نه قولاق ویرمدی
 لکن عساکر عثمانیه نیک طاعیلوب سردارک و انده مقیم اولدیغنی شاه عجم
 استماع ابتدا کده وانی محاصره به شتاب ایلدیکندن سردار مشارالیه ناچار
 وان کواندن قایق ایله عاجلوازه واندن دخی ارضرومه عزیمت وشاه
 دخی وانی المغه عدم استطاعتی درک ایله عودت ایلدی
 صدراعظم لالا محمد پاشا بیک اون درت سنه سی محرمنده اردوی همایون ایله
 استانبولدن حرکت ایدوب بلغراد وبعده اوسک جوارینه واصل اولدقد
 جهت توجه تعیین اولمق اوزره عقد مجلس مشاوره ایلدی بعضیلری
 استرغون تسخیرینه کیدمک صورتی ترجیح ایلدیلر ایسه ده اکثر امرا
 قنبره ایله ویانه پینده اولان و ثروت و معموریتلری مشهور بولنان مملکتلرک
 غارت ایدلمسنی سوق ایتلمه بیکار قرار ویریلوب بیکچری اغاسی نقراتله
 ایلرویه کوندرلش اولدیغنی حالده اردو قاضیسی بولسان ولدان زاده
 احمد افندی به قرار مجلسی تسجیل و اعلام ایلمک خصوصی طرف سردار
 اکرمدن تکلیف اولندقد قاضی مومی الیه اصحاب لیاقت و حیتدن بر ذات
 اولد یغندن جواب صادقانه به جرأت ایدوب بر طاقم حطام دنیا ارزو
 کشلرینک اقوالنه فریفته اوله رفی بوقدر اغر عسکر ایله چاپوله کتمک خطای
 فاحشدر زیرا ده قاسمه سکسان کون اولوب امر غارت ایسه بیکرمی اوتوز
 کونده حاصل اولور و طوائف عسکریه دسترس اولدقلری اموال غنائمی
 مأمورینه ایصال ایچون طاعیلور اولوقت دشمن استونی بلغراد
 ویاخود بودینی محاصره ایلدکده کیملر ایله جواب ویرر سکر باخصوص
 پادشاه حضرتلری استرغونک فتحی مراد مخصوص صدر دیدیکنی افاده
 بیورمش ایدکرز بوکا تشبث ایلدیککرز حالده بعد المحاصره فتحی میسر
 اولسه دخی معذور اولور سکر دیمکه بوللام مستقیمه صدر اعظمی خواب
 غفلتدن بیدار ویکچری اردوسنی عودت ایتدیررک استرغون جانبینه
 عطف لجام اقتدار ایلدی
 مقدماتی طرقتدن نجه لوله اطایه به کوندریلوب بعضی پلنقهلر محافظه سنه
 وضع اولان ایتالیا اولردن اوچبیک قدر ایتالیان مرحوم ابراهیم پاشا
 صدارتده مأمور محافظه سی اولدقلری قلعهلری جانب سلطنت سنیده
 تسلیم وعلوقه معینه ایله خدمت دوات علیه داخل اولمشلر ایدی بونلرک

واسطه سیله بو کره دخی استرغون ملحقا شدن اولوب امری محافظه لری
کذاک ایتالیا نلره مودوع اولان استحکامات مر قومه لر طرفندن جانب
دولته تقدیم قلندی و بونلر دخی عطایا و علوقه معینه ایله خدمت دولته
قبول اولندی

قلعه استرغون برآیدن زیاده محاصره و تضییق اولندقدن صکره استیمان ایله
فتح و تسخیر اولمغله صدر اعظم فوق العاده مسرور اولدی زیرا مقدا
ایادی اعدایه گرفتار اولدقدن کندوسی محافظ بولندیغندن ینه کندو
معرفیه استرداد اولمغنی تمی ایتکده ایدی حتی مقدا و بره شرائطنی مذاکره
ایدن و خدمت کتابتنده بولنان پجویلی ابراهیم افندی بی کوندروب
استرداد شرائطنی دخی ینه انکله مذاکره ایتدرمش اولدیغنی و بعد ازیں
ولدیگمه غم یم دیدیکنی مومی الیه ابراهیم افندی روایت ایدر

اسلطان سلیمان زماندنبرو تابعیت دولت علیه ایله نائل اسایش اولان اردل
قومی ابتدای سفرده فریفته مکر وال و متصدی دعوای استقلال اولوب
انواع خسارته گرفتار اولدقدن صکره بالاخره نمچه لوله محکوم اولمشالر
ایدی نمچه خلقی ایسه کرک مجار و کرک اردل اها لیسنه پک زیاده ظلم
و حقارت ایده کلر یله مبتلا اولدقلری ذلت و اذیت جانلرینه طاق
دیدیکندن نهایت عقد جمعیت و مجار بکرزاده لرندن بوچقای نام بکرزاده
کندولرینه قرال نصب اولنق اوزره کافی السابق طرف دولت علیه
عرض تابعیت ایتلریله سنه سابقه ده اقتضا ایدن شروط و قیود مذاکره و تمیم
و جانب پادشاهیدن اصدار واحسان اولنان نامه همایون و مرصع التون
تاج و قلیج و خفتان صدر اعظم واسطه سیله تسلیم اولندقدن ماعدا یکر می
پک قدر عسا کر متنوعه عثمانیه ایله دخی بازوی اقتدار لری تحکیم قلندی
بناء علیه صدر اعظم استرغون محاصره سیله مشغول ایکن قرال مشار الیه
اردل ایچنده بولنان نمچه اردولریله بر قاج دفعه محاربه وجهه سنده
استحصال غلبه ایتکله و راد و سائر اردل قلعه لرینی تخلیص ایلدکن
صکره و قو عبولان التماسنه مبنی بودن بکر بکیمی بکاش پاشا عسا کر
جدیده ایله اعانه ده مأمور ایدلرک مجارستانک قلاع مشهوره سندن اولان
ایوار قلعه سی دخی نمچه لورک ایادی تسلط لرندن انتزاع اولندی قلعه
مر قومه ذاتا اردل حکومتک خارجنده اولدیغندن طوغریدن طوغریه

جانب سلطنت سنیددن ضبط اولمق صورتی تصور قلمش ایسده قرال
مشارایه اردل حکومتی الحاقی خصوصنده نیاز و الحاح ایلدیکنه و تطبیقی
ایسه ملتزم بولمیدینه مبنی اسعاف التماسنه مساعدت سنبه ارزانی
بیورلدی

شرق سرداری اولان چغاله زاده سنان پاشا موسم شتایی ارضرومده
امرار و تدارکات حربیه صرف اقتدار ایدوب بیک اون درت سنده سی
اول بهارنده معینه مأمور اولان امر او و عساکر ایله تبریزه طوغری حرکت
وسلماس حوالیسنه مواصلت ایدرک عجم شاه ایله ارالنده ایکی اوچ
ساعتک مسافه قالدقده ارضروم بکار بکیسی سفر پاشا اون بدی نفر
میرمیران و میرلوی کندیوسنه اویدروب بلا رخصت جانب دشمنه
ایلغار ایتکله سردار مشارایه عودتلی ایچون اسطاراواصر ایلدیکی
حالد کارکر تأثیر اولدی شاه مشارایه ایسه عسکرینی اوچ فرقهیه تقسیم
و متعاقبا سوق ایلمش ایدو کندن سفر پاشا طاقی درجنگ اول برنجی
فرقه بی تارمار و فرقه ثانییه انجایه اجبار ایدوب انلر ایله دخی مطارحه
کار و زاره مسارعت وجهه سنی شاه اردوسنه ارجاعه غیرت ایتلریله بوقدر
فوز و ظفر ایله قناعت لازمه دن ایکن تهور نابجا ایله اردوی شاهه دخی
هجوم و اخشامه قدر جنگ ایلدیلر شاه عجم ابتدای حالده معسکر عثمانی
عسکر دن خالی اولمق زعمیه درت بش بیک سواری کوندرمش ایدو کندن
سردار اکرمک یاننده بولسان جیوش موظفه عثمانیه بونلری دفع ایدوب
انجق حین عودتلنده ککرکی کبی زده قلمش و یورلمش اولان سفر پاشا
عسکرینه بالتصادف آغاز محاربه اولمغله امرک بعضیلری دشمنی سوکوب
اردویه عودت ایده بیلدیلر ایسده سفر پاشا و بر قاج بکار بکی و میرلوا
مقتول و مأسور اولدی بو وقعه عساکر عثمانیه به موجب دهشت اولدیغی
حالد اخشامدن صکره اکراد بکری عجم باصیدی غلغله سببه پراکنده
و پریشان و صنوف عسکریه دن پک چوغی دخی انلر ایله کر یزان اولوب
مؤخرا بو شایعه نیک بی اصل و خدعه دشمن اولدیغی ظاهر اولمشیکن
سردار اکرمک یاننده ایکی اوچبیک قدر یکجیری و سپاه ضابطان
و نفرا تندن بشقه کیمسه قالدیفندن بالضروره مهمات و عسکری دودله
ارکاب و وانه طوغری شتاب ایلدی شاه عباس اردوی همایونک عودتنی

کنند و سنی طومق ایچون ترتیب اولمش دسیسه به حل ایله بر مقدار تائی
اختیار ایتدکن صکره اردوگاهه واصل و نقل اولنه میان بعض اشیای
خسیسه به نائل اولدی

استطراد دولت علیه نك عساكر موظفه و منتظمه سندن اولوب اوائلده
میرمیران و میرلوار معینده خدمات عظمیه به موفق اولان و مقدار و کیتلری
فصل سابقه مسطور بولنان تیمار او سپاهیسنك انحلال قانون
و انتظاملری سببیه سورت و عددلرینه ضعف و نقصان طریان ایلدیکنندن
بروقتدنبرو بکر بکی و میرلوار لوند و سکنان نامیه دائرلرنده برطاقم حشرات
استخدام ایدرلر ایدی بونلر دخی جلالیلرک برنوعی و بلکه منبعی اولوب
چونکه بر ایگیوز نفره پیشوا اولان سکنان بلو کباشیلری قیوسنر قالدیغی
و وقت حالی مساعد کوردیکی آنده جلالی اولور و یا اولشاره التماس
برله تخریب ممالک و غارت اموال عباد الله ایله امرار ایام ایلر ایدیکه
بو عصرده ظهور ایدن جلالیلرک پیشواسی اولان قره یازیچی دخی و لاه
بلو کباشیلریندن آزمشر کرک بو محاربده و کرک سنه سابقه ده بودیندن
پشته به عسکر امرار اولندقدن قیریلان جیوش اسلامیه بونلردن اولوب
عساكر موظفه عثمانیه دن اولان ضایعات اقل قلیل ایدوکی روایت کرده
اکثر مورخیندر

چغاله زاده مغوم و مکر وانه واندن دیار بکره رجعت عقینده هر تحل
دار آخرت اولغله ارتق امرای عثمانیه شروان و شماخی طرفلرنده پایدار
اوله مدیغندن اولحوالی دخی شاه عجمک حکمنه داخل اولدی

جلالی اوزرینه سرعسکر تعیین اولنان نصوح پاشا بولوادین قربنده طویل
نام شقی ایله محاربه ایدرک منهرم و سکنبار استانبوله عازم اولوب بالذات
پادشاه حضرتلرینک اناطولی جانبده عزیمتلی مقتضیدر دیو شفاها
حضور همایونده عرض مافی الضمیر ایلدیکنندن سلطان احمد خان
حضرتلری بروسه به عزیمت بیوروب یمشچی حسن پاشا و قعه سندنبرو
سرسری کز مکرده اولان درت بیک قدر سپاه و سلحدار چالقلرینک یعنی
مطرودلرینک جرایم سابقه لری عفو و وظائف مقطوعه لری ایفا و ایضا
اولنه رق نصفی نصوح پاشا و نصف دیگرى وزرادن داود پاشا معینده

بالتعین جلای تسلطنک رفع وازاله سنه مأمور واعزام بیورادی ومتعاقبا
آسانه علیه عودت همایون واقع اولدی
صدر اعظم لالا محمد پاشا استرغون قحیله بکام اولدقدن وویشغراد
و پولاته وپسپرم کی پلنقه لری روم ایلی بکر بکیسی ترپای حسن پاشا
وبوسنه میرمیرانی خسرو پاشا معرفت لریله تسخیر ایتدیرد کدن صکره بلغرا ده
عودت ایتمشیدی ایران ماده سی وجلالی احوالی کسب مشکلات
واهمیت ایتک حسینیله استانبوله دعوت اولنوب لدی الوصول عقد
مجلس مشورت اولندقدن وزیر رابع بولنان وقیوجی مراد پاشا نامه
مشهور انام اولان پیر صاصب شمشیرک نمچه اوزرینه ونصوح پاشانک ایران
جانبنده سردار تعینیه صدر مشارالیهک هرگز دولته اقامت ایلمسی
قرارلشوب مساعده پادشاهی دخی ارزان بیورلشیکن چغاله زاده وفاتنده
بوستانچی باشیلقدن قیودان اولان وذات شاهانه یه فوق العاده تقرب
حاصل ایلان درویش پاشا سوقیه صدر اعظمک بالذات ایران اوزرینه
حرکتی ایچون اکید وشدید خط همایونلر صادر اولدقدن بشقه بعض
توبیخات وتحقیقات دخی واقع اولدیغندن صدر مشارالیه بغایت متأثر
ومتکدر اوله رق بالاخره منزل و برقاچ کون مرورنده رحمت حقه موصول
اولغله مشارالیه درویش پاشا بک اون بش سنه سی اوائلنده صدر
صدارته اعتلا وتقرب پادشاهییدن مستفید اولوق امنیه سیله سلفی زماننده
حیدر پاشا صحراننده تهیه اولنان اردوی همایونی دلی فرهاد پاشا نامه
بر نو ظهوره اعطا وانا طولی جانبنده اسرا ایلدی انجق پاشای مزبورک
حرکات مجنونانه سی جهتیه قونییه وارمقسرین معینه مأمور اولان
عسکر متفرق وپریشان اولدیغندن علت سببیت ایله صدر مشارالیه
متهم وطمع وغرضدن عبارت اولان افعال سیئه سی دخی منتشر اولغله
سنه مزبوره شعباننده حضور همایونده مقتول ومقسام صدارته نمچه
اوزرنده سردار بولنان قیوجی مراد پاشا موصول اولدی
اکری قلعه سی اردل ایله مجارستان بالاینده واقع اولوب ممالک اسلامیه
اوزاق اولدیغنه واسترضون قلعه سی ایسه طونه کنارنده وبودینک اوست
جانبنده ایدوکندن الدن بولندقجه بودینک تحت امنیت کاملده
قاله میدجی بدیهی ایدوکنه منی ابراهیم پاشا صدارتنده مذکور قلعه

مبادله اولمق شرطيله عقد مصالحه اولمسی مذاکره اولمديغی حالده
 نچمه اولر راضی اولمامشلا ایکن اردل قومنک سلطنت سنییه تجدید
 تبعیت ایلملی اوزرینه بالضروره اظهار موافقه مجبور اولدیلا ایسده
 جانب دولت علیه دن بلا بدل استرغون قلعه سی طلب اولمغله ینه مصلحت
 تسویه پذیر اولمامش اولدیغی حالده مؤخر استرغون قلعه سی دخی
 حربا تسخیر اولمديغدن امر مصالحه یه مانع قالیوب فقط صدر عصر
 بولان لالا محمد پاشا بر کره حوزه حکومت اسلامیه یه کیرن قلعه لک یعنی
 یانق قلعه سیله فیلک وسائر پلنقه لک جانب دولت علیه تسلیمی وعموما
 محار قومنک پوچقای قرال زیر حکمنده بولمسی اساس مصالحه اتخاذا ایدرک
 بو وجهله مذاکره صلح اولمقده ایکن کندوسی استانبوله دعوت اولمغله
 ختام مصلحت مراد پاشایه حواله اولمشیدی ایران وانا طولی احوالنک
 تنظیمی ایچون نچمه مصالحه سنک بر آن اول بتورلمسی اقتضای حالدن
 کورندیکنه مبنی اساس مذکور دن فراغت اولنهرق بودین میر میرانی علی
 پاشا وقاضیسی هابل اقتدی نچمه مرخصلریله استرغون ایله قومران
 بینده واقع زیدوه نام محله قایقلر ایچنده بالاجتماع بدل صلح اولق اوزره
 نچمه اولر طرفدن ایکوز بیک غروش اعطا و اوچ سنه مرورندن صکره
 هر سنه هدیه مناسبه غیر معینه تقدیم قلمق شرطيله اون یدی ماده ویکرمی
 سنه مدت اوزرینه امر صلحی مذاکره وتنظیم ایلدیلر
 اون بش سنه ممتد اولان اشبو محار به نک نتیجه سنده غالبیت ومغلوبیت
 ومنافع وضایعاتدن طرفینه عاڈ اولان احوال بر وجه آتی ایراد اولنور
 اول سلطنت سنییه نک مرکز سلطنتی شویله طورسون اس الحركات
 عسکریه سی اولان بلخرا دیله معرکه کاه اولان مواقعه ایکوز ساعتدن
 متجاوز وویانه نک مسافه سی ایسه بوندن پک چوق ناقص اولق حسبیه
 سوق عسکر ومهمات خصوصاتنده دولت علیه جه مشکلات برقاج
 مرتبه افزون ایکن اوائل سفرد سنان پاشا زاده محمد پاشانک زیر
 اداره سنده بولان بر سر عسکر اردوسنک پریشانلغدن بشقه عساکر
 عثمانیه میدان محاربه سی انهرامنه کرفتار اولیوب بالعکس یانق واکری
 وقنیرته محاربه لرنده نچمه اولرک اوچ عدد جسم اردولری بالکلیه قهر وتدمیر
 وکافه طوب وجبه خانه ومهمات خیامیدلری ضبط وتسخیر اولمشدر

ثانيا بزم تار بخارده يانق تعبير اولنان راب قلعه سيله استرغون واستونی
 بلغراد وپشته قلعه لری وبرطاقم پلنقه ر بالدفعات طرفیندن ضبط
 واسترداد اولمش ايسه ده نتیجه حالده سلطنت سنيه حدود قدیمه سندن
 اصلا ضایعاته مبتلا اولمقدن فضله اگری وقیره وایوار قلعه وسنجاقلرینی
 قلمر وحکومتیه الحاق ومنشأ محاربه اولان بوسنه ایالتی دخی بهکه وبنالوقه
 طرفلرندن خلیجه توسیع ایلشدر ثالثا بومحاربه دن صکره افلاق وبغدان
 امارتلرنده مخالفت وعصیان اقتداری بالکلیه زائل ومملکتین مزبوره
 ایالات ساره صره سنه داخل اولغله دیوان همایون ترجانلخی کبی خدمات
 دولت علیه ده مستخدم اولان روم ملتی اکا برندن ویوده لر نصب وتعیین
 اولغله باشلانمشدر ضایعات بخشه کلنجه اولا سلطان سلیمان زماندنبرو
 نجه لورک سنوی اوتوزیک التون ویرکو ویرملری مشروط ایکن هدیه
 غیر معینه یه منقلب اولدی ثابا هر نقدر سلطنت سنيه بوسفرده غائب
 ایلدیکی نفوس وامواله مقابل کلیتو اسرا واموال غنایمه دسترس
 اولق حسبیه ملت اسلامیه نك ضایعاتی بومنافع جبر ایده یلور ايسه ده
 سفر مزبور جلالیرک ظهوریه اناطولینک خرابیتی استلزام ایلدی
 ثالثا عجم شاهی دولت علیه نك نجه لور ايله اوغراشمقده اولسنی فرصت
 اتخاذ ایدرک اذر بایجان وشروان الکاربی استرداده قدرتیاب اولدی
 سلطان احمد خان حضرتلرینک زاده طبع شاهانه لری اولان صلح
 تاریخی دخی مواد مشروحه بی مؤید اولدیغندن ثبت وترقیم قلمشدر
 بونجه ییلدر سرحدده سردار ارسال ایلدم
 کرچه کوردیم هر برینک خدمتی اعلادرر
 بر زمان آسوده اولوب عسکره ایره نظام
 کیسه یه قالمز کچر چون یلورم دنیا درر
 مائل اولدم نیچه ییلار ایره سرحدده سکون
 رزمی بزم ایتسونلر انده نیچه برغوغادرر
 طوتدی راه کعبه بی خار مغیلان عدو
 انی اول یولدن کیدرک دولت عظمادرر
 هم جلالیدن قرامان وسیواس اولسون خلاص
 خارجی خذنی دخی لازم جو بر معنادرر

رأى صائب فكر ثاقبه وزیر بی نظیر
 بولدم اما بوکار اوزره که مستشاردر
 عاقبت هاتف می ادپاشا ایچون ایدوب خطاب
 دیدی کوندر سرحدده اول عاقل ودانادر
 خدمتکده حاصل ایتشدر سنک ریش سفید
 بو مرادک اول مراده کر واره دنیادر
 بوسرور اوزره انی سرحدده ارسال ایلدم
 سعی ایدوبدر خدمتده هر نه کیم اولادر
 بختیا باش اکدیرن قطع خراجده دشمنی
 اولدی تاریخ حالیا جهد مراد پاشادر

۱۰۱۵

اردل قرالی اولان اشتهوان پوچقایی حقنده نیچه اولرک عداوت
 وخصومتلری مرتبه کالده اولوب لیکن حرباً بر شیه مقتدر اوله مدقلندن
 علی روایة بعض وسائله تسمینه ظفریاب اولملریله مشارالیهک وصیتی
 اوزرینه همشیره سی دامادی اولان وقدم حجار قرالاری نسلندن بولنان
 همون باطوری نام بکرزاده اتفاق امرای قوم ایله مقام قرالی به انتخاب
 اولندیغنه و مقدما قرال متوفایه اعطا اولنان عهدنامه همایونده دخی
 مز بورک ولی عهد لیکی مسطور ایدوکنه مبنی جانب سلطنت سنیهدن
 مشارالیهک قرالغی تصدیق ونامه و تشریفات همایون ایله توقیر قلندی
 صدر اعظم امر صلحی اتمام و بدل صلح اولان ایکیوز بیک غروش ایله
 وارد اولان نیچه ایلیچیسنی مستحباً دار السلطنه جانبده خرام ایدوب
 بیک اون التی سنه سی اواخر محرمده استانبوله واصل و ربیع الاولنده
 اناتولی احوالی تنظیم ایچون صحرای اسکنداره مرتحل اولدی
 چغاله زاده ایران اوزرینه سردار اولدقده یوردلیق و او جاقلیق وجهله
 کلیس سنجاغنه متصرف اولان جانپولاد زاده حسین بکه حلب ایالتی
 توجیه ایتشیدی سردار مشارالیه منهنماً وانه هودت ایدر ایکن مزبور
 حسین پاشا درتبیك قدر منتظم عسکر ایله ملاقات ایلدی عقینده هنگام
 محاربه یه یتشمامک تهمتیه مقتول اولدیغندن حلبده متسلمی اولان برادر

زاده سی علی بك رفع رایت عصیان ایلدیکنه بناء دفع غائله سی ایچون ایالت
 حلب میر مزبوره توجیه اولندیسه دخی تحصیل اطمینان ایده مدیکندن
 وارباب عشیرت وعصیتدن واصحاب ثروت واققداردن اولملریله
 عساکر موظفه عثمانیه به تقلید ا قرق یک قدر سواری و پیاده جیوش
 منتظمه تدارك ایدرك شام و حص طرفلرینه اطاله دست تظلمه منجاسر
 اولدیغندن صدر اعظم قلندر اوغلی و قره سعید و طویل کبی او جر بشر
 بيك اشقیا ایله اناطولی بی تخریب ایلمکده اولان جلالیره عطف نگاه ایتدرك
 اول امرده جانپولاد اوغلی جمعیتك طاغدمسی مقصودیه حلبه طوغری
 عازم اولدی اثنای راهده و باخصوص قونیهدده اله کچردیکی اوفق تفك
 جلانی اشقیاسنی انداخته حفره انعدام ایتد کدنصرکه حلب جوارنده
 وقو عبولان محاربه عظیمده منصور و مظفر اوله رق سواد اشقیایی قهر
 و تدمیر ایلدی بو محاربهده روم ایلی والیسی تریاکی حسن پاشا فوق العاده
 اظهار شجاعت و غیرت ایدوب خاتمه زیب دفتر خدمات اولغله پیرلکینه
 بناء و طلب واستدعاسنه ابتناء خواص وزارت ایله تقاعد احسان
 وجانپولاد اوغلی علی پاشا بعد الانهزام فرار کنان درگاه پادشاهی به
 دخیل دوشدیکندن عفو همایونه مظهر و طمشوار ایالتیه موقر قلندی
 اشو بيك اون التي سنه سی خلانده قریم خانی اولان غازی کرای مطعوناً
 من نحل دار آخرت اولدقده امراسی پدیری وصیتیدر دبهرك اوغلی
 تخمشکرای مسند خانی به اصعاد ایله کیفیتی طرف شاهانه به عرض
 ایلدیلر ايسه ده بلا توجیه قاعد و سادۀ حکومت اولسی طرف سلطنت
 سنیه به کران کلدیکندن بر مدت جلالی دلی حسن پاشا ایله کزوب بعده عفو
 همایونه نائل و اول زماندنبرو استانبولده مقیم اولان عر حوم مشارالیهك
 برادری سلامت کرای منصب خانی به واصل اولدی
 صدر اعظم بیکچری اوچاغنی معیتده توقیف و طوائف عسکریه بی
 و بکار بیکلری مناسب موقعلره تفسیم ایدوب کندوسی حلبده مشتا نشین
 اولشیدی طرف پادشاهیدن معسکر همایونه کوندرلسی لازمکلان خزینه
 دفتر دار اتمکچی زاده احمد پاشایه تودیع و تقویه بازوی اقتداری ایچون
 روم ایلی والیکی دخی علاوه مأموریتی قبلنوب ارسال اولندی ايسه ده
 پاشای مشارالیه ارباب حرب و قتالدن اولدیغندن جلالی خوفیه بولی

صایدیروب انقره قلعه سنه داخل وایلرویه حرکت ایده بلك احتمال اولدیغی
سمع سرداره واصل اولوب باخصوص بروسه و مغنیا شهرلرینی
واولحوالیده اولان سائر قصبات وقرایی یغما وتاراج ایدن قلندر اوغلی نوبت
استیصال کندولرینه رسیده اولدیغی درك ایله صنادید جلالیانی رفاقته
دعوت ایلمسینه اوتوز بیک قدر شقی تحت امرنده مجتمع اوله رق خزیندی
اختلاس ایتک سوداسنده اولدقلری دخی استخبار اولندیغنه مینی صدر
اعظم عساكر عثمانیه نك اجتماعنه باقیه رق اواخر خسینده حلبدن حرکت
ایلدی جلالی سرکرده لرندن بعضیلری سردار اکرم ایله مقابله بی تجویز
ایتمیوب اناطولینك اوزاق یرلرینه جگمه کی تنسیب ایلدیلر ایلده برطاقی
اردوی همایونده عسكرك قلتنی درپیش ایدرك محاربه یه جرأت ایتدیلر
بناء علیه کو کسن بیلاسنده مقاتله شیده وقوعیه یکریمی بیک قدر کشتنی
سرداده وادی عدم اولوب بقیه السیوف اولان اشقیا قلندر اوغلی ایله
عجمستانه طوغری فرار ایلدکرندن صدر اعظم تعقیبلری ایچون امرا
وعسکر تعیین ایتدکدن ماعدا کندوسی طقسان باشنده برپیر ایکن اشقیانك
تکرار بریده مجتمع اوله مالری قصدیه بالذات بش کون بش کیجه ایلغار
وینشدیکی اجلاقی قنطره سیفدن امرار ایدرك انجق براییکی قدر
شقی حدود ابراهه داخل و بعد ازیں نام و نشانلری صحائف روزگارندن
زائل اولدی

مقدما بغدادده بلو کباشلیق خدمتنده مستخدم اولان طویل اوغلی محمدنام
شقی بالتدریج کسب قوت و مکنت ایدرك بغدادی ضبط ایلدیکنندن
تأدیب و تنکیلی ایچون وزرادن نصوح پاشا کوندرادیکی حالده موفق
اوله میوب منهزماً عودت ایتشیدی صدر اعظم ایالت مرز بوره یی رها
مشتاسنده اولان چغاله زاده سنان پاشانك اوغلی محمود پاشایه توجیه
وارسال ایتکله پاشای مشارالیه تدابیر حکیمانه ایله بغداد عسکرینی
طرفنه جلب ایدرك غائله بی سهولته دفع ایدوب مساعد و ساده حکومت
اولدیغی خبر مسرت اثری صدر صاحب تدبیرك مستزاد منظومه موفقیت
واجلالی اولغله رکاب همایونه دعوتله تلافیف اولندیغندن بیک اون یدی
سنه سی رمضانده استانبوله کلوب التفات پادشاهی یه مظهر اولشدر
آیدین محصلی اولوب باشنده اوج بشیک لوند مجتمع اولان یوسف پاشا

مقدمه خواجه سلطانیه مکتوب کوندروب بکا وزارت احسان اولنور
ایسه جلای اشقیاسنک قهر و تنگیانی تعهد ایدرم دیمکله استقامت
مساعده اولنش و پادشاه حضرتلری بروسه بی تشریف بیورد قلمزنده رکاب
همایونه دعوت قلمش اولدیغی حالده حد ذاتنده جلای سیرت وانلرایله
متحد المزاج اولغله نه اجابت ونه ده اشقیا اوزرینه حرکت ایلشیدی برده
ایچ ایل منصرفی اولان موصلی چاوش ید ضبطنده بولنان الی یدی قطعه
قلعه نیک متاننده و بولندیغی مواقعک صربلغنه کوه نهرک اواهر دولتی اصغا
ایتمامکده بولندیغندن بولنرک حالی اوزره براغلمسی ازسرنو جلای
جمعیتلرینک حدوث و ظهورینی ایجاب ایده چکی اشکار اولدیغنه مبنی
صدر اعظم ظاهرا ایران اوزرینه کتمک شایعه سیله اسکدار صحراسته
نصب سرادقات اجلال ایدوب وعد و وعیدی متضمن مکتوب ارسالیله
پاشای مزبوری اردوی همایونه دعوت و موصلی جاوشک اعمال لطائف
الحیل ایله قتل و تدمیری ایچون قونی و الیسی ذوالفقار پاشایه ارسال
تعلیمات ایلدی یوسف پاشا عدم اجابته جسارت ایده میوب باخصوص
جلالیک صفتی کند و اوزرینه قوندردیغندن بالضروره واصل معسکر
همایون اولدقده صدر اعظم پک زیاده توقیر و احترام و منصبته علاوة
مفتیسا سنجاغنی دخی توجیه و براتی اعطا ایتمکله اوهامنی ازاله
ایدوب موصلی جاوشک نتیجه حالته مترقباً امرار وقت ایتمکده ایدی
ذوالفقار پاشا مزبور جاوشی تأمین و قونییه جلب ایدرک فرصتی
دوشوروب قتل و سر مقطوعنی ارسال ایتمکله صدر اعظم دخی یوسف
پاشای ازاله ایلدی پادشاه حضرتلری صدر اعظمک ایران اوزرینه
حرکتی امر و اولبابده ابرام ایلدیکه صدر مشارالیه مزبورلرک احوالی
برطرف اولقسزین حرکت موجب نجب و شقاوت اولور دیو اعتذار
ایتمکده اولدیغندن حضور همایونه واروب پادشاهم بلاکلفه ایکی دشمن
قونیک حقندن کلندی وارتنق ایران اوزرینه کتمک مانع قالدی لکن
بوسنه موسم سفر کنار ایلش اولدیغندن ان شاء الله تعالی سنه آتیته ده
جانب شرقه عزیمت اولنور و بوسندکی سفر مز دخی اسکدار سفری اولسون
دیهرک بسط مقدمات معقوله ایتمکله مساعده همایون ارزانی بیورادی
و صدر اعظم دخی ارکان دولت و طوائف عسکریه ایله بیک اون سکر

سنه سی شعباننده استانبوله نقل ایلدی .

قریم خانی اولان سلامت کرای بیک اون طقوز سنه سی ربیع الاولنده عازم ملک جاودانی و قالغای بولنان جانبک کرای خان نائل منصب خانی اولدی خان مغفور بالدفعات روس وله مملکتلرینی نهب و غارت و تحصیل ظفر و غالبیت ایلشدن

سنه مزبوره اوائلنده صدر اعظم اسکداره کچوب تنظیم مهمات و تنجیم لوازمات ابتدا کدن صکره حرکت و اواسط شعبانده ارضرومه مواصلت ایدوب شاه عجمک تبریز حوالیسندده اولدیغی استخبار اولمغله اولجانبه توجیه موکب عثمانی ایدرک تبریزه وصول بولدی ایسه ده عجم شاهلی تبریزی تخلیه و تخریب و سرخاب نام جبال شاهقده صعود و محصن ایلش اولدیغندن و اذر بایچانک اعمار و محافظه سیله اوغراشقی بیهوده اوله جغنی امثالی دلالتیه معلوم اوله رقی موسم شتا دخی تقرب ایلدیکندن اردوی همایون دیار بکر مشناسنه عودت ایلدی چونکه شاهان صفویه نیک تا چالدران محاربه سندنبرو اتحاد ایتدکلی قاعده عساکر عثمانیه بی قوتلیجه کوردیکه مقابلدن اجتناب و مواقع توجهنی تخلیه ایدرک صعب المرور محارده ارام ایلک واردوی همایونک عودت و پاخود تفرقی وقوعنده فرصت دوشوروب برشیئه نائل اوله بلمک صورتنه محصر و دولت علیه نیک مطالعاتی ایسه ممالک ایرانده مذهب شیعی تأسس ایلش بولندیغنه مبنی حکومت صفویه مترزل اولدقجه ممالک عجمک ضبط والده طوتلمی ممکن اوله میه جغندن بیهوده تخریب ممالک و ازعاج اهالی ایله اوغراشلیوب بالکنر خاندان صفویه نیک شوکت و عصیتنی محو و ازاله ایلک می کزنده دائر ایدی بناء علیه بالدفعات میدان حربیه دعوتی متضمن مکتوبلر کوندرلدی ایسه ده شاه مشارالیه اورالر یناشمدی

صدر اعظم اسکداردن حرکت ایدایسندنبرو شاه عجم نامه و ایلچیلر کوندرروب سلطان سلیمان حدودی اوزرینه عقد صلح اولمقی رجاسندده و سلطنت سنیه دخی فرهاد پاشا صلی موجبجه تبریز و روان و شروران الکالری نیک تسلیمی دعواسندده اولدیغی حالده بوکره دیار بکر مشناسنه وارد اولان نامه شاهیده طلب اولنان مملکتلرک ویرکوسی اولیق اوزره محصولندن سنوی ایکبوز یوک حریر و سایر اشیا تقدیم اولمقی شرطیه

عقد مصالحه اولنق استمداسی تکریر اولندیغندن صدر اعظم اغفال
قصده صورت مماشات اراؤه و کیفیتی رکاب همایونه عرض ایدوب
بیک یکر می سنه سی اوائلنده دیار بکر صحرا سنه چیقیشیدی متعاقباً
مرتحل دار آخرت و دیار بکر والیسی نصوح پاشا نائل مسند صدارت
اولوب استراحت عساکر منصوره نیتله التماس شاهه مساعدده و عقد
مصالحه اولندی صدر جدید عساکر مجتهدیه اذن انصراف اعطا
وهدیّه موعوده ایله عجم ایلچیسی جیقجه یه قدریدی سکر ای دیار بکرده
آرام ایدوب بعده اشیای مزبوره ایله ایلچی بی مستحجاباً رکاب همایونه
واصل اولدی

نچمه سفری ختامند نصکره مملکتین امارت لرینه مأمور اولنک جانب
سلطنت سنیه اطاعت و انقیاد لری درجه مطلوبه ده اولدیغندن رکاب
همایون خدماتنده بولنان روم ملتی اگاربندن افلاق و بغدادنه و بوده لر نصب
و معیت لرینه اهل اسلامدن دیوان افندیسی و یکچیری ضابطانندن بچلی
اغاسی ویدی سکر یوز قدر بچلی نفری تعیین اولنهرق سیواسدن معزول
کتابچی عمر پاشا مباشرتیه ارسال و مقر امارت لرینه اقعاد اولنمشیدی
مقدما بغدادن بکی اولان ارمیه نک زوجه سی دومنه له پرنسسلرندن اولوب
اهستانده کلی املاکی و ثروتی اولغله کبرای روسدن دامادی اولان
قورسقی نام بکرزاده معرفتیه روس وله خلقدن اوتوز قرق بیک عسکر
جمع و بغدادنه هجوم ایدرک طرف دولتدن منصوب اولان استفان بکی فراره
مجبور ایلدیکندن تریای حسن پاشا کتخدانقندن نشأت ایدوب بوسنه
بکر بکیلکندن معزول اولان اسکندر پاشانک معینه طونه حوالیسندن
عساکر کافیه ترتیب و تعیینیه بیک یکر می ایکی سنه سی اولجانبه اعزام
اولندی پاشای مشارالیه بغدادن ایچنده مزبوره نک عسکر یله لدی المقابله
نائل فوز و ظفر اولهرق دومنه ایله دامادینی اسیر و رکاب همایونه تسیر
ایلکله استفان بک مقام امارتده کسب استقرار ایلدی
اردل قرالغی مقامنده بولنان و باتوری نامیه مشهور حکمدار سلاله سندن
اولان باتوری غابور که دلی قرال ناییه معروفدر غایت منهور و ظالم
اولدیغندن امر ای اردلک اکثریسی اطاعتندن خروج و نچمه لوره میل
ایلشیر ایدی مظالم و تعذباتندن رکاب همایونه رفع رقه اشتکا اولغله

مقدمای بمشجوی حسن پاشا زماننده طرف دولت علیه به دخالت اینمش اولان
وسلاله مزبوردهن بولسان بتلن غابور اردل قرالی نصب اولنه رق
اسکندر پاشا وقالغای سلطان وافلاق وبغدان ویوده لری قرال معزولک
ازاله سیله قرال جدیدک نصبنه مأمور اولمیر یله جمله سی طمشوارده مجتمع
اوله رق تیمور قیونام محلدن اردلستانه داخل اولدقلرنده معزول مزبور
وارات قلعه سنه تحصن ایلمدیکنه مبنی قرال منصوب مرکز امارت اولان
اردل بلغرادنده تخت حکومته اصعاد اولندقدن صکره قرال معزول
ذکر اولسان قلعه دن چیقوب فرار صددنده اعدام اولندی و طمشوار
ملحقانندن ایکن سفر سابقده اردل حکومتک زیر اداره سنه یکمیش اولان
لیوه و یانوه نام قلعه لر کافی السابق طرف دولت علیه دن ضبط قلندی

نمچه اولرک اردلستان حدودینه تعرض اتمک تشبیهاتنده اولدقلری قرال
جدید طرفندن انها اولنمش ایسه ده انجق بو اووانده نمچه معاهدات
سابقه سی اوز ایکی ماده علاوه سیله توثیق و تحکیم اولنمش واردلستان
حدودینه تجاوز قلمماسی دخی جمله شرائطدن بولنمش اولدیغندن بونک
احتمالی اولدیغی جوابا اشعار و مجددا اردل حکومتنه اعطا اولنان عهد
نامه همایونده دخی نمچه اولر ایله بعض مقاولات اجراسنه رخصت و بریلوب
فقط اردل ممالکندن کرک له و بغدانه و کرک نمچه اولره قلعه صاتمماسی
درج و تسطیر قلندی

قزاق اشقیاسی شایقه تعبیر اولنور کوچک قایقار ایله اوزی نهرندن
چیقوب سینوب شهرینی تخریب و غارت ایلدکاری نیکیولی بکار بکیسی
وطونه سفینه لری قوماندانی شقشقی ابراهیم پاشانک مسموعی اولدقده
اوزی بوغازینی بکیوب اشقیای مزبورده نک عودتنده برا و بحرا اوزرلرینه
هجوم ایله الدقلری اموال و اهالی بی بر اقدردقدن بشقه مقدار کلیسی
تدمیر و بقیه سنی اسیر ایلدی لیکن له دولتک اراق اراق بغدانه تعرض
ایلمسی و قزاق اشقیاسنه اراهه رخصته قره دکن ساحلارینی غارت ایتدیرمسی
موجب غضب پادشاهی اولدیغندن اسکندر پاشا له اوزرینه سردار
تعین اولندی پاشای مشار الیه بوسنه و روم ایلی ایالتلری عسکر یله
حرکت واردل قرالی و مملکتین ویوده لری حسب المأموریه معسکر
عثمانی به مواصات ایدوب طورله نهری کنارنده نصب سرادقات عظمتله

نهر من بورك قارشو طرفته بولنان له اردوسيله محاربه يه حاضر المنقده
ايكن اهل اولر عقد مصاحفه طلبكار اولد قلرندن بر صورتله اردل وافلاق
و بغدادنه تعرض اولنماق و قزاق اشقياسنك قره دكزه چيقمليينه مانم
اولاق وركاب همايونه و قريم خانته و يريله كلان و يركوو هدايا وقت
وزمانيله تقديم قلمق شرطلريله بيك بكرمي التي سنه سي رمضانده عقد
معاهده قلندي

عقيب مصاحفده وارد اولان ايران ايلچيسنه ترفيقا نامه همايون ايصالنه
مأمور اولان اينجيلي مصطفى چاوشدن ايكي سنه يه قريب خبر وهديه
مقتنه دن اثر ظهور ايلديكنه مبنی ايران اوزرينه تكرار اعلان سفر اولنه رق
نصوح پاشا قتلندن صكره وزير اعظم اولان او كوز محمد پاشا اردوی
همايون ايله حلبه كوندريلوب اوراده مشتا نشين اولمشيدي اگرچه مؤخر
بورون قاسم نام عجم ايلچيسيله هديه مشروطه نك و اينجيلي چاوشك وانه
واصل اولد قلري خبري كلدي ايسده فسخ عزيمته رخصت بيورلمديغندن
بيك بكرمي بش سنه سي اوابهارنده حركت وروان قلعه سنك محاصره سنه
مباشرت اولندي ايسده بيوك طوبلر استصحابنده قصور اولنديغندن اوچ
آيدن تجاوز و قوعبولان محاربات تيجه بخش ميراد اولماغله صدره مشاراليه
ارضرومه عودت خلانده سوء حركت تهمتيله معزول و مقام صدارته
سنين سابقده آقد كرده بك چوق قورصان كيملي فتح و تسخير ايتش
وطراباس غريده علم افراز تغلب اولان سفر دايي بي اعدام ايتش اولان
قيودان خليل پاشا موصول اولدي

بيك بكرمي التي سنه سي صدر جديد ايران سفری ايچون استانبولدن
حركت ايدوب قريم خاني جانبك كراي دخی رفاقت سرداره مأمور قلمش
اولديغندن خان مشار اليهك ورودينه مترقبا موكب عثمانی ديار بكرده
مشتا نشين اولدي

اون دردنجي پادشاه عثمانی اولوب اون درت باشنده جلوس ايتش اولان
سلطان احمد خان اول حضرتهلری اون درت سنه سلطنت سوردكدن
صكره بيك بكرمي التي سنه سي ذي القعدة سنك بكرمي ايكنجي كوني مير تاج
دار آخرت اولغله بنا وانشاسنه موفق اولد قلري جامع معروفلری جوارنده
اولان تربلرينه دفن قلنديلر

شهریار مشار الیه ترك منهیات خصوصند و زهد و صلاحده اسلاف
عظاملرینه غالب و علی الدوام سادات و علما و فقرانك جلب خاطر لرینه
راغب اولوب اهالی حرمینه و علما و منزویانه و باخصوص روسه وادر نهیه
تشریفارنده مطلع اولدقلری فقرایه بذل و ایثار بیوردقلری عطایا فوق ما
یتصوردر حرمین شریفنك تعمیر و تزیناتی امرنده دخی پك چوق مال
خرج و صرف ایدوب حتی پدرلری سلطان محمدك الی بك التونه اشترا
ایلدقلری شجر اغ نام الماسی ایکیوز یکر می یدی قطعه یاقوت و سایر ذی
قیمت اعمار الیه بر التون لوحه اوزرینه وضع ایتدیرهرك وجه کریم اجناب
نبوی نشانه سی اولق اوزره تقدیم ایلش و باشنه طاقدیخی صورخوجه
قدم شریف رسم جلیلی ترسیم وزاده طبع شاهانه لری اولان اشبو قطعه یی
تحریر و ترقیم ایتدیرمشلردر

نوله جانم کی باشمده کورتورسم دائم

قدیمی رسم درر حضرت شاه رسلاک

کل کلزار نبوت او قدم صاحبدر

بختیا طورمه یوزین سور قدمینه اوکلک

بختی تخلص بیوردرلر ایدیکه جلوس همایونلرینه دخی تاریخ واقع اولمشدر
پادشاه مشار الیه حضرتلرینك جمله محاسنندن بر بسی دخی وراثت تخت
دولت حقنده ترتیب اصول و قانون ایلسیدر چونکه سلطان مراد اولک
قوصوه محاربه سی عقینده شهادتی وقوعنه مبنی یلایرم بایزید خان جلوس
ایدوب دفع فتنه موهومه قصدیه برادری یعقوب چلبی یی ازاله ایلدیکنندن
صکره لری بو بدعت سینده تأسس ایلشیدی یلایرم خان و سلطان بایزید
ثانی شهزاده لری مثلاً منصب و عسکر صاحبی اولوبده مقالاته جرأت
ایدنلرک دفع غائله لری امر ضروری دیناسه بیه بوغدر عظیم سلطان
سایم ثانی و سلطان مراد ثالث سرای همایونده تک وتنها بیغوله نشین
انزوا اولان معصوملرینه قدر سرایت ایلدیکنندن عموم خلقه داغ درون
اولسنده مبنی اذهان انامی تسلیمه ضمننده نیجه افسانه لر ترتیب اولمشدر که
حالا السنه عوامده دوران ایدر

شهریار مشار الیه حضرتلری برادرلری سلطان مصطفی به تعدی اینجوب

بالکن شهرادگانک طشره مناصبه کوندلمسی قاعده جار به سنی الفا وار سال
 حیه و تولید ذریات ایتمار بنی منع ابله تخت سلطنتی اکبر شهرادگانه
 تخصیص ایملکه وصیت و ترتیلر نه توفیقا برادرلری مشار الیه سلطان
 مصطفی تخت سلطنته اجلاس اولندی لکن قوه میزه سی مفقود
 وحل وعقد عدم ایاقی مشهود اولدیغندن بیک یکر می یدی سند سی
 غره ر بیع الاولانده اتفاق ارکان دولت ابله خلعت سلطنت دوش بی
 اقتدارندن نزاع واکبر شهرادگان احمد خانی اولان سلطان عثمان
 ثانی به الباس قلندی

بیک یکر می یدی سند سی جمادی الاولیسنده صدر اعظم دیار بکردن
 حرکت ایدرک وانه قریب خانی جانبیک کرای خان ابله لدی الملاقات تبریزه
 واصل اولدقلرنده والیسی اولان قارچغای خان مملکتی تخلیه
 واهالیسنی اردیله طوغری سوق ایلمش اولدیغنی تحقیق اولمغه مشار الیه
 جانبیک کرای خان بونلرک غارتی سوداسنه دوشدی دفتر دار باقی پاشا
 وسار کار ازموده اولان امرا اوتوز قرق ساعتک مسافه به قدر ایلغار
 ایملک مخالف حزم و احتیاطدر زیرا مقاتله لازم کاور ایسه عسکرک یورغون
 بولمسی بر فغانخی موجب اولور دیدکلری حاله کار کر تأثیر اولدیغندن
 ناچار صدر اعظم بر قاج بکار بکی ترفیق ایدرک ارائه رخصت ایملکه ایکی
 کون ایکی کجه ایلغار ایله اردیله قریب سراو نام صحرا ده ایرایله یئشدیلر
 ایسه ده قارچغای خان بونلرک صورت هجوملر بنی تحقیق ایلمش اولدیغندن
 عسکرینک اکثریسی پوصولره قویغشیدی جنوش عثمانیه بلا انتظام
 وایلمسی ارفه سندن بی خبر محاربه به مباشرت ایلدکلرنده پوصولده
 اولان ایرایلر بونلری اورتیه الدقلرندن و ذانادخی یورغون بولدقلرندن
 قریب خان و بعض بکار بکیار کوج حال ابله اردوی همایونه عودته
 قدر تیاب اولوب ماعداسی مقبول و مأور اولدی بونک اوزرینه معسکر
 همایونده عقد مجلس مشورت اوانوب چغاله زاده وقعه سی مثلاً بر حادته
 فجیع ظهورندن احتراز اظهار جلالت وایلمیه طوغری حرکت اولغنی
 قرار پذیر اواغله بر قاج کون کیدیلوب معرکه گاه اولان سراو صحراسته
 نصب خیام آرام قلندی

سلطنت مصطفی
 خان اول

سلطنت عثمان
 خان ثانی

شاه عباس صلح نیاز یله ایلچی و مکتوب کوندر مکدن خالی اولیوب بو کره اردبیلی و حتی شاهان صفویه نك عی قدرنده اولان مجوهراتی بیله رفع و تخلیه ایلش اولدیغی استخبار اولندیغنه و ایران سفر لری تعب بلا فائده دن عبارت ایدوکی بو کره دخی تحقّق ایلدیکنه مبنی نصوح پاشا زمانده عقد اولانان شروط موجبجه تجدید مصالحه یه موافقت اولندی و شاه طرفندن صدر اعظمه و سائر وزرا و امرا یه کلیتاً و ذخائر و فواکه ارسال و طرف همایونه دخی هدیه مشروطه ایله برابر درت رأس فیل تقدیم قلندی بعده توقاده عودت خلاننده صدر اعظم سکتۀ عزله گرفتار و قائم مقام بولانان صدر سابق محمد پاشا ثانیاً مهر همایونه کامکار اولمشدر بومصالحه حکمنجه دولت علیه اذربایجان و شروان الکارینی لندن چیقاردی ایسده ویریلان عهد نامه همایونده ام المؤمنین حضرت صدیقه جنابلرینه و اصحاب کزین و ائمه مجتهدین حضراتنه طعن اولنماق و جانب سلطنت سنییه تبعیتله وایه دار اولان شهنشال و سائر حاکمان طاغستانه تعرض قلنماق و روسیه لولک بحر حرز کنارنده انشا ایتدکلی ترک قلعه سنک قلع و قمع خصوصنه تثبث قلندقدۀ عساکر ایران طرفندن مداخله وقوع بولماق شرطلریله حدود و سنوره دائر و سائر قیود لازمه درج و تسطیر قلنمشدر

سلطنت سنیه نك آقد کرده ساحلدار و صاحب معامله اولان دولتلردن انکلترة و فرانسه و نمچه و ونڈیک دولتلردن ماعداسیله مصالحه سی اولماغله اسپانیا و ایتالیا اولر طرفندن ترتیب و تجهیز اولانان سفاین حربیه و با خصوص مالطه اطه سی قورصانلری دائماً سفن اسلامیه یی نهب و غارتله مشغول اولدقلرینه و افریقا اهالیسی و بلکه بتون ملت اسلامیه اسپانیوللرک اندلسولر حقننه متجاسر اولدقلری حرکات ظالمانه دن طولانی خصم قوی لری بولندیغنه مبنی دولت علیه دخی مالطه و اسپانیا قورصانلرینه مقابل جزایر و تونس و طرابلس اوجاقلرینی احداث ایلدیکندن بونلر ییئنده علی الدام محاربات بحریه و یکدیگری ساحلارینی غارت و یغما جاری اولمسیله برابر هر سنه دخی دونمائی همایون آقد کزه چیقاریلوب ایتالیا و اسپانیا ساحل و جزیرلری غارت ایتدیر بله رک اسرا و اموال غنایم اخذ یله

طائفه عسکریه اغنا و مصر ایله استانبول بیننده امد و شد ایدن سفر
اسلامیه بی ضبط و استیلایه فرصت بین اولان قورصانلرک دفع و تنکیلنه
اعتنا قیلنور ایدی بنابرین طرفینک الارنده یکدیگرندن انمش کلیتو
اسرا بولمغله صاحب قدرت اولنلری اعطای فدیله ایله تخلیص نفس ایدرلر
وقدیرت و سامانی اولیانلر بعضا مذکور اوجاقلرجه و یاخود دولجه
مبادله اسرادن مستفید اولورلر ايسده اکثر اوقاتده کیلرده کورک چکمت
خدمتیه مقید بولنورلر ایدی اوروپا اهالیسندن غشیر نام گسنه اسلام
اسیرلرینی بولندقلری برلردن صاتون آلوب ولیلرینه بیع ایلت تجارتیه کسب
ثروت و ملت اسلامیه من جهة خدمت ایلدیکندن نقشه جزیره سنی
دوقه لاق نامیه التزام ایدوب نیچه مصالحه سنده دخی مستخدم اولمغله
دولجه تحصیل شهرت و نام ایلشیدی مؤخر ا بغداد و بودولغنه طالب
وبذل اموال ایله نائل مطالب اولوب ایکی سنه صکره عزلی واقع اولدقده
لهلورلر استغاثه ایله قرق الی بیک قدر عسکر جمع ایدرک اعلان عصیان
ایلدی

دفتردار مشهور انکچی زاده احمد پاشا مشرف فوت اولدقده اوقافی تنظیم
ایلدکن صکره بوز یوک اقیچه که عصر من حسابنه کوره تقریبا قرق بیک
رای عثمانی ایدر افراز و دائما اوزی نهرندن چیقوب قره دکن ساحلارینی
غارت ایدن قزاق اشقیاسنک دفع مضرتلری ضمنده اوزی قلعه سنک
بناسنه صرف اولمغی وصیت ایلدیکندن قلعه هر قومه بنا و بندر
و افکرمان و بوجاق سنجاقلری الحاقیه اوزی ایالتی تشکیل اولنهرق
اسکندر پاشای غازییه توجیه قلمشیدی عاصی مزبورک وله اردوسنک
تدمیری ایچون پاشای مشار الیه سر عسکر تعیین و قلغای سلطان ایله
سلسره بکار بکیسی معینه ترفیق اولمغله بیک یکر می طقوز سنه سی نهر
پروت قربنده ترتیب صفوف حرب و قتال و اون سکن کون ناره کار زار
اشغال اولندی

لهلورده یارای مقاومت قالمدیغندن ناشی عودته مباشرت ایدوب لیکن
هجوم تاتاردن محافظه ایچون ارقه لرینه عربه لرینی دیزرک کیدرلر
و جیوش تاتار و عساکر جرار دخی تعقیب ایدرلر ایدی بو حال ایله برقاچ
کون ایچنده کچید باشی نام محله واصل اولدقلرند طغیان نهر لهلوره

مانع مرور اولدیغنه و ذاتا دخی پک ریشان حاله گرفتار اولدقلرینه مینی طائفه تاتار خونخوالق مراسمی کایدخی اجرایه درکار اولغله نهر مزبوری بوزهرک کچن اوچ بش یوز لهلودن ماعداسی قنطره شمشیردن مرور ایلدی و بغدادنه فرار ایدن عاصی غشیری دخی اهالی بغدادن تبریه ذمت قصدیه قتل ایلدکلرندن یکیدن ویوده نصب واقعا دیله مصلحت ختام پذیر اولدی

قیودان دریا بولتان کوزلجه علی پاشا اقد کرده فتوحات عظیمه نائل اولوب تسخیر ایلدیکی الی قطعه قابون ایله در سعادت عودت و خاکپای پادشاهی به اوموزلرنده بر کیمسه قروش یعنی ربال ایله ایکوز اسیر تقدیمه مسارعت ایدرک مظهر الطاف همایون اولغله صدر اعظم محمد پاشا استرقاب بلیه سیله النان کبار تحت معاهده اولان فرانجه ووندیک سفینه لریدر دهرک اعتراض و ایلیچیلری دخی دعویه اغرا ایلدی ایسه ده کارکر اولدقدن بشقه عزانی استلزام ایلکله قیودان مشار الیه صدر صدارته اعتلا ایلدی لکن برقاج آی مرورنده فوت اولدیغندن بوستانچی باشلیقدن وزارت رابعه ایله اخراج اولمش اولان حسین پاشا مسند نشین صدارت عظمای اولدی

لهلورک برقاج کرددر بغدادن اراضیسنه وقوعبولان تجاوز و تعرضلری و سلطان عثمان خان حضرتلری اجداد عالی نژادلری و تیره سی اوزره بالذات سفره کتمکه طالب بر پادشاه نوجوان ایدوکی جهتله موکب همایونلری لوازماتک استحضارینی امر ایلدیلر بین الوکلا منعقد اولان مجالس مشورته له دولتی پادشاه عالیجاهک اختیار کلفه حرکتیه ذکر خصمان اولدیغی و سنه سابقه ده اسکندر پاشادن یدکلری سله قهر و تدمیر مرتبه کفایه ده کورنمیه بر درجه ده تریه لری مراد پادشاهی ایسه وزرادن بریسینک مأموریتیه مطلوب حاصل اوله جغی بیان اولندی ایسه ده سلطان عثمان حضرتلری بالذات عزیمت خصوصیه اصرار ایلکله بیگ اوتوز سنه سی اواسطنده استانبولدن تحریک رکاب شوکت و ایساقجیده قوریلان جسر دن طونه نهری مرور اولنه رق خوتین قلعه سی جوارینه موصلت بیورلدی له اردوسی قلعه مذکورہ نک قرینه

واستحکام ایچنده بولمغله هر طرفدن محاصره ومقاتله به آغاز اولمسیله
 برابر ولایه اطرافک وبا خصوص قریم خانی جانبک کرای خان ایله اردل
 قرالی بتلن غابورک و مملکتین ویوده لرینک التحاقبله موکب هما یونده
 یک کلینلو جمعیت حاصل اولدیغندن طرف طرف سوق غارتگران ایله
 لهستان سرتاسر تاراج یغما اولوب یالکز یوزبیک نفردن زیاده اسیر
 اخراج قلمشدر فقط اداره امور حربیه دارالسعاده اغاسی سلیمان اغاک
 بد استبدادنده اولدیغندن بر ایدن مجاوز مدته دشمن اردوسی اوزرینه
 وقوعبولان بورویشلر نتیجه پذیر اولیوب موسم شتادخی تقرب ایتمکه
 بولدیغندن اهلوزک افلاق وبوده سی واسطه سیله عرض واسترحام
 ایتمکه بولندقلری مصالحه خصوصنه مساعدت سنیه ارزانی بیورلمغله
 مقبول غشبر وبوده نک اهلوزه تسلیم ایلدیکی خوتین قلعه سی جانب دولت
 علیه رد اولمق شرطیله بروجده معاهده سابقه ترک محارب به اولنه رق
 موکب همایون یک اوتوز بر سنه سی اوائلنده دارالسلطنت السنیه به
 واصل اولدی
 سلطان عثمان خان حضرتلری له سفرنده مظفریت کامله به نائل اوله مدیغنی
 طوائف مسکریه نک غیرتسزایکنه جل ایله منفعل اولدیغندن دارالسعاده
 اغاسی وخواجه عمر افندی وحرم اغاری سوقیله عربستانه طوغری
 کیدوب فارسان عربدن عسکر ترتیب وانلر ایله یکچیری وسپاه
 طائفه سی تأدیب ایتک قیدینه دوشدیکنه وخوتین سفرنده حسین پاشا
 اوزرینه صدراعظم اولان دلاور پاشا دخی اداره امور دولتن غافل
 ساده دل بر آدم اولدیغندن بودرد جانکاهک اندفاعنه جاره بوله مدیغنه
 بناء پادشاه حضرتلری حجه کتمک شایعه سیله استحضار اوازماته مباشرت
 ایدوب ارکان دوات هر نقدر منعه جالشدیلر ایسه ده مفید اولدی
 نهایت سنه مزبوره رجبنک سکنجی کونی سپاه زورباری سرای
 هما یونده مجتمع اولوب پادشاهی بوقوله افکار مضربه سوق ایدن
 صدراعظم و دارالسعاده اغاسی وخواجه عمر افندی ایدوکنندن بونلرک
 قتلی مطاوعزدر دیهرک واوله ساز اولمده و صدور عظام تسکین فته
 ایچون مزبورلرک فدا ایلدسنی پادشاه نصیحت ایلدیجه اظهار غضب
 وعناد بیورلمده ایکن سلطان مصطفی بی ایستقر دیو بر اوازه ظهور

ایتمکله طوغانچی بائی دلی درویش رهنماغی ایله مشارالیهی چیقاروب
 علمایی اجرای رسم بیعتہ اجبار ایلدیلر بوخبر سلطان عثمانہ واصل
 اولدقدہ صدر اعظم ایله دارالسعاده اغاسنی عسکرہ تسلیم ایلدیکندن
 پاره پاره ایلرله برابر ایش ایشدن کچمش بولندیغنه مبنی سلطان
 مصطفیٰ ابوب یکچیری قشله لری وسطندہ واقع اورتہ جامعہ کوتوردیلر
 سلطان عثمان اول کجه یکچیریلرہ دخالت قصدیلہ صدر اعظم نصب
 ایلدیکی حسین پاشانک تدبیری وجهله اغا قیوسنہ عزیمت ایتدی
 ایسدهده یکچیری طائفہسی حسین پاشایی وکندولرینہ نصیحتہ اغاز ایدن
 یکچیری اغاسنی اعدام و سلطان عثمانی دخی اورتہ جامعہ ایصال ایلدیلر
 سلطان مصطفیٰ طرفندن صدر اعظم نصب اولنان داود پاشا خانی
 عثمان خان برکشته اقبالی برجارشو عربہ سنہ قویوب یدی قله یه کوتور
 دکن صکرہ کندوسی و معلوم الاسامی برقاج عونہ خونہسی مباشرتیلرله
 شهید ایلدی سلطان عثمان اون درت یاشنده پادشاه اولوب غرور
 جوانی و سؤ قرین القاتی ایله نامناسب ایشلرہ جرأت و با خصوص
 کجه لری قوله جیقوب میخانلر باصہرق طوائف عسکرہدن بولدیغنی
 اعدام ایدہ کلدیکنه و طریق علمیه رجالنک ارپه لقلرینی رفع ایلدیکنه مبنی
 هر طرفدن مظهر دشنام و نفرت اولغله درت سنہدن مجاوز سلطنت
 سوردکن صکرہ بوفلا کته مبتلا اولدی و خوتین سفرینہ عزیمت
 ایلدکلری ائساده بی جرم و کناه قتل ایلدیکی برادری سلطان محمدک
 بددعاسنہ اوغرا دی

سلطان مصطفیٰ نک اداره امور سلطنتہ مجرب اولان اقتدارسزلیغی
 جهتیلہ طائفہ عسکریه فوق العاده یوزہ چیقارق تا صدارت عظمادن
 مناصب صغیریه قدر عزل و نصب خصوصنی و سار امور ی بدتغیلرینہ
 الیلر ایسدهده خیانت ولی نعمت ایله هر جانبدن مظهر لعن و طعن
 اولدقلرندن بر ایکی دفعہ صدر اعظم داود پاشایه هجوم و بز سلطان عثمانی
 امانت و یرمشیدک نیجون قتل اولندی دیو غوغایه اغاز ایدرک بالا خرہ
 یکرمی سکز کون هرورنده خائن مزبورک عزلی وقوعندن صکرہ ابوب
 سمندہ محتفی اولدیغنی محمدن جیقاریلوب بالتصادف شهید مشارالیهی
 بندردیکی عربہ ایله یدی قله یه ارسال و احناق اولندیغنی مثلاًو مباشر

سلطنت ثابته مصطفی
 خان اول

قتل اولان سائر خانلردخی اعدام اولمش فقط دلی درویش مقدمه
طشوار میر میرا نغله کتس واوراده آدن دوشوب کبرمشدر
سلطان مصطفی نك اون بش ای قدر عمتد اولان اشبو سلطنت ثانیه سی
اوانی انواع شورش واختلال ایله مرور ایدوب داود پاشادن صکره
مره حسین پاشا ولفکله مصطفی پاشا و کورچی محمد پاشا و تکرار مره
حسین پاشا متصدی امور صدارت و بالاخره کمانکش علی پاشا نائل مهر
وزارت اولغله اصلاح عالم بر پادشاه عاقل و قاهره محتاج ایدوگنی در پیش
ایدرک اتفاق ارکان دولت ایله بیک اوتوز ایکی سنه سنی ذی القعدة سنك
اون دردنجی کونی اکبر شهزادگان احمد خانی اولان سلطان مراد خان
رابع حضرتلرینی تخت عالیخت عثمانی به اجلاس ایلدیلر سلطان مصطفی
ینه مسکن قدیملرینه عودت ایدوب اون التی سنه صکره مره تحل دار آخرت
اولمشدر

سلطان احمد خان حضرتلرینك ارتحاللرندبرو درت بش سنه ایچنده
اوچ دفعه جلوس بخششی ویرادیکه هر بری عصر من حسابنه کوره
تقریباً برملیون لرای عثمانی به بالغ اولور ایدی بوسبیله و باخصوص
سلطان مصطفی نك والده سی بقای مسند فرزند زعمیه بغاه عسکره پك
چوق التون اعطا ایلش اولدیغندن خزینه همایونه ضعف کلدیکنه مبنی
سلطان مراد حضرتلرینك نصیم جلوسلرنده بخشش طلب اولنماق اوزره
طوائف عسکریه ایله مقاوله اولمشیکن نقض قراره ابتدار و طلب عطیه
ایله ارکان دولتی بیزار ایلدکارندن بالضروره مقطوعا بر مقدارشی
اعطاسبیله اسکات اولندیلر

بغداد والیسی یوسف پاشا تسامح ولایه سابقه ایله بغدادده کسب قوت
واقتدار ایدن عساکر سرکرده لرندن بکر صوباشینك قتل و اعدامنه تشبث
ایلدی ایسه ده عکس قضیه ظهور یله پاشای مشارالیه وادی عدمه
عائد و بکر صوباشی مسند حکومت صاعد اولدیغی خبری عصر مصطفی
خانیده وارد اولدقده دیار بکر والیسی حافظ پاشا سرعسکر تعیین و ارسال
اولمشیدی مشارالیه معینه مأمور عساکر ایله بغدادده واصل اولوب
محاربه و محاصره به آغاز ایلشیکن بکر صوباشینك استعانه و استعاضه مبنی
شاه عجمك کلك اوزره ایدوی زبانگذار و درون بغدادده شاه نامه

سلطنت سلطان
مراد خان رابع

خطبه قرائت و سکه ضرب اولنغه مباشرت قلعه جغی استخبار اولنغله
حافظ پاشا غائله عظیمه حدوثن احتراز ایالت بغدادی بکر صوباشی به
توجیه ایدرک دفع مبادت ایلدی بکر صوباشی دخی وظیفه تشکری
ایفا فقط تحصیل اطمینان ایچون حافظ پاشانک عودتنی رجا ایتکله
سر عسکر مشار الیه دیار بکره رجعت ایلدیکنی متعاقب شاه عباس عساکر
وافیه ایله جوار بغداده رهبت بخشای ورود اولدی بکر صوباشی مظهر
عفو و لطف پادشاهی اولدیغنی اشعار و تقدیم هدایا ایله عرض اعتذار
ایلدکده شاه مشار الیه اظهار غضب و نخوت و بغدادی محاصربه
مباشرت ایدوب لیکن محاربه ایله واصل امل اولق مشکل و بلکه ناقابل
اولدیغنی تیقن ایلدیکندن بغداد حکومتی وعده ایله بکر صوباشینک اوغلی
محمدی جلب و اقناع ایلدیکنه مبنی من بور محمد بر کجه مأمور محافظه سی
اولدیغنی قهوی آجوب عجملری ایچرویه المسی جهتبله دارالاسلام بغداد
کرفتار ایلدی سرخسیران اولدی شاه مشار الیه سنیلر حقنه انواع جور
واهانته آغاز ایدوب بکر صوباشی دخی دراو اشکنجهلر ایله اعدام
و بش اون کون صکره اوغلی من بور محمدی دخی کینام ایلدی
عثمان خان شهید و قهرمندی صکره قیو قولی عسکرینک کسب اشتداد
ابن ادب سزاکلری اطرافده بولنان ارقداش لرینه دخی سرایت ایلدیکندن
ارضرومه بولنان نوبتی یکچریلری والی ولایت اولان ابازه پاشایه رعونت
اظهار ایده کلر بله پاشای مشار الیه عتو و طغیان لرینه طاقت کتوره مدیکندن
بر تقریبله من بورلری قلعه دن چیقاروب اکثریسی اعدام ایلدی
لیکن بوماده دولجه معفو طوتلسه ببله او جاقلونک الحاح و ابرامیه مظهر
مواخذه اوله جغنی بیلدیکندن عثمان خان شهیدک اخذ ثاری شایعه
ابله فریبانه سیله رایت کش عصیان اولوب جمع ایده بیلدیکی اوتوز بیک
قدر اوباش و اجلاف ایله راست کلدیکی یکچیری و درگاه عالی سپاهیلرینی
قتل و افنا ایدرک سیواسه طوغری بوریدی و مرعش و قره حصار شرقی
و سیواس و الیری اولان قلاون یوسف پاشا و مر ترضی پاشا و طیار پاشای
وسائر برطاقم امرای خواه ناخواه کندوسه التحاقه اجبار ایدوب مؤخر
یوسف پاشای مر ترضی پاشانک صنیه سیله اعدام ایلدی

صدر اعظم کما نکش علی پاشا جلوس مراد خانی به باعث اولوق مزینیه
کسب اقبال واستقلال ایدوب لیکن طمع بلاسیله هدف سهام انام
اولدیندن مقتولا عازم ملک جاودانی وقائد الجیش شهدای وزرای مراد
خانی اولوب خاتم وکالت ایله دیوان همایون وزرا سندن چرکس محمد
پاشا کامکار و ابازه پاشا فتنه سنگ دفعه سردار عسکر جرار اولغله بیک
اوتوز درت سنه سی اوائلده اسکار دن حرکت و قیصریه قربنده عسکر
جلالی ایله ترتیب بزم رزمه مباشرت ایدوب یکجیری طائفه سی از وقت
ظرفنده خصم جانلری اولان ابازه پاشا سکیانلرندن اون بیک قدر شقی بی
نشانه تفنک انعدام وبالضروره ابازه پاشایه عرض تابعیت ایدن مرتضی
پاشا و طیار پاشا دخالت کنان جانب اردوی همایونه عطف زمام
ایتمایله ابازه پاشا منهزما ارضرومه فراره مجبور اولدی صدر اعظم
اردوی همایون ایله ارضرومه ایکی مرحله قالدقده ابازه پاشا عفو جرایم
رجاسیله دامنگیر استرحام اولدیندن دفع مشغله امور داخلیه قصدیله
مظهر عفو عالی اولوب ارضروم قلعه سنه ایکی بیک نفر یکجیری وضع
اوله رق بغداد سفری مهماتی استحضاری ایچون صدر مشارالیه توقاد
طرفلرینه عودت ایلدی

مقدما سلامت کرای خانک قالغابی ایکن فرار ایدوب استانبولده ومؤخرأ
ردوسده توقیف اولنان محمد کرای عصر مصطفی خانیده صدر اعظم
مره حسین پاشا سوغیله جانبک کرای اوزرینه قریم خانی نصب اولمشیدی
سلطان عثمان زماننده دارالسعاده اغالعدن معزول اولان مصطفی اغا
مصره کیدر ایکن ردوسده مشارالیه محمد کرای ایله کور شدکده سابقه
رنجش ایله خان مزبور اغای مرفومه بعض مرتبه توبیخ و دشنام
اغاز ایلش اولسیله سلطان مراد خان حضرتلری جلوسنده مصطفی اغا
تکرار دارالسعاده اغالغی ایله بکام اولدقده اخذ ثاره قیام و محمد کرای
مسند خاندن عزل ایله ثابا جانبک کرای خانی نصب ایتدیردک
تحصیل مرام ایدوب لیکن خان جمیدی اجلاس ایلک مأمورینده تعیین
اولنان قیودان رجب پاشا و وزرادن ابراهیم پاشا کفندن ایکی مرحله
ایبارولدکده خان معزول محمد کرای و قرنداشی شاهینکرای عساکر کلیه ایله
قارشلوب وقوع اولان محاربه ده عساکر عثمانیه منهزم و ابراهیم پاشا ایله

خیلی عسکر منعدم اولغله قیودان پاشا و جانبك كرای کوچ حال ایله
دو نهایه و طائفه تاتار غالبانه کفیه داخل اولدیله ارتق بونك اوزرینه
قیودان پاشا طرفندن محمد کرایه ایضا فرمانی و خلعت خسروانی ارسال
اولندرق ید اختلاسندده اولان کفه قلعه سنی و هنگام محاربه ده الدیغی طوبلر
واسیر ایتدیکی جنود عثمانیه تخلص ایدیلرک دو نهایه همایون استانبوله
عودت ایلدی و بو او یغونسزغله باعث اولان دار السعاده اغاسی
مصطفی اغا کدرندن فوت اولدی

صدر اعظم جرکس محمد پاشا سفر بغداد تدارکاتله مشغول ایکن مر تحل
دار عقبا اولدیغندن خاتم صدارت دیار بکر والیسی حافظ احمد پاشایه
احسان واعطا اولغله مشارالیه هیئت اردوی همایونی دیار بکره جلب
و تنظیم مهمات ایلدکن صکره جانب بغداد عطف زمام و بیک اوتوز
بش سندسی اوائلنده پیرامن زوراده نصب سر اداقت احتشام ایلدی

کورجستان ملیکی طهمورس خان اوزرینه شاه عجم اوتوز بیک قدر عسکر
سوق ایدوب لیکن برطار بوغازده کورجیلر مذکور عجملری و قوماندانلری
اولان قارجغای خان و امیرکونه خانی تدمیر واستیصال ویدی بیک
قدر رؤس مقطوعه ایله یکر می نفر زنده ایرانی بی اردوی همایونه ارسال
ایلدکلرندن سردار مشارالیه بر مقدار عسکر اعزامیله طهمورس خانه
اعانه ایدوب اولجانبیدن عجملری تضییق و تخفیف و کندوسی دخی
زهاب بوغازندن عمالک ایرانیه دخول ایله غارات و تخریب ایتک و ذکر
اولنان بوغازی طوتوب عساکر ایرانی بغداد طرفنه کچیرمک و بوجه تارله
بغدادی پراقدیرمق قیدینه دوشدیکنه و هیولای مطالعاتنه صورت
بخش وثوق و امنیت اولدیغنه منی بیوک طوبلر و لوازمات قلعه کیری
استحبابنده قصور و غفلت ایلشیدی موصله لدی الوصول عقد اولنان
مجلس عمومیده بالجمله وزرا و امرا و طوائف عسکریه ضابطانی بغداد
محاصره سنده عزیمتی رأی و تنسیب ایلدکلرندن منوی ضمیرینی اظهار
واجرایه قادر اولدمدی حتی مجلس مشورتده بغدادک اختارلری جیمده در
دیدیکی شایع اولدیغندن بغداد پیشگاهنه نزول اولدیغی کون قلعه دن
طوب و تفنگ انداختیله مدافعه یه آغاز اولندقدنه سپاه زورباری آلا

بغدادك اختارلارنى ديدرك استهزايه جرأت ايتديلر موجود اولان
برقاج قطعه كوچك طوب امر محاصره كافي اولماق حسييله
استانبولدن وبصره قلعه سندن بال يمز طوبلر جلب اولنوب يدى سكر آي
حرب وقتاله اهتمام قلندى ايسه ده شاه عباس التمش بيك قدر كزيده سپاه
ايله نهر دجله كنار ينه نصب خيام آرام ونو بنو محصور ينه امداد و اعانه
ايله تلفاتلارنى ائمام ايله كلد يكنندن بشقه جابجا اردوى همايونه دخى
هجوم وصوات ايتمكه شاهد قح وظفر اينه قدرده جلوهر كر اولدى
لكن شاه مشاراليله دخى سلطنت عثمانيه نك بروجله بغداددن واز
كچمه جكنى درك ايتمكه تسليم بغدادى اساس مصالحه ايدرك بعض
شرائط ايله عقد معاهده يه راضى اولوب اقتضاي مصلحت بالخباره
قرارلشمق اوزره ايكن سپاه زوربارى قحط وغلا وتعفن هوا سببلريله عودت
خصوصنده اصرار و صدر اعظم حقنده بى ادبانه حركت باغيانه اظهار
ايتلريله نقله امكان مساعد اوليان بيوك طوبلر زير آب و ترابده ستر
اولهرق بالضروره عودت اولندى

حافظ پاشا عدم موفقيتندن طولاي معزول و صدر اسبق خليل پاشا بيك
اوتوزالتى سنده سى ربيع الاولنده مقام صدارته موصول اولهرق اردوى
همايون جانبته راهى اولغله حابده تنظيم مهمات سفر يه ايله مشغول
اولدى

اردل قرالى بتلن غابور ايله نجه لور بيشده محاربه اكسك اوليوب بعضا
دخى امر اى سرحد اسلام طرفندن قرال مشاراليله اعانه اولنديغندن دولت
عليه ايله اوستريا دولتى بيشده منعقد اولان مصالحه قرين اختلال اولغله
نجه لورك الى بيك عسكردن مرتب بر اردو ايله منتهاي حدود عثمانيه
اولان استرغون جوار ينه كلدكلى بو دين واليسى مرتضى پاشانك
مسموعى اولدقد سرحدات اسلاميه عسكرىنى جمع و قرال مشاراليه
دخى جلب ايدرك دفع دشمن ايچون اولجانبه حركت ايلدى نجه لور
استحكام التنده اولدقلى حاليه بر آي قدر محاصره اولنوب قلت زاد و امتداد
مقاتلات سببلريله جيوش دشمنك نصفتدن زياده سى رهرو وادى عدم
اولوب بقيد سى فراره مجبور اولدى بونك اوزر ينه امر حربك علوكير
اشتداد اولماسى طرفيندن التزام اولنديغندن بيك اوتوزالتى سنده سى

رجببنده پاشای مشارالیه معرفتیه مصالحه تجدید و یکره بش سند مدته
تجدید قلندی

صدر اعظم خلیل پاشا بغداد سفری تبتیه حلبدن حرکت و دیار بکره
مواصلت ایلدکده ایرانیلرک اخسرخه بی محاصره ایلدکرینی بالاستخبر
ارضروم والیسی ابازه پاشای سرعسکر نصب ایدوب معینه برقاچ بکار
بکی تعیین ایلدیکندن ابازه پاشا دخی ارضروم صحرا سنده اردو قوروب معیتی
أمورلرینک ورودینه مترقب ایکن صدر مشارالیه خدمت سرعسکری بی
وشانک حسین پاشایه تفویض و تحویل ایلدیکنه و ابازه پاشا ایسه وقعه
سابقه دن طولایی طرف دولتدن مستشعر اولغله بو ماده بتون بتون سلب
امینتی موجب اولدیغنه مبنی دفعه ثانیه اوله رقی رفاقتنده بولانان یکچریلری
قتل و اعدام و مشارالیه حسین پاشای دخی کتنام ایلدیکی استماع اولندی
بنابرین تقدیم اهم قاعده سنجه اردوی همایون ارضرومه دوندریلوب
بر آی قدر ابازه پاشا محاصره اولمش ایسه ده تسخیر قاعده ممکن اوله مدیغندن
و موسم شتادخی تقرب ایلدیکندن صدر مشارالیه توقاده عودت خلانده
عدم موفقیتندن ناشی بیک اوتوز بدی سینه سی رجببنده مهر و گالتدن
جدا و سلحدارلقدن یکچری اغاغیله چیقوب بغداد سفرندن صکره معزول
و متعاقبا قبه وزارتته موصول اولان بوسنه لی خسرو پاشا نائل مسند
صدارت عظمی اولدی ابازه پاشا خلیل پاشانک سلحدارلقدن نشأت ایتمش
اولدیغندن مشارالیهک صدارتی ابازه پاشانک استمات و حسن استخدا منه
مبنی ایکن عکس قضیه ظهوره کلدی

قریم خانی محمد کرای وقعه سابقه دن صکره اوامی دولته چندان التفات
ایتمدیکندن بشقه اطرافه تعرضه باشلا دیغنه و ازان جمله اوزی قیرنده
متوطن اولان امرای تاتاردن قائم میرزا اوزرینه برادری شاهینکرای
کوندروب میرزای مزبورک خانمانی تخریب و تکیل ایتدیردیکنه مبنی نأره
عتو و طغیانته سسد اولق مطالعه سبله قائم میرزایه سلسله ایالتی توجیه
و عساکر و افیه ایله بازوی اقتداری تحکیم اولمشیدی خان مشارالیه تکرار
مزبور شاهینکرای یکره بیک قدر تاتار ایله ارسال ایتمکله طونه نهرینی
مرور و دوبریجه اوه سنده قائم میرزا ایله آهنگ جنگ و شرور ایتمش ایسه ده

انهزام فاحش ايله منهزم وعسكرينك اكثر يسي منعدم اوله رق قوت
وسطوتلرينه خالل تطرق ايلدي بونك اوزرينه جانبك كراي خان بوكره دخی
قریم خانلغيله اجلال و دوغماي همایون ايله كفه یه ارسال اولوب طوائف
تاتار دخی تاقی بالقبول ایلرله بلا محاربه تخت قریمه جالس اولدی دوغماي
همایون عودتندن صكره محمد كراي باشنه جمع ایلدیكي نوغای وقزاق
اشقیاسيله تكرار جانبك كراي اوزرينه هجوم ایلش ایسه ده وقوعبولان
مقاتله ده مقتول و برادری شاهینكرای فراره مجبور اولوب بش التي سنه
سرسری كزد كدن صكره بالضروره طرف دولته دخالت ایلد كده
ردوسه اقامه قلمش ومؤخرا قتل اولمشدر مشهور غزل مصنع اشبو
شاهینكرایكدر

صدر اعظم خسرو پاشا ابازه پاشا غائله سنك دفعی ضمنده جانب
ارضرومه تحريك طوغ وعلم ایدوب ترجان صحرا سنه واصل اولد قده ابازه
پاشانك وقوعبولان استمدادینه مبنی اون بش بیک قدر ایران عسكريله
شمسی خالك ارضرومه كیرمك اوزره اولدیغنی استخبار ایتككه قارص بكار
بكیمی سفر پاشایی كوندروب بالمحاربه عساكر مزبوره بی تدبیر و شمسی خانی
اسیر ایتدیرد كدن و قرق كون محاصره ايله ابازه پاشایی استیمانه اجبار
وارضروم قلعه سنی بالنعیمبر عساكر و افیه وضع ایلد كدن صكره ابازه پاشایی
مستحبیا بیک اوتوز سكر سنه سی اوائلنده استانبوله واصل و انواع التفات
سلطانییه نائل اولدی ابازه پاشا دخی مظهر عفو و صفح پادشاهی
واولا بوسنه و مؤخرا اوزی ایالتلریله قرین الطاف شهنشاهی بیورلدی

سنه مزبوره اواخرنده صدر مشار الیه جانب ایرانه سوق موكب عظمت
ایدوب اناطولینك مواقع علبده سنده حادث اولان جلالی اشقیاسی
بقیه سنی كشته تیغ سیاست ایدرك موصله وصولنده فرق اوچ سنه فرمان
فرمای ایران اولد قدن صكره وفات ایدن شاه عباسك یرینه حكمران ایران
زمین اولان حفیدی شاه صفینك همدانده اولدیغنی و فرق بیک قدر
كزیده سپاه عجم ايله زینل خانی محافظه حدود ایچون ارسال ایلدیكي
استخبار اولمقله صدر اعظم دخی حلب بكار بكیمی نوغای پاشایی
سر عسكر نصب و معینه برقاج بكار بکی وادج بیک یكجری ايله قول

کتخداسی مصطفی اغایی ترفیق ایدرک مقابله به اعزام ایلدی اغای
مومی الیه بغداد فتحنده صدر اعظم اولان مشهور قره مصطفی پاشا
مهربان قلعه سی جوارنده واقع اولان مقاتله شدیدده اوتوزبیکه قریب
عجم قتل و تدمیر اولوب بقیة السیوف زینل خان ایلده درگاه شاهه واصل
اولدقدن خان مزبور شمشیر سیاسته گرفتار و شاه دخی عازم سمت فرار
اولدی

صدر اعظم بلا مزاحم کشور ایرانه داخل اولوب همدان ودرگزین
ونهاوند و سائر مدن وقرایی تخریب و یغما ایتدیروب شاه عباسک بغدادی
استیلا سنده مقصدی اولدیغی قتل و غارت بروجده اتم اجرای مجازات
ایلدکن صکره تختگاه شاهان اولان اصفهان طوغری هجوم اولمق تقرر
ایتمشیکن وارد اولان خط همایون قطعی المفاد موجبجه مقصد اقصی
اولان بغداد جانبده مراجعت قلندی لکن عسکره یورغلق و مهماته
نقصانیت طریان ایلش اولدیغندن قرق کون قدر امر محاصره به اهتمام
اولندی ایسه ده شاهد مطالب اینده توفیقده عرض دیدار ایلدیکنندن
عودته قرار ویریلوب فقط بودفعه قوه بازوی همت ایلده طوبلر و مهمات
سائره کاملاً استصحاب اولندی ایرتسی سنه مازدین صحراسی مرکز
اردوی همایون اولوب اکیال مهمات و ورود جیوش تاتار ایچون بش التی
آی اقامت اولندقدن صکره سفر بغداد زمانی مرور ایتشدن دینلهرک
بیک قرق برسنده سی اوائلنده ینه دیار بکره عودت قلمغله بو حال خسرو
پاشانک عزانه ورکاب همایونده وزیر ثانی بولمان صدر اسبق حافظ
پاشانک صدارتنه سبب اولوب فقط خسرو پاشانک واوله شهرتی طنین
انداز مسامع یار و اغیار اولدیغندن طوائف عسکریه بز سندن غیری سردار
استه میر دهرک فرمان همایون ایلده کلان مأموری پارهلق استبدیلر ایسه ده
خسرو پاشا منعه استعجال و امر پادشاهی به امثال ایلدی و هیئت موکب
همایون دخی استانبوله جلب اولندی سنه مزبوره رجبده قائم مقام
رجب پاشا تحریکله سپاه زور باری رفع علم عصیان و سلطان مراد
حضر تلرینی ایاق دیوانته چیقاروب حضورنده حافظ پاشانک خوننی ریزان
ایتملرله قائم مقام رجب پاشا صدر صدارته اعتلا ایلدی
شیخ الاسلام بحی افندی دخی خسرو پاشا خلا فکیرلندن بولندیغندن

تستر واختفایه مجبور اولوب روم ایلی قاضی عسکری اخی زاده حسین افندی
 مسند مشیخت اسلامیه بی حاز اولدی پادشاه حضرتلری بوفته لرك
 وقوعی خسرو پاشایه عزو ایلدیکندن دیار بکر والیسی نصب ایلدیکی
 مرتضی پاشا معرفتیه توقاده مقیم اولان مشارایه خسرو پاشای قتل
 ایتدیرمکله بو کیفیتک شیوعی تکرار نأره فتنه نك اشغالنی استلزام ایدرك
 زوربال پادشاه حضرتلرینی ایکنجی دفعه ایاق دیوانه چیقمغه مجبور ایدوب
 خسرو پاشا کی عجمستانه ولوله ساز اولان وزیر بی نظیری عزل و قتل
 ایتدیرنلر و موصله بو قدر عسکر و مهمات تجمع ایتشیکن تلف و اضاعه سنه
 سبب اولنلر خان دولتدر بونلری بزه تسلیم و شهرزادگان حضراتی ولی نعمت
 زاده لرمز اولغله وجودلرینه سوء قصد ایتیه چکنه تأمین ایله دیهرك انواع
 بی ادبلیکه جرأت ایتلریله بالضروره برادران پادشاهی اولان سلطان
 بایزید و سلطان سلیمان و سلطان قاسم و سلطان ابراهیم اشقیایه ارانه و صدر
 اعظم ایله شیخ الاسلام طرفلرندن ابراز کفالت اولنه رق هر نقدر سرای
 همایوندن طاغلدیلر ایسه ده صدر اعظم رجب پاشا سوء صنعیه مقرب
 و مرغوب سلطانی اولان موسی چلبی نام دلبر لطافت منطری وینه
 بوقیلدن اولوب چند کون مقدم یکچیری اغالغیله جیقان حسن اغایی
 و دفتر دار مصطفی پاشایی قتل و اعدام ایلدیلر روش حاله باقلنجه
 خسرو پاشانک عزل و قتلیه حافظ پاشانک صدارتنده موسی و عیسی
 چلبیلر ذی مدخل اولدیقندن امثال و اخلاقلرینی ترهیب و تأدیب کرفتار
 فلاکت اولملر در

سلطان مراد خان حضرتلری موسی چلبینک انعدامدن پک زیاده
 متأسف اولغله صدر اعظم حقنده اولان غضبنی کتمه قادر اوله میوب هنوز
 آتش اختلال ممامیله کسب سکونت ایتکسزین برکون بغته حضورینه
 جلب ایله کل بقالم طوبال زوربا باشی ابدستک واری دیو خطاب ایلدکده
 رجب پاشا هر نقدر تبریه ذمه چالشدی ایسه ده مثر اولوب در حال قتل
 و اعدام ایتدیردیلر زیرا وقعه کونلریده سلطان مراد ایاق دیوانه چیقمق
 اوزره ایکن رجب پاشا پادشاهم ابدست الوب اوله چیقین دیدیکنی برنوع

اخافیه جل ایتشیدی مهر صدارت قبه همایون و زراسندن محمد پاشایه
اعطا واشقیانک تأدیب و تربیدری اسبابنک استحصالت چاره جو اولسی
بر وجه اکید تنبیه و فرمان بیورادی

فصل سابق تکمله سنده بیان اولندیغی وجهله سلطان سلیمان عصرنده
سفرلر واقع اولدقجه سواری اوجاقلرندن یعنی سپاه و سلحدار و علوفجیان
عین و بیسار و غربای عین و بیسار بلوکلرندن اوچیوز نفر ملازم یازیلوب
بارگاه همایون محافظه سی خدمتی بعدالایفا بعضی مأموریتلر و یریلور ایکن
مؤخرأ طائفه مر قومه نك عتو و طغیانلری مزداد اولق حسبیه سفر
اولسون اولسون هر سنه بر ایکیپیک کشی ملازم یازیلورق بالجله مقاطعات
میریه و جبات جزیه و اوقاف سلاطینه مستولی اولدقلرندن طشره لرد
ایتمدکری ظلم و تعدی قالمیوب امور ولاته و حکام شرعیه و طائفه قدر
نجاوز و تعدی ایدر اولشلر ایدی صدر جدید بونلرک کسر سورت
و قدرتلری ضمنده یکچیری ضابطانی بسط مقدمات معقوله ایله جانب
سلطنت سنیده جلب و اماله ایتکله بعدازین سلطان سلیمان قانونندن
خارج خدمت و یریه چکی اعلان اولنوب بونک اوزرینه سپاه طائفه سی
عقد جمعیت شقاوت ایتدیلر ایسه ده یکچیر یلرک صولت و هجوملریله
پراکنده و پریشان اولدیلر بعده کلخانه میدانده واقع سنان پاشا قصرنده
کافه وزرا و علما و اوجاقلر اغاری و ضابطانی حاضر اولدقلری حالده
بر دیوان عمومی عقد اولنوب پادشاه حضرتلری زور بارک منجاسر
اولدقلری شقاوتی و طشره لرد متصدی اولدقلری مظالمی تعداد ایله
بونلرک تأدیب و تربیه لرنده اختیار تهاون اولنور ایسه ممالکک خرابیتنی
و خزینهنک فقداننی استلزام ایده چکنی اورده زبان مقال ایتد کده
یکچیری ضابطانی پادشاهمیزک رضاسنه مخالف حال و حرکتده بولنان
اشقیانک قهر و تنکیلنه صرف مقدور ایده رز دیملریله سپاه ضابطلری
دخی ایچلرنده بولنان ارباب جنایتیه صحابت ایتیه چکلرینی تعهده مجبور
اولدیلر بنابرین حضور همایونده قرار ماده تسجیل و جله سنه عین
ایتدیریلوب همان اولگون فتنه لرد اولک ایاق اولنلردن اون بش یگرمی قدر
شقی اعدام اولدی بوندن صکره کرک صدر اعظم و کرک ضابطان
عسکریه شقاوت مستمر اصحابنک ازاله لرینه دوام و باخصوص سلطان

مراد حضرت تری بالذات تبدیل کزوب راست کلدیکی زورباری و توتون
 یساغی بهانه سیله یک چوق اشخاصی قتل و اعدام ایتکه مهابت سلطانی
 بر درجه به واردیکه اوج بش کشی بریده اوتوروب مصاحبت ایتکه
 خوف ایدر اولدیلر مؤخرأ پادشاه حضرتلری بروسه به واورادن
 ازینقه عازم اوله رق یوللرک تنظیم اولماسی تهمتیه ازینق قاضیسنی
 صلب ایلدیکنه مبنی بین العلما بعض مرتبه قیل و قال حادث اولدیغندن
 شیخ الاسلام حسین افندی والده سلطانیه تذکره تحریر و بومثلاو افعال
 قبه به مصدر اولمالری ضمیمه پادشاهه نصیحت ایللری تذکر ایتکه
 مشار الیه دخی بوتذکره بی طرف همایونه ارسال ایلدی شیخ الاسلام
 مشار الیه مک مقدا شهزادکانه کفیل اولسی جانب سلطنته برنوع
 نظارت حکمنی متضمن اولق واهمه سی جایکیر ضمیر سلطانی اولدیغی
 حاله بوماده نک وقوعی دخی منضم اولدیغندن سرعت سیر ایل
 استانبوله وصولری عقیده شیخ الاسلام مشار الیه قبریسه نفی
 ایچون کی به بندیروب کوندردکلرندن صکره ارقه سندن بوستانچی
 باشی مشهور دوجه بی اعزام ایل باروتخانه جوارنده شهد شهادتی
 اشراب ایتدیردیلر وحافظ پاشا وقعه سنده مجبور اختفا اولان شیخ
 الاسلام سابق بحی افندی ثانیاً لابس فروه بیضای مشیخت اسلامیه
 اولدی

ایرانلرک وان اوزرینه هجوم ایلدکاری استخبار اولندیغنه بناء یک قرق
 اوج سنه سی اوائلنده صدر اعظم سپاه کش اسلام اولوب اثنای طریقده
 دیار بکر والیسی مرتضی پاشا وارضروم بکار بکیسی خلیل پاشانک سیف
 سطوتلریله دشمنک دفع و تشکیل قلندریغی خبری وارد اولدیغندن صدر
 مشار اید بغداد سفری مهماتی تدارک و تنظیم ایتک ایچون جانب حلبه
 مطهران عزیمت اولدی

اوزی و سلسره والیسی اولان مشهور ابازه پاشا غزا وجهاد ایله سیئات
 سابقه سنه کفارت ایتک مطالعه امیانه سیله تحت ایالتنده بولنان طوائف
 عسکریه بی معیته جلب وافلاق و بغداد و بوده لرینی دخی بیورادیلر تحریر یله
 سفره عامور ایدوب جمعیت عطیه ایله طوره نهرینی مرور و قانجه
 اطرافنی عسکرانم تخریب و یغما ایدرک امرا و اموال کثیره اخذ یله عودت

ایلدیکندن بو کیفیت له دولتیله منعقد اولان صلحی رخنه دار ایدوب
اهل اول دخی تعرضاته باشلادقلرینه مینی پادشاه حضرتلری بالذات
اولجانبه تصمیم سفر ایدرک ادرنهیه وصولارنده اعتذاری متضمن له
طرفندن نامه وارد اولدیغندن جنک ویا صلح خصوصی دیاربکردن جلب
اولنان مرتضی پاشایه حواله وروم ایلی وبوسنه وسلسره ایالاتی عسکرندن
وسارندن التمشیک قدر عسکر ترتیب وترفیق اولنهرق اعزام قلمغله جناب
پادشاهی استانبوله عودت بیوردیلر پاشای مشارالیه کشور افلاقه لدی
الوصول اهل اولرک استرحا ملرینی مشمول نظر مساعدده و صلح سابق تجدید
ایدوب بعدالاستیذان معیتند مجتمعت طوائف عسکریهیه رخصت اعطا
و کندوسی رکاب همایون جانبه عودت ایلدی

سلطان مراد حضرتلری بغداد سفرینه حاضرالمقده ایکن ایتدکلی
استخاره حکمنه توفیقاً روان تسخیرینه تحویل نیت ایلدکلرندن بیک قرق
درت سنه سی اواخرنده ترفیع رایت عظمت واقتدار ایدوب هر هر حله ده
اشقیای عسکریه دن اله بکنلری وطور جلالیده اولان بکر بکلری وظلم
وتعدیلرندن شکایت اولنان حکام وامرایی بلا امان قتل واعدام ایدرک
ارضرومه واصل اولدی عساکر مجتمعه ایکیوز بیکی متجاوز اولوب
حتی ارضرومه کیربله جکی کون ترتیب اولنان الایده کدرگاه پادشاهینک
طرفینه دیزیلان عسکر اوچر صره اولدیغی حالده مرتلین بیننی
استیجاب ایتش اولغله الی بیک قدری ارضرومه بالتوقیف ماعداسیله
یکرمی بش قطعه بال بمز ویوز قطعه شاهی طوب استصحاب اولنهرق
کشور ایرانه کذار وبرهفته محاربه ایله قلعه روان ادخال قبضه اقتدار
قلندی مراد پادشاهی سرحد ایرانده مشتتا نشین اولوب اولبهارده
اصفهان طوغری هجوم اولنقی مرکزنده ایدیده عساکر کلیدی
اورالده بارندرمق مشکل اوله جغندن بشقه پادشاهک ایاقلرنده تقریس
علتی دخی ظهور ایلدیکندن عودته قرار ویرلدی

شاه عجم عادت اسلافی اوزره قطعه اذربایجانی تخلیه و کندوسی صعب المرور
طاغله چیقمش اولسیله اون بیک قدر عسکر ایله مرتضی پاشا روان قلعه سی
محافظة سنه وضع اولندقدن صکره بهستان وخوی و مرند و تبریز شهرلری

تخریب اوله رقی پادشاه حضرت تلی استانبوله و صدر اعظم مشتای دیار بکره
عودت ایلدی روان خانی اولان امیرکون اوغلی طرف همایونه دخالت
ایلدیکنه منی حلب والیکی احسان قلندی ایسه ده قوانین عثمانیه اوزره
اجرای حکومته عجمی اولدیغندن استانبوله جلب اولوب روم ایلی
حصارینک اوست طرفنده واقع فریدون بک بغچه سی و کاغذخانه جوارنده
جفتاک و وزارت خاصه لری اعطا اولمغله بش الی سنه قدر مر فها امرار
وقت ایدوب مؤخرأ تبریک جلوس ابراهیم خانی به کلان عجم ایلیجیسینک
دسایس و التماسیه ازاله اولمشدر

قدش اورته سنده عجم شاهی روانی محاصره ایلدیکی صدر اعظمک
مسموعی اولدقده سبکبار دیار بکردن ارضرومه ابلاغ ایلدی ایسه ده
شدت شتادن ناشی امداده قدرتیاب اوله مدیغندن و روان محافظه سنده
بولان مر ترضی پاشا دخی اثنای محاصره ده مجروحاً مر نحل داربقا
اولدیغندن قلعه روان گرفتار دست ایرانسان اولدیغی مسموع پادشاهی
اولدقده اول امرده صدر اعظمه استمالتی متضمن خط همایون
کوندرلدی لیکن روانک قحی عقینده میر میراندن برمناسی محافظ
نصب اولوب مر ترضی پاشانک عساکر مرتبه ایله قارصده اوطورمسی
و وقوعه بوله جق تعرضاتک خارجدن منعنه اقدام وایجابی وجهله امداده
اهتمام ایلمسی لازمه حالدن وقواعد حربیه اقتضاسندن اولدیغی صدر
مشارالیه افاده اولمشیکن علت رقابت و دفع مزاحم قصدیه مر ترضی
پاشایی روان قلعه سنه وضع ایلمسی بووقعه نک حدوثنه سبب اولق اوزره
طرف همایونه القا اولدیغندن بیک قرق الی رمضانده معزول وقائم مقام
بیرام پاشا صدر صدارته موصول اوله رقی بعدالعید اردوی همایون
جانبه عزیمت ایلدی

روان سفرینه عزیمت همایون اتناسنده قریم خانی جانبک کرای خان
سفره مأمور قلغمش ایسه ده علیل و اختیار اولدیغندن بحثله استعفا
ایلدیکندن حکومت قریم مشهور غازی کرایک اوغلی اولوب یانبولیده
مقیم اولان عنایت کرایه ارزانی بیورلشیدی مشارالیه قریه لدی الوصول
جمع ایلدیکی عسکری قالغایلق و نورالدینک منصبلرینه تعیین ابتدکی
رادرلری حسامکرای و سعادتکرای سلطانله ترفیقا اوزی قیرنده متوطن

اولان نوغای امر اسندن قاتر میرزا قبیله لری اوزرینه سوق و قاتر میرزا
مغایر مصالحه ممالک الهی تاراج ایده کلدیکندن بز هجم اوزرینه کیدر
ایسک لهلور قریمه هجوم ایدرلر دیو عذر یارد اظهار ایلدی میرزای
مزبور دخی خان مشار الیهک اطاعت پادشاهیدن روگردان اولدیغنی
حکایه ایله مقاتله یه اذن طلب ایلدکده مساعدده اولغنیوب کندوسی استانبوله
جلب اولندیغندن مذکور سلطانلر قاتر میرزا قبیله لرینی تخریب و یغما
ایلدکلرندن صکره کلی قلعه سنی محاصره ایله میرزای مزبورک اورایه وضع
ایلدیکی عیال و اموالی جبرا اخذ ایتدیلر خان مشار الیه دخی کفه بکار
بکیسی ابراهیم پاشادن مقدما طرف دولته شکایتنامه کوندروب هنوز
جواب المفسرین کفهی محاصره و اهالی دفع صائل قصدیه پاشای موسی
ایله ایله قاضی بلدینی تسلیم ایلدکلرندن ایکسینی دخی اعدام ایلدی
و شیخ الاسلام یحیی افندی یه مکتوب تحریر یله قاتر میرزای طلب
و ویرلدیکی حالدده استانبوله قدر هجوم ایلدجکنی اشراب ایله خلاف
اداب عبودیت برطاقم کلمات متعظمانه درج ایتدی بونک اوزرینه دولته
چاره دوشتمکده و ذکر اولنان سلطانلر قبائل نوغای قریمه کوتورمک
ایله اشتغال ایتمکده ایکن طائفه نوغای بر کیمجه بغته مذکور سلطانلری
باصوب ایکسینی دخی اعدام و عساکر مجتمعه لرینی پریشان و گننام
ایلدکلری خبری وارد اولدیغنه بناء سلامت کرای خان زاده بهادر کرای
حکومت دشت قبیاق ایله تجیل و بحرا قریمه تسیر قلمغله خان معزول
بارگاه پادشاهی یه جین فرسا اولدقده قاتر میرزا ایله حضور همایونده
مواجهه و محاکمه اولغنی عقببنده هدف تیغ سیاست و جنازه سی این ملوک
اوزره بالمله ارکان دولت مباشرتیه یحیی افندی تر به سی جوارنده غنوده
پستر رحمت قلندی قاتر میرزا اگرچه خوتین سفرنده و محاربات سائرده
ابراز خدمات مبروره ایلش و اوزی و سلسله ایالتلری احسانیه بندگان
دولت سلیکنه ادخال قلمش ایسه ده محمد کرای و عنایت کرای کی ایکی
خدو بنامک انعامنه سبب اولدیغنه و منظور نظر دولت اولدقجه نوغای
طائفه سی قریم خانلرینه اطاعت ایتیه جکاری و خانلر دخی طرف دولتدن
امین اوله میه جخی بدیهی ایدوکنه مبنی ازاله سی لازم کیش اولدیغنی حالدده
کندوسنه قره حصار صاحب سنجاقی توجیه اولغنیوب یارکاب عزیمت ایکن

اوغلی اسکدارده بر آدم قتل ایلدیکندن بو وسیله ایله اوغلی و کندوسی
اعدام قبلنوب قریم خانه دخی طوائف فوغابی تلطیف و تألیف ایله
مشاجره سابقه نك ازاله سنه اعتنا ایلمی ضمنده فرمان عالی اصدار قلندی
لکن خان مقبولک متجاسر اولدیغی جنایاتک هر بریسی کندوسنک تدمیر
وتنکیلنی مستلزم اولدیغی میدانده ایکن خلفی مدافعه و یاخود بعض
اسلافی مثلاًو فرار قیدنده اولیوب طوغریجه سلطان مراد کبی پادشاه
قهاریک استانه دخالت والتجایلمی غریب کورینور و روایات وحادثات
مبسوطه خصماتنک اثر تصنیعی اولمی وتبریه ذمت امیدیه کلوب اکا دخی
مقتدر اوله مامش بولنمی خاطره کلور العلم عندالله

سلطان مراد خان حضرتلری بغداد سفری نیتیه بیک قرق یدی سنه سی
ذی الحجه سنده اسکداردن حرکت ایدوب قونیه جوارنده صدر اعظم
اردوسیله ملاقات ایلدکن صکره بیره جک اوزرندن صوب مقصوده ره پیا
اولدی و صدر اعظم بیرام پاشا متوجه سمت آخرت اولغله مهر
صدارت دیار بکر والیسی طیار پاشایه احسان بیورلدی بیک قرق سکر
سنه سی رجبی اوائلنده بیرامن بغداده نصب سرادقات اجلال اولنوب
هر طرفدن امری محاصره وتضییقه اهتمام اولندیغی حالده شاه عجم قصر
شیرین نام محله اقامت ومقابله موکب همایوندن محاسنبت اوزره ایدی
بر آیدن متجاوز آتش حرب و قتال کرم اشتعال اولوب بالآخره
محصورل استیمانه مجبور و بغداد محافظه سی اغورینه فدای نفس ایدن
اوئوز بیک قدر سپاه کزیده ایرانیانک اوچ بوزن فردن ماعداسی مقبول
ومقهور اولدی وائشای هجومده صدر اعظم رتبه شهادته نائل اولغله
قبودان قره مصطفی پاشا صدر صدارته اعتلا ایلدی پادشاه حضرتلری
اشتداد علت نفریس سببیه منحرف المزاج اولدقلرندن امر صلح و حربی
عهده صدر اعظمی به تودیع ایدوب کندولری متوجه دارالسلطنه
اوللریله فرق طغوز سنه سی صفرنده مکمل آلائی مظفریت ایله استانبوله
داخل اولدیلر

صدر اعظم بغداد محافظه سی ایچون ایجاب ایدن عسکر ومهماتی ترتیب
وتکیل ایلدکن صکره صاکر عثمانیه ایله ایران بمالکنه طوغری
عزمت ایش ایسده طلب صلح نیازله شاه جانبندن ایلیچیلر وارد

اولدیغنه ویدی سنه دنیرو جیوش اسلامیه ایران سرحدلرنده امرار
اوقات ایدرک حصول آسایشه احتیاجلری درکار بولندیغنه مینی الان
مرعی اولان حدود اوزرینه عقد مصالحهیه امضازن موافقت اولغله
بعد اتمام المصلحه جانب دارالسلطنهیه غودت ایدوب سنه مزبوره
رمضاننده واصل رکاب همایون اولدی

سلطان مراد خان رابع حضرتلرینک روان سفرندنیرو مبتلا اولدقلری
علت نفریس یوما فیوما کسب اشتداد و مالوف بولندقلری عیش وعشرت
دخی هاته امداد ایتمکله بیک فرق طقوز سنه سی شوالنده اوتوز بریاشنده
وسلطنتنک اون یدنجی ییلنده عازم ملک جاودانی اولوب پدر جنت مقرری
سلطان احمد خان تربه سنه ذفن اولندی

پادشاه مشارالیه حضرتلری اعظم سلاطین عثمانیه دن اولوب یاوز سلطان
سلیم خان وادیسنده بر شهریار قهار و خونخوار ایدیسنده معارف
ومعلومانجه سلطان سلیم مرتبه سنه رسیده اولدیغندن و دولتک قوه
شبایه سی دخی زائل اولمش ایدوکنندن فتوحات خصوصنده اول درجهیه
واصل اوله مدی ابتدای جلوسنده زوربارک عتو و طغیان صد چندان اولق
حسیله اون سنه قدر زیر بار تغلبلرنده امرار زمان ایدوب تربه لرینه موفق
اولدقدن صکره کیف مایشا اجرای حکومت و بالذات اداره مهام سلطنت
ایلدیلر فقط سفک دماده افراطلری و خصوصیه سلطان یازید و سلطان
سلیمان و سلطان قاسم نامنده اوچ نفر برادرلرینه واهمه استرقاب ایله
شریت شهادت نوش ایتدیرملری قصر عمرلرینه سبب مغنوی اولدیغی
روایت اولنور

محفوظ صون صمدانی اولان اک کوجک برادرلری سلطان ابراهیم خان
حضرتلری بالانحصار وارث اورنک عثمانی بولندیغندن جالس تخت سلطنت
اولوب طوائف عسکریه به اعطاسی قانون دولندن اولان جلوس همایون
بخشی دفعه اعطاقلندی زیرا سلطان مراد مرحوم نقود کلیه جمع
وادخار ایلش ایدوکنندن اصلا تدارک غائله سی چکمدی صدر اعظم
قره مصطفی پاشا بالاستقلال مقام صدارتده پایدار اولوب تصحیح سکه
و تنظیم امور دولت خصوصلرینه صرف مساعی ایدوب حتی عنایتکرای
زماننده حادث اولان اختلال داخلی سببیه ازاق قلعه سی اطراف قباثل

نت سلطان
هم خان

تاتاردن تهی قالدیغندن قلعهٔ هر قومه مسقو و قزاق طائفه سنک ایادی
استیلا سنه دوشمشیدی فتح و تخیلی صحت مند قپودان دریا دلی حسین پاشا
و فرمان فرمای قریم اولان بهادر کرای خان ارسال اولمش ایسده
موفق اوله مدقلرندن صدر مشارالیه دیوان همایون و زراسندن سلطان
زاده محمد پاشای سردار ایدرک اعزام ایلمکله هیئت هجوم جیوش عثمانیه
قزاقلره دهشت فرما اوله رق قلعهٔ هر قومه بی تخیله و تخریب برله فرار
ایتد کلرینه مبنی تعمیر و تحصینی اکمال و عساکر مستحفظه سی ترتیب و استکمال
قلندقدن صکره سردار مشارالیه رکاب همایون جانبته هودت ایلدی

خان مشارالیه از اقدن علیلا عودت و قریمه اختیار سفر آخرت ایتمکله
مسند خانی برادری اولان محمد کرایه ارزانی پورادی
سلطان ابراهیم خان برادری سلطان مرادک خوف قهریله کوشهٔ عزلمده
برک حزان دیده کی لرزان ایکن نائل تخت سلطنت اولدقده بولندیغی
حال اضطرارک بردن بره بر سعادت کامرانی و شوکت جهانبانی به تحولی
جهتیه زمام عقل و شعوری ربوده لنداند هوا و هوس اولوب لیکن
صدر اعظمک مهابت علو قدر و منزلتی بر مدت مانع افعال نابجاسی
اولمشیکن شعبدهٔ افسونگری ایله کسب تقرب ایدن جنجی خواجه نک
و صدر اعظمک استقلالی مانع منافع ذاتبه لری اولان سو قرینلرک
و خصوصیه طائفهٔ نسای مستولایرینک ترغیب و تشویقلریله صدر
مشارالیهک ازاله سی ذهن همایونلرنده جولان ایتمکله باشلادی حتی
برکون صدر اعظم دیوان همایونده رویت مصالح مهمه ایله مشغول
و پادشاه حضرتلری قفسدن استماع امور ایدر ایکن چاغروب کنخدا
قادین ایچون امر ایلمدیکم اودون حالا ویرلماش سبی ندر دیدکده
صدر مشارالیه درشتکو بر آدم اولدیغندن بکا مهمام سلطنتدن و سرحدات
خاقانیه احوالندن برشی صور میوبده بومثالو التزام مالایلزم ایش سوال
بیورمکز و بونک ایچون دیوان همایوندن جلب ایلمکز غریب و شان
سلطنتکزه ناجسبندر دیمشیدی طرفینک بومقوله اطوار واقوالی
بالاخره صدر مشارالیهک زوال دواتنی مستلزم اولغله بیک الی اوج

سند سی مقتول و سلطان زاده محمد پاشا که جوان قیوچی باشی نامیده
مشهور در مسند صدارت موصول اولدی

سلطان احمد خان اول حضرتلری زمانه نبرو کرید جزیره سنک فتح
و تسخیری منوی ضمیر دولت ایدوکی مروی اولوب تعمیراده دخی سلطان
مراد مر حومک بغداددن عودتلرندن صکره وندکلورک بعض اسلام
تجار سفینه لرینی غصب و نابید اید کلدکارینه مبنی اظهار غیض و غضبه
عظیم دونما تدارکنه اشتغال ایلدکاری و وندکلور جانبدن عرض
اعتذار و تقدیم هدایا و مبالغ اولدقجه استنکاف ایتکده اولدقلری بیان
اولمغله بودخی روایت سابقه بی تأیید ایدر بو اووانده ایسه دولت علیه
غوائل خارجیه دن وارسته اولدیغنه و دار السعاده اغالقدن معزولامصره
عزیمت ایدن سنبل اغایی اثنای راهده آقدکن فورصانلری شهید و اموال
کثیره سنی اخذ ایدرک کریده فروخت و آتلیرنک برقاچ رأسنی والی ولایته
اهدا ایلدکاری کسب اشتهار ایلدیکنه بناء کرید سفری تصمیم اولوب
سلحدارقدن قیودانلقه تکریم و پادشاه حضرتلرنک ایکی بچی یاشنده
اولان کریملرنک عقیده تفخیم اولسان یوسف پاشایه عساکر بریه
سر عساکر لکی دخی علاوه اولنه رق وروم ایلی وانا طولی الویه مناسبه سنیدن
یکرمی اوتوز سنجاغک زعما وارباب تیماری آلات پیاده کی ایله و قیو قوی
عساکری اوجاقلرندن دخی ایجابی قدر جیوش موظفه قول کتخداسی
مراد اغا و بعض بلوک اغاریله ترتیب و ترفیق قلنه رق ایکی بوزدن تجاوز
سفن حربیه و نقلیه ایله بیک الی بش سند سی اول بهارنده مالطه سفری
نام و اشاعه سیله آقدکنه اخراج وارسال قلندی بر موجب قانون
سواحل واطهار میرلوالری چکد بریلرله غرب اوجاقلری سفن حربیه لری
و مصردن مرتب اولان ذخائر و لوازمات دونمای همایونه التحاق ایلدکن
صکره ککرید جزیره سنکده واقم حایه قلعه سی جوارینه لیدی الوصول
عسکر و بیوک طوبلر و مهمات مقتضیه قاره یه اخراج والی کون
قدر محاربه و محاصره ایله قلعه مر قومه استیمناناً جانب اسلامیه تسلیم
اولنوب اون بیک قدر مستحفظ وندکلودن بقیه السیف اولان ایکی بیک
نفری قنده یه عازم اولدی سردار غازی قلعه نک خراب اولان برلرینی

تعمیر و مهمات کافیہ الیہ صنوف عسکر یہ دن اون ایکی بیک نفر مستحفظ
ترتیب و وضع ایلہ رک و روم ایلی بکار بکیسی حسن پاشای خدمت محافظہ یہ
تعیین ایدرک دونمای همایون ایلہ منصورا و مظفرا استانبولہ عودت
ایلدی

صدر اعظم محمد پاشا قیودان مشارالیهک اقبال و استقلالانی چککہ مدیکندن
پادشاه حضرتلرینہ اگرچه یوسف پاشا قولکز حانیہ قلعه سنی فتح ایتدی
لکن برطاقم حربی و ندکلو بہ امان اعطا ایدرک مال و اشباریلہ صالیووردی
و پادشاه ہمزہ ایکی قطعہ عری می ستوندن بشقہ نہ ہدیہ و مال غزا کتوردی
بودخی مجرد طمع خامی و خفیاً و ندکلور دن الدیغی اموال کثیرہ ثمرہ سیدر
دیو غمز و سعایت و قیودان مشارالیه دخی صدر اعظم حقندہ التزام
مذمت اینککہ بالآخرہ صدر مشارالیه معزول و دفتر دار صالح پاشا مقام
صدارتہ موصول اولدی ایسہدہ مالہ دائر اولان القات ضمیر ہمایوندہ
جایکیر اولدیغندن برکون یوسف پاشایہ انواع مؤاخذہ و تکدیر اجرا
بیورلدقن صکرہ همان کریدہ کیت و بقیہ قلاعی فتح ایت دیملریلہ پاشای
مشارالیه دخی شمدی اربعین ایچیندہ اولدیغمنزدن سفر دریا قابل اولمز
وایتدیکم خدمتک نہ قدری بلندیکہ آیدسنہ براعت الاستہلال اولسون
دیو درستانہ جوابہ تصدی ایلدیکندن آتش تہور سلطانی علو افروز
اولہرق درحال قتل و اعدام ایتدیروب بر ساعت مرورنده اظهار ندن
ویشیمانی بیوردیلر

صدر سابق محمد پاشا کریدہ سردار و بودین والیلکندن معزول مشہور
دلی حسین پاشا حانیہ محافظی نصب اولتوب انجق مشارالیه محمد پاشا
جزیرہ عری قومدیہ وصولی عتاف می محل دار آخرت اولغله خدمت
سرداری مشارالیه حسین پاشایہ تفویض قلندی

بوندن صکرہ کرید جزیرہ سی دوات عایدتک تعلیم خانہ حربیسی حکمنہ
کبروب ہرمنہ عسکر و مهمات ارسالانہ اقدام اولنور و ندکلور دخی
وام قوتی بازویہ کتوردرک تجمیز ایادکلری جسم دونمار ایلہ آقدکز
بوغا زینی ابلووقہ ایدوب کریدہ مهمات و عسکر ارسالانہ مانع اولق
خصوصنہ جالیشورلر ایدی مشارالیه حسین پاشانک اون بش سنہ قدر

سرداراننده اظهار ایلدیکی شجاعت وجلادت وموفق اولدیغی حروب
ومغازی زیور صحایف مفصلات توارینحدر ازان جمله سردار مرحوم
سوده قلعه سنی محاصرهیه تشبث ایدوب لیکن بوقلعه سوده ایمانک
اغزنده وبر جزیره صغیره اوزرنده کائن ومثانت ورضانتی حد کالده
ایدوکنندن یورویش ایله ضبطنه امکان ودور دراز محاصره دن بشقه
چاره اولدیغنه ویا لکن بونکله اضاعه وقت قلمنامق مطالعه سنه مبنی چند
قطعه بال یز طوب ومقدار کافی عسکری امر محاصره ده ایقا ایدوب سپاه
کزیده ایله رسمو قلعه سنک تسخیرینه عزیمت وبر آیدن متجاوز محاصره
ومقاتله ایله بیک الی الی سنه سی ذی القعدة سنک غره سنده استیما نا اورده
قبضه جلادت ایلدی

سلطان ابراهیم خان حضرتلری علت سودایه مبتلا اولدقلری جهتله
کوندزلی تختوان ایله درون شهرده وکیجه لری مشعله لر ایله سرای
همایونک ایچنده کشت وکذار ودائماً جنک وجفانه ولعبیات شعبده بازانه
ایلله امر اراوقات ایلرل ایدی بناء علیه کذر کاهلرنده موجب مزاحجه اولماق
ایچون استانبول ایچنده عربیه استعمالی منع بیورمش اولدقلرندن بیک الی
یدی سنه سی شعبانک اون یدنجی کونی اوقونق قصدیله داودپاشا
سمتده ساکن ارباب عزاییدن بر خواجه نک خانه سنه کیدر ایکن از قضا
برعربیه تصادف ایتملیله غضب وتهورلری فوران ایدرک درحال صدر
اعظم صالح پاشایی خواجه نک اوینه جلب وقوی ایپله اخناق ایتدیروب
هزار پاره نامه زبازد مؤرخین اولان دفتر دار احمد پاشایی مقام صدارته
نصب وتعیین بیوردیلر

صدر اسبق سلطان زاده محمد پاشا مرحوم سلفی قره مصطفی پاشانک
حالندن عبرتین اولغله پادشاه صاف نهاد حضرتلرینه فوق العاده
مداهنده مبادرت وطرف همایونکزدن هر نه صادر اولور ایسه محض خیر
واثر الهامدر دیرک محافظه نفسنه حصر همت ایتکله پادشاه حضرتلرینک
تزاید حرکات مضرانه سنه قوت بخش اولمشیکن مؤخرأ یوسف پاشا
وصالح پاشانک وسائر وزرا ومیرعبرانک نقله غیر صالح اسباب ضعیفه
ونا مشروعه ایلله اعدام وافقا اولدقلری منظور انام اولدقده هر کس
خائف وترسان وانجام کاره نکران اولدیلر برطاقم اسافل واراندل ایسه

بواحوالدن استفاده به شتاب و پرستاران حرم سلطنته و شکر پاره و و بوده
 قزی کی کیجه لری مصل سویلیدرک پادشاهی اکلندر مکده اولان
 مکاره لره بذل اموال ایله انتساب ایدوب هیچ بروجه له لیاقت واستحقاق لری
 اولیان مناصب رفیعه علمیة و سیفیه دسترس اولمیرله بازار ارتشا مثلی
 مسموع و مشهود اولیان درجه یه واردی صدر اعظم دخی بوجه دن
 اولدیغندن علی الدوام پادشاهه و حرم همایون متفدانه نقود و هدیه
 تقدیم ایدوب مناصب دولت رشوت علیه ایله و بریلور و بازارلق اولنان
 مبالغ حقوق ثابته مثلاً و تحصیل قیلنور اولدی حالبوکه کرید جزیره سنده
 وهرسک حدودنده و ندکلور ایله آتش حرب و قتال کرما کرم اشتغال
 اولوب باخصوص و ندیک دونغاسی آقدکز بوغازینی ابلوقه ایلشیدی
 بوجه نلره هیجان افکار عامه ارتقمده ایکن پادشاه حضرتلری شام
 والیلکنی قادینلردن بریسنه توجیه ایدوب مسلم ایله اداره ایتدرمک و اغنیایی
 مصادره ایتک و اختراع کرده لری اولان قپانیجه تعبیر اولنور هر صرع دکه لو
 سمور کورکلردن بالجمله وزرا و صدور علما و امرای عسکریه نک برر دانه
 تقدیم ایللرینی امر ایلک مثلاً و حرکات منکره یی تزید ایلدیکنه مبنی بیک
 الی سکز سنه سی رجب شریفنک بدنجی کونی طوائف عسکریه ضابطانی
 و شیخ الاسلام عبدالرحیم افندی و بالجمله علما و ارکان دولت فاتح جامع
 شریفنده عقد جمعیت ایدوب ظاهراً تبدیل صدارت و باطناً خلع خلعت
 سلطنت خصوصنه قرار و یردیله بوخبرر کیجه اول صدر اعظم احمد
 پاشانک مسموعی اولدیغندن تبدیلاً فرار ایتکله طلب جمهور ایله خدمت
 صدارت عظمی دفتر دارلقدن معزولا مولو یخانه قیوسی جوارنده معتکف
 کنج ازوا اولان صوفی محمد پاشایه توجیه اولنوب بعده صدر سابق اختفا
 ایلدیکی محله در دست اولنورق اعدام قلندی ایتسی کونی ارکان
 دولت طوائف عسکریه ایله سرای همایونه عزیمت ایدوب بیوک شهزاده
 اولان سلطنت محمد خان رابع حضرتلرینی یدی یاشنده اولدیغنی حالده
 تخت سلطنته اجلاس ایلدیله پادشاه مخلوع اولاجبس اولمش ایسه ده
 بکرمی کون مرورنده عبدالرحیم افندیکن فتواسی موجبجه شیرین مذاق
 شهد شهادت اولمشدر و بوباید پادشاه معصومدن انسان خط همایون
 نه مقوله احکامی حاوی اولدیغنی کندوسنک فهم ایدمیدجکی تشبیهات

سلطنت سلطان
 محمد خان رابع

ایله محرر ایدی صورت خط همایون « پدرم ابراهیم خان بعض هوادارلری
امدادیله ایقاپ فته ایتک اوزره در دفع محذور ضرر عام ملاحظه سیله
باغ عالمدن مصر عدمه تحریک قدم ایتسی اهم اولمشدر ایدی فرمان
مختتم الاذعان موجبجه نقطه وجودی مرکز شهوددن نابود اولوب
خار وازاری دامن ملکدن ازاله اولنه » تم

پادشاه مرحومک سنی اوتوزی متجاوز و مدت سلطنتی طقوز سنه یه قریبدر
مقدمایک فاحش صورته قاضی عسکرلک مرتبه لرینی احراز ایدن ملقب
مصلح الدین افندی وجیحی خواجه نامیله زبازد انام اولان حسین افندی
مقتول و جزای سزالی نه موصول اولدیله قره چای زاده عبدالعزیز
افندی بو وقعه بی تاریخ مشهورنده بیان ایلمدیکی صهرده ولی نعمتمن
ولان سلطنت عثمانیه بویله بر خدمت خیریه ده بواندق دیو اقتضار ایدر

پادشاه نوجاه عادت اجداد کراملری اوزره حضرت خالد تربه شریفه سنده
تقلد سیف ایدوب مرتب و منتظم آلائی ایله سرای همایونه عودت ایلدیله
وسنه آتیله اوچ نفر کوچک برادرلرله برابر سنت اولندیله

سلطان مراد مرحومک شمشیر سیاستیله مدمر و مقهور اولان سپاه
طائفه سی تبدل سلطنت وقوعی کانون عتو و طغیانلرینک یکی باشندن
شعله فروز اولسنه مدار انحاز ایدوب طشهرلرده متوطن اولان اشبهلری
استانبوله وارد و بر موجب قانون سرای همایون ایله غلطه و ابراهیم پاشا
سرایلری اغالندن بر ابکی بیک قدر کسان سپاه و سلحدار بلوکلرینه چراغ
اولندیغنه مبنی جمعیتلری متراید اولغله بعضی زوربا باشیلرینک تحریک
و تشویق یله سلطان احمد جامعنده عقد جمعیت ایدوب صدر اعظم ایله
شیخ الاسلام قتله پادشاه مغفوردن اولملریله ایکیسینک دخی اعدامنی
طلب ایدرز دیهرک منوی ضمیرلرینی پوشیده حیل ایله استتار و عوام ناسی
جلب ایچون طرف سلطنته صداقت اظهار ایلدیله صدر اعظم یکچیری
ضابطانیله متفق اولدیغندن انلره دخالت ایدوب باخصوص سفارته
جمعیتگاه سپاهه کوندریلان بریکچیری چور باجیسی نه صدر اعظمک
صنیه سیله سپاه قیافتنده اولان اشخاص طرفندن پاره اندیکندن یکچیرلرک

غضب و تهورری هيجان ايدرك على العموم هجوم ايله اشقياي سپاهي
تأديب و تنكيل و اوچيوزه قريب نفوسي قتل و تدمير ايلديلر
كريد سفری ظهورندنبر و ندكولر بر طرفدن مدافعه و محاربه يه قيام
و بر جانبدن دخی تحصیل مصالحه يه اقدام ايله كلكارندن ايلچيلري بك
اوغلنده اوطورور و طرف سلطنت سنه دن دخی سكوت و مساعده
اولور ایدی بو اوانده جمهور جانبدن ايلچی يه تعليمات كلكي لدی
الاستخبار در دست ايتديريله رك ترجمه اولندقدن ايكی سندهنبرو بوغازی
ابلوقه ایدن دونغالينك ضعف حالندن بحثله عثمانلی دونماسك بر مدت
تأخيرينه چالشمسی و بويابنده متفذان عصره نقدر پاره اعطا ايدر ايسه
قبول اولنه جغی مندرج اولديغندن ايلچی عزبور روم ايلي حصارنده
حبس اولوب بوجه مسارعت قبودان دريا وينيق احمد پاشا یتش
سكسان پاره سفن حربه و كریده كوندرك ايجون عجمی اوغلانلرندن
يکچري بازيلان اوچبك قدر عسکر و مهمات ايله آقدازه اعزام قلدی
سفن اسلاميه و نديك كیلری اوزرينه آتش افشان اوله رق بوغازدن
چيقوب و ندكولر اگرچه مانع خروج اوله مدینر ايسه ده اكال لوازمات
ايچون از مير جوارنده واقم فوجه لمانه واصل و داخل اولدفلر يني
متعاقب دونمائی دشمن ليمان اغزينه رسیده اوله رق متصدی حرب و قتال
اولر يله طرفيندن اوچر بشر کی تلف و بشيوز قدر جیوش اسلاميه
شهيد اولدقدن صكره يکديكرندن آيريلوب سفن اسلاميه شكسته و بسته
ردوسه بالنجمع كریده كيتديلر و مهمات و عسکری سردار غازی يه ايصال
ايتديلر

صدر اعظم صوفي محمد پاشا امور مختلفه دولتک تصحيحه مباشرت
واسرافات و اتلافات متضمن اولان شيلری لغو و ابطاله مبادرت ايدرك
ويوك والده سلطانتك و متفذان اندرون همایونك خزينه مضر و مغایر
قانون اولان رجا و شفاعتلر يني رد ايليرك بلا استحقاق نازل واردات
اولان اشخاصك وظائف و معیناتلر يني تنقيح ايتشیدی لکن بومثالو منافع
تامه يه طوقینانلرك و تصحيح مصالح دعواسنده بولنانلرك بغایت هفت
و استقامت اوزره حرکت ايتلری لازمه دن و سارلرندن صدور ایدن افعال
منكره ك بومثالوردن اولنده بری مشاهده اولسه خافك طعن و تشنعي

مرتبۀ غلویہ واصل اولہ جفی مجربانیدن ایکن صدر مشارالیه پیرانه سر جمع
 مالہ و تشید بنیان خان و کاشانہ یہ مباشرت ایتکله هدف دشنام انام اولدی
 یکچیری اغاسی مراد اغا و صنادید یکچیرباندن مصلح الدین اغا و بکاش اغا
 و قرہ چاوش مصطفی اغا و قول کتخداسی جلی محمد اغا صدر مشارالیهک
 متفقارندن اولدقلری حالده امر حکومت قبول اشتراک ایدہ مامک صبیله
 ینلری بوز یلوب باخصوص بیوک والده سلطان طرفندن مومی الیه مراد
 اغا صدارتله تدشیر اولمغله صدر اعظمک عزل و تنکیلنه بهانه جو ایدیلر
 صدر مشارالیه دخی بونلرک حرکاتندن سوء قصدلرینی استدلال وجانب
 سلطنتدن علایم مؤاخذه استشعار ایلدیکنه مبنی اکثریادیوان همایونه
 وارما مقده ایکن محاربه بحریه و تلفات واقعہ مسموعی اولدقده بو وسیله
 ایلہ خصمانک دفعنه چاره بولق امیدیلہ مصلحتی اعظام و حضور همایونده
 عقد مجلس ایتدیرمکه قیام ایلدی بیک الی طقوز سنہ سی اوائل
 جمادی الاولایسنده سلطان محمد خان تخت اوزرنده و بیوک والده سلطان
 پای تختده اوطوروب ابتدای مذاکراتده پادشاه حضرتلری نیچون
 دونمایہ اہتمام ایلدک دیو صدر اعظمی مظهر عتاب و سن وزیر آدمیسی
 دکسن ویر مہرمی الفاظیلہ خطاب بیورمغله بو حال ناکہظہور صدر
 مشارالیهی برمدت دمستہ و لال و بالآخرہ حضارک سرفرو پردہ
 مطاوعت اولدقلرندن قضیہ تحت اتفاقده اولدیغنی استدلال ایدوب مہر
 همایونی تسلیم ایلدی ذات شاهانہ مہر همایونی برمدت النده طومغله
 برابر باب مجلسی کوزدن کچردکن صکرہ یکچیری اغاسی مراد اغاہ کل
 مہری آل سنی وزیر ایلدم بیوردیلر یکچیری اغالغی دخی قرہ چاوش مصطفی
 اغاہ توجیہ اولندی صدر سابق و کتخداسی اغا زاده و دفتردار نصب
 ایلدیکی شامی محمد افندی اولاجبس اولوب بعدہ کندوسی منقاسی اولان
 مانغردہ و مومی الیہما استانبولده اعدام قلمشدر
 برمدت مرورندہ قتله ابراہیم خانیدن معدود اولان شیخ الاسلام عبدالرحیم
 افندی دخی عزل واجلا اولوب بهابی افندی مسند مشیخت اسلامیه
 اعتلا ایلدی
 سپاہ طائفہ سنک اصحاب اقتدارندن اولوب علاقه کلبہ سی سنبیلہ

نیکده ده ساکن اولان کورجی عبدالنبی سلطان احمد جامعده مقتول
اولان یو داشلرینک انتقامنی آلق سوداسیله باشنه یدی سکز بیک حشرات
جمع و قطاع طریق کروهندن قاطرجی اوغلنی دخی معینه جلب ایدوب
اسکداره طوغری کلمکده اولدیغی استماع اولندیغنه وازمید حوالیسنده
مدافعه سنه تشبث اولندی ایسه دخی ممکن اوله مدیغنه مبنی صدر اعظم مراد
پاشا بالجه قیوقولی او جاقلیله اسکداره کچوب مال تپه جوارنده وقوع
بولان مقاتله ده اشقیبا منهزم و کورجی نبی دائرة وجوددن منعدم اولوب
قاطرجی اوغلی اولافرار و مؤخر طرف دولته دخالت ایلمکله عفو همایونه
مظهر و میراوائق منصبیله موقر اولدی غرائبندره که مومی الیه بعد ازین
صداقت و استقامت اوزره خدمات دولت علیه ده قطع اعتبار و مراتب
ایدوب یکریمی سنه قدر زمان مرورندن صکره روم ایلی بکار بکیسی ایکن
کوپریلی زاده فاضل احمد پاشا معیتله قندیه قلعه سی محاصره سی هنگامده
حائز رتبه شهادت و سیئات سابقه سنک ایفای کفارتیله واصل سر منزل
رحمت اولمشدر کزیده سردار اولان غازی حسین پاشا ایکی سنه دنبرو
قندیه قلعه سی محاصره ایتمکده اولدیغی حالده قلعه نك متانتی و استانبولک
قاریشقلخی سببیه لایقیه عسکر و مهمات کوندریله مامسی پرده کش
شاهد امید اولدی لیکن پاشای غازی قندیه جوارنده عنادیه نامیه
بر قلعه بنا و دروننه جامع شریف و مهمات انبارلی و عسکر قشله لری انشا
ایدوب اردوگاهده دخی حجام و سائر ابنیه یاپدرمقله بعد ازین سردار
و عسکر اسلام اوراده اقامت و تضییق دشمنه بذل وسع مقدرت ایلمشدر
صنادید یکچیر یاندن اولان سالف الذکر اغاردن اولوب مزاج شهر و دهره
واقف و امور عظیمه تمشینه لیاقتله متصف اولان قوجه مصلح الدین اغا
فوت اولمقله دیگر اغار کوندن کونه از یدوب امور دولته و التزامات
خزینده وضع بد استیلا ایدکلرندن بشقه استانبولک حوایج ضروریه سندن
اولکات و امکک و سائرینی فرونلر و دکانلر کشادیه بد واحد صورتده
اداریه اقدام و جمع اموال خصوصاً رینه نصب نفس اهتمام ایتمریله
بو ایشلردن طولانی صدر اعظم مراد پاشا الیه بوزشدیلر بناء علیه
صدر مشارالیه نتیجه احوالی تفکر ایدرک استعفا و بودین ایالتی رجا ایتمکله

مسؤلی قرین قبول و بیک التمش سنده سی شعبانده صدارت عظمایه ملک
احمد پاشا موصول اولدی

ازمیرده مقیم انکلیز قونسلوسی بر دعوا ضمتده حضور شرعه دعوت
اولندقدده اجابت ایتدیکی قاضی افندی طرفندن شیخ الاسلام بهایی
افندی به اشعار اولمغله مشارالیه انکلیز ایلچیسی جلب و مؤاخذنه و ایلچی
دخی اوچبیک اقچه لکدن زیاده اولان دعوالرک کنار محکمه لرنده رؤیت
اولناماسی مقنضای عهددن اولدیغنی معرض جوابده افاده ایتسی اوزرینه
شیخ الاسلام مشارالیه افیون کیفیه ایلچی بی حبس ایلدیکی مسموع ارکان
دولت اولدقدده انکلیز دولتی سلطنت سینه نک دوست قدیمی اولوب
خصوصیه وندکلوره اعانه ایلدکن بشقه سفن نقلیه ایجار یله دولت
علیه به معاونت ایتکده اولسنه نظرا ایلچیلری حقنده بو وجهله معامله
تحقیریه اجرایی مغایر رضای دولت بولندیغنی درمیان و صورت رضیده
بهایی افندی عزل ونفی اولنهرق اقدامه پایه مشیخت ایله توقیر اولان
قره چلبی زاده عبدالعزیز افندی مقام فتوایه ارتقا ایله مسرور الجنان
قلندی

یکچیری اوجاغی ارکانی اولان اغار امور دولته و واردات خزینیه بسط
ید استیلا ایلدکلرندن علوفه اعطاسی کسب مشکلات ایتدیکنه مبنی
دفتردار وقت بولنان امیر پاشا خزینیه کلان صاعلم اقچه لری زبوفه
تبدیل و اصنافه توزیع ایتدیروب بهر یوز اون سکر اقچه مقابلنده برالتون
المق و بوالتونلری دخی ایکیشری زیاله تحویل ایدرک حاصل اوله جق ایکیوز
قرق بیک قره غروش یعنی ریال ایله علوفه بی ادا ایتک اوزره برتدبیر تحیل
ایدوب اغار دخی بو صورتی تحسین و تنسیب ایتلریله اجراسنده تثبث
اولندقدده اصناف طائفه سی بوظلم صریحک اجراسنده مقتدر اوله میه جقلربی
بیان ابله صدر اعظمه عرض شکایت ایلدیبلر ایسه ده مظهر شتم و تبعید
اولدقلرندن بیک التمش بر سنده سی رمضان شریفی اوائلنده سکر اون
بیک قدر اصناف اشبهلری بالجمع شیخ الاسلام عزیز افندی بی خانه سندن
قالدیروب جمعیت عظمیه ایله حضور همایونه ایصال ایتدیبلر پادشاه
حضر تلمری ایاق دیوانده چیقوب احواله مطلع اولدقدن صکره مظالم

مزبورہ نك الغاسی ضممنده خط ہمایون اصدار واعطسا ایتدکاری حالده
جمعیتك سوز باشیلری شماروب اغوات مرقومه نك ازاله لری ایچون
رخصت طلبنه آغاز ایلدیلر اگرچه صنایید یکچیریان متغلبه لری نك تدبیر
وتتکیللری مطلوب دولت ایدیسده بویله اصناف درندیسيله انلرک کسر
سطوتلرینه جسارت اولنه مدیغندن بارین اقتضاسنه باقیلور دینلرک
خلق طاغیدیلوب مهر ہمایون دخی ملک احمد پاشادان اخذایله قبه
وزراستندن سیاوش پاشاہ اعطا قلدی ویکچیریلر ایتسی کونی طرف
طرف قول کزوب تکرار عقد جمعیتہ میدان ویرمدیلر

پادشاہک بیوک والدہ سیه اصل والدہ لری پیدنہ بالطبع رقابت وعبایت
حاصل اولغله طرفینک حرم اغاری وسائر توابعاتی دخی یکدیگرہ خصم
قوی اولدقلرینہ و بیوک والدہ نك صنایید یکچیریان ایله اتفاق واتحادی
بولندیغنه مبنی دفع مزاحم قصدیلہ یکچیری اغاسیه قول کنخداسنه
وبکتاش اغاہ خبر کوندروب کوچک والدہ سلطان حرم اغارندن اوزون
سلیمان اغا واسماعیل اغا وعلی اغا سزله تصیم عقوبت ایتکده درلر
مزبورلرک دفعیلہ تقید ایتدیکن حالده حقکرده وخیم اولور دیوتحریرک
ایلدیکندن وانلرایسہ ذاتاً طرف سلطنتدن متوحش اولدقلرندن
رمضان شریفک اون دردنچی کونی اغا قیوسنده عقد جمعیت
وشیخ الاسلام ایله قاضی عسکرلی جلبہ مسارعت ایدوب ذکر اولنان
حرم اغارینک دفع ورفعلری خصوصنی خاکپای ہمایونہ عرض ایتک
ایچون صدر اعظمہ ارسال خبر ایلدیلر بوخبر مزبور حرم اغارینک
مسموعلری اولدقده اندرون ہمایون اغواتنی وبوسانچی وقپوجی نفراتنی
جمع ایدوب بیوک والدہ پادشاہ معصومی ازالہ وکوجک برادری سلطان
سلیمانی اجلاس ایتدیرمک ایچون یکچیری اغاسی ایله قول کنخداسنی
وبکتاش اغای دعوت ایتکله شمسی سراپی باصہ جقلر وولی نعمتکزی
افنا ایدہ جکلر دیرک عروق حبت وشفقتلرینی تحریک ایتلریلہ جملہ سی
محافظہ وجود پادشاہی ایچون نطابق بند اتفاق واتحاد اولدقلرندن
مزبور سلیمان اغا براینکی یوز قدر عونابلہ بیوک والدہ نك دائرہ سند هجوم
ایدوب مشار البہائی شہید وپادشاہ حضرتلرینہ سو قصد خصوصندہ
متفق اوللرینہ حکم ایتدکاری بوسانچی باشی و خاص اودہ باشی بی و سائر

بش اون کشی بی اعدام ایلدیلر بونک اوزرینه صدر اعظم و دیوان
 همایون وزیرلری و معزولین علما سرای پادشاهی به دعوت و عقد انجمن
 مشورت اولنه رق اتفاق ارا ایله سنجاغ شریف جیقار یلوب دلالر
 واسطه سیله اعلان قلندی اهالی شهر چند روز مقدم حادث اولان وقعه
 و سپاه طائفه سی سلطان احمد میدانده مسبوق اولان مقاتله سبیلرله یکجیری
 اغاسی و قول کتخداسی و بکتاش اغاک خصم قویلری اولوب یکجیری
 ضابطان و نفراتندن منصف و اهل عرض اولنلر دخی مزبورلرک حرکات
 واقعه و ظلم و تعدیلرندن بیزار اولدقلرینه مبنی جمله سی سنجاغ شریف
 الته اجابت ایتمکله سرای همایون میدانلریله ایاصوفیه و سلطان احمد
 حوالیسی عسکر ایله مالامال اولدی و مسند مشیخت شیخ الاسلام اسبق
 ابوسعید افندی به وروم ایلی قاضی عسکرلکی معزولین صدوردن حنفی
 افندی به و اناتولی خواجه زاده مسعود افندی به توجیه قلندی بناء علی
 ذلک جمعیت شقاوت طبیعتیه منززل و مندرس اولغین یکجیری اغاسنه
 طمشوار و قول کتخداسنه بوسنه و بکتاش اغایه بروسه توجیه و علی العجله
 جیقمالری تنبیه اولندقدن صکره اوجی دخی دردست اولنه رق اعدام
 قلندی شیخ الاسلام سابق عبدالعزیز افندی اولاسافزه نفی و بعده
 بروسه یه کنور یلوب اقامه اولنش ویدی سکن سنه دهها معمر اولدیغی
 حاده استانبوله کلسنه مساعده قلناماشدر مشارالیه فاضل زمانه و منشی
 یکنانه اولوب مشهور اولان تاریخ بلیغنه بروسه ده ذیل تحریر و برائت
 ذمت ایچون ایمان اکیده درج و تسطیر ایلمش ایسه ده فی الاصل عربده جو
 و سلطان ابراهیم وقعه سی متهملرندن بولندیغندن فریاد و فغانی مسموع
 صماخ دولت اولدی کرک والده مرحومه نک و کرک مقتول اولان اغارک
 بونجه زماندنبرو جمع و ادخار ایتدکلری مبالغ کلیه خزینه همایونه نقل
 اولنغله مصارفات دولته خیلجه معاونت ایلدی
 مقتوللرک ید تغلبلرنده بولنان زمام مداخله و استیلا بوکره حرم اغاری
 و سرای همایون خلقی الارینه کچمکله و صدر اعظم سیپاوش پاشا
 دنخواهلری اوزره حرکت ایده مامکله اوج آی مرورنده عزل اولوب
 دیوان همایون و زراعتدن پیرفرتوت کورجی محمد پاشا مسند صدارته
 کتورلدی اگرچه مشارالیه بدی بحق آیدن عبارت اولان مدت وزارتنده

سرای خلقی استدکاری کی الوب صائدیلر ایسده امور مالیه رؤیت
اولنه مامق وعلوفه ویریه مامک حالنه کلدیکندن متفذان اندرون انجام
کاری ملاحظه ونفسلرینی مخاطره دن وقایه مقصدیه مصر والیکندن
معزولا استانبوله کلان ترخونجی احمد پاشایی بیک التمش ایکی سنه سی
رجبنده صدر صدارته اقعاد ایتدیردیلر لکن مشارالیه اصلا مدارا
ومماشات بلز غایت مستقیم برذات اولدیغندن اسرافاتی قطع وواردات
خزینده ال اوزادانلرک دست طهارینی رفع خصوصنده فوق الامکان
التزام صداقت ایتکله بیجاره بی خلع واجلاس افتراسیله متهم ایدرک
بیک التمش اوج سنه سی ربیع الاخرنده اعدام وقیودان دریا بولنان
درویش پاشانک صدر اعظم نصب اولمنه دسترس اولدیلر صدر جدید
بغداد سفرنده نائل وزارت اولمش قدامدن واصحاب تمول واقنداردن
معتدل ومزایا شناس برذات اولغله ایکی سنه یه قریب تمتد اولان زمان
صدارتنده هم اندرون خلقنی وهم مهمام دولتی حسن اداره یه موفق
اوله رق خوشجه بروقت بکوردی

شوبله که وندکلور پک کلیتلاو سفن حربیه استحضار ایدرک بوغازی ابلوقه
ایده کلدکلرندن کریده عسکر ومهمات ارسالی خصوصنده انواع تلفات
ومشکلات واقع اولقده اولدیغی حالده صدر اسبق مراد پاشایی قیودان
نصب ومهمات مقتضیه بی مکمل صورتده تدارک ایلکله بیک التمش درت
سنه سنده اخراج اولنان دونما وندیک کیلرینه غلبه ایدرک کریده
عساکر وفیره ومهمات لازمه نقل اولندی وباشباقی قوی موره لی
مصطفی اغایی دفتر دار واداره امور مالیه بی مستقلا عهده سنه تحمیل
ایدوب مومی الیه اگرچه سنین آتیه وارداتی صائمق قیوسنی اجسدی
ایسده علوفه اعطاسنده مشکلات کوسترمدی صدر مشارالیه سنه
مزبوره اواخرنده مرتحل دار آخرت اولقده صوابدید ارکان دولت
اوزره مهر صدارت حلب والیسی ابشیر پاشایه کوندرلدی حالبوکه
مشارالیه مقدا اوجاقی اغارینک زمان استیلا وتغلبلرنده اناطولیده بولنان
سپاه نفراتنی باشنه جمع ایله دار السلطنه یه طوغری قادمه جنبان طغیان
اولشیکن اغارک زوالی موجب عودتی اولشیدی بویه برتهمت سابقه ایله
متهم بولندیغی حالده صدر صدارته انتخابی سوءقصده مبتنی اولق واهمه سیله

سپاه زور بالری بقیه سندن و سائر دین یکر می بیک قدر عسکر طوبلیوب هزار
تکلف و بطائله اوج درت آیده استانبوله دهشت بخشای ورود اولدی
موره لی دفتر دار و موقوفاتی محمد افندی و سلطان کنخدا سی غده محمد
افندی مثلاًو علیهنده قولا و فعلاً حرکاته جرأت ایدنلری قتل و اعدام
و سنین آتیه وارداتی در عهده ایدن ملتزمینک و پردکاری آقچه لری ضبط
ایله احاله لری فی فسخ ایدوب انجق برابر کتوردیکی اشخاصی مناصب
و مأموریت ایله تطیب ایلک خارج حوصله دأره دولت اولدیغندن
حریفلر صدر مشارالیه اظهار عداوت ایتمکده اولدقلری حالده قیودان
مراد پاشا دخی آتش فتنه یه هر وجه جنبان اولغله محافظه نفس امیدیه
استصحاب ایلدیکی سپاه زور بالری رفع علم شقاوت و مشار الیهی قتل
ایتدیرنجیه قدر صرف نقدینه غیرت ایدوب مشارالیه مراد پاشا ثانیاً
متکا بیرای صدارت عظمای اولدی

بوصورتله مراد پاشا اگرچه نائل امنیه و امید اولدی ایسه ده طائفه
عسکریه نک عتو و طغیانلری باشند اشدیغندن سکرز اون بیک قدر
اشراری اوجاقلره الحاقه مجبور و بوجهتله علوفه عسکریه راده
سابقه سندن صد مر حله موفور اولدیغنه و طرف سلطنته وارکان دولته
احوال مشکله بی بیان ایتدیکجه تحریک ایلدیکک فتنه نک جاره سنی ینه سن
مطالع ایله زمیننده معامله لر مشاهده ایلدیکنه مبنی بو کره دخی صدارتدن
استعفا و شام والیکنی استدعایه مجبور اوله رق خدمت صدارت ارمنی
سلیمان پاشا ناعنده برپیر عاجزه توجیه قلندی و صدر سابق شاهه عزیمت
ایتدیککی حالده حصده فوت اولدی

بیجاره اختیار شرکای دولت و غارتگران مقربینک قهر و غلبه لری التمه
طقسان طقوز کون حامل مهر و کالت اوله رق الامان صداسنی ایصال
مقام بالا ایتمکله عزل و مهر همایون کرید سرداری بولنان غازی حسین
پاشایه ارسال قلندی ایسه ده برابری کون مرورنده وقعه و قواقیه نامه
زبازد مورخین اولان اختلال عظیم دهشت انداز وقوع اولدیغندن
ینه تبدل صدارت واقع اولشدر شوبله که کرک کریده اکیال مدت
مشروطه ایله استبدالا عودت ایدن و کرک استانبوله بولنان طوائف
عسکریه یه سلیمان پاشانک عزاندن اولجه و بریلان علوفه کاملاً مغشوش

وزیوف آقچه اولدیغندن بین الاہالی اعتباردن ساقط اولغله ومقرینک التزامات ومقاطعاته اولان تسلطلری حد کماله واصل اوله رق اموال خزینہ ید تغلبلرنده محو اوله کلمکله ارکان دولتن بعضیلرینک تعلیم والقا آتیلہ قیو قوی اوجاقلرینک کافہ سی مہمداً عقد جمعیت ایدرک عرضحالز واردر دیو پادشاه حضرتلرینی الای کوشکنہ چیقار دیلر سپاہ طائفہ سی عقلاسندن ومعارفندانن برقاج سوز صاحبلی ایلرو کلوب ذات همسایونه فصیح وبلیغ دعاار ایتدکارندن صکرہ پادشاهم برطاقم خونہ دولت واردرک الاری التده بولنان ملتزملمرہ سنین آتیه مقاطعات و وارداتی وقت احاله سندن مقدم البویروب بدانی دخی نصف بهاسیلہ شوندن بوندن طوبلادقلری خزینہ سرکیلری وزیوف آقچه ایلہ قیامتقدہ واموال خزینہ میوه نارسیده کبی خام ایکن تلف اولقدہ اولسیلہ کرید جزیره سنده مشغول حرب وقتال اولان وبوراده بولنان قوللرک علوفہ بوزی کورمز اولدیلر دیدیلر وبوکرہ بیک بلا ایلہ ویردکلی آقچه دخی بودر دیو ارائہ ایتدیلر وخونہ مر قومہ نک ظلم وتعدیلری ممالک محروسہ یی استیعاب ایتیشیکن وکلای دولت شرلرندن خوفله واقع حالی عرضه جسارت ایدہ مدکارندن ناشی بالضروره بو وجهله کستاخلغه جسارت قلندی ايسه ده قبح ظاهر یسی حسن عاقبتنه نظرامعذور ودامن عفو ایلہ مستور ببورلق مرجودر دیوب بعده اندرون و بیروندن اوتوز قدر آدمک اسامیسی مسطور اولان دفتری ابراز وبونلرک قتل وازالہ لری موجب صلاح دولت اولغله مظهر سیف سیاست اولسلرینی استدا ایلدیلر طوائف عسکرینک وبلکہ بالجلہ ارکان دولنک بوبابده اتفاقلری محسوس اولدیغندن دلخواہ جمهوره مساعدہ اولمقدن بشقه چاره قالدیغنه بناء دار السعاده اغاسی وخواجه بلال اغا ووالده باش اغاسی وخاص اوطہ باشی وملکی اوستہ وزوجی شعبان خلیفہ وسارلری برقاج کون ایچنده الہ کجکجه قتل واعدام وسلطان احمد میداننده اولان جنسار اغاجنه اویزان قلنغله سبب تسمیہ وقعہ اولشدر

بو اوانده قائم مقام سورنازن مصطفی پاشا مسند صدارتی ومک زاده مقام مشیختی دردست ایتشار ایکن عسکری طائفہ سنک اعتراضلرنہ بناء

اون اوج ساعت مرورنده سلسله والیسی اولان صدراسبق سیاوش پاشا
ثانیاً صدر اعظم و بعضی عملیات خفیه به ابتناء خواجه زاده مسعود
افندی شیخ الاسلام نصب اولدیله

صدر مشارالیه محمداً در سعادت و صولندن برای صکره دفتر دار محمد
پاشا کی بر فاضل و ادیبی مجرد استرقاب بلاسیله قتل ایتدیردیکی کیجه
فوت اولغله مهر همایون شام والیسی بوینی اگری محمد پاشای ارسال
قلندی

شیخ الاسلام مسعود افندی اناتولی قاضی مسکری ایکن حق کویلاک ایله
شهرت بولوب وقعه و قواقیده تعیین جمهور ایله مقام مشیخته واصل
اولشیدی بغایت متعظم و تندخو اولدیغندن ماعدا کافه امور دولت
کف استقلاله رام و مرجع خاص و عام اولق سوداسیله زباندرازاخی
مرتبه افراطه ایصال ایلدیکنندن بیجاره خلع و اجلاس تهیتی اسناد
اوله رق دیار بکره فی نامیله بروسهیه کوندربلوب اوراده اعدام قلندی
و مقام مشیخت صدور دن حنفی افندی به توجه بیورادی

دولت علیه اختلالات داخلیه ایله بحران حالنده ایکن بوسنه اخراج
اولنان دونمای همایون دخی وقوع بولان محاربه ده مبتلای هزیمت کامله
اولغله وندکلور بوزجه اطه ولنی جزیره لرینی استیلا ایلدیله بناء علیه
دارالسلطنه عثمانیه محصور حکمنده قالدیغندن ارکان دولت دمبسته
خیرت اولدقلری حالد شام طرابلسی توجیه اولوب خرج راه تدارکی
ایچون تک وپو ایتکده اولان کوریللی محمد پاشا والده کنخداسی معمار
قاسم اغانک سوق و تعریفیه بیک الشمس الی سنه سی ذی القعدة سنک یکر می
بشنجی جعه کونی شرائط استقلالیه ایله حائل مهر صدارت و متکفل
اصلاح امور دولت اولدی

وندکلورک مرام و مقصودلری بوزجه اطه ولنی جزیره لرینی تملک ایتک
اولوب مجرد استانبولی تضییق ایله کرید جزیره سنی و هیچ اولمز ایسه
محاصره دائمیه نختنده بولنان قندیه قلعه سنی برافدیروب صلح اولق
قضیه سی اوله رق حتی قندیه قلعه سی خراجی نامیله مقدار معین بر مبلغ
اعطاسنی دخی دائماً عرض و استدعا ایتکده ایلدیله لکن دولت علیه بوقدر
غوائل داخلیه سیله برابر قندیه قلعه سی تسلیم اولمق قجه صلح امکانی

اولدیغنی بیان ایله هر سنه دونما و عسکر و مهمات ارسالنده اظهار ثبات و متانت ایدر ایدی شول درجهیه قدر که برکون حضور همایونده عقد اولان مجلس عمومیده لوازمات سفریه ایچون مقتضی اولان اچمه نك فقدانی در میان اولندقد و والده سلطان حضرتلری شو کرید جزیره سنك كاملا فتحه غیرت اولسون بن کافه مجوهرات و سیم و زر و متعلق اوانی و ادواتمی دخی اعطا و فدا ایدرم بیور مشلدر

بوسنه و هر سك طرفلرنده و کرید جزیره سنده محاربهیه دوام اولمقد و ایسه ده بوغازده بولان و نديك دونماسنی دفع ایتك و بوزجه اطه و لنی بی تخلیص ایله استانبولی محاصره بحریده دن قورتارمق اهم امور دن اولغله صدر اعظم دونمای همایونك تنظیم و اكلانده اقدام ایتكله برابر کافه جیوش عثمانیه اوجاقلرینی بالاستصحاب بوغازه عزیمتی قرارلشدیردی و اسرافات و اتلافاتك قطع و تنقیضه اعتنا ایله خیلچه مصارف تنقیص ایلدی لیکن بونك منافع و فوائدی ایلروده کوريله چکنه و شمدی ایسه مصارف سفریه ایچون اچمه لازم اولدیغنه مبنی طرف همایوندن باسند اوچبیک کیسه استقراض ایدرك استحضار لوازمات حریبهیه چالشمقد و ایکن سپاه طائفه سندن برطاقم خذله صدر مشارالیه علیهنه اعلاى اوای شقاوت ایتمشلر ایسه ده آتش فساد لهیب افروز اشتداد اولمقسزین یکچیری ضابطانی معرفتیه مواقع مفسدتلری باصیلوب برقاچبوز نفوس خبیثه ازاله اولمغله کانون طغیان منطقی و اون بش یکر می سته دنبرو وقت وقت میدان چیقان قاضی زاده لیلر غوغای معلومی دخی بعض اوک ایاق اولنلرك نفی و اجلاسيله مندفع اولدی

صدر جلالت کستر بیک التمشیدی سنه سی شعباننده بحر سفید بوغازی جانبده سوق موکب ظفر اثر ایدوب دونمای همایون دخی واصل اولغله و نديك کچلر یله محاربهیه مباشرت اولندقد و یکچیری طائفه سی بندکلری سفینه لری باشند قاره ایدوب ساحلاره دوکلر یله و سفاین ساره دخی اوتیه و برویه صاوشمغله دونمای همایونده ینه علام بریتانی ظهوره کلدی صدر مشارالیه بوحوالی مشاهده ایله مناسب الشعور اونه رفی پیشرو فراریان اولان التبور قدر یکچیری بی قتل و اعدام و ساحلاره لنگر انداز

اولان سفن اسلامیه و با خصوص باشدارده تعبیر قلنان پاشا کیسی
 کزند دشمنان صیانت ایچون مناسب موقعله عظیم طوبار وضع و تعبیه سنه
 اهتمام ایلدی شجاعت و درایتله مذکور و کور قپودان نامبله مشهور
 اولوب سنه سابقه ده دونمای همایونی پریشان و بوزجه اطه و لنی بی ضبط
 ایله اکتساب شهرت و شان ایدن وندیک امرالی بوسکره دخی نائل
 اولدیغی غالبته مغرورا باشدارده و سائر اسلام کیلرینی بسته زنجیر تسخیر
 ایتک سوداسیله هجوم ایدرک واصل امید اولغله تقرب ایتشیکن قره محمد نام
 بر طوبجی غاز یسنک اتدیغی طوپک کله سی امرال مزبورک سوار
 اولدیغی کمینک جبهه خانه سنه تصادف ایتکله مذکور کی ایله یدکی اولان
 قالیون و ایچلرنده بولنان ابکیبیدن مجاوز ضابطان و عساکر متعینه
 ایله پابر هوا اولدیغندن سفن سائر دشمن مبتلای دهشت عظیمه اوله رق
 فرار ایلدیلر بونک اوزرینه صدر مشار الیه سجده شگری ادا ایلدکن
 و خدمت و شجاعتی سبقت ایدنلره مکافات و خلاقی حرکتده بولنانلره
 ترتیب مجازات ایتدکن صکره بش التی بیک قدر عسکر امرار یله بوزجه
 اطه سنی و متعاقبا دونمای همایون ایله قپودان طوپال محمد پاشایی کوندره رک
 لنی جزیره سنی استرداد موفق اولغله منصورا و مظفرا ادرنده رکاب
 همایونه واصل و انواع التفات سلطانی به نائل اولدی غرائبندر که
 یکجیری اغالغندن متقاعد قره حسن زاده حسین اغا وقعهلده طرف
 سلطنته متمنص بولنوب رأی و تدبیری دخی موافق تقدیر دوشمکه مؤتمن
 دوات و مستشار سلطنت منبتنی حاز اولشیدی بو اوانده صدر اعظمک
 امر او عسکریدن پک چوق آدمیری قتل و اعدام ایلدیکنی استماع ایتدکه
 شیخ الاسلام افندی به خبر کوندروب کو پر یلنک حرکات و مشوارینه
 نظرا مظفرا عودت ایدر ایسه جله من حقنده موجب و خامت اوله جخی
 کورنمکه اولدیغندن لزوم عزل و تبدیلی ضمنده مابین همایونه تذکره
 یازسونلر بن دخی لازم کلان تبلیغاتی اجرا ایدرم دیدی شیخ الاسلام
 افندی اگرچه حال بویله ایسده صدر مشار الیه وندیک دونماسنی دفعه
 موفق اولوب بوزجه اطدی فتح ایتک ایله مشغول اولغله عزل و تبدیلی
 دولته مضر اولور دیو جواب و یردیگی حالده اعای موی الیه تکرار
 پیام اصرار ایصال ایتدیکنه مبنی بالضروره شیخ الاسلام افندی والده

سلطانہ تذکرہ تحریرینہ شروع ایتمنی متعاقب کتخداسی کلوب قولاغنه
قرہ حسن زادہ نک فجئۃ وفاتی اخبار ایلدیکندن مادہ برطرف و صدر
مشار الیہک مظهر توفیق اولہ جغنه براءة الاستهلال اولدی
مقدما اردل قرالی اولان بتلن غابور فوت اولدقدہ اوغلی صندالی قرالیتہ
اقعاد اولمش ایستہدہ عدم رشد و کفایتی سبیلہ حسن ادارہ
مقتدر اولہ مدیغندن امرای مجاردن راقوقچی اوغلی اواخر سلطنت مراد
خانبدہ حکومت اردلی در دست ایلدی لیکن اولوقت موی الیہک
قرالغی جانب سلطنت سنہ دن تصدیق اولنماغله بعض محاربات جریان
ایتمشکن عصر ابراهیم خانبدہ عرض ایتمشکی کالای اطاعت وفرمانبری
منظور نظر سلطانی اولوب اردل قرالغی احسانیلہ مظهر اکرام
اولمش و کندوسی بهسار و جنگ جو بر آدم اولدیغندن دایما نچہ ولہ
دولتربلہ محاربه ایلہ امرار وقت ایتمکدہ بولمشیدی پادشاہ حضرت تلیرتک
بوکرہ ادرنہ بہ تشریفبری جهتیلہ رسم قدیم عثمانی اوزرہ افلاق و بغداد
ویودلری استفان و قسطنطین بکر ایلہ قرال مشارالیه رکاب ہمایونہ دعوت
اولدقلرنده دولت علیہک مشاغل واقعہ سنن استفادہ ایتمک ملاحظہ سنہ
بناء و یکدیگریلہ اتحادلرینہ مغرورا بعض اعذار و اہیہ سرد ایدرک
امثال فرمان ایلدیلر بنابرین افلاق ویودہ لغی منجمنہ و بغداد ویودہ لغی
ولبقہ نام بکرہ توجیہ و دیوان ہمایونہ خلعت واسکوف کیدیریلرک
تلطیف اولندقدن صکرہ مقام امارتلرینہ اقعادلری خصوصی سلسلہ
والیدی فضلی پاشاہ حوالہ قلندی معزول ویودہلر بالاتفاق تدارکات
ادوات حرب و قتال ایلہ مدافعہ ایچون اردو قوروب تحصن ایتمشلر
ایستہدہ مأمور اولان عسکر تاتار مملکتینی غارتہ قویلدقلرندن و فضلی پاشا
دخی مرتب معیتی اولان جیوش عثمانیہ ایلہ طونہ بی مرور ایلدیکندن
پابرجای استقرار اولہ میوب ممالک اردلہ فرار ایتملریلہ منصوب اولان
ویودہلر محل امارتلرینہ اقعاد قلندی
ذکر اولتان فرار یلرک رکاب ہمایونہ اعزامی و کندوسنک دخی تجدید
حکومت ایچون سدہ سنیدہ رومال ایلدی راقوقچی اوغنه تکرار امر
واشعار اولندقدہ ینہ اعذار و اہیہ سردیلہ اطاعت امر دن نکول ایتمسنہ

مبنى صدر اعظم كوپر بلى محمد پاشا اردل اوزرينه سردار نصب
اوله ورق بيك التمش سكر سنده سى رمضانده اولجانبه توجه لوى سطون
ايلدى

ممالك اردلك قپوسى مقامنده اولان ينوه قلعه سى ودارالاماره حكومت
اولان اردل بلغرادى فتح و تسخير وراقوجى اوغلى هوادارانى اولان
قتل و تدمير اولندقدن صكره نجه حدودنده واقع اولوب قرال مشاراليهك
تحصن ايلدىكى قلعه به سوق موكب جلالت اولمق تصميم اولمشيكن آتیده
ميان اولنده جق ابازه حسن پاشا جمعيتى بروسه به طوغرى تقرب ايلدىكنه
مبنى وارد اولان خط همايونه امثالا صدر اعظم عودته مجبور اولديغندن
واهالى اردلك دخى مرض اطاعتلى جهتيله يغما كران تاتاردن
محافظه لى زمانى كلش ايدوكنندن راقوجى اوغلك دفتردارى اولان
بارحقاى اقوش نام بكزاده به اردل قراللى احسان و خلعت و طپوز و قوقه
اعطاسيله تميم مراسم شريفات اولنديغى مثلا واردل قراللىك و برکوى
قدیمی اون بش بيك التون ايكن بوكره قرق بيكه ابلاغ و بدل مصرف
اوله ورق ركاب همايونه بيك كيسه اقچه تقديمى دخى شرط قلمشدر
قرال جديدى محافظه و ممالك اردلى محارسه صمنده طمشوار بكار بكيسى
على پاشا ينوده تمكين و بودين واليسى كنعان پاشا عنوان سرعسكرى
ايله تكميم اوله ورق صدر اعظم سرعت ايله ركاب همايونه مراجعت
ايلدى

ابناى سپاهياندن ابازه حسن اغا مقدما حيدر اوغلى نامنده صاحب جمعيت
برشتى بى طوتوب استانبوله كتورمكاه مقابله خدمته تركن اغالى يعنى
كليس سنجاغى كندوسنه توجه اولنديغندن كوندن كونه ثروت و قدرتى
ازدياد بولوب اوجاق اغار ينك زمان تغلب و احتيلا رنده ابشير پاشا ايله
متحدا مزبور اغار عليهنه علم افراز طغيان اولمش و اغارلك تدمير و تنگبلى
بونلرك آتش فتنه لرينى تسكينه سبب اوله ورق مؤخر دخى مزبور ابازه حسن
اغايه حلب واليلى احسان قلمشيدى بوكره اردل سفرينه كلسى امر اولندقدن
صدر اعظمك سابقه لو اولان شقاوتكارلك و ظلمه امر انك قتل و اعدام لرى
خصوصنده اولان شدتى درپيش نظر مطالعه ايدرك خوفه دوشديكندن
شام واليسى طيار اوغلى احمد پاشا و اناطولى واليسى جان ميرزا پاشا و معزول

و منصوب اونی بش قدر امر ایله عقد اتفاق و صدر اعظمک سیف سطوتندن
 فرار ایدن سپاه اشقیاسی دخی بونلره التحاق ایتکله اوتوز بیک قدر کشتی
 اولدقلری حالده قونییه طوغری توجه و صدر اعظمدن منسلب الامنیه
 اولدقلرندن بحثله طیار اوغلی احمد پاشا خدمت صدارتده استخدام اولنور
 ایسه سفره کیده جکاربینی و بوکا مساعدده بیورلدیغی تقدیرجه روم ایلنه
 کچمک احتمالی اولدیغنی مبین رکاب همایونه عرض محضر تقدیم ایلدیله
 سرای خلقنده و مأمورین دولت ایچنده کوپرینک استقلال و سطوتندن
 خوفناک یک چوق آدم بولمقله ماده بی اعظام و ترویج مقصد اشقیایه
 اهتمام ایتدیله ایسه ده پادشاه حضرتلری صدر اعظمک محافظه جاه
 و اعتباری خصوصنده فوق العاده ثبات کوستردکلرندن عرض محضره
 جوابا کوندریلان خط همایونده وزیر اعظم اردل سفر یله مشغول
 اولدیغنه مبنی تبدیل صدارت زمانی دکلدر اگر روم ایلنه کچمکه خوف
 ایتکده ایسه کن جمعیتکری طاغیدوب منصبلریکزه رجعت و یاخود بغداد
 محافظه سنه عزیمت ایدک دیوامی و فرمان بیورلدی مع مافییه صدر
 اعظمک دخی عودتی تعجیل اولدیغندن اردوی همایون سرعت سیر ایله
 ادرنده رکاب همایونه مواصلت و متعاقبا پادشاه حضرتلریله برابر استانبوله
 عزیمت ایدوب صدر مشارالیه اسکدار صحرا سنه نصب خیام آرام ایلدی
 ابازه جمعیتی ترویج مرامدن مأیوس اولدقلرندن قوه جبریه ایله شاهد
 مقصودی دراغوش ایتک خلیاسیه بروسه طرفلرینه طوغری قادمه جنبان
 هجوم اولدقلرنده بروسه محافظه سنه مأمور اولان قائم مقام سابق کنعان
 پاشا دخی خوف قهر وزیر اعظم ایله اشقیایه التحاق ایلدیکنندن عتو
 و طغیان کمب اشتداد ایلدی ایسه ده دفع و تکیلاری ایچون سردار تعیین
 اولان دیار بکر والیسی مرتضی پاشانک خبر قرب وصولی جمعیت اشقیانک
 عودتنی استلزام ایلدی سردار مشارالیه ایله اشقیایینده وقوع بولان
 محاربه ده اگرچه موکب سردار یله نوعا هزیمت واقع اولدی ایسه ده
 نشر اولسان فرمانلر و ابازه پاشا ایله منفقارینک واجب الازاله باغی
 اولدقلرینی متضمن و بریلان فتوای شریف فوتیله زیر حکم و تغلبلرنده
 بولان قلاع مأمورین دولت دست تحفظلرینه کچمش و سردار مشارالیه
 دخی جمعیت عسکره منی بالتطبیح حایه داخل اولمش ایدوکنندن جمعیت اشقیایه

میدانده قالوب هر جانبدن هر جوم وزاد و ذخیره لری معدوم اولق حسیله
قوت و قدرت لری کوندن کونه ضعفه مبدل اولدی بناء علی ذلک تسلیم
اولق صورتنده مرتضی پاشایی بالاغفال حلبه کیروب بغته قلعه بی ضبط
ایتمکی بیلنلنده ترتیب ایتشلر ایسه ده سردار مشارالیه واقف احوال اولدیغندن
دها رنگین حیل و تشبثات خفیه ایله مزبور لری اغفال ایدرک دام انتقامه
دوشردی و شهر حلبه کیردکاری کجه جله سنی قتل و تدمیر ورؤس
مقطوعه لرینی استانبوله تسیر ایلدی

سابقا افلاق و یوده سی اولوب اردلستانه فرار ایدن قسطنطین بک بر تقریبه
مملکت بغدادنه مستولی اولدیغندن و افلاق و یوده سی منجنه بک که کنجلی
او انده کنعان پاشا دأر ه سنده تربیه اوانه رق لسان عربی و فارسی تحصیل
ایلش و کنج بک نامیه کسب شهرت ایتشیددی اودخی طرف دولته
عصیان ایلدیکندن اوزر لرینه عسکر تاتار سوقیله جمعیت لری پریشان
ایدیلوب افلاق و یوده لخی قسطنطین بک بغدادنی استیلا سنده طرف دولته
دخالت ایدن وایقه بکه و بغداد و یوده لخی مقدما یگر می سنه قدر بغداد
و یوده لغنده یوانوب صداقت و عبودیتی نجر به قلمش اولان

و بوده نک او غلنه احسان اوانه رق مقام امارت لرینه اقعاد قلندیلر
اردل قرال لغندن مهجور اولان راقوقچی اوغلی جمع ایده بلدیکی عسکر ایله
اردلستانی استیلا به عازم اولدی ایسه ده بودین والیسی سیدی احمد
پاشانک سیف شهابتیه منهرزم و منعدم اولدقدن صکره نمچه لور امرای
مجاوردن کیانوشه عساکر و آفره ترفیقیه اقدار و ارسال ایلدکلرینه و عساکر
عثمانیه دخی قشتابه چکلمش بولندیغنه مبنی مزبور کیانوش اردلستانی
ضبط و طرف سلطنت سنیه دن منصوب اولان قرال اقوشی اعدام
ایلدیکی خبری واصل در دولت اولدقده قیودان کوسه علی پاشا سردار
تعیین و تسیار قلندی سردار مشارالیه بک یتش بر سنه سنده حصون
اردلدن وراد قلعه سنی فتح و تسخیر و ایرتسی سنه مزبور کیانوشی دخی
قتل و تدمیر ایتکله ایاقی میخال نام بکرزاده بی انتخاب اهالی ایله مقام قرالی به
اقعاد ایلدی مومی الیه ایاقی میخال جانب دولت علیه دن نصب اولنان اردل
قرال لرینک خاتمه سی اولوب و یانه محاصره سنه قدر بکر می سنه دن متجاوز

زمان مسند حکومتده پایدار اولش و او اراق قرالغی اوغلنه فراغت
ایلمشدر

نمجه لورک ممالک اردله تسلط و بعض قلاعنی ضبط و تملک ایلماری بین الدولتین
منازعات و مباحثاتی مستلزم اولغله پادشاه حضرتلری ادرنهیه نهضت
و بعد الوصول صدر اعظم کو پر بلی محمد پاشا بیک یتش ایکی سنه سی
ربیع الاولنده اختیار سفر آخرت ایتمکله وصیتی موجبجه رکاب همایون
قائم مقامی بولنان اوغلی فاضل احمد پاشا متکا پیرای صدارت عظمیا اولدی
مرحوم مشار الیه اصحاب لیاقت و درایتدن قوی العزم کرک باران دیده
اولغله شقاوتکاران عسکریه و اعادی خارجیه بی شمشیر سطوتیه تأدیب
و ترهیب و امور مختلفه دواتی تنظیم و ترتیب ابتدای ایسه ده پک چوق وزرا
و امر اقل و افنا ایلمدی هله کرید سرادری غازی حسین پاشا کی نامدار
و امکدار بر پیر شجاعت سمیری و سیدی احمد پاشا مثلاً بهادر و دلیری
استرقاب بلیه سیله اعدام ایلمسی صفحه محاسنی لکه دار ایتمشدر

نمجه لورک اردل قلاعنندن قطع ید و قنیره قلعه سی جوارنده خلاف
عهد بنا و زرین وار نامیه مسما ایلمکاری یکی قلعه بی هدم ایلماری نمجه
ایلمچیسنه افاده و برسنه دن متجاوز بویابده مذاکره و مخاره اولندیغی حالده
موافقتلری استحصال قلعه مدیغنه مبنی عقد اولنان مجاس مشورتده نمجه
اوزربنه اعلان سفر اولنسی قرار پذیر اولغله صدر اعظم فاضل احمد پاشا
سردار اکرم نصب و تعیین اولنده رقی بیک یتش اوچ سنه سی رمضانده
بالجمله جبوش عثمانیه ایله جانب بلغرا ده عطف عنان ایلمدی اردوی
همایون ایله استصحاب اولنان نمجه قیو کتخداسی و مقدما اردل سر عسکری
علی پاشایه و مؤخر معسکر همایونه کلان ایکی نفر ایلمچیلر بلغرا ده حضور
صدر اعظمی به قبول اولنوب ذکر اولنان یکی قلعه نك تخریب و اردل
قلاعنك تخلیه سیله سلطان سلیمان معاهده سنه ویرلمسی مشروط اولان
اوتوز بیک التون ویرکو و یاخود مراد پاشا صلحنده اعطاسی مقرر اولان
ایکبوز بیک غروشک تأدیه سی تعهد اولندیغی حالده تجدید معاهده
اولنده جفی افاده اولنده قدغه تخریب و تخلیه ماده لرینی در عهده ایدوب
ویرکو اعطاسنده مخالفت اظهار ویرمقدار هدیه دینلور ایسه چاره سی
بولنه بیه جکئی تذکار ایتملرله برابر استانبولده ایکن سبقت ایدن مذاکراتده

ویرکو لقریدی اولدیغنی درمیان ایلدیلر صدر اعظم دخی دولت علیه
حضور واسایش اوزره بولندیغنی حالدیه بوقدر کلفت و مصرف اختیار یله
بورالره کلندکدن صکره البته بوماده دخی قبول اولغنی اقتضا ایدردیو
جواب ویردی و بوجهته مصلحت تسویه اولنه مدیغندن مذکور ایلچیلر
بودینه بالتوقیف صدر مشارالیه اردوی همایون ایله استرغونه طوغری
حرکت ایلدی نجه اولر مطالب دولت علیه به تمامیه موافقت والی
التمش سنه دنیرو متروک اولان ویرکو مسئله سنی دخی هدیه نامیه
قرارلشدیرمغه ابراز ملایمت ایلدکلینه نظراً اویوشلق خصوصنده موانع
کلیه قالماش ایسده فاضل احمد پاشا مبدأ صدارتنده مع الفتوحات شانلو
بر معاهده عقیده دسترس اولغنی التزام ایلدیکندن جنک و حرب طرفی
اختیار ایلدی

اورته محارقلاندن اولوب بیک اون ایکی تاریخنده فتح واردلستانه الحاق
اولسان ایوار قلعه سی مؤخرأ نجه اولر الله کچمش واستحکامات جسیه
ایله تحصین قلمشیدی انک از سرنو تسخیری خصوصنده قرار ویرلدیکنده
مبنی استرغوندن طونه اوزرینه کورپی انشاسته ابتدار وقارشو طرفک
محافظه سی ایچون اون بیک قدر عسکر امرار اولمغله ایوارده بولسان
جنرال سکر بیک عسکر انتخاب وعساکر مفرزه اسلامیه بی باصفه شتاب
ایلدی ایسده وقوعبولان محاربه ده عسکر دشمنک ثلثاندن زیاده سی
مقتول و مأسور اولدی و متعاقباً کوبرینک انشاتی اتمام قلمغله صدر اعظم
بالجمله اردوی همایون خلقیله قارشو جانبیه مرور ایلدی مشهور جنرال
مونه قوقولی معینده بولان اردو ایله قلعه مر قومه بی محارسه ایچون
کلیشیکن جنود اسلامیه نک جلالت و هجوملری سیبیلله عودته مجبور
اولدیغندن برای قدر هریض و عمیق محاصره ایله قلعه ایوار بند کند
تسخیره گرفتار اولوب اطرافنده بولان پلنقلرک دخی کیمی ضبط و کیسی
تخریب و ممالک اعدا یازده خیول یغما قلندقدن صکره مشتای بلغراده
عودت اولدی واردوی همایون معینده بولان اردل قرالی و مملکتین
و بوده لری محل امارتلینه کتمکه ماذون اولدیلر

موسم شتا منقضیه اولقسرین نجه اولرک قیبره قلعه سنی محاصره
ایتدکلی استماع اولمغله صدر اعظم بیک یتش درت سنه سی رمضاننده

بلغراددن حرکت و هنوز عساکر اسلامیه کاملاً مجتمع اولدیغندن موجود
اولان اونوز بیک قدر عسکر ایله جانب اعدایه توجیه وجهه عزیمت
ایدوب قلعه مر قومهیه تقرب اولندقد جیوش دشمن ترك محاصره ایله
فراره اغاز ایتمرله دراوا و موروا نهرلرینک ملتفاستنده بنا اولنان و باعث
حرب اولان مواددن بریسی بولنان یکی قلعه نك محاصره سنه ایتدار
قلندی نیچه اردوسی نهرک قارشو طرفنده ارام و قلعه مر قومهیه تمید
ایلدکاری کوپری واسطه سبله نوبنواغانیه اهتمام ایلدکاری حالد
زور بازوی عساکر اسلامیه ایله عنوة فتح و تسخیر و طوب و مهماتیری
اخذ اولندقدن صکره تخریب اولندی بو ائشاده اردوی همایونده بولنان
نیچه قیو کتخداستند عقد صلح ایچون رخصت کامله کلدیکی جهتله عقد
مجلس مکالمه اولنوب نیچه اویدنده بولنان اردل قلاعی رد و تسلیم اولنق
و هدم اولنان یکی قلعه فیما بعد اعمار اولنماق و رکاب همایونه عقد صلح
عقبنده ایکوز بیک غروش قیما و هدیه تقدیم ایلمک شرطلری و شرائط
متفرعه ساثره و یکرمی سنه مدت ایله بیک یتیش بش سنه سی محرمی اوائلنده
و مجلس مذاکره عقد اولندیغی کون همان بر قاج ساعت طرفنده تنظیم
مصلحت اولنوب طرفین مر خصلری ترقیم اولنان معاهده نامه یی امضا
ایلدیلر لیکن طرف پادشاهیدن حربک بتورلمسی تعجیل و جانب سردار
اکرمی به خطوط همایون ایله توصیه و تأکید قلمقده اولدیغندن سند هنر بر
طرف ایمپراطوریدن تصدیق اولنمق سزین ترك حرب اولنسه ابشی
اوزاده جقلری و بوجهته مطالب اولان سرعت ختام سفر حاصل
اولیه جنی منقهم اولدیغنه مبنی عهدنامه مذکور ایمپراطور جانبندن امضا
و صدر اعظم طرفنه ابصال اولندقجه ترك حرب اولنماسی دخی مقاوله
اولندی بنابرین صدر مشارالیه راپه نهرینی کچوب یانق قلعه سنی محاصره
ایتمک خصوصنی تصمیم ایدرک کچیدیری بولاق ایچون نهرک بر طرفندن
وجزال مونته قوقوالی دخی مانع مرور اولاق قصدله دیگر جانبندن
کننده اولدقلری حالد انجیق درت سواری بان یانه کچیله جک مر تبده
کوجک بر کچید محلی بولنوب خفیجه بریاده کوپریسی انشاسیله قارشویه
اون بیک قدر عسکر اصرار اولدق درجک اول نیچه لور اورمانلر ایچنه
چکامکه مجبور اولشار ایکن بردن نهرک طغیان سببیه جسر مذکور

منهدم اولدیغندن دشمن بوحالدن مستفید و عساکر اسلامیه دخی ورود
امداددن ناامید اوله رق اردوی همایون جاننده یکدییلان اوج درت بیک
کشیدن ماعداسی مقتولا و مغروقا واصل درجه شهادت اولدی جیوش
اسلامیه نیک موجودینه نظراً ضایعات واقعه جزئیات قبیلندن ایسه ده نهر
مزبورک طغیان و نجه اولرک امری محافظه ده اولان اقدامی مانع مرور
اولدیغندن پلاطینه کولی اطراف و شمسی به قدر اسلام اتی ایغی باصمیان
ممالک اعدا تخریب و یغما اوله رق سکنواره واصل و برقاج کون صکره
ایوار طرفنده نجه اولرک تجمع و تعرضلری استماع اولمغله موکب همایون
تکرار استرغوندن طونه نهرینی عبور ایله ایوار آلتیه وارد اوله رق جنرال
مونه قوقوللینک زیر قوماند سینه بولسان اردو اوزرینه هجومه
حاضرانقده ایکن نجه ایمراطوری طرفندن صلحنامه معهود امضا
وارسال اولمغین شتاک طوبلری انداختیه باریشق اعلان اولندی
وسرحدات اسلامیه نیک امری محافظه لری بالتظیم سردار اکرم جانب
بلغراده مراجعت و موسم شتایی اوراده امرار ایتدکن صکره وارد
اولان نجه ایلیچیسيله هدیه معهودینی مستحجاباً ادرنده رکاب همایونه
مواصلت ایلدی

بیک الی بر تاریخنده قریم خانی نصب اولنان محمد کرای الی درت سنه سی
شعباننده معزول و جنجی خواجه نیک سوق و تعریفیه برادری اسلام کرای
ثانی مقام خانی به موصول اولوب روس وله مملکتلرینی بالدفعات پازده
خبول یغما و مقرر اولان ویرکو و هدایایی مع زیاده تحصیل و استیفایه موفق
اولدقن صکره بیک التمش درت شعباننده واصل رحمت رحانی اولمغین
مشارایه محمد کرای ثانی سلطنت قریم ایله ایجال اولمشیدی بودفعه
سفره مأمور ایکن کلیوب یکرمی بیک قدر عساکر تاتار ایله اوغلانی
کوندرمسی موجب انحراف دوات اولدیغی حالده نوغای تاتارلرندن بعض
قبیله لر سلاستره اطرافنده توطن ایتمک استدعاسینه اغاز ایدرک مظهر
مساعده همایون اولدقارینی تحقیق ایلدکده ذکر اولنان قبیله لری قتل
وغارت ایله راه عزیزلرینی سد ایلدیگندن امارت قریم بیک التمش الی
سنه سنده عادل کرایه توجیه و دونمای همایون ایله کفیه ارسال قلندی

خان معزول اگرچه مدافعه به ثبت آید ایستاده مقتدر اوله میه جغنی
تبقن ایتکله طاعستانه فرار و اون سنه قدر اوراده قرار ایدوب بعده مقعد
صدقه خرام ایلشدر

نمجه واردل غائله لری دخواه دولت اوزره قرین اتمام اولوب امور داخلیه
دخی یولنه کیرش اولدیفندن ارتق کرید سفرینه نتیجه ویرلک زمانی
حلول ایلدیکنه مبنی صدر اعظم فاضل احمد پاشا سردار اکرم نصب
اولنه رقی بالجه جیوش عثمانیه اوجاقلری ایله بیک یتش بدی سنه سی موره
جزیره سنه طوغری عطف زمام وسواحل مناسبه دن قرق الی قطعه دونمای
همایون سفینه لریله دزت دفعه ده حانیه قلعه سنه نقل موکب اسلام ایلدی
یکرمی اوچ سنه دنبرو کرید جزیره سی عساکر عثمانیه نك تعلیم گاه فتون
حریره سی حکمنده اولقله هر طرفی حوزه حکومت سلطنت سنیه ده داخل
اولوب بالکن قنده قلعه سیله صوده لیماش اغزند و قهر قلعه سی مثلاً
برقیا اوزرنده واقع صوده قلعه سی وندکلور آنده قالش ایستاده انلر دخی
محاصره دائمه نختنده ایدی اسپانیا وایتالیا طرفلرندن بقیه اهل صلیب
وادیسند علی الدوام طاقم فداییلر کلوب اعانه ایتکده اولدقلری
حالده بو دفعه سردار اکرمک عساکر وفیره ایله کرید جزیره سنه هروری
وندکلوری دوچار خوف وتلاش ایلدیکندن بر طرفدن جانب سلطنته
ایلچی ارسالیله قنده قلعه سی و برکوسی اوله رقی سنوی یکرمی بش یک
التون اعطا اولفق اوزره نائل مصالحه اوله بیلری ایچون خاکپای همایونه
ووکلا ومنتقدان عصره مبالغ کلیه عرض ایلکه مسارعت و بر جانیدن
دخی اوروپانک اعانه واعدادینه دسترس اولق قصدیه هر درلو تشبثات
وفداکارانه مبادرت ایلدکلرینه مبنی سردار مشارالیه کوئدر بلان خط
همایونلرده فتح قنده دهها ممتد اوله جق اولور ایسه عساکر ومهمات
ارسالنده اولان مشکلات متزاید وسککنه ممالک اسلامیه نك بو خصوصین
طولایی گرفتار اولقلری تعب و مشقت متکثر اوله جفندن بختله وندیک
ایلچیسنک مطالبی تلخیص وتوضیح اولمغه باشلادی لیکن صدر مشارالیه
بو باده اظهار متانت وحجبت ایدرک قلعه محصوره نك قوی قویه قریبه ده
کلدیکنی ووندکلورک مال وقلانه اعتبار اولماسنی کندو قلیله و یک موثر
صورته طرف پادشاهی به اشعار ایلدیکندن ماعدا شیخ الاسلام افندی

وقام مقام پاشا ومصاحب مصطفى پاشا وسليحدار افايه وخواجه شهر ياري
واني افندي يه مکتوبلر تحریر ايدوب دشمنك سمرست سكر مكری
اولقندن تحذیر وعساكر اسلاميه قنديه اغورنده بوقدر مشقت وتلفات
اختيار ايدرك شاهد مقصودي دراغوش ايتك تقرب ايتشكن تكليف
كف يد موجب وخامت اوله جفني اخطار وتذكير ايتكله دوام حرب به قرار
ويريلوب ايلچی مزبور طرد قلندي

فرانسه دولتی سلطنت سنیه ايله مصالح ومعاهد اولديغی حالده وندكلورك
مواعيد كشيده سنه طيانه مدقلندن كويا دولتك رضای يوق ايسوده
اهاليك امانه سنه پرده كش ممانعت اولنده مامش اولق صورتنده فرانسه
قرانك عم زاده سی اولان پرنس قومانداسنده اوله رق اون بش بيك قدر
فدايی عسكري مالطه وپایا كیلر يله برابر التمش قدر سفن حربيه به تحصيل
وقنديه قلعه سنه توصول اولمغه عساكر مزبوره كمال نخوت وغرور ايله
قلعه دن چيقوب جيوش اسلاميه اوزرينه هجوم ايتدكلرنده پرنس مزبور
ايله ايكيبيك قدری قطره سيفدن امرار اولوب بقيه سی رجعت قهقري به
مبتلا اولدقلری مثلاً سفن حربيه دخی ساحلده بولنان اسلام طایفه لرینی
طوپه طوتمش لر ايسوده برشيئه قادر اوله مدقلندن بشقه طقسان قطعه
طوپي حامل اولان برکبر قالیونلری اغراق وماعداسی دخی رخنه دار
ايدللكه بقيه سی بقیه السیوف اولان فرانسه زلی الوب مملکتلرینه عودت
ايتديلر بيك تمش يدی ذی القعدة سندين سگسان سنه سی جهادی الثانيه سنه
قدر ايکی بچق سنه قدر پیرامن قلعه ده آتش حرب و قتال كرما كرم استعمال
اولوب وندكلوزده طاب وطاقت قالمامش وهر جانب دن مأیوس اولمش
اولدقلندن قنديه قلعه سی تسلیم ايله عقد مصالحه يه اظهار طلب
ايدكلرينه بناء حلب والیسی ابراهيم پاشا وقول كنجنداسی ذوالفقار اغا
ودیوان همایون ترجائی بنايوط بك مأمور اوله رق قنديه قلعه سی كافه
طوب ومهماتيله جانب دولت عليه تسلیم اولنق وصوده قلعه سیله
مفرز بر جزیره صغیرده واقع اسپرلونه پلنقه سی وعصر ابراهيم خانیده
وندكلورك يد استیلارینه كچن كلیس یعنی بهكه قلعه سی وندكلو اللرنده
قالق واقد كزده اسلام سقینده سی ضایع اولور ايسه ونديك طرفندن تضمین

ایلامک شرطری و شرائط سائر ایله عقد معاهده اولندی و قندی قلعہ سنک
تعبیرات و لوازمات مقتضیه سی تمیم قلندقدن صکره سردار اکرم ادرنده
رکاب همایونه واصل و انواع التفات خسروائی به نائل اولدی
قریم خانی عادل کرای شیرین بکری حقنده ظلم و غدره اجتناسار ایتمکله
رکاب همایونه و قوعبولان شکایاته مبنی مسند حکومتدن تعزیل و یک
سکسان بر سنه سی و اوخرنده رزمی بهادر کرای مر حومک اوغلی سلیم کرای
تخت قریم ایله تجیل اولندی

له دولتی توابعاتندن صاری قامش قزاقی خطمانی رکاب همایونه دخالت
ایدرک بندکان دولت سادکنه قبول و طبل و علم احسانیه واصل مسؤل
قلندیغی حالده اهلورک خطمان مر قوم اوزرینه هجوم ایللری باعث
انفساخ صلح صلاح عد اولنده رق یک سکسان ایکی سنه سی و اوخرنده بالجمله
ارکان سلطنت و عساکر دولت ایله پادشاه حضرتلری بالذات علم افراز
جهاد اولوب بودلیا ایالتک مقری اولان قانیجه قلعہ سی و جوارنده بولنان
پلنقلر قح و تسخیر وله ممالیکی سرتاسر غارت و بوز یکدن زیاده اسیر
اخذ و اخراجیه جیوش عثمانیه دلسیر نعمت مظفریت قلندیغنه مبنی له
حکومتی بالضروره طالب استیمان اولدیغندن قبائل تاتاردن اولوب خیلی
وقتدنبرولهستانده قامش اولان لبقه تاتارلرندن دارالاسلامه چیقمغه
عزیمت ایدنلره ممانعت اولنماق و بودلیا ایالتی کافه ملحقاقبله طرف دولت
علیهده قالمق و او قرائیا قطعہ سی سالف الذکر صاری قامش خطمانی
درشتنوبه تسلیم اولنده رق بر وجهله تعرض ایلامک و قریم خانته ویربله
کلان مقننات و هدایادن ماعدا رکاب همایونه سنوی یکرمی ایکی یک
النون تقدیم قلمق شرطلرینک علاوه سیه معاهده سابقه تجدید اولنوب
پادشاه غازی دارالسلطنه جانبده عودت بیوردیلر لکن اهلورک مؤخر
نقض عهد ایله خوتین جانبده هجوملری استخبار اولندیغندن جیوش
عثمانیه ایکی سنه دهها لهستانی پامال سمند غارت ایتمکله چارناچار اجرای
شرائط صلح سابق اختیار ایلدیلر

یک سکسان یدی سنه سی و اواسطنده ادرنده عزیمت همایون وقوع
بولدقده صدر اعظم فاضل احمد پاشا انانی راهده ارتحال دار بقا ایدوب
کوپرلی مر حومک واد معنویسی اولغله فاضل احمد پاشا ایله برلکده

نشو و نما بولش و فاضل مشارالیهک مدت صدارتندہ رکاب همایون
 قائم مقام بفرمودہ استخدام قلنش اولان مرزیفونی قرہ مصطفی پاشا صدر
 صدارتہ اعتلا ایلدی هر حوم مشارالیه بکرمی سکر یا شدہ حازر مسند
 صدارت و اون الی سنہ تنسیق ساز مصالح دولت و ملت اوله رقی فتوحات
 عظیمه نائل و زمان صدارتندہ گوکہ سلطنت قاہرہ عصر سلیمانیدہ
 اولان رونق و شوکت مرتبہ سنہ واصل اولشدر علم فقه و فلسفیانده یکانہ
 و اخلاق حمیدہ ایلہ فرید زمانہ اولوب فقط استعمال مسکراتہ ابتلاسی
 کنج یا شدہ موجب وفاتی اولدی

اہل ولایت پنجه تحکیم لرندن تخلص و تفریق اولنان قزاق خطمانی درشنقو
 مؤخرہ مسعودلہ تحویل تبعیت و اوفرانیا ممالکنک دارالاماردسی اولان
 جہرین قلعه سنی تسلیم مبادرت ایتمکله قریم خانی سلیم کرای خان ایلہ
 وزرادن سردار تعیین قلنان ابراہیم پاشا قلعه هر قومہ نک ققندہ اقدام
 و غیرت ایلدی لر ایسہدہ قدرتیاب تسخیر اولہ مدقلرندن بو تہمت ایلہ ایکبسی
 دخی معزول و مسند خانی بہ مراد کرای موصول اولوب ایرتسی سنہ یعنی
 بیک طقسان تاریخنده پادشاہ حضرتلری بالذات اختیار کلفت سفر
 و طونہ نہرینہ لدی الوصول صدر اعظم قرہ مصطفی پاشایی خدمت
 سرداری ایلہ موقر ایدرک ارسال ایلدی قلعه هر قومہ اوزی نہرینہ
 منصب اولان تاجہ صوبی کنارندہ واقع اولوب طونہ نہرینہ یوز الی
 ساعتدن زیادہ اوزاق و ممالک عثمانیہ ایلہ منقطع الاتصاق اولسنہ مبنی
 بعض ارکان دولت نظرندہ بوقدر کلفتہ و اختیار مصارف و مشقتہ دگری
 اولماقی مطالبہ سی دوران ایتمکده ایدیسہدہ صدر مشارالیه مقام
 صدارتندہ پایدار اولہ بیلسنی خدمات فاخرہ ابرازینہ و ایستہ کوردیکندن
 بویابده فوق الغایہ اقدام و اعتنا ایدر ایلدی

استطراد سلطان مراد خان اول عصرندہ قاضی عسکر ایکن منصب وزارتہ
 اعتلا ایدن و خیرالدین پاشا نامیلہ امامہ سبجہ صدارت اولان چاندر او
 قرہ خلیل کہ بنیان دولت عثمانیہ نک تشیدی حقندہ خدمات مبرورہ ابرازینہ
 موفق اولان ذات عالیقدر در بر کون خداوندگار مشارالیه معرض
 تعلیمہ نوقت سفر ایتک لازمدر دیو سوال ایتمکله پادشاہ هر حوم دخی

احتیاج قوی اولدیغی و غلبه دخی امید قوی تحتند بولندیغی حالده سفر
اختیار اولنور دید کده پاشای مشارالیه واقعا بویله در لیکن بر شرطی دها
واردر که اودخی سفرک ضمتند دواتجه منفعت متحقق اولمقد کلامیله خانه
زیب نصایح اولمشدر واقعا قره مصطفی پاشاک اشو جهرین سفری
شرائط مشروحه احکامنه بالکلیه منافی ایدی

هرنه حال ایسه معسکر همایون قلعه مر قومه پیشگاهنه واصل اولسیله
برابر قرق الی بیک کشیدن مرکب بر مسقو اردوسی دخی کلمش و قلعه به
یکرمی بیک قدر عسکر وضع ایلمش اولدیغی حالده زور بازوی هجوم
موحدین ایله قلعه مر قومه عنوة تسخیر وایچنده بولسانلر کاملاً تدمیر
اولندی و بو کیفیت خارج قلعه ده بولنان مسقو لولرک مشهودی اولدقده
در حال فراره شتابان اولدقلرندن بر مقدار تعقیب و بعده عودت اولنهرق
قلعه نیک محافظه سنده عسرت درکار و دولت علیه چه لزومی اولدیغی
آشکار اولق حسبیه بالتخریب صدر مشارالیه اردوی همایون ایله مراجعت
وساسترده رکاب همایونه مواصلت ایلدی ایرقسی سنه ینه سفره
حاضر لقمده ایکن روسیه او جانبدن ایلچی کلوب صلحه طلبکار اولغله اوزی
نهرینک صاغ طرفی دولت علیه به وصول جهتی روسیه لویه عائد اولق
اوزره تنظیم صلح و صلاح قلندی

یدی قطعه جسم فرانسسه قالیونلری خصماری اولان طرابلس غرب
کیلرینک ساقز لیمانده اولدقلرینی خبر المغله کلوب سفن مذکوره ایله
قلعه به طوبلر انداخت ایدرک خیالوجه خسارت ایتدکلری معروض
در دولت اولدقده صدر اعظم فرانسه ایلچیسینی جلب ایله تضییق و تهدید
و بو خصوصدن طولانی ترضیه و تضمین ویرلدیکی صورتده ممالک محروسه ده
بولنان فرانسه تجار و تبعه سنک تحت توقیفه انه جغنی بسط و تهدید ایتمکله
ایلچی مزبور بالضروره مطالب دولت علیه نیک اجراسنی در عهده وسند
اعطا ایدرک تخلص کر بیان ایلدی و بر قاج آی مرورنده فرانسه قرالی
طرفدن اعتذاری و جوابشه متجاسر اولنلرک قوبا تأدیب قلندقلرینی
منضم نامه مخصوص ایله التمش بیک ریال قیمتند هدیه تقدیم اولندی
اورته مجار حاکمی و امراسی بهر سنده و یانه کبدوب امیراطور ایله ملاقات
ایتمک قاعده قدیمه اقتضاسندن اولغله تقریباً بیک سکنان تاریخ

هجر یسنده واقع اولان ملاقاتده قانولیک مذهبنی قبول ایتملمری اوزرینه
اورته مجار حاکمه بعض امرا ایمراطور طرفندن قتل واعدام اولمش
وحاکم مقتولک اوغلی اولان توکلی امره ارتق اورته مجار ستانده اقامت
ایده میوب قبیله وتوابعانبه ممالک سلطنت سینه دن اگری ایالتی اراضیسنده
کچهرک اوراده اقامت ونجه لولرک غدر وظلملرندن تحصیل امنیت ایلشیدی
منزبور توکلی امره باباسنک انتقامنی المق ونجه لولر الله کچن حکومتی
قور تارمق مقصدیله هر یار دولت علیه عرض اخلاص ومطاوعت ومملک
موروثنک استردادی باینده استدعای مرحمت ایتمکدن خالی دکل ایسه ده
فاضل اجد پاشا مرحوم کندو الیه منعقد اولان نجه مصالحه سنک
انفساخنی موجب ویک چوق دماء بشریه نک ریزان اولسنی مستوجب
اوله جق بویه برایشه مباشرتی تجویز ایلدیکنندن کجشدر مکده اولدیغی
حالده صدر وقت بولنان قره مصطفی پاشا اشتهاد ذاتیسی احکامند نمیدر
یوخسه بعض تاریخلرک بیانی وجهله توکلی امره جانبندن عرض
وتقدیم اولنان مبالغ کلیه یه طبعند نمیدر هر فصل ایسه منزبوری واصل
مطلب ایلیک التزام مالا یلزمی اختیار وبودین والیسنی اولحو الیده اولان
سرحدات امرا وعسکر یسنه سردار ایدرک توکلی امره الیه معاً
ارسال ایلمکله اورته مجار ممالکنی کاملاً ضبط وتسخیر ایتدیروب سنوی
رکاب همایونه قرق بیک التون تقدیم اولمق شرطیله مشارالیهی قرال
نصب وتشرفیات لازمه الیه عهد نامه همایون اعطا ایتدیردی حتی
قرال مشارالیهک وارد اولان نامه لرنده « معین آل عثمان اطاعت
اوزریم امره قرال اورته مجارم که نام توکلی امره » امضای
منظومی مسطور اولدیغی مشهور وکندوسی دخی اردوی همایونلر
معیتنده چوق خدمت لرده بولنوب قرص قرالی نامه مذکور اولمشدر
دوات علیه نک سطوت وشوکتی حد کمالده اولق حسبیه فوجده براقلم
قرال مشارالیهه ضبط ایتدرلشیکن نجه لولر مدافعه یه جسارت
ایده مدکلرندن فاضل اجد پاشا صلح نک مدتی منقضیه اولق اوزره اولدیغی
وسيله عدایدرک ایلجی ارسالیله تجدید معاهده یه طلبکار اولدیلر
اورته مجار قرال لغنی دخی نجه لویه تصدیق ایتدیرمک ممکنلندن ایله یسه ده
صدر اعظم نجه اوزرینه سفر کشادینی التزام وراپه وقعده سی سلطنت

سینه‌ک شهنامه عظمیٰ رفته لکه برآید یغدن انک ازالهی لازمدر دیرک
ذات همایونه عرض مرام ایملکه تحصیل رخصت سینه ایلد کدن صکره
نمجه ایلچیسنی یکچیری اغاسی بولنان وزیر مصطفی پاشایه جلب ایتدیروب
تجدید مصالحه یانق قلعه سنک طرف دولت علیه تسلیمده وابسته اولدیغنی
افاده ایتدیردی ایلچی موعی الیه بوتکلیفدن نتیجه میادی تفرس ایدرک
قلعه النوب و برانک محاربه سز اولور و بتر ایشلردن دکلدر دیوجواب
و بر دیکته مبنی امر سفر تقرر ایملکه بیک طقسان درت سنده سی اوائلنده
پادشاه زمان سلطان محمد خان حضرتلری جانب بلغراده سوق موکب
عظمت ایدوب اورادن صدر اعظمی یانق قلعه سنک فتح و تسخیرینه
سردار تعیین و تسیار بیوردیلر

صدر اعظم و یانه بی تسخیر واورته مجار قرالی توکلی امره بی قرال نصب
واقعات ایملکی ذهنده قرار ایشلیرمش اولدیغدن بودینده عقد اولنان
مجلس مشورته پیش توجه جزده اولان یانق وقوعمران قلعه لرینی ضبط
ایملک ایچون اوغراشمقدن ایسه طوغریجه و یانه به کیدیلوب تسخیر اولنسه
بونلر طبیعتیه تسلیم اوورلر دیو ایراد مافی الضمیر ایتدکده بودین والیمی
ابراهیم پاشا واردل قرالی ایاق میخال اولان یانق قلعه سی فتح اولنوب بعده
ویانه اوزرینه کیدیلکی سوق ایلدیلا ایسده صدر مشارالیه قرار داده
ضمیردن واز کچمامکله و یانه به کیدلک خصوصی تقرر ایلدی و یانق آلتیه
لدی الوصول محافظ قلعه بولنان جزاله تسلیم حصار ایملی ضمینه خبر
کوندلرلنسه جوابا سزک اقصای مراد کز و یانه اولغله انی قحه موفق اولور
ایسه کز بلا جنک وجدال تسلیم قلعه ایدرم اگر یانغی محاصره ایلر ایسه کز
المدن کلدیکی مرتبه مدافعه ایده حکم جهته به یهوده ایشکزدن قالورسکز
دیملکه بودخی صدر مشارالیهک مطامعانه موافق کورند یکنندن اردوی
همایون بلا توقف و یانه اوزرینه توجه ایلدی نمجه ایمراطوری و یانه
محافظه سنی معتمد جزالره تودیع و کندوسی پراغه شهرینه عزمت ایدوب
اطرافدن استمداد و تنظیم اجناد ابله مشغول اولهرق اردوی همایون دخی
ایکی آی قدر و یانه بی محاصره ایلدیکی حالده بکرمی درتیک له و او توز بش
بیک نمجه عسکرله قرق بیک مغباری جیوش سازه و معاوندن مرکب
براردوله قرانک قومانداسی آلتیه اولهرق امداده کلوب بیک طقسان

درت سنه سی رمضانک یکر منی کونی وقوع بولان مقابله عظیمه ده عسکر
اسلام مبتلای انهرزام اولغنه بالجه طوب و مهمات و جا درل گرفتار دست
اعدا اولدی

عصر احمد خان ثالثه سلحدارلقدن چراغ اولان قندقلیلی محمد اغا
بوتاریخلرده اندرون همایونده بولغنه وقعده حاضر بولانلرک و مؤخرا
تحت استنطاقه النانلرک افادتدن مطلع اولدیغی اسباب انهرزامی تاریخ
مشهورنده شو و جهله بسط و ایراد ایدر که اولا بوسفرده اردوی همایونده
مجمع اولان عسکر هیچ بروقتده کورلمدک درجه ده کثرت اوزره اولدیغنه
ومالک عثمانیه دن خلیجه تبعاعد قلندیغنه مبنی مدت محاصره برماهی تجاوز
ایتد کدن صکره ذخیره و مهماتده مضایقه حاصل اولغنه پاشلادی و کیدرک
عسکره یورغلق و فتور عارض اولدی ثابا دشمن عسکرینک تقریبی استماع
اولندقدن عقد مجلس مشاوره اولنوب اکثر ارکان و امرای محاصره بی ترک
و مترسلرده اولان طوبلری بالا استصحاب کافه جنود اسلامیه ایله مدافعه
دشمنه کیدیلوب بعده اقتضای حاله کوره حرکت اولمنی تصویب ایلمشله
ایکن صدر اعظم ترک محاصره بی تجویز اتمامکله کوجک طوبلر و خفیف
عسکر ایله مقابله قلندی و بعد الانهرزام اردوی همایون مرکزنده دخی
پایدار اولنده مدی ثابا دشمن طونه نهرینی کجملک اوزره اولدیغی
استخبار اولندقدن و منع مرورلری ایچون قریم خان مراد کرای خان عساکر
تاتار ایله اعزام قلندیغی حاله مشارالیه صدر اعظم دن دلکیر بولمنسینه
بناء اوزاقدن دشمنک مرورینی تماشایدوب اصلا ممانعت قیلنده اولندی
رابعا ابتدای محاصره دن برای مرور ایتد کدن صکره هر وقت اولسه
هجوم ایله ظفر مقرر ایکن مظنون اولان اموال کثیره نک یغمایه
کیتما مسیچون صدر اعظم قلعه نک استیما نا تسخیرینی التزام ایلمدی دیو بیان
تحقیقات ایدر

ایکن صدر مشارالیه هر قدر جمع ماله تهالک ایله مشهور ایدسه ده درایت
ولایاتی دخی مسلم اولدیغندن اردوی همایونی باصمعی ایچون تدارکات
عظیمه بی استماع ایدوب طورر ایکن فوت فرصت ایلمسی و قریم خانک
صدر اعظمه مغیر اولسی جهنیه عجمه عائد اوله برخیاسته جصارت ایتمسی
مستبعد کورینور و مفتربات جهله سندن ظن اولنور

صدر اعظم اطرافه پریشان اولان عسکرک اجتماعی ایچون اوج کون یانق
قلعه سی التمه اقامت ایتد کدن صکره بودینه واصل اولوب وبانه
محاصره سی مذاکره شده خلاف رأیده بولنان ابراهیم پاشانک جنک کونی
پیشرو منهنزین اولدیغنی غرضه حل ايله قتل و قریم خاننی عزل ایدوب
تاتار اردو شده بولنان حاجی کرای منصب خان ايله ایحال ایلدی
له قرانک یکر می بیک قدر عسکر ايله استرغون اوزرینه کادیکی استماع
اولمغله برقاج بکار بکی ايله بر مقدار عسکر کوندرباوب وقوع بولان
محاصره ده قرال مشارالیه بوزلش ايسده ایکی کون هر ورنده تکرار قوه
جسمیه ايله عودت ایدوب بوکره عساکر اسلامیه تاب اور مقاومت
اوله مدیغندن قلعه هر قومه گرفتار دست دشمن اولدی

خبر انهرام بلغرادده پادشاه حضرت تلمینک مسموعی اولدقده اردوی
همایونک ورودینه توقف ایتیه رک کال تهور وانفعال ايله حرکت وادرنه
مواصلت ایلسنی متعاقب صدر مشارالیهک خصم قویلهی بولنان
دارالسعاده اغاسی یوسف اغا وفاضل احمد پاشا کنخدالغندن میراخور اول
اولوب ذات شاهانه به تقرب تام حاصل ایدن صاری سلیمان اغا قائم مقام
بولنان قره ابراهیم پاشایی که صدر اعظمک کنخدالغندن رکاب قائم مقامی
نصب اولمشیدی وعد صدارت ايله انقدیسنه اختیار خیانته میل
ایتدروب اوجی برین کانون غمز و نفاق اشغال برله صدر مشارالیهی
اعدام ایتدیردیله مشارالیه ابراهیم پاشا صدر عدارته و سلیمان اغا رکاب
همایون قائم مقاملغند اعتلا ایلدی مقتول مشارالیهک خطیاتی منکر دکل
ایسده قدرت و لیاقت صاحبی و حیثیتی برادم اولدیغندن ایقا اولنسه
تلافی مافات مظهر بنی مأمول قوی ایدوی اتفای کرده مورخیندر

وندیکلورک بوسنه حدودند بعض تجار و زلری وقوعنه مبنی ایلچیلری
قبل السفر تضییق و تهدید اولدقده بشیوز کیسه اچیه جریه تقدیمه
نجه مواخذدن تخلص کریبان ایتشار ایدی بوباده صدر مقتولک
خاکپای همایونه تقدیم ایتدیکی تقریرنده شمعیلک بواقچهک اخذیله
اغراض مین اولوب نجه محاصره سی بتدکدن صکره وندیکلور حقهده دخی
ترتیب محازات اولنسی مسطور و اوزرینه بووجهله اجراسی ایچون خط
همایون صحیفه زب صدور اولدیغندن بو کاغذ وایله انهرامنده نچد لورک

النه كچوب وندكلوره ارانه اولمغله انلرك دخي نقض عهدينه سر رشته
اولدى بنابرین تجهيز ايلدكلرى دونما ايله موره جزيره سته هجوم واول
امر ده اياموره قلعه سنى استيلا ايلديلز

قره ابراهيم پاشا نيل صدارت ايله كامروا اولدى ايسده نجه وله ووندك
دولت ليله محاربه قبولى اچلدن ايشك وخامت عاقبتدن اندیشه به
دوشمكله بالذات سفره كتمكدن اجتناب وهرجانبه سرعسكر ارساليه
كندوسنك پادشاه ياننده بولمسنى استصواب ايدوب بورأى خواه ناخواه
طرف شاهانه قبول ايتيردى وخان اسبق سليم كرايى خلعت
حكومت قريم ايله تبجيل وله طرفه تسير ايدوب نجه سرعسكر لگنى
اردوى همايونده بولنان يكچرى اغاسى تكفور طاغلى مصطفى پاشايه
وموره سرعسكر لگنى يكچرى اغاقلندن متقاعد خليل پاشايه تحمیل و تفویض
ايلدى اگرچه هر طرفه عسكر ومهمات ارسالنده اقدام وغیرقى مشهود
ايديسده مع مافیه حرکات حربیه بى تحصيل استقلاله الت ايدرك اون
يش سنه دنبروز بر ثانی وداماد سلطانی اولان مصاحب مصطفى
پاشایى قبودانلقه وقائم مقام سلیمان پاشایى بابا طاغى سرعسكر لگيله قرب
پادشاهیدن تبعید وجزئیچه مغیر اولدیغى كسانی برر صورتله تنکیل
وتهدیده قیام ايله مظهر دشنام انام اولدى سردار مصطفى پاشا مدافعه
هجوم دشمنه موفق اوله مدیغى مثلاً ایرتسى سنه سرعسكر نصب اولنان
ابراهيم پاشا دخي استرغون جوارنده بوزايدنندن هررينك قحی برشهریار
نامدار ویا بر سردار ظفر شعاره باعث اشتهاى اولان قلاع عتیقه انسداد
طرق اعانه دن ناشى ذخیره سزاكمن قولای قولای گرفتار كند استيلا
ومورده اولان حرکات عسکریه دخي كوندن كونه فنا اولمغله باشلادیغنه
مبنى پادشاه حضرتلى صدر اعظمك بالذات سفره كتمى خصوصه
اصرار ایلدیكندن تمارض وتنظیم امور دن كف يد ايلكله بالضروره
طقسان یدى سنه سى محرمنده عزل وسليمان پاشا صدر اعظم وسردار اكرم
نصب اولندهرق بودینه طوغرى سوق سمنه اعتراف ایلدى وموزول
دشارالیه حجه كتمك ایچون مأذون اولمشيكن مؤخرافى وقل قلندی
سنه سابقه نجه اولر بودینی محاصره ايدوب لکن قدرتياب تسخير
اوله مامشلىر ايكن بوسنه تکرار محاصره به آغاز ايلدكلرينه و صدر اعظم

تخلیصند جهد و غیرت ایلایکی حالدہ موفق اولامدیغند مبنی قلعہ می قومہ
دست اعدایہ گرفتار اولدیغی مثللو ایرتسی سند دخی عسکر اسلام اوسک
جوارنده مبتلای کسر وانہزام اولغله اردوی همایونده اختلال حادث
اولوب ظاہرا صدر مشار الیہک بعض حرکات نابجاسی موقع بحثہ وضع
اولندی و بوسیلہ مشار الیہ سلیمان پاشا استانبولہ فرارہ مجبور اولمسیلہ
اتفاق عامہ ایلہ بوسنہ والیسی سیاوش پاشا اردوی همایون قائم مقاملغند
انتخاب قلندی

پادشاہ زمان سلطان محمد خان حضر تلی اوان شہا بندنبرو مبتلا اولدیغی
صید و شکار ایشنی مرتبہ افراطہ ایصال و سلطنت سنیہک بویہ بر مضایقہ
و بحرانی حالندہ کل یوم کشت دشت و کھسار ایلہ اشتغال ایدہ کلدیکندن
کافہ انام علنا طعن و تشنیعہ قیام و کرسی شیخری غیسا و وجاہا فصل
و مذمتی التزام ایلشلا ایدی شیخ الاسلام چتالجلہ علی افندیکن و خلنی
انقرہ لی محمد افندیکن بوکیدشک عاقبتی و خیم اولہ جخی حقندہ اولان
اخطار لری بروجہلہ تأثیر ایتماش ایکن اردوی همایونده واقع اولان
اختلال خبری واصل اولدقدہ تدارک مافاتہ قیام ایلندی ایسددہ فائدہ
وبرمدی حضور همایونده عقد اولنان مجلس مشورتہ قائم مقام رجب پاشا
اردو خلقتک تأدیب و تربیہ لری تہجد ایلہ صدارتہ طلبکار اولدیغی حالدہ
ارباب اختلال ایلہ سرا متفق و بلکه مشوق اولنار دخواہ سپاہہ مساعدہ
کوستریلہ رک بالسهولہ غائلہک اندفاعنی سوق ایتلریلہ و پادشاہ
حضر تلی دخی بوضورتی اختیار ایتماکہ مہر همایون سیاوش پاشاہ
احسان و اولیادہ اصدار اولنان خط همایونده صوفیہ و یاخود فلبندہ
مشتا نشین اولملری امر و فرمان بیورلدی واستانبولہ محتفی اولان
سلیمان پاشا الہ کنیر یلوب تألیف قلوب عسکر بہ ایچون قتل و سر مقطوعی
اردوی همایونہ فرستادہ قلندی مشار الیہ سیاوش پاشا کوپرلی مر حومک
ہم کولہ سی و ہم دامادی اولق حسبیلہ موجب تہوین مصلحت اولور
ظننہ مبنی کوپرلی زادہ فاضل مصطفی پاشا مقام قائم مقامیہ اقعاد
اونوب حالو کہ فاضل مشار الیہ قرہ مصطفی پاشا صدارتندہ رتبہ وزارتہ
تکریم اولمشیکن صدر مشار الیہک قتلدن صکرہ برقاچ مرتبہ تحقیراتہ
گرفتار اولدیغندن قائم مقامی ایچون حضور همایونہ کبرد کردہ پادشاہ

حضرتلی باباک و فرزنداشک صدرت لرند پک راحت ایتشیدم و سکا چوق
 جور و اذا ایلدم دیواعتذار و شو غائله نك اندفاعنه غیرت ایلدیکی حالده
 هر وجهله نائل مکافات ایدجکاربینی تذکار بیوردقلربینی اولوقت خاص
 اوطه اغارندن اولان قندقلیلی محمد اغا تاریخ مشهورنده روایت ایدر
 و خفیا سیاوش پاشایه تأیید صدارتی و اوندات سر چشمه سی اولان یکن
 عثمان بکه رتبه وزارت ایلله کریمه لری خدیجه سلطانک تزویجی و عده
 ایلدیله ایلده ده بونلرک هیچ بریسی افکار عامه نك جریانته سند اوله مدی
 اردو خلقی وارد اولان خط همايونله اصلا النفقات ایتبه رک و بریده
 توقف و آرام ایلله میهرک سائوری به واصل اولدقلرنده استانبوله دخواندن
 مقدم تبدل سلطنت خصوصنی باعرض محضر اعلام واستدعا ایتلریله
 بیک طقسان طقوز سنه سی محرمک ایلکبی **کونی** قائم مقام پاشانک
 دعوتنامه لری اوزرینه بالجله علما و ارکان دولت ایا صوفیه جامعده
 بالاجتماع مزبور عرض محضر قرائت اولدقدن صکره اتفاق عامه ایلله
 سرای همايونه کیدیلوب سلطان محمدک کوچک برادرلری سلطان سلیمان
 ثانی تخت عثمانیه اجلاس قلندی پادشا مخلوع یدی یاشنده جالس اورنک
 سلطانی و قرق بچق سنه حکم فرمای ملک عثمانی اولوب بعدالخلع بش سنه
 قدر گوشه نشین انزوا اولدقدن صکره ادرنده وفات ایتش و نعشی
 استانبوله کوندریلوب بغچه قیوسنده واقع والدرلی تربه سنه دفن ایتدیرلشد

❀ باب ثالث تکمله سی ❀

اشبو باب ثالث حاوی اولدیغی زمانکه بیک اوچ سنه ستدن بیک طقسان
 سکن سنه سی غایتنه قدر طقسان بش ییلاق وقوعالندن عبارتدر مدت
 مزبوره سلطنت سنیه نك اوان سن وقوفی ایلده ده اوائلنده انحطاط خفی
 و اواخرنده انحطاط جلی احکامی سرزده ظهور اولشدر چونکه
 یو عصرده دولت علیه اوروپاچه ضایعات ملکیه یه گرفتار اولیوب بلکه
 کرید و ابوار و قنیره و بودلیا و اوقرانبا ایاالتربینی حوزه حکومته ادخال
 ایلله توسیع دائره سلطنت ایتشیکن آتیده تفصیل اوله جنی وجهله اداره
 ملکیه و نظامات عسکریه و مالیه سی قرین اختلال اولدیغندن هر بریسنده

در لو در او فنا قلر ظهور ایلدی ازان جله غرب اوجاقلری برنوع جهوریت
حالی اکتساب ایدرک اگرچه اسفار بحریه ده موجود اولان مکیلرله
کلوب خدمته بولنورلر ایدیسه ده طرف دولتدن والی کوندرلک و امور
اداره لرینه مداخله ایدلک قابل اولیوب حل وقوعنده دای تعیرایتدکاری
ضابطانک انتخابله مسند امارته اقعاد اولنان آدمه پاشالی و تصدیق
امارت امر عالیسی کوندریلور اولدی بو اوجاقلرک طرف دولت علیه
معین ویرکولری اولیوب فقط ایکی اوج سنده برکه خاکپای همایونه هدیه
تقدیم ایدرلر وجانب سلطنت سنیددن طوب و کهرجله و باروت کی
لوازمات حریه احسان قلنور ایدی

مصرده دخی برلی قوی نامیله عساکر موظفه اوله رق اولاد ترکدن مرتب
اولان یکیمیری و سپاه و سلحدار نفراتک قاعده نظامیه لرینه و استبدال لرینه
اعتنا اولمادیغندن مرور زمان ایله برلی حکمنی اکتساب و جیوش منتظمه
هیئت و قوتنی ضایع ایلرله کوله من بکاری تغلب و تفرد و مصر والیرینک
حکومتی بر امر رسمی درجده سنه تنزل ایلدی امرای مزبوره ارسالیه
نامیله جانب دولت علیه کوندریله چک ویرکوبی و حجازه مرتب اولان
ذخاری و والیه معین اولان عوایداتی ترتیب و ارسال ایله مصالح حکومتی
کیف مایشاء اجرا ایدر اولدیله اداره کیفیه لرینه مانع اولق صدندن بولنان
والیرلی مقام حکومتدن تنزیل و درلو مفتریات ایله طرف دولته عرض
محضر تقدیم ایدوب دولت دخی حقیقت حالی یلور ایسه ده بالضروره
انماض عین ایدرک دیگر والی انتخاب و ارسال ایدر ایدی بنابرین مصرده
نفوذ حکومت تناقص ایلسمیله بحر احمر سواحله لایقیه باقیله مدیغندن
ایالت بمن ال مطهر اماملری زیر حکمنه کیردی و حبش ایالتی سواکن
و مصوع اسکله لرینه منحصر قالدی

ینه اسباب مسروده و صیق صیق تبدل و لائه مبنی بغداد والیرینک دخی
اسکی قوت و سطوتلری زائل اولدیغندن لاسا و قطیف طرفلرینه عربان
مستولی اولدی

و برقاج کره حادث اولان جلالی اشقیاسی سببیه و ایران سفرلی تقریبیه
نفوس کلیه تلف و ضایع اوله رق اناطولینک معورت سابقه سی تدنی ایلدی

دولت عنفوان شبانده قوه نشو و نما سی اداره جہ اولور اولماز
 او یغونسزقلرک آثار مضمره سی محو وازالہ ایدر ایکن قوای ملکہ شیب
 وهرم عارض اولدوقده جزئی خطار بیوک یارملر آچغده سبب اوله کلدیکی
 جہتلہ بو عصرک خواصندن اولق اوزره اداره امور دولت اهل واریابی
 انه کجکجه هیبت و عظمتی دهشت بخشای یار و اغیار و سبکمزانت ید بی
 اقتدارینه دوشدکجه انواع مضایقه و مشکلاته گرفتار اولغده باشلادی
 بوقضیه کوپر یلی مر حوم ایله اوغلی فاضل احمد پاشانک یکر می سنه دن
 متجاوز اولان اعوام صدارت لرنده تمامیلہ می کز ثبوتہ واصل اولمشدر چونکہ
 جلالی وقعه لری و عثمان خان شهید حادثه سندن صکره اون بش سنه
 تمتد اولان شورش و اختلال و محمد خان رابع جلو سندن کوپر یلی صدارتنه
 قدر می ور ایدن سکر سنه قدر زمانده مشاهده اولنان فتن متابعه و کلانک
 عدم اهلیت و ایماقتدن منبت اولدیغی «الاشیاء تنکشف باضداهها»
 قاعده سیله معلوم اولمشیکن اختلالات سابقه یی بیلنلر ازالوب بلیانلر
 ایسه اسباب دولتی دوندرمک هر کس ایچون ممکندر ذهانبه دوشدکلرینه
 و کویا عاقبت اندیش کچنان نوظهورلر کوپر یلیارک اقبال و استقلال بر زمان
 دها پایدار اولور ایسه شرکت سلطنت می تبه سنه رسیده اولور دیو خاطر
 همایونه بروهم بر اقدقلرینه مبنی و یانه انهر زامنندن صکره کوپر یلی خاندانه
 بر بغض و عداوت میدانہ چیقدی و قره ابراهیم پاشا و صاری سلیمان پاشا
 کی او خاندانک پرورده نعمتلری اولان اچقلر بیلہ علیهلرینه قیام ایدوب
 کوپر یلی اوغلی فاضل مصطفی پاشا و عموجه زاده حسین پاشا و سایر
 کوپر یلی متعلقاتی قرب دولتدن تبعید و اداره مهم امور قائم مقام رجب
 پاشا و امثالی مثلاً و بدشعورلرک انه تسلیم اولندی و در عقب نتیجه و خیمه سی
 ظاهر اولدی

مفصلات توار یخک افادتندن استدلال اولندیغنه کوره کرک کوپر یلی
 مر حومک و کرک فاضل احمد پاشانک استقلاللری درجه کالده اولسیله برابر
 لازمه عبودیت و تعظیمده اصلا قصورلری اولدیغی آشکار اولوب حتی
 قانیجه سفرینه کیدیلور ایکن حرم همایون حربه سی چامورک کثرتندن ناشی
 بر منزلده و قتیله یتشه مدیکی فاضل احمد پاشانک مجموعی اولدوقده او بیلہ
 ر وزیر عظیم الشان جادرینه انخس ایکن در حال حرب به نک اولدیغی محله

عودت و کند و بند یکی آتی عربیه قوشد بروب هزار کلفت و مشقت ایله
مژگانگاه کتوردیکی فرط عبودیت و تعظیمه دایلدن فقط اولوقتلر ایله
عصر من پینده ایکیوز سنه دن متجاوز مدت هرور ایلش اولدیغندن حکم
زمان لایقوله بیلنه من ایسه ده فاضل مشارالیهک صدارتنده اصاغه اولنوب
الان طوبخانه عامرده موجود اولان برجسیم طوبک اوزرنده برلوحه
دروننده پادشاه زمانک نامی و دیگر اوجه ده مشارالیه فاضل احمد پاشانک
اسمی منقش اولوب بو ایسه استانبولده تنظیم اولنان بومثللو شیلرده مخالف
اطوار اسلاف و اخلافدر

بوعصرک اواخرنده وندکلوردن گرید و نمچه لوردن ایوار ولهلوردن
قمانجه یعنی پودلیا و مسقولردن اوقرانیا ایالتلری ضبط و تسخیر اولمغله
اوروپاچه دولت علیه ایله محمدود اولان اشبو درت دولت یکیدن زخم دیده
ومانند ازدرهای دم بریده اولدقلرینه نظرا جزئی فرصت بولدقلری انده
بالاتفاق علم افراز هجوم اوله جقلری بدیهیاتدن اولدیغندن فتوحات
مزبوریهی هضم ایدنجه قدر تألیف و تحویف پینده برمعامله حکیمانه
اتخاذ اولمق فرائض حالیه دن ایکن قره مصطفی پاشانک تحصیل استقلال
و تقریر اقبال قصدیه واقع اولان سعی و اقدامه مبنی بیک طقسان درت
سنه سنده بلا ایجاب نمچه اوزرینه اعلان سفر اولنوب ویانه انهرامی واقع
اولدقدن صکره نمچه اولر مجارستانه ولهلور بودلیا ایالتنه و وندکلور مورهیه
وروسیه اولر ازاق طرفلرینه تجاوز ایللریله اون بش سنه ممتد اولان اشبو
محاربات عظیمه نک حاصل ایتدیکی نتایج ان شا الله تعالی باب آئیده تفصیل
واراد اولور

✽ احوال ارکان دولت و اداره امور سلطنت ✽

مره بعد آخری اجمال و تفصیل قشندیقی وجهله دیوشمره جوجقلربنک
گزیده و متناسبلری سرای همایونلره اخذ اولنوب تربیه و تلقین شرائط
اسلامیه اولدقدن صکره افرادی سپاه و سلحدار و علوفجیان یمین و بیسار
وغریبان یمین و بیسار دبیلان سواری بلوکلرینه جیقاریلور و سرای
همایونده قطع مراتب ایلیانلری ذکر اولنان بلوکلرک اغاقلربله و یاخود
اوزنکی اغاقلری تعبیر فلان میر عملاک و میر اخورلق و قیوجیلر کتخدانی

وقیوچی باشلیق مأموریتلریله جراح اولنوب بعده میرالوق و میرمیرانلق ایله
طشریه کوندریلور ایدی بو جهته ادا ب خدمت سلطنت و اداره امور
دوات خصوصاً بنی تعلم ایتدکن و طشره لده و سردارلر معیتده احوال
ملکیه و حربیه دخی کسب و قوف ایلدکن صکره خدماتی نظر تحسینه
لایق و قدره دخی موافق اولور ایسه رتبه وزارت نائل اولورلر ایکن مؤخر
ناز و نعیم ایچنده پرورده اولان وزرا و کبار زاده لر و شهر سایه پرورلرندن
طرف و تقریبی بولنلر سرای همایونه الله کلکله بولنلر دن سلحدار و چوقدار
ورکابدار و میراخور شهریارلر مثلاً منظور نظر التفات پادشاهی اولنلر دفعه
وزارتله بکام اولغه باشلادی

مستغنی تعریف اولدیغی اوزره دولت علیه ده درت طریق اولوب انک
برنجیسی ملکیه در که اربابی نوجهله ترقی ایلدکاری ذکر اولندی ایکنجیسی
طریق علیه در که مدرسلک مرتبه سنه نائل اولنلر اون بش یکرمی سنه طلابه
افاده و افاضه ایله ایفای وظیفه ایلدکن صکره الویه معلومه موالیتلرینه بعده
استانبول قاضیبلغه و اناطولی و روم ایلی صدارتلرینه و نهایت مسند مشیخته
ارتقا ایدرلر ایدی او جنجیسی قلیه رجالی اولوب بولنلر دخی خواجکانلق
تعبیر اولنلر قلم ضابطلکارینه و مناصب معلومه قلیه به مأمور اوله رق
متهای طریقاری نشانچیلق و دفتردارلق و ریسلک و دفتر امینلکی و شق ثانی
و ثالث دفتردارلقلریدر که مناصب مذکوره به مناصب سته تعبیر اولنور
در دنجیسی طریق سیفیه در که کرک پیاده و کرک سواری او چاقلرینک
ضابطانی اصول مرعیه لری و جهله کسب ترقی ایدوب فقط سردارلق
و قوماندانلق مرتبه لری میرمیران و وزیرایه تفویض اولنه کلمشیدی

وجه مشروح اوزره قاعده نک اساسی بوزلدیغندن فرعی دخی مختل اولغه
نشانچیلق منصبی اکثراً او مثلاً نو ظهور وزیرایه احسان اولنه کلدیکندن
بشقه یکجیری اغالغندن دفتردار و نشانچیلقدن قیودان پاشا نصب اولنور
اولدی و دفتردارلره دخی وزارت ویرلک قاعده حکمنه کیرمکله ارباب
سیف و قلم یکدیگری مناصبنه ارتقا ایده بیرلک قیوسی اچلادی طشره
والیالک و بکار بکیلکاری وزرا کتخداقلرند بولنلرله و ملتزمملیکده کسب
ثروت و یسار ایدنلره توجیه اولنوب مع مافیه وزرا دخی تکثر ایلدیکندن
روم ایلی و بودین و اناطولی و مصر و بغداد و شام کی مناصب جسیه

وزرایه تفویض و جزئی سبیلله بکار بکلمه دخی وزارت احسان اولمق
قاعده سی ظهور و کون بکون ترقی ایلدی فی الاصل منصب وزارت طرف
پادشاهیدن رخصت کامله یی متضمن اولغله وزرای عظام فرمان یازمغه
وطغرا چکمکه مآذون اولدیغی حالد وجه مشروح اوزره طشرده بولانان
وزرانک کثرته مبنی بومأذونیتک الغاسی لازم کلدیکندن سلطان ابراهیم
عصرنده کآنکش قره مصطفی پاشا صدراعظم ایکن طشرده بولانان
وزرایه امر کوندروب فرمان یازمقدن وطغرا چکمکدن منع ایلمش اولسنه
مبنی بوماده ارضروم والیسی بولانان نصوح پاشا زاده حسین پاشانک
عصیانته سبب اولمشد

دولت سننی الدفقه مصالح جاریه معاملاتنه اولان ساده لک دخی زائل
اوله رقی برطاقم قیودات و تدقیقاته احتیاج حاصل اولدیغندن درلو درلو
قللر ایجاد قلمسیله مناصب خواجکان دخی تزیید ایلدیکه تواریح متأخرده
اولان توجیهات دفترلنده مسطوردر

بکار بکی و میراوارک وظیفه مأموریتلری حوزه حکومتی تسلط اشقیادن
محارسه وزیر اداره سنده قلعه وار ایسه انلری محافظه ایتمک و عشائر و قبائلی
نحت فرمانبریده بولندیرمق و محلول اولان تیمار و زعامتلری اهل واریانه
توجیه ابتدیرمک و سفره مأمور اولدقدن زیر اوا سنده بولانان دیرلک اصحابی
جمع ایله تعیین اولان محله عزیمت ایتمک قضیه لرینه منحصر اولوب مواد
حقوقیه ایله شهر و قصبه لارک معاملات خصوصیه لری حکام شرع شریفه
وجزیه و مقاطعات و سائر مرتبات میریه نک جبایت و تحصیل دفتردار
و محصل اموال اولنلره عائد وظائفدن ایکن امرایه مدار تعیش اولان
خاسلرک اکثریسی وقتاً بوقتاً رفع و الغا اولندرق مقاطعات میریه لیه الحاق
اولمغله امرانک تعیشی بادهوا وارداته وابسته اولدی

واقعا قوانین دولت قرین اغتشاش اولدقه بکار بکی و میراوار درلو درلو
مکارهه میل ایله اموال و فیهیه دسترس اوله کلدکلری و خاصلر حاصلاتندن
مستغنی اولدقلری تبیین ایلمکله ذکر اولان خاسلرک بالدرج مقاطعاته الحاق
قلندی ایسه در بصورت عظام و تعبدیه رخصت رسمیه معناسنی اشراب
ایلدی

بناء علی ذلک والی ومیرالوار حضریه وسفریه نامیله اهالی به عینی و بدلی
و کول طرح وتوزیع ایتکه و محلول اولان زعامت و تیمارلی هر کیم زیاده
رشتوت و برر ایسه اکا عرض ایلکه و حوزة حکومتده بولنان اغنیایی
بر سبب تصنیع ایدرک مصادره به قویلدیلر مع مافیه حد معروفی تجاوز
ایدنلر وانصافی بتون بتون الدن براقانلر حقیقده اهالی جمعیت ایدوب
ملکنتدن جیقارمق ویا پارهلق ویا خود رکاب همایونه اشتکا ایدرک دیوان
همایونده بالمحاکمه تأدیب ایتدیرمک مخاطراتی دخی وارد و جاری اولدیغندن
هر حالده بونلری دخی دریش نظر مطالعه ایلک وزرا و امرا ایچون اهم
مهامدن ایدی

برده اوائل دولته بکربکی ومیرالوارک منصب واقتدارلرینه کوره اوچر
بشر یوز قدر دائرة مخصوصه لری خلقی وار ایدیسده اصل قوه عسکریه لری
محول عهده لری بولنان ایالات والویه ده اولان زعما و ارباب تیمارک اجتماعندن
حاصل اولور ایکن احوال عسکریه بخشده ایراد اوله جغی وجهله انلرک
نظام و کیتنه خلل طریان ایلدیکنه مبنی بکربکی ومیرالوار لوند و سکبان
نامیله ایکیشر و اوچر بیک و مواخذة دولتدن خوف اوزره اولنلری ده
زیاده حشرات جمع واستخدام و اهالیکنک باشنه بلا ایدر اولدیلر بوسیله
یوزر و ایکیشر یوز سکبان ولوندی جامع یک چوق بلوکباشیلر حادث
اولوب وزرا و امرا خدمتلرنده امرار وقت ایدرلر و قیوسر قالدقلری
هنکامده بر محله انتساب ایدنجیه قدر کویدن کویه دولاشوب کندولرینی
اهالی به تسلط دیرلر ایدیکه وقتاً بوقتاً ظهور ایدن جلالیلرک منع و منشی
بونلردر

چغاله زاده سنن پاشا و قنبره محافظی تریاکی حسن پاشا و استرغون فاتحی
لالا محمد پاشا و صدر اعظم بوسنه لی خسرو پاشا و کمانکش قره مصطفی پاشا
وحانیه فاتحی یوسف پاشا و کرید سرداری دلی حسن پاشا و کوپرلی محمد
پاشا و اوغلی فاضل احمد پاشا و میر زیفونی قره مصطفی پاشا بوعصرده
ایراز خدمات عظیمه و نائل فتوحات فاخره اولان وزرای بنامندلر

❖ احوال عسکریه ❖

جیوش عثمانیه ک علوه یومیله ایله موظف اولان صنفی یکجیری و سپاه

وسلحدار وعلوفجیان و غربای عین ولسار و جیدجی و طوبجی و ترسانه
 اوجاقلرندن عبارت اولوب بونلرک مقدار نفوسی وعلوفه لری باب سابق
 تکراره سنده بیان اولمش و سپاه طائفه سنک خدمت نامیه التراجیغه الیشوب
 خلاف قانون اناتولینک هر طرفه منتشر اوله رق شوراده بوراده توطن
 ایلدکلی ایلاد قلمشیدی بوجهته نائل ثروت و اقتدار اولان صنادید سپاه
 ظاهر اعلوفه و معنا التزام المی ایچون سنده بر کره استانبوله کلوب ایلمچی
 خانی و سائر خانلرده اقامت و انواع فتن و شقاوته مباشرت ایده کلاریله
 وقایع فجیعہ لری وقوعات صره سنده توضیح قلمش اولدیغندن تکرارینه
 حاجت یوقدر سلطان مراد رابع مرحومک واسطه سلطنته قدر هر
 استدکلی زوربالغی اجرا ایده کلدکلی حالده خاقان مشارالیه حضرتلری
 یکجیری اوجاغنی فوله الوب انلرک سطوتیه اشقیای سپاهی بروجده اتم
 تأدیب و تربیه ایهتمام ایلدیکندن برطاقی قنطره شمشیردن گذار و برطاقی
 دخی خوف سیاست ایله ممالک بعیده فرار ایتکله شهریار مشارالیه
 حضرتلری اونوز ییکی تجاوز ایتمش اولان والی بلولک خلقی تعبیر قلنان
 اینسای سپاهیانی بش الی بیک راده لینه تنزیل و کسر رفعت و حبثیه لریله
 تحقیر و تذلیل ایلدی سلطان ابراهیم وقعه سندن صکره و کوپرلی محمد
 یاشا صدارتنده برقاج دفعه دهها علم افراز تغلب اولدیلا ایلده ینه
 یکجیر بیلرک مدافعہ لریله تشکیل و تدمیر قلندرندن بعدازین کانون عتو
 و طغیانلری منطفی اولدی

یکجیری طائفه سی جانبندن دولت علیه اولدرجه ده ضحیر ترتب ایتیموب
 چونکه جابجا واقع اولان بغی و طغیانلری سپاهیلرک تحریکی و بعض
 وکلای دولته اثر تشویقی اولدیغندن قطع النظر دیگر اوجاقلره نسبتله
 ضابطانی مکمل و اداره لری تحت انضباطده ایدوکنندن تغلب و تسلطلری
 ممتد اولیوب آزوقنده دائره اطاعته دخول ایده کلشلردر سپاه طائفه سی
 نظر اعتباردن ساقط اولدقه یکجیر یلر بارگاه سلطنتک حارس صداقت
 کستری و جیوش عثمانیه نک عمده شجاعت رهبری مزیتی حاز اولوب
 جیدجی و طوبجی و ترسانه اوجاقلری ایسه هر حالده یکجیر یلره ییرو اولقی
 مجبور بکنده ایدیلر

طوائف عسکریه نک تزايد و تدبیری خصوصی دخی شو و جهله واقع

اولشدر که بیک تاریخند صکره واقع اولان نمجد و ایران سفر لری سبیلله
هر سنه یکیدن عسکر یاز یله کلدیکندن ماعددا بیک اوتوز برده حادث
اولان عثمان خان شهید و قعه سندن صکره اون سنه قدر شورش احوال
متمد و اداره دولت برهمزده هرج مرج اولغله سپاه اشقیاسی ولدش نامیله
اولاد واقربالری و صدر اعظم و سردار اکرم اولنلر دخی توابعات
و منسوباتلری جیوش عثمانیه سلکینه ادخال ایلدکلرندن وظیفه یومیه ایله
موظف اولان عساکر دولت یوز بیک نفری تجاوز ایتدی و علوفه لرینک
تدارک و اعطاسی قحی مشکل بر معما حکمنه کیردی مؤخر سلطان مراد
رابع حضر تلی بغاه عسکر به نک تأدیب و تنکیانه موفق اولدقده هیچ
کیمسه نک عسکره ادخال قلنه مامسنه فوق الغایه اقدام و اعتنا ایتکله کافه
اوجاقلر خلقنی الی الی بش بیک مرتبه سنه قدر تنزیل ایلدی

حتی یکچری کاتبی عثمان افندی به هیئت متکرده بر آدم کوندروب یوز
التون رشوت عرضیله یکچری یازلمنی طلب ایتدیردی عثمان افندی
دفعه اولاده حرینی رد ایتشیکن تکرار کلوب بنم صدر اعظم دائره سنه
بر بیلادیکم واردلر انک واسطه سیله نائل مطلب اوله جغم بو التونلری المدیغک
قاله جق دیعکله مبتلای دام طمع اوله رق مبلغ مزبوری اخذ و حرینی دفتر
عسکری به قید ایلدیکی خاقان مشار الیه واصل اولدیغی آنده دفتری
و عثمان افندی بی حضورینه جلب ایدوب انکار و تاویله دخی مجال و محل
اولماغله بیچاره کشته شمشیر سیاست اولدی پادشاه مر حومک سپاه
طائفه سنه غیظ و غضبی و مقدار لرینک تزیاید ایده مامسی خصوصنه اعتناسی
بغایت زیاده اولدیغندن یکچر یلردن و سائر بندگاندن فوق العاده خدمت
اراز ایدنلر قاعده اسلاف اوزره سپاه بلوکلرینه الحاق ایله تلطف
اولمق لازم کلدیکه و عرض اولندقجه صورت آخرله مکافات ایدرلر ایدی
سلطان ابراهیم و قعه سندن صکره طائفه عسکر به نک عتو و طغیانلری
یکی باشدن شهر افشان اولوب سلطان مراد رابع زماندنبرو اولان
چالقلر یعنی مقطوع العلوفه مطرودلر تکرار اوجاقلره قبول اولندیغنه
و کرید سفر لری دخی هر سنه یکیدن عسکر یازلمنی استلزام ایلدیکنه مبنی
افراد عسکر به کوندن کونه چوغالمقده ایکن و یانه انهر زماندن صکره

دفعه اوتوز بیک یکجری واون بیک سپاه تصحیح بدرگاه قلنغله بیک طقسان
طقوز سنه سنده واقع جلوس سلیمان خان ثابده کرك بارگاه دولنده وکرك
سرحداته یتش بیک اوچوز طقسان درت نفر یکجری واون ایکی بیک
بوز الی اوج نفر جبهه جی ویش بیک سکسان درت نفر طوبجی والتیوز یتش
القی نفر طوب عربه جیسی و تقریباً اونی ش بیک مقداری سپاه و سله دار
و علوفچیان و غربای یمین و یسار نقراتی موجود بولندی واکرچه
سلطان محمدک خلجی خصوصنده اکثر ارکان دولت واهی ای عسکریه
متفقدلایسده آتش فسادینه سپاه اوجاغلندن علوانگیر اولدی

مقدملری سرای همایونلرده و عجمی اوغلانلری قشله سنده تربیه اولمان
دیوشر مه جوجقاری اوقات معینه لرنده و یاخود لزوم کورندیکجه قیویه
حقیقه تعبیرله سواری و پیاده اوجاقلرینه حقیقه کلدکاری حالده صکره لری
بوقانون دخی بشقه بر اصوله تحول ایلدی شویله که مثلاً قنیره قلعه سی
فتح اولندقدده اولا جوارنده واقع الویه دن بر قاج سنجاق الحاقیه ایالت
اتخاذ و بکار بکی نصب واقعا اولنور و ثانیاً اراضی مفتوحه تحمیلی
درجه ده تیمار وزعایته تقسیم و مستحقینه تفویض قلندرق انلردخی خدمت
محافظه ایله مکلف اولور ایدی ثالثاً جبهه جی و طوبجی و یکجری
اوله رق ایکی بیک یرلی قولی و تعبیر اخیره قلعه یمانی ترتیب قلنوب علوفه لری
اوجاقلق تخصیص قلنان اراضی معینه واردات عشریه سنندن و یاخود
جزیه وکرك مثلاً رسومات حاصلاتندن تعیین وحواله اولنور اولدی
رابعاً اگر صلح منعقد اولیو بده قلعه یه تسلط دشمن وقوعی ملحوظ ایسه
علوفه قدیمه لرنه اوچر بشر اقچه ترقی اعطاسیله و برسنه خدمت
محافظه ده بولمق شرطیه اسکی یکجری لردن بر ایکی بیک ترقیلو یاز بلور
وخامسا کذلک برسنه خدمت محافظه ده بولمق و بعده سواری و یاخود
پیاده اوجاقلرینه الحاق قلنق شرطی و قول اوغلی تعبیریه ایجابی مقدار
نفرات دخی مجددا علاوه جیوش عثمانیه قلنور ایدی کرید محاربه سی
هنکامنده دخی هر سنه کوندریلان عسکر وجه مشروح اوزره یا ترقیلو
و یاخود یکدن یاز بلان نفرات اولوب ضابطان عسکریه ایسه عجمی
اوغلانلردن زیاده حال و بورجکی وچورجکی مثلاً شهنه شهر تأدیله

تذليل اولمش اصناف مقوله لای یازه کادگارندن عجمی اوغلانلری
دفعاتله عرض شکایت و عسکره چیققی بزم حقیر ایکن ضابطلریز بر طاقم
اجلافک بشر اونر غروشنی الهرق بزدن زیاده انلردن عسکر یازیورلر
دیو اعلام حاله مباشرت ایتشلر ایسه ده دم فساد عروق دولتک هرجهته
بول بولاش ایدوکنندن ایشی قانون قدیمه ارجاع امواتی احیا قدر کسب
مشکلات ایلدی بو جهته عساکر عثمانیه هم کوندن کونه تکثر و همده
ایچنه اصناف واتباعی گروهی قارشمش وقشله نشین اولق قاعده سی
بر طرف اولمشدر بناء علیه هرکس کار و کسبیه مشغول وقشله لرده
یالکز اوطه باشی واشجی اوسته ومتولی و یازیجی و باش قره قوللقجی
وقوللقچیلر وقوللق تعمیر قلنان قره غولخانه لرده دخی بر مقدار نفرات ایله
چور باجیلر مقیم اولور اولدی و کیدرک جبه جی وطوبجی اوجاقلری
دخی بورنکه کیردی و دیوشرمه المق و عجمی اوغلانلری قشله سنده تریه
قلنق اصولی بالکلیه مضمحل و مندرس اولق لازم کلدی

بالاده مسطور اولان تصحیح بدرگاه تعبیرینک منشی و تفسیری دخی شو
وجهله بیان اولنور که اناطولی و روم ایلیده واقع شهرلرده بولنان یرنی
قولی نفراتنک فی الاصل مقدار نفوسی و علوفه لری معین و محدود ایکن
صکره لری شهر اشبه لری امتیازات عسکریه ایله طفره فروش و بلکه حرکات
هوا و هووسلارنده سربست اولق مقصدیه بلا علوفه یکچیری یازیلوب
منسوب اولدقلری اورتک نشاننی قوللرینه و بجاقلرینه دو کدیرلر
و عصرمن اصطلاحنه کوره عساکر ردیفه حکمنده بولنورلر ایدی سفرلر
واقع اولدقجه طرف طرف اوجاق ضابطانندن طورناجی باشیلر اعزام
اولندرق بایراقلر اچیلوب اوغللو نفرات طاقم طاقم اردوی همایونه
کتور یلور و تصحیح بدرگاه یعنی یوقلمه لری اجرا اولندرق اولوقت علوفه یه
نائل و کوتوک دینیلان اصل دفتر عسکریه یه داخل اولورلر ایدی

ایالات عسکری اولان زعما و ارباب تیمار کابرا عن کابر مملکتلرینک خاندان
واوجاق زادلرندن اولوب دیرلکلی حاصلاتندن ماعدا املاک و عقار
صاحبی ذی قدرت و ارباب توابع و حشمت آدملر اولنریله بولنرک ثروت
و داراتلری منظور نظر دولت اولدقجه عطایای دولتندن استفاده لری

استکثار اولمغه باشلا دیغندن عصر محمد خان ثالثه زعامت و تیمارلرینک
 اساس معاملاتنی اولان اقیچه اعتباریه و بدل تیمار نامیه جابجا ویرکو
 استحصال قلندیغندن بشقه کله و جبخانه مثلار اردولر مهمات حربیه سنک
 نقلی بونلره تحمیل و بعضی قلعه لره وضع اولنق ایچون ینه اقیچه اعتباریه
 ذخائر عینه تحصیل قلنور اولدی و جانلیجه تیمارلر محلول اولدقجه
 مقاطعات میریه تبدیل اولمغه و بعضیلری دخی بالتفریق اوچ بش کشی یه
 توجیه قلنمغه باشلانلدی مع مافیه محلول اولان تیمار وزعامتلی هر کیم
 زیاده رشوت عرض ایدر ایسه بکلیر بکلیر انلره توجیه ایتدیرمکی عادت
 وسفره کیدمک لازم کلدکده ذی قدرتلرندن رشوت اخذیه سفردن عفو
 ایتمکی اصول انخاذا ایتلریله و قتیله دولت علیه نیک منتظم و مکمل اولان
 وجبه لوریه برابر یوز بیک نفردن متجاوز بولنان تیمارلو سوار یسنه
 ضعف و قدرتسزلک طاری اولدیغندن سفره کلنلری اسکیسنه نسبتله
 نیک آز و انلر دخی ایشه راضی ایدی وزرا و وکلا توابعانندن افندیلرینک
 قوه نفوذیه لری ایله تیمار وزعامته نائل اولمش نیک چوق اشخاص وار
 ایدیکه متبوعلرینه استنادا سفره کتمک تکلفندن وارسته اولدقلرندن ماعدا
 دیراکلری داخلنده بولنان اهالی بی دست ملتزمینه تسلیم ایدرک انواع
 جور و جفایه و تخریب بلاد و فقرایه باعث و بادی اولمقده ایدیلر دولت
 علیه نیک برده اقبجی عسکری وار ایدیکه بونلر مملکتلرنده ساکن اولوب
 برجانبه سفر ظهورنده بکلیر معیتنده تجمع ایدرک ممالک دشمنی غارت
 و تخریب ایدرلر و کندولری خفیف سواری اولدقلری جهتله قلعه واردو
 اوزرینه وار محبوب قرا و صحرالرده بولدقلری دشمن توابع و حیواناتنی اسیر
 و غنیمت ایلیرک انکله تعیش ایلرلر ایدی لکن مرور زمان و تکثر اسلحه
 آتش فشان اصول حربیه بی بشقه رنگه قویمش ایدوکنندن اولکی
 درجه ده مستفید اوله مدقلرینه واسکی بطش و شدت دخی زائل اولدیغنه
 منی بالطبع مندرس اولدیلر و تحت امکانده اولان غارت و تخریب ایشلرند
 قریم خانلرینک کتوردکلری و یا کوندردکلری تاتار سوار بسی استخدام
 اولنور اولدی

❁ احوال بحریه ❁

قبرس فتحیدن صکره وندکلور ابله عقد اولنان مصالحه کرید سفری
 ظهورینه دکن الشمس سنه دن زیاده ممتد اولمغله سلطان بایزید عصرندن
 برو احداث اولنان بیوک کیلر و قالیونلره لزوم قالدیغندن انلر الغا اولاندی
 دونمای همایون چکدیری انواعنه منحصر قالمشیدی قپودان پاشا ذکر
 اولنان چکدیری کیلریله هر سنه آقد کزه چیقار و امر اکیلری دخی التحاق
 ایدرک اسپانیا وایتالیا قورصانلرینک دفع و تنکیلارینه و عسکری طائفه سنی
 مغنم ایتک ایچون دول غیر متعاقد ساسل و جزیره لرینک یغما و غاراتنه
 اعتنا ایله اکتفا قلمور ایدی کرید سفری حادث اولدقدن صکره وندکلور
 آقد کز بوغازینی عظیم قالیونلر ابله ابلوقه ایدیه کللریله دولت علیه دخی
 قالیونلر انشا ایدرک مقابله یه مبادرت ایدوب **ا**کرحه دونمای همایون
 برقاج دفعه مبتلای کسر وانهزام اولدی ایسه ده وندکلورده دخی تاب
 و طاقت قالدیغنه و باخصوص **ک**وپریلی مر حوم بوغاز محاربه سنده
 غیرت و شجاعتله موصوف اولان وندیک امرانی بندیکی کی ابله برابر
 سوخته قوارع توفیق ایلدیکنه بناء دشمنک اقدام اقدامنه تزلزل طاری
 اولدی برده آقد کز بوغازنده فاتح مر حومک اثری اولان ایکی قطعه
 قلعه معلومه دن بشقه تا بوغازک اغزندیه مؤخر ایکی قلعه ده انشا اولمغله
 وندکلور ارتق بوغازی ابلوقه ایتکه قدر تیاب اوله مدیلر بناء علی ذلک
 فاضل احمد پاشا مر حوم سواحل و جزائر عثمانیه میرلوالری معیتندیه قرق
 قطعه چکدیری ترتیب و ترسانه ده دخی ینه بو نوعدن اون بش کی تجهیز
 ایدرک قالیونلری ایکنجی دفعه اوله رق الغا ایلدی قالیونلر یلکن
 و چکدیری انواعی کورک ابله استعمال اولمق حسبیه چکدیریلر اولوقتک
 واپوری حکمنده اولدیغندن قالیونلره رو برو مقابله ایدیه مزلر ایدیسنده
 قالیونلر دخی انلرک سیر و حرکتی منعه قادر اوله مز ایدی و بو جهته
 کرید سفری ختام بولنجیه قدر نقل عسکر و مهمات خصوصندیه مشکلات
 چکلمدی لکن ویا نه انهزامی متعاقب وندکلور موره یه هجوم ایلدکلرندن
 ینه قالیونلر انشاسی تصویب و الیش و فرق بشر ذراع طوانده دفعه اون
 قطعه قالیون انشا اولمغله بوندن صکره ترسانه نک عسکر و مصرفجه احوالی

بتون کسب تغیر وجسامت ایلدیکه تفصیلاتی ان شاء الله تعالی فصل
تی تیکمه سنده بیان و ایراد اولنور

✽ احوال امور مالیه ✽

سلطان مراد ثالث می حوم ایج خزینده، کلیتاً و مبالغ جمع وادخار ایش
اولدیغدن بیک تاریخنندن صکره واقع اولان نچمه سفر لرنده برکونه مضایقه
مالیه حادث اولدیغی مثلاً و سلطان احمد اولک مدت سلطنتی کاملاً نچمه
وایران و جلالی سفر لریله می و رایش ایکن مصارف لازمه تسویه اولدقدن
بشقه شهریار مشارالیهک نام نامیارینه منسوب جامع شریفی مع ثقات
بنایان و انشا بیورملری خزینة دولتک عدم مضایقه سنی اثباته کافیدر انجق
بیک بکرمی الی تاریخننده سلطان مصطفی و اوج ای می ورنده سلطان عثمان
ودرت سنه گذراننده ینه سلطان مصطفی ورسنه صکره سلطان مراد رابع
جالس سریر سلطنت اولوب بوجهته بش سنه مدته درت دفعه جلوس
بخشی اعطا اولمقله برابر سلطان مصطفی واده سی اشقیای تلطیف
واوغلنی تأیید ایتک مطالعه سیله خزان عثمانیه بی بغاه عسکریه به ابدال
واسراف ایلدیکندن نقود مدخره بالکلیه رهین تلف اولدیغنه مبنی سلطان
مرادک جلوس بخشی بعضی تجار و متولیندن استدانه و سلاطین ماضیه
زمانندن قالمه سیم و زردن مصنوع ادواته ضرب سکه اولنده رق ایفا قلندی
هر جلوس انعامی تقریباً اوچر یوز ملون اقیچه یعنی درت ملون ربال
درجه سنده ایلدیکه نسبت فیأت اشاعیده توضیح قلنور سلطان مراد
حضر تری غارتکر واردات دولت اولان اشقیای عسکریه بی تأدیب و تنکیل
ایلدکن صکره امور مالیه دخی بولنه کیرمکه ایج خزینده ینه نقود کثیره ایل
مالامال اولدی سلطان ابراهیم جلوسنده صدر اعظم بولنان کاکش
قره مصطفی پاشا امور دواته کاینغی نظام ووروب واردات و مصارفاتی
قارشواندیرمش اولمقله کرک وظائف عسکریه و کرک مصارفات مهمده
جاری اولان حواله و سرکی اعطاسنی الفا و جله سنی وقت و زمانه نقداً
اعطا ایلدیکی حالده بهر درکلی ربال سکسان اقیچه اعتباریله التیبیک
کیسه لک نفرد ارتعوب اندرون خزینده سنه تسلیم ایلشیدی صدر
مشارالیهک قلندن صکره مصارف تکثیر و وارداتک مجرای صحیحی تغیر

اولمغله كوندن كونه مضايقه ماليه حادث اولمغه باشلايوب باخصوص
سلطان محمد رابعك جلوسنى متعاقب طوائف عسكريه ينه زروء عتو
وطغيانه عروج ايلدكارينه مبنى برطرفدن عسكرك مقدار وعلوفه لى تزايد
ايدرك وبرطرفدن اموال خزينه شونك بونك دست تغلب وتسلطنه كيررك
مصارفات مهمه رؤيت اولنه من وعلوفه ويريله من اولدى بنابرین
صدر اعظم ملك احمد پاشا توجيه مناصب مقابلنده اسلافك آله كلديكى
رشوتلرى قبول ايتيوب خزينه ايراد قيد ايتكى يا حسن تدبير عد ايلديكندن
ويا خود بشقه چاره تداركندن عاجز ايدوكندن اصول وقاعده اتخاذ ايلدى
وبعض سبك مغز ومغشوش الطبع اولان دفتردارلر دخی خزينه به كلان
نقودى صرافلره اعطا ومقابلنده زيوف اقچه استيفا ايدرك بونك فضله سنى
فائده ظن ايتديلر وبوتصرفات سبيله نجه نجه فتنه حادث اولوب انواع
ترزيلات وتذليلاته گرفتار اولديلر بومثلاو تدابير فاسده واراى كاسده
امور ماليه كوندن كونه فنا لشديروب تاكو پربلى محمد پاشا مرحومك
صدارتنه قدر ممتد اولديغى حالده مشاراليه مصارفات زائده يى قطع
وواردات خزينه يى مجراى صحیحنه وضع ايلدى چونكه سلطان مراد
ثالث مرحوم تصوفه مائل وخنكار شيخى ناميله عصرنده كسب اقبال
واشتهار ايدن شيخ شجاعك ولايته قائل اولديغندن كرك مومى اليه ورك
بومثالوره اوقاف سلاطين وكرك وسائر اموال ميريه دن دعا كو وظيفه لى
تخصيص ايدوب كيدرك بو اصول كسب وسعت وجسامت ايتكله دائره
سلطنته وباخصوص حرم اغارينه وحریم سراى پادشاهى متفذه لینه
كسب تعلق ايدن برطاقم قلاش ومغربى به كليتاو وظائف تعين اولمشيدي
حتى بوزجه اطه محافظه سنه مأمور اولان غزاتك علوفه لى اوجاقلق
وجهله اولحوالى مملعه لرندن مرتب ومحول اولوب مؤخرأ بو اوجاقلقك
وارداتندن دخی برطاقم مفت خوارانه دعا كو وظيفه لى تخصيص قلمش
اولديغندن انلرك من اجه سبله علوفه غزات تسويه اولنه مامق درجه سنه
كلديكندن بو كيفيت مستحفظلرك طاغيسنه واطه نك گرفتار دست اعدا
اولسنه پارسى اولديغى مریدر كوپرلى مرحوم بونلرى تنقيح ايدرايكن
شيخ سالم نامنده بر مغربنك كرك واوقاف وسائر دن يرمى يك اقچه قدر
دعا كوى وظيفه سى اولديغنى كوردكده نصفى قطع ايتكله شيخ مزبور

بروات همایونی بره آتوب بونلری بکایار شاه و بر دی سن فصل قطع ایدرسن
 دیه رک بی ادبانه اوضاعه متجامر اولدی یغندن در حال اعدام ایلدی قبرس
 جزیره سنده واقع لفقوشه قلعه سنک بری اغالغنه یعنی عساکر مستحفظه
 ضابطه لکنه مخصوص اولان زعامت صادر اولان تصحیح امری عالیسی
 موجبجه باخط توفیق ماوضع لهندن اخراج و دعا کویلق وجهله شیخ
 مزبور توجیه قلمش اولدیغی قیود خاقانیده منظور فقیر اولشدر که اداره
 امور دولته حاصل اولان اغتشاشک درجه سی بوندن استدلال اولنق
 لازم کلور و یانه انهرامنه دکن اوقوز سندن مجاوز زمانده مشکلات
 مالیه بالیکلیه بر طرف اولمشیکن مؤخراینه سرزده ظهور اولغنه باشلادیکه
 تفصیلاتی ان شاء الله تعالی فصل آتی تکمله سنده ایراد اولنور
 اورخان غازی زماندنبرو دولت علیه نک قطع ایتدیر دیکی نقود اقچه دیه
 منحصر اوایوب فاتح عصرنده مجار التونی وزن و عبارتده التون و بیک
 تاریخندن سکره اولنق یعنی اون اقچه لک و ده صکره لری پاره قطع ایتدیر لکه
 باشلانمش ایسده اساس معاملات اقچه اعتباریه اولدیغنه و اوروپادن
 مملک عثمانیه یه ادخال اولنان اشیا ساعت و چوقه و سکره مثلاً بر قاج نوع
 امتعه دن عبارت بولندیغنه مبنی اخراجنه مساعدده اولنان ذخائر و سایر محصولات
 ادخالندن پک زیاده اولغنه مملک عثمانیه ده کلیتاً لویالیز و مجار التونی
 و اسدی دیدکاری دیر کلی ربال ایله قره قوش تعمیر قلنان قوشلی ربال بولنور
 و جانب دولندن بونلرک منع تداولنه اهمیت ویرلدیکنندن اقچه نک وزن
 و عباری تغیر ایلدیجه غروش و التونک فیثاتی رقی ایدرایدی حتی بیک
 اون تاریخنده التون ایکوز یکر می اقچه دیه چیقشمش ایکن صدر اعظم عثمینی
 حسن پاشا جنید و خالص العیار اقچه قطع ایتدیر مملک التون یوز یکر می
 و غروش سکران اقچه دیه تنزل ایلدی بیک الی تاریخنده کانکش قره مصطفی
 پاشادخی سکره امورینی تصحیح ایدوب التون ایکوز الی و غروش یوز یکر می
 بش اقچه دیه چیقشمش بولندیغی حالده التون یوز التمشه و غروش سکران
 اقچه دیه و مصر پاره سنک بهری ایکی اقچه دیه تنزل قلندی و بوماده
 حد ذاتده امور مدووجه دن ایکن بر غروش اون برقیه لجم النور ایلدی شمیدی
 سکر فیه النور اولدی دیوا عتر ضات واقع اولشدر بوندن سکره سکر کاند
 تغیرات کثیره حادث اولدیغی مثلاً بوعصره قدر دولت عثمانیه التونلری

هیچ بوزلیوب مجار التونی وزن و عیارنده اولدیغی حالدده بودخی مشکلات
مالیه حسابیه تغیر اولندیغندن مقیاس صحیح انحصار اولنان بالدیز و مجار
التونلریک و غروش دینیلان ریالک فیاتی ترقی ایده ایده بیک بوز تاریخلرنده
یالدیز التونی اوجیوز و غروش بوز یکرمی اقیچه یه طوغری فرلادی طقسان
سنه ظرفنده التون ایله کمش بیلنده حاصل اولان تفاوت دخی بوفیاتلردن
استدلال اولنق اقتضا ایدر

بیک التمش درت تاریخنده تنظیم قلمش اولان موازنه دفتریکه ترخونچی
لایحه سی دیملکه مشهور در انک منطوقجه سلطنت سنیهک اون درت بیک
بش یوز اوج کیسه وارداتی و اون التی بیک درت یوز کیسه مصارفاتی
بولندیغندن بیک طقوز بوز کیسه اجبغی اولدیغی و برحق سنهک واردات
تداخلده بولندیغی محرر و واردات و مصارفاتک مفرداتی و طوائف عسکریهک
مقدار و کیتلری مندرج ایسه ده تعبیرات عشقه ایله یازلمش اولسنه مبنی تمامیه
حل مشکلات اولنق قابل دکلدر فقط اشبو موازنه ده مسطور اولان ایراد
و مصرف طوغریدن طوغری یه خزینه یه ادخال و خزینه دن اخراج اولنان
اموال اوایوب بونک خارجنده و حواله و تقسیم صورتنده دها یک چوق واردات
و مصارفات وار ایدیکه عصر مزده تنظیم اولنقده اولان موازنه دفترینه
تطبیقا و قیاسا بیان و تذکیر قلندیغی حالدده ایضاح ماده اولنمش اولور

شویله که اولامصر ارسالیه سیله اردل و افلاق و بغداد و دوبره و ندیک
مثلاو عمالک ممتاز ویر کولری و معادن حاصلاتی و اموال غنائم و مخلفات
وزرا و امرا طوغریجه ایچ خزینه یه وضع اولنه کلمکه مذکور موازنه
دفترندن خارجدر ثانیاً کرک سرای همایون و کرک طوائف عسکریه
تعییناتی ایچون النان اونده اق اغنائمی و عینا استحصال قلنان پرنج و ساره
دخی داخل دکلدر ثالثاً بالجمله وزرا و رجال و کتبه و طشروده بولنان
والی و میرلوارک خاص و زعامت و خرج و مخصصات معینه لری اولندیغندن
و طریق علیه رجالک دخی خرج موایبقدن واردات مقررله یله صدور
و موالی معزوللریک ارپه لقلری بولندیغندن خزینه دولتن بونلره معاش
اعطا قلنماغله خزینه برطاقم وارداتی بو صورتله انلره تقسیم و حواله ایلش
دیملک اولور برده اول عصرده عوارض و بدل نزول نامبله عمالک محروسه
اهالیسنده بر ویر کو طرح اولنور ایسه ده زمانزده جاری اولان اقیچه فیاتنه

نسبتله تقریبا الی الشمس بیک کیسه راده سنده اولوب شمعی ایسه اموال
 ویرکو التیوز بیک کیسه دن متجاوز اولسنه نظرا اولوقت خزینه دولته وارد
 اولان مذکور الی الشمس بیک کیسه نك فضله سی اولق لازم کلان بشیوز
 بوقدر بیک کیسه حضریه وسفریه نامیه والی ومیراوا وویوده لره وشهر
 وقصبه لر اهالیسنك تعمیر وانشاسنه مجبور اولدقلری کوپری وطریق مثللو
 شیلرک ومنزل بارکیری وسائر بونک کی مصارقات بلدییه نك تسویه سنه
 مخصوص ومعین حکمنده ایدوکنندن هر مملکتده برصورتله توزیع وتحصیل
 قانور ایدی رابعه فلاح خاقانیه ده بولان مستحفظ وپوک شهرلده
 اولان یرلی قوی نفراتنک علوفه لری اوجاقلقلندن مرتب ومحول اولغله
 بودخی خارج از موازنه در خامسا ممالک محروسه نك هر طرفنده ممکن
 ومتوطن اولان زعما وارباب تیمار دیرلکارینک حاصلات عشریه سیله متعیش
 اولدقلندن کلیتو عساکر سواریدن عبارت اولان اوپله برقوه جسمیه ایچون
 جانب خزینه دن براقچه ویرلیوب بالعکس مضایقه مالیه زمانلرنده بدل تیمار
 نامیه برورکو دخی النور ایدی کذلک یورتلق و اوجاقلق اصحابی اولان
 امرا حدود خاقانیه محافظه سی خدمتی ادا ایدرک طرف دولندن برشی
 المیوب دیرلکاری حاصلاتیه بکنورل ایدی سادسا ترسانه عامره مصارفی
 اولان بیک التیوز کیسه نك طقوز یوز بوقدر کیسه سی جانب خزینه دن
 اعطا وماعداسی ترسانه اوجاقلقلندن استیفا قلنه کلیدیکی سالف الذکر
 بیک الشمس درت سنه سی موازنه سنده مسطوردر سابعه سلاطین ماضیه
 ووزرا وامرا وسائر اصحاب خیرات کرک استانبولده وکرک ممالک دوات
 علیدنک هر جانبنده پک جوقی جوامع ومدارس ومکاتب وکوپری وخان
 وحام مثللو ابنیه خیریه ولزومه انشا وصول اجرا ایدرک هم بلاد وقصبائی
 اعمار وتزیین وهمد انشاسار علوم وفنون ضمنده مدرس وخواجه
 وطلبة علوم وخدمه وقفه وظیفه نقدیه وعینیه ترتیب وتعین ایدوب
 حتی مکتب جوجقلرینه یله قیامه تعمیر اوانور البسه وسائر تخصیص
 ایشلردر وبعض مهم طریق وجمرلرک تطهیر وتعمیری ایچون جوارنده
 بولان کوپلر تکالیف عرفیه دن معاف طوتلغله انلر دخی ائما وظیفه لرینی
 اجرا ایدرلر ایدی بنابرین عصرمن موازنه لنده مرقم اولان اوقاف

ومعارف و نافعہ تخصیصات لرینہ دخی محل اولیوب امور مذکورہ بوجہ
رؤیت قلنہ کلمشدر

دولتک امور مالیہ سی بومی کزده وارکان سلطنتک ثروت واقتدار لری دخی
مشهود اولان اثار لر یله معلوم اولی الابصار اولدیغندن اولبابده تطویل
مقاله حاجت اولیوب فقط بالاده بالئاسبه ایراد اولنان مخلفات یعنی
مصادرات ماده سیله اوقاف حقنہ بعض مرتبه تفصیلات درج وتسطیر
اولئسی فائده دن غیر خالی و اتیان اولنه جق مقالاتک محاکمہ سی ارباب
مطالعہ ودانشک محول عہدہ کفایت لریدر

وزرای عظامک واردات مناصب لری غیر مقرر اولق حسبیلہ استقرار
مناصبہ نائل وحسن اداره مصالح ذاتیہ سنہ قادر اولنلر کسب ثروت
وسامان ایدہ کلمه کلرندن ودائرہ وزارت لدی الاقتضا قولالانلق اوزره
کوجک براردو حکمنده بولندیغندن حین ارتحال لرندہ نقود موجوده ایلہ
بعض ذی قیمت اشیا واسلحه و حیوانات وجادر کی مهمات سفریہ جانب
میریدن قبض اولنوب ورثہ سنہ املاک وعقار وسائرہ دن بکنه جکاری
درجہ دہ اموال ترک اولنور ومدار تعیش براتیان وزرا و احرا نک
اولاد لرینہ طرف دولتدن معاش اعطا قلنور ایدی حتی کو پریلی اوغلی
فاضل احمد پاشانک وفاتندہ بیک کیسه قدر نقودی خزینہ هما یونہ
اخذ اولنوب اموال واملاک کلید سی ارثا برادری فاضل مصطفی بک ایلہ
همشیره لرینہ انتقال ایلشدر کذلک مرزیفونی قره مصطفی پاشا مغضوباً
مقتول اولدیغی وبالجمله نقود واشیاسی میریہ قبض اولندیغی حالده اوغلی
علی بک که صکره لری مقتول زاده علی پاشا نامیلہ کسب اشتہار ایتشدر
دیوان بولنده اولان مدرسه ومتفرعاتنی پدرینک عقیب اعدا منده انشا
ایتدیروب بونلرک ایسه قدر مصرف و ثروته موقوف ایدوکی محتاج بیان
دکدر ودهاپک چوق وزرا زادملر بابا لرندن قلان اموال واملاک ایلہ
مرفها اوقات گذار اولمشادر که هر برینک اتیانی موجب تفصیل اوله جغندن
ترک قلنش وطن اولندیغی کی هر وزیرک وفاتندہ کافه اموال واملاکی
مصادره اولنق و عیال و اولادی سوقا قلره اتلق واقع اولمامشدر برده
حد معروفي تجاوز ایلہ جمع مال ایدن اصحاب اقبال ومتفندان اکثرا مبتلای
مواخذہ ومصادره اولمشلر ایلشده دقت اولندیغی حالده هر بریسی بر سبب

ولزوم تحتیده در ازان جبه سلطان ابراهیمه کسب تقرب ایدن مشهور
جنجی خواجه نك اوجبك ايكوز كيسه لك نقود و اشیای مصادره اولمشدر كه
عصر من حسابجه یوزبك كیسه اقچه دیکدر خواجه مزبور بوقدر
مبالغی اوج بش سنه ظرفنده و ذرا و امرانك تقدیمه مجبور اولدقلری
رشوتلر ایله اوقاف سلاطین و سائرهدن بلا استحقاق تخصیص ایتدیردیگی
وظائف و طرف پادشاهیدن الدیغی عطایادن جمع و ادخار ایلش ایدوکی
میدانده اولسنه نظرا بونلری بالاسترداد امور مهمه دولتیه صرف ایلک
عدل و ظلمدن قنغیسنه شبیه اولدیغی ارباب انصافك مطالعه بیطرفانه سنه
برغلدی شو قدر وار كه اساس ماده وجه مشروح اوزره اولدیغی
حالده کیدرك سؤ استعمالته منقلب اولوب مأمورین و ملتزمیندن و بلکه
دولت ایشنه قاریشیموب کندو تجارت و زراعتیه کسب ثروت و سامان
ایدن اغنیادن وفات ایدنلرك اموالی بررنام و وسیله ایله مصادره اولمغه
باشلانلدیغندن بوقاعده نك نه درجه لره قدر واردیغی انشاء الله تعالی
فصل آتی تکمله سنده توضیح قانور

اوقاف بخشنده دخی شو وجهله تسطیر مافی الضمیر اولنور كه هر عصر ك
اركانی اسلافنه عزو تهمت و زمانلرنده واقع اولان فتنالقلرك سببیتنی
انلرك اداره لرینه اسناد ایله کندولری تبریه ذمت ایلک امور طبیعیه دن
اولوب فقط بزم عصر من خلقی بویابده بك ایلرویه کیدرلر بونك سبی دخی
اسعد افندی مرحومك وقعه خیریه بی متضمن اولان اس ظفر نام تاریخنده
طائفه عسکریه بی واکا متفرع اداره سابقه بی بك زیاده فصل و مذمتله
بك یانه بش قاتارق و درلو شعبه لر و مضحکات علاوه ایدرك جابجا واقع
اولان افعال ردیه بی علی الدوام جریان ایدرمش کی **ک** و سترمسیدر كه
متأخرین بوکاتما می تمامنه اعتقاد ایدرلر حالبو كه تاریخ مزبور یکچیر یلرك
الغاسی اوزرینه طائفه عسکریه دن هر کسك نفرتنی استلزام ایلک مقصدیه
ترتیب و تنظیم قلمش اولسندن غفلت ایلرلر واقعا یکچیر یلرك انحلال
عقده نظامات سیئه سیله آثار شقاوتکارانه و حرکات جاهلانلری غیر
منکر و دوات علیه نك عساکر منتظمه تشکیل و ترتیبه مجبور و مضطر
اولدیغی مسلم ایسده تزییل و تحقیر اولنان آدمیله بشقه بر قوم اولیوب بزم
آبا و اجداد من و ادارلری تقییح اولنان و کلا و رجال دولتک ایچنده اخلاق

مقدوحه ايله متصرفلىرى بولمىق طبعى ايسه ده پك چوغى دىخى ولى نعمتلىرى
اولان سلطنت سنيه اغورينه جان ومالارنى فدا ايدىن اسلاف اولاريله
واخلافيك بزاره ايله چكلى اعتراضات دىخى درخاطر قلمىق اقتضا ايله چكى
جهتله برطاقم خوش آمد كويلىك ريش خندينه وجود ويرهك اسلافه طعن
وتشنيع ايلك مناسب اولماق ظن اولتور

بوجهل دن برىسى دىخى كويا اسلافك اوقاف ترتيب وتنظيم ايللىرى مجرد
مصادره خوفدن نشأت ايتىش واولاد واحفادلىنه ايراد برابق مقصدينه
مبتنى ايتىش ديو تفوه اولنان اقوال بى مالدر چونكه ايجارنده اويلهسى
اولسه بيله اكثرى بولا مخالف اولدىغى ادله آتیه ايله ثابت اولور اولار
غرض ايراد برابق اولدىغى تقديرجه خيرات ومبرات انشاسنده اختصار
اولنوب عقار ومسقات تنظيمنده افراط اولمىق اقتضا ايدر ايدى حالبوكه
مشهودمىز اولان بونجه ابدیه جسمیه خيريه دن ماعدا اصحاب خيراتك
وقفه لر بى مطالعه ايدىلىك معلوملىرى اولدىغى اوزره كور بىلى صرحوم
استانبولده وقف و تسخيرينه موفق اولدىغى بوزجه اطه ولنى ويانوه
وورات قلعه لرنده ووطن اتخاذا ايلدىكى وزيركو پريسندى وكيوه وقسطموني
وسائر يرلرده متعدد جوامع ومدارس ومكاتب وخان وحمام يابدىردىدن
بشقه كليس طرفنده مارين وعارينك تاامنى ايجون قلعه لر بنا ايدوب
مستحفظلرينك وظائفنى وفقى جانبدارن تخصيصى ايلشدر اوغلى فاضل
احمد ياشادى قنديه وايوار وقاينجه قلعه لرنده وبلغراد وسائر مواقع
متعدده پك چوق جوامع ومدارس ومكاتب وخان وحمام بنا ايلش
وباخصوص ازميزك كسب شرف ومعموريت ايلسندى كتوردىكى صو
وانشا ايتدىدىكى قرق قدر چشمه ومتعدد كوپرلر ووزير خانى ناميله مشهور
جسيم خان وجوارنده واقع چارشو وحمام سبب اولشدر فاضل
مشاراليهك شهر مذكوره اولان آنارى فى زمانسا بوز بىك كيسديه
باپله ميه جنى دركار اولدىغىدن همت ومكشك درجهسى بوندن استدلال
قلمىق اقتضا ايله چكى مثلاً بوقدر عقار ملكا وارثا برادرى فاضل مصطفى
پاشابه وهمشيره لرينه قالدقده مشاراليه عطصافى پاشا ورثه سائر حصه لر بى
بالاشترا قرنداشم بونلرى وقف ايتك نيتيله تنظيم ايلشكن تسجيلىنه وفقى

اوله مامشدر دهرک وقف ایلسی علو جنابک مرتبه علیاسیدر سلطان
محمد رابعک مقبل و مقبولی اولان مصاحب مصطفی پاشایه تیره و یاندر
قضاری خاص تخصیص اولندیغندن و پاشای مشارالیه مقرب پادشاهی
بولمق سببیه متسلرینک مجاسر اولدقلری مظالم و تعدياتک منعنه و کلای
دولت قادر اوله مدقلرنندن مذکور قضالک خراب اولدیغی بعض
تاریخلرده مندرج اولوب اگرچه اول عصرک احوالی شمعی حقیه بیلنک
قابل دکل ایسده پاشای مشارالیهک یاندر قصبه سنه کتوردیکی صو
وسائر آثار خیریه سی الآن جاری و بونلرک موقوف اولدیغی مصرف او یله
بر قصبه و بلکه اوچ بش قضا خلقتک اقتدارندن خارج ایدوی مشهودی
اونلرک تسلیم کرده لری اوله جغندن انقربه صورتیه اهالی یه یاپدیرلش اولق
خاطر مسندن دخی مستغنیدر ثابا دارالسعاده اغاسی و قیو اغاسی مثلاً
وارسته قید انساب اولان پک چوق ذوات دخی کلیتو خیرات و میرات
و مسققات و عقار ترتیب و تنظیم و وقف و تسجیل ایلشلدرد

حال بومر کزده ونشر علوم و معارفی موجب و اغمار ممالکی مستلزم بو قدر
آثار جسمیه و نافعیه میدانده ایکن فرعی اصله تقدیم ایله سوء ظنه ذاعب
اولق لایق انصاف دکلدر

اوقاف مذکوریه صرف اولنان مبالغ اکتساب مشروعه مستند اولوب
اولماسی بخشنه کلنجه واقعا بونلرک جمله سی طیب اموالین یاپلششدرد
دینله من ایسده هر نه صورتله ایسه مادامکه جمع و ادخار اولنه کلشدر
اسراف و سفاخته صرف اولنقدن ایسه عامه نك مستفید اوله جخی مواد
خیریه یه خرج قلمسی البته مقبول و ممدوح اولق اقتضا ایدر مثلاً وقتی
ادراک ایندیگمر ذواتدن شیخ الاسلام اسبق مکی زاده طاصم افندی کمال
امساک ایله ادخار ایلدیکی مبالغی و بعض اغنیای وزرا و زینات بیهوده یه
و حظوظات نفسانیه لینه صرف ایلدک لری اچه لری و قنیه اصحاب خیرات
طرفندن انشا اولوب هرور زمان ایله خراب اولان ممالک محروسده
واقع بونجه مهم و معتنا کو پر یلرک و طریقلرک تعمیر و تسویه سی کی
و عصر مزده وجود و لزومی مستغنی توصیف بولنان خشنه خاقل و علوم
ریاضیه مکتبلری مثلاً منفعت ملکیه و ملیه یی موجب آثار خیریه یه خرج

ایلسه لر هم کندولرینه دلالاتی قالور و همده رحمت ایله یاد اولنلرینه
 سبب اولور ایدی
 فقط استانبول و ادرنه و بروسه کی شهرلرده جامع شریف انشاسنده لزوم
 و احتیاجک مرتبه سی نظر تدقیقه التامش و اراضی و رسومات وقف ایلمک
 مثلا و تقلیل اصحاب سیفی مستلزم شیلره تصدی قلمشدر چونکه تشکیل
 دولته خدمت ایدن امرای اسلامیه نیک سیف شهامتار یله فتح ایتدکلی
 محاربه عهده لرینه بر مقدار اراضی تملیک اولته رقی وقف ایتدکلی
 واقع و بونلره بر دیه جک اولدیغی بدیهی ایسده متأخریندن بعضیلری
 عقار و مسقفات انشاسنده عدم اعتنا ایله زعامت و تیمار و مقاطعات میریه
 مربوطیتی اولان اراضی بی و حتی کیالیه و قنطاریه و باج بازار کی رسوماتی
 یله یا مجله اعطا ایدرک و یا خود احسان صورتیه کندولرینه تملیک ایتدیررک
 وقف ایدر اولشاردر که بونلر وقف صحیح اوله مدقلرندن قانوننامه هما یونده
 تخصیصات قیلندن اولان اوقاف نامیه مذکور و مسطوردر مع مافیه
 بومثالولرک ایچنده دخی معقول اولنلری واردر که مثال اوله رقی برینی ایراد
 ایدلم دفتر خانه خاقانیده محفوظ اولان وقفیه لردن سلطان احمد خان ثالث
 اوائل سلطنتنده نائل صدارت عظمی اولان انشته حسن پاشا وقف نامه سی
 مزایاسندن مستفاد اولدیغی اوزره عزیر سنجاغنده شیخ الحدید دیمکله
 معروف مقاطعه داخلنده قره موزط نام محل که حرمین شریفین و بالجه
 عربستان طرفلرینک عمری ایکن مرور اعوام ایله قراسی بالکلیه خراب
 و مزارع و انهاری معطل اولوب مأوی لصوص اولشیدی دفتر دار وقت
 مقاطعه مزبوره به بشیک فروش قیمت تقدیر ایلش اولدیغی حالده صدر
 مشارالیه یدی بیک بشیوز غروشه اشترا و عهده سنه تملیک ایتدیرد کدنصرکه
 وقف ایدوب طریقک تأمین و مقاطعه مزبوره ده متوطن اهالینک حصول
 اسایشی ایچون بر قلعه بنا و درونه بر جامع شریف و برجفته حمام و طقسان
 او جاقلی بر خان و بر مکتب و بر عمارت و اوتوز عدد دکان و نقرات قلعه
 و متولی و کاتب و واعظ و مؤذنان و قیم ساکن اولق ایچون منازل متعدده
 انشا ایدوب مقاطعه مزبوره حاصلاتندن تسویه اولتیق و مارین و عابری
 محافظه ایتمک اوزره یومیه اون بشر افچه علوفه ایله بکرمی الی نفر
 سواری و اوتوز افچه یومیه ایله بر سواری اغاسی و بکرمی افچه یومیه ایله

برکت خدا واون بدی اقچه یومیه ایله بر علمدار واون اتی اقچه یومیه ایله
 بر چارش تعیین وقلعه محافظه سی ایچون دخی اوزر اقچه یومیه ایله اون
 بش نفر پیاده واون بش اقچه یومیه ایله بر دزددار واون ایکیشر اقچه یومیه
 ایله درت بواب ترتیب ابتدکی مثللو ذکر اولنان جامع ومکتب وعمار تک
 خدمه سنه وظائف متفاوته وعمارته طبخ اولند جق پالو وزرده دن ماعدا
 ذکر اولنان نفرات وضابطان وخدمه وقفه هر چفتی ایکوز قرق درهم
 اولق اوزره یومیه سکسان ایکی چفت فدوله وعمارت لوازماتی ایچون
 سنوی یوز سکسان بش کیل پنج ودرت یوز قرق درت قیه ساده
 یاغی و اوچ بیک ایکوز قیه لحم غنم و اوچ یوز قیه عسل و بونلره متناسب
 اشبای سائر تعیین اتمش و همشیره لینه دخی وقف مز بوردن یومیه الیشیر
 اقچه وظیفه شرط ایلمشدر نظر انصاف ایله باقلدیغی حالده بو وقفک
 ترتیبی اعمار ممالک وتأمین طرق ونشر علوم مثللو اوچ ماده مهمه
 وخبریه یی جامع و بو یوزدن تحصیل اجر ومثوبات مقصودینه مبتنی اولدیغی
 ظاهر و بو قدر مصارف کلیده ایچنده همشیره لینه یالکز یومیه الیشیر
 اقچه تخصیص ایلماری تأیید مطالعیه سند باهر اولدیغی مثللو مقاطعه تک
 بو یولده وقفه تبدیلی دخی معفو ومعذور طوتیله جق مواد دندر

✽ احوال علوم ومعارف وصنایع ✽

بو بابک حاوی اولدیغی عصرده مقام مشیخته کلان ذوات فخام وصدور
 عظامک اکثری فضائل وکالات ایله اراسته وباخصوص خواجه سعدالدین
 افندی خاندانی وزکر با افندی ومحمدوی یحیی افندی وصنع الله افندی
 وقره چای زاده عزیز افندی وصاحب فتاوا عبدالرحیم افندی وچتالجه لی
 علی افندی مشاهیر فضلالی مشایخ اسلامیه دن اوله رق بحق اعلم العلماء
 مدیحه سنه شایسته بولند قلی آثارر بله ثابت اولدیغی کبی ارباب
 طریقک قسم اعظمی وایه دار فضل ومعارف وشاذ قیلندن اوله رق
 خواجه زاده مسعود افندی وممک زاده مثللو جهله نسبت اولسانلر
 یله مباحثه مسائل شرعیه قادر ووافف اولد قلی تبع آثار ایدنلره
 ظاهر در مع مافیه بونلرک اکثریسی بالذات طشره لره حکومت شرعیه ده

بولند قلندرن احوال ممالك و اداره مهام دولته كسب و قوف و معلومات ايده
كشادر

معمار سان مر حومك بتشد يرد يكي چرا قلردن معمار داود اغا و سلطان احمد
جامع شريفك معماری محمد اغا و يكي جامع معماری مشهور قاسم اغا كه
كر ك استانبولده و كرك مسقط رأسي اولان اولونه سنجاغنده كليتلو اوقافي
و متعدد خيرات و مبراتي واردر انك و بونلر امشالي اصحاب هنك درجه
لياقتلري اشو فصلاك حاوي اولديغي يك اوچ تاريخيله يك طقوسان طقوز
سندسي بيلنده بنا و انشا اولنوب الان موجود اولان جوامع و مدارس و خان
و حمام و قلاع و كوپري و سائر ابنيه جسيمه و متينه ايله ثابت و مبرهنه
استانبولده و ممالك محروسه نك مواقع عديده سنده اصنافي معرفتيله هر نوع
اسلحه اعمال اولنه كلد يكدن بشقه جلد اولده مسطور علوفه خواران
دفترنده مندرج اولان اغايان و خدمه ارباب حرف كه طقوز يوز بو قدر كشيدن
و سراج و خاص اخور خاني كه درت يك اوچ يوز كسور نفوسدن عبارتدر
بونلر موظفا دولت فابريقه لرنده مستخدم اولان ارباب هنر و صنايع
اولوب على الدوام طوب و تفنك و قاييج و اسلحه سائر و چادر و حيوان طاقى
مثلا و مهمات سفر يه اعماليله مشغول اولورلر و بر خيليسى اردوي همايونلر
رفاقتنده كيدوب اثنای راهده اقتضا ايدن ادوات حربيه بنى انشا و تعمير
ايدرلر ايدى حتى سلطان مراد مر حوم روان سفرنده ارضرومده
و بغداد سفرنده ماردينده و فاضل احمد پاشا قنديه محاصره سي هنگامنده
اردوده جسيم طوبلر دو كدر مشلر و معمار و مهندسلر ك مهارتلى محاصره
مذكوره بزم طرفدن ياپيلان لغملر ك و نك لور ك لغملرينه تفوقيله ثابت
اولشدر

دفتر خاقانده مقيد اولديغي اوزره اذرنه و ديمتوقه و قلبه و سلا نيك
و انا طوليده واقع اسكيشهرده و بونلر ك حواليسنده اون طقوز قطعه
حيوانات او جاقلى اولوب بو او جاقلر بر طاق مرعى و چار و اورمان
و قوريلقلى حاوي و ابنيه مقتضيدى محتوى اولديغي حاليه زعمادن بر
او جاق اغاسنك تحت اداره سنه وضع اولمغله مبرى دوه واسب و استرلى
بورالده بسنور و دائما دوللى الثوب تكشدر لرينه اعتنا قلنور ايدى برده

ممالك محروسه ده یتش سکسان بیک تیمارلو سپاهیسی اولوب بونلر اولاکندو
نفساری ایچون ثانیاً فضله سنی صائب تمتع ایلک مقصدیه دائمی چفتلکرنده
حیوانات یتشسیره کلدلکرندن ممالك عثمانیه ده کلیتو حیوانات بولنوب
خارجه چیقارلمغه دخی رخصت ویرلز و بنابرین سفرلرده کرک سوار بچه
و کرک نقلیات خصوصنده اصلاً مضایقه چکلزایدی ایران سفرلرینک
امتدادندناشی بغداد وارضروم طرفلرینه علی الدوام عسکر و مهمات
سوق اولمقده اولدیغندن منتظم قالدیرملر و جابجا کاربان سرایلر و جسم
خانلر انشا اولمشدر که الآن اثرلی باقیدر

✽ احوال خارجیہ ✽

حکمران ایران اولان شاه عباس دولت علیه نك اوستریالور ايله اولان محاربات
متمادیه سندن استفادیه سالک اوله رق بویابده نیچه ایمپراطور یله بالخابره بیک
اون ایکی تاریخنده بغته نقض صلح ایدرک مقدا تحت حکومت سلطنت
سنیه ده داخل اولان اذربایجان و شروان الکالینی استرداد ایتد کدن صکره
بکر صوباشی عصیانده بغدادی دخی غصب ایتشیدی بنابرین دولت
علیه ايله دولت ایران یتنده مدت مدیده حرب و قتال دوام ایدوب عاقبت
سلطان مراد رابع حضر تلرینک بغدادی استرداد موفق اولمیرینه مبنی بیک
قرق طقوز سنه سنده تجدید صلح اولندی تعیین و تحدید اولنان حدود که
الآن مرعی و معتبردر حدود طبیعی حکمنده اولغله بعدازین دولتیونک
بونق تغیره چالشیمی یهوده اضرار عبادی موجب و بلا فائده اتلاف مال
ورجالی مؤدی اوله جغی تجار ب عیدیه ايله ثابت اولدیغندن صلح
مزبور تادولت صفویه نك انقراضنه قدر تطرق خللدن وقایه اولمشدر

دولت علیه ايله روسیه دولتی یتنده جهیرین سفرینه کلنجیه قدر طوغریدن
طوغرییه محاربه واقع اولیوب قریم خانلری جابجا محاربه و مصالحه
ایده کلشلر ایکن سفر مزبورک ختامنده روسیه دولتی جانبندن استانبوله
ایلچی اعزام ارنوب اوزی نهرینک صاغ طرفی دولت علیه وصول
جهتی مسقوله عائد اولق اوزره عقد صلح اولمش و بیک یوز تاریخنه قدر
دوام ایلشدر

له دولتی فرصت بولد قچه بغدادنه تعرض ایده کلدیکندن لهستان بالدفعات
پامال خیول اسلامیه اولدقدن صکره اوقرانیا اراضیسی قورتارمق تشبثنده
بولمسی دخی بودلیا ایالتک و قمانیجه قلعه سنک فتح و تسخیرینی مستلزم
اولغله چارناچار عقد صلحه طلبکار اولدیغندن سنوی یکریمی بیک التون
ویرکو ویرمک وابقه تاتارلرینک ممالک اسلامیه خروجنه ممانعت ایتمامک
وقزاق طائفه سنک قره دکره جیقملربنه مانع اولق شرطلریله بودلیا
واوقرانیا ایالتلرینک طرف دولت علیه ده قالمسی تصدیق ایلدی و بومعااهده
ویانه محاصره سنه قدر مستمر اولدی

اوستریا ووندیک دولتلریله واقع اولان محاربه وعقد اولنان مصالحه لر ایله
شرائط مهمملری متن تاریخده مسطور اولدیغندن تکرارینه لزوم اولیوب
بالکز شوراسی بیان اولنورکه دولتین مشارالیهما کوپرلی اوغلی فاضل
احمد پاشانک عقد ایتدیکی مصالحه لر اولدرجه ده تلافی بالقبول ایلشار
اول مرتبه ده انقساخ عهدودن متوحش بولنشار ایدیلرکه دولت علیه
قمانیجه واوقرانیا سفرلرنده برقاج سنه له وروسیه دولتلریله محارب اولدیغی
حاله انلرله اتفاق واسترداد ضایعاته جسارت ایده مامشلردر

فرانسه دولتی سلطنت سنیه ایله سلطان سلیمان عصرندنبرو معاهد و متفق
اولوب فقط بعض اوروپا تاریخلرینک بیاننه کوره کویا در سعادت، مقیم
فرانسه ایلچیبسی کوپرلی محمد پاشانک صدارتنده معتاد اولان هدیه بی
اعطاده مسامحه ایلش ایدوکنندن کوپرلیلر خاندانک انقراضنه قدر نظر
اعتباردن اسقاط اولمش اولوب بزم تاریخلرک ویردیکی معلومات ایسه
بونک خلافتنه ملابس وحتی بیک سکسان درت تاریخنده کوپرلی اوغلی
فاضل احمد پاشا صدارتنده فرانسه دولته مجدداً تجارت معاهده سی
عقد اولدیغی و بیک یوز درت تاریخنده کوپرلی اوغلی فاضل مصطفی پاشا
صدارتنده قدس شریفده واقع قیامه کلیسا سنجه فرانسه لوله بعض
مساعدا ت اعطا قلندیغی ادله مسلمه دندر فقط کرید سفرنده فرانسزلرک
عادتا دونما واردو سـوقـیـله وندکلوره اعانه ایللری دولت علیه نـک
اغبرارینی موجب اولدیغندن فرانسه ایلچیبسنک دیوان همایوندن اسکمله سی
قالدیرلمشیکن مؤخرأ سلطنت سنیه دول اربعه ایله مشغول حرب و ستیز

اولدینچی حالدۀ فرانسه لوزنک بوزلره قفادار اولماسی دولت علیه جه موجب
ممنونیت اولوب کافی السابق ایلیچی اسکیمه سنک وضع قلمدینچی فندقلیلی
تاریخنده مسطوردر

انکاتره دواتله سلطنت سنیه بدینده اصلا معادات واقع اولیوب باخصوص
کرید سفرلنده سفن نقلیه ایجاريله من جهة اجرای معاونت ایلمش اولسنه
مبنی بیک سکسان التی تاریخنده معاهدات ومساعات سابقه بی مکمل
اوله زق تجارت عهد نامه سی تنظیم و تعاطی قلمشدر

تم الجلد الثانی ویلایه الجلد الثالث



﴿ تاج الوقوات ﴾

﴿ جلد ثالث ﴾



الجلد الثالث

من تاريخ نتایج الوقوعات

بِسْمِ اللَّهِ الرَّحْمَنِ الرَّحِيمِ

باب رابع

(باب رابع بيك طقسان طقوز سنه سنده واقع جلوس سلطان سليمان)
(خان تانیدن بيك يوز سكرسان سكر سنه سنده منعقد قينارجه مصالحه سنه)
(قدر اولان حادثاتی متضمندر)

جلد سابقده بيان اولنديغي اوزره سلطان سليمان خان ثاني حضرتلری
جالس سریر عثمانی اولوب لکن طوائف عسکریه نك عنو و طغیانلری
کوندن کونه متراید اولمغله قائم مقام کوپرلی زاده فاضل مصطفی پاشانک
سیل طغیانه سد سیاست چکمک تشبثده اولنديغي اشقیا طرفندن تفرس
قلنديغندن شیخ الاسلام دباغ زاده محمد افندییه کیدوب قائم مقام مشارالیهک
قتلنه فتوا طلب ایلدیلر مفتی صاحب صلابت مصطفی پاشا دشمنه
قلعه می ویردی یوخسه عساکر اسلامیه نك هزیمته می سبب اولدیکه اعدام
اولنه اصلاح مزاج دولت ایچون قتلی مشروع اولان اشخاص مضره
سزلسکر دیو متجلدانه جواب و عتابه جرأت ایتمکه صدر اعظمه کیدوب
شیخ الاسلام افندی بی عزل و نفی ایتدیردیلر و مصطفی پاشا صدر اعظمک
هم افندی زاده سی وهم قاینی اولسنه مینی وقوعبولان شفاعتی اوزرینه

مشار اليهك بحر سفيد بوغازی محافظه طردیه اکتفا ایلدیلر بعد ازین
 بغاة عسکریه نك تغلب و اموال مقاطعاته تسلطاری صدچندان و صدر اعظم
 زیر بار غلبه لرنده دم بسته و حیران اولدیغندن یکچیری اغاسی پیشرو طغیان
 اولنلرک اعدام و تنکیلنه اغاز ایلدکده اولا اغای مشار الیهی قتل و افنا
 و بعده صدر اعظمک قوناغنی باصوب اموال و اشیاسنی نهب و یغما و کندوسنی
 الحاق زمره شهدا ایتدکدنصکره علنا اموال اصناف و تجاره دخی دست
 تعرضی دراز ایلدکارینه مبنی دکان صاحب لرندن برسید بریشیل بیراق اچوب
 و خلق دخی اردینه دوشوب دادخواهانه سرای همایونه عزیمت ایلدیلر
 بونک اوزرینه ارکان دولت صوابدیدی ایله سنجاغ شریف اخراج
 و بوستانچی و طویچی نفرانیله اعتضاد اولنوب اولکون و اول کیجه اله
 کین برخیلی اشقیا قنطره سیامستن امراروبو قاریشقلق اراسنده قحط رجال
 سببیه نشانچی بولنان مرعشلی اسماعیل پاشا صدر صدارتله کامکار
 قلندی

نمچه لولر سنه سابقه ده اردوی همایونک مع الاختلال عودت ایلسمندن
 و مرکز سلطنته وقوع بولان حادثات فجیعهدن مستفید اولوب استونی بلغراد
 و ایوار واکری قلعه لرینی واردلستانی کند تسخیره بند ایتدکاری حالده
 اغتشاش امور داخله دن و صدر اعظم اسماعیل پاشانک لیاقتسزلکنندن
 ناشی دشمن اوزرینه حرکت اولنه میوب سردارلق امر عظیمی یکن عثمان
 پاشا کبی برتوریدییه تفویض اولندی مرقوم قطاع طریق کروهندن
 اولوب برقچ سنه دنبرو اناطولی محافظه سیله تقید اولنه مدیغندن جمعیتی تکثیر
 و اعصار سابقه ده اولان جلالیلر روشنه سلوک ایلش ایکن اواخر سلطنت محمد
 خانیده برتقریب ایله جلب و بکلر بکیلاک و مؤخرأ رتبه وزارت
 ایله تلطف اولنوب باشنده بولنان برقچ بیک حشرات ایله روم ایلنه
 کچورلش ووقعه سابقه ده سرچشمه نامیه اردوی همایونده اصحاب
 حل و عقددن بولنمشیدی بولنه برشمعک اداره امور سپه سالاری
 ایده میه جکی مسلم اولسیله ثمره سوء تدبیر و خیانتی اوله رق نمچه لولر بلغراد
 قلعه سنه مستولی اولدیغندن مشار اليهک عزلیله اخذ و گرفته تشبث قلندی
 و علت سببیت ایله اسماعیل پاشا معزول و تکفور طاغلی مصطفی پاشا

صدر صدارته موصول اولدی لکن کمال تلاش و حیرتدن ناشی
مؤخرأ مرقومك سرعسكر لکی ابقسا اولمشیکن قریم خانی سلیم کرایک
افادات صادقانه سیله خائن مرقومك وعونه خونہ سی اولوب برر ایالت
وامارت ایله عباد اللهہ تسلیط ایتدیردیکی چند نفر اشخاصك قتل
وتدمیرلری ایچون هر طرفه فتساوای شریفه ایله اوامر سلطانیه ارسال
اولمغین هربری بریده اله کچیر یلوب اعدام و افنا اولندیلر و طقسان
طقوز سنه سی دخی بوغوائل ایله مرور ایلدی

پادشاه انامك بالذات سفره توجهی موجب تقویه قلوب عسکریه اوله جخی
بین الارکان تذکر اولمغله بیک یوز سنه سی سلطان سلیمان خان حضر تلی
موکب همایون ایله صوفیه یه قدر کوتوریلوب لکن دارالسعادة اغاسنک
سوقیله سرعسكر نصب و معینه عساکر وافیہ ترتیب اولنان عرب رجب
پاشافی الاصل عربان غوغار یله مألوف برذات اولدیغندن بلغراده تقرب
ایلدکده اکثر طوپلری و پیاده عسکرینی بر محله توقیف ایدوب سکر
اون بیک قدر سواری ایله دشمن اردوسنی باصق قیدینه دو شملکه و بوبله
طوپ و تفنگدن عاری و ترتیب و تعبیه دن بری اولان عسکرک جیوش
منتظمه یه تقابلارنده حال نیه منجر اوله جخی بنیهی بولمغله فنا حالده
بوزیلوب اردو محله ده دخی پایدار اوله مدیغنه مبنی ثمره غلبه اوله رق
نمچه لولر نیش و اولحو الیده بولنان قلاع و پلانقه لری استیلا ایلدیلر
بو کیفیت ارکان دولته موجب خوف و خشیت اولوب دشمنک بودرجه ده تغلب
و تسلطی میدانده ایکن پادشاهك صوفیه ده اقامتی تجویز اولنمغله اردوی
همایون ایله صدر اعظم صوفیه ده توقیف و پادشاه حضر تلی ادرنه یه
رجعت ایتدیرلدی دولت علیه نك بودرجه لرده پریشانلغه مبتلا اولسی
مدبر امور اولنلرک کفایت سز لکندن نشأت ایلدیکی ظاهر و اشکار اولدیغندن
ارکان دولت با امر همایون ادرنه ده عقد انجمن جمعیت ایدوب بودردک
چاره سی ساقز محافظی بولنان کو پرلی اوغلی فاضل مصطفی پاشانک
صدارته کتورلسنه منوط ایلوکنی با مضبوطه عرض ایتلریله موجب
مشار الیه جلب و مقام صدارته اصعاد اولنوب صدر سابق معیتند بولنان
اردونک سرعسكر لکی دخی قوجه خلیل پاشایه تفویض قلندی

سنة سابقه قريم خانى سليم كراى خان كبيده مشتانشين اولوب اول بهارده
صوفيه طرفلرينه كلك تدار كاتنده ايكن يك جنيم برمسقو اردوسنك
قريم اوزرينه هجوم وتقرب ايلديكى خبرى واصل اولسيه بالضروره
يائنده بولسان عسكر ايله اولجانبه ايلقار وقريم شبه جزيره سنك قارهيه
محل اتصالى اولان واور قپوسى تسميه قلنان موقعه برقاچ مرحله يرده
دشمن عسكرينه تصادف ايدوب درجنك اول اردونك برطرفدن دخول
ايله يكرمى درت قطعه طوپ وبر ايكيبيك اسيرالمش ايسهده مسقولرك
كثرت وبالنسبه عساكر تاتارك قلتندمبنى فتوحات كليہ ممكن اوله مديغندن
وبعد از بن روسيه لول اردولرينك اطرافنى يكرمى اوتوز صره مهمات
عربله ليله تحصيل ايدرك حركت ايله كلكارندن چارناچار خان مشار ايله
رجعت ايدوب اور قلعه سنى تحكيم ورد كزدن برد كزه خندق حفريله امر
مدافعى تميم ايدرك ظهور الطاف الهيديه نكران اولدى حالبوكه
مسقو اردوسى يك كليتو اولوب اوزى نهرندن ايرلدقندن صكره بش اون
مرحله يرده صوبوله مامغله وطائفه تاتار اطرافلرندن ايرلميوب ذخائر
ومهمات فرقه ليرنى نهب وغارت ايله تضيق دشمنه نصب نفس اهتمام
ايلكله ايله جسيم براردو مبتلاى مضايقه اولوب اور قلعه سى مقابلنه
كلكشكن بلا محاربه عودته مجبور اولدى و خان مشار ايله برخيلى مسافه
ارقدرندن كيدوب انواع خسارت ايصال ايلديكندن تلفات كثيره يه
مبتلا اولديلر

نچه لول نيشه مستولى اولدقندن صكره اضلال ايلدكارى رعايا انضماميله
كسب جمعيت واسكوب وپر شسته وكوستنديل طرفليرنى ضبط وغارت
ايدوب حتى رعايادن قاربوز نامنده بر شق به تاجيرينه قاليق وقومان اوهرالغى
نامنى اعطا ايتمش اولمريه مرسوم اورالده انواع اوهام و خيالات ايله اجراى
ملعت ايتكده اولديغى حالده خان غازى مسقو اردوسنك مدافعه سنده
موفق اولديغى متعاقب صوفيه كلوب سرعسكر پاشا ايله بالاجتماع
هرنقدر موسم شتا تقرب ايتمش ايسهده اول حوالينك احوالى تصحيح اولمق
اهم اموردن اولديغى قرارلشديرملريله اسكوب وكوستنديل واكرى دره
طرفلرنده بولسان دشمن ومعهود قاربوز قهر وتدمير وقچانلق پلنقه سى

محاصره اولنوب النبق اوزره ايكن نچهلورك اون ايكيبيك عسكر و قرق
 بش طوپدن مركب براردولري و اصل اولغله لى المحاربه فرقه مذكوره
 بوجه استيصال تنكيل وبالجملة طوپ و مهماتلري اخذ و تسخير اولنهرق
 بعده مذكور پلنقه دخى عنوة فتح اولندى و خان ذیشان مشتانشين اولق
 اوزره ادرنه دعوت بيور لى

صدر اعظم اول قيش ادرنده تنظيم مهمات و الغاي مظالم و محدثات ايله
 مشغول اولدى چونكه امتداد سفر ملايسه سيله اهالى اوزرينه برقاچ
 نوع و ير كورلر طرح اولنش و چوق عسكر ايله چوق ايش كوريلور
 مطالعه سنه مبنى عساكر موظفه كلياتو نفقات ضم و علاوه قلنشيدى
 مذكور و ير كورلى كاملا الغا و يكيچرى او جاغيله سائر او جاقلر نفرا تنى تنقيح
 ايدرك بهوده وظيفه خوار اولان درنتى مقوله لىنى اخراج ايلدكن
 ودائره همايونده و دوائر سائر دولته اولان زوائدى قطع ايله امور
 دولتى يولنه قويد قد نصكره او توز بيك قدر عساكر موظفه منتخبه ايله بيك
 يوز بر سنه سنده واقع حزينانده ترفيع رايت ظفر و صوفيه اوزرندن نيشه
 طوغرى سفر ايلدى

صدر صاحب تدبير ادرنده دن قبل الحركه برقاچ بيك سپاه و طوپچى و جبهه جیدن
 و برقاچ اياتك زعما و ارباب تيمارندن مركب و تقريراً اون ايكيبيك كشیدن
 عبارت برقوه مفزه يى چركس احد پاشا سر عسكر لى و مشهور نوكلى
 قرال انضماميله اردلستانه سوق و موره سر عسكرى توجه خليل پاشاي دخى
 اولونيه استردادينه و موره تسخيرينه تعيين ايلش اولديغندن نچهلورك
 اردلستان محافظه سى قيدينه دوشوب اردوى همايونه قدرتياب مقابله
 اوله مدقلرينه مبنى اولاشهر كوي بعده نيش وودين و فتح الاسلام و سمندره
 قلعه لى زور بازوى مجاهدین ايله استرداد اولنوب بو قدر فتوحات ايله
 اكتفا و حسب الموسم عودت اولنور ظن و تخمين قلنقه ايكى مجرد
 صدر مشار اليك اقدام و غيرتيله بلغراد قلعه سى دخى سكر كون محاصره ايله
 عنوة فتح اولندى و برقوه مفزه ارساليه اوسك قلعه سى تحت
 محاصره يه النشيكىن موسم شتاك حلولى متريسلرده ارامه مانع اولديغندن
 ترك اولنوب عودت خلانده اطه قلعه سى دخى ضبط و تسخير قلندى

اردلستان طرفه سوق اولسان چركس احمد پاشا افلاق حدودنده
واقع اردل طاغلرندن كمال تكلف وزجت ايله مرور ايدوب مشهور حيدر
جنرال معيتنده بولنان و يكره بىك قدر عسكردن مركب اولان نجه
اردوسيله محاربه ايدرك مظهر فوز و ظفر و برچوق ضابطان و نفرات
ايله جنرال مرقوم كرفتار قيد اسراولوب لكن پاشاي غازى اثنای
حر بده الديغى ياره دن مرتحل دار اخرت اولغله و اهالى اردل اميد
اولنديغى و جهله نوكلی قراله عرض اطاعت ايتماكله مؤخرأ وتران جنرال
معيتيله وارد اولان نجه اردوسى اوزرينه واريله ميوب اوچ ايدن متجاوز
ممالك اردلده كشت و كذار اولندقدن صكره ينه افلاق ايچندن عودت
قلندى و بو عودته سپاه طائفه سنك اصرارى اقواى اسباب اولديغندن
علوفه لرى قطع و كندولرى سلاط عسكريدن طرد اولندى
موره سرعسكرى خليل پاشا اولونيه يى استرداده موفق اولدندن صكره
اولحواليده بولنان و نكولر اوزرينه هجوم ايلديكندن و نكولر
اضطرابه مبتلا اوله رق مقدمه كرده ارسال و حانيه قلعه سنى محاصره
ايتدركارى اردولرى موره يه جلبه مجبور اولملىله بو ايكي سرعسكرك
مظفريتلى هم اردوى همايونك سر بستجه حر كتنه و همده كريد
جزيره سنك تجاوز دشمندن خلاصنه سبب اولدى
سنه سابقه ده نجه لولرك نيش و اولحوالى يه استيلا لرنده اهالى اسلاميه
متفرق و پريشان اولديغندن رعايانك اشقياسى اعلان عصيان ايدوب اهل
عرض گروهى حر كات عسكريه دن ناشى صعب المرور طاغلر باشنه صعود
ايلدك لرندن بلغراد ايله صوفيه اراسنده شليكدن اثر قالمامشيدى مؤخرأ
صدر غازينك استيماناً فتحنه موفق اولديغى قلعه لرده بولنان عصاة
رعايائى نجه لولر كندو اللرييه دولت عليه نك سيف تأديبنه تسليم
ايدك لكرندن رعايا طائفه سى نيه اوغرا دقلىرىنى اكلا دقلىرىنى و صدر
اعظم حضر تلى اسيراً تانار و طوائف عسكريه اللرنده بولنان رعايا
چو جقلىرىنى تخليص و و ايلارينه تسليم ايتدركدن بشقه رعايابه تخملىق
و حيوانات اعطاسيله لازم كلان اعانه يى اجرا و اسباب محافظه لرينه
اعتنا ايتديكنه بناء وطنلرينه عودت و زراعت و صنعتلرينه اشتغال

ایلرله وروم ایلیدن قطع امید ایدرک اناتولی و سائر محالره کیدن
اهالی اسلامیه دخی نیچه لولرک طونه دن قارشویه طرد اولماریندن طولایی
یکیدن حیاته نائل و عودته مائل اولماریله اولحوالی ازسرنو معمریتیه
یوز طوتدی

مقیم کنج انزوا اولان سلطان محمد رابع حضرتلرینک طرفدارلرندن
امام اسبق قاضی عسکر ابراهیم افندی و علما و رجالدن بعض کسان قاضی
قریه سنده عقد جمعیت خفیه ایدوب پادشاه زمان سلطان سلیمان خان
حضرتلری قرق سنده دن متجاوز طائفه نسا و حرم اغارلرندن غیره کیمسه بی
کور مامکله انلرک اخلاقیه تخلیق ایتش اولدیغندن درت سنده در دولت
پادشاه سزکی قالدی بناء علیه تکرار سلطان محمدی جلوس ایتدیره لم
دیو مذاکره ایلدکرینه صدر اعظم کسب اطلاع ایله جلا سنی نفی ایلشیدی
لکن سلطان سلیمان علت استسقا ایله مشرف موت و صدر مشارالیه
دخی متهی حرکت ایدو کندن وفات وقوعه شاید استانبولده بر حادته
ظهوری وارد خاطر اولمسیله پادشاهک ادرنه یه کوتورلمسی و ارتحالنده
کوچک برادری سلطان احمد ثانینک اجلاس قلمسی بین الوکلا
قرارلشدیریلوب پادشاه حضرتلری تخت روان و سلطان محمد ایله
شهرزادکان ایکیموز قدر بوستانجینک تحت محافظه لرند و عربله ایچنده
اوله رق اردوی همایون ایله ادرنه یه عزیمت قلندی

صدر اعظم بیک یوز ایکی سنه سی رمضانده ادرنه دن فک رابطه آرام
وفله صحرا سنده نصب سرادقات اسلام ایلدکده سلطان سلیمانک
واصل ریاض جنت و سلطان احمد خان ثانی حضرتلرینک جالس سریر
سلطنت اولدیغی خبرله مهر جدید سلطانی و ابقای صدارتی متضمن
خط همایون واصل اولدی شهریار مرحوم قرق سکزیاشنده نائل
سلطنت و اوچ سنه سکز آی لابس فروء خلافت اوایوب الی بریاشنده
وفات ایتش و سلطان سلیمان خان قانونی تر به سنده دفن اولنشد غایت
حلیم و سلیم برپادشاه تقوی شعار اولغله فتی ورتقی امور ارکان سلطنتک
ید اداره لرند ایدی

اردوی همایون بلغرا ده واصل اولدقده نیچه لولر دخی ورا دینندن زمونه

طوغری کلمکده اولمغله نهر صاوه اوزرینه انشا اولنان جسردن زمون
 یقه سینه مرور اولنوب موکب اسلامک اطرافده استحکام انشاسیله اقامت
 وقریم خانک ورودینه انتظار قلمقده ایکن دشمن اردوسی کونده بر
 ایکیشر ساعت مسافه رجعتیه باشلادیغندن صدراعظم دخی تعقیبه مباشرت
 ایلدی ورا دیندن بلغرادده قدر طونه نهری سفن اسلامیه نك تحت محافظه سنده
 اولمق حسبیه نیچه لولر ساحلدن کیده میوب ورا دینک اوچ درت ساعت
 بروسنده واسلانتین جوارنده بولنان بوغازدن کچمکه محتاج اولدقلرندن
 صدر مشار الیه طونه نهری کنار یله عزیمت و دشمنی سبقت ایدرک
 مذکور بوغازه قونوب پیشگاهنه متریس و خندق انشاسیله تحکیم ایلدی
 لیکن میدان محاربه لرده دشمنک خط رجعتی کسملک لاجرم اولوم اری
 اولوب فوق العاده چالشمیرینی مستلزم اولمغله نیچه لولر بو حال مشاهده
 ایله چار ناچار طلبکار حرب و قتال اولدیلر بناء علیسه بیک یوز ایکی
 سنده سی ذی القعدة سنک یکریمی بشنجی کونی دشمن متریس لر اوزرینه
 هجوم ایلدکده کلی تلفاته گرفتار اوله رق رجعتیه مجبور اولدی ایسده
 نیچه قوماندانی پرنس پولی اردوی همایونک ارقه طرفنده متریس
 اولدیغنی خبر المش ایدو کندن بالجمله سوار یسیله صاغ قول اوزرینه شدتلو
 بر هجومدها ایتکله ناطولی والیسی معیتنده اولان و صاغ قول محافظه سنده
 بولنان ترکان سوار یسی دشمنک آتشندن اورکوب پریشان اولدقلری
 صدر مشار الیهک منظوری اولدقده کندو یاننده بولنان سپاه و سلحدار
 الایلریله مدافعه یه شتاب ایدرک نیچه لولرک اوست باشنه چیتیمغه آیرقالمش
 و آثار غلبه کرکی کبی ظاهر اولمشیکن صدر مشار الیه قورشون ایله
 اوریلوب شهید اولمغله و کتخداسی دخی کتمه قادر اولمغله بو کیفیت
 عساکر اسلامیه نك روگردانلقلرینه بادی اولدیغندن نیچه لولر پیاده
 متریس لرینک ارقه طرفنه کچمکه فرصت یاب اولدیلر بونک اوزرینه
 وزرا و امرا آت اوزرنده مشورت و بعد ازیں جنود اسلامیه نك سمت
 سلامتیه چیقارلمسینی تنسیب ایلدکارینه مبنی پیادکانی سواری ایله محافظه
 ایدرک بلغرادده رجعت و کافه طوب و مهماتی برارنده ترک ایلدیلر اگرچه
 هزیمت طرف اسلامده واقع اولدی ایسده نیچه لولر دخی بک زیاده تلفاته

کرفتار اولدقلرندن و باخصوص محاربه کونی سفن اسلامیه نیجه کیلری
اوزرینه هجوم ایدوب یدی سکزیوز اسیر وخیلی مهمات وسفینه تسخیر
ایلدکلرندن جنود اسلامیه بی تعقیبه وحتی محل حربده اقامته بیله قدرتیاب
اوله میوب سیر سریع ایله ورا دینه عودت واورادن طونه بی کچوب
اردلستانه عزیمت ایلدیلر صدر شهید مائل رکوع اولان بنیان
دولتی اقامه یه موفق اولوب برقاچ سینه دهها مهمساز مصالح حرب وسفر
وتسبیق فرمای مهمام وعسکر اولسه تلافی مافات واکمال ضایعاته مظهر
اولسی مأمول قوی اولدیغی حالد، مشیت الهیه عکسنه متعلق اولدیغندن
بوقضای نا که ظهور ایله واصل ریاض جنت وشیرین مذاق شهد شهادت
اولدی

رکاب قائممقامی بولنان قاضی علی پاشا متجلا اردوی همایونه کتمک
شرطیله صدر اعظم نصب اولمشیکن وقت سفر گذران ابتدی واکمال
مهمات و قته محتاجدر دیه رک حلب والیسی قوجه خلیل پاشایی سرعسکر
نصب ایتدیروب کندوسی اجرای اغراض ونفسانیتیه وجع ماله قویلمغله
بیک اوچ سنده سی واسطنده معزول ومقتول و دیار بکر والیسی مرزبونی
حاجی علی پاشا مقام صدارته موصول اولوب بشاون کون مرورنده
موکب همایون ایله بلغرا ده عزیمت ایلدی دشمن هیچ برطرفدن باش
کوسترمدیکنه وبلغراد قلعه سی دخی محتاج تعمیر وتحکیم اولدیغنه بناء
بوسنه انکله اشتغال اولنهرق بیوک بر محاربه واقع اولقسزین عودت
اولندقدن صکره صدر مشار الیه عزلی اراده بیوریلان دفتر دار اجد
افندینک ابقاسی خصوصنده پادشاه حضر تریله مجادله وبالاخره استعفا
ایلدیکندن رکاب قائممقامی بولنان بوزقلی مصطفی پاشا صدر صدارته
اعتلا ایلدی

صدر شهید زماننده قریم خانی سلیم کرای خان حجه کتمک اوزره استعفا
ویرینه سعادت کرای خانک نصبنی سوق والقا ایتکله مشار الیه حکومت
قریم ایله تجلیل اولمشیدی ورا دین محاربه سینه یتشمامک تهمتیه معزول
وصفا کرای خان تخت قریمه موصول اولدی ایسه ده مطلوب دولت
وجهله حرکتیه موفق اوله مدیغندن کورک باران دیده الحاح سلیم کرای

خان بيك درت سنه سي صفر نده سلوري قرينه واقع چنگلكندن ادرنيه
 جلب بيوريلوب اوچنجي دفعه لابس فروه خاني اولدي
 خان مشار اليهك تصويب وتنسيبي اوزرينه بو سنه اردوي همايونك
 اردلستان طرفنه عزيمتي قرارلشديرلنله صدر اعظم بوزقلي مصطفى
 پاشا بيك درت سنه سي ذي القعدة سنه ده موكب اسلامي مستصحباً
 روسجغه عزيمت ايتشيكن نچه لولرك كمال شدتله بلغرادى محاصره ايلدكاري
 خبري وارد اولديغندن بالضروره اردل سفرندن فراغت وبلغراده
 طوغري حركت اولنوب ايكي اوچ مرحله مسافه قالدقده دشمنك ترك
 محاصره ايله قارشو طرفه مرور ايلديكي استخبار اولندي وبو سنه دخی
 بلغرادك تحكيم وترصيني ايله امرار وقت اولنهرق عودت قلندي
 بيك بش سنه سي رمضانده صدر اعظم مصطفى پاشا صيد وشكار ايله
 مشغول اولق تهيمته بناء مسند صدرتدن فتاده ودفتردارلقدن طرابلس
 شام واليسى اولان سرمه لي على پاشا اولقام عاليه پانه ساده اولوب
 اواخر سنه مز بوره ده عازم سفر اولدي نچه اردوسي ورادينده
 تحصن ايتمكله يكرمي ايكي كون محاصره وعقاتله اولنوب كثر اطار
 مانع قمع وتسخير اولمش ايسه ده معسكر دشمني تحت محاصريه المي دخی
 برنوع غلبه وظفر عد ايديلهرك عودت ويك التي سنه سي ربيع الاخرنده
 ادرنيه مواصلت قلندي

ونديك دونمسي ساقز جزيره سنه هجوم ايدوب اسباب محافظه سي ناقص
 اولق حسييله بالضروره استيماننا تسليم قلعه قلنديني خبري پادشاهه
 واركان دولته پك زياده سؤ تأثير ايتمكله نزع وتخليصى ضمنده اناطوليدن
 كليتلو عسكر ترتيب ودونمى همايونك مكمل چيقارلسنه اقدام وغيرت
 اولنوب خبر ساره ظهورينه انتظار اولنمده ايكن بيك التي سنه سي
 جادى الاخره سنك يكرمي اوچنجي كوني سلطان احمد خان ثانی عازم
 ملك جاوداني وسلطان محمد رابع مرحومك بيوك شهزادلى سلطان
 مصطفى خان ثانی جالس اورنك جهانباني اولدي شهریار مغفور الى
 ياشنده نائل تخت دولت وعينيله برادرلى سلطان سليمان ثانی ككي
 اوچ سنه سكر آي يكرمي بش كون مربع نشين دهرم سلطنت اولمشوساطان

سلطنت سلطان
 مصطفى خان ثانی

سلیمان خان قانونی تربہ سہنہ دفن اولمشدر حدید المشرب متہور المزاج
برپادشاہ ایدی

ساقز استخلاصہ سرعسکر نصب اولنان مصرلی زادہ ابراہیم پاشا
وقپودان دریا عموچہ زادہ حسین پاشا دونمای ہمایون ایلہ اق دکرہ
عزیمت ووندیک دونماسیلہ ایکی دفعہ مطارحہ قرعہ حرب و قتالہ مباشرت
ایدرك دشمن دونماسنك نصفندن زیادہ سنی اغراق و احراق ایلہ نائل
فوز و ظفر و وندکلور عازم سمت مفر اولملریلہ ساقزہ واریلوب درحال
لیمانہ وقلعہ دہ بولنان بیک قدر وندکلوی اسیر وچند قطعہ سفینہ ایلہ
اوتوزدن متجاوز طونج طوپ وکلیتلو تفنك وجبہ خانہ و مهمات سائرہ بی
ضبط و تسخیر ایتدکاری خبر مسرت اثری جاوس ہمایوندن اون اون بش
کون صکرہ جہ واصل اولغلہ شہریار جدیدك مطلع سلطنتندہ بومظفريتك
وقوعی و ساقز جزیرہ سنك تخلیصی تفأل خیر عد اولندی

پادشاہ نوجاہ بالذات علم افراز غزا اولمی عزمنندہ اولدیغی حالہ صدر
اعظم علی پاشا تأخیر ایتدیرمك ضمندانہ بعض حرکات مذہوحانہ یہ جرأت
ایلك تہمتیلہ معزول و مقتول و رکاب ہمایون قائم مقامی بولنان الماس محمد
پاشا صدر وزارتہ موصول اولسنی متعاقب علم سلطانی تبختر و اہترازہ
اغاز ایدوب بلغرادہ لدی الوصول نمچہ لولرك اردلستاندہ اجتماع ایلہ
طمشوارى محاصرہ نیتندہ بولندقلری استماع اولغلہ بیکیدی سہنہ سی
محرمنندہ طونہ اوزرینہ تمید اولنان جسردن پانچوہ طرفندہ مرور
واولحوالیدہ واقع پلنقلر ضبط و تسخیر اولندقدن صکرہ طمشوار
صحراسنہ نصب سرادقات عظمت بیورلدی دشمنك بیوک اردوسی
اردلستاندہ واون ایکی بیک سواری و برقاچ بیک پیادہ ایلہ وتران نام جنرال
شیش جوارندہ اولدیغی استخبار اولندیغندن اولا طمشوارہ قریب
لیپوہ قلعہ سنك فتحندہ عزیمت و عنوہ آوردہ قبضہ دولت قلوب
طمشوارى محاصرہ نیتیلہ قلعہ مر قومدہ ادخار اولنان اوتوز طقوز قطعہ
طوپ وکلیتلو مهمات و ذخائر اغتنام اولندی بعدہ وتران جنرال اوزرینہ
حرکت اولنہرق جنرال مر قومك بولندیغی موقعك ایکی طرفی بطاقلق
وارقہ جانبی طاغ اولدیغندن بالذات پادشاہ حضرتلری پیشکاه دشمنندن

وقريم خانى سليم كراى خان جبل طرفندن هجوم و دشمنى احاطه ايليريله
جنرال مشارايله فرقه مزبوره كاملا قهر و تدمير و بالجملة طوب و مهماتلى
تسخير قلندى و شيش و لغوش قلعه لى دخی در حال ضبط و تخریب اولندى
موسم شتا قریب اولق حسیبيله فتوحات مذکوره ايله اکتفا و نیکبولى
اوزرندن عودت اولنوب پادشاه غازی کمال فروشوکت ايله ادرنه یه مواصلت
واورادن دخی استانبوله عزیمت بیوردیلر

اولبهار حلولنده ساقس پرئسی قوماندە سنده بولنان نیچه اردوسنک
طمشواری محاصره ایلدیکی خبر الندیغندن سلطان مصطفی خان حضرتلی
ینه بالذات نهضت و بیك سکر سنده سی محرمنده بلغراددن پانچـوه جانبـه
مرور ایدوب دشمنک کذرگاه اولان محالرده انشا ایلدکری پلانقه و نهر
طونده بولنان درت قطعه کبیر قالیونلرینی احراق و تخریب ايله طمشواره
تقریرلنده نیچه اردوسی محاصره بی ترک ایدرک برطار بوغازده استحکام
انشاسیله موکب اسلامی کچورمامکه اقدام ایلش ایسه ده قدرتیاب
اوله مدیغندن و ایرتسی کون و قوعبولان هجومنده دخی اون بشبیک قدر
تلفات و یردیگندن بالضرره رجعت مجبور اولغله خلیجه تعقیب و ایصال
مضرت اولندقدن صکره طمشواره عودت و خراب اولان محالرینک
تعمیرینه مباشرت اولندی و قلعه مرقومه تعمیر و تحکیم و عسکر و مهماتی
تتم اولنهرق بلغراده و اورادن دخی مشتای ادرنه یه عودت بیوردی

سنه سابقه ده روسیه لولر ازاق قلعه سنی محاصره ایتدکری حالده فرصتیاب
تسخیر اوله مامش لر ایکن بوسنه کال شدتله تکرار محاصره ایلدکری نه
وسلطنت سنیه نک اق دکر و موره و مجارستان و لهستانده اولان مشاغل
حریبه سی جهتیله ازاق قلعه سنک اکال اسباب محافظه سینه لایقیله
باقیله مدیغنه مبنی قلعه مزبوره موسقولونک کرفتار کند تسخیری اولدی
له لولر برقاق دفعه قانچه قلعه سنی محاصره ایتش لر ایسه ده خیبت و خسران
ایله مجبور رجعت اولدقلى مثالو بوسنه اولکون قلعه سنی محاصره
ایدن و ندکولر دخی انهزام فاحش ايله منهزم اولدیلر

اوچنجی دفعه اوله رق سلطان مصطفی خان حضرتلی رفیع لوای جهاد
ایدوب بلغراده لدی الوصول جهت حرکت قرارلشدیلرلق اوزره

حضور همایونده مجلس مشورت عقد او انمغله ارکان دولت کافی السابق
طمشوار طرفه عزیمتی تنسیب ایتدکارنده بلغراد محافظی عوجه زاده
حسین پاشا بورایک خلافتده بولنوب نیچا اولرک عادی دائماً فرصت
کوزه درک یا بر صو کچیاور ویاخود قونوب قالیفلور ایکن هجوم ایله
تفرقه ویرمک مرکزنده اولدینخی بالدفعات مشاهده اولنه کلدیکنه
ویانجوه دن طمشواره قدر برقاچ جسیم نهر کچلمک اقتضایده چکنه بناء
بویله اغر عسکر ایله اولجهته حرکتک مخاطره سی درکاردر پادشاهمز
بلغرادده اقامتله اطرافه قوه مفروزه لر کوندروب ممالک دشمنی تاراج وار دولرینی
ازجاج ایله اکتفا بیور مدقلری حالده صاوه نهرندن زمون یقاسنه کچیلوب
ورادین اوزرینه حرکت اولنور ایسه دونمای همایون کیلری دخی موکب
اسلامک یانندن ایرلیدرق نقل مهمات ایدر وهروجهله موجب سهولت
اولور ان شاءالله تعالی ورادین تسخیر قلندقدن صکره اقتضاسی وجهله
حرکت اولنور دیمش ایسدد، بالجمله وزرا و امرا رأی اولنده اصرار
ایلدکارندن بیک طقوزسنه سی محرمنده طونه اوزرینه تمید اولنان جسرندن
پانجوه طرفه مرور اولندی نیچه اردوسی ورادینک قارشو حذارنده
وطونه یه اوزاق صوسنبر فنا محله بولندینندن اوزرینه هجوم اولنسه
فوز و ظفر الطاف الهیه دن مأمول و مسئول ایکن وزرا و امرا صدر اعظم دن
ناخشنود اولوب موفقیته استمدکارینه مبنی بوفرصتک قاچیرالامسنه
بر وجهله ارضا اولنمدقلرندن چارناچار طمشوار طرفه عزیمت و معبر
عسکر اسلامده واقع اولوب یدی سکر بیک قدر منتخب دشمن عسکر یله
محافظه قلند، بولنان تل قلعه سنک تسخیرینه مباشرت قلندرق درحال
جنود دشمن قهر و تدمیر و قلعه مرقومه تخریب قلندی نیچه بیوک اردوسی
کرفتار اولدینخی تهلکه دن قورتلدقدن صکره اغر اغر عسکر همایونک
ارقه سنندن کلکه باشلامشیدی شهر صفرک یکرهی اوچنجی کونی زانه
نام محله نیسه نهری اوزرینه قوریلان کوپریدن دائرة همایون ایله
پادشاه انام طمشوار یقه سنه مرور ایدوب صدر اعظم و سائر وزرا
وامرا قصور عسکر و مهمات و طوبلری امرار ایتک مشغولیتنده ایکن
بقضاءالله تعالی کوبری نهدم اولمغله صدر مشار الیه ایله اناطولی والیسی

مصرلی زاده ابراهیم پاشا و طمشوار محافظی جعفر پاشا وادنه والیدی
 فضل پاشا و یکپیری اغاسی بالطه زاده محمود پاشا واون قدر بکار بکی
 و یوزدن متجاوز یکپیری و سپاه و سوار ضابطانی و تیارلو الای بکاری
 و بوجه تخمین عسکر اسلامک ثمنی مقداری جیوش موحدین صویک
 قارشو طرفنده قالدیلر نچهلور بوحالی مشاهده ایله هجوم ایدوب انهدام
 جسر دلابه سیه نه عسکر همایون جانبندن قارشوده قلان غزانه امانه قابل
 ونه ده انلرک طمشوار یقه سنه عبورلری ممکن اولدیغندن دو کوشه دو کوشه
 جله سی سرمست سلاف صاف شهادت اولدیلر بوقضای ناکهظهورک
 و قوعنده تسلیم قاعده فن حرب اقتضاسندن ایکن کاملاً شهید اولنجده قدر
 چالشمیری اسلافک حیت و غیرتی ارائه ایدن بر میزان صحیح الاعتباردر
 پادشاه حضر تلی طمشواره واصل اولدقلرنده عموجه زاده حسین
 پاشایی بلغراددن جلب ایله صدر صدارته اصماد ایدوب نچهلور دخی
 فنا حالده زده لندکاری جهته اردلستانه رجعت ایلدکارندن طمشوار
 قلعه سنک اکمال لوازمایله موکب همایون دخی بلغراده واورادن ادر نه یه
 عودت ایلدی

نچهلور ابتدای سفردن کو بریلی زاده فاضل مصطفی پاشا صدارته
 کلنجه سکن سنه علی التعاقب نائل مظفریت اولمیریل طمشواردن ماعدا
 بالجمله مجارستان قلعه لرینی و بعده بلغراد ونیشی ضبط و تسخیر ایتشلر ایکن
 صدر مشار الیه طونه نک بو طرفنده بولنان قلعه لری استرداد و دشمنی
 قارشو جانبه طرد و ابعاد ایدوب بوندن صکره و قوعبولان محارباته ایه
 غلبه و ظفر طرفینده متداول اولدیغندن و نچهلور جابجا فرانسه لور ایل
 غوضایه مجبور اوله کلدکارندن بعد ازیں ایلر و لیه میوب بلیکیده عکس
 قضیه ظهوری ملحوظ اولغله انعقاد صلحه طلبکار ایدیلر و ندکاولر
 موره جزه یرسنه مستولی اولشلر ایه ده بحر سفیده بالدفعات دوتالری
 مغلوب و منکسر اولوب بوسنه طرفلرنده و موره جهته و افع اولان
 محاربات متوالیه ده دخی کلیتلو تلفانه گرفتار اولدقلرندن موره نک تملیکیه
 اکتفا ایلکه مجبور ایدیلر لهلور اون بش سنه متمد اولان اشو محاربه ده
 بر قاج کره قانجه قلعه سی محاصره ایتشلر ایکن خیرت و خسرانندن غیری

بر شیئه دسترس اوله میوب طوائف تاتارا یسه علی الدوام مملکتلرینی نهیب
وغارات ایده کلدیکندن متفکرینک سایه سنده صلحاً قاینجه نیک استردادی
امیدندن بشقه صورتله متسلی دکلر ایلدی مسقولور ازا ق قلعه سنی
ضبط ایله مقصدلرینک مبدائنه واصل اولوب هنوز مقام حکمدارییه
نائل اولان دلی پترو اول امر ددولت و عسکرینی تنظیم و بده منوی ضمیرینی
اجرایه قیام ایلیک مطالعه سنده بولنمیه اودخی صلح و صلاحه میل ایلدی
دولت علیه نیک دوام محاربه دن عجزی اولیوب هر سنده تجهیز طوائف
عسکریه و ترتیب لوازمات سفریه ایتکده ایدیسه ده تکالیف شاقه ایله
ممالک محروسه اهالیسی مبتلای مضایقه و ضجرت و عمران ممالک کوندن
کونه منحول خرابیت اولمغه و بویله درت دولت ایله محاربه ایتدکجه
استرداد ضایعات ممکن اوله میه جنی میدانده بولنمغه هم اشبو اتفاق مربع
قرین انحلال اولمق و همده بر مقدار نفس الوب اداره ملکیه و عسکریه سنده
نظام و یرمک ایچون سلطنت سنیه نیک دخی صلحه احتیاجی اولدیغندن
ضایعاتنی کوزدن چیقارمش و عقد مصالحه بی متنی بولنمشیدی بناء علیه
بو کره انکلتزه و فلنک دولتلری طرفندن عرض اولان توسط دول محاربین
جانبندن قبول اولنه رق قارلویچه نام محله اجتماع اولمق اوزره
هر طرفدن مرخصلر تعیین اولنمغه جانب دولت علیه دن دخی رئیس
الکتاب رامی افندی و دیوان همایون ترجمانی اسکرلت زاده پناوت بک
مرخص انتخاب و ارسال قلندی

سفرک اوچنجی سنده سنده سر عسکر اولان ملک ابراهیم پاشا غنیره
قلعه سنی بدل صلح اوله رق و یرمک اوزره نجه لوره تکلیف معاهده
ایتمشیکن بر نتیجه حاصل اوله مامسی و دولته طانشمق سزین خود بخود
بویله بر امر عظیمه جرأت و بر قلعه و یرمکه نیت ایلیسی اسباب قتلندن
بررسی اولمشیدی کیتدکجه امور حربیه مشکلاته صارمق حسبیه سفرک
التنجی سنده سنده واقع جلوس سلیمان خان ثانیده دوست اولان دولترده
جاری اولان قاعدهیه قیاساً رجال دولتن ذوالفقار افندی طاهرأ
اخبار جلوس ایچون بروجده سفارت نجه دولتی نزدینه ارسال قیلنوب
سلطنت سنیه بوجیهله اختیار تنزل ایلش اولدیغی حالده نجه لورک

او ان غلبه مطلقه لری اولدیغندن اوج سنه قدر سفیر مومی الیهی
 کاه حبس ایدرک و کاه درلو تحقیرات ایله ازعاج ایلیدرک الیقویوب
 بعده خارج از امکان تکالیف بارده ایله اعاده ایلدیلر بوندن صکره
 وقت وقت انکلتیه و فلنک دولتری توسطیه رطب و یابس تکلیفلر
 و قریم خانی واسطه سیله لهلولر جانبندن طلب صلحی متضمن استعمار
 واقع اوله کلمش ایسه ده اکثریسی اغفال مقصدینه مبتنی اولدیغندن
 حواله روی التفات اولنیوب دارالملک مجارستان اولان بودین استرداد
 اولندقجه صلح اولنیه جغنی بیان قلمقده ایکن بالاده مسطور اسباباک
 اجتماعیه دول محار بینک جله سی بو و جهله میل صلح ایلدیلر

صدر اعظم حسین پاشا اردوی همایون ایله ادرنده دن حرکت و صوفیه دن
 مرخصلری موعده اجتماع اولان قارلو یچیه اعزام ایلدکن صکره
 بلغراده عزیمت ایدوب هر نقدر امر مصالحه در دست مذاکره ایسه ده
 متارکه عقد اولندیغندن صاوه نه ری اوزرندن زهون طرفنه و طونه
 نهرندن یا نچوه یقاسنه جسرلر تمید ایتدیروب احوال مکالمیه انتظار
 و شاید فسخ مذاکرات اولنور ایسه متهمی هجوم بولندیغنی پارواغیاره
 ابراز و اشعار ایلادی مرخصلر بینده دور و دراز مذاکرات جریانیله
 بالاخره ید استیلارنده بولنان اردستان و مجارستان نیچه لولرده و طمشوار
 ایالتی دولت علیه ده قالمق شرطیه اوستریالور ایله و قانیجه قلعه سی
 تخلیه و تسلیم اولنق اوزره حدود قدیمه مو جنبه لهلولر ایله و وندکولرک
 ید استیلارنده بولنان اینه بختی سلطنت سنیه ید رد قلمق و موره جزیره سی
 وندکویه حاد اولق اساسیه انلر ایله بیک یوز اون سنه سی رجباک
 یکر می التیمی کونی صلحنامه لر تنظیم و مواد متفرعه دخی تنیم و ترقیم
 اولنهرق اون التی سنه دنبرو رخنه افکن بنای سبحانی اولان حرب
 قتال مندرفع اولدی حسب الموسم مقدججه اردوی همایون عودت
 ایتمش اولدیغندن رئیس مشارالیه عهد نامه لری مستحجاب ادرنده رکاب
 همایونه مواصلت ایلادی روسیه مرخصنده رخصت کامله بولنمسنه
 مبنی اوج سنه عقد متارکه اولنوب بعده رکاب همایونه وارد اولان

بيوك ايلچيسى معرفتى وازاق قلعهسى مستقولوده قالمق شرطيله بيك اون
 اوچ تاريخنده انلر ايله دخی عقد مصالحه قلمشدر
 بومحاربه سلطنت سنيہ نك رجعت نجم کشور کشاييسنه مبدأ اولوب واقعا
 درت دولته اون اتی سنه على الدوام جنك ايلك قولای شی دكل
 ايسهده ابتدای سفرده صدر اعظم قره مصطفى پاشانك واوچنجی
 سنه سنده سرعسكر ملك ابراهيم پاشانك تهمت انهزام ايله قتل اولملىرى
 اخلافرينك تلاش وعدم چرأ تلرينى مستلزم اولديغندن بو کیفیت اقواى
 اسباب مغلوبیت اولديغی بی اشتباهدر هر قوماندان نائل فوز و ظفر
 اولور ايسه انواع منافع والتفاته مظهر وعكسى تقديرنده مقهور و مدمر
 اوله جغنى رتبه بدهته ايكن شق ثانى بي اختيار ايدر ادم بولمق
 ممكنيدر اسباب مجبره ناكه ظهوردن ماعدا هزيمت يانقصان لوازماتدن
 و يا خود مدبر عسكر اولان ذاتك عدم كفايتندن نشأت ايده كمشدر حالبوكه
 مصطفى پاشا قتل اولنسه تلافی مافاته قادر اوله جغنده اول عصر ك ارباب
 بصيرتى متفق ایدی مشارالیه مان ماعد محاربات واقعهده واستیلارده دين
 و دولتملى اغورنده فدای جان ایدن وزرا و امرا يك چوق اولوب يالكز
 اوتوزدن متجاوز وزير دلسير نعمت شهادت اولشدر بوسفر ك ظهورينه
 باعث و بادى و قورص قرالى ناميله مشتهر اولان اورته مجار قرالى توكلى
 امره نك خيلى خدماتى سبقت ايتش ايسهده حكم قسدر مانع تفيضى
 اولدى و مذكورات صلحيده نچمه مرخصلى مشارالیهك مقیداً
 كندولرينه تسليمى خصوصنده فوق العاده اصرار ايلش اولملىرى حالده
 سلطنت سنيہ عودت حربى اختيار ايدوب بومهمان كشلكى بروجمله قبول
 ايده ميه جكنى قطعياً افاده و تذكار ايتكله بالضروره نچمه اولر بودعوان
 فراغت ايلديلىر بومشارالیه از ميد جوارنده جسيم چفتلك و معينات و افیه
 احسان اولنه رق بالجمله توابعاتيله اوراده اسكان قلندى
 حسب المصالحه وارد اوله جق بيوك ايلچيلرك استانبولده قبول اولنمى
 مناسب اولديغندن پادشاه حضرتلى ادرنه دن تحريك ركاب نهضت
 و استانبوله عودت بيوروب سفر تقريديه ممالك محروسه اها ليسنه طرح اولنان
 و ير كولرك رفع و الغا و بقايسى بولنان اوچبيك بو قدر كيسه نك عفو و امحا

اولنديغى متضمن فرمانلر نشر واهالى اوزرينه بار اولماملىرى ايچون اناطولى
 وروم ايلي وقونيه وسيواس واليرينه سنوي يكرميشريوك اقچه لك خاصملر
 تخصيص قلندي واولوقتك ايلچيلرى يك غلبه لكوكلكدكارندن بودفعه
 وارد اولان نجه ايلچيسينه يوميه قرق طاق و اوچ هندى واون قاز
 و اوتوز كوكرجين ويوز اللى اوقه اون واون اوقه ميوه و اوتوز اوقه سبره
 و اوچ رأس او كوز و بر بوزاغى واون قويون والى كيله ارپه واون
 قنطار صمان و اوچ عربه اوتاق و اوتوز چكى اودون ويوز اون اوقه كمور
 و بر اوقه بهار ويوز اللى غروش يونيه خر جلق تخصيص اولندي
 سلطان مصطفى خان حضرتلرينك شهزاده لكلى اوانده خواجهلى
 اولان مشهور وانى افندى دامادى فيض الله افندى جلوس سليمان خان
 ثابده رؤساي عسكريه التماسيله شيخ الاسلام اولوب ازمدتده عزل ووطن
 اصليسى اولان ارضرومه نفى قلمش والى سنه دن متجاوز يىغوله نشين
 عزلت اولمشيدى جلوس همايون وقوعنى متعاقب شهر يار و فاشعار
 حضرتلى كتوردوب مقام فتوايه اصعداد و فوق العاده حرمت و رعایت
 بيورملىله برابر مستشار سلطنت و مؤتمن دولت اتخاذايدرك مصالح
 مهمده رأينه مراجعت ايدرلر و صدر اعظم لره شيخ الاسلام افنديك
 رضا سندن خارج ايشده بولنامق اوزره تنبيه بيوررل ايدى مفتى
 مشاراليه افاضل دهر دن ايديسده اولاد و انسايه مفتون و شان واقباله
 حريص اولديغندن ازمدتده درت نفر اولادىنى قاضى عسكر لك پايله ليله
 بهره مند ايتديكنه قناعت ايتيوب بيوك اوغلى كندوسندن صكره شيخ
 الاسلام اولمق اوزره پايله فتوايله دخى سربلند ايتدردى صدر اعظم
 عموجه زاده حسين پاشا مشار اليك بودرجه تغلب و تسلطنه طاقت
 كتوره مديكنه و بر علت مذمنه ده دخى مبتلا اولديغنه مبنى صدارتدن استعفا
 ايتكله بيك يوز اون درت سنه سى اوائلنده بغداد واليسى دال طبان
 مصطفى پاشا صدر صدارته اعتلا ايلدى
 سفر ختامنده قريم خانى سليم كراى خان حضرتلى خانلغى بيوك اوغلى
 دولتكرايه فراغ ايتك نيازينه ايتدار ايدوب طرف همايوندى دخى مساعد
 سنه ارزان بيورلمشيدى لكن مشاراليه دولتكراى خان قرداشلريله

او یوشه مامغله برمدت انلرله مناقشه و بالآخره جانب دولت علیه
صورت عصیان اراه ایدرک قالغای سلطانی عساکر کایه ایله بوچاق
اراضیسینه کوندرمش اولدیغندن بو کیفیت موجب دهشت اولوب بابا
طاغی و سائر ایجاب ایدن یرلره عساکر وافییه و مهمات لازمه کوندرلمسیله
برابر سلیم کرای خان حضرتلری تکرار جلب بیوریلهرق دردنجی
دفعه سلطنت قریم ایله تبجیل اولندی بیچاره دال طبان شیخ الاسلام
افندی و اولاد و انسبانه قوللق ایتک اوزره هر درلوفدا کارلق و تنزلاتی
اختیار ایتکده ایسه ده غلظت طبیعتی سالب امنیت اولدیغندن دفع
وجود مفتی الانام ایچون تاتار قنده سنی تحریک ایتک تهمتیه معزول
و مقتول و بر ایکی ای مقدم ریاستدن نائل وزارت اولان راهی محمدپاشا
مقام صدارته موصول اولدی

صدر جدید تدابیر حسنه ایله قنده تاتاری ازاله ایتش ایسه ده شیخ الاسلام
افندینک معاملات متحکمانه سی روز بروز ترقی و تحمل اولنق درجه سنی
کدران ایدرک حکم مقام حقوق لطف دیده کی یه غلبه ایلدیگندن تحریک
قنده ایله مفتی مشار الیهک مدافعه سینه قیام ایلدی لیکن کانون فساد
ترتیبی مرتبه سنده قالمیوب تبدل سلطنت درجه سینه قدر علو افشان
و کندوسی دخی اصابت شراره قنده ایله مبتلای خسران اولدی چونکه
شیخ الاسلام افندینک منصب و مراتب علیه یی اولاد و انسبانه تخصیص
ایلمسندن ناشی رجال طریق منکسر و منفعل و عصر سابقده صوفیه حقنده
متجاسر اهانت اولان وانی افندینک دامادی بولنق حسبه بیله شیخ افندیلر
دخی خاندانک عدوی قویسی ایدیلر حتی ظهور واقعه ایه ده وانی
افندی مرحومک ایکی نفر اوغلی اون اون بش سنه دنبرو بروسه جوارنده
پدرلرینک احیا کرده سی اولان جامع شریف قربنده واقع چفتلکارنده
ساکن و مصالح دولتدن مجتنب اولدق لری حالده مو می الیه مایی کتور دوب قتل
ایتدیردیله و کویا بو وجهله وانی افندیلر اخذ انتقام ایلدیله سلطان مصطفی
خان حضرتلری بعد المصالحه استانبوله عودت و مؤخرأینه ادرنه یه عزیمت
ایدوب پدرلری مثللو صید و شکار ایله اورالرده امرار وقت ایتکده
و کریمه لرینی کوپریمی زاده صدر شهید فاضل مصطفی پاشانک اوغلی

نعمان پاشایه و مقتول قره مصطفی پاشا زاده علی پاشایه و سلحدارلری
چور لیلی علی اغایه نامزد ایدوب ادرنده سرایلر تنظیم و انشا ایتدیر مکده
اولدیغندن یقین و قنلرده استانبوله کلیه جکی اکلا شلغله بو کیفیت دخی
در سعادتده بولنان عسکری طائفه سنک و اهالینک اغبرارینی موجب
اولش و قضاء قدر استعداد اختلالی تماما استحضار ایتشیدی بنابرین
بیک اون بش سنه سی ربیع الاولنده اکیوز قدر جبهه جی علوفه لرینی
طلب بهانه سیله علم افراز عصیان اولدقلرنده در حال هر نوع خلقتک
انضمام و تشویقاتیله جمعیت شقاوت کسب وسعت و جسامت ایدرک جهور
انتخابیله قوانوز اجد پاشا صدراعظم و مفتی اسبق امام محمد افندی
شیخ الاسلام و قول کتبخانلغندن منفصل چالق اجد اغا یکچیری اغاسی
اولوب سائر مناصب علییه و سیفیه و ملکیه دخی معزولیندن معلوم الاسامی
کسانه تفویض اولندی و رکاب همایونه تقدیم اولنان عرض محضرده
شیخ الاسلام فیض الله افندی ایله درت نفر اولادینک عزل اولنده رق
بعض سؤال و جواب ضمنده استانبوله کوندر لسی و شهریار انامک استانبوله
تشریف بیورمسی التماس قلندی بو خبر ادرنده پادشاه انامه لدی
الوصول مفصلات توارینخده بیان و توضیح اولندیغی اوزره شیرازه اختلال و عده
وعید ایله منتج انخلال اولماغله محاربه یه قرار ویریلوب یکر می بیکدن متجاوز
طوائف عسکریه نفراتیله اوچ بشبیک قدر سیرجی و مشوق گروهی
استانبولدن حرکت و پادشاه حضرتلری دخی رکاب همایونده بولنان ارکان
دولت و یکچیری و سائر عساکرم و وظفه ایله حفظه مرحله سنه نهضت ایدوب
فریقین بینده ایکی ساعتک مسافه قالدقده معیت همایونده بولنان عسکر
مقدمه پس پرده خفاده استانبول اردوسنده اولان همجنسلری جانبدن
جلب قلنش ایدو کندن بغته جله سی استانبول و عسکرینه دخالت ایتلمیله
سلطان مصطفی خان حضرتلری یاننده سرای خلقدن ووزرا توابعاتندن غیری
کیمسه قالدیغنه مبنی بالضروره ادرنه یه عودت ایلدی متعاقباً
استانبول اردوسی ادرنه یه واصل و بلا افند وقت سلطان اجد خان
ثالث ابن سلطان محمد خان رابع حضرتلرینی سنه مزبوره ربیع الاخرینک
اونجی کونی تخت سلطنته اجلاس الله مراد فوادلرینه نائل اولدیلر

سلطنت سلطان اجد
خان ثالث

شهریار سابق حضرتلری اوتوز بریاشنده جلوس و طقوز سنهیه قریب
پادشاهلق ایدوب خلغندن یوز قرق کون مرورنده مرتحل دار آخرت
اولش و یکی جامع تربه سنه دفن اولمشدر متقدمین اجدادی مثللو
ایکی دفعه صف مصافده بالذات احراز ثوبات غزا ایلش خشکو و فطین
برپادشاه ایدی

نصب کرده جهور اولان صدراعظم و شیخ الاسلام و سائرلری ابقا
ویکیچری اغاسی چالق اجد اغایه وزارت اعطا اولنوب صدر سابق
راحی پاشا ایله بعض ارکان دولت اختفا ایلدیلر و محبوس اولان مفتی
سابق فیض الله افندی و بیوک اوغلی فتح الله افندی کمال اذا و جفا ایله
اعدام و قصورلری قبریسه اجلا قلندی

پادشاه حضرتلری موکب سلطنت ایله استانبوله تشریف بیوردقد نصرکه
یکچیری اغاسی چالق اجد اغانک اطوار تحمل فرسایسی پاداشی اولان
متغلبه دن افزون اولمغله اولانک نفی وازاله سندن بدأ اولنوب بعده
صدر اعظم و شیخ الاسلام و سائر نصب کرده اشقیا اولان ارباب مناصب
برر ایکیشر نفی و تبعید و کلزار سلطنت خار ازار استیلا لرندن تخلیص
قلنمغله و متجاسر بغی و طغیان اولق تشبثه مباشرت ایدن خونه دخی قهر
و تدمیر اولنمغله بیک یوز یکرمی اوج سنه سنه قدر ممتد اولان انشته حسن
پاشا و قلایلی اجد پاشا و بالطه جی محمد پاشا و چورلیلی علی پاشا و کوپرلی
زاده نعمان پاشا ایام صدارتلری کمال اسایش ایله مرور ایلدی

ازاق قلعه سی حسب المعاهده روسیه ده قالمق حسب یله طیغان لیمانده
دونما تدارکی و اور قیوس خارجنده مواقع معتدده ده قلعه لر انشاسیله
قریم حکومتی تحت تهدید و اخافیه المقده اولدیغندن سلطنت سنیه
دخی ازاق دکزی بوغازنده واقع یکی قلعه نیک بناسنه اقدام و قوبان
نهری ساحلنده و سائر ایجاب ایدن یرلرده متعدد استحکاملر انشاسیله
مسقولو جانندن مشهود اولان سوء نیتک اسباب مدافعه سنه اهتمام
ایتمکده اولدیغی حالده مسقو چاری بیوک پترو ایله اسوچ قرالی مشهور
تیمور باش بیننده اتش حرب و قتال کرما کرم اشتعال اولسی دولت
علیه نیک پولتیقه سنه موافق کلش و حتی من غیر رسم اسوچ قرالنه اعانه

ایلی خفیا قریم خانه اشعار قلنمشیکن موجب نقض صلح اوله جغی
مطالعه سیله مؤخرأ فر مان کوندر یلوب بی طرف طور مسی
توصیه و تنبیه اولنمشیدی حکمداران مشارالیهما بیننده واقع اولان
محرار باتده همای ظفرگاه بر یسنک و کاه دیگر ینک باشنه قونمقده ایدیسدهده
هیج بر یسنده لانه ساز استقرار اولدیغی حالده بالاخره رأس حدودده واقع
بالطوه نام محله و قوعبولان محله کبراده اسوچ قرالی انهزام فاحش
ایله منهزم و مملکتنه عودت ایده میسوب مجروحاً سرحدان خاقانیه دن
بندره عازم اولغله مسقولولر تعقیب کنان حدود دولت علیه بی تجاوز
جسارت و ممالک محروسه اهلایسنه ایصال خسارت ایلدیلر
بو کیفیت دولتین بیننده موجب قیل و قال و عاقبت منتج حرب و قتال
اولغله اوتوز بیک یکپیری و اون بیک سپاه ویدی بیک طوبچی و جبهه چی
ترتیب و ایکنجی دفعه صدارته کلان بالطه چی محمد پاشا سردار اکرم
نصب اولنهرق بیک یوز یکرمی اوچ سنه سی اوائلنده طونه یه طوغری
حرکت ایلدی و ولایه اطرافه موکب همایونه سرعت موصلت لری
ضمننده اوامر اکیده اصدار و ارسال قلندی معسکر اسلام طونه
نهرینی مرورایتد کدنصکره پرود صوبی کنارنده بفته روسیه ایمپراطوری
بیوک پترونک تحت قومانداسنده بولنان اردویه تصادف ایتکله صباحدن
اخشام قدر محاربه و عساکر دشمنی محاصره ایدوب مسقولولر ایسه
کرک حربجه و کرک ذخیره جه پک زیاده مضایقه یه گرفتار اولدقلرندن
و قریم خانی خط رجعتلرینی قطع ایتک حسیله بر وجهله عودته دخی
مقتدر اوله مدقلرندن چارناچار استیمان و هر نه تکلیف اولنور ایسه قبول
ایده جککرینی عرض و اتیان ایلدیلر بونک اوزرینه اسوچ قرالی
و قریم خانی حاضر اولدیغی حالده مذاکره مصیلت اولنوب ازاق
قلعه سی کافه طوب و مهماتیه طرف دولت علیه تسلیم و مجدداً انشا
اولنان سائر قلعه لر هدم اولنقی و قریم خانه و له حکومتنه تابع اولان
قزاقلره مسقولو جانبدن و جهاً من الوجوه مداخله اولنماق و اسوچ
قرالک سالماً مملکتنه مرور بنه عازمت قلنماق و استانبولده روسیه
ایلچیسى اقامت ایتماک شرائطیه تجدید مصالحیه قرار ویر یلوب اسوچ

قرالنگ و قریم خاننگ اشبو استیمانی عدم قبول ایله مسقو اردوسنی
 حرباً اسیر ایتک حقنده اولان رایشلرینه التفات اولندی چونکه دولت
 علیه جه الک مهم ماده کندوسنه دخیل دوشن اسسویج قرالنی مملکتنه
 کوندرمک و خلاف عهد اورقیوسی خارجنده انشا اولنان استحکاماتی
 هدم ایتدیرمک ایلی لطف حقله بونلردن فضله اوله رق ازاق قلعه سنک
 تخلیصی و قزاقلره عدم مداخله کی حدود اسلامیهدن تبعاعدی متضمن
 شرائطک قبول ایتدیرلسیله اکتفا قلندی و شمدی مسقو اردوسنی
 هیئت حاضره سیله طومق ممکن اولسه بیه مواد منعقدنک فعله کلمی
 تکلفات و محاربات عظیمه یی موجب اولور دنیلرک ذبون کشاک وادیسنه
 ارخای عنان اولندی

صدر اعظم بالطه جی محمد پاشا کتم ضمیره قادر اولدیغندن رکاب همایون
 قائم مقامی بولنان داماد علی پاشاکه صکره لری شهید علی پاشا نامیله مشهور
 اولمشدر انک حقنده دلگیرلکی متضمن بعض تفوهائی واقع اولغله
 علی پاشا مضطرب اولوب صدر مشارالیه بویه مظفر اُرکاب همایونه
 کلور ایسه کندوسی ایچون وخامتی مستلزم اوله جغنی دریش
 و شیخ الاسلام افندی ایله دارالسهاده اغاسنی دخی افکارینه جلب ایدرک
 حضور همایونده فصل و مذمت ایتکه و روسیه ایمپراطوری بودرجه
 مغلوب اولشیکن صالیورلسی ایمپراطور یچنک خفیاً تقدیم ایتدیکی
 مجوهرات و اموال بی پایانک ثمره سیدر دیمکه باشلدیلر لکن پادشاه
 حضر تلی بویه بر مظفریت فوق العاده مظهر اولان ذاتک تنکیلینی
 تجویز ایتیب فصل و مذمتلرندن انحصار عین ایتکده اولسیله محوف
 بر افترا ترتیب ایدوب پادشاهم صدر اعظم متجاسر اولدیغی قباحتک
 طویلدیغنی استماع ایدرک خوف مواخذه ایله ادرنده اقامت وامرای
 عسکریه یی خدمتیز تقدیر اولندیغندن بشقه حقمزده ترتیبات مجازات
 تصور قلمقدردر باشیزک چاره سنه باقم یولو القات ایله تحریک
 فتنه ایتک اوزره در در حال چاره سی کورلنزیسه نتیجه سی فنا اولور
 دیهرک تخویف و هر بریسی یکدیگرینی تصدیق ایتکله صدر مشارالیه
 ادرنده علوفه و یرمک ایله مشغول ایکن معزول و یکچیری اغاسی یوسف

پاشا مقام صدارته موصول اولدی مؤخرأ قریم خانی استانبوله جلب اولنوب انک افاداتی دخی صدر سابقک عظیم بفرصت فوت ایتدیکنی مشعر اولدیغندن کتخداسی عثمان ایا ایله مکتوبجیسی عمر افندی اعدام اولنوب پاشانک دخی قتلی ضمنده فرمان عالی اصدار قلمشیکن قبل الوصول متفاسی اولان لمنیده وفات ایلشدر مشارالیه بالطه جیلقدن کله ایسهده جهلادن اولیوب فن موسیقی و صنعت کتابتدن بهره دار و اولدقجه علم و معارفه انتساب ایله شهرت شعار ایدی یازیچی افندی باش خلیفه سی ایکن سلطان احمد خان حضرتلرینه کسب اختصاص ایلش اولدیغندن جلوس همایونلری و قوعنده دفعهٔ میراخور اول و متعاقبا قیودان دریا نصب اولنوب چوق یکمکسزین صدر صدارته اعتلا ایلش وایکنجی صدارتنده بویه بر خدمت عظیمیه موفق اولشدر

روسیه ایمپراطوری اجرای شرائط منعقدده تأخرات واسوج قرالنک مملکتنه عزیمتی خصوصنده مشکلات کوستر مکده اولدیغندن تکرار اختیار سفر اولمغه قرار ویریلوب لکن صدر اعظم یوسف پاشا کوشک طور انمده اولسیله عزل و نشانجی بولنان سلحدار سلیمان پاشا نصب اولندقدن صکره روسیه لولر ایفای تعهداتده قصور لرینی اعتراف و اجرای شرائطه ابتدار ایلدکلرندن سفر ماده سی تأخیر اولنوب اسوج قرالنک عزیمتی کندوسنه تبلیغ اولندقدن مخالفت ایتکله و بو حال ایله بندرده اقامتی دخی دولتک ایشنه الویر مامکله جبرأ قالدیریلوب دیمتوقیه کتورلدی لکن قرال مشارالیه حقنده اختیار اولنان معاملهٔ بارده شان سلطنت سنییه غیر لایق ایدوکی جهته معترض انام اولدیغندن بوایشه سبب اولان صدر اعظم و شیخ الاسلام و قریم خانی عزل اولنه رق مقام صدارته قیودان ابراهیم پاشا و قریم خانلغنه خان معزولک کوچک برادری قبلان کرای خان اعتلا ایلدی مشارالیه ابراهیم پاشا قالیون قیودانلرندن اولوب اقد کزده خدمات مبروره سی ظهور ایتش جری و جسور بر ذات ایسهده امور دولتدن بالکلیه غافل اولمغه و داماد علی پاشایی بغته قتل و اعدام ایتک افسکارنده اولدیغنی اسماع اولمغه صدارتنک یکرهی برنجی کونی اندرون همایونه

جلب ايله مهر صدارت استرداد و ساحة همتيدن ابعاد اولنوب بش التي
سنه دبر و وزير معنوی اولان مشاراليه علی پاشا لابس فروه صدارت
عظما اولدی

صدر جدید علم و فضل ايله اراسته واستقامت و صلاح ايله پیراسته اولوب
هله اخذ رشوت ماده سی بغایت منفوری اولدیغندن یکچیری اغارینک
حین نصبنده صدر اعظم لره و ضابطان عسکریه نیک یکچیری اغارینه
ویره کادکری هدایای معتاده یی بيله رفع و النغا و هر طریقجه اهل و اربانک
انتخابی خصوصنه اعتنا ایدوب عدالت و حقانیتی متضمن کندو قلیله
بالجمله ولاته تعلیماتلر ارسال و امور مختلفه دولتک تصحیح و هیئت سابقه سنه
ارجاعی امرنده بذل اقتدار ایلدی حتی جرمن شریفین اوقافی
دارالسعاده اغارینک نظارتنده اولق حسیله بر طاقم غاصب و نا اهلر
امور اوقافه مستولی اولدقلرندن اکثر اوقاف حرمینی اوقاف محاسبه سی
نامیله تشکیل ایتدیکی هیئت اداره یه قالدیردوب قطع تناسل ماده
نامشروعنک منع و ابطالی ضمنده دخی مصر و الیسنه مؤکد فرمانلر
کوندردی لکن بغض و عداوتی قوی و سفک دمایه دخی مائل
اولدیغندن تقرب پادشاهی ايله کسب اقبال ایتدکن صکره صدر اعظم
نصب اولنجه یه قدر بش التي سنه مدته مقام و کالته کلان وزرایه
راحت و حضور و یرمیوب اولاجورلیلی علی پاشا کبی درت سنه دن
متجاوز زمان صدارتده حسن اداره یه نائل اولمش و بر قاج سفره کفایت
ایده جک ذخائر و مهمات جمع و ادخارینه همت ایتش اولان ذاتی مجرد
خصومت ذاتیه سی اغورنده عزل و نفی ایتدیرمکه قناعت ایتیوب بر بچق
سنه مرورنده قتل ایتدیرمشدر بعده کوپرلی زاده نعمان پاشا اوچ
ای قدر صدارتده بولنوب فضل و نجابتنه مبنی یالکز عزل ايله بونلر
قورتلدی و نعمان پاشانک خانی اولان بالطه جی محمد پاشا فتوحات فوق
العاده یه مظهر اولمشیکن مکافات یرینه عزل و نفی ایتدیروب هله قتل
فرمانی و اصل اولقسزین فوت اولدی مؤخرأ صدارته کلان یوسف
پاشا و سلحدار سلیمان پاشا و ابراهیم پاشانک بلاموجب قتلارینه علت
مستقله اولوب سائر وزرا و امرادن دخی نفوس کثیره اتلاف ایتمشدر

حاصل کلام بر صورتی مغیر اولدیغی اشخاصی مطلقاً اعدام ایتدیرنجده
قدر اوغراشمق معتادی اولمغله بروجده اتی موره قحی کبی
خدمات مبرورهیه موفق اولشیکن ورادین محاربه سنده شهادتی وقوع
بولدقده ارکان دولت مسرور و محاکمه افعالی وابسته یوم النشور
اولدی

روسیه مسئلهسی ختام بولدقدن واسوج قرالنه طرف پادشاهیدن اون
بیك النون یول خرجلیغی و مرصع بساطلی اتر و سائر لوازمات اهدا
و بر مقدار عسکر دخی ترفیق اولاندق مملکتی جانبیه اعاده اولندقدن
صکریه دولجه مشغولیت قالدیغندن موره نك تخلیصی دوشونلکه
باشلانیدی بو او انده ایسه بوسنه والیسی کوپرلی زاده نعمان پاشا
قره طاغ عصمانی تأدیه مأمور اولدیغندن طرف طرف تدمیر و تکیل
اولنان عصمانك بقیه السیوفلری و نديك حکومتیه التجا ایدرب بعض
مرتبه مظهر معاونتلی اولملریله واقدکزد، بر قاج قطع اسلام سفینه لری
غائب اولدق مؤخرأ بونلرک و نديك قورصانلری طرفندن طوتلش
ایدوکی تبین ایلمیله بیك یوز یکرمی یدی سنه سی اوائلنده پادشاه
حضرتلری ادرنهیه عزیمت و اورادن صدر مشارالیهی سردار اکرم
نصب ایدرک موره استردادینه مأمور ایلدیلر

عسکر اسلام موره جزیره سنه داخل اولدقدن صکریه برایه وارمق سزین
کردوس و انابولی قلعه لری و متعاقباً متون و قرون و سائر قلاع جزیره
کاملاً ضبط و تسخیر و نديك عسکری و انلره معاونت ایدن سرکشان
اهالی تکیل و تدمیر اولندقدن بشقه دونمای همایون قوتیله استندیل
و چوقه اطدری و حانیه و قندیه محافظلری و بوسنه غازیلری معرفتلیله
فاضل احمد پاشا صلحده و نديکولر یدنده قلان صوده و اسیرلوقه
جزیره لری و بهکه سنجاغی مضافاتی فتح و استرداد اولندی

صدر اعظم ازوقت ایچنده بو قدر فتوحاته مظهر اولدیغندن دل بسته
غرور اولمغله رکاب همایونه عودتدن صکریه سنه ایتده قورقه اطه سی
و نديك ساحلارینی ضبط و تسخیر ایله بوسنهیه بر طریق بحری اچق
و بوسنه محارماتان طرفینه حرکتی تحریک الیک ارزوسنه دوشوب

اسباب سفریه استحضارینه دامن درمیان ایدی نمچه لولر ایسه اشبو
وندیک محاربه سنه تثبت اولنه لیدنبرو عرض توسط و اجرای تعریضات
ایتمکده اولدقلری حالدده موره نك فخیله اکتفا اولمدیغنی وایشك
تیجده سی کندولرینه طوقونه جغنی کوردکارنده وندکاو ایله اتفاقر
اولدیغندن سنه سابقده ایصال اولنان مضرت تضمین اولمز ایسه بزده
داخل حرب اولمغه مجبورز دیو اعلان حرب ایده جگرینی صراحة
بیان ایلدیلر اگرچه ایراث اولنان مضرت تضمین اولنسون دیمکن
مراداری سلطنت سنیه نك اکیوز ییلاق ملک قدیمی اولان و بو کره
استرداد اولنان موره یی وندکویه کیرو ویردیرمک دیمک اولمدیغنی وبونک
امکانی بولمیه جغنی معلوم ایسه ده استمدیل وجوقه اطه لرینی قورتاروب
صلح ایتدیرمک ایستلر ایدی لکن صدر اعظم اصلا اورالره
یناشمیوب نمچه و وندکاو ایله مقدا عقد اولنان، مصالحه لری یکدیگرینه
مربوط و عهدنامه لری بوقید ایله مشروط اولمدیغندن نمچه لولرک بودعوایه
حقلری یوقدر دیو ایراد دلائل ایله الزام قیدینه دوشدی و موره فخیله
اکتفا اولنوب ماده نك طاتلی یرینه باغلانمسی سوق ایدن ارکان دولته
جهن جهن اظهار یله اخافه یه باشلادی دولتر بیننده جزیان ایدن
معاملات قوت و قدرته مستند اولوب ادله قویه و ملزمه نك اصلا فائده سی
اولمدیغنی امثال عدیده سیله مبرهن اولدیغندن تکیون ایدن احوال منتج
حرب و قتال اولمغه بیک یوز یکرهی سکر سنه سی اوائلنده صدر مشار
ایله اردوی همایون ایله بلغرا ده طوغری نهضت و قورقه اطه سنک
تسخیری ضمنده دیاربکر بکر بکیسی قره مصطفی پاشایی سرعسکر نصب
ایدرک دونمای همایون ایله قپودان پاشایی معیتنه بالتعین اولجانبه
اعزام ایلدی

سنه مز بوره شعبانک اواسطنده ورادین قلعه سی محاصره اولنق نیتیه
بلغراددن زمون طرفه مرور اولنوب قلعه مرقومه یه تقرب اولندقدده
عسا کر طرفین طلیعه لری بیننده شدتلو بر محاربه واقع اوله رق ایکی بیک
قدر دشمن عسکر یله بر جنرال قتل و تدمیر و بریسی دخی اسیر قلندی
اولکون علی العموم نمچه اردوسی اوزرینه هجوم اولنق تصور قلنش

ایسه ده هنوز عسکر اسلامك ارقه سی الندیغندن و طویلر ایله مهمات حربیه
کاملا واصل اولدیغندن جسارت اولته مدی واقعا نواقص عسکر
و مهمات ایله بلا ترتیب هجوم اولتیق مخاطره لو ایدیسه ده دشمنك عسکری
دخی تجمع ایتماش بولندیغی جهتله بو تأخیردن نجه لولر ده ازیاده
مستفید اولدیرو کیرودن کلکده اولان امداد لرینه برلشدیلر

ایرتسی کون معسکر همایونك پیشگاهنه متریس لر قازیلوب اطراف دخی
مهمات عربلری دیزلرک تحصین قلندی ده ا ایرتسی کون وقت
صبحده نجه لولر صول قول ویکچیری متریس لری اوزرینه ساخته بر حرکت
کوستروب صاغ قول متریس لرینه شدتله هجوم ایلدی لر بو متریس لرده
بولنان پیاده ارنود عسکری پایدار اوله میوب ارقه لرنده بولنان اناطولی
سوارسی دخی والی و قوماندار لری بولنان تورک احمد پاشانك شهادتی
سییله رجعت ایلدکاری صدراعظم علی پاشانك منظوری اولدقه یاننده
بولنان سپاه و سلحدار سواریلری و کندو دائره سی خلقیله بالذات مدافعه
دشمنه شتاب ایتدیکی حالده النندن قورشون ایله اوریلوب شهید اولمغله
بو کیفیت جنود اسلامیه نك پریشانلغنه و دشمنك اردوی همایون درونه
فرصتیاب ولوج اولمیرینه باعث اولدی

یکچیریلر کندی اوزر لرینه کلان دشمن عسکرینی پریشان و تعقیب ایدرک
دشمنك برقاج طایفه و خیلجه طویلرینی ضبط ایتش لریکن صدراعظمك شهادتی
وصاغ قولدن اعدانك اردوی همایون درونه کردیکی ادراک ایله انلر
دخی بالضروره رجعت ایلر یله کافه خیام و طویلر و سائر مهمات یرلرنده
ترک اولنهرق اولکون اخشامه قدر طاقم طاقم بلغراده واصل اولدی لر
و نجه لولر دخی بو غلبه ایله اکتفا ایدوب تعقیب ایلدی لر خبر هزیمت
رکاب همایونه واصل اولدقه صدارت و سردارلق بلغراد محافظی
خلیل پاشایه توجیه اولنوب قورقه جزیره سنی محاصره ایدن عسکر کیرو
الندی و اوستریا لولر بعد الغلبه طونه یی یکوب طمشوار قلعه سنی محاصره یه
اعتنا و اوچ ای قدر حرب و قتال وقوعندن صکره بوجه استیمان استیلا
ایلدی لر

ایرتسی سنه که یک یوز یکرمی طقوز تاریخیدر نجه لولر بلغرادی محاصره

ایتمکه صدر اعظم خلیل پاشا ادرنه ده رکاب همایوندن مفارقت
و مستحب معیتی بولنان عساکر کایه ایله جانب بلغراد سووق نوش
مسارعت ایدوب لیکن دشمن استحکامات جسیه ایله اردوسنی تحصین ایتش
بولندیغندن واقع اولان محاربه ده عسکر اسلام مبتلای کسروانهمزام
اولغله بو بوزغخلق دخی بلغرادک ایادی اعدایه کرفتار اولسنی مستلزم
اولدی بونک اوزرینه صدر مشارالیه معزول و نشانجی بولنان محمد
پاشا صدر صدارته موصول اولوب اردوی همایونی ادرنه ده کتوردی
مشهور نو شهرلی ابراهیم پاشا که پادشاه حضرتلری شهزاده ایکن بالطه جی
بولندیغندن بر تقریباً کسب تخص ایدوب جلوس همایوندن صکره جه
دارالعساده اغاسی یازیجیلخی منصبنه تعیین اولنش و خیلجه کسب تعین
ایتمشیدی جورلیلی علی پاشا صدارتنده عزل و اخراج و بعض مرتبه
ازعاج اولنوب و رادین وقعه سنده موقوفاتجیلقی منصبیه اردوی همایونده
بولندیغندن خبر انهمزامی متضمن تنظیم اولنان عرض محضر مومی ایله
واسطه سیله تقدیم قلتمغله حضور همایونه واصل اولدقده تجدید رات
عبودیت ایدوب اولامیراخور و متعاقباً رکاب همایون قائممقامی نصب
اولندی مشارالیه اولدقجه او قور یازار و اصحاب معارف و کاله اعتبار
و التفات ایدر نبض کیر و مزاج اشنا سخنی و باذل و ذوق و هوایه مائل
بر رند قلاش اولغله کوندن کونه تقرب و اقبالی تراید ایدرک دامادلق
شرفه دخی مظهر اولدی اوصاف مبسوطه حکمنجه بر ان اول حربک
اندفاعیه دیادن کام الملق نخبه امالی ایدوکنه مبنی قائممقام اولور اولمز
انکاتره و سائر دول سفارتلرینه مراجعت ایله استحصال مصالحه ده دامن
درمیان اولمشیکن بو تشبثی جنود اسلامیه نک موجب فتوری اولمق اوزره
اتهام اولندیغندن بالضروره دست کش فراغ اولدی لیکن بلغراد انهمزامی
ترقیدار اولان استدر اجنه خدمت ایتمکه اوتوز سنه سی اوائلنده صدر
صدارته اعتلا ایدوب متهی حرکت اولان اردوی همایونی بالاستحباب
صوفیه طوغری عزیمت ایلدی انکاتره و فلنک دولترینک توسطی
قرارلشدیرلمش و موروه نهرندن حدود قطعیه طمشوارو بلغراد ایالتلرینک
نچه لویه ترکنه و چوقه اطهریه و ندیک کور فرزند و واقع بعض محاکمک

وندکویه ردینه اظهار موافقت اولمش اولدیغندن بیک یوز اوتوز سنه سی
 رمضان اوائلنده یوز و فجه صلحی نامیه مشهور اولان عهدنامه ده
 مندرج شروط موجبجه دولتین مشارالیهما ایله تجدید مسالیه قلندی
 صدر اعظم ابراهیم پاشا هر نصل اولور ایسه اولسون شمدیالک عقد
 صلح اولنه رق عسکره نظام و یرلدکن و لوازمات سفریه استحضار
 قلندقدن صکره استرداد ضایمانه مباشرت قلمقی سوزیه مسامع دولتی
 طنین انداز ایدوب حتی مجبوریت صلحیه یی متضمن بر طاقم دلائل واتی
 ایچون درلو تسلیمت و ماحولیایی حاوی بر لایحه قلمه الدیر مشدر که وقعه
 نویس اسعد افندی مرحوم بالمناسبه بو لایحه یی تاریخنه درج ایشدر
 وروش افاده سنه باقلنججه بر اجنبی ضابطی جانبدن یازلمش و هیئت دولتی
 قاندر مقصدینه مبنی ترتیب قلمش اولسی تخمین اولنور
 ختام مصالحه دن صکره صدر اعظم عسکر اسلام ایله ادرنه یه عودت
 واورادن دخی پادشاه حضرتلریله برابر استانبوله مواصلت ایدوب محلول
 اولان علوفه عسکریه نک خزینه مانده ایدلمسنه اعتنا ایدرک ایکی اوچ سنه
 ظرفنده اون بیک کیسه قدر تنقیص مصارفاته موفق اولدیکه عصر من
 حسابنه کوره اوچ درت یوز بیک کیسه دیمک اولور لکن بو پاره لر
 ایله تنظیم لوازمات حربیه و ترتیب مقتضیات ملکیه خصوصیه نصاب
 نفس اهتمام ایلک فرائض حالیه دن ایکن بلغراده بدل و دین و نیش
 قلعه لرینک مجدداً انشاسندن غیری بر شی کورلیوب همت و مساعیسی
 کاغد خانه و بوغاز ایچی مسیرلرینک اعمار و تسویه سنه و سور همایونلر
 تنظیمنه و نو بنیاد و میراباد و باغ و فرح و سائر بو مثالو ناملر ایله کندوسنک
 و عوناتنک بنا و انشا ایلدکری قوناق و یالیلرده موسم شتاده حلوا
 صحبتلری و ایام بهارده لاله جراغانلری ترتیب ایدرک شعرا و ندما و ارباب
 ذوق و طرب ایله امرار ایام ایلک ماده لرینک منحصر و محسوف ایدی
 بش الی سنه قدر حال بو منوال اوزره جریان ایدوب هر نقدر خلق
 ذوق و شوقه طالمش ایسه ده بو کیدش عاقبت بر نتیجه و خیمه تولید ایده چکی
 میدانده اولدیغندن و صدر اعظمک بو درجه سفاقت و هوایه انهماکی
 هیئت دولته سرایت ایلدیکندن بحثله قدح و مذمتی زبان زد انام اولمغه

باشلادی و دولته موجب شرف و شان اوله بيله جك و بقای جاه
 و اقباله خدمت ایده جك بعض نمایشره احتیاج حاصل اولدی بناء علیه
 بروقتدنبر و دولت صفویه به اعلان عصیان ایلش اولان افغانلیلر بو
 اوانده یعنی بیك یوز اوتوز بش سنه سنده اصفهانی استیلا و دولت
 شاهانی محو و افنا ایلش اولد قلدن داغستان طرفلرنده بولنان امرای
 اهل سنت جانب دولت علیه به عرض تبعیت ایللریله ایچلرندن داود خان
 نامنده بر نامداره شروان خانلغی توجیه و تقلیس طرفلرینه دخی سوق
 عسکر اولنه رق ضبط اولنوب اورایه دخی دادیانلردن شهنواز نامنده بر
 خان نصب قلندی لکن مسقولولر بحر حزر اطرافنه یایلش و دربند و باکو
 قلعه لرینی تسخیر ایلش بولنلریله بوندن طولایی سلطنت سنیه ایله روسیه
 دولتی بینده مخالفت ظهور ایدوب جریان ایدن قیل و قال موجب
 حرب و قتال اولمق درجه سنه و اصل اوله رق اعلان سفره قرار
 ویرلشیکن فرانسه ایلیچیسی توسطیله بحر حزر سواحلی و مذکور
 دربند و باکو قلعه لری و داغستانک بر طاقم یرلری روسیه لوده قالمق
 و شروان خانی شماخیده اقامت ایدوب جانب دولت علیه دن ایجاب
 ایتدیجه اولحوالی به عسکر و سر عسکر کوندرلماک شرطلریله عقد
 مصالحه اولندی داغستان خلقی حکومت شیعه دن قورتلق صد دنده
 ایکن مملکتلرندن بر قسم اعظمک و اهالیسندن پک چوق اهل سنتک
 جانب دولت علیه دن رسماً روسیه به ترک قلندیغنی بالمشاهده کرفتارانده
 و خیرت و بالاخره بو کیفیت ابراهیم پاشانک فلا کتیه صوری و معنوی
 اقوای اسباب و علت اولمشدر بوندن صکره مرکز اجتماعیه لری طاغملش
 اولان ولایه صفویه اوزرلرینه ارضیم و بغداد جانلرندن اردولر سوق
 اولنه رق همدان و کرمان شاهان و روان و کنجه و تبریز شهرلری ضبط
 ایتدیرلدی سلطنت سنیه ایچون بوایشلر موجب شان و مغنرت اولمیوب
 بلکه زبون کشاک کبی بر حرکت ناروا اولدیغنی و بهوده سفک دماء
 مسلمانی مستلزم بولندیغنی حالده ابراهیم پاشا طاقی بونلری اعظام
 ایدرک شهر اینلر اجرا سیله و شعرا طرفلرندن قصائد و تاریخلر
 انشاسیله خلقتک کوزینی بویامغه و بویله فتوحات جسمیه مسبوق

الوقوعیدر دیمکه قویلدیلر و کوندن کونه سفاقت و هوایرینه اب و تاب
ویروب ازتدیلر

اصفهانده مربع نشین حکومت اولان اشرف شاه افغانی استانبوله ایلچی
کوندروب کندوسی دولت صفویه مقامنه قائم اولدیغندن بختله جانب سلطنت
سنیه دن ضبط اولنان یرلرک ردینی طلب ایتمش ایسده مساعده اولمادیغندن
بغداد والیسی و همدان سرعسکری بولنان اجد پاشانک اوزرینه هجوم
ایدوب واقع اولان محاربه ده طائفه اکرادک خیانتیه سرعسکر مشارالیه
منهزم اولدی لکن ایرتسی سنه که بیک یوز قرق تار یخدر تدارکات
جسمه ایله اصفهان طوغری حرکت اولمغله و اصفهان محاصره سنه
برقربله چیقوب صاوتمش اولان شاه حسینک اوغلی طهماسب شاهک
باشنه امرا و ایلات ایراندن خیلی ادم تجمع ایدرک افغانیلری صقشدیر مقده
بولمغله اشرف شاه هر نصل اولور ایسه اولسون دولت علیه ایله
اویوشمغه مجبور اولدیغندن ممالک مفتوحه حکومت سلطنت سنیه ده
قالمق اوزره سرعسکر مشارالیه واسطه سیله عقد مصالحه ایلدی

افشار عشیرتنئر رئیس اولان نادر علی که صکر داری نادر شاه نامیه
کسب اشتهار ایلشدر کیاست و شجاعتی جامع قوی العزم و بطش
شدید صاحبی بر آدم اولدیغندن کشور ایرانک پریشانلغندن استفاده یه
عازم اولوب فقط مضیر درونی سسترایله شهزاده طهماسبک خدمتی
اختیار وقاعده اعجاب اوزره کندوسی طهماسب قولخان لقب
ایدراک قبیله سی خلقندن و شهزاده مشار الیهک باشنه طویلانان اعجابدن
مرکب برارد و ایله افغانیلر اوزرینه هجوم ایلدی ووقوعولان
محاربانده نائل فوز و ظفر اولمغله اصفهان و سائر ممالک ایرانک تخلیصنه
موفق اولدی

بعده جانب دولت علیه دن ضبط اولنان ممالکک ردینی طهماسب شاه استدعا
ایتمکله شروان و تغلیس و روان ایالتلری حکومت سلطنت سنیه ده قالمق اوزره
تبریز و کرمان شاهان و همدان ایالتلرینک ردینه موافقت و تخلیه سنه
مباشرت قلنش اولدیغی حالده نادر علی بونلرایله قانع اولوب معامله خصمانه یه

مباشرت ایلدیکنه و مذکور نادر علی‌نک ظهور و خروجی مدهش
 کوردیکنه مبنی ابراهیم پاشا ایشک فمالشدیغنی اکلایوب سفر اچدیغنه
 نادم اولمش ایسه ده خلک کندو حقنده نفرتنی و قولایلقله کوز بویامق
 قابل اولدیغنی بالاسه تدلال پادشاه حضرتلریله معاً ایران اوزرینه حرکت
 اولنق تصمیمیله اسکدره اردو قوردردتی لکن بو حرکت مزاج
 پادشاهییه موافق اولدیغندن سلطان احمد خان حضرتلری اظهار
 تعال ایتکده ایکن تری موجب فتنه و فساد اوله جغنی تین ایلسیله
 بالضروره اسکدره معسکر همایوند، منصوب او طاعه نقل شهر یاری
 وقوع بولدی ابراهیم پاشا بعد ازین حرکت همایون سوزینی اغزینه الیوب گاه
 اردوی همایونله کندوسی کتمک و گاه سرعسکر کوندرمک شایمدرلیله
 امرار زمان ایتکده اولدیغنی حالده یک یوز قرق اوچ سنده سی ربیع
 الاولی واسطنده بفته فتنه مشهوره ظهور ایلدی چونکه ابراهیم
 پاشا هم کندوسی و همده اوغلی کنج محمد پاشا و یکنلری علی پاشا
 و مصطفی پاشا پادشاهک دامادی و کندوسنک بیوک دامادی اولان قیاق مصطفی
 پاشا قیودان و کوچک دامادی محمد پاشا روم ایلی بکار بکیلکی پایه سیله کتخدای
 صدر عالی اولوب قصور ارکان دولت دخی دائره سی خلق حکمنده
 اولدیغندن بو قدر اقباله و منافع دولتی کندوسنه و توابعاته حصر ایلکه
 هیچ کیمسه تحمل ایده میوب احساندیدلری بیله زوال دولتی ممتنی ایسیار
 باخصوص حلوا صحبتلرینک ولاله چراغلرینک تحتنده بر طاقم فحشیات
 مروی و ابراهیم پاشانک کاغذ خانه ده قادینلره التون اتوب یاشمقلرینک
 ایچنه دوشرمکده اولان مہارتی مرئی ایدی حتی استانبول قاضیسی
 زلالی حسن افندینک صاحبہ حسن و جمال اولان زوجه سنه حیل مصنعه ایله
 تعرض ایلسی استعداد تام ایله مستعد اولان قیل فتنه نک اشتعالند سبب
 اولدی دیو السنه ناسده برقره طویل الذیل جریان ایدر بنابرین
 سلطان بایزید حامی خدمه سندن مصلی و یاطرونه نامنده ایکی نفر ارن بود
 اون یدی کشیدن مرکب اولان عونلریله رفع علم شقاوت ایللرینی
 متعاقب قوه استعداد دائره عصیان در حال توسیع ایلکله یکپیری
 قشالری و سطنده واقع ات میدانی مجمع عسکر اولوب قاعده جاریلری

اوزره قشلارده اولان قزغانلری اخراج ایلدیلر زیرا قزغان چیقارمق
عصیان و مخالفتک تأسس ایلدیکنی متضمن علامت معروفه ایدی بو خبر
سمع دولته واصل اولدقده پادشاه حضرتلری اسکداردن استانبول سراینه
امر ار اولنوب ارکان دولت عقد جمعیت ایلدیلر سنجاغ شریف اخراجیه
تشکیل اشقیایه تشبث اولندی ایسده ابراهیم پاشا طاقنه اولان نفرت
عامه سببیه تأثیری اوله مدیخی مثالی طائفه عسکریه نک مطلبولری اولان
صدر اعظم ابراهیم پاشا و قپودان مصطفی پاشا و محمد کتخدانک ازاله لری
و شیخ الاسلام عبدالله افندی نک عزل و نفییه دخی اتش فساد تسکین
اولنه مامغله سلطان احمد خان حضرتلری تخت سلطنتی برادرزاده لری
سلطان محمود خان اول حضرتلرینه تسلیمه مجبور اولندی خاقان سابق مشارالیه
بیک سکسان درت سنه سنده تولد و بیک یوز اون بش سنه سنده جلوس
ایدوب اشو قرق اوچ سنه سی ربیع الاولنک اون بشنجی کونی خلع
اولنش و قرق طقوز تاریخنده وفات ایدرک یکی جامع تر به سنده پدرلری
یانه دفن قلمشدر

نعیم مرحومک ادرنه وقعه سنی متضمن قلمه الیدی رساله مخصوصه ده
مشارالیه سلطان احمد خان حضرتلری شهرزاده ایکن برادرلری سلطان
مصطفی خانه معرض نصیحتده فیض الله افندی به بوقدر نفوذ و اقبال
و یرمکز چندان مناسب دکلدر دیدکلی مسطوردر حالبوکه کندوسی
ابراهیم پاشایه فوق العاده یوز و یروب صادر اولان خط همایونلرده اولان
النفات و تکریماتی مسبوق اولیان درجه ده اولمغله (من عبرا خاه بذنب لم یمت
حتى یعمله) حدیث شریفنک ماصدق اوامش و صدر اعظمک سوء احوالنه دائر
بیولشهرزاده سی سلطان سلیمانک و شیخ الاسلام عبدالله افندی نک افادات صحیحه لرینی
قبول ایتدکدن ماعدا ابراهیم پاشایه شیخ الاسلام افندی سنک حقنده فنا
شیلر سو یلیور دیمش اولمسیله پاشای مشارالیه ارباب جفر و نجومک اخبار
مجر به لری اقتضاسنجه ده ا زمان اقبالز چوقدر دیو جواب و یروب
شیخ الاسلام افندی به دخی تزید تلطیفات ایله مجازات طریقنی اختیار
ایلمشدر

مشارالیه ابراهیم پاشا زاده کنج محمد یاشانک ابراهیم پاشا نامنده مهریندن

بر او غلی اولوب بیک اکیوز اوتوز تارخیندن صکره لر قدر بر حیات
اولش و چراغان ساحل سر اینک یاننده پدرومانده اولان یالیمینده اقامت
ایدوب جیدینک فضلہ اوقافیلہ تعیش ایدر ایشکده مشهور حالت افندینک
اقبال دخی انک توصیه سیله حاصل اولدینخی مرویدر زیرا سلطان محمود
خان ثانی حضرتلری چراغانه کیتد کجه خفیاً ملاقات ایدر ایش میرموی الیهک
احباسندن اولوب شیخ الحرم ایکن وفات ایدن زیور پاشا نقل ایدر ایدیکه
سلطان مصطفی خان ثالث زمانده ابراهیم بک اندرون همایون اغواتندن
بولمغله سلطان مصطفی مرحوم کندوسینه خطاب ایدوب سنک جدک
یک قلاش بر حریف ایدی پدرومه متمادیاً طوربه طوربه التونلر کتوروب
تقدیم ایدر و پدروم دخی انشته کزک الی تقبیل ایدک دیو بزه امر ایلر
ایدی دیر ایش

سلطنت سلطان
محمود خان اول

سلطان محمود خان اول حضرتلرینک جلوسیه تلاطم فتن کسب سکونت
ایش ایشده مصلی و بطرونه که ارنبود طائفه مندن بریسی قهوه چی
و بریسی سلطان بایزید جامنده سرنوبت ایکن اثنای قشده پیشوای شفاوت
اولمیریه سیل مداخله و تسلطاری باشند آشوب حتی قریم خانلیقه مملکتین
ویوده لقرینی بیه متخبرینه توجیه ایتدیر مشلر و کندیلری قول
کتخدالغی وروم ایلی والیلکی مثلاًو مناصب رفیعیه کندانداز اولمشلر
ایدی بناء علیه ترتیب جزالنده استعجال اولنق اقتضا ایلدیکنندن
ایران مسئله سی مشاوره اولنق بهانه سیله روان کوشکنده عقد مجلس
اولنوب مقدمه حاضرلنش اولان بوستانچی بهادرلری واسطه سیله مزبور
موصلی و بطرونه و عونلری اعدام واشقیاء التماسیه اناطولی قاضی عسکری
واستانبول قاضی سی نصب اولنان زلالی حسن افندی ودلی ابراهیم مشلر
اجلا وکنام قلندی برقاج کون مرورنده اخذ انتقام سوداسیله خنده
اشقیاء علم افراز عصیان اولمشلر ایشده سنجاغ شریف چیتاریلوب
اصدقای صنادید عسکریه و اتفاق ارکان دولت ایلہ تأدیب و تربیه لری
کمانبخی اجرا و کانون عنود طغیانلری اطفا اولندی

طهماسب شاهک اعتماد الدوله سی و سبب تسلطان و استقلال اولان نادر
علی خانکه قاعده اعجام اوزره طهماسب قولی خان لقبیه تلقب

ایتشیدی بقید افغانیانی تشکیل ائلك ایچون قندهار جانبده عزیمت وشاه مشار
الیه دخی استخلاص ملك و درویش مقصدیله همدانه طرغری تحریك ركاب نهضت
ایدوب لکن بغداد والیسی احمد پاشا ایله ترتیب ساز اولدیغی بزم زرمدده
منكسر و مغلوب اولغله و تبریز شهری دخی تکرار جانب دولت علیه دن
ضبط قلنغله بالضروره استدعای صلحه ابتدار ایلدیکنه مبنی تبریز و همدان
ایالتاری شاه مشار الیه ترك قلنغ و روان و شروان ایالتاری طرف دولت
علیه ده قالمق اوزره عقد معاهده اولندی نادر علی خان شرائط مصالحه یه
کسب اطلاع ایلدکده مضمیر درونی اولان ایران حکمدار لنگك تحصیلنه
بونی وسیله اتخاذا ایدوب ممالك قدیمه صفویه کاملاً تخلیص قلنغسزین
عقد مصالحه یی تقبیح و علنا لعن و تشنیع ایدرك سرعت سیر ایله اصفهانه
وارد و شاه ی خلع ایله شیر خواره بولنان اوغلانی تخت سلطنته بالا جلاس
کندوسی شاه و کیلی نامیه مقام حکمرانی یه متصاعد اولدی بعده
جمعیت کثیره ایله عراقه هجوم و بغدادی محاصره ایلدیکی خبری مسامع
دولته واصل اولدقده ارضروم والیسی صدر سابق طویال عثمان پاشا
سرعسكر نصب و معیننه جنود وفیره ترتیب و تسیر قلنغله سرعسكر
مشار الیه بيك يوز قرق التی سنه سی صفر نده بغداده قریب محله محاربه
ایدوب عسكر ایران منهزم و پریشان و نادر علی خان دخی مجروحاً همدانه
کریزان اولسیله عساکر عثمانیه بغداده داخل و بلیه محاصره زائل اولدی
لکن بغداد والیسی احمد پاشا سرعسكر عثمان پاشادن امین اوله مدیغندن
قلت ذخائر عذریله استتقال ایلدیکنه بناء سرعسكر مشار الیه بالضروره
معیننده بولنان امرایه اذن انصراف و یروب کندوسیدخی عساکر قلیله ایله
عودت ایلدی نادر علی خان بوزلقله و جریحه المقله مفتور اولور
واقدام و غیرتدن کیر و طورور ادم اولدیغندن سرعسكر مشار الیه
کرکوک طرفلرنده اولدیغنی خبر الدقده جمع ایده بیلدیکی سوار ی ایله
علی طریق الانغار عساکر عثمانیه یتشیدی دشمنك بووجهله بغته
ظهوری و سرعسكر پاشانك خسته و تختروان ایله ره بیا بولنسی جهتلرله
ترتیب صف و قتاله میدان و امکان قالدیغندن جیوش عثمانیه پریشان
و سرعسكر مشار الیه دخی شهیداً عازم مری جنان اولدی ابرتسی سنه

سر عسکر نصب اولنان کو پرلی زاده عبدالله پاشا دخی روان جوارنده
 واقع اولان صف مصافده منہزم و بودخی شهیداً دار اخرته عازم اولغله
 مضافات ایراندن ضبط و تسخیر اولنان ممالک کاملاً ایادی اعجابده انتقال ایلدی
 مشارالیه نادر علی خان بر قاج سند دینرو صیدیند چالش دینغی همای سلطنتی
 دام تسخیرہ رام ایتک زمانی حلول ایلش ایدوکنی درک و تیقن ایتکله
 مغان صحرا سنده بر عالی دیوان ترتیب و بالجملة امرا و صنادید اعجابی
 جمع ایدوب شو و جہله خطابتہ آغاز ایلدیکہ دولت ایران محو و پریشان
 اولمشیکن ثمرہ تدابیر و غالبیتله اسکی حالنه عودت و استیلا دیدہ اولان
 ممالک تکرار سلطنت عجمہ تجدید مربوطیت ایلدی بعد ازین و ظمہ
 رجعت و استراحت ایتک ارزو سنده بولندیغمدن اداره امور دولت ایچون
 سلالہ صفویہ دن و یاخود سائرہ دن بر حکمدار صاحب لیاقت انتخات
 ایلدکزی توصیه ایلرم دالنی ایراد ایلدکده حضارک جملہ سی یکر زبان
 اولہرق سندن غیری شاه قبول ایلیر دیو و لولہ ساز اولدیلر مشارالیه
 دخی تأکیداً للمقال بر قاج کون تأخیر مصلحت و بالاطراف مطالعہ کیفیت
 ایتلرینی تنبیہ ایدوب مؤخرأینہ ارزوی سابقلرینی تکرار ایلدکلرنده بنم
 دخی سزه ایکی تکلیفم وارد برنجیسی بعد ازین سلالہ صفویہ دن
 کیسہ یہ بیعت ایلہ جککزه و ایکنجیسی مذهب روافضی ترک
 ایدہ جککزه بنی تأمین ایلہ ملیسکز دیمنہ مبنی جملہ سی بو شرطلر اوزرینہ
 عهد و میثاق ایتلریلہ مشارالیه کال طنطنہ و دارات ایلہ جالس سریر شاهی
 اولدی بوندن صکرہ جانب دولت علیہ یہ ایلچیلر کوندروب شاهان
 صفویہ زمانندہ اولان حدود اوزرینہ تجدید معاهده اولمنسی طلب و فقط
 اثار غالبیتنی خلقہ کو سترمک ایچون سالت اولدینغی مذهب جعفری طرف
 دولت علیہ دن تصدیق و حرم شریفده مذہب اربعہ ارکانی مثالو بر
 رکن تخصیص اولمنسی و حجاج ایران ایلہ امیر الحجاج نصب وارسالنه
 مساعده یورلسی شرطلرینی دخی علاوہ ایلدی سلطنت سنیه ایران
 محاربه لرندن اوصانمش و بر نتیجہ مفیدہ یی منتج اولیہ جعفری بو کرہ دخی
 تجربہ ایلش ایدوکندن حدود قدیم ایلہ تجدید صلحہ اظهار موافقت
 ایدوب انجق مذهب جعفری تصدیق و امیر الحجاجک شام طریقہ اعزازی

ماده لری شرعاً و ملکاً جائز اوله میه جغنی بیان وافهام و بو ماده لرایچون طرفیندن مکرراً علما و سفرا بعث واعزام قلندی ایسه ده صلحه رابطه ویریه میوب نادر شاه دخی هند طرفلرینه ره بیای صولت اولغله درت بش سنه قدر متار که حالنده قلندی

روسید لولر ممالک ایراندن ضبط ایتدکاری دربند قلعه سیله مواقع سائر هی کاملاً نادر شاه رد و اعاده و بو کامقابل دولت علیه علیه اتفاق و بعض مواد تجارتی حاوی عقد معاهده ایلمار یله قریم و بصرایه حقنده اولان نیت و ارزولرینی قوه دن فعله کتورمک ایچون یئک یوز قرق سکزی سنه سی او اخرنده نقض عهد ایدرک بریسی ازاق قلعه سی و دیگری قریم و ارچنجیسی اوزی اوزرینه اوچ یولک اردو سوق ایلدیلر بو خبر در دولت و اصل اولد قده در حال صدر اعظم بولنان سلیدار محمد پاشا سردار اکرم نصب و تعیین اولنه رق اردوی همایونله طونه یه طوغری عزیمت و بابا طاغی صحرایه موصلت ایلد کده نتیجه لولر طرفندن اصلاح ذات البینه توسط صورتیله اغفالات وقوعه مبنی مذاکرات و مجاوبات ایله بر قاچ ای امرار وقت اولنوب نهایت متوسط کورینان نتیجه لولر بلا شرم و حیایغته اظهار عداوت و طرف طرف ممالک اسلامیه یه هجومه مبادرت ایلدیلر سردار اکرم مشارالیه مقدمه سلیدار لقدر دفعه صدرتله چیقیش عجمی و احوال دولتدن بی خبر اولق حسیله فتق و رتیق مصالح وزیر کتخدای عثمان خالصا افندینک ید استبدادنده ایدی موکب همایون بابا طاغی مشتاسنده اولدیغی حالده نتیجه لولر ایله مکالمه اولنور ایکن اوزی و بندر وودین سرعسکرلری طرفندن مهمات حربیه طلب اولند قجه و مستقولوزک هجومی و نتیجه لولرک حاضرانقده بولند قلی اخبار قلند قجه کتخدای مشارالیه تنظیم مصالحی مقرر یله رک بهود مال میری اتلاف اولغله محل یوقدر قریباً ختام مصلحتله اردوی همایون دخی عودت ایده جکدر مألنده جوابلر ویریه کادیکنه مبنی عکس قضیه ظهورنده صدر مشارالیه معزول و کتخدای مزبور دخی مقتول اولوب بندر سرعسکرلی محسن زاده عبدالله پاشا نائل صدارت عظمای اولدی روش حاله باقنجه شماره عثمان کتخدا نایت متصرف و صادق غافل بر ذات اولوب اسوال میریه حیانت ایدهم دیر ایکن هم دولسک و هم

کند و سنک باشنی بلایه اوغرا ندیغی اکلا شیلور بوجه محرر اسباب
مدافعه نك مكمل بولماسی ازا ق و اوزی و قایرون قلعلرینك ایدئ دشمنه
كرفقار اولسنی مستلزم اولدی قریمه هجوم ایدن مسقولور
اكرچه درون جزیره پای انداز تعدی اوله بایلدیلر ایسه ده اهالی قریم عیال
واولاد لرینی صعب المرور طاغله چیقاروب محصولات ارضیدلرینی دخی
کندو اللربله یاقش و دشمن عسکرینك اطرافدن ایرلیوب علی الدوام
اضرار و تعجیزه نصب نفس اهتمام ایلش اولدقلرندن كرك قلت ذخائر
سبیلله و كرك اهالی عز بوره نك تسلطلری ثمره سبیلله یکرهی بیکدن زیاده
مسقو عسکری تلف اولدیغندن و کفیه دخی فوج فوج عساكر عثمانیه
ورود ایتکده بولندیغندن چار ناچار رجعته مجبور اولدیلدیلر و مدن
وامصاری احراق و تخریب ایدرك کلاکری بولدن عودت ایلدیلدیلر
مع مافیه بهادران تاتار عقبیکر لکده پک زیاده خیرت و اقدام ایللرله نتیجه
هجوم روسیه لولرك تلفات کثیره سندن و قریمك خراپیتندن غیری بر شی
نفید اولدی

نمچه اولر دخی نیش و بوسنه وودین جهتلرینه اوچ قول اردو سوق ایدوب
فرقه اولی نیشك تسخیرینه عتدر اولدی ایسه ده مفصلات توارینده
مسطور اولدیغی اوزره بوسنه اوزرینه کلان و بیوک اردولری حکمنده
بولنان فرقه جسمیه بی بوسنه والیسی صدر اسبق حکیم زاده علی پاشا
کندو دائره سی خلقی وایالت بوسنه نك زعماء و ارباب تیمازی و کواکلی
عسکری ایله قارشولوب لدی المحاربه انهرام فاحش ایله منهزم ایلش وودین
جهتیه هجوم ایدن دشمنیده وودین سرعسکری عوض محمد پاشا تدمیر
و تنکیله موفق اولش اولمغه وروم ابلی والیلکیله نیش استخلاصنه تعیین
اولنان کوپر یلی زاده صدر شهید مصطفی پاشانك اوغلی احمد پاشا
دخی موفقیت ابا واجدادینه تردیفاً قلعه مر قومه نك فتح و استردادینه ظفر
بولمغه در جنك اول نمچه اولر هر طرفه مظهر قهر و نکال اولدیلدیلر

سنه سابقه ده موسم شتانك حوالیه اردوی همایون استانبوله عودت
ایلدکده صدراعظم عبده پاشا معزول و یکن محمد پاشا مقام صدارته
موصول اولشیدی سفرک اوچنجی سنه سی یعنی یک یوز الی او اخرنده

جانبه طوغری عزیمت ایلدی روسیه لولر بو سنه دخی قریم و بندر
جهترینه ایکی اردو سوق ایتکه برنجی فرقه اور قلعه سنی ضبط ایدوب
یکن سنه کی کبی درون جزیره کریم فکرنده ایکن قریم خانی منسکی
کرای خان ایله کفه سرعسکری محمد پاشا مجتعا قارشولیوب بر قاج
کون محاربات و مقاتلات و قوعندن صکره اعاده دشمنه موفق اولدقلری
مثلاو فرقه ثانیه یی دخی بندر سرعسکری نعمان پاشا طورله کنارنده
مدافعه وارجاع ایش و اشبو ایکی فرقه نک کرک محارباتده و کرک عقبکیرلر
جانبندن ایقاع اولنان اضرارنده کلیتو تلفاتلری واقع اولدیغنه و بو
جهتله مقدهما استیلا ایلدکاری اوزی و قیرون قلعه لرینی محافظه یه قدرتلی
قالدیغندن بالتخلیه فرار ایتش ایدوکلرینه بناء سرعسکر مشارالیه جانبندن
مذکور قلعه لره درحال جیوش اسلامیه ارسال و ادخال واسباب حفظ
و حراستلری استکمال قلندی

وودین سرعسکری عوض محمد پاشا طونه نک قارشو طرفنه کچروب مهاده
و خرشوه جانبونده بولنان نجه اردولرینی منهزم و پریشان ایش اولمسیله
موکب همایون بلا مانع طونه نهری دروننده بولنان و نجه لولر جانبندن
استحکامات قویه ایله تحکیم و ترصین قلمش اولان اطه قلعه سنک محاصره سنه
مباشرت ایدوب محاربات شدید و قوعیله فتح و تسخیر قلندی و اردوی
همایون بر سابق مشتانشین اولق اوزره استانبوله عودت ایلدی
روسیه لولر ایله باب محاربه کشاد اولمسی متعاقب اصلاح ذات البین ایچون
انکاتره و فلنگولر عرض توسط ایتشلر ایسه ده مسقولر جانبندن قبول
اولنجوب نجه لولرک توسط اختیار اولمشیدی انلرک حقانیت و استقامت لری نک
درجه سی معلوم انام و عنایت باری ایله دولت علیه نک غلباتی نمایان
اولدقدن صکره فرانسه ایلچیمی اظهار توسط ایتکه باشلادی و اطه
قلعه سنک قنچی عقینده ارتق دولت علیه تمامیه اکال ناموسه و دشمنلرینی
قهر و تدمیرده موفق اولمش اولدیغندن بختله صلعه مساعدده ایلسنی تکریر
و مواظت اولندیغی حالده بالضروره کندولری دخی حربه داخل اولق
مجبوریتنده بولنده جقلرینی علی طریق الاخافه تدنیل ایلکه اغاز ایلدی
و کلای دولت عصر سابق و اسبقده ایکی دفعه واقع اولان نجه

نخار به لرندن دولت عليه تر تب ایدن مضراتی در پیش مطالعه ایتکله
 کوزلری قورقش اولدیغندن اشبو سفرك هیئت سابقه اوزره مبدل صلح
 اولسنه قائل اولدقلری حالدده سنه سابقه ده واقع اولان مظفریتلر
 و باخصوص اطه قلعه سنك قتحی مثلاً و موفقیّت فاخره و نجه لولرك
 صراحة و قوعبولان طلب واستدعاری اوزرینه عقد صلح اولمسی جانه منت
 بلورلر و سوق و ترغیب ایدرلر ایدی لکن صدراعظم بولنان یکن
 محمد پاشا غیور و غیر مفتور بر ذات اولدیغندن بلغرادك تخلیصیه نجه لولرك
 طونه نك قارشو جانبده طرد و ابعادلری خصوصه نصب نفس اهتمام
 و بوبابده سینّه صداقتی هدف سهام مخاطرات دشنام ایدرك دوام حربه
 محاسرت و اطه قلعه سنك تسخیری ایچون اختیار اولنان بو قدر تعب
 و تلفات مجرد بلغرادك قتحنه یول بولمق و نهراً نقل مهمات و ذخائر
 اولنه بیلک مقصدینه مبتنی ایکن بلا حصول مطلب عقد معاهده موجب
 اضاعه وقت و فرصتدر دیرك عرض افکار غیرت و حیتة جرأت ایتکله
 فرانسه ایلیچیسی لیت و لعل ایله اویدیلوب اردوی همایونك اكمال
 لوازماته اقدام اولنور ایدی موسم حرکت تقربنده بغته صدر
 مشارالیه معزول وودین سرعسکری عوض محمد پاشا مقام صدارته
 موصول اولدی ایسه ده صدر سابقك طوتدیغی طریقك تغیرینه زمان و امکان
 قالدیغندن بالضروره موکب همایون قائم مقام شهلا احمد پاشا ایله بیک الی
 سنه سی او اخرنده استانبولدن اخراج وادرنده صدر جدیده تسلیم
 اولندی

نجه لولر بوسنه قوه عسکریه لرینی جهات عدیده یه تفریق ایتیوب مجتمعا
 بلغرادك محافظه سی طریقنده قوللانمغی قرارلشدیرمش اولملریله یتش
 سکسان بیک کیشیدن عبارت جسیم بر اوستریا اردوسی بلغرادك ایکی
 ساعت خارجنده استحکام ایچنه کیروب عساکر اسلامیه نك ورودینه
 مترقب اولملر ایدی موکب همایونك درت بش ساعتک محله ورودینی
 خبر الدقلرنده شنجون ایلك قصدیه استحکامدن چیقدقلری صدراعظمك
 تحقیق کرده سی اولمغین اول کجه که بیک یوز الی ایکی سنه سی ربیع الاولنك
 اون بشنجی کجه سیدر دشمندن اول بازارحق بوغازینی طوتمق ایچون

اولاً روم ایلی والیسی علی پاشا و متعاقباً یکپیری نفراتی و سائر طوائف
عسکریه طاقم طاقم سوق اولنوب صدر اعظم دخی کیجه ساعت بشده
حرکت ایلدی فرقه اولی دها شفق سوکسزین ذکر اولنان بوغازه
واصل وقارشو جانبین دشمن الایلی دخی ظاهر اولغله اعمال اسلحهیه
مباشرت قلندی و پیدرپی طرفینک عسکرلری یتشمکله کیتد کجه اتش حرب
و قتال کسب اشتداد ایلدی حاصل کلام ایرتسی کون اخشامه قدر
اون یدی ساعت جنکه دوام اولنوب خیلولت ظلمت شام ترک مکافحهیی
مستلزم اولدی ایسده وزرا و امرا و صنوف عسکریه بولندقلری یرلرده
ارام و محافظه مواقع مهمهیه اعتنا و اقدام ایلدیلر

اثنای محاربه ده اوستریا قوماندانی اولان پرنس والس یاره لنوب معیتنده
بولنان اردونک ثلثی مرتبه سی دخی تلف اولغله بالکلیه منهزم و پریشان
اولق درجه سنه کلشیکن اخشامه قریب یکرمی بیک قدر امداد ایله
برجنرال یتشهرک و درحال قوماندانی انه الهرق وقت شامه قدر
طیامش ایسده بعدازین قدرتیاب مدافعه اوله میه جغنی اکلا دیغندن
کیجه قرانلغنده رجعت و اکثر مهماتلرینی ترک ایدرک و یولارده دو کدرک
عودت ایلدی و مقدا انشا ایتدکاری استحکاملرده طور مدقلرندن بشقه
بلغرادده دخی ارام ایده میوب محدود اولان کو پر یلردن قارشو جانبه
فرار ایلدیلر

بناء علیه موکب همایون بازار جق صحرا سندن حرکت و بلغرادک محاصره سنه
مسارعت ایدوب نجه لولر ایسه منهزم اولان اردولرینک رجعتنی اصلا
خاطره کتور مدکارندن ناشی بلغرادک تحکیمه جندان اعتنا ایتماش
اولملریله قلعۀ مرقومه نک ویره ایله تسلیم اولغنی مذاکراتی ضمنه
اردوی همایون ارکانی بش التی کون اغفال و لوازمات مدافعهیی
استکمال ایلد کدن صکره جنک و حربیه مباشرت ایلدیلر

مقدا عرض توسط ایدن فرانسه ایلیچیی اردوی همایون جانبیندن
دعوت اولنوب نیشه ورودند نتیجه حرب تعین ایدنجیه قدر اوراده
توقیف قلنشیدی غون حق ایله دشمنک بیوک اردوسی تدمیر و بلغراد
قلعه می محاصره ایدمش اولدیغندن ایلیچی مومی ایله معسکر پادشاهییه

جلب اولنوب بر طرفدن جنك و حربه اقدام و بر جانبدن سلطنت سنيه
 شاننه موافق صلحدن امتناع ايتمه چكي ايلچي موسى ايله واسطه سيله
 افهام اولنور ايدى بو صورتله ايام محاصره قرق كونه تقرب ايلديكي
 حالده بلغراد و صربستان و جاسار افلاق دنيلان يرلر و ايرشوه اراضيسي
 جانب دولت عليه ترك و تسليم قلمق شرطى و شرائط سائر ايله عقد
 مصالحه قرارلشد يريلوب بيك يوز اللى ايكي سنده سي جادى الاوليسى
 او اخرنده تمسك مبادله قلندى و بش كون صكره جيوش اسلاميه
 بلغراده داخل اولدى

قورير ناميله فرانسه ايلچيسنك ياننده بولنان مسقو مأمورينك عقد صلحه
 مأموريت و مأذونيتي اولديغي افاده اولنديغندن انك ايله دخی عقد مجلس
 مذاكره قيلنوب ازاق قلعه سي هدم و اراضى قديمه سيله دولتين ياننده
 حد فاصل اعتبار اولنمق و قيار طيار سابق مثللو هيچ بر طرفه تابع اولوبوب
 باشلو باشلرينه قالمق و روسيه لولر ازاق دكزنده جنك سفينه سي انشا ايتماك
 شرائطى و حدود قديمه اعتباريله انلرايله دخی تنظيم مصالحه اولدى
 يتش سكسان بيك كيشيلك بر مسقو اردوسى خوتين جوارنده رونما
 اولغله بندر سرعسكرى بولنان پاشا تحت قومانداسنده اولان عساکر
 اسلاميه ايله مدافعه سنده مباشرت و بر قاچ كون اعمال ادوات حرب
 و جنك ايله كركي كې تضيقه همت ايتشيكن اوزو واليسى كنج علي پاشا
 قپوسى خلقى و معيتمنده بولنان بيك قدر بوستانجى نفراتيله خلاف امر
 سرعسكرى هجومه ابتدار و درجنك اول دشمنك بوستانجى نفراتنى
 احاطه ايلديكنى مشاهده ايلد كده بيجاردلرى تخليصه غيرت ايتك شويله
 طورسون اوزى يه طوغرى فرار ايتكله بو كيفيت جيوش اسلاميه نك
 رجعتنه بادی و خوتين قلعه سنك گرفتار يه دشمن اولسنى مؤدى اولديغي
 خبرى موكب همايونك عودتى ائناسنده وارد اولدى و عقد صلح اولنمق
 حسبيله هر نقدر بو وقعه نك موجب تلاش اولماسى لازم كالور ايسه ده
 احتياطاً لزومى مقدار امرا و عسكرا رسال قلندرق اردوى همايون
 استانبوله عودت ايلدى
 درت سنده قدر كمال اسوده كى ايله امرار وقت اولنمده ايكن

هند طارفلرنده غلبات ككشيره و احوال و فیرهیه دسترس اولان نادر شاه
اولحوالیه ایشنی بتوردکن وجهیت و اقتدارینی تزیید ایلدکن صکره
بيك يوز الی الی سندی بفته عراقه مهاجده نمای ورود اولوب
کرکوکی ضبط و بغدادی محاصره ایلدیکی خبری در دوتنه واصل اولدقه
صدر اسبق شهلا احمد پاشا تشرق سرعسکری نصب و معیتنه صنوف
عسکریه دن جیوش و افیه ترتیب اولندیغندن ماعدا صدر اعظم بولنان اغا
حسن پاشا نك دخی اردوی همایونه عراقه طوغری حرکتی اسبابنه
تثبت اولمشیکن شاه مشارالیهك بالذات موصل قلعه سی اوزرینه هجومنده
محافظی بولنان عبدالجلیل زاده حسین پاشا نك مدافه دلیرانه و تدابیر
حیتکارانه سیله هزیمت کاملهیه گرفتار والی بيك قسدر مقتول براغدرق
رهرو وادی اذربار اولدیغی پیام مسرتی توارد ایلدی بوجه محرر
ارضرومده احمد پاشا اردوسی تخرب و اجتماع ایتکده اولق حسیله
شاه مشارالیهك عراقده پایدار اوله مامسی طبیعی اولدیغی حاله کال
نخوت و غرورندن ناشی اضطراب حالی اخفا و مقدا طهماسب شاه
محاربه سنده ضبط و بغداده نقل اولنان اون بش یکرهی قطعه طوپ
کندوسنه تسلیم اولنور ایسه بغداد اوزرندن رفع بار ثقلت ایده چکنی
والی ولایت اولان احمد پاشایه انها ایلدیکنه مبنی شر و مضرتندن عباد
اللهك تخلصی مطالعه سیله مسؤلند مساعدده اولندی و قالقوب ازربایجان
طرفنه طوغری عزیمت ایلدی

سرعسکر احمد پاشا معیتنده بولنان امرا و صنوف عسکریه یی مستصیباً
الی یدی سندسی اوائلنده قارصه واصل و نادر شاهك دخی
عسا کر کلیه ایله کلکده ایدوکنه کسب اطلاع ایله جوار قلعه ده
اردوسنی استحکام التمه الهرق مترقب ظهور دشمن اولمشیدی شاه
مشارالیهك ورودیه برابر محاربهیه مباشرت وایکی ای قدر اعمال ادوات
حرب و جنگه مبادرت اولنوب بعده شهر رمضان شریفك حاولی شاه
مشارالیه ونسیله ترك حرب ایدرك عودت ایلدی اگرچه ظرفینده
غالبیت و مغلوبیت تعین ایتماش ایسده احمد پاشا نك میدان محاربه سنده
جرات ایده مامسی نزد دولته قرین پسند اولما مغلله خدمت سرعسکری

صدر اسبق یکن محمد پاشایه تفویض قلندی ایرتسی بیل که بیک یوزاللی
سکز سنده سیدر سرعسکر جدید روان ایله قارصی بیننده نادر شاهی
محاصره و اوچ درت کون تضییق ایدوب حتی شاه مشارالیه اقبالنک
غاته واستد راجنک نهایتیه واصل اولدیغنی تفوه ایله اظهار اضطرابه
مضطر اولمشیکن بحکمة تعالی سرعسکر مشارالیه درجنک اول علت حیا
ایله محموم و کتد کجه مشدد اولغین بو کیفیت موکب سرعسکرینک اجزای
متممه سندن بولنان لوندات طائفه سنک عتو و طغیانلرینه بادی و مضمر
درونلری اولان غارتک اجر اسنده سبب عادی اولغله اشقیای مرقومه نک
عجم باصدی غلغله سیله طوائف عسکریه بی پیجتابه گرفتار و مقتدر اولدقلری
مرتبه ده اردوی همایونی یغما ایدرک فرار ایللری عسا کر سائر نک دخی
انهرامنی مستلزم و بو وقعه نا کهظهور کاندوه و الامیله ایرتسی کون سرعسکر
مشارالیه دخی سمت عقبایه عازم اولدی

نادر شاه تنکنای اضطرابدن خلاص اولسیله برابر من غیر مأمول اگرچه
بویله بر غلبه یه دخی مظهر اولدی لیکن جانب سلطنت سنیه دن تدارکات
حریبه یه اقدام قلند سنده و حکیم اوغلی علی پاشا مجدداً سرعسکر نصب
اولندیغنه نظراً مطالب سابقه سنی بو کره دخی قبول ایتدیره میه جکنی و بین
العجم اسکی شان و رونق قلندیغنی استدلال ایله طالب مصالحه اولدیغندن
سلطان مراد رابع حدودی اساسیله بیک الی طقوز سنده سی او اسطندده
عقد صلح اولندی و چوق یکمکسزین بعض امراسی خیانتیله شاه
مشارالیه کشته تیغ فنا اولوب کشور ایران از سر نو شورش و اختلال
ایله مالا مال اولمش ایسه ده جانب سلطنت سنیه دن مداخله و تعرض
اجراسندن اتقا قلندی

بوندن صکره سلطان محمود خان حضرتلرینک بقیه ایام سلطنتی کمال شان
و عظمتله مرور ایدوب بیک یوزاتمش سکز سنده سی صفر نده جعه سلاملغندن
عودت و تیمور قیودن سرایه دخول ایدرایکن آت اوزرنده ارتحال داربقا
بیوردیلر نور عثمانیه جامع شریفنک اتمامنی قوه قرینه یه کتورمش
و تر به مخصوصه دخی بنا ایش اولدقلری حالده جانشینلری اولان برادرلری
سلطان عثمان خان ثالث حضرتلری جامع مذکور ی تملک ایدنک عزمیله

مرحوم مشارالیهی تربیه دفن ایتدیرمیوب یکی جامع تربه سینه کوندرمش
و جامع شریفی کندو نامنه تخصیص ایش ايسه ده سلطان مصطفى خان
ثالث حضرتلری مکافاة انی دخی یکی جامع تربه سینه دفن ایتدیرمکه نور
عثمانیه تربه سی خالی قالمشدر خاقان مغفور سلطان محمود خان حضرتلری
اوتوز بش یاشنده جالس سریر سلطنت ویکرمی بش سینه حکم فرمای
ممالک دولت اولوب هنگام سلطنتلری دولتک اوان انحطاطنه تصادف
ایتمشکن مدت دولترنده ضایعات ملکیه واقع اولدیغندن ماعدا بلخرا
وسمندره واطه قلعه لرله صربستانی کچه لولردن استرداده موفق اولمشدر
ثبات اقوال و افعال ايله موصوف و فن موسیقی و لعب شطرنج ايله مألوف
برپادشاه اولوب مهتاب کچه لرنده سیردریایه بنیایت مائل ایدیلر یکرمی
سینه قدر مستشار مؤتمنلری اولان دار السعاده اغاسی حاجی بشیر اغا مرجع
انام اولوب هر طرفدن تقدیم اولنان نقود و هدایای اغور همایونه فدا
و فضله سیله استانبول و از میر و سائر پرترده مبرات کثیره و ابندی جسمیه
انشا ایشدر حتی اولوقترده دفتر داراولان عاطف افندی مرحومک
مصارفات ذاتیه دفترلنده هرای اغای مشارالیهه بیکر التون تقدیم
اولنه کلدیکی مشهور فقیر اولمشدر اغای مشارالیهه خلف اولان
حافظ بشیر اغا سلفی کبی حسن اداره و اعتدال معامله یه قادر
اوله میوب باخصوص توابعاتندن اولان مشهور سلیمانیه ارخای عنان ایتکه
ومزبور دخی اطوار مغرورانه و افعال ملعونانه بی مرتبه کماله ایصال
ایتمکه سو بسو گفتکو حدوشنه باعث وطوائف عسکریه نک وقعه و قواقیه
کبی برحال ظهوره کتورملری اماراتی حادث اولدیغندن درحال اغای
مشارالیه ايله مزبور سلیمان و امثاللری قتل و اعدام و منسوباتلری دخی
نفی و اجلا قلندی اواخر سلطنتلرنده واقع اولان اشبه حادثه مدده شدن
بشقه احوال ردیه ظاهر اولماشدر

پادشاه مرحومک برادری اولان سلطان عثمان خان ثالث حضرتلری الی
سکز یاشنده جالس سریر سلطنت اولوب کرک برادرلری مرحومک و کرک
کندوسنک اولادی اولماغله و بوقدر مدت حرمسرای پادشاهیده تنها
نشین اولدیغندن مزاجلرینه هرور و طبعلرینه تغیر کلمکه دایما عزل

سلطنت سلطان
عثمان خان ثالث

و نصب وکلا ايله مشغول اولوب بونک دخی سبی شهزادکانه سوء قصد
 عزمنده بولمیشدن منبعث ایدوکی مشهور ایدی حتی حکیم اوغلی علی
 پاشایه برکون کال غضبه بن شمدی سنی عزل ایدر و حاللر کتخداسی علی
 اوسته بی وزیر ایدینوریم دیدکده اوت یاپارسکز لکن حال علی پاشا اولور
 حکیم اوغلی علی پاشا اوله مز دیدیکی منقولدر بو حالله بنساء اویله
 مسبوق خدمه غازی بروزی اوج آیه وار مقسزین عزل ایدوب قتل
 ایلک نیتیه قیر قوله سنه حبس ایتشیکن والده سلطان شفاعتیه خلاص
 اولمشدر مشارالیه سلطان عثمان خان حضرتلری اوج سنه دن ایکی
 کون نقصان سلطنت سوردکن صکره بیک یوز یتش بر صفرنده
 مرتحل دار آخرت اولغله سلطان اجد خان تالشک بیوک شهزاده لری
 سلطان مصطفی خان ثالث حضرتلری زیب ارای دیهیم عثمانی
 اولدیلر

سلطنت سلطان
 مصطفی خان ثالث

پادشاه نوجاه حضرتلری عقل و دایت ايله متصف و کال تصرف و امساک
 ايله متخالی اولدقلرندن خزائن کثیره جمع و ادخار ایتک و فنون مغیبه
 بغایت رغبت و اعتمادلری بولمق و ظالمعلینی سعید و هر وجهه غلبه یه مساعد
 کورمک جهتلیله و یتش سکسان سنه دنبره روسیه لورک ممالک اسلامییه
 حقنده اولان سوء نیتلری ان بان تجسم ایده کلسیله مستقولو اوزرینه اعلان
 حرب ایلکی تصمیم ایدرلر ایدی لکن صدراعظم بولنان راغب پاشا
 بر فاضل حکمت بین و فیلسوف رنداین اولدیغندن عساکر افرنجیه نیک کسب
 ایلدیکی انتظامی و بالعمکس جیوش عثمانیه نیک حاصل ایتدیکی اغتشاش
 وعدم انضباطی مقایسه ایدرک تین ایدن نتیجه بی تعبیرات حکیمانه ايله
 عرض و افاده ایتکده و بعض مشاغل ارايه سیله پکشدیر مکده ایدی فقط
 بوباید اقتصا ایدن اسباب مدافعه بی استحضار ایلدکجه هر قدر سفر دن اجتناب
 اولسه و طریق مسالته کیدسه اکمال لوازم ایلدکدن و وقت و زماننی بولدقن
 صکره خصمک اجرای تصمیماتدن کیر و طور میه جنی بدیعی اولدیغنی حالده
 راغب پاشانک تجدید نظامات عسکریه و تنظیم لوازمات حربیه خصوصاً صحرینه
 اعتنا ایتیه رک یالکز کندو وقتنک خوشجه کچمنه حصر همت ایلدی
 یا بالکلیه امید سزلکندن و یا خود ملحوظ اولان مخاطرات خوفندن ناشی

اولوب سنجید دخی مابین ستین و سبعین تیه حیرتنده بولنمسی بوکا منضم اولمش
ذیله بیلور ایسدهده علی کلا التقدیرین مشارالیه موجب نقیصه عداوانسه
یحادر

یک یوزیتش بش سنده سنده زوجنی اعدام ایله نائل تخت ایمپراطوری
اولان مشهوره قترینه فتوحات فاخره واجراآت نافع ایله روس ملتک
حسن توجهلرینی قزانمغه محتاج اولدیغندن له امورینه مداخله ایتکه
ومسعودولتک تاتارستان و ترکستان حقنده اولان نیت استیلاکاریسک
قوه دن فسله چیقارلمسی اسبابنه تشبث ایلدی له بکراده لرندن برقاچ
کشی عرض محض لر ایله استانبول کلوب روسیه لونک خلاف عهدنامه
اوله رق له دولتی امورینه مداخله ولهستانه عسکر ادخال ایلمسی غصب
مقصدینه مبتنی ایدوکنی و بوندن صکره دولت علیه ممالکینه اطاله دست
تعدی ایده جکنی ادله قویه ایله سرد و اتیان و سلطنت سنیه روسیه نک
کسر تسلطنه همت ایدر ایسه شکرانه لطف اوله رق یودلیا ایالتی
دولت علیه ترک و اهدا ایده جکرینی بیان ایلدیلر برطرفدن فرانسه
ایلیجیسی دخی کندو پولتیقه لری ایجابنجه حربه تشویق و مسعودولرک نیت
و تصمیملرینی ایصال مرتبه تحقیق ایتکه بویابده ارکان دولت عقد
انجمن مشورت ایدوب کشاد سفر پادشاهک مطلوبی اولدیغنی بیلنلر
کسب تقرب و اقبال ایلاک مقصدیه مزاج همایونه تبعیت و اظهار صلابت
ایله امر حربی تسهیل و لزومنی تصویب و تذکیر ایدوب بعضیلری دخی روسیه لو
دولت علیه ایله حربی اختیار ایتز و معسکر همایون طونه یه وار مقسزین
لهستانی تخلیه ایدر و بودلیا ایالتی کبی کثیرالخوا بر مملکت قولایله
کشور دولت علیه ملحق اولور دیدیلر

صدر اعظم بولنان محسن زاده محمد پاشا پدایله اسکی سفرلرده بولنمش
ومت مدیده اوزی و خوتین محافظه قلمقرنده استخدام اولنمش اولدیغندن احوال
سفر و سرحدانه واقف و دشمنک قوت و سطوته مطلع اولق حسیله لازم
کلان محاربه ذخیره ادخار اولنمقسزین و حدودده بولنان قلاعک تحصین
و تحکیمنه اعتنا قلمقسزین دفعه اعلان حرب اولنمسنک خلافتده بولنمقسزین
ناشی معزول و اناتولی و ایلیسی سلحبدار حزه پاشا مسند و کالت عظمی یه

موصول اولدی شیخ الاسلام ولی الدین افندی صدر سابقه هم افکار
اولدینی حالدیه بحکمته تعالی او کونلرده فوت اولغله حرب طرفلورلندن
پیری زاده عثمان ملا مقام مشیخته اعتلا ایلدی صدر جدیدک استانبوله
وصولندن برهفته مرورنده حضور همایونده مشورت عمومیه عقد اولنوب
کشاد حربیه قرار ویرلسنه مبنی بیک یوز سکسان ایکی سنه سی او اخرنده
روسیه ایلچیسینی باب عالی به جلب ایله لهستاندن مسکو عسکرینک اخراجی
وله امورینه مداخله دن بالکلیه کف ید ایللری دولت علیه نیک مطلوب
قطعیه سی ایدوکی بیان ولهلر فرقه لرینی تعقیب اشناسنده مسکو عسکرینک
بالطوه نام محله تجاوز و ایصال خسارت ایتش اوللری جهتیله واقع اولان
ضررک تضمینی درمیان اولندقدده ایلچی موهی الیه بوباید دولتندن تعلیمات
جلب ایلاک ایچون طلب مهات ایتش ایسه ده بودخی بیهوده اضاعه و وقتی
موجب اولوردنیلرک ایلچی موهی الیه یدی قله یه حبس اولندی زیرا
اولعصرک حکمنجه تانار و سائرده دن روسیه ممالککنده خلیجه تجار بولنه
کلیککنه مبنی اینلرک سلامتله بلاد اسلامیه یه خروجنه قدر الده رهن
بولنق مقتضی ایدی حزه پاشانک شعورنده اختلال مشاهده اولندیغندن
مدت صدارتی برایه وارمقیزین متفصل ورئیسلیکن رتبه وزارتله نشانی
نصب اولنان یاغلقچی زاده امین پاشا صدارت و سردار اکرملاک مقامنه
واصل اولوب بیک یوز سکسان ایکی سنه سی ذی الحجه سنه سی جیوش
عثمانیه یی مستصحباً طونه یه طوغری عزیمت ایلدی کافه مورخین سلطان
مصطفی نیک بوسفری اچسندن طولای اعتراض و محسن زاده نیک اکر مطلقاً
باب حرب کشاد اولنه جق ایسه باری سرحدانک ذخائر و سائر لوازماتی
استکمال اولنق ایچون برسسنه قدر مخبره ایله امرار وقت اولنسون
دیدوکنی ایراد ایدرلر واقعا بوسورت موافق نفس الامر ایدیسده
الای التمش سنه دنبرو مسقولولر ممالک تانار ولهی ضبط ایلاک ایچون
حاضرانقده وایمراطوریجه اولان قترینه دخی قوه دن فعله چیقارمق عزمنده
اولدیغی نزد دولتده مجزوم اولوب حتی عاظم افندی کتابخانه سنه
بررساله منظور فقر اولمشدرکه مالی مسقولولرک ازاق دکزنده وقوبان
واوزی نهرلری جوارلرنده متشبت اولدقلری تدارکات جسمیه یی واسباب

مدافعه سی نوجهله استحضار واستکمال قلعه محتاج ایدوکنی متضمن
 او اوب سلطان محمود اول زمانده قبله الشمس اولدیغی نمایاندر ایش
 بومر کرده اولدیغی حالده کرک قریم حوالیسنده و کرک اوزی و بندر قلعه لرینده
 و باخصوص ساحلدن اوتوز قرق ساعت ایچروده بولنان خرتین قلعه سنده
 استحکام و یرلک و اسباب مدافعه استکمال قلمیق شویله طورسون لایقیله
 ذخائر و مهمات حربیه و عساکر مستحفظه بیله وضع اولنماش یکن هر نه
 صورتله مماشات اولنسه البته بر قاچ سنه ظرفنده کانون حرب و قتال
 شرر افشان اولق مقرر ایدی غایتی سلطان مصطفی نك تشبقاتی تعجیل
 حربی مؤدی اولدی موکب همایون طونه یی عبور ایله بندره عزیمت
 و صکره خان تبه سنه عودت ایدوب مسقولور دخی طورله نهرینی
 بالمرور خونین قلعه سی محاصره ایلشدر ایه ده مولدوانجی علی پاشا و قریم
 خانی دولترای خان عساکر کایه ایله ارسال و مسقولور عودته اجبار
 اولندیغندن طورله یی قارشویه کچوب ممدود اولان کوپر یلزینی رفع ایلدیلر
 سردار اکرم امین پاشا پیمایه پیمان کایا قیریلوب دو کله کسزین مصلحت
 بر نتیجه و یرلک امیدیه روسیه ایلیچیسینی معاً استصحاب ایتشیکنی انعکاس
 کاش تخیل ایله دم بسته و سسوق اولنان جیوش کایه ده کافی ذخیره
 ادخار قلمدیغندن اداره ده اولان عسرت و انضباطجه کوربلان
 نواقص الیه خسته اولدیغندن استعفا یی متضمن بعض تعیرات ایله
 تقدیم معروضات ایلشیدی بناء علیه سکسان اوچ سنه سی ربیع الاخرینک
 طقوزنجی کونی معزول و مقام صدارته مولدوانجی علی پاشا موصول
 اولدی

اردوی همایوندن قاجوب کلان طوائف عسکر یه طفره فروشلی امین
 پاشانک بطائتدن شکایت واکر عسکره رخصت و یرسه روسیه یی مضمحل
 ایدر ایدک دیهرک سترعیوب فراره مباشرت ایلر یله احوال عالمدن بیخبر
 مرای اغواتی یلنده بو کفتکو کسب اهمیت ایدرک طوائف عسکر یه یی
 تلایف مقصدیه بیچاره امین پاشا کشت تیغ اضا اولدی
 مولدوانجی علی پاشا خوبنده اعمال عسکر ایله مشغول ایکن موسم حریفده
 نایل صدارت او اوب ششاک نقریندن ناشی مسقولونک لرد و دفعی

موفقیتیه اکتفا و مشتایه عودت خیرلو اوله جغی اصحاب ارا جانبندن الیا
اولمسی اوزرینه کندوسیدخی بوصورقی تصویب ایلش ایسه ده خوتین
صحراینده التمش یتش بیک قدر عسا کر مجتمع وبلا محاربه رجعت ایله
سلفک تمثیله متهم اوله جغی بییهی اولدیغندن بالضروره طورله نهری اوزرینه
کوپری قوردیروب قارشو طرفه امرار عسکر ایلدی اولحوالیده
بولنان روسیه فرقه لری کرکی کی تضییق اولنوب حتی بوخبرلرک شیوعندن
ناشی پترسبورغده قترینه علیه اختلال اماره لری ظهوره کشیکن بحکمه
تعالی برقاچ کون ممتد اولان باران سببیه طورله نهری طاشوب کوپری بی
شکست ایلدیکندن قارشوده بولنان عسکرک برمقداری تدارک اولنه یلان
قایقار ایله برویه النوب ماعی داسی و مهمات کلیه محو و پریشان اولدی
بو کیفیتک وقوعی و شتاتک حلولی سببیه طوائف عسکریه طاقم طاقم
فراره باشلادقلرینه و فقدان ذخائر و مهماتدن ناشی خوتین قلعه سنه وضع
عسکر و محافظ ایلک ممکن اولدیغنه مبنی قلعه مرقومه بلاجنک وجدال
ترک اولنه رق هزار اندوه و الم ایله صدر اعظم خان تبه سنده اولان اردوی
همایونه و اورادن دخی مشا اتخاذ اولنان بابا طاغنه رجعت ایلدی مسقولولر
خوتین قلعه سنی ضبطدن صکره بغداد و افلاق ایچنه یایلوب فقط اوزی
و بندر قلعه لری اوزرلرینه هجوملرند و مغلوب و منکسر اوله رق چکیلوب
کیتدیله

صدر اعظم مولد و انجی علی پاشا درت آیدن زیاده جه مسند صدارته
بولنوب خوتین قلعه سنک ترکی تمثیله سنه مزبوره شعبانده معزول و عوض
پاشا زاده خلیل پاشا صدر صدارته اعتلا ایدرک بابا طاغی مشتاسنده بولنان
معسکر همایونه داخل اولدی اولبهار حلولنده قریم خانی ایله بغداد
سر عسکری عبدی پاشا یاش استخلاصی نیتیه حرکت و درجنک اول خان
تبه سنده بولنان روسیه فرقه سنک طرد و تنکیلنه مباشرت ایدوب لکن دشمن
استحکام التنده بولندیغندن ظفر میسر اولماغله و روسیه قوماندانی
رومانجوف اطرافده بولنان عسکرینی جمع ایدرک یکر می یکر می کشیدن
مرکب براردو ایله کلکده ایدوکی استخبار قلعه موکب همایوندن استمداده
باشلادیله بناء علیه یکجری اغاسی قیو قیران محمد پاشا بالجمله یکجری

نقراتيله اعزام و قرتال صحراسنه امرار قلندی لیکن دشمن بونلرك اجتماعه میدان و برمیوب بغته عبدی پاشا اردوسنی باصوب پریشان ایلدیکندن یکچیری اغاسی بولندیغی یرده توقف وبالذات صدر اعظمك ورودی لزومی اشعار ایلدی بوسنه طونه نهری فوق العاده طاشدیغندن جسر انشاسنه مقتدر اولنه مامسیله صدر اعظم اردوسنك قارشویه نقلی مشکل و مخاطره لی اولدیغی درکار ایشه ده قارشوده بولنان او قدر جیوش اسلامیه یی حال اضطرارده ترك ایتك دخی قابل اولمادیغندن بیک یوز سکسان درت سنه سی ربیع الاخری اوائلنده اجیق تعبیر اولنور مراکب نهریه ایله ایساقچیدن قرتال جانبنه عبور اولندی روسیه قوماندانی عبدی پاشا عسکرینی تعقیب ایله مشغول ایکن کندو قوتك اوچ بش مثلی اولان صدر اعظم اردوسنه تصادف ایدوب ارقه سنده دخی جنود تاتار ایله قریم خانی موجود اولسیله عینیله باطنجه جی محمد پاشا و قعه سی کبی برحال خطرناکه گرفتار اولدیغنی مشاهده ایلدکده مایوسانه هجومدن غیری چاره قالمادیغنی مطالعه ایدرك متفرقا کلکده اولان عسکرینك جعنه مسارعت ایلدی اردوی همایون بلا امانته وقت متصدیء حرب و قتال اولسه مسقولولرك اجاع عسکر و ترتیب و تعبیه وقت بوله میه جقلری میدانده ایکن متریس قازمق عزیمیه اولکون و کجه امرار و دشمنك محتاج اولدیغنی و قته روی مساعده اظهار اولمغله ایرتسی کونی وقوع بولان محاربه ده انتظام عسکر دشمن کثرت جیوش اسلامیه غالب کاهرك بالجمله طوپ و مهمات نصیب اعدا اولدی صدر اعظم بعض ارکان دولت و پیاده عسکریه مراکب نهریه را کبا طولچی طرفنه مرور ایدوب اکثر وزرا و یکچیری اغاسی قیو قران محمد پاشا و رئیس افندی و سوارى عسکری اوزی و بندر و یرکوی طرفلرینه طوغری منتشر و مؤخرأ طاقم طاقم مشتاً اتحاد اولنان بابا طاغنه و اصل اولدیلر

بوسنه نك وقوعات مده شه سندن بریدخی دونمای همایونك احتراقی ماده سیدر شویه که بدایت حربده روسیه لونك اق دکره دونما سوق ایتك تدارکاتنده بولندیغنی فرانسه اولر طرفندن اخبار اولندقه امکانی اولوب اولماق حقنه تردد اولمقده ایدی مسقولولر ایشه بحر بالطقدن سرق ایلدکری برقاچ قطعه

سفن حربیه لرینی انکلتزه و فلنک و وندکولردن اشترا ایلدکری سفاین
 واستیجار ایلدکری ضابطان و نفرات بحریه ایله تقویه ایلدکن صکره
 موره صولرنده کورینوب مانیه اهالیسندن و سائر مستعد فساد اولان محللار
 اشقیاسندن بر طاقم رعایایی بالا ضلال اعلان عصیان ایتدیردیلر بناء علیه
 صدر اسبق محسن زاده محمد پاشا در حال موره سرعسکری نصب اولنده رق
 ارسال قلمغله و قوعبولان محارباتده جمعیت اشقیاء تأدیب و تدمیر و شورش
 جزیره ازاله قلندی قپودان دریا بولتان حسام الدین پاشا دخی دونمای
 همایونی بالاستصحاب بحر سفیده عزیمت ایلدی دشمن دونماسیله
 لدی التلاقی ایکی دفعه محاربه اولنوب قپودانه همایون اولان جزایرلی
 حسن بک سوار اولدیغی قالیون مستقولولرک قپودانه سنه چاتوب تسخیر
 ایتک صد دنده ایکن اتش ظهوریله ایکسی دخی محترق اولدی و طرفین
 دونمالری یکدیگرندن ایریلوب سفن اسلامیه چشمه لیمانه دخول ایلدی
 برقاج کون صکره که بیک سکسان درت صفرینک عشر اخیر یدر روسیه
 دونماسی لیمان اغزینه کلوب بر طرفدن طوپ انداختیله عساکر اسلامیه یی
 اشغال و بر جانبدن تدارک ایلدکری اتش کیلرینی دونمای همایون اوزرینه
 سوق و ایصال ایتکله و سفن اسلامیه قاعده سر و غایت صیق اوله رق
 لنکر انداز اولمش بولمغله تحریک و تفریق میدان و امکان بولمدیغندن
 جله سی سوخته اتش خسران و قپودان پاشا ایله اجلی کلیان جیوش موحدین
 ساحل نجاته پویان اولدیلر بویام فجیع و اصل سامعه دولت اولدقه
 مشارالیه حسن بک بالوزاره قپودانلق و بوغاز سرعسکرلیکی ایله چناق
 قلعه سنده اقامه و احوال سفریه بر طرف اولنجیه دکن سفن تجاریه نیک
 لیمانلردن خروج ایتماسی لازم کانلره تنبیه و اشاعه قلندی روسیه لولر
 لمنی قلعه سنی محاصره و تضییق ایدرک ضبط ایلک درجه سنده ایکن قپودان
 مشارالیه تدارک ایلدیکی نقلیه سفینه لر یله جزیره نیک جهت اخرا سنه عسکر
 دوکوب دشمنی قهر و تدمیر و برقاج قطع طویلرینی تسخیر و جزیره یی
 اعدادن تطهیر ایتکله بو کیفیت فی الجمله موجب تشفی درون و مستلزم
 توجه همایون اولوب بعد ازین الفاب و مناشیرده مشارالیه نامی غازی
 اضافه سیله معنون قلمسی حقنده فرمان پادشاهی صادر اولدی سنه

آئیده روسیه امرالی الشانکوی جزیره سینه دخی عسکر دوکش ایسه ده
 ینه هزیمت فاحشه و تلفات کثیریه کرفتار اولدی و اول اوآنده مصرده
 علم افراز عصیان اولان بولوت قیان علی بکله اتحاد و مصری حکومت
 سلطنت سینه دن تفریقه تشبث ایلش اولدیغی حالده از مدت ظرفنده
 یکدیگرندن سلب امنیت ایللریله یو باده دخی نائل مطلب اوله مدی حاصل
 کلام مسقولولرک اشبو غلبه بحر به لری اقد کزده سلطنت سینه یه خلیجه یاره لر
 ایچغه قابلیتلی ایکن جناب حق امرال علیکسینک رابطه سزلغنی سبب
 خلق ایدرک امت مرحومه یی مضرات ملحوظه دن امین ایلدی

صدر اعظم خلیل پاشانک قرتال انهرامی سییه رونق و اعتباری زائل
 اولدیغندن سکسان درت سینه سی شعباننده معزول و قره طاغ عصاتنک
 تأذیب و تربیه سی موقتیه نائل شهرت اولان بوسنه والیسی سلحدار محمد
 پاشا مقام صدارت و سرداری یه موصول اولمغله بابا طاغنده مشتانشین
 اولان اردوی همایونه مواصلت ایلدی لکن سردار اکرمک طونه یی
 قارشویه کچمامسی و طرف طرف سر عسکرلر تعینیه تنکیل دشمن
 خصوصلرینه اعتنا ایلسی غایت خفی اوله رق باخط همایون امر و تنبیه
 بیورلش اولدیغندن بیک یوز سکسان بش سینه سی اوائلنه تصادف ایدن
 فصل ربیعه ممالک اسلامیه نک هر جانبندن فوج فوج وارد اولان جیوش
 موحدین و دین سر عسکری محسن زاده محمد پاشا و افلاق سر عسکری
 عزت احمد پاشا و اوزی سر عسکری شاهین علی پاشا معیتلرینه و طونه
 ساحلارنده بولنان وزرا و امرار فاقترلرینه تقسیم و ارسال قلندی بناء علیه
 اوائل موسم صیفده اوزیده و طونه بوینده واقع اولان محاربانه اهل
 اسلام منصور و مظفر اولش و یرکوی قلعه سی استرداد و مسقولولرک بش
 اون قطعه طویلری ضبط قلنش ایسه ده موسم حریفده جیوش اسلامیه نک
 ممالکترلرینه رجعتلری سییه دشمن طونه یی بو طرفه کچوب ایساقجی و طولچی
 ساحلارینی استیلا ایلشیدی بابا طاغی صحراسنده خیمه زن اقامت اولان
 اردوی همایونک اطرافنه استحکام یایلق و شاید بغته دشمن ظهور ایدر
 ایسه مدافعه قلنق کبی اسباب احتیاطیه تشبث اولمدیغی مسقولولرک
 جمله تحقیقندن اولمق حسیله التی یک کشیدن مارت بردشمن فرقه سی

موكب همايون اوزرينه صولت ايتد كده معسكر اسلامده اعداي وارده نك
يرقاج مثلي عسكر موجود ايكن احتياط سزلق وعدم اداره بليده ليله مقاومت
اولنه ميوب سردار اكرم وبالجملة اركان اردوي همايون فرار كنان بازار جغه
عزيمت واكثر طوپ و مهماتي اعدايه ترك ايلديلر

ودين سرعسكري محسن زاده محمد پاشا قلفات جانبنه چكوب طونه ساحليله
يركوي يه طوغري گلش واولحواليده بولنان وزرا و امرا نك التحاقيه معيتنده
اوتوز بيك قدر عسكر تجمع ايتشيدى مشاراليه مزاج جيوش و احوال
دشمنه واقف ارباب حزم و احتياط دن اولغله صنوف عسكر يه نك و نمايش
جمعيت فريفته اولان وزرا ورؤسانك دشمن اوزرينه كتمك حقنده اولان
خواهش لرينه اعتماد و التفات ايتيهر كيكچرى طائفه سنده خطاباً سز
حسب القانون بياده عسكر ايكن شمسى جمله كز اسب سوار اولديغكزدن
وترتيب صفوف حربه ده ايسه پياده يه احتياج دركار ايدو كندن اكر
اتلري كزي ترك ايدر ايسه كز شمسى حركت ايدرم ديهر ك اجراى نصيح
وينده اغاز ايلش ايسه ده تاثيرى كوريله مديكى و بر ايكي اى مقدم روسجق
سرعسكري محمد پاشانك دشمن اوزرينه حر كته عدم مسارعتى بين العسكر
خيانتنه حل قلنه رق كشته سيف عذر قلنديغى جهتله بالضروره بكر شده
بولنان دشمن فرق سنى طرد ايلك اوزره حر كته قرار و يريلهرك كزيده عسكر
عزت احمد پاشا و ديكر احمد پاشا معتبريله ايلرويه سوق وارسال اولنوب
سرعسكر پاشا دخى قوه الظهر اولمق اوزره بقيه جنود ايله يركوي
صحرا سنده ارام ايلكده ايكن عساكر مرسوله درجنك اول منهرم و پريشان
و فراريلرك و رودى سرعسكر اردوسنك دخى ان واحده طاعليه
بادى اولديغندن چارناچار سرعسكر مشاراليه دخى روسجق جانبنه مرور
ايلدى

بوسنه نك حادثات مكرده سندن بريسي دخى قريم استيلاسى اولوب تفصيلي
شو وجهله در كه چكن سنه برروس اردوسى اورقيوس جوارينه رهبت
بخشاي و صول اولد قده قريم سرعسكري سلحدار ابراهيم پاشا معيتنده بولنان جنود
عثمانيه ايله موكب خانى يه التحاق ايدرك مدافعه دشمنه صرف ياراي قدرت ايلريله
مسقولور رجعت مجبور اولمشلر ايلدى بناء عليه روسيه لولر طريق مكر و اغفاله

سلوک ایلہ بعض سلاطین و امرای تاتارہ سز سلالہ جنکیرنہ دن بر حکومت
مستقلہ اولدیغکز حالده برمدتن برو ال عثمانک تحت حکم وادارہ سنہ
دخول ایلدیگکز حسبیله حقکزدہ درلو درلو معاملات تحقیریه اجرا
ومادتا کندو مملکتلری والیلری مثلو عزل ونصبکزه ایتدار ایدہ یورلر
اگر بزمه اتفاق وعهدومیشاق ایدر ایسه کز استقلال قدیمککز استرداد
وازرنو تأسیسنہ متعهد اولورز دیهرک سبکمنزان قومی اضلال ایلمریله
سرعسکر مشارالیهک تدارک لوازمات حط وترحالنده ابراز مشکلات
وقاعده یکجهتی و معاونتکار یدہ اظهار نفاق ایلدکارینه مبنی سرعسکر
مشارالیه مشتانشین اولدیغی کفہدن حرکتہ قادر اوله مدیغی حالده بیوک
برمسقو اردوسی بیک یوز سکسان بش سنہ سی اوائلنده قریم جزیره سنک
قارہیہ محل اتصالی ومدخل ومخرجی اولان اور بوغازی جوارینه وارد
اولدی اور قلعہ سنک جانب سلطنت عثمانیہ دن محافظہ سنہ مأمور
اولان طوپیچی شردن یکدیلمری محاربه دشمن ایلہ مشغول ایکن مجلو بین
تاتار قلعہ قیورینی اجوب دشمنی ایچرویه الدیلر بوندن صکره قریم
خانک یاننده بولنان جمع اندک شمار ایلہ وقوعبولان مهاجراتی نتیجه پذیر
اولامغله خان مشارالیه عودت وساحلدن برکییه بنوب استانبوله عزیمت
ایلدی مسقو اردوسی قول قول اوله رق درون جزیره پای انداز
تعدی اولمغله ساحلده بولنان اهالی سفینهلر ایلہ ممالک اسلامیه فرار
ومقتدر اوله میانلر عیال واولادلرینی صعب المرور طاغیر باشلرینه چیقاروب
انجام کاره انتظار ایلدیلر سرعسکر ابراهیم پاشا بو حالک ظهوریله
دمبستہ حیرت ایکن امرای تاتاردن اور بکی کلوب مسقولو ایلہ اولان
معاهده خفیہلرینی اظهار ایتکله بو کیفیت دخی جنود عثمانیہ نک
پریشانلغنه بادی و سرعسکر مشارالیهک گرفتار قید اسار اولسنی
مؤدی اولدی

صدر اعظم سلحدار محمد پاشا اطعمه نفیسه والبسه فاخریه مبتلا اولوب
مهام سرداری شویله طورسون خود بخود امور دائرہ سنی اداره یه بیلہ
مقتدر دکل ایکن حکم قضا صدارتنی اقتضا ایتشیدی اردوی همایونک
پریشانلغی ووقوعات سائرہ نک انضمامی اسبابه بیک سکسان بش سنہ سی

شعباننده عزل اولنهرق مهر صدارت محسن زاده محمد پاشایه ارسال
قلندی و غرابدن اولهرق مشارالیهك منزه ما روسجغه ورودینك ایرتسی
کونی وصول بولدی صدر جدید موکب همایونی شمئی به جلب ایدوب
اوراسنی مشتتا واس الحركات اتخاذ ایلش واستحکامات قویه ایله تحصین
ایتمش اولمغله بعدازین یوز سنه قدر اوراسی مرکز عسکریه اولدیغی
مشارالیهك درایت و کالنه بر دلیل علنیدر

بوسنهك اواخرنده یعنی موسم شتاده پروسیا لولرك توسطیله عقد متار که اولنوب
سنه ایه اوائلنده دولت علیه مرخصلری یکیشهرلی عثمان افندی ایله
یسنجی زاده و روسیه مرخصلری ارلوف و ابرشفوف بکرشده لیدی الاجتماع
روسیه لولر اولامصارفات سفریهك تضمینی ثانیاً طائفه تاتارک سربستلیکی
ثالثاً یکی قلعه و کرش لیمانك کندولرینه ترکی و قبلرون قلعه سنك هدی
رابعاً روسیه لویه التجا ایدن بغداد و یوده سی لیغورک علی طریق الوراثه
بغدان امارتنه نصبی خامساً سیرسفاین تجاریه و کرچی اسراسنك منع بیع
و شرابی مثلاً برطاقم موادی درمیان ایلدیلر عثمان افندی اقچه ایله
ایشی تسویه ایلک قیدینه دوشوب سربستی تاتار و ترک قلاع ماده لرینه
یناشماق قاضی عسکرلر جانندن کندوسنك برورطه عظیمیه القاسنی مؤدی
اوله جغنی مطالعه ایلدیکنه وارلوف دخی ایمپراطور یچهك قدیماً منظور
نظر افتضاحی اولدیغی حالده هنگام غیبوتنده کندوسنه بعض شریك
ورقیلر پیدا اولدیغنی استماع ایدرك قرار و ارامه صبری قالماسیله برابر ایشك
دخی نتیجه پذیر اولسندن امیددی منقطع اولدیغنه مبنی عروس صلحی
دراغوش ایده میهرك طرفین یکدیگرندن مفارقت ایلدیلر

صدراعظم صلحك انعقادینه و هیچ اولما ایه مذاکراتك تمیدیه تنظیم
مهمات و ترفیه عسکر حصولنه مترقب ایکن بوججهله ایشك قیرلسندن
بنایت منفعل اولمغله روسیه فلد مرشالی ایله بالمخابره سنه ایه نوروزینه
قدر تکرار عقد متار که اولنهرق رئیس الکتاب بولنان عبدالرزاق افندی
جانب دولت علیه دن وسالف الذکر ابروشقوف روسیه دولتی طرفندن
مرخص تعیین وینه بکرشده ترتیب مجلس مذاکره قلندی اول امرده
مواد متفرعه قرارلشدیلر لدقندن و تضمین سفر طی اولندقدن صکره

استقلال تاتار و ترك قلاع مادداری موقع تذکره قونیلوب مسقولولرك اساس
 مطلوبی ایسه بونلرایدو کندن بوباده مباحث کثیره جریان ایلدی شویله که
 روسیه مرخصی تاتار طائفه سی دولت علیهیه مربوط اولدقجه جایه مغروراً
 ممالکمه هجومدن کیرو طور مامقده اولملریله استقلاللارینی طلبدن مقصدمن
 بومحدورک ازاله سی اولوب یکی قلعه و کرش لیمانک یدمزده اولسنی طلب
 دخی سفاین تجاریه مزك بحر ازافه سربستی مرور و عبوری ارزوسنه
 مبتنیدر دیو چوجققلرك بیله قانع اوله میه جنی اتوال بیالده ثبات و دولت
 علیه مرخصی دخی استقلال تاتار اجتماع خلیفتین قضیه سی نتیج اوله جنی
 جوابیله مدافعه ایلش ایسه ده بونلر تصدیق اولندقجه صلح امکانی
 بولنه میه جنی تعین ایتدیکندن چارناچار تاتار قومی و حکمدارلری مستقل
 اولوب فقط اهالی قریمک انتخاب ایلیه جکری خانلره طرف سلطنت
 سنیه دن تشریفات کوندرك و خطبه لرده کافی السابق نام پادشاهی یاد
 اولنمق و قاضیه سکر افندی طرفندن قریم قاضیه سکرینه بلا بدل مراسله
 اعطاسیله احکام شرعیه اجراسنه مأذون ایدلك و قریم قلاعنده دولت
 علیه عسکری بولنماق شرائطیله سربستی تاتاره و طهمان قارشوسنده واقع
 جزیره صغیره ایسترایسه دولت علیه برقلعه بنا ایدوب ایچنه مستحفظ
 قویمق اوزره یکی قلعه و کرش لیمانک روسیه دولته ترکی خصوصلرینه
 قرار ویریلرك مرخص افندی طرفندن جانب سردار اکرمییه اشعار
 کیفیت قلندی انک اوزرینه اردوی همایونده موجود وزرا وارکان
 وضابطان عسکریه مواجهه سنده مواد مبسوطه اوراقی قرائت وایشک
 زیر وبالاسی بالا طرف مطالعه و تدقیق اولندقده احوال حربیه و مشوار
 عسکریه نظرأ فیابعد دوام سفرده فائده غیر ملحوظ و بوندن اهون
 شرائطه دسترس اولنه میه جنی محسوس اولق حسیله مواد مرقومه نك
 قبولی حقمده اتحادارا حاصل اولدینخی حالده صدر اعظم غایت موسوس
 و متوهم اولدیغندن ایشی قطع ایتوب رأی همایونه تعلیق ایدرك
 عرض و تلخیص ایلدی و بونك سببی دخی کویا سلطان مصطفی
 خان حضرتلری انعقاد مصالحه یه طالب کورینور ایسه ده
 اردوی همایونجه قطع و تنظیم اولنمی ارزوسنده و مظهر تعریض اولور

ایسه یانلره تحمیل مسؤلیت ایدرک هر بریسی برر جانیه نفی و تبعید ایله
خلقک لساندن تخلیص کریبان ایلک عزمنده بولندیغنی قاضی عسکرلردن
برسی عبدالرزاق افندی یه اخبار و بوسوزک پادشاهک اغزندن استماع قلندیغنی
بالواسطه تذکار ایلمسیه افندی مشارالیهک و سائر اردوار کانک موجب و حشری
اولسی قضیه سی ایدیکه بر بوش بوغازلق سلطنت سنیه نک نه درجده از دیار
خسارینی مؤدی اولدیغنی وقوعات ایه دن معلوم اولور رکاب همایونده
عقد اولنان مجالس عدیده ده موادمذکوره موقع بحث و مذاکره قونلقدیه
لوازمات حربیه و اسباب غلبه دن غافل و یالکز کثرت عسکر موجب فوز و ظفر
اولور اعتقادنده بولنان جاهلر اردو خلقنک عن مشاهده جزوملری
اولان مجبوریتی تفکر ایتیه رک شرائط مزبوره بوجهله قابل التجویز
اولیه جغندن بحثله بویله لکله ایش بتمز و دشمن برایو قلیج یمد کجه دخواه
اوزره مصالحه یه رغبت ایتز دیوب وارد اولان قرارنامه یی اعدانک
قبول ایتیه چکی درجده ده تعدیل و طرف سردار اکرمی یه توصیل ایلدی
بناء علی ذلک شهباز خون افشان حرب و قتال هوای و غاده تکرار طیرانه
اقبال ایتمه کله طرفین اردولری حرکات حربیه یه مباشرت ایلدی

سکسان یدی سنه سی اوائلنده روسیه فلد مرشالی رومانجوف بالذات سلسیره
اوزرینه قادمه جنبان صولت اولوب اوراده بولنان واردوی همایوندن
سوق اولنان جیوش اسلامیه ایله بش اون کون علی السدوام ایقاد ناره
چنک ایدرک بالاخره تلفات کثیریه مبتلا و مکسوراً طونه یی قارشویه
یکمکنه مجبور اولدی و حین مرورلرنده کوپری قیرلغله یک بیوک بر مخاطریه
کرفتار اولشیکن طرف اسلامدن کسب اطلاع اولنه مامسی بیوک بر فرصتی
ضایع ایلدی

بولندن صکره روسیه لولر دو بر یجده ده بولنان قوتلرینی تکثیر و بازار حق
سر عسکری نعمان پاشا اردوسنه هجوم ایدرک ایکی دفعه بوز مشلر
ایسه ده موکب صدر اعظمیدن پیدرپی عسکر و مهمات ارسالیه مدافعه یه
اقدام اولدیغنه و وارنهی محاصره ایدن دشمن فرقه سی دخی منزه مأ
رجعت ایلدیکنه مبنی اورالرده پایدار اوله میوب عودته مضطر اولدیله
قریم خلقنک بعضیلری مسقولونک فریقه مکر والی اوله رق اولیکی سنه

عقد معاهده ايله دشمنی مملکتلرینه ادخال ایشلر ایکن روش حالدن
وخامت ماقبتی استدلال و طرف دولت علیه دن استعانه واستمداده اغاز
ایلریله اسبق قریم خانی دولترای خان استانبوله جلب و قریمک تخلیصی
حقنیده اولان مطالعه سی سؤال اولندی انک سوق و تعریفی اوزرینه
جانیک محصلی حاجی علی بک معرفتیه اولحوالیدن یکرهی بیک قدر پیاده
عسکری بالترتیب لوازم و مهماتلری تنظیم و محصل موصی الیه دخی رتبه
وزارت احسان اولنهرق خان مشارالیه مرافقه و سفیندره ارکاباً قریم
جانبنه ارسال قلندیلر بونلر سواحل قریمه واصل اولدقده طوائف
تاتاردن کیتیلی ادم تجمع ایدرک جزیره نک تخلیصی قوه قریبه یه
کتورمشلر ایسده سنه ایه اوائلنده بالضروره عقد مصالحه یه مجبوریت
الویردیکندن ثمره نافعہ اقتطافنه میدان قالمدی

بوسنده نک ایام صیف و قوعات مبسوطه ایه کذران ایلدیکندن شمنی صحرا سنده
خیمه زن ارام اولان موکب شمایون درون قصبه یه نقل ایله مشستانشین
اولدی

بیک یوز یکرهی طقوز تاریخنده متولد و بتش برسنه سی صفرنده جالس دیهیم
عثمانی اولان پادشاه زمان سلطان مصطفی خان ثالث حضرتلری اشبو
سکسان یدی سنه سی ذی القعدة سنک سکزنجی کونی منزولاً مرتحل دار
آخرت اولغله برادر کهترلری سلطان عبدالحمید خان ابن احمد خان ثالث
حضرتلری زیب ارای تخت خلافت اولدیلر خاقان مغفو بالذات اداره
امور سلطنت ایدن پادشاهلردن اولوب غایت متصرف و سفاهتدن مجتنب
اولغله نقود کثیره ادخار ایتش ایسده سببیتی کندیسنه عزو اولنان روسیه
سفری اغورنده صرف و استهلاک ایتشدر مع مافیه ایازمه و لاله لی جامع لرینی
بنا و زلزله دن منهدم اولان فاتح جامع شریفنک یالکز شادروان حولیسنی
ابقا واصل جامع شریفی مجدداً انشا ایدوب یکی خان ولغله قپوسنک
خارجنده واقع ریختیم و ابید سائره مثلاًو اثاره دخی موفق اولمشلردر

مقالات واقعده نک اکثریسند اکرچدروسیه لولر مظهر غلبه اولغده ایسده لرده بش
النی سنه درمند اولان محاربات کرک عسکرو کرک اداره لر نجه انواع مشکلاتی مستنزم
و باخصوص مسقوه طرفلرنده ظهور ایدن بوهاجیف نامنده بر خار جنک کون

بکون جمعیتی متزاید و دائره فسادى متوسع اولمقدمه ایدو کنند و مرام اصلیلاری
اولان ترمیم تسخیری مقدماتی استحکام ایش بولند قلندر انشاد صلحه خواهشگر
ایدیلر انجق اطرافده غوغا ایتک و طونه ساحلارنده اولان قلاعی تسخیر
ایلكله سلطنت سنییه یی صلحه اجبار قابل اوله میه بجغنی تفرس ایتار یله هیچ بر جانبه
باقیوب طوغریجه موکب همایونی محاصره و تضییق ایدرک و اصل امال اولمق
تدار کنده شروع ایدیلر بناء علی ذلک اشبوسکسان سکر سنده سی اول بهارنده مرکز
اردوی همایون اولان شمنی به طوغری حرکت ایتدکاری و اصل مسامع ارکان
دولت اولدقده دهها عساکر اسلامیه تمامیه مجتمع اولدیغندن دشمنک بو حرکت
ناکھظهوری موجب تلاش اولوب نه حال ایسه الده یولانان صنوف
عسکر یه دن بر قوه مفرزه ترتیب و پیاده سی یکپیری اغامی یکن محمد پاشا و سوار یسی
رئیس الکتاب عبدالرزاق باهر افندی معیتنه ویریلرک لاجل المدافعه
بعث و تسریب اولندی ایسه ده سکر اون ساعت مسافده واقعه قوزلیجه
جوارنده واقع اولان محاربده منہزم و رجعت قهقری ایلہ اردوی همایونه
عازم اولدقلرندن مسقولور بلا حائل شمنی پیشکاهنه ورود و عسکر اسلامی
محاصره و تضییقه بذل مجھود ایدیلر

ایکی سنه دنبرو انشاسنه بذل قدرت اولنان شمنی استحکاماتی ایچنده و کاه
طشریه چیقار ق اون بش کون قدر محاربہ اولنوب اگر چه دشمنک
صولت و هجومی دفع اولنمقدمه ایدی لکن اردوی همایونک بو وجهله
محصوریتی و مسقولوری تهدید ایدہ جک خار جده بر قوه احتیاطیه بولنامسی
جهتیه امتداد محصوریت اردو ارکاننه باعث خوف و دهشت اولدیغنه
وفلد مرشال طرفندن طلب صلحی و لاجل المذاکره مرخص ارسالی متضمن
مکاتیب توارد ایلدیکنه مبنی کتخدای صدر عالی احمد رسمی افندی مرخص
اول و غلوی عسکر ایلہ فراره مجبور اولان عبدالرزاق افندی اوزرینه رئیس
نصب اولنان ابراهیم منیب افندی مرخص ثانی تعیین اولنہ رق بالارسال
قینارجه مصالحه سی نامیه مشهور اولان و اتیده عیناً صورتی رقیم قلنان
صلحنامه احکام مضمره سی چارناچار قبول و تعاطی سندات اولنہ رق الی
سنه دنبرو شررافشان اولان ایش حرب و قتال زیر رماد مصالحه ده تستر
ایلدی برقچ کون صکره اردوی همایون استانبول جانبہ عودت

و اثنای راه ده صدر اعظم محسن زاده محمد پاشا ارتحال ایتمکه رکاب
همایونده قائم مقام بولنان عزت محمد پاشا صدر صدارته اعتلا ایلدی

❖ قینارجه عهدنامه سی ❖

❖ اولکی ماده ❖

ایکی دولت بینده سبقت ایدن هر درلو معادات و مخصوصه شمدیدن الی الابد
محو و ازاله اولنوب کړک الات حربیه و کړک سائر تقریب ایله طرفیندن عمل
و تبادر و اجرا اولنان ضرر و تعديات نسیان مؤبدی ایله فراموش اولنوب
بویابده وجوه ایله و اصلا بروقتده اخذ انتقام اولنمیه دشمنلک یرینه برا
و بحرا مؤبد و قوی و تغیردن منزله مصالحه یه رعایت و حراست اولنه کړک
طرف همایونمدن و کړک اخلاف و اجمادم طرفلرندن و کذلک روسیه پادشاهی
مشارالیه و اخلافی بینلرنده تمهید اولنان اتفاق ایله صافی و مؤبد و تغیردن
بری موالات حفظ و حراست اولنوب اشبو مادهلر کمال دقت و اهتمام ایله
اجرا و معتبر قلنهلر و ایکی دولت و املاک و ممالکی و رعایا و اهالی طرفین
میانلرنده اشبو موالات ماده سی بویله رعایت اولنه که فیما بعد جانبیندن
برینک علیه سر او علانیة بر درلو عمل بغض و اضرار اولنمیه و تجدید اولنان
موالات و مصافات مقتضاسنجه بلا استثنا ایکی طرفه هر نه کونه تهمت ایدن
جمله رعایالرک طرفیندن نسیا منسیا جرایملری کلیه عفو اولنوب چکدری
وسائر محبس لرده بولنانلری آزاد و سییللری تخلیه و منفی و مکت ایتدیریلان
کسانه عودته رخصت و یریلوب مقدما کامیاب اولدقلری هر درلو پایه
و اموالری مصالحه دن صکره رد و ارجاع اولنوب و سائرلر یکه هر نه
عقوبته مستحق اولدیلر ایسه دخی حققرینه اصلا برعلت و بهانه ایله
تعرض و زیان و ضرر و تأدیب اولنمیهلر و آخرلر طرفندن مزبورونه بر درلو
ضرر و زیان و تعرض اولنمق تجویز اولنمیه ب اضرار و تعرضلرنه قصد
ایدنلر تأدیب اولنهلر و مرسوموندن هربری زیر حایت و محافظه قوانین
و ولایتلرنک عادتلری اوزره سار هم ولایتلرنه قیاسا معاشرت ایدهلر

❖ ایکنجی ماده ❖

اشبو عهدنامه مبارکک انقضادی و تصدیقنامدلرک ماده سنندن صکره

ایکی دولتک رعایا سندن بعضی لری آخر بر تهمت وعدم اطاعت و یا خود
خیانت ایدوب دولتینک برینه اختفا و یا خود التجا قصدنده اولور ایسه
دولت علیه مده دین اسلامی قبول و روسیه دولتنده تنصرایدنلردن ماعدا
اصلا بر بهانه ایله قبول و جایت اولمیب در عقب رد و یا خود هیچ اولمز ایسه
التجا ایاندک لری دولتک ممالک سندن طرد اولنه لر که بومثالو یرامز لک سببی ایله
ایکی دولت بینسه مورت برودت و یا خود باعث بحث عبت اولور اصلا
بر معنی واقع اولیه کذلک طرفین رعایا سندن اولوب کرک اهل اسلام و کرک
خرستیان زمره سندن برکسنه بر درلو تقصیرات ایدوب هر نه ملاحظه ایله
بر دولتدن اول بر دولته التجا ایدر لر ایسه بومثالو لر طلب اولند قبحه بلا تأخیر
رد اولنه لر

❖ اوچنجی ماده ❖

قریم و بوجاق و قوبان و بدیسان و جانبو یلق ویدیچکول قبائل و طوائف
تاتار و بالجه بای حال بلا استثنا دولتین طرفندن سربسیت و بغیر تعلق مستقل
وجوه له اجنبی بر دولته تابع اولماق اوزره اعتراف و قبول اولنه لر و طوائف
تاتار بالجه رأی و اتفاق لری ال جنس کیر صویندن انتخاب و نصب اولنان
کندو خانلری مستقل اولان تخت حکومتلرنده اولغله و بر زمانده دول
اخر دن بر دولته و هیچ بر ماده یه محاسبه و یرماک شرطیله عتیق قانون
و عادت لری اوزره مرقوم لره حکم و کرک خان موچی الیهک انتخاب
و نصبی خصوصنده و کرک امور مخصوصه و درونیه و امور دولترینه دائر
بر درلو دولت علیه مزله روسیه دولتی مداخله ایلیوب حکومت خارجییه
و دولترینه دائر بر مستقل دولت سائر مستقل دول کندو کندو له مملکت لری نی
تحکیم ایدر لر کی و جناب باریدن غیری کسنه یه تابع اولماق اوزره طائفه مرقومه
اعتراف و قبول و لکن مذهب لری اهل اسلام دن اولوب ذات معدلت سمات
شهریارانه م امام المؤمنین و خلیفه الموحیدین اولدیغنه بناء طائفه مرقومه
عقد اولنان سربسیت دولت و مملکت لری نه خلال کتور میه رک امور مذهبیه لری نی
طرف همایونم خلقنه شریعت اسلامییه مقتضاسنجه تنظیم ایدر لر و روسیه
دولتنه تخصیص اولنان کرش و یکی قلعه اراضیسی و لیانلر دن ماعدا
قریم و قوبان جانبلرنده واقع استیلا اولنان قصبه و قلاع و مساکن و اراضی

و بردا و قونسکی و وی و اوزی و سوی و نهر لرینک افی صرو و طور له نهر لرینک پینده
ولان جیع اراضی له مملکتی حدودینده و ارنجه طوائف مر قومیه استرداد
و اوزی قلعه سی قدیمی الکاسیه کالاول دولت علیه مک تحت تصرفند،
باقی اقاله و مصالحه عهد نامه سنک مبادله سندن صکره ممالک تاتاریه دن
روسیه دولتی جمله عسکر بنی اخراج ایلمسند تعهد اید، قریم جزیره سنک
و قوبان و طمان جزیره سنده واقع قلاع و قصبه و مساکن و سائر لری
حقند جزئی و کلی هر درلو استحقاقندن دولت علیه منک کذلک کف
یدینه تعهد اید و محل مر قومه فیما بعد محافظه عسکری و یا خود بشقه
عسکر ارسال ایلیه ممالک مذکور بنی طوائف تاتار، بوجه اوزره دولت
علیه من استرداد ایدوب و کمسنه یه تابع اولقسزین حکومت دولترینه
روسیه دولتی مر قوملرله حقیقه مستقله تحت حکومتلرند و سر بسیت
مطلقه وجه معمول به اوزره ایلایکی کی کذلک دولت علیه من تعهد
اید، که قصبه و قلاع و اراضی و مسکن مذکور لند، فیما بعد محافظه عسکری
و یا خود بشقه بر نوع عسکر و سکنان و یا خود سائر عسکر زهر سندن
هر نه اسمده و نه گونه ایسه بعث و تسیر ایلوب جمله طوائف مر قومیه
روسیه دولتی طرفندن ترک اولسان سر بسیتی و کمسنه یه تابع اولقسزین
استقلال لری اوزره دولت علیه من دخی ترک اید

✱ در دنجی ماده ✱

جمله دوله مخصوص اولان استحقاق اصلیه مقتضای سنجه کند و مملکتنده
مناسب کور، جک نظامی اجرا ایتمک هر دواته جائز اولغله ایکی دولته
رخصت کامله نامحصور ویریلور که کند و مملکتلرند و حدود لرنده
مناسب کورد کلری یرلرده قلاع و شهرلر و قصبات و ابند و مساکن بنا
عتیوق قلاع و شهر و قصبات و سائر لری تعمیر و تجدید ایدلر

✱ بشنجی ماده ✱

اشهر مصالحه مبار کدنک، نفعادیه تجدید موالات و مصافات همجواری
میسر اولدندن صکره روسیه دولتی جانبندن پایه ثانیه یعنی اونویاتو تعبیر
اولانوب اورته الچیسکی و یا خود مر خص الچیسکی نصیبیه دولت علیه من ده

على الدوام بر روسيه الجيسى اقامت ايدوب زياده معتبر اولان دولك الجيلرى
حقنه ايفا اولنان مراسم اعتبار ورعايت مومى اليه روسيه الجيسنك
رتبه سنه دخى دولت عليه من جانبندن ايفا اولنه عموما رسم عامه وقوعنده
المان امپراطورينك الجيسى پايه رفيعه وياخود صغيره ده اولديغى تقديرده
در عقب ندرلانك بيوك الجيسندن صكره تعقيب ايله ندرلانك بيوك الجيسى
بولماز ايسه ونديك بيوك الجيسندن صكره تعقيب ايله

✽ التجي ماده ✽

دولت عليه روسيه الجيسنك بالفعل خدمته بولنانلردن بر كسنه سرقه
وتهمت عظيمه وياخود شايسته تعزير بر فعل ناشايسته ايتد كدن صكره
بعده التقرير اششاي سرقه الجي طرفندن بيان اولنه جق وجه اوزره
تماما استرداد اولنه و حال سكرنده دين محمدى قبول ايتك سوداسنده
اولنلر دين محمديه قبول اولنمىوب رفع سكرندن صكره حال اصليلرينه
رجعت ايدوب عقلارى باشلرينه كلد كدن صكره اقرار واعترافلرى الجي
طرفندن كوندريله جك ادمك مواجهه سنده دخى وبعض بعض
مسلمانلر قارشو سنده بيان ايتديريلوب بويله قبول اولنلر

✽ يدنجي ماده ✽

دولت عليه من تعهد ايدر كه خرسه تيان ديانتنك حقنه وكنيسالرينه قويا
صيانته ايد وروسيه دولتنك الجيلرينه رخصت ويره كه هر احتياجه
كر ك اون در دنجي ماده ده ذكر اولنوب محروسه قسطنطينيه ده بيان اولنان
كنيساي مذكوره وكر ك خدمه سنك صيانته ابراز تفهيمات مشوعه ايله
وايلچي مومى اليه ك بر كونه عروضى دولت عليه مك دوست صافى
وهمج وارى اولان دولته متعلق ادم معتمدى طرفندن عرض وتبلغ
اولنمغله دولت عليه من طرفندن قبول ايتلارنى دولت عليه من تعهد
ايدر

✽ سكرنجي ماده ✽

روسيه دولتنك كرك رهاين زهره سندن وكر ك سائر رعاياسندن اولنلره
تماما رخصت ويريله كه قدس شريف وشايسته زيارت اولان سائر محللره

سياحت ایدلر بو کونه یولجی و سیاحلردن کرک قدس شریفده و کرک
سائر محللرده اثنای طریقده دخی بردرلو جزیه و خراج و ویر کو و اصلا
بر تکلیف طلب اولمیه سائر دولک رعایالرینه ویریلان فرمانلر و یول
امرلری مرسومونه دخی وجه لایق اوزره ادا اولنه و مادامکه دولت
علیه مز اراغیسنده اقامت ایدلر کندولرینه بردرلو دخل و تعرض اولمیه
قوت احکام شریعت مقتضاسیجه تماما حمایت و صیانت اولنه

❖ طقوزنجی ماده ❖

محروسه قسطنطنیهده مقیم روسیه الچیلرینک خدمتده بولان ترجانلر
هر نه ملتدن اولور ایسه اولسون دولت امورینه خدمت ایلدکلرینه بناء
خدمتلری ایکی دولته راجع اولغله کال مروت ایله معامله و اعتبار اولنه
و مخدوملری طرفندن کندولرینه سپارش اولنان مواد ایچون شایسته
مؤاخذ، اولیق جائز اولیه

❖ اوننجی ماده ❖

اشبو مصالحه مبارکه امضا اولنوب طرفین عسکرلرینک سردارلری
طرفلرین لازم اولان تنبیهاق اقتضاسا ایدن محله ایهصال اولنجه اول
ارالقه اکر بر محله بردرلو فعل مخصوص حدوت ایدر ایسه ایراث تعرض
اولمق اوزره عد اولمیه بو تقریب ایله واقع اوله جق فتوحات و استیلار
دخی معدوم الظهور اولیق اوزره معتبر طو تلیوب بویله واقعه دن بر
کسنه فائده مند اولیه

❖ اون برنجی ماده ❖

منفعت دولتین ایچون ممالکنی ترشح ایدن جمله دریالرنده ایکی دولته متعلق
کی و تجار سفاینه بغیر ممانعت سربسیت اوزره کشت و کذار ایللری
عقد و تمهید اولنوب واسکله لرینه و هر محله مطلقا سائر دولتلرک اجرا
ایتدکلری تجار تیلرنده کامیاب اولدقلری وجه اوزره اشبو روسیه کیلری
تجار و سفاینه دخی دولت علیه جانبدن رخصت ویریه قره دکزدن
اق دکزه واق دکزدن قره دکزه و عامه سواحل و قیبلرینک لیمانلرنده

مارالذکر دریای اتصالیان اولان نرو و بوغازلنده مکت ایدیلر و اشبو
 مادهیه دأر بالاده ایضاح اولندیغی اوزره دولت علیه مزك ممالکنده امر
 تجارتیه دأر بعینه فرانجه وانکلتره مثللو دوست احب اولوب زیاده مساعده
 بیوریلان مسالمت و معافیاتیله تجارت میاه مثللو برا تجارت ایتک روسیه
 دولتک رعایالرینه دولت علیه مز جانبندن رخصت ویریلوب بر منوال محرر
 نهر طونه ده دخی کشت و کذار ایدیلر کرک امر تجارت و کرک روسیه
 تجارتک حقننده اشبو مادهیه لفظ بلفظ تحریر اولندیغی کبی هر درلو
 احتیاج ظهورند، مارالذکر ایکی ملتک و سائر لک شروطلری مرعی
 و معتبر طوتیه ملل مز برون ویردکری رسومات مشکله سنی و عینی ادا
 ایتدکلرندن صکره روسیه تاجرلری هر درلو امتعه مقوله سنی نقل و اخراج
 ایدوب قره کز و سائر دریارک سواحل و لیمانلرینه و محروسه قسطنطنیه یه
 وارملری جائز اوله وجه مشروح اوزره بلا استثناء عموما صولرینک امر
 تجارت و سیر سفاین ماده سنی طرفین رعایالرینه تجویز برله کندو تاجرلرینه
 ایکی دولت جانبندن رخصت ویریلور که رؤیت مصالح و اداره تجارتلرینه
 لازم اولان مدتیه طرفین ممالکننده اقامت ایدیلر بویابد، طرفیندن تعهد
 اولنور که دوست اولان سائر دولتک رعایالرینه ارزانی قانان سربسیت
 و مسالت روسیه تجارتیه دخی ارزانی قلنه و حراست نظام ماده سی جمله
 کیفیاتده مواد الزمدن اولغله روسیه دولتی طرفندن لازم کوریله جک
 عامه مو اقعده قونسلوسلر و قونسلوس و کیلارینک تعیینده دولت علیه مز
 جانبندن رخصت ویریلوب دوست اولان سائر دولتک قونسلوسلری
 اعتبار اولدقلری کبی مر قوملر دخی معتبر طوتیه لر و اشبو قونسلوس
 و قونسلوس و کیلارینه رخصت ویریله که براتلو تعبیر اولنور برات
 پادشاهانه م ایله مسلم ترجانلر معیتلرنده طوتوب انکلتره و فرانجه و سائر
 ملتک خدمت لرنده بولان امثاللری کامیاب اولدقلری معافیاته بونلر دخی
 نائل و کامیاب اولیلر و روسیه دولتک دوست احبی اولان ملتک امتیازات
 و معافیاتی ایله برا و بحر روسیه ممالکنده تجارت ایتکه و رسوم معتاده یی
 ادا ایتدکلر صکره دولت علیه مز رعایالرینه روسیه دولتی جانبندن رخصت
 ویریلوب و سیر دریا اثناسنده قضایه دوچار اولان سفاینه طرفیندن وجوهله

اعانت و بگونه قضاار ظهور رنده دوست احب اولان ملك حقنده اجرا
اولنان مظاهرت ايله معاونت اولنده كنندولرينه لازم اشيا نرخ جارى ايله
كنندولرينه اليويريله

✽ اون ايكنجى ماده ✽

افريقه ليلر ايله يعنى طرابلس غرب و تونس و جزاير غرب اوجاقلريله
روسيه دولتى عقد شرائط تجارت و رغبت ايتدكلرى حالده دولت عليه من
تعهد ايدر كه دولت روسيه نك بگونه رغبتى پذيراي خصوصانه كندى
اعتبار و رخصتنى بذل و شامل ايده عهودات مرسومه حفظ و حراست
اولنق امرنده دخی مارالذكر اوجاقلرك حقنده دولت عليه من ضامن
اوله

✽ اون اوچنجى ماده ✽

جمله سندات و مكاتيب عامه ده و هر خصوصه تمام روسيه لولرك ايمپراطو
ريچه سى لقب معتبرينه دائر دولت عليه من جانبندن تركى لسان ايله تمام
روسيه لولرك پادشاهى تعبيرى استعمال اولنه

✽ اون دردنجى ماده ✽

دول سائر ميه قياساكلىساي مخصوصه دن ماعدا غلظه طرفنده بك اوغلى
نام محله نك يولنده طريق عامده روسيه دولتى بر كنيسا بنا ايتدير مك جائز
اوله اشبو كنيسا كنيساي عوام اولوب دوسو غرقه كنيساسنى تعبيريله
تسميه والى الابد روسيه دولتك الهيى صيانتند، اولوب هر درلو تعرض
و مداخله دن امين و برى حراست اولنه

✽ اون بشنجى ماده ✽

ايكى دولتك حدودلرى تعيين و تحديد اولندقلرى نظام مقتضا سنجه طرفين
رعايالرينه موجب مباحثه و باعث نزاع جسم اوله جق بر ماده اولمديغى
اكر چه ملاحظه دن بعيد اولوب لكن عوارض غير مأموله دن ظهورى
محتمل اولان اسباب مضرت و زيانلرك دفعنه ايكى دولت بالاتفاق قرار
و بر مشايرد كه بگونه نسله لرك ظهور رنده رأس حدودده اولان حاكم

ظهوره کلان ماده بی تفتیش و یا خود مخصوصا تعیین اولنان مأمور لرک
معرفتیله تفحص ایدر بو کونه مأمور لر کر کی کبی ماده بی تفتیش ایتدکن
صکره بلا تأخیر حق اولان شخصک حقنی احقاق ایدر و پالک تعهد
اولنور که اشبو عهدنامه مبار که انعقاد یله مجددا تمهید اولنان موالات
و حسن نظام ماده سی بو کونه قضایانک ظهور یله اصلا تغییر اولمیه

✽ اون التجی ماده ✽

جمله بوجاق مملکتی افریکر مان و کلی و اسمعیل قلعه لر یله سائر قصبات و قرا
درونلرنده موجود بولنان عامه اشیا ایله روسیه دولتی طرفندن دولت
علیه مه رد اولنوب و بندر قلعه سنی دخی دولت علیه مه رد ایدر و کذلک
افلاق و بغداد مملکت لرینی جمله قلاع و شهر لر و قصبات و قرالری
درونلرنده موجود بولنان جمله اشیای لر یله کذلک دولت علیه مه رد ایدر
دولت علیه مه دخی اتی البیان شرائط ایله ممالک هر قومیه بی قبول
ایدوب اشبو شرائطی تماما و کاملا محافظه و حراست ایلمسنی وعد
معمول به ایله تعهد ایلیه اولاشبو ایکی و یوده لقلرک اهالیسی هر نه پایه
و کیفیات و حال و اسم و عیاندن ایدر بلا استثناء قلمرنده تماما و کاملانسیا
منسیا عفو اولنوب هر درلو تهمتلری و یا خود دولت علیه مک امورینه مخالف
حرکت ایلدکرینه اسناد و مظنه اولنان جمله اعمالری الی الابد فراموش
اولنوب اولکی ماده نک مضمونی اوزره منصب و پایه لر و املاک
سابقه لری مجددا حالری تکمیل اولنوب اشبو محاربه دن مقدم مالک
اولدقلری املاک لرینه اعاده اولنلر ثانی کالاول خرسیان دیانتی و جوهله
سربست اولوب اجراسنه بر درلو ممانعت اولنوب کنیسارک مجددا
بناسنه و عتیقلرینک تعمیرینه ممانعت اولمیه ثالثا از قدیم مناسترلرینه و سائر
شخصه متعلق اولوب بعده بغیر حق کندولردن اخذ اولنوب ابرایل
و خوتین و سائر یرلرک دائره سنده موجود بولنان اراضی و املاک که الان
رعایا اسمیه تسمیه اولنور هر سومونه استرداد اولنلر رابعا رهابین
زمره سنه مناسب اولان امتیاز ایله اعتبار اولنه خامسا ترک وطن ایدوب
آخر محلا ره وار مق رغبتنده اولان خاندانلر اشیای لر یله نقل ایتکه سربست

اوزره مأذون اوله لر واشبو خاندانلره كندو مصالحه كنن تنظيمني چون
وقت كافيلري اولق ايچون سربسيت اوزره وطنلرندن نقل ايللرينه برسنه
مدت امهال اولنوب اشبو مدت مهلت تصديقنامه مبار كهك مبادله سي
تاريخندن معدود و محسوب اولنه سادسا عتيق محاسبه لر ايچون هر نه
كونه ايسه كرك نقود اقچه و كرك سائر طريق ايله برسنه تحصيل اولميه
سابعا اشبو محاربه نك تماما مدتي ايچون بر درلو تكليف و ياخود اخر
بر درلو طلب اولنميو ب محاربه امتدادنده يازده اولدقلى مضرات
وتخريبات متعدده لرينه نظرا مر سومونه بوندن صكره دخي ايكي سنه لك
مهلت ويريلوب اشبو مهلت مبادله تصديقنامه همايون تاريخندن عد
اولنه ثامنا اشبو مهلت مر ورايتديكندن صكره دولت عليه مر تعهد ايدر كه
جزيه لرينك اقچه سني تعيينه مروت كليده ايله معامله و حيز امكان رتبه سنده
مخاوت جليله سني حراست ايدايكي سنده بر كره مبعوثلرينك وساطتيله
جزيه لري ادا اولنه و تعيين اولنان اشبو جزيه لرينك تماما اداسندن صكره
اصلا بر پاشا و ياخود حاكم و هر كيم اولور ايسه اولسون مر سومانه اصلا
بر وقتده تعرض ايتيوب آخر بر درلو ويركو و ياخود تكليف هر نه كونه
اسم و بهانه ايله كندولرندن طلب اولنميو بجد امجد سلطان محمد خان
رابع زمان سعادت لرنده متمتع اولدقلى امتيازات ايله كامياب اوله لر
تاسعا ملك امورلريني رؤيت ايدن قيو كتنخدالرينك يرنده اشبو ويوده لقلرك
بكلرينه دخي رخصت ويريله كه دولت عليه ده هر برينك طرفندن روم
مذهبنده خرسيتيان اولق اوزره مصلحت گذارلر تعيين ايله لر كه اشبو
مملكته متوقف اولان مصالحني رؤيت ايدلر دولت عليهم جانبندن دخي
حقلرينه كمال مروت ايله معامله اولنوب حال عاجزانه لرنده قواعد ملل
استحقاقه مستحق اولوب يعنى هر درلو تعرضدن امين و برى اولق اوزره
اعتبار اولنده لر عاشر دولت عليه جانبندن روسيه امپراطورلغنك
ايلچيلرينه رخصت و موافقت ويريلور كه اشبو ايكي ويوده لقلرك اقتضاسنه
كوره صيانت و مساعدده اولمكلرينه مذاكره ايدلر دولتينه لايق اولان
اعتبار دوستانه مقتضاسنجه ايلچيلرينك عرض ايتدكلري كلماتلرينه رعايت
ايلسنه دولت عليه مر تعهد ايدر

✽ اون یدنجی ماده ✽

الان روسیه دولتک زیر ضبطنده بولنان اق ذکر اطهرینی روسیه دولتی
دولت علیه مزه استرداد ایدر دولت علیه م دخی تعهد ایدر که اولکی
ماده سند، مصرخ اولان هر در او قباحتلرک و دولت علیه ملک امورینه
مخالف اولق مظنه سیله اجرا اولنان عامه افعالتک نسیا و منسیا عفو کلی
ایله محو و عفو اولنق ماده سنی جزایر مذکورنک اهالیسی حقنده دخی
کال استقامت ایله رعایت ایدر ثانیاً خرسیتیان دیانتنه اصلاً ادنی بر تعرض
ایله ایصال تضییق اولنمیوب کلیسارک تعمیر و تجدیدینه و جوهله ممانعت
اولنمیو مارالذکر کلیسارینه خدمت ایدن اشخاص اصلاً بر تقریب ایله
تعرض و مداخله اولنمیو ثالثاً اشیبو محاربه سببی ایله کندولرینه ایرات
اولنان تکدیرات و تخریبات سببی ایله روسیه دولتک زیر حکومتده
بواندقلری تاریخده و بوندن صکره ایکی سینه مدینه دکن اشیبو جزایر
مرقومه نک دولت علیه مه استرداد تاریخندن عد اولنق کر کدر دولت
علیه م جانبندن جزایر مذکور اهالیسندن اصلاً بر درلورسم سنوی تحصیل
اولنمیو رابعا ترک وطن ایدوب آخر محاربه وارمنق رغبتنده اولنلر تمام مال
و اشباریله نقل ایتمک ارزده دولت علیه م جانبندن مرقومه رخصت و یریلوب
و تنظیم مصالحرینه وقت کافی اولق ایچون اشیبو تصدیقنامه مبارکه نک
مبادله اولندحق تاریخندن بر سینه مهلت مدتی کندولرینه امهال اولنه
خامساروسیه دولتک خود و رجعتنده که انشاءالله تعالی اشیبو تصدیقنامه
مبارکه نک مبادله سندن صکره اوچ آی مدینه واقع اولق کر کدر بر نسنه
احتیاجی واقع اولور ایسه دولت علیه م جانبندن وسع امکان مر تبه سنده
مظاہرت اولنه

✽ اون سکزنجی ماده ✽

اوزی صوبی بوغازنده واقع قلهرون حصاری نهر مزبورک صول طرفی
ساحلنده کفایت ایدر جک اراضی ایله واق صو ایله اوزی صوبی بیتند
واقع صحرای خالیه نک معارضه دن عاری مستقلاً علی الدوام روسیه
دولتک تحت تصرفنده قاله

✽ اون طقوزنجی ماده ✽

قریم جزیره سنده واقع یکی قلعه قلعہ سی و کرش و لیمانلری درونارنده
موجود بولسان ایله و اراضیاریله بحر سیاهدن باشلیوب طولاً کرشک عتیق
حدودلرینه و اهررق بو خاجه نام محله و ارنجه و بو خاجه محلهدن خط
مستقیم ایله بالادن ازاق دکنینه و ارنجه معارضه دن عاری مستقلاً علی الدوام
روسیه دولتشک تحت تصرفنده قاله

✽ یکرمنجی ماده ✽

میلاد عیسانک بیک یدییوز سنده سی یعنی تاریخ هجرت نبوینک بیک یوزاون اوچ
سنه سی تولستوی نام حاکی ایله آجو محافظی حسن پاشا بینده عقد
و تمهید اولنان سندات مفهومیله بیان اولندیخی اوزره ازاق قلعہ سی
اولکه و حدودیله الی الابد روسیه دولته تخصیص اولنه

✽ یکرمی برنجی ماده ✽

ایکی قبارطه لر یعنی بیوک قبارطه و کوچک قبارطه تاتار طائفه سیله واقع
جواریتلرندن ناشی قریم خانلریله تعلقلری اولغله روسیه دولته
تخصیص اولغاری ماده سی قریم خانلرینک و مشورتک و تاتار باشلرینک
اراده سنه احاله اولنه

✽ یکرمی ایکنجی ماده ✽

ایکی دولت بینده انعقاد و وقوع بولان جمله عهدنامه و شرائط سابقه یی
و بلغراد قلعه سنده واقع عهدنامه یی و اندن صکره وجوده کلان عامه
شرائطی محو و ازاله و الی الابد فراموش ایتک ایکی دولت میانه سنده
بالاتفاق قرار و یریاوب شویله که هر سوم عهد داتک حقنه فیما بعد بر درلو
داعیه مقوله سنی بنا ایتیلر ولکن میلاد حضرت عیسانک بیک یدی یوز
سنه سنده تولستونام حاکی ایله آجو قلعه سنک حسن پاشانام محافظی ازاق
اولکه سی حدودی و قوبان سنورینک تعیین و تحدیدینه دائر واقع شرائط
اشبو استنادن بری اولوب کالاول بلا تغییر باقی قاله

✽ یکرمی اوچنجی ماده ✽

کورچی و مکرمل حوالی سنده واقع بغداد جق و کوتایسی و شهریان قلعه لر یکه

روسیه عسکری طرفندن ضبط اولمشا در قديم نبرو متعلق اولدقلری
اصل صاحبارینه متوقف اولقی اوزره روسیه دولتی طرفندن قبول
اولنوب شویله که اگر تحقیقات قديمین برو یا خود مدت مدیده دن مقدم
دولت علیه قلاع مذ کورهیه مالک اولمش ایسه دولت علیه مه راجع
اولقی اوزره قبول اولنوب اشبو تصدیقنامه مبار که نک مبادله سند صکره
وقت معهودده روسیه عسکری قلعه مذ کورهیه تخلیه ایلیه دولت علیه
دخی کندو طرفندن تعهد ایدر که اولکی ماده نک مضمونی مقتضاسنجه
حوالی مزبورده اشبو تحاربه امتدادنده دولت علیه نک علیه نه هر نه
منوال اوزره حرکت ایش اولنلری نسیامنسیا عفو ایلیه ووجه معمول به
اوزره والی الابد اوغلان وقز ویر کوسندن وهر کونه جزیه سائر طایندن
ابا وکف ید ایدر اوته دنبرو متعلقلری اولناردن ماعدات طوائف مذ کوره
اراسنده کندو رعایای اولقی اوزره فرد واحدک حقنه داعیه ایتمکه
دولت علیه تعهد ایدر و کورجی و مکر یلار طرفندن اوته دنبرو ضبط
اولنان اراضی و سائر مستحکم یرلری تکرار مرسومونک حکومت و محافظه
مطلقدرینه ترک ایلیه و دیانت مناسرت و کنیسالری حقنه بردلو تعرض
و تضییق ایتیوب عتیق اولنلرک تعمیرینه و جدیدلرک بناسنه ممانعت اولمیه
و چلدیر پاشاسی و سائر سر کرده و ضابطان طرفندن بردلو داعیه تختنده
امواللرینی اضاعت ایله تعرض اولنلرینی دولت علیه منع ایلیه و طوائف
مزبوره دولت علیه مک رعایاسندن اولغله روسیه دولتی اصلا مرسومونه
مداخله ایتیوب تعرض ایلیه

❖ یکر می دردنجی ماده ❖

بعد الامضا و تصدیق المواد در عقب نهر طونه نک صاغ طرفنده موجود
بولنان جمله روسیه عسکری عودت و رجعت متوجه اولوب امضا
تاریخندن برای نظر فنده طونه نک صول قیسنه مرور ایدر و عسکر
مزبور تماما طونه نک صول قیسنه یکد کدن صکره حرسوه حصاری
بو شال دیلوب عسکر اسلامه تسلیم اولنه و بعده افلاق و بوجاق مملکتلرینک
تخلیه سنه بردن و آن واحده مبادرت اولنوب اشبو تخلیه ماده سنه ایکی

آی. مهلت تعیین اولنور و جله روسیه عسکری مملکتین مزبوریندن
 چکاد کلرندن ص. کره بر طرفدن یرکوی قلعه سنی و بعده ابرائی و طرف
 دیگر دن اسمیل قصبه سنی کلی و اقیرمان قاعده لریله روسیه عسکری ترک
 ایدوب عسا کر سائر لرینه ملحق اولغه متوجه اولدقدن صکره عسا کر
 اسلامیه قلاع مذ کوره یی ترک ایدلر اشبو ایکی مملکتک تماما تخلیه سنه
 اوج آی مدت توقیت اولنور بلا ده ذکر اولنان کیفیتن صکره روسیه
 عسکری بغدادن مملکتی ترک ایدوب نهر طور له نک صول طرفنه مرور
 ایده جکدر بو تقریب ایله مارالذکر مواضع و ممالک تخلیه سی ایکی دولتک
 مسالت و مصالحه مؤبدلرینک امضا سندن صکره بش آی ظرفنده واقع
 اولوب جله روسیه عسکری نهر طور له نک صول قیسنه مرور ایلد کده
 اول زمان خوتین و بندر قلعه لری عسا کر اسلامیه تسلیم اولنور انجق
 مجرد بو شروط ایله که ینسه وقت مزبورده قاپرون حصاری تصریح
 اولنان اراضی سی مصالحه مؤبدله نک اون سکرنجی ماده سنده ایضاح
 اولندیخی اوزره آق صو ایله اوزو صوی بینه واقع صحرای خالیله نک
 زاویه سیله الی الابد معارضه دن بری روسیه دولتله تسلیم اولنه و آق دکر
 اطهرینه دأر روسیه دونماسنک مصالحی و تنظیمات دروینه لرینه قابل
 اولدیخی سرعتله جزایر مذ کوره اول حوالیده بولنان روسیه عسکری طرفندن
 کالاول معارضه دن بری دولت علیه مک ضبط نه رد اولنلر چونکه بعد
 مسافه سبی ایله قابل دکلدر که توقیت وقت اولنه و دولت علیه مک عهد
 ایدر که دوست بردوات اولدیخی جهتله دونمای مذ کوره نک استعجال عزیمی
 ملاحظه سیله دولت علیه مک ایفای لوازمه اعانت ایدوب وسع و امکان
 مرتبه ده اقتضا ایدن نسنه لری ویر یلوب اولابابده دولت علیه مک رد
 اولنان مملکتلرده مادامکه روسیه عسکری موجود بولنور ایسه اشبو
 مملکتلرک حکومتی و نظامی روسیه لونک ضبطنده بولندیخی اوزره قالوب
 جله روسیه عسکرینک کلیا خروج لری وقتنه دکین دولت علیه مک
 جانبندن ممالک مذ کوره نک حکومتنه مداخله اولمه و بو مملکتلرده بولنان
 روسیه عسکرینک اقتطاف مأکولات و تدارک لوازم سائر سنه الان عمل
 اولندیخی اوزره کذلک تماما خروج لرینه دکن عمل اولنه و روسیه

عسکرینک باش سر عسکری بوبابده مخصوصا تعیین اولنان دولت علیه مک
 مأمورلرینه ممالک عز بوره نک هر بری تخلیه اولندیغنی خبر ایتدیکجه دولت
 علیه مک عسکرلری رد اولنان اشبو قلعهدله ایاق باصمبوب بالنفس دولت
 علیه مک دخی رد اولنان اشبو مملکتلرنده کندو حکومتی ادخال ایتیه
 قلاع وقصباتده موجود اولان روسیه لونک ذخیره و مهماتی مرادلی
 اوزره روسیه عسکری طرفندن تخلیه اولسوب دولت علیه مک رد اولنان
 قلعهدله مجرد بواشاده موجود بولنان دولت علیه مک طویلرینی ترک ایدهلر
 و دولت علیه مک رد اولنان عامه ولایتلرک اهالیسی هر نه جنس و حال
 و کیفیتن ایدهلر که روسیه دولتک خدمتده مستخدم اولشلردر عقد
 اولنان مهلت سنویه ده اهل و خیال و اموالری برله روسیه عسکری ایله
 معا چکیلوب نقل ایتک رغبتنده اولنار منع اولنمبوب شروط مذکوره
 مقتضاسنجه کرک اولزمان و کرک تمام برمنه مدتده و جوهله منع اولنماسنه
 دولت علیه مک تعهد ایده

✽ یکر می بشنجی ماده ✽

کرک انات و کرک ذکور جنسندن اولان بالجه اسرای محاربه و سائر اسیرلر
 هر نه پایه و رتبه دن ایدهلر ایکی دولتک اراضیلرنده بولندیکجه روسیه
 دولتده حسن ارادتلیله تنصیر ایدن مسلمین و دولت علیه مکده حسن
 ارادتلیله دین محمدی قبول ایدن خریستیانلردن ماعدا بالجه اشبو
 عهدنامه مبار که نک تصدیقنامه لری مبادله سندن صکره در عقب و اصلا
 بر درلو بهانه ایله طرفیندن بلا عوض و بغیر ثمن آزاد و استرداد و تسلیم
 اولنهلر کذلک گرفتار بند استرقاق اولان بالجه خریستیانلر یعنی لهلو
 و بغدادلو و افلاقلو و مورهلر و اهالی جزایر و کورجیلر و سائر بالجه و بلا
 استثناء بلا ثمن و غیر عوض آزاد اولنهلر کذلک اشبو مصالحه مبار که نک
 انعقادندن صکره بر تقریب ایله گرفتار بند استرقاق اولان روسیه رعایاری
 دولت علیه مک بولندیکجه رد و تسلیم اولنهلر و کذلک دولت علیه مک
 رعایاری حقنده بعینه بو معامله متشابه اوزره حرکت ایتکه روسیه تعهد
 ایدر

✽ یکر می التجی ماده ✽

اشبو مادهلر امضا اولندیغی خبری قریمه و اوزییه رسیده اولدیغی کی
در عقب قریمه اولان روسیه سر عسکری اوزی محافظیه مخبره
ایدوب اشبو امضا تاریخندن ایکی آی ظرفنده معتمد آدمیر کوندریله رک
قلبرون حصارینی مارالذکر اون سکزنجی مادهده تصریح اولنان صحرال
ایله تسلیم و تسلیم قبول ایدهلر واشبو معتمد ادملری ملاقاتلری کوندن ایکی
آی ظرفنده مارالذکر مادهی تکمیل ایدهلر شوبله که بای حال اشبو عهد
نامه امضا اولندیغی کوندن درت آی مدته وقابل ایسه مدت اقلده ماده
مشروح ختام پذیر اولوب کلیا اجرا اولنه و مأموریتلری تکمیل اولندیغی
صدر اعظم جانبنه وفلد مارشال طرفنه بلا تأخیر اخبار ایدهلر

✽ یکر می یدنجی ماده ✽

بومصالحه مبارکدی و موالات و مصافاتی بین الدولتین زیاده تأکید ایله
تمهید و تقویه ضمیمه طرفین رضاسیله توقیت اولنه جق میقاتده اشبو
مصالحه خیریهی تصدیقا تصدیقنامهلر ایله فوق العاده بیوک ایلیچیلر
بعث و تسیر و ایکی ایلیچیلر رأس حدودده معامله متشابهه ایله مقابله
اولنوب دولت علیه مک عندنده زیاده معتبر اولان اوروپا دولتنک ایلیچیلری
حقارنده رعایت اولنان رسم معتمد اوزره مو می الیها دخی مرعی قلوب
دلالت صفوت جانبین اولق اوزره ایلیچیان مو می الیها و ساطیه شان
دولترینه لایق هدایا ارسال اولنه

✽ یکر می سکزنجی ماده ✽

دولت علیه مرخصلری مو می الیها توقیعی رسمی احمد و رئیس الکتاب
ابراهیم منیب دام مجد هما و دولت روسیه نک لغونتا جزالی پرنج ربنین
ختمت عواقبه بالخیر طرفلرندن اشبو مصالحه مؤبدنک مادهلری امضا
اولندقدن صکره صدر اعظم و روسیه دولتنک فلد مارشالنک تنبیهاتی
ایصالبه برا و بحرا کلیتو و سائر یرلرده واقع عساکر جانبین میانه لرنده
هر در او معامله خصمانه منع اولنق لازم کلمکه در عقب صدر اعظم و فلد
مارشال جانبلرندن اق دکر و قره دکر و قریم قارشو سنده واقع دوغایه

و مواضع سائرۀ محاربه یه اولاقلر کوندریلور که بعد انعقاد المصالحه هر
 یرده معادات و مقاتلات دفع اولنه و بر کونه اولاقلر صدر اعظمک و جنرال
 فلد مارشالک تنبیه نامه لریله مصـون و مأمون اوله لر که روسیه اولاغی
 روسیه سرعسکری طرفنه تسابق ایدر ایسه اشبو روسیه سرعسکری نک
 و ساطتیه صدر اعظمک تنبیه نامه سـنی دولت علیه م سرعسکری نه تسیر
 ایلیه و صدر اعظمک اولاغی تبادر و تقادم ایدر ایسه سرعسکر دولت
 علیه و ساطتیه فلد مارشالک تنبیه نامه سـنی روسیه سرعسکری نه بعث
 و تسیر ایلیه و عقد اولنان مصالحه مبارک کنک عقود و عهدی تمهیدی
 کرک طرف همایون خسروانه مدن و کرک روسیه پادشاهی مشار الیها
 طرفندن صدر اعظم و دولت روسیه فلد مارشالی پترو قوته رومانچوفه
 تفویض و احاله اولمغله عهد نامه ده مسطور اولان مصالحه مؤبدنک جمله
 ماده لری ایکسینک حضور و مواجعه لرند، عقد اولنمش کبی صدر اعظم و فلد
 مارشال جانب لرندن دولتین طرف لرندن کندولره و یریلان رخصت کامله
 مقتضاسنجه مواد مذکور هی امضا و خاتملریله تصدیق ایدوب اشبو مواد
 مفهومی و منده عقد و تمهید و وعد اولنان ماده لر قویا و بلا تغییر مرعی و دقتله
 اجرا اولنوب خلافتیه اصلا بر نسنه عمل اولنموب فرد و واحده دخی
 ایتدیرلیه و بعینه مطابق المعنی صورتلری امضا و خاتملریله تقریر و تصدیق
 اولنوب صدر اعظمک سـندی ترکی و اطلایان لسانیه فلد مارشالک
 سـندی روسیه و اطلایان لسانیه دولتین جانب لرندن کندولره و یریلان
 رخصت نامه لر دخی مرخصلر طرف لرندن و دولت علیه م جانبندن اولمق
 اوزره فلد مارشاله ایصال و موادک امضا سندن صکره بش کون و یا خود
 قابل اولور ایسه مدت اقلده دخی مبادله اولنوب صدر اعظمک سـنداتی
 تسلیم ایتدکلی انده فلد مارشال قوته رومانچوفک سـندلرینی اخذ
 ایدلر

❖ خاتمه ❖

ایمدی فیما بعد مواد هر قومه اوزره تجدید و تمهید اولنان صلح و صلاح
 رافع الحرب و الکفاح مقرر و معتبر طوتیلوب شیۀ کریمۀ شهریاران

صداقت معتاد و قاعده هر عینه تاجداران وفا اعتیاد اوزره عهد و میثاق
و تماماً تصدیق ایدرز که کرک ذکر اولنسان یکرمی سکر موادک شروط
و قیودینه و صلح و صلاحک موثیق و عهدینه و کرک دیگر ایکی قطعه
اعطا اولنان نشان همایونده محرر و مسطور مادیتنک شروطلرینه کمال
رعایت اولنوب مادامکه اولجانبدن دخی هر خصملری طرفندن تأیید
و تصدیق اولنان موادک خلافتنه وضع و حرکت صادر اولیه طرف
همایون پادشاهانه مزدن و اخلاف نصفت اتصافزدن و کلای عالیتمام
و میرمیران صاحب الاحتشام و امراء ذوی الاحترام و عموماً عساکر
نصرت ارتسامز و بالجمله عبودیتز ایله شرفیاب اولان طوائف خدامدن
بر فرد خلافتنه متعلق وضع و حرکت ایلیه

تمت تمام

خاتمه عهدنامه مذکور ایکی ماده دن بریسی مصارف حربیه تضمیندر که
دولت علیه اوچ تقسیط ایله بهر سنه بشربیک کیسه اقیچه ویرلک اوزره
اوچ سنه ظرفنده روسیه لویه اون بشربیک کیسه اقیچه تأدیه ایتکی
تعهد ایتش در ایکنجیسی آق دکر اطهارینک سرعت تخلیه سیدر که
ذکر اولنان عهدنامه نک اون یدنجی ماده سندن، اق دکرده بوانان روسیه
دوئاسنک اوچ آی مدت، چکله سی مشروط ایسده، ممکن هر تبه بران اقدام
حرکت ایتسنی روسیه دولتی تعهد ایلشدر

❖ دردنجی بابک تکمله سی ❖

اشبو دردنجی بابک حاوی اولدیغی زمان سلطنت سنیه نک انحطاط
جلیسی اوانی اولغله ضایعات مادیه و معنویه سی کون بکون تزايد و ترقی
ایلشدر فقط شوراسی دخی فراموش اولناملیدر که دولت عثمانیه نک
ابتدای ظهورندن التمش سنه صکره اوروپا قطعه سنه تجاوز قلنش
اولدیغی حالده بیک یوز اون تاریخنده واقع قارایجه معاهد سنه کلنجیه
قدر اوچبوز الی سنه قدر مدته سلطنت سنیه مغلوبانه عقد مصالحیه
مضطر اولیوب علی الدوام علم افراز غالبیت اولغله بویله برفیوضات
ماولیدکه بدولته واقع اولدیغی احوال دوله کسب و قوف ایدنلرک مسایدر

مقتضای احکام کونیه ایله معاهده مزبوره طمشواردن ماعدا کاملاً
 مجارستانی حکومت دولت علیه دن اخراج ایلدیکی مثالو موره جزیره سی
 وندکلوره پودلیا ایالتی لهلولره ازا ق طرفلرینی روسیه لوره ترك و تسلیم
 ایلکله دفعه بوقدر ممالک الدن چیقدی اگرچه اون ایکی سنه
 مرورنده بالطه جی محمد پاشانک غلبه مشهوره سیله مسقولو انه کچن پرار
 ودرت سنه صکره شهید علی پاشاهمیه موره جزیره سی مع زیاده استرداد
 اولمش ایسه ده بونشته غالبیت دوام ایتیب و رادین انهرامنک تعاقب
 خاریله مبدل حزن و ملال اولدی و نجه لولر طمشوار و بلغراد ایالتلرینی
 استیلا ایلدیلر مؤخرأ ابراهیم پاشانک شان سلطنته غیر جسمان اوله رق
 اچدیغی ایران سفری دخی اتلاف مال و رجال و تخریب ممالک اسلامیه دن
 بشقه برشتی مفید اولدقدن ماعدا ممالک طاغستانی مسقولولر ایله مقاسمه یه
 تشبث ایلمسی سلطنت سنیه نک اوحوالید، بولنان اهل اسلام نظرند، کی
 اعتماد و اعتبارینی ضایع ایلدی بیک یوزاللی تاریخنده ظهور ایدن روسیه
 و نجه محاربه لرنک برنجی سنه سند، مسقولولر اوزی و نجه لولر نیش
 قلعه لرنی استیلا ایللری موجب دهشت اولمشیکن ایرتسی سنه مذکور
 قلعه لر استرداد اولندقدن بشقه اطه قلعه سی فتح و تسخیر اولندیغندن
 و بوندن اول ایکی دفعه واقع اولان نجه محاربه لرنده سلطنت سنیه ضایعات
 عظیمه کرفتار اولق حسبیه ارکان دولتک نجه محاربه سندن کوزلری
 قورقش ایدوکندن هیئت سابقه اوزره صلحی غنیمت اتخاذا ایده کلدکاری
 حاله، مجرد صدر اعظم بولنان یکن محمد پاشا مرحومک اقدام و همتیه
 سفره دوام و بلغراد قلعه سنک فتحه اقدام اولندی و لطف حقله بو مقصد
 دخی حاصل اولدقدن صکره صلحه نظام و یرلدی
 اوستریالولرک طونه نک بو طرفنده تمکن و استملاکاری سلطنت سنیه باعث
 انسلاب اسایش و امنیت اولمشیکن بو وجهله بلغراد ایالتک استرداد
 و نجه لولرک طونه نک قارشو جانبدنه طرد و ابعادی دولت علیه نظرند
 شمدی یه قدر واقع اولان کافه ضایعات کیر و انمشجده سنه موجب ممنونیت
 و باعث فخر و مباهاات اولوب جهانکیرلک و کشور کشالک خاطر لری دخی
 بالکلیه متروک و حال حاضرک دوام و بقا سندن بشقه امید و امال طریق لری

غير مسلوک اولغله اوتوز سنه قدر غائله حرب و قتالدن اجتناب ايله امرار
زمان اولندی انجق (حاضر اول جنکه اکر ایسترایسک صلح
و صلاح) قاعده کلید سنه اعتنا و دقت اولنه مامسیله سکسان ایکی سفرنده
دولت علیه نك اولانجه نظامات عسکریه سی دخی پریشان و ازمایش
حرب و قتال ایدن وزرا و امرانک منقرض اولمش ایدوکی میدان چیمقدی
قیارجه معاهده سی مسقو لولرک ممالک سلطنت سنییه حقنده اولان سوء
قصدلری دستکاهنی قورمش و تارپود استیلای حاضرمش اولدیغی
ارکان دولتک مشهود و معلومی اولغله بعد ازین روسیه تعرضات
و تجاوزاتدن قورتلاق پک کوچ اوله جغنی مطالعاتیله خیر خواهان سلطنت
کرفتار اندوه و ملال اولمشدر .

❖ احوال ملیکه ❖

فصل سابقه بیان اولدیغی اوزره غرب اوجاقلری باشلو باشلرینه
بر اداره اولوب طرف دولت علیه دن والی و ندریله من ایسه ده
جایجا رکاب همایونه وارکان دولته هدیه تقدیم ایدرلر و قپودان پاشالری
مرجع یلورلر ایدی کوپرلی مرحوم بوناری مؤاخذه ابتدار و سلطنت
سنیه نك سزک کبی عاصیارک قولغنه احتیاجی یو قدر دیو شدت اظهار ایدوب
سواحل عثمانیه محافظلرینه فرمانلر اصدا ر یله غرب اوجاقلری کیلرینک
مدافع اولملرینی و حتی حاجیلرینک بیه سواحل مصریه ده قبول قلماملرینی
توصیه و تنبیه ایلرله اوجاقلر خلقی بو معامله دن و باخصوص افاطولی
ساحلارندن عسکر یازمق مادمسی کبی منبع عصبیتلری اولان شیدن مهجور
اولملرندن بغایت توحش ایدرک دامن استرحامه صارلیدیلر و جانب
سلطنت سنییه دن کوندر یله جک والیلره اطاعت اید، جکله رینه تعهد ایلیدیلر
بناء علیه ذکر اولنان اوجاقلره بکلر بکیلر کوندرلیدی ایسه ده ایشک
ارقه سی ارا نلیدیغندن از وقت ظرفنده ینه اسکی حاله مبدل اولدی بونندن
صکره طرابلسده قره مانلی و تونسده ممئلی اوغلی خاندانلری تأسس
ایدوب قره مانلی سلاسه سندن الک صکره والی بولنان علی پاشا و اخر سلطنت
محمود خان ثانیده استانبوله جلب و طرابلسه جانب دولتدن والی

نصب اولنمش و منمنلی اوغلی خاندانی الحاله هده تونسده اجرای حکومت
ایتمکده بولنمشدر جزایرده بویله بر سلاله تأسس ایده میوب الحکم این
غلب قاعده سی اوزره دایی تعبیر ایتدکاری صنادید او جاقدن مقتدر اولنر
قرصت بولدقجه والی بی عزل و مسند حکومته متصاعد اوله کلورلر ایدی
احوال عسکریه بختنده ایراد اولنه جنی وجهله مصرده بولنان یکچیری
وسائر طوائف عسکریه موظفدنک قوت وسطوتاری زائل اولدقجه
امرای چرا کسه دنک تغلب و تسلطاری ارتدیغندن والی بولنانلرک اجرای
حکومت ایده بیلسی انلرک انضمام رأی و رضایرینه موقوف اولدی
بو کوله من بکلرینک عصبیتاری دولت چرا کسه زماندنبرو ممتد اولوب
چونکه یاوز سلطان سلیم خان حضر تلری مصری فتح ایتدکه استیمان
ایدن امرایه مناصب مصریه دن شیخ البلدک و امیر الحاجک و لسان
عصر هنر اوزره مدیرک و قائممقاملق مقامنه قائم اولان کاشفاک کی
بر طاقم مراتب و مأموریت تخصیص و احسان ایتشیدی بولنر عادت
قدیملری وجهله نو بنوچر کس کوله لری اشترا و دائره لرند، تربیه ایدرلر
و قابلیتجه چیقانلری کاشفاک و سائره مثلاًو مأموریتلر ایله چراغ ایتدکه
ترقی ایده، ایده، سلاک امرایه داخل اولورلر ایدی لکن امرای هر قومه
بر قایق فرقه اولوب یکدیگر یله مخاصمه لری دخی اکسک اولدیغندن فرقه
مغلوبه صعیب ایچنه فرار و وقت فرصته انتظار ایدوب وقتا که مناصبه
بولنان امرانک یاطم و تعدیلری سببیه خلعتک نفرتی زمانند، و یا خود میل
اسایش و استراحت ایله بضالتلری وقوعنده دائره لری خلعتی و جمع
ایده بیلدکاری عربان عسکر یله مصره هجوم و متصدی حرب و قتال اولورلر
ایدی والی بولنانلر اقتضای وقت و حاله کوره یا مناصبه اولان امرایه
معاون و یا خود بی طرف کی بولنوب اگر هجوم ایدنلر نائل فوز و ظفر
اولورلر ایسه انلر مصره داخل و مخالفلری فراره مجبور اوله جقلرندن
اولخالده والی دخی امرای غالبیه مناصب مزبور هی توجیه و خلعتلر
اکسا ایدوب طرف دولته دخی فراریلرک خیانتندن و فرقه غالبه دنک
خدمات دولته حسن سلو که تعهد و علمای مصری کفیل ارانه ایلدکلرندن
بمثله عرض محضر قدیم ایدرلر ایدی بعضاً دخی اتفاق امرایله

والی بولانلر مقام حکومتدن تنزیل و بر طاق اسباب و اعذار و اهیه بی
متضمن جانب دولته عرض محضر تقدیم اولوب اگرچه بولنلرک تزویراتی
نزد دولته معلوم ايسه ده تأدیب و تربیه لرند، حکیمانه حرکت و تکلفات عظیمه
اختیارندن مجانبت اولنه کلمکله یکیدن والی نصب و ارسال قیلمورایدی
حتی روسیه سفیری هنکامنده رئیس امر بولانلر بولوت قیان علی بک روسیه
دوئاسی امیرالی ایله اتحاد ایدرک علناً عصیان و تبدیل خطبه درجه سنه قدر
اجتسار ایتش وایکی اوچ سنه مصره والی کوندریله میوب خلیجه باعث
تشویش اولشیکن کندو چراغی اولان امرادن ابوالذهب محمد بکک همت
وسطوتیله مغلوب و مقتول اولدی و غائله طغیانندن دوات و ملت قورتلدی
عصر احمد خان ثالث و محمود خان اولده او توز سنه یه قریب بغداد
والیلکنده بولنمش و قوت و ثروتی مشهور افاق اولاش اولان حسن پاشا زاده
احمد پاشا بک چوق کوله اشترا ایدوب بولنلردن کسب لیاقت و قابلیت
ایدنلری کرک دائره حکومتده و کرک ملحمات ایالتده استخدام ایتیمکله
بغدادده دخی برکوله من حکومتی تحت ایلدی مشارالیهک و فائیدن صکره
جانب دولتن والی کوندرلش ايسه ده پایدار اوله مامغله ایالت بغداد
مذکور کوله منلردن تحصیل نفوذ و اقتدار ایدنلره توجیه اولمغه
باشلیوب تا محمود خان ثانی او اخر سلطنتنده والی بولانلر داود پاشادن
تخلیص اولنجه یه قدر کوله من حکومتی دوام ایلشدر مشارالیه احمد
پاشا اگرچه مطیع و منقاد اولوب حتی حکیم اوغلی علی پاشا ایله بینلرند،
خصوصت قویه واقع اولدیغندن قرق التی تارینخنده بغداددن عزل ورقه
ایالتنه نقل ایلدکده مشارالیه احمد پاشا اطاعت و منصبی جاننده عزیمت
ایدوب مؤخرأ کو بریلی زاده عبدالله پاشا انهزامنده شرق سرعسکری
نصب اولمشیدی طالعی مساعد برذات اولغله هنکام سرعسکریسی
نادر شاهک هند طرفلرینه هجومی اواننه تصادف ایدرک مخاطرات
حریه دن امین و ایرتسی سنه یه بغداد والیلکنی تحصیل ایله کامین اولدی
بولندن صکره وفاتنه قدر حکومت دارالسلامده مسند نشین استقلال
وایکنجی دفعه نادر شاهک بغدادی محاصره سنده مدافعه حکیمانه ایله
نزد دولته جائز اعتبار و اقبال اولمشدر نادر شاه احمد پاشا ایچون

يك عقل و درایت اصحابند برآمدند زیرا بنگاه دولت عثمانیه بی و دولت عثمانیه ایله بنی اخافه ایدوب کندوسی راحت و اسایش ایله امرار وقت ایدر دیدیکی منقولدر پاشای مشارالیهك یالکز يك ايکوز کوله وایچ اغای اولوب بالجه دائره سی خلقی اون يك کشی یه بالغ اولدیغی عنقه ثقة ایله مروی اولسنه نظراً اطاعت و انقیادیه برابر شویله بغداددن عزل اولنو ویرمی دخی يك قولای شی اولدیغی استدلال اولنور و بوقضیه مشارالیهك کوله سی و دامادی اولوب کندوسندن صکره والی اولان سلیمان پاشانك عزلی واقع اولمشیکن فعلاً اجرایی قابل اوله میوب استعفاي قصور واستدعای مرحمت ایلسنه بنا ایدیلرک ابقا قلنش اولسیله مؤیددر بوباید سلطان محمود خان اول حاضر تریك مفصل برقطعه خط همایونلری صادر اولمشیدر که عینیه و اصف تاریخنده مسطوردر

بوعصرک او آخرینه طوغری اناطولیده ذره بکری و روم ایلمد، اعیانلر حادث اولوب سلطان محمود خان ثانیک او اسط سلطنتنه قدر پایداری اولمشلردر که بونلرک روش اداره لری و اسباب نشئت و حدودلری بمنه تعالی باباتی تکمله سنده ایراد و تفصیل اولنور

✽ احوال ارکان دولت ✽

گوپریلی صدارتندبرو استانبولده چوقلق وزرا بولندیرلماسی قاعده اتخاذ و کیدرک تأیید و تشدید اولمغله قبه وزارت بی بالکلیه متروک اولدیغی مثلاً و دفتر دارلره وزارت ویرمک اصولی دخی الغا قلندیغندن استانبولده وزاردن یالکز صدر اعظم و قیودان پاشا و نادراً سلطان قوجه لرندن توقیعی پاشا بولنور و ارکان دولت دنیلان ذوات مشارالیهم ایله شیخ الاسلام افندی و قاضی عسکرلر و استانبول قاضی سندن و وزیر کتخداسی و دفتر دار و رئیس افندی عبارت ایدی اگرچه فی الاصل وزیر کتخداری مقام صدارتده بولنان ذواتک خدمه مخصوصه لرندن ایدیسده صکره لری عظمای رجال دولتمدن انتخاب اولنه کلسیله بالجه مناصب خواجکان و اغوانک مافوقنده طوتمشیدر مع مافیه دیوان همایون مناصبندن

معدود اولماعله بعض مراسم و تشریفات و توقیعك و دفتر دار لقلر
وریاست و دفتر امانتندن عبارت اولان مناصب سته به داخل اولدیغی
حاله شیخ الاسلامره ولی النعم علم اولدیغی مثالو علی الاطلاق اغا فندمن
تعمیری دخی وزیر کتخداسی دیمك ایدی ایکنجی درجه اعتبار اولنان
مناصب چاوش باشلیق و ضربخانه و مطبخ عامره و شهر و ترسانه و كرك
امانتلری کی مأموریتلر اولوب بونلر قیوجی باشلره و خواجكانه توجیه
توجیه اولنور و بیوك و كوچك میراخور لقلر و قیوجیلر کتخدالغی و بلوك
اغالقاری و طویچی و جمه جی باشلیق قیوجی باشلره تفویض قیلنور ایدی
میر علمك فی الاصل مناصب مذکورہ مثالو مستحق اولنلره ویریلور ایکن
صکرماری قیوجی باشلرك اك اسکیسنه مخصوص اواش و بالمله قیوجی
باشلرك ضابط و رئیس اولق حیثیتی اکتساب ایلشدر نشانجلیق
و دفتر امانتی مناوبه صورتیه و شق ثانی و ثالث دفتر دار لقلرینك
ایشلری بك خفیف و نوادر حکمنده قالغله بومأموریتلر قید حیات وجهله
عظمای رجاله توجیه اولنور و باش محاسبه و بیوك روزنامه و اناطولی
محاسبه سی و سائر قلم خواجه لقلرندن عبارت اولوب مناوبه مناصبی
دیلان مأموریتلر برسنه لك اولق اوزره معزول قلان رجال و خواجكانه
احاله قیلنور ایدی مفصلات توارینغده واسکی تقویم وقایع نسخهلرنده
مسطور اولدیغی اوزره هر سنه عقیب عید فطرده توجیهات عمومیه اجرا
اولوب بالمله وزرا و رجال و امرای عسکریه و قیوجی باشی و خواجكان
منصلری ابقاء و یا مجددأ توجیه و سالف الذکر مناوبه مناصبنك
باش محاسبه و بیوك روزنامه و اناطولی محاسبه سی مثالو بیوكلری
کتخدا و دفتر دار و رئیس معزوللرنه و كوچكلری خواجكانه تفویض
اولنوب بونلردن دخی محروم قالنلره عطیسه سنیه احسان اولنور
ایدی

قیوجی باشلیق و خواجكانلق رتبه لرینی حاز اولنلر اوتوزر قرقر کشیدن
عبارت اولوب حتی صدر اعظم داماد ابراهیم پاشا کندوسنك دیوان افندیسنی
خواجكانلق رتبه سیله بكام ایتك اوزره عرض ایلدكده سلطان احمد خان
حضر تلری خواجكانك دفترینی طلب و بکرمی عدده بالغ اولدیغنی معاینه

ایدرك استكثار وادارلری مشكل اولور جوابسه شمدیلك تأخیری
اراده بیوردقلری منتولدر

ذکر اولنان مناوبه منصبلری قلم خواجه اعلری دیمك اولوب اگرچه هر قلمك
خدمت مخصوصه لری وار ایسه، کیسه دار و میرلری معرفت لریله اداره
اولمغه منصب صاحبی خانه سنده او طور و کیسه دار افندی تهیر و صح
اولنه حق اوراقی کوتوروب ایجابی اجرا ایتدیر ایدی هر قلمده مصالح
جاریه دن خرج النقی و حصه اعتبار یله منصب صاحبنه و کیسه داره
و میرلره و موجود خافایه علی مراتبهم تقسیم قلمق قاعده مرعیه دن
اولدیغندن اشبو مناوبه منصبلرینه نائل اولنلرك بو وجهله پکندیرلمسی
اصول عصریه دن ایدی باش محاسبه دینلان قلم خزینه دولتک بالجه قوانین
و نظاماتنک و کافه قیوداتک مرکزی واک اهمیتلی بر موقع اولدیغندن
کیسه دارلخی اکثریا دفتر دارلغه مخرج اوله کلشدر

طریق علمیه رجالی فی الاصل مدت مدیده مقام حکومتده پایدار اوله کلشدر
ایکن کیدرك شیخ الاسلامق ایله نقیب الاشرافلقدن ماعداسی مناصب
موقتیه منقلب اولمغه معلوم و معروف اولان ترتیب قدم ایله برر سنه لك
اولق اوزره تفویض اولنور و بعضاً دخی تمید قیلنور ایدی مع مافیه
خنکار اماملخی و حکیم باشلیق واردو قاضیلخی کبی خدمات ممتازده بوانانلر
و فضائل مادرزاده مالک اولان مخادیم قاعده مرعیه نک خارجنده اوله رق
طقرات محمیانه ایله یکدیگره تقدم و شیوخ طریقک یکرمی اوتوز سنه ده
واره مدقلری مراتبه از مدته ترقی ایده کلورلر ایدی

فصول سابقه ده بیان اولندیغی وجهله وزرا و میر میران و میرلوارلرك
منصبلرینه مخصوص اولان خاصلر درجه درجه الفا و مقاطعات میریه
الحاق قیلنوب بیک یوز اون تاریخنه، واقع قارلو یجه مصالحه سندن صکره
بعض ولاته مجدداً خاصلر تخصیص و اهالی مملکت اون بش سنه ممتد
اولان محاربه سببیه تکالیف متنوعه تحتنده ازلمش اولدیغندن اشبو خاصلر
وارداتله کجنوب ظلم و جور دن اجتناب ایللری تنبیه قلمشیدی لیکن
بودخی دوام اید، مامکله یا لکز صدارت و قیودانلق و نشانچیلغه مخصوص
برر مقدار خاص قالوب رجال دولته تخصیص اولنان زعامت لر دخی قید

حیاتہ منقلب و ایراد حکمنہ متحول اولدیغنه و حاصل اولان
منافعلری بوعصره کوره ادارهیه کافی اولدیغنه مبنی کرک استانبولده
و کرک طشره لده بولنان ارباب مناصبه صور عدیده ایله واردات معینه
تشکل ایلدیکه بروجہ اتی بیان اولور اولامقدحجه قبریس و موخر ایدین
سجاولرندن مقام صدارتہ مخصوص اولان خالص سنوی درت بشیوز
کیسده قدر ملتر مینه الزام اولنه کلدیکی و فاتح و سلطان سایم و سلیمانیه رقفلرینک
ادارلری صدر اعظمه محول ایدوکندن بعد المصارف بوندن دخی بر
ایکیوز کیسه منافع حاصل اولدیغی اداره ایدنلردن منقولدر

ثانیاً وزرا توجیهاتنه و باخصوص افلاق و بغداد و بوده لقلری تبدلنده
صدر اعظمه و وزیر کتخداسنه و مکتوبچی و تشریفاتی افندیله و دائره
صدارت خدمه سنه عوائد و مصر و بغداد و حلب و شام و الیرندن هدایای
معتاده مرتب اولمغله بعض اسکی تشریفات دفترلنده کورلدیکی اوزره
بونلردن عصر من حسابنجه مقام صدارتده بولنانلره سنوی یکرمی بیک کیسه
مقداری واردات معینه حاصل و ارتکاب و ارتشایه میلنه کوره منافع غیر
مشروعیه دخی واصل اولور ایدی صدر اعظم و کبرا دائره لرنده
توابعاته ایلق و برمک عادت اولیوب انجق دائره صدارت اوچ بشیوز
کشیدن مرتب اولدیغندن ماعداد مدجی و مکتوبچی و تشریفاتی و کتخدا
کاتبی قالملی خلفاسنه کیلار صدر اعظمیدن تعینات و یریه کلدیکندن
مطبوع مصارفاتی کلیتو شیئه بالغ اولور و عیدیه و نوروزیه مثلور کاب
همایونه تقدیم اولنان هدایای معتاده دن بشقه صدر اعظملر سرای
همایونه کتدکجه و باب فتوایه و ترسانیه و حریقاره عزیمت ایلاکجه و تبدله
چیدکجه آوج آوج التون و یرمک معتاد ایدوکندن صدر اعظملرک بعض
مصرفلری حین عزلارنده مدیون چیه لرل ایدی

شیخ الاسلاملره و صدور و عظمای موالیه اریه الق نامیهلر برر ایکیش
قضانک حکومت شرعیسی محول و اورالره نائب کوندر و ب حاصلات
واقعہ نک برمقداری نائبلره و قصوری اریه لق صاحبلرینه عائد اولق
اصول جاریه ایجابندن اولدیغندن مقام مشیخته بولنانلر اشبوریه لقلردن
مستفید اولدقلرندن بشقه مناصب علمیه توجیهاتنه و غجه بها نامیهلر

معیناتلری و دائرہلری خلقنک عوائداتی اولسیله و قدیماً سلطان
بایزید مدرسہ سی مدرسہ لکی و اوقافی اداره سی دخی مقام فتواده
اولانلره مخصوص بولمسیله منافع عظیمه دسترس اولورلر و بالفعل
قاضی عسکر و استانبول قاضی سی بولنلارلره کذاک اربہ لقلردن و کندولرینه
مخصوص حکومت شرعیہ خرجلرندن مبالغ و فیره حصول بولور
ایدیکه یقین و قتلره قدر روم ایلی قاضی عسکرلرینه سنوی اوج درتبیگ
واناطولی قاضی عسکرلرینه بیگ بشیوز ایکیبیک کیسه راده لرندہ منافع
حاصل اولدیغی اغزلرندن استماع اولور ایدی

قیودانلق منصبنه کلیولی سنجاغیله بوغجه اطه ولنی جزیرہلری منضم
اولدیغی مثللو قبودان پاشارک بالجه اطهره و تونس و طرابلس و جزایر
اوجاقلرینه برنوع نظارتی بولندیغندن مقاطعات میریه فضلہ سندن
و عوائدات و هدایای رسمیه سندن خلیجہ مبالغ حاصل اولور و مصارفات
ضرور به سنه بلغا مبالغ کفایت ایدر ایدی وزیر کتخدالرینک صدر
اعماللرک وارداتی صرہ سنده بیان اولسان عوائداتدن و دفتردارلرک
الزام اولنان مقاطعات میریه قلیہ و خرجلرندن و رئیس اغندیلرک اذن
سفینه و سایر مواد متنوعه حقندہ صادر اولان فرمان خرجلرندن معین
اولان وارداتلری کایتلو شیئہ بالغ اولوب حتی برایکی سنه بو منصبلرده
بولنان و تلف و سرف مثللو صفات مدخوله دن بری اولانلر بعدازین
مضایقه حکمز دیرلر ایدی

تیمار و زعامت توجیهاتی الغا انجمنیه قدر دفترخانہ نک توجیهات
مرقومه و مرافعات و محاکمات ضمنندہ اخراج اتدیریلان قیودات خرجندن
شهریه ایکی یوز الای کیسه یه قریب حاصلاتی اولوب دفتر امینی
و کیسه دارینک و سایر ضابطان و کتبه سنک بوندن خصص معینہلری
وار ایدی و کتبه یه مخصوص زعامتلر منحل و اخره توجیه اولندقدہ
ایلاک سنه لکی دفتر امینلرینه عائد ایدی ترسانه و ضربخانه امینلرینک
ترسانه و ضربخانه یه مر بوط اوجاقلق و مقاطعات و معادن اداره لرندن
خرج و قلیہلری و مناصب سائرہ نک دخی معاملات مأموریتلرندن خرجلری
وار ایدی دولتک اساساً اوج قلی اولوب بولنلرک برنجیسی دیوان همایون

ایکنجیسی خزینہ عامرہ و اوچنجیسی دفترخانہ خاقانی کتبہ سی اولغله
اشبو قلارہ مخصوص ایکی اوچوز قدر زعامت اولوب امدی و مکتوبی
قللری و دوائر سائرده وقتاً بوقت ترتیب و تشکیل قلنان قللر مأموریت
عد اولنور ایدی و بوجهتله او قللرہ مخصوص زعامت یوغیدی حاصل
کلام کافہ ارکان دولت و مأمورین و کتبہ و خدمه وجه مشروح اوزره
معین و مرتب اولان عوائد و خرج و رسوم معتاده ایله تعیش ایدوب فقط
وزرا و کبرادن تقاعد ایدیلان و نادراً استانبول جوارنده واکثراً بروسه
و کلیولی و تکفور طاغی مثلاً محالرده اقامه اولنان ذواته مکرکردن بشر
یوز بیکر غروش درجه منده ماهیه و بعض علیل و اختیار کتبہ و محتاجینه
مکرکردن تقاعد علوفه سی نامه برر مقدار شی احسان اولنور ایدی
ارکان دولتک ثروت و سامانلری ایسه تحصیل علوم و معارف و تسهیل
خواج انام ایچون بنا و انشا ایلدکلری خیرات و مبرات ایله قیاسیه متبیین
اولوب ایچلرندن از قضا یا خود بالاقتضائی و مصادره اولنان و یا حریق
وسائرہ مثلاً بلایای کونیه یه کرفتار اولنلره کلی اعانه ایدرلر ایدی
حتی سلطان محمود خان ثانی عصرنده کتخدالقدن منفصل بولنان هادی
افندیک قونانی کافہ اشیاسیه محترق اولدقده هر طرفدن وارد اولان
اعانات ایله قوناق یا پلدقدن و لوازمات یتیه تدارک اولندقدن صکره
ایکیوز الی کیسه مقداری فضله قالدیخی و بعض تکلیفسز احباسک
معرض لطیفده بو حریق سزه ایکیوز الی کیسه یه اولدی دیو توره
ایلدکلری منقولدر

قیوجی باشلر ایکیسی علی طریق المناوبه سرای همسایونده واقع اورته
قیوده نوبت بکلمک و جمعه سالاملرلنده و ایام رسمیده جمعه سی
رکاب همسایونده بولمق اوزره مأمور اولوب بونلرک مادوننده برطاق
صلاخور اغار دخی وار ایدیکه بونلر دخی رکاب همسایون خدامندن
معدود و رسم کونلرند ذات شاهانهک آتلیینه ینوب تعلیم کنان عرض
حشمت و دارات ایدرلر ایدی دیوان همسایون قلیله امدی و مکتوبی
و کتخداکاتی و دفتردار مکتوبجیسی او طبلری کتبہ سنک بعض متخیرانده
خواجکاللی رتبه سی توجیه اولمق اوصولاً مجاز اولغله بونلره مناوبه

منصب برندن مناصب مناسبه توجیه قلندیخی مثلاً ذکر اولنان قیوجی باشی
وصلاخور اغار و دیوان همایون خدامندن اولوب متفرقه تعبیر قلنان
و کدکلو زعامت صاحبعلری بولنان زعمایا و منصبسز قلان خواجکان
تحصیل اموال میریه و تحقیقات امور معظمه و مصادره مخلفات وزرا
واغنیاء و سوق عسکر و بعضی وزرائی بر منصبدن دیگر منصبه و یا خود
منقبه کوتورمک و یا قتل ایلمک مثلاً خدمات موقعهده استخدام اولورلر
وایشنک درجه سنه کوره منتفع اولورلر ایدی

بیک تاریخندن صکره وزرا تکثر ایلدیکندن میرمیران منصبی اولان ایالات
وزرایه توجیه اولنه کلکله بکلر بکیلر اکثری بالطبع میرلوالق منزله سنه
تنزل ایدرک عهد لرینه برر سنجاقل تفویض قیلنور ایدی کیدرک وزرا
بر درجه دها تر اید ایلدیکنه مبنی ایالات داخلنده بولنان سنجاقلردن
بعضیلری و یا خود برایکیسی برلشدیریلرک وزرایه توجیه قلمق و افلاق
و بغداد داخلنده بولنان خونین و بندر و سائر سرحد قلاعی محافظلری
بولنان وزرا و امرانک مدار تعیشلری اولق اوزره روم ایلی و اناتولیدن
الحاقاً مناسب سنجاقلر تفویض اولمق اصولدن اولدی زیرا او مثلاً
سرحدات محافظلرینک حوزه حکومتلری ضیق و حاصلاتلری قلیل
اولغله وقاعده قدیعه اوزره خاص تعیینی دخی متروک بولمغله بوجهله
اقدار اولملری ضروریاتدن ایدی بر سنجاقله مقاطعات میریه کثرت
اوزره اولوبده زعامت و تیمار و اراضی موقوفه از بولنور ایسه ولایه
ایچون اول سنجاقل نمادار اولوب عکسی تقدیرنده بی حاصل اعتبار اولنور
ایدی چونکه زعامت و تیمار داخلنده بولنان اراضی بی صاحب دیرلک
بولنانلر و اراضی موقوفه بی متولیلر تعشیر اید کلکله بولنلردن وایلره
منفعت عائد اولوب مقاطعات میریه ایسه بدلات مقیده لرله ولایه الزام
قیلنور و انلر دخی ضمایمیه ملترمینیه الزام و منافع و فیره استحصال
ایدرلر ایدی مع مافیه بر سنجاقله سکسان یوز مقاطعه و اراضیه والی
بولنانلر انک بش اون عسددینی ارکان دولت و اندرون رجالنک طلب
و شماعتلری اوزرینه بدل مقیده و یا خود جزئی ضمایم ایله منتسبینه ویرمکه
مجبور اولدیخی مثلاً بش اوننی دخی مملکت و جوه و اشرافیه و بر مقدارینی

دخی دائره لری متخیرانه ویرر و ماعداسنی دکر یله طالبلرینه احاله ایدر ایدی

ولاة و متصرفین محول عهد لری بولنان سنجاقلرک ملحق قضالرینه دائره لری کدکلورلندن و یاخود محملری خاندانلرندن و یودلر نصب و تعین و الحاقاً عهد سنده بشقه سنجاقل وار ایسه اکادخی مسلم ارسالله اداره ایتدیردیکی مثللو محافظ قلاع بولنان و سفریر اولان و بالاقضای سرحدات خاقانیه ده اقامه اولنان وزرا و امرای کذلک مسلم نصیبله منصب لری اولان الویه بی اداره ایتدیرلر و منصبی حاصلاتندن بر مقدارینی مسلمه ترک ایدوب قصورینی اخذ ایلرلر ایدی بیک ایکوز اوتوز طقوز تاریخننده و دین و نیکولی سنجاقلری والیسی اولان سنکلی ابراهیم پاشانک اولوقت کتخداسی بولنان کرکچی صالح پاشا مرحوم نیکولی سنجاغی مقاطعاتی یک منفعتلی اولدیغندن بعدالخرج و المصارف والیه اوچبیک کیسه منفعت قالور ایدی دیو روایت ایدردی

وینه اواخر سلطنت محمود خان ثانیده الویه ثلاثه یعنی یانیه و ترحاله و سلانیک والیسی اولان سرکاتی مصطفی نوری پاشا مرحوم دن بالمشافهه استماع اولمشدر که سلانیک و ترحاله مسلم لری بولنان میر میرانلره یکر می بشر بیک غروش ماهیه ویرر و دربندان محافظه لرنده بولنان ارنود سرکرده لریله معاً دائره سی خلقی درتدیک کشی یه بالغ اولور ایکن بالجمله معاشات و مصارفاتی تسویه اولندقدن صکره کیندوسنه سنوی اون بیک کیسه دن متجاوز منفعت قالور ایمش و بوحاصلاتک اکثر یسی ترحاله سنجاغندن اولوب سلانیک و یانیه سنجاقلری بالنسبه نمادار اولدیغنی و مملکتلر توزیعانه کرک عیاً و کرک بدلاً کیندوسی و دائره سی ایچون بر باره وضع ایتدیرمدیکنی و المدیغنی مرحوم مشارالیه افاده و توثیق ایدر ایدی وینه اواخر سلطنت محمود خان ثانیده پارس سفیری اولان احمد قحی پاشا مرحومه ایدین سنجاغی توجیه اولمغله اولوقت فریقاندن بولنان سرعسکر اسبق نامق پاشا حضر تاری یکر می بشبیک غروش ماهیه ایله دولجه مسلم نصب اولمشیدی بر مدت مرورند، سفیر مشارالیه

موقتاً استانبوله واورادن منتهی اولان ایدینه کلد کده سنجاغک منافع
مقاطعاتی کاملاً کندوسنه عائد اریق و قیو الی حاصلاتی و سائر
طیارات ایله یکند کدن ماعدا ماهیه یکر می بشبیک غروش دها کندوسنه
ویرمک اوزره مشارالیه نامق پاشایه تکلیف ایدوب اودخی بوصورتی
قبول ایلدیکندن اقر باسندن احمد افندی ناعنده برآدمی مسلم نصب ایتش
واوسنه درتیک کیسه قدر منافع حاصل اولدیغی ثابت اولش اولغله
سلطان محمود خان حضر تلی اولوقت مقاطعات ناظری بولسان نافذ
پاشایه اعلام ایتدیرمک نصفی فتحی پاشایه و بروب نصف دیگرینی
خزینیه الدیر مشدر که بوقضیه فتحی پاشا ایله نافذ پاشا بینسه اولان
عداوتک منشئیدر بومثالری ایر اددن مقصد عاجزانه مامدار سنجاقلره والی
ومتصرف اولنلرک منافع عظیمیه دسترس اوله کلد کیری و اهالی اوزرینه
طرح اولنان ویر کولزه کندولری ایچون پاره ضم ایتدیرمکه احتیاجلری
اولدیغنی بیاندن عبارت اولوب لیکن طر بزون و کردستان و ارضروم
سنجاقلری مثللو مقاطعات میریه منافعندن عاری اولان سنجاقلرک والی
ومتصرفلری بولنان وزرا و میر میرانک دائره لینه کفایت اید، جک ذخائر
وسائر اهالی اوزرینه طرح اولنان ویر کویه علاوه استحصال اولنور
وطیارات تعبیر قلنان وارداتکه قیو الی حاصلاتی یعنی تحصیلیه و ارباب
جنایتدن النان جریمه و ووده لک و امرای اکراد و عشایرک تقدیم
اید، کلد کیری ویر کوی مقطوع و هدایای معتاده و بعض رسوم متفرقه دن
عبارتدر ولاتک مصارف نقدیه لری بونلر ایله تسویه قیلنور ایدی حاصل
کلام هر ایالت والویه نک والی و متصرفنه عائد اولان حاصلاتی وقتاً بوقتاً
تأسس ایدوب هیچ بر یسی دیگرینه تمامیه توافق ایتز ایدی
وسط الحال اولان بوزیرک دائره سنی دخی تعریف اید، لکه میر میران و متسلم
و ووده لک دائره لری و مصرفلری بوندن قیاس اولنه بیلنسون اول
کتخد اودیوان افندیسی و مکتوبچی و کتخد اوزخزینیه کاتبلری و امام و حرم
کتخداسی مثللو متخیر اندن بشقه اوله رق هر وزیرک ایج اغارندن یکر می
درت کد کلیسی بولنقی تعامل اقتضاسندن و بونلرک جمله سنک رئیس
وضابطی سلحدار اغا اولق اصول مر عیه ایجابندن اولوب سلحدارل

دائماً پاشانك ياننده بولنور و ملنحي اولان سلام اغاسي و قيو جيلر كتخداسي
 نشر يفا تيجيلىق وظيفه سنى ايضا ايدرلر ايدى بولنردن صكره خزينه دار
 و مهر دار و دوتدار و خفتان اغاسي و چوقدار اغا و ايچ اوغلان باش
 چاوسى و چاشور اغا يكه وزرانك الك زياده محرمى اولوب اكثر يا
 كوله لرندن و گروه شـبـانـدنـر دها صكره و كيل خرج و اختار اغاسي
 و سنجقـدار و طوغـجـى باشى و توقونجى باشى و ابريقـدار اغا و كيلارجى
 باشى و معجون اغاسي و مقرمهـجـى باشى و سفرهـجـى باشى و ميراخور
 و سجادـجـى باشى و يشـكـير اغاسي و قهوهـجـى باشى صاحب كـدك
 اولوب هر بريسـنـك دخى اوچر يماغى بولنديغندن بو جماعت سـكـسان
 يوز كشي يه و دها زياده يه بالغ اولور ايدى ثانياً قـواص و تاتار
 و مهترخانه طاقى و سايس و عـسـكـام و مشـعـلهـجـى و اشـجـى و سـرايدار كـي
 بـمـهـ دائره دخى لااقل يوز اللى ادمه بالغ اوله كـمـشـدر صـكـرهـلـرى
 وزرا دائره لرنده قـواص صنفى تـكـثر ايتـش ايدـمـده فى الاصل بولنر
 درت يا التى كـشـيدن عبارت اولوب قوس طاشـرـلـر و پاشـالـرـك ياننده ياور
 مثلاً بولنورلر ايدى بر درجه يه قدر منزـلـخـانه لـر قـديـم اولديغى حالده
 منظم بوسته لـر ترتيب اولنماش اولديغندن كـرـك استانبوله و كـرـك جوارده
 بولنان و لاقـوامـرايه ايصال اولنه جق محررات تاتارلر واسطه سيـله كـونـدرلـك
 اصول جاريه دن ايدو كـنـدن هر وزيرك دائره سنده بر تاتار اغاسي و بر تاتار
 او طه باشيسى تحت ادارـلـرنـده اوله رق قرق اللى تاتار بولنق مقتضى اولوب
 بو خدمتى فى الاصل فرسـر انلق ايله مشـهـر اولان تاتار قومى ايضا ايدـمـكـشـلـر
 ايكن مؤخر آهر درلو كسان بو صنفه داخل اولغله اسم جنسى اسم نـوعـه
 منقلب اوله رق جـله سـنه تاتار ديناـشـدر وزرانك اوچر و مير ميرانلرك
 ايكـشـر طوغى اولديغى مثلاً وزرانك طقوز قات يعنى طقوز طاول و طقوز
 سورنا و طقوز بوري و طقوز دومبهـكـ و مير ميرانلرك يدشرقات مهر
 خانه لرى او اوب كـونـده ايكنى نوبت يعنى ايكـنـدى ويتـسـو عقيبـده چانور
 و بر محمدان ديكر محله عزيمـتـده طوغلرك برسى بر كون اول قوناـجـى ايله
 كـونـدر يـلـدور و ديكر لرى پاشانك او كـنـده چـكـلور ايديكـه بولنرك هيئت
 و كيفيت لرى رسم كـتابـلـرنـده مـصـورـدر

ثالثاً کدکلو ایج اغارینک ظوبو تعبیر اولنور اوچر بشر خدمتکارلی
 وقوغوش اوشاقلری وسایساری اولغله بونلر دخی سکسان یوز کشی یه
 بالغ اولور و بز آدم دفعة ایج اغاسی اوله میوب اولاظوبو اولمق
 وبعد التریبه ایج اغاری سلکینه ادخال قلمق قانون تعاملیلری اقتضاسندن
 اولغله اغاردن بریسی ظوبوسنی چراغ ایده جک اولدیغی حالده لازم
 کلان ات واسطه والیسی اعطا و برضیافت ترتیب ایدوب خزینه
 اوطه سنده کدکلو اغار حضورنده دعا اولنهرق و باشنه قاق کیدریلهرک
 سلاک اغواته ادخال قلمور ایدی حتی وزرا و امر اکلرلنده بیله
 بوقاعده اجرا اولندقیجه ایج اغاسی قاوغی کیمک قابل دکل ایدی کذلک
 ایج اغارندن بریسنک سرقت و سائره مثللو جنایت عظیمه سی ظهور
 ایلدکده ینه بالاجتماع باشندن قاوغی النوب سلاک اغواتدن اخراج اولندقدن
 صکره تربیه سی و یریلور و بوکا اصطلاحلرنجه کجه کلاخ ایدلدی
 دینلور ایدیکه فیما بعد او آدم هیچ بر دأره ده ایج اغالغی ایدهمیوب صنعت
 اخره سلوک ایلکجه مجبوردر
 رابعاً وزرا دأره لرلنده بر تفنگچی باشی و بردلی باشی بولنوب بونلرک
 رفاقتنده یوزر یوز الیشر نفر عسکر بولنور ایدیکه تفنگچی طاقی پیاده
 ودلی گروهی سوار یدر ارضروم و دیار بکر و موصل و بغداد و شام
 و حلب مثللو ایالتلر و الیلرینک اوچر بشر تفنگچی باشی و ودلی باشی می بولمق
 مقتضی اولغله ایچلرندن برینه سرچشمه اطلاق اولنوب بیکباشی حکمنده
 و دیگر تفنگچی باشی و ودلی باشیلر یوزباشی مقامنده طوتیلور و ودلی باشیلر
 معیتلرند، ملازم کی اولان ضابطه کوکلی اغاسی دینیلور ایدی فی الاصل
 وزرا و میرمیران دأره لرلنده الیشر الیشر کشیدن عبارت اوله رق اونر
 یکر میشر بیراق لوندوبو کا مناسب صاری سکبان استخدام اولنور ایکن
 وقت وقت بونلردن جلالیلر ظهور ایتک و سائر وجهله مضرتلری
 کورلک حسبیه بیک یوز تاریخندن صکرلری لغو و ذکر اولنان تفنگچی
 ودلی طائفه لری احداث اولمغه باشلیدی برمدت ضرورنده بونلرک
 دخی انتظام و انضباطلرینه وهن و خلل طاری اولدیغندن قیوسر دلی
 باشیلر زیر رایتلرند اولان حشرات ایله کویدن کویه کزوب اهالی یه

انواع ظلم و تعدی به جسارت ایدرلر و بالضروره وزرا و امرا بونلری
یانلرینه الوب مضرتلرینک دفعنه مجبور اولورلر ایدی مع مافیه سابقلرده
اولان جلالیلر کی تجمع ایدرک طرف دولته عصیان و طغیانلری واقع
اولمامش واسم صحیحلری پیشدار معناسنه اوله رق دلیل عسکری اولدیغی
حالده بالتحریف دلی تعبیری زبانزد اولمشدر بوطائفه قالیاقلریمز امیر
المؤمنین حضرت عمر رضی الله عنہک چیرمه سنک قونجغیدر و او جاغز
مشارالیه افندجیزه منسوبدر دیرلر ایدی بونلری بغداد والیسی مشهور
احمد پاشانک بابایی حسن پاشا بیگ یوز اوتوز بش تاریخلرند، و ایران
سفرلری هنکامنده بر درجه دها تنظیم ایلش اولسنه نظرأ بو اعتقادک
وضعی غالباً ابرانیله شدت خصوصتلرینی استلزام ایلک مقصدینه مبتنی
اولسی ظن اولنور

ایج اغاری ملحقات ایلات والویه به مباشرت ایله کیدوب درجهلرینه
کوره خدمت مباشریه اله کلدکلرندن و متسلم و یودهلر جانبدندن دخی
عواند معتادهلری اولدیغندن بونلره ماهیه و یرلک عادت اولیوب وزرا
وامرا یالکز دأرهلری خلقنک دیکر صنفلرینه برر مقدار معاش اعطا
ایدرلر ایدی بناء علیه اولوقتک مصارفاتی عصر من حسابنه اصلا
نسبت قبول ایلن

بو فصلک حاوی اولدیغی زمانده، مخرج وزارت تنوع ایدوب اولاختنکار
سلمدارلرندن و میراخور و بوستانچی باشی کی سرای همایون منسوبانندن
اولنلره ثانیا وزیر کتخداسی و دفتردار و رئیس مثللو عظمای رجاله
و بعضاً یکچیری اغارینه و قیوجی باشیلره ثالثاً شام و موصل خاندانلرندن عظم
زاده و عبدالجلیل زادهلر مثللو طشره اکابرینه رتبه وزارت احسان اولنه کاوب
وزرا کتخدا و سلمدار و خزینه دارلرندن و دلی باشیلرندن محار بهلرده
اظهار شجاعت و ایلاقت ایدنلره قیوجی باشیلق و میرمیرانلق و وزارت
و یرلک دخی معتاد حکمنه کیرمشیدی چونکه عامه نک نظرند، لازمه
وزارت شجاعت و جلالت و فن فروست و سلا حشور اقدده مهارت
خصلاتلرینه منحصر اولوب علم و عرفان داخل دأره حساب اولدیغندن
اکثر وزرا و امرا جاهل و امی اولملرله مبلغ ادرا کلرینه کوره حکومت

ایدرلر و بعضارینه ارباب لیاقت و قابلیتدن دولتجه کتخدا نصب اولنور
ایدی مع مافیه کو پریلی اوغلی صدر اسبق فاضل احمد پاشا و برادری
صدر شهید فاضل مصطفی پاشا و انک اوغلاری صدر اسبق نعمان پاشا
و عبدالله پاشا و اسعد پاشا و نعمان پاشانک اوغلی قائم مقام حافظ احمد پاشا
و عبدالله پاشا زاده عبدالرحمن پاشا عصر لرینک فضل اسندن اولدقلری
مثالو صدر اسبق شهید علی پاشا و حکیم اوغلی علی پاشا و دفتر دار
عزت علی پاشا و عصر محمود خان اول و عثمان خان ثالثه ریاست
و دفتر دارلق و وزیر کتخدا لرندن نائل رتبه وزارت اولان پیر مصطفی
پاشا و مشهور راغب پاشا و راقم محمد پاشا و نائلی عبدالله پاشا و یکر می
سکر چلبی زاده سعید پاشا و طوپال عثمان پاشا زاده احمد پاشا
و عظم زاده خاندانیدن و سائر مدن بعضیلری اصحاب علم و کمالدن
ایدیله

سلطان سلیمان مرحومدن صکره سلطان محمد ثالث اکر می محارب سنده
و سلطان عثمان ثانی له سفر نده و سلطان مراد رابع روان و بغداد فتح لرنده
و سلطان محمد رابع قانیجه محاصره سنده و سلطان مصطفی خان ثانی اوچ
سنه متوالیا نیجه محارب لرند، بالذات علم افراز غزا و جهاد اولوب بونلردن
بشقه و قوعلولان محاربات عدیده صدر اعظم لر سردار اکرم تصب
اولنه رق اعزام قلمق قاعده سی تأسیس ایتشیدی لکن سردار اکرم
نفوذ تام و دولتک قوه اجرائیه سی حائز اولغله ترسانه و ضربخانه و مکرم
امینی مثالو ایشاری مطلقا در سعادته بولمغه منحصر اولنلردن ماعدا
کافه ارباب مناصب و طوائف عسکریه او جاقلری و اغاری و حتی وزیرای
عظام قیو کتخدا لر ییله اردوی همایونله عزیمت ایدوب استانبولده
کتخدا و دفتر دار و رئیس و سائر اهل مناصبک و کیلاری قاور و بالجمله
توجیهات و تشریفات موکب همایونجه اجرا قیلنور ایدی ولایه
و متصرفین دخی دأره لر ی خلقی و تحت لوالر نده بولنان زعما و ارباب تیمار ایله
معسکر پادشاهی یه کاوب طرف طرف قیلاع خاقانیه محافظه لرینه
و سرعسکر لر معیارینه تعیین اولنه رق ایفای وظیفه ایدرلر و منصب لرینی
بر اقدقلری متسللری واسطه سیله اداره ایتدیرلر ایدی

❖ احوال عسکریه ❖

فصول سابقه ده بیان اولدیغی اوزره دوش-یرمه چو جقلرینک سرای
همایونلرده و عجمی اوغلانلری قشالارند، تربیه کورمک و بعده عساگر
موظفه سلاکنه ادخال اولنق و علی الدوام قشالانشین اولوب صنعت
اخرا ایله متوغل اولماق قاعده لری متروک اولغله ایجاب ایتدکجه
بورکچی و جمال و مناو مثلوا اصحاب سو قدن یکچیری یازیلوب لازمکلان
محلله کوندریلور و ختام سفرده هرکس کار و کسبیله مشغول اولور
ایدی بیک طقسان درت سنه سنده حادث اولوب بیک یوز اون سنه سنه
قدر متمد اولان سفر مشهورده درت دولت ایله محارب به جریان ایده
کلدیکندن هر سنه کلیتو عسگر یازلغله جیوش موظفه نك عددی
و علوفه لری نك مقداری فوق العاده تزايد ایلدیکندن عقد مصالحه دن
اون ایکی سنه صکره وقوعبولان روسیه محارب به سنه قدر محمولات
عسکریه خزینه مانده ایدیدی ذکر اولنان روسیه و متعاقباً واقع اولان
موره و نچمه محارب لری دخی بیک یوز او توز بر سنه سنده ختامه رسیده
او اوب ابراهیم پاشا نك اوان سفینه سی ظهور ایتکله و وقوعبولان
علوفه محمولاتی مستراً خزینه مانده ایدیلهرک تنقیص عساگر موظفه به
دوام اولنور و هر سنه مقدار مبالغ خزینه به قالمش ایسه ایشکدارلق
و صداقت شعارلق معروضند، اولوقتک وقایعنامه سی اولان راشد تاریخنه
درج قانور ایدی مؤخرأ واقع اولان ایران سفر لرنده اکثر یازعما
و ارباب تیمار و وزرا و امرا دائره لری و عشایر عسکر لری استخدام
اولندیغندن و عصر محمود خان اولده حدوث ایدن نچمه و مسقوسفر لری
دخی ایکی اوچ سنه ده ختام پذیر اولدیغندن چوقلق عساگر موظفه
تحریر قلمندی اگر چه بوجه مسطور اصناف و سائر ه دن ایجاب
ایتدکجه یکچیری یازیلوب اقتضا ایدن محله اعزام قلمق قاعده دن ایدیه ده
بو حالده دخی لاجرم یکچیری و سائر عساگر موظفه او جاقلری افرادینه
داخل اولق و بونلره مخصوص علوفه به تملک ایلک بردفعه اولسون
سفر و یرمکله حاصل اولدیغندن نفرات عسکریه شدائد سفریه و احوال
حربیه اولدقجه واقف و مألوف ایدیلر موره سفری عقبنده و علی

روایه بیک یوز اللی اوچ سنه سی خلانده، علوفه تعبیر اولنان معاشات
 عسکر به نک بیع و شراسته مساعدیه اولمقله بیک تاریخدنبرو انتظام
 وانضباطلری یوزلش اولان جیوش عثمانیه نک اولانجه قانون وقاعدهلری
 دخی مختل و پریشان اولدی چونکه چوق وقت یکمکسزین علوفه
 عسکر به نک اکثریسی اتباع و اصناف مقولهلری طرفندن اشترا اولنه رق
 عادتاً ایراد حکمنه کیردی بنهاعلیه عسکر لک بشقه و علوفه خوار
 اولق بشقه شی اولوب یکچریلک دعواسیه طفره فروش اولان بور کجی
 و جمال کبی اشخاصک بازولرند، اولان نشانلردن ماعدان نه تعلیم و تربیه
 جهتمدن ونه ده وظیفه و علوفه یوزندن یکچریلکه اصلاً تعلقلری
 یوغیدی لفظاً و معناً یکچری دنیله یسله جک کسان هر اورته نک
 قشله سنده بولنان اوسته و اوده باشی و بایراقدر و متولی و امام و قره
 قوللر تجمیلر مثلاً و بش التیوز قدر ضابطان و نفراتدن و قوللقلرد، بولنان
 برر چور باجی ایله قوللق نفراتدن و حربه جی و مو جی اطلاق اولنوب
 اغا قیوسند، بولنان بر ایکیوز قدر کساندن عبارت ایدیکه بونلرک جمله سی
 انجق ایکبیک کشی به بالغ اوله یلور ایدی

اوجاقلو بیننده یکچری اغارینه قرق بیک قول اغاسی دنیلوب واقعاً
 یکچریلک دعواسند، بولنان اشخاص قرق یکدن چوق زیاده ایسه ده
 شرائط عسکر به دن بی بهره ایدیلر بیک یوز اللی اوچ سنه سنده واقع
 بلغراد مصالحه سندن بیک یوز سکسان ایکی سفرینه قدر او توز سنه به
 قریب محاربه ظهور ایتمک حسبیه یکیدن عسکر یازلمدیغندن علوفه
 عسکر به نک قسم اعظمی محلول اراق لازمکلور ایکن بیع و شرا مساعدیه سی
 بو کامانع اولدی برده بیع و شرا ماده سی یا لکن اشخاص بینده جریان
 منحصر اولوب یکچری اغاری دخی محلول اولان علوفه نک بر مقدارینی
 خزینه مانده ایدمک ایچون طرف دولته ارئه و بر مقدارینی فروخت
 و بر ازینی دخی شوکا بوکا اعطا ایدرلر ایدی مثلاً هر علوفه اعطاسنده
 بشبیک اقیه محلول ظهور ایدر ایسه بونک ایکبیک بشیوزینی دولته
 کوستروب ایکی بیکنی صاتار و بشیوزینی دخی کندو ادملرینه و بعض
 اوجاق یولداشارینه و اندرون رجالی وارکان دولت توابعاتی جانبندن

رجا والتماس اولانان اشخاصه اوچر بشر اقچه اوله رق تقسیم
ایدرل ایدی بو مثالو اتباعی کروهنک عهدلرنده بولنان علوفه یه
قیولی علوفه سی و ایرادجیلرک علوفه لرینه اوتراق علوفه سی اطلاق
اولنه کلسدر حال و بورکی و مناو کی اشخاصک همشهریلری
کادکده درحال کل یولداشم سنی یکچری یازمام دیو حرینی منسوب
اولدقلری اورتک قشلاسنه کوتوروب قوللرینه اورتک نشانی
دو کدورلر و الله صغه تذکره سی ویررلر ایدیکه بوتد کرهک مالی بزکه
یکچریلر حاجی بکتاشی ولی یبرمز وارانار و اولیار دستگیرمز در
قیلقله بتیز بریمز اکیاور ایسه بتیز حادث اولور یوللو برطاقم
مقالدن صکره فلانجه اندم اورتهمزه کینک بر اقدی و او جانجه دخوله
طالب اولدی بزده او جاغ عامره نک دفترینه قید ایدوب یدینه اشبو
صغه تذکره سی ویردک مضمونی حاوی اولوب اوسته و اوطه باشی
طرفلرندن تمهیر قیلنور و جمعه سالاملقلرنده و علوفه کونارنده قره
قوللقیلر بو مقوله اشخاصی جمع و یکچریلک قیافته وضع ایدوب ایفای
مأموریت ایتدیرلر ایدی

علوفه سنوی درت تقسیم ایله ایفا اولنوب محرم و صفر و ربیع الاول
آیلرینه مخصوص اولانه نفورورنده مصر علوفه سی دنیلور و ربیع الاخر
ایل جمادیه معین بولنانلره رجیح و شهرور ثلثه مشهوریه عائد اولانه رشن
و بقیه شهرور ثلثه ایچون لند علوفه سی اطلاق قیلنور که هر عربی آنک
اشارات مخصوصه لری اولان حروفک ترکیباتیدر ابراهیم پاشا دورندن
سکسان ایکی سفرینه کلنجیه قدر مجموع علوفه نک مقدار سنویسی تقریباً
اون اون ایکیک کیسه راده لرنده دوران ایده کلکده ایکن فصل اتی
اواننده بر مقدار دهیا تزايد ایدرک نهایت الغابی و قتلرنده یکر می بیک
کیسه یه طوغری بالغ اولشدر صورت تقسیمی حقنده معلومات اجمالیه
حاصل اولق ایچون بیک ایکوز یکر می سنده سی مصر و واجبنده اغلا
اولنان مبالغک صورت توزیع و تقسیمی متضمن در دست ایدی لان بر قطعه
دفتر عیناً ترقیم قلندی

❖ دفتر اجمال مواجب دراستانه علیه درقسط واحد ❖

کسبه دیوانی

یکچریان درگاه عالی	۱۹۹۶
ابنای سپاهیان	۰۳۳۴
ابنای سلهداران	۰۳۰۸
علوفجیان یمین و یسار و غربای یمین و یسار	۰۰۵۸
جبه جیان	۰۲۷۱

۲۹۶۷

طوپجیان	۰۴۵۲
عربجیان	۰۱۷۹
خبره جیان	۰۰۳۰
لغمجیان	۰۰۰۵
خدام ترسانه عامره	۰۰۱۳

۳۶۴۶

لوندات قالیون ها	۰۰۲۳
اندرون همایون اغاری	۰۰۲۴
اغایان متقاعدین	۰۰۰۱
مشاهره خواران	۰۰۳۱
چاوشان دیوان عالی	۰۰۱۴

۳۷۳۹

یو ابان سرای همایون	۰۰۱۰
خدام مطبخ عامره	۰۰۰۸
خدام اصطبل عامره	۰۰۱۳
یوستانیان خاصه	۰۰۴۰
یوستانیان بغچه ادرنه	۰۰۱۱

۳۸۲۱

نقل یكون	۳۸۲۱
تبرداران	۰۰۰۴
مهتران خیم خاصه	۰۰۰۹
طبل و علم	۰۰۰۳
اهل حرف خاصه	۰۰۰۱
خیاطین خاصه	۰۰۰۱
	<hr/> ۳۸۳۹
پیکان خاصه	۰۰۰۴
خزینہ داران بیرون	۰۰۰۱
اطبای خاصه	۰۰۰۱
شرفا	۰۰۰۵
	<hr/> ۳۸۵۰

کیسه رومی التمش بیک اقیچه اولدیغندن تمام بشیوز غروش ایدر ایسه ده
کیسه دیوانی الی بیک اقیچه ایدوکنندن درتیوز اون الی غروش کسور
پاره ایدر بناء علیه عصر من حسابنه کوره بالاده محرر مبالغ تقریباً یکرمی
بر بیک کیسه یه بالغ اولور

علوفه چیقہ جنی کون عقد دیوان اولنوب صدر اعظم وارکان دولت
قبه التندہ حاضر و پادشاه عالم دخی نشینکا، معلومدن ناظر اولوب هر
اوجاغک علوفه مقیده سی مشین کیسه لر ایچنده اولدیغی حالده بشقه بشقه
ایرلدقدن ماعدا یکچیری اوجاغک هر اورتہ سنه ویریلہ جک کیسه لر
دخی تفریق اولنور قره قولل تجیلر یکچیریلک دعواسنده بولنان جمال
واصناف مقولدرندن صاحب یال و بال اولان برایکی بیک کشی بی اخشامدن
قشلہ لر، جمع و اطعام و اکسا ایدوب ایرتسی کونی هر اورتہ نک نفراتی
ضابطلریله طاقم طاقم سرای همایونده واقع اورتہ قیویه کلوب طور لر
مطبخ عامرہ دن مقدار کفایه چوربا و پلا و وزرده حاضرانوب باب السعاده
پیشکاهنه وضع و قبه التندہ بولنان قول کتخدانی وقت معینی حلولنده
لابس اولدیغی اونیفورمه نک انکیله اشارت ایلدکده اورتہ قیوده منتظر
اولان یکچیریلر شتاب تام ایله یکیردوب اطعمه مذکورہ بی اخذ و ساحه

سرای همایونده اکل ایدر لر و در حال ذبح قرابین اولنور زیرا بعض
مطالب اظهار یله اطعمه بی المدقاری وقوع و لمشد

مصلحت طعام قرین ختام اولدقدن صکره بنه جله نفرات اورته قیویه
چکیلوب طور لر بعده ضابطانندن مأمور مخصوص بلند اواز ایله برنجینک
اغایلو کی دیو چاغردقده در حال اوبلوکک نقراتی سکر دوب کیسه لری
در دوش ایدرک قشله لر بنه کوتورور لر صره سیله ایکنجی و اوچنجی تا
اتمش در دنجی به قدر دعوت و اعطای علوفه اولنوب التمش بشنجی به
کدکده دعوت اجابت ظاهر اولماغله اوچ کره تکرار اولنور اوچنجی
دفعه ده یوقدر دیو جواب ویر ایدکده چاغیران ضابط طرفدن یوق اولسون
دینلوب التمش التنجی به کچر و بو وجهله اتمام توزیعات اولنور خلق
بندنه مشهور اولدیغنه کوره شهزاد کاندن بریسی التمش بشنجی بلوکک
قشله بنه فرار ایتدکده خجایه ایتیوب تسلیم ایلدکر ندن شهزاده اعدام
اولمش و بعده بلوک دخی سرحداته نفی قیلنوب قشله سی قیادیش اولغله
بو وجهله تذکیر و قعه اولنور ایمش بو خصوصه دایر تاربخلرده برروایته
تصادف اولنماش ایسه ده سلطان محمد ثالث اعدام ایلدیکی شهزاده سی
سلطان محمودک واقعه سی بوماده یه منشأ اولدیغی بعض سیاق و سباق
قرینه سیله استدلال قلنور

قشله لرده سری فرشیله نفراته و نفرات نامنه اولان ایرادجیلره توزیع
مبالغ اولندیغی صرمده طاس پاره سی نامیه یوزده اوچ بش غروش اخذ
واورته صند یغنه وضع ایدر لر که دیوی دیمکدر اورته بر محله مأمور اولور
ایسه اوزمات راهلرینی و قشله لرینک تزییناتی و ضابطانک کش جبر استارینی
وایام رسمیده نفراته لباس ایلدکری البسه بی بو پاره لر ایله تنظیم و تسویه
ایلر لر پادشاهان عظام حضراتی برنجی بلو که منسوب و اورادن علوفه
خوار اولملریله اخراج موجب قلندیغنک ایرتسی کونی یکچیری اغاسی
قیافنده وقرنادخی حربه جی هیئته اوله رق تبدیلا برنجینک قشله بنه
عزیمت و دائرة مخصوصه بنه که شهزاده باشنده واقع عثمان بابا تربه سنک
اوستی ایمش اوراده بر مقیدار استراحت ایدوب علوفه معینه سی رسم
معهود اوزره ایفا و استیفا اولنور

سپاه و سلحدار و علوفچیان عین و یسار و غربای عین و یسار او جاقدریکه
 علوفه یومیه ایله موظف اولان جیوش عثمانیه نك سوار یسه بی اولوب
 علی طریق التغلب جمله سینه درگاه عالی سپاهیله دینلور و ایالات
 عسکری اولان تیمارلوسپاهیسنك غیریدر بونلرک علوفه لری باب عالیده
 واقع دیوان یرنده صدر اعظم و دفتر دار افندی و سایر ارکان دیوان
 و مذکور او جاقدرک اغا و کاتب و چاوشلری حاضر اولدیغی حالده
 سری فرشیله ایکی اوچ کون اعطا اولوب بقیه سی اغارینك قوناقلرینه
 نقل و اوراده توزیع قلنور و تاریخلرده دور واقع اولدی و صدر اعظمه
 خط همایون و کورک و خنجر کلدی دیو محرر اولان ماده بودر یعنی
 عساکر دولتك علوفه سی تماماً اعطا اولدیغندن ناشی صدر اعظم نائل
 تشریفات اولور طوپیچی جبهه جی خیره جی قالیونجی بوستانجی
 و سایر او جاقدر نفراتنك علوفه لری طوبدن اعطا اولمغله قشله لرنده
 تقسیم و توزیع ایدرلر

سپاه طائفه سی فی الاصل سرای همایونلرده تریه کورد کدن صکره بلوکلره
 چراغ اولنه کلش و بوجهته هر ارب عسکر یه نك برنجی درجه سنده
 بولمشیکن فصول سابقه ده بیان اولنان اسباب ایله نظام و انتظاملرینه
 خلل کلدیکندن مجاسر اولدقلری طغیان و عصیانلرندن ناشی نظر
 اعتباردن اسقاط اولندقلرینه و ذاتاً قشله و قره غولخانه لری بولماق
 حسبیه وقت حضرده اصلاً خدمتلی اولدیغنه بناء یکچیری او جاغندن
 زیاده مختل و پریشان و علوفه لری ایرادجیاره منتقل اولمغله استانبولده
 بش اون سپاه چاوشی و او جاق کتخداری مثلاً ضابطلرندن غیره کسه
 کورلر ایدی حتی علوفه اعطای اولنور ایکن تدارک ایده بلدکاری
 شرمه قلیله یدأید اخذ علوفه ایدوب ایرتسی کونی تبدیل جامه ایله
 ینه کلورلر و قصورلرینك اسامیسی او قوندقه چاوشلری مرد غریب
 دیو جواب و یروب کویا غربته ده بولندیغنی افاده ایلرلر ایدی

طوپیچی و جبهه جی و خیره جی و لغمنجی او جاقدرینك طوپلری و عربلری
 سیلوب و سپورمک و حاجا تعلیم اینلک مثلاً وقت حضرده دخی خدمتلی
 و قشله لری جوارنده اولان و حدود معینه لری داخلنده بوانان محملرک

محافظه سنه مأموریتلری و متعدد قره غولخانه لری اولغله و بونلرک ایچینده اصناف وار ایسه ده وقت معینده خدمتی باشنده بولمغله مجبور یترندن ناشی علوفه لری ایرادجیلره انتقال ایلماسکله یکچریلره نسبتله حال انتظامده ایدیلر باخصوص عصر محمودخان اولده طوپیچی باشلیق خدمتده بولنان اوروپالو مهتدی احمد پاشا اولوقته کوره بو او جاقلری تنظیم ایدوب حتی بوسنه اهالیسندن اولق شرطیله یوزر کشیدن عبارت اوچ بلوک خبره چی ترتیب ایدوب هر بلوکه بر یوز باشی وایکی الی باشی واون نفر اون باشی تخصیص ووظائف یومیه وخدمات لازمهلرینی و قدیماً خبره جیلره مخصوص اولان زعات و تیارلر محمول اولدقه بونلرک امکداراننه ویرلسنی تنصیص ایلشدر

ابتدای احداثدنبرو دولت علیه نك دوتماسی چکدیری تعبیر اولنور و کورک ایله یوزور سفن متوعه دن عبارت ایکن کرید سفرلری هنکامنده یلکن ایله یوریمکده اولان قالیونلر ایجاد اولنوب لیکن لایقیله استعمالنی بیلور صلاح یتشدر یله مدیکندن چوقلق فائده لری کورلماسنه مبنی فاضل احمد پاشا صدارتنده رفع و الغا و قدیماً اوله کلیدی وجهله ترسانه عامر ده و جزیره لر میرلوالری معینده قرق عدد امرای دریا چکدیریلری ترتیب قلمشیدی قره مصطفی پاشا ویانه سفرینه حرکت ایتک اوزره ایکن مؤخرأ وندیکلرک اوزرینه هجومی دخی تصمیم ایلدیکندن مجدداً الی قطعه قالیون انشاسنه تشبث ایلوب ویانه سفری ایسه له ووندیک وروسیه لولرک انضمامیله جسامت واون بش سنه قدر امتداد کسب ایلمسیله قالیونلرک تکثیری ایجاب ایلدی و شهید علی پاشانک موره سفرنده دخی استعمال اولنوب بالدفعات وندکلوره غلبه چالندی

بوندن صکره قالیونلر انشاسنه مداومت اولندی ایسه ده بیک یوز اوتوز تارینخندن سکسان ایکی سنه سنده واقع اولان مسقو سفرینه قدر الی سنه دن متجاوز محاربه بحریه واقع اولمغله قیودان پاشا هر سنه دوتنای همایون ایله اطهاره سنده کزینوب درجه انصافلرینه کوره جزائر و سواحل خلقنی تجریم ایدرک عودت ایدرلر و بر قایچ خرسز کیسی طوته بیلورلر ایسه فتوحات بحریه دن عد اولنور ایدی

مواجب دفترنده محرر ترسانه خلقنك اوتوز التي كيسه علوفه لری عصر من
 حسابنه كوره شهریه قرق يك غروش راده لرنده اولوب ما وضع لهنه
 نسبتله جزئیاتدن كورندیکنه مبنی بوباده تفصیلات ویرلك لازم گمشدر
 اول ترسانه عمله سنك اجاره نامیه معروف اولان اجرتلری وامرا
 و قیودانلرك و سائر مضابطان سفن حربیه نك سالیه و مخصوصات تعیینیه لری
 ترسانه خزینه سندن اعطا اولنور ایدی ثانیاً فصول سابقه ده بیان
 اولندیخی اوزره مسلم و یورك نامیه اناتولی و روم ایلیده الی يك قدر
 آدم اولوب بونلره جانب دولتدن برر چفتلك یعنی سگسان یوزر دوغ
 اراضی اعطا قلمش وزراعتلرینك اعشار شرعیه سی دخی بدل خدمت
 اوله رق کندیلرینه ترك یعنی تعبیر اخرله عشردن معاف و مسلم طوتمش
 اولدقلرندن سفر لر وقوعنده نوبت ایله بشده بری یعنی اون بیکی سفره
 کیدوب تسویه طریق و حفر خندق کبی ایشلری رؤیت ایدرلر ایکن مؤخرأ
 بونلرك خدمت اصلیه لری ترك و الغا و کندیولری دریا قلنه الحاق قلنه رق
 هر سنه بشده بری دوغمای همایوند، ایفای خدمت ایتکه مأمور ایدلشلر
 ایسه ده سائر صنوف عسکر یه کبی بونلرك دخی احوال لری تغیر ایدرلر
 عادتاً زراع اهالیدن فرقلری و اجرای خدمات عسکر یه قابیلری
 قالدیغندن و بتلیلرندن هر ییل برر بدل النوب ترسانه خزینه سنه ایراد
 قید اولنق و سواحل ممالکده قالیونجی بیراقلری اچیلوب جمع اولنان
 سکر اون يك کشی روز خضرده کیره ادخال و اقدکزه اخراج اولنوب
 روز قاسمه کیلر ترسانه یه کتورلك و بیراق عسکر یه رخصت ویرلك
 اصول اتخاذ قلندی بناء علیه علوفه مسطوره کدکلی قالیونجی دیلان
 و دائماً ترسانه عامر ده موجود بولنان یلکنجی و طوپچی اوسته لری
 و پاشا چاوشی و ترسانه باش اغاسی چاوشلری مثلاً و يك قدر آدمک
 علوفه لری ایدی اوانلده طوپ استعمالی پک ایلروله ماش اولدیغندن
 محاربات بحریه ده برایکی نوبت طوپ اتلقدنصکره دشمن کیلرینه
 صاریلوب رانه یعنی اقدارمه اولنق جاری اولغله دوغمايه وضع اولنه
 کلان كرك یکجیری و كرك یه اوجه دن اولان بیراق عسکر لری اولدقجه
 ایشه یرایه کدک لری حالده مؤخرأ اسلحه ناریه استعمالی کسب وسعت

ایلدیکنه و بیراق عسکرلری ایسه فن دریا و طوپ استعمالندن و تعلیم
و تعلدن بی بهره ایدوکارینه مبنی تیمور الحق و طوپ صالحه ایملک مثلاًو
خدمات جمالیه دن بشقه برایشه پراهنلر ایدی ایشته بوسبیلرله چشمه
لیمانده زوسیه لولر برقالیونه اتش القا ایلدکارنده بالجمله کیمیلرده بولنان
عسکر دکره دو کیلوب ساحله جان اتدیلر و دوتنای همایون کاملاً محترق
اولدی

شمعدانی زاده تاریخنده در که مصر و سائر ممالک محروسه ساحلرینه ایشلر بر
طاق سفن تجاریه وار ایدیکه بونلرک قیودان و طائفه لری کرک رسمندن معاف
اولوب محاربات بحریه واقع اولدقجه دوتنای همایونده ایفای خدمت
حریه ایله مکلف ایدیلر عصر محمود خان اولده کرکچی بولنان اسحاق
اغا بونلرک معافیتنی الفا ایتدیر مکله دوتنای همایونک ابروی حکمنده
بولنان و سیر دریاچه مهارتلری اولان بر ایکبیک کشینک انقراضنه
سبب و بروجده محرر الی سنه قدر محاربه بحریه نک عدم وقوعندن ناشی
کرک ضابطان و کرک نفرات بحریه نک الفت حریه لری مندرس اولمسیله
چشمه وقعه مؤلده سی حادث و دولت علیه نک تزايد اضطرارنه باعث
اولدی دیواظهار حیف و تأسف ایدر

سرای و قصر همایونلر بوستانبیلری خدمت مخصوصه لریله برابر کیدرک
بر نوع عسکری اوجاغی هیئته کیرمکله سرای همایونک و داود پاشا
ورامی چفتلیکی و کاغد خانه و فنار بغمچه سی و قواق سرایی حوالیلرینک
و عموماً بوغاز ایچنک ضابطه و خراسانی بوستانبی باشی بولنانلره محول
اولدیفندن مواقع مذکوره ایله چنکل کویند، و کوچک صو و چبوقلی
ویوک دره و بالطه لیانی و قوری چشمه مثلاًو یرلرده برر بوستانبی اوجاغی
و برر اوسته و مقدار کافی نفرات و ارایدی بوستانبی باشیلریالی کوشکنده
واقع دائره مخصوصه سند، اقامت و ایام رسمیه ده ذات شاهانه نک بندیکی
قایقک دوشنی قوللائق ایله تمیز ایدوب کیجه و کوندز ایجاب ایتدکجه
جسیم صندالر ایله حوزة اداره سنی کشت و کذار ایدر ایدی سرای
همایونده اوچ درت یوز بوستانبی اولدیغی مثلاًو ذکر اولنان مواقعه،
دخی براوقدر ضابطان و نفرات بولمغله موجب دفترند، محرر اولان

علوفه بونلرک مخصوصاتی اولوب مع مافیه ملازم صورتنده اوجاغه یازلمش
ایکی اوچبیک کشی وار ایدیکه قایقچیلق و بقیچوانلق کبی کار و صنعتلر ایله
مشغول ایسه ندرده اقتضاسی حالد، در عقب منسوب اولدقلری محللرده
مجمع اولورلر ایدی

موجب دفترنده اوج کیسه اقیچه ایله مقید اولان خدمه طبل و علم
سکسان یوز کشیدن متجاوز اولوب مبلغ مزبورلک ایسه حساب عصره
کوره شهریه سی اوچبیک غروش رادلرنده اولغله بو قدر ادمک اول
مقدار وظیفه ایله تعیشی ممکن اوله مییه جغی بدیهی ایسه ده بیرام کونلرنده
وولادت همایونلرده و توجیهاتلر وقوعنده ضرب طبل مسرت ایدرک ذات
شاهانه طرفندن ووزرا و وکلا و خواجکان دیون همایوان جانبازندن
عطایای معتاده اخذ ایده کملر یله بونلردن مبالغ و فیریه دسترس اولورلر
ایدی

سرحدات، و بلاد جمعیته بولسان و یرلی قولی تعبیر اولسان یکچیری
اوجاقلری فی الاصل عساکر منتظمه و موظفه دن معدود ایکن هرور
زمان بونلرک دخی نظام و انتظاملرینی پریشان ایتکله علوفه لری
قارشولخی اولان اوجاقلری و معینات مرتبه لری متفذان مملکت و ضابطان
نامنه اولان متغلبه لره ماکل اولدی و ممالک محروسه نک هر طرفنده یازولری
وبالذیلری نشانلر ایله مملو حد و حساب به کلز یکچیری موجود ایسه ده
بونلر وظیفه معینه و تربیه عسکر یه دن عاری برطاق عارسزدن و بروجه
سربستی چاپقلق ایتک ارزوسنده بولسان بالذیری چبلاقلردن عبارت
اولدیغی مثلاًو سرحداتک احوالی نوعاً دیگر لرندن اهنجه و ضابطانی
و بعض مرتبه نفراتی یکچیری اوجاغی طرفندن نصب و ارسال قلنور
ایسه ده شام و حلب و بروسه و کوتاهیه مثلاًو محللرک یرلی اغاقلری و بعض
قلاغ دزدار قلری سرای همایونده افنای عمر ایدوب تقاعده کسب
استحقاق ایدن بیر و عمل مانده اغواته چراقلق اوله رق توجیه اولنور ایدی
ارتق نفرات و انضباطک درجه سی بوندن استدلال اولسون ایشته
بو مثلاًو عسکر دن هر سنه قالیونجی بیر اقلری اچلدیغی کبی سفر لر ظهورنده
طور ناجی باشی و سردن کدی اغاری مثلاًو ضابطان عسکر یه طرف

طرف مباشر تعیین اوله رق و فتاوا ای شریفه و فضائل جهادی مبین
ایات و احادیث جلیله ایله معنون فرمانلر اصدار قلنه رق یکچیری بیراقلری
اچیلور و تجمع ایدن عساکر اسلامیه طاقم طاقم اردوی همایونلره سوق
قلنور ایدی

بیک تاریخلرینه کلنجیه قدر سلطنت سنیه ارباب زعامت و تیمار و بونلرک
جبه لولری اوله رق ات واسطه سی مکمل و فن فرس رانیده ماهر سکسان
یوز بیک سوارییه مالک ایکن بوقوت دخی عددجه ربعی و ایشه یرامق
اعتباریله عشری درجه سنه تنزل ایلدی و بو تنزلک اسبابی مشوع
اولوب برنجیسی جسم و نمادار زعامت و تیمارلر محلول اولدقجه جانب میریدن
منبطا و انهرق مقاطعات میریه سارکنه ادخال قلنمیدر ایکنجیسی برطاقم زعامت
و تیمارلر سرای همایون اغشواتنه چراقلق اوله رق توجیه اولنق و صدر
اعظام و عظمای دولتک کندو خدمتکارلرینه او مثالو اصحاب سیفه مخصوص
اولان دیرلکری احسان ایده بیلک قاعده سنک حدوئیدر چونکه قیود
خاقانیده توقیعی قللریله تصحیح اولنش پک چوق قید کورلمکده در که فلان
ذاتک عهده سنده بولنان فلانجه زعامتک مقاطعاته تحویلی التماس اولنوب
هر نقدر بو مثالو دیرلکلرک مقاطعه یه تبدیلی اصحاب سیفک تناقصنی موجب
اوله جغی جهتله ممنوعیت قویه تحتیده ایسه ده مومی الیه امکدار دولت
و شایان عاطفت ایدو کندن امثال اولماق اوزره اسعاف مسئولی خصوصنه
بالاستیدان اراده سنیه صادر اولدی و بو وجهله تصحیح قلندی دیو محرر
و بعضیلرنده دخی فلانجه و فلانجه تیماربی حاصل اولوب در عهده سنه
طالب بولندیفندن مقاطعه یه بالتحویل صدر اعظم و یاقائم مقام باشا سلطه داری
ویاهر داری فلانجه یه احسان بیورلسنه بالاستیدان اراده سنیه تعلق
ایلدی دیو مسطوردر اوچنجیسی برتیمار و یازعامت محلول اولدقده
ولایه والای بکاری استحقاقه نظر ایتیوب هر کیم زیاده رشوت و بررایسه
اکا عرض ایدرلر و توجیه ایتدیرلر ایدی در دنجیسی سپید تیماری
نامیله برطاقم تیمار وار ایدیکه کوبانغلب ادوار ایله بونلرک نملری پک زیاده
تناقص ایلایکندن کیمسه طالب اولماغله براتی سپیده قونلش دیمک معناسنه
اولوب حالبو که بونلرک ایچنده حاصلاتلی و بش اون طالبلی تیمارلر اولدیغی

حالده ولاة والای بکرینه ماکل اولق ایچون سید تیماری دنیاش و بعضی سینه
اسم بی مسما اوله رق برات دخی تنظیم ایتدیر لشدیر بشنجیسی ارباب
زعامت و تیمارک بر جانبه مأموریتلری ظهورنده ولاة والای بکری بونلرک
اغنیاسندن پاره لر الهرق بر عذر واهی اسناد ایدوب ضعفاسنی سفر
کوتورملیدر ایشته بوسبیلر معلم و منتظم بیولک بر سواری قوتنک
سکته دار اولسنی مستلزم اولدی و فصول سابقه ده بیان اولدیغی اوزره
بونلره ذاتاً جانب دولتدن نه علوفه و نه ده تعین ویرلمدیکندن و بروجده
محرر اردولره کلان زعما و ارباب تیمار ضعفافقرا کر و هی اولدیغندن بیچاره لر
رجان و کبار دایره لرنده ساسایسلاک کبی خدمات سفیله بی اختیاره مضطر
اولورلر ایدی

صنوف جیوش عثمانیه غبطه فرمای ملوک اعصار ایکن درجه درجه
بالاده بیان اولنان صور غیر منتظمیه منقلب اولسیله برابر سلطنت
سنیه نک ابتدای ظهور ندنبرو غیر مسبوق اوله رق اوتوز سنه قدر محاربه
دولیه منقطع اولدیغندن احوال سفریه ایله عسکرک الفتی منقرض
اولدیغی حالده بیک یوز سکسان ایکی سنه سننده روسیه سفری ظهور
ایلدی و موکب همایوند، و سر عسکرلر و محافظلر معیتند، بلا مبالغه
اوچ یوز بیک قدر آدم تجمع ایتدی لیکن نه چاره که نظام و انضباطدن
حاصله مند اولدقلرندن شجاعت مادر زادلری منتج فائده اوله میوب مؤسم
حریفک دخولی زمانلرند، مأذوناً و غیر مأذوناً مملکتلرینه عودته مضطر
اولملریله سفرک ایلاک سنه سی اخرند، خونین قلعه سی ایکیوز نفر مسقو لویه
ترک قلنق عاری اختیار اولندی

قهوه خانه عقلاسی بدنده بزم عسکری ایاغی طوزیله جنکه سورمک
لازمدر زیرا دشمن بوندن بغایت توحش ایده کلدیکندن مکالمات ایله امرار
وقت ایتک و بالضروره عسکره فتور کلوب طاغلدقین صکره هجوم
ایلاک قاعده حيله کاریسیدر دیو دوران ایدن مالا یعنی سرای اغارینه
واحوال حریره دن بنجر متفذان عصره مدار اقدام و حرکت اولغله
سفرک ایکنجی سنه سی اول صیفنده اردوی همایون هیئت مجتمعه سیله
طونه بی کجوب قرتال صحراسنده دشمن ایله ایدی التقابل انهرام فاحش ایله

منهزم اولدیغندن بویله عسکر ایله مسقوه غلبه ممکن اوله میه جغی کاردانان
دولته معلوم اولدی و میربلو نامیله یعنی ایلقله ارنودلقدن و قیرجه لیلردن
وانا طولیدن جمع و جلب اولنان نفرات عادتاً نفیر عام حکمنده اولدیغندن
اصلاً ایشه یرامیه جقلری تبین ایلدی بناء علیه موکب همایون ارکانی
عسا کر موظفه او جاقلرینک اصلاح احوالیه عسا کر منتظمه هیئته
کتورلیکدن بشقه جاره اولدیغنی درپیش ملاحظه ایدرلر ایدیسده
انشاء الله تعالی فصل اتیده ایراد اولنه جغی و جهله بوماده سلطان احمد
خان ثالث زماندنبرو منوی صمیر دولت اولدیغنی حالده موقع اجرا به
کتوریه میوب سفر اثناسنده ایسه برو جهله قابل اوله میه جغی درکار
ایدو کندن چار ناچار الده بولنان عسکر ایله اداره امور ایدرک نهایت
قینارجه مصالحه سنی نتیجه ویردی انا طولی وروم ایلیدن بیراق بیراق
وارد اولان جیوش اسلامیه موکب همایونده تجمع و تکثر ایندکجه اون
اون بشر اقچه علوفه ایله سر عسکر لر معینه اوچر بشر بیک دال قلیج
یازیلوب کوندریلور و بش اون کونصرکه بوزیلوب کلورلر وینه دیگر
محله دال قلیج یازیلورلر ایدیکه برسنده برآدمک ایکی اوچ کره دال قلیج
یازیلوب علوقه یومیه نائل اولدیغنی واقع اولمشدر بویله دال قلیج
یازیلورق و یاخود برقلعه محافظه سنه مأمور اوله رق علوفه یومیه تخصیص
اولنان نفراته ممهور تعبیر اولنور برر کاغد ویرلر ایدیکه علوفه نک
سندیدر اردوده بو کاغدلری اشترا ایدر کارجیلری اولغله بهر اقچه سنی
طوتدیره بلدیکنه یعنی سکرز اونر اون بشر غروشه صائون الوب
ایرادجیلره بیع ایدرلر ایدی مع مافیه شوراسیدخی معلوم اولمیدر که
سفر خصوصنده اولان انقطاع الفت یا لکن طوائف عسکریه به منحصر
اولیوب تدارکات حربیه و اعمال عسکریه ده ارکان دولته دخی عجمیلک
طاری اولدیغنی جهته عسکرک کثرتی التزامله برابر مقتضی اولان ذخائر
و مهماتی کاینغی تدارک ایلدکلرندن همان بر ایکی آی ظرفنده ذخیره
قلتی حادث اولدی و قلعه لده بولنان اسکی و کوفلمش حبوبانی توزیع
ایتمکه مجبور اولدیلر بوندن و نظافته دقت اولنه مدیغندن درلو
علل ساریه ظهور ایتمسبله و یاره لو و خسته لر ایچون لزومی درجه ده

خسته خانه و اطبا استحضار اولنماق حسبيله شهدای حربیه نك برقاچ مثلی
آدم باقسزلقدن تئف اولدی بناء علی ذلک هر سینه مقتضای احکام
اسلامیه و مبتغای غیرت ملیه ایله کلیتو عسکر تجمع ایدر ایدیه ده اوائل
صیفده برایش کوریله یلور ایسه کوریلوب اسباب مسروده دنناشی برقاچ
ای هرورنده عودته مجبور و مضطر اولورلر ایدی واشبوروسیه سفرنده
قلعه محاصره سی موهوم و میدان محاربه لری واقع اوله جغی مقتضای حال
و موقع ایکن صحر اطوپلرندن زیاده جسیم طوپلر کوتوروب بیهوده اختیار
کلفت و مشقت و بالاخره دشمنه ترک ایله عدم و قوفلرینی اثبات ایلدیلر
❁ احوال مالیه ❁

ویانه انهرامندن صکره و نیک وله و روسیه دولتری نیجه لولر ایله بالاتفاق
اعلان حرب ایللرینه مبنی محاربه کسب جسامت و تشعب ایدرک اون
بش سینه قدر دخی امتداد ایلمسیله هر ییل یکر میشر او توزر بیک عسکر
یازلق لازم کلدیکندن بونلرک علوفه لری و مصارفات سائر حربه خزینه
دولتی افنا ایلمکله درلو درلو ویرکولر ایجاد و احداث اولدیغندن ماعدا
رزوسیه متعلق خزینه دولته بولنان و وکلا و اغنیاده اولان اشیا برقاچ
کره علی طریق الاعانه جمع اولنه رق سکه ضرب اولندی و عصر سلیمان
خان ثابنده برقیه باقردن سکر یوز منقر قطع ایتدیریلوب اولاهراوجی
براقچه یه و مؤخرأ ایکسی براقچه یه رایج ایله تداوله چیقارلدی لکن
کیدرک باقر چوغالمله اعتباردن ساقط اولوب تجار و اهالی بو یوزدن پک
متضرر اولدیغندن طبیعتیه رفع و الغا و بونک مرتب و مؤسسی اولان
صاحب عیار فرنک مصطفی مصادره و اعدام قلندی کوپرلی زاده صدر
شهید فاضل مصطفی پاشا مرحوم بلا استحقاق علوفه عسکر یه دسترس
اولنلری تنقیح و مصارف زائد بی طی ایدوب اهالی بلاد اسلامیه یه
موجب پریشانی اولان تکلیفات طیمه بی ابطال و الغا ایش و مصالح
خزینه بی انتظام صحیح تحت المشیکن شهادتی وقوعندن صکره خلفلری
کافی السابق تجدید مظالم ایتدکدن بشقه زمان عفو و الغایه عائد اولان
ویرکوی میطله بی یله بقایادر دیهرک تحصیل قیام ایلدیلر سلطان مصطفی
خان ثانینک طبیعتی مصادره طرفه مائل اولدیغندن وزرای سالفه توابع

و منتسبباندن شهرت ثروتله مشهور اولنلری و حتی بر قایح سنه مقدم دارالسعاده
اغالغندن و خزینه دارلقدن چراغ و متقاعدأ مصره اعزام قلنان اغارک
زنکیلرینی بیله مصساده ایدرک امور سفریهیه صرف ایلدی هر نه حال
ایسه بیک یوز اون سنه سنده عقد معاهده اولنه رق مصارف فوق العاده
حریه منقطع اولدیغندن و مره بعد اخری ذکر اولندیغنی اوزره دولتک
مصارفات جسمیه سی اولق لازم کلان وزرا و امر او مأمورین و سواری
عسکری و قلاع و سرحدات نفراتی معاشلری تیمار و زعامت و او جاقلق
و سائر تخصصات معینه لرندن هر تب اولوب خزینه دولتدن ویریلان
قبو قولی مواجبلی و بعض مصارفات متفرقه بالنسبه جزئیاتدن ایدو کندن
مضایقه مالیه در حال بر طرف اولدی بوندن صکره واقع اولان روسیه
و ونیک و نمجه سفر لری برر ایکیشر سنه ده من دفع اولدیغنه و ایران
محاریه لری دخی اور و پا سفر لری کی مصارفات کلیه یی مستلزم اولدیغنه
مبنی خزینه دولت کوندن کونه مالامال اولمغه باشلادی با خصوص داماد
ابراهیم پاشا عصرنده تقلیل و طائف عسکریه یه یک زیاده اعتنا قلمنمغه برابر
طر بزون حوالیسنده و اناطولینک سائر محارنده بولنان کمش معدنلری
فوق العاده ایشلکله منافع عظیمه حاصل اولور ایدی حتی نقلیه تکلفندن
قور تلق ایچون کمشخانه ده و روانده مسکوکات قطع ایتدیرلشدر

عصر مزبورک ثروته مقیاس اولق اوزره ایراد اولنور که ابراهیم پاشا
علی الدوام ذات شاهانه یه و حر مسرای سلطنت کبراسنه و قر نای پادشاهی به
نقود بیشمار و مجوهرات قیمتدار عرض و تقدیم اید، کلدیکی و نو شهر اسمیه
اعمار ایتدیکی مسقط رأسنده و استانبولده مصارفات عظیمه یی مستلزم ابذیه
خیریه انشا ایتدیردیکی و شعرا و ندما و مقربینه آوج آوج التون صاچوب
سفاهت اغورنده دخی مال بیکران خرج ایلدیکی حالده حین قتلنده ایکیک
درت یوز کیسه سی و کتخداسی بولنان محمد پاشا نهاب غیروهاب
اولدیغندن یکرمی اوچ بیک اوچ یوز طقوز کیسه لک مدخر و مدفون
نقدی چیقمش و اندرون همایون خزینه سنه وضع اولمشدر مبالغ مزبوره
استانبول التونی یوز اون پاره اولق حسابیه معتبر اولدیغندن شمیدیکی
حسابه کوره بر بچق ملیون ایرا درجه لرینه رسیده اولور برده اوائل

سلطنت محمود خان اولده نادر شاهك بفته بغدادی محاسره ایلدیکی خبری
استانبوله واصل اولدوقده تلاش عظیمی موجب اولدوق در حال مدافعه سی
ایچون ترتیب اولنان عسکر و مهماته صرف اولنق اوزره اندرون همایون
خزیننه سنه کذاک حساب عصره کوره بر دلیون لیرایه قریب مبالغ
اخراج لازم کلان سواقعه ارسال قلمشدر که بودخی وسعت خزیننه بر
دلیلدر

سلطان مصطفی خان ثالث حضر تلری غایت متصرف و جمیع نقوده
متهالك اولدیغندن واردات دولتک فضله سنی پیدرپی اندرون همایون
خزیننه سنه اله کلدکن بشقه سلاطین ماضیه دن قالمه زر و سیئه متعلق
خیلیجه اوانی سکه قطع ایتدیردیکی و حتی بعض کتب نفیسه بی بیله
ال لندن صا تیدرینخی مرویدر بناء علیه موجودی اوزرینه نقود و فیره
ضم و ادخار ایلش ایسده بالاخره روسیه سفیری اوغرند، صرف و استهلاك
ایلدی حاصل کلام بیك یوز اون نه سنه واقع اولان معاهدۀ عمومیه دن
تاسکسان ایکی سفرینه کلنجیه قدر خزینۀ دولته مضایقه مشاهده
اولنموب دائماً نقود کلیه ایله مالا مال ایدی

ایراد و مصرفک مفرداتی بحشنه کلنجه دولتک وارداتی مقاطعات میریه
اعشارندن و رسوعات متفرقه و جزیه شرعیه حاصلاتندن و مملکتین و مصر
و بغداد مثلاًو بعض محاکمک مقطوعات عینه و نقیده لرندن و مخلفات
ظهوراتندن عبارت اولغله یونارک تفصیلاتلری بروجہ اتی ایضاح
اولنور

فصول سابقه ده بیان اولندیغی اوزره خاص همایون ایچون تفریق اولنمش
برخیلی اراضی وار ایدیکه اعشاری جانب میریه عابد ایدی صکره لری
درجه درجه وزرا و امرا خاصلری رفع و الغا و خواص همایونه الحاق
اولندیغی کبی نماوجه زعامت و تیارلر دخی محلول اولدوقجه اخره توجیه
اولنموب کذاک جانب میریدن ضبط و الزام اولنموشه باشلانق حسبیه
جمله سنه مقاطعات میریه اطلاق قلنور ایدی بووجهله مقاطعات میریه
کسب جسامت و کثرت ایتدکن بشقه وقت وقت بیوک شهر لرد، قنطاریه
وکیالیه و باج بازار و قره کرکلی و رسوم مسکرات مثلاًو برطاق رسومات

احداث اولمغله بونلر دخی مقاطعات میریه جمله سنه ادخال قلندی بیک
یوز اون تاریخنندن صکره جه اداره امور مالیه مأمورلرندن بعضیاری
ملترملر بومقاطعاتی برتهایت ایکی سنه لك اوله رق درعهده اید کلدکلرندن
اعمارینه اعتنا ایلمیوب یالکز کندو زمانلری حاصلاتک ازدیادینه دقت
واهالی یه ظلم و اعتسافه جرأت اید یورلر بدلات معینه لری سنه بسنه
خزینیه تسلیم قلنق واول امرده بر مقدار معجمله دخی القنق اوزره قید
حیات شرطیه تفویض اولسنه هم اعمارمملکتی و همده تدنی مظالمی
موجب اولور دیو ایراد مطالعات ایلدکلرینه مبنی بوضورت قرین قبول
اولوب مقاطعات میریه نک بر جزئی اولو جهاله تفویض قلندی و بونلره
مالکانه مقاطعاتی نامی ویریلوب جانب میریه قلانلره کافی السابق مقاطعات
میریه دینلدی

مقاطعات میریه نک بعضیاری خزینه دن ملترملره و بعضیاری ولایه و میر
لوالره الزام اولندیخی مثلاً مالکانه مقاطعاتی اصحابک کیسی کندوسی
اداره ایدر و کیسی الزام ایلر ایدی بونلرک قلمیه تعبیر اولنان بدل
قدیملری غروش حسابی اوزرینه موضوع اولدیغندن کیدرک ترقیات فیئات
مسکوکات حسبیه جزئیات حکمند قالدیه بنی اصحابی منافع عظمیه و اصل
و محمولاتی بازا اید صاتیلوب سنوی خزینیه دخی خلیجه واردات حاصل
اولور ایدی اشبو مالکانه مقاطعاتی هم صاغل و همده ترقیدار اولدیغندن
و کوندن کونه کسب اعتبار ایلدیکلرندن رجال دولت و اغنیای ملت
کندولرینه و عیال و اولادلرینه بوندن ایراد پیدار ایدرلر و بعض ذی نفوذ
اولنلر اراده سنیه استحصا ل ایدرک و قفلرینه تخصیص ایلرلر ایدیکه
بوضورت انقطاع محمولاتی مستلزم و خزینة دولته مضر اولدیغندن او
مثلاً متفذانک اندارس نفوذلی هنکامنده هیئت اصلیه سنه ارجاع اولندیخی
دخی یک چوق واقع اولشدر

سلطان مصطفی خان ثالث حضر تلرینک اوائل سلطنتلرنده اسپهام ایجاد
اولندی شویله که استانبول کرکندن و یا خود واردات سائر دن مثلاً سنوی
بشر کیسه فائضلو یوز قلم سهم چیتار یلوب سکر را و نر سنه لکنه طابلرینه
و میریدن الاجقلو بولنان بعض بنا امینارینه توجیه و اعطا اولمغله اگرچه

قارشولخی اولان محل سنوی بش یوز کیسه فائض ویرر ایدی لکن بونک
بیع وشراسی مجاز اولدیغندن و فراغی وقوعنده برسنه لک فائضی خرج
فراغ اوله رق خزینۀ دولته و یرلک مشروط ایدو کندن بوخر جیدن
و واقع اولان محلولاتی معبیه سنه خزینۀ نک و یردیکی فائضدن چوق زیاده
واردات حاصل اولور ایدی اشبو اسهام مقاطعاتک برنوعی ایسه ده
قارشولغنک اداره سی ید دولته اولوق و هر قایچ غروش طوتر ایسه
طوتسون اصحاب اسهامه براتلرنده مقید اولان فائض سنوی اعطا قلمق
حسبیه مقاطعات مثلاًو تر قیدار اولدیغندن رجال و کبار و عتفدان غندنه
معتبر اولیوب اکثر یا بونی عجزۀ انسوان و ضعیفای ناس الورلر و بعض ایتامه
الیو یرلر ایدی فقط ایتام اسهامنک شره ط مخصوصه سی ایجابجه متصرفی

حین طفولیتند، فوت اولور ایسه ورثه سی محروم قالز ایدی
ممالک عثمانیه فتح اولند قجه متمکن اولان اهل ذمته جزیه تخصیص اولنوب
لکن هر یزده نسبت متساویه ده جاری اولدیغندن و دائماً فیأت مسکوکات
تنزل اید، کلدیکنندن جایجا و یریلان فتاوا ی شریفه موجبجه ضم اولنور
ایدی نهایت کو پر یلی زاده مصطفی پاشا صدارتند جزیه امورینک تنظیم
و تقریرینه تشبث اولنهرق اعلا و اوسط و ادنا اعتباریه اوچ درجه ترتیب
و کتب فقهیه ده مسطور اولان حکم شرعییه توفیقاً اعلا سی قرق سکر
واوسطی یکر می درت و ادناسی اون ایکی درهم کش اولوق اوزره
تخصیص اولنوب اول عصر ده شریفی تعبیر اولنان التون اون ایکی درهم
کشه مساوی ایدو کندن اعلا جزیه دن درت اوسطندن ایکی ادناسندن
بر التون المنق و ممالک محروسه نک هر بر ند، بو وجهله استیفا اولنق اوزره
نظامه ربط اولمشیدی بعض غوائل سببیه بو نظام یالکزن خطه مصریه ده
اجرا اولنه مامش اولدیغندن عصر محمود خان اولده دفتر امینی علی افندی
مأمور وارسال ایدیلهرک اوراد، دخی بالا جرا ایکی یوز قرق بیک عدد
جزیه اوراقی توزیع قلمشدر

انجق صکره لری اشبو جزیه و یر کوسی ینه فیئات مسکوکات حسابیه
جریان ایلدیکی جهته وقت وقت ضمیم و تنزیلات وقوعه بوله رق بیک
ایکوز تمش ایکی سنه سننده بدل عسکرییه تحویل اولندیغی زمانده

اعلامی التمش اوسطی او توز ادناسی اون بش غروش ایدی جزیه
ملل غیر مسلمه ذکورینک کافه سینه مخصوص برویر کو ایسه ده عموماً
مأمورین روحانیه وحد باوغه واصل اولیان صبیان مستثنای و خدمات
دولتد بولنش نیجه فاملیار و کارو کسبدن قالمش اختیارلر بروات همایون ووزرا
وامرا بیور ایدیلرله معفو اولدقلری مثلاً بعض جزیره و موافق مهمه
جزیره لری دخی مقطوعه مربوط و بعضیلری کلیاً معاف ایدیلر

هر قضایک جزیه اوراقی خزینة مالیه ده تنظیم و بو غجه لر ایچنه وضع
اولدق رق تهیه ر قلندقدن صکره جزیه دارلر، تسلیماً محالینه بالایصال
شهر محرم دخولند، محکمه ده مهری فک و برایکی ایده توزیع و جباایت
اولمق قانون موضوعی اقتضاسندن ایدو کندن محرم کلمینه جزیه
بو غجه سی اچیلر و وقت معینک خارجند، تبعه دن جزیه طلب قلنر ایدی
بعض اوراق و دفاتر من ایاسندن استفهام و بوایشلرد، بولنش اولان قردمای
مأموریندن استماع قلند یغنه نظراً جزیه حاصلاتی عصر من حسابنه کوره
تقریباً بر ملیون ایکوز بیک لیر اراده لرند و اولوب بو حسابنه باقلنجه ممالک
عثمانیه ده اون ایکی ملیون نفوس غیر مسلمه بولنسی و بونک نصفی اناثه و نصف
دیگرینک ثلثی دخی چو جق و معاف طاقنه چیقارلدیغی حالده درت
ملیون نفوسدن جزیه الله کلمسی استدلال اولنور مبالغ حاصله نک
اکثریسی سرحدات قلاعی مستحفظلرینک علولرینه و سائر بعض مصارفات
مهمه یه محول و بعضیلرندن دخی سهم ترتیب و فروخت قلنش اولغله
بونلردن فضله قلان مبالغ خزینة دولته کلور ایدی

مقطوعه هر بوط ایالتلر که تعبیر اخرله میریلو ایالات دنیلور و برنجیسی
مصر در بونک بالجمله حاصلاتی مصر خزینة سنده تجمع ایدرک بعده محل
صر فلرینه تقسیم و ارسال قلند کاشدر شویله که حضرت عمر رضی الله عنه
زماندنبر و حرمین اها ایسنه سنوی سگزیک اردب ذخیره مرتب و مخصوص
اولدیغندن و مؤخر اسلاطین عثمانیه حضرت اقی طر فلرندن دخی بر مقدار ذخیره
و نقود وقف و ضم ایدلش ایدو کندن اولا بونلر کوندر یلور ایدی
ثانیا کیلار همایونه عیناً ایصال اولان قهوه و شکر و برنج و سائر
مثلاً و مرتبات عینه دن بشقه التوز بیک التون ارساله تقدیم قلنق اصول

قدیمه اقتضاسندن اولوب عصر من حسابنه کوره التمشیک کیسه راده سنده
اولدیخی حالده صکره لری درلو درلو التونلر قطع اولنق ووزن
وعیارلرنجه دخی تغیرات جزیه واقع اولق حسبیه قیمت حقیقیه بر مقدار
تدنن ایدوب بعضاً دخی متغلبه امرأ اسباب متنوعه ايله عرض معذرت
ونقصان کوندرمه که مجاسرت ایدرلر ایدی ثالثاً مصرده بولنان یکچیری
وسواری بلوکلری نفرات وضا بطنانک علوفه معینلری اعطا ورابعا
والی ولایت ومصر ارباب مناصبتنک معینات ومخصصاتلری تسویه
اولنور ایدی ایکنجیسی بغداد اولوب بونک اداره سی دخی مصره
شبهه ایسه ده بعض ملحقیاتنک اراضیسی تیمار وزعات اوله رق طوائف
عسکریه یه مفوض ایدو کندن بالطبع وارداتی وطرف دولته تقدیم اولنان
ارسالیه سی مصره نسبتله دون ایدی بصره ایالتی قدیمه نبرو حاکملری
بولنان ابن علیان خاندانه توجیه اولنه کلمشیکن عصر محمد خان رابعده
مدرس اولغله جانب دولت علیه دن والی کوندرمه که باشلادی لکن کیدرک
حکومتیه ضعف طاری وعربانک عتو وطغیانن متری اوله رق اضعاف
ضعفت حکومت مقصدیه نهر شطنک سدلرینی تخریب وبو وجهله حکومتی
اضرار وتعجیر ایده کلدکلرندن یک چوق اراضی منبته معطل وجیادت
هوا عفونت ووخامته مبدل اولسنه مبنی بصره ایالتنک ثروت ومعموریتی
کوندن کونه زائل اولدی بناء علیه بصره ایالتی بعضاً بغداد والیلرینه
الحاقاً توجیه وبعضاً وزرا ومیرمیرانلره تفویض قلنور ایدی کذلک عربانک
تغلب وتسلطندن ناشی لحسا وقطیف طرفلرنده حکومت دولت بتون بتون
متزلزل اولدی چلدیر ایالتی بارتبه وزارت خانه ان قدیملرینه توجیه
اولنه کلدیکی مثالو وان وسائر کردستان جانب لرنده بولنان اکثر سنجاقلر
یوردلق واولجاقلق وجهله امرای اکراده مقوض اولوب بونلرک دخی
خزینة دولته واولحو الیه بولنان ولاته مقطوع ویرکولری وهدیة
معتاده لری وار ایدی

افلاق وبغدان امارتلرینک و دو بره ونندیک جمهوریتنک بدل جزیه نامیه ویرکوی
مقطوعلری اولوب قینارجه عهدنامه سندن صکره افلاق ویرکوسی التبور
اون طقوز کیسه ورکابه وعیدی نامیه و بودلرک تقدیمی معتاد اولان ویرکو

دخی ایکوز التمش کیسہ یہ وہ بغدادک ویرکوسی یوز اوتوز التی ورکایہ
وعیدہ سی ایکوز بش کیسہ یہ قطع اولمشدر دوبرہ وندیک جمهوریتنک
ویرکوی سنویسی یکر می بشبیک قرہ غروش یعنی اللی بیـک فیلوری
اولوب اوچ سنہدہ بر کرہ جمهور طرفندن کوندریلان مخصوص ایلمچی
واسطہ سیلہ و معتاد اولان تشریفاتک اجر اسیلہ دیوان همایوند، تقدیم
اولنور ایدی

حاصلات مخلفاتک مصادرات دخی بونک داخلندہ در فصول سابقہ
بیان اولندیغی اوزرہ اولدقچہ بر صورت معقولہدہ ایکن کیدرک سوء
استعمالاتہ منقلب اولمغله تفصیلاتی بمنہ تعالی فصل اتی تکملہ سنہدہ ایراد
ورفع والفساسی کیفیتیلہ منظومہ عدالت مستزاد قلمقی اوزرہ تأخیر
قلندی

دولتک باشلوجه وارداتی بالادہ محرر شیلر اولوب بعضیلری دخی
مصارفاتک بیانی صرہ سنہدہ اسطیر اولمقی لازم کلمکاه مصرف بخشہ
نقل کلام اولنوب دوائر سلطنتک برنجیسی دائرہ همایون اولدیغندن بروجه
اجمال توضیحہ غطف زمام قلندی اولاحرم همایون خلقی دائماً
حرمسرای سلطنتہ مقیم وشہرہ چیقوب کزملری کلیاً ممنوع اولدیغی
مثلاو اندرون اغاری دخی سلاملق ویش رسملندن بشقہ سرایدن
طشریہ چیقمدقلرینہ مبنی بالطبع مبتلای تلف و سرف اولمدقلرندن
اتبہ بیان اولنہ جق معیناتلریلہ تعیش ایدرلر و خزینہ همایوندن ایلق
نامیلہ هیچ کیسہ یہ پارہ ویرلز ایدی ثانیاً مطبخ عامرہ نکات واکمکی
تعیینات میریہ اداره سندن و پرنج و شکر و قہوہ مثلاو شیلرک اکثریسی مصروفلیہ
اوجاقلقلرندن مرتب اولمغله لوازمات سائرہ جزئیات حکمندہ اولوب حتی
بیانی صد دند، اولدیغمن تاریخلردن سکسان یوز سنہ صکرہ کہ اواخر عہد
محمود خان ثانیدر ترقی فیئات مسکوکات بش التی مثلنہ بالغ اولمشیکن
مطبخ امینی صالح پاشا مرحومک دفترلرینی کوردن شہریہ سی اللی التمش
بیک ورمضانلردہ سکسان طقسان بیک غروش درجہ لرنده مصارفاتی
متضمن ایدی

ثانیاً استانبول جوارندہ وچتالجدہ اصطبل عامریہ مربوط کلیتو

چارلز اولدیفندن بونلر دائره همایون حیواناته کفایت ایتدکن وبر
مقداری دخی رجال و کباره توزیع واحسان قلندقدن صکره فضله سی
ایجار والزام اولنور وحاصلات واقعه لری اصطلبل عامره مصارفاتی تسویه
ایدر ایدی رابعادات شاهانه و دارالسعاده اغاسی و سلحدار اغایله اندرون
رجالی تعبیر اولنان متخیرانه شام و حلب و مصر و بغداد مثلاًو محالرولاتی
طرفلرندن ات و شال و اقشه و قریم خانلری وارضروم و بوسنه و روم
ایلی والیلری جانبلرندن کورک و کوله و جاریه و سائرلری طرفندن دخی
مناسب هدایا تقدیم اولنور و بویکی شیلرک خارجدن مبیاعه سنه حاجت قالمز
ایدی باخصوص کرک اوروپا و کرک اسیا دولتلری طرفلرندن وارد اولان
ایلچیلر حکمدارلری جانبندن هدیه کتورمک عادات عصریه دن اولدیفندن
اقشه فرنکیه و کورک و مجوه راته متعلق پک ذی قیمت شیلر کلور ایدیکه
الان خزینه همایوند، بعضیلری موجوددر اندرون اغالریک مخصوص
اولان علوفه لری و قتيله مرتبه کفایه ده ایکن اچمه نك قیمت حقیقیه سی
تنزل اید، اید، جزئیات حکمنده قالمش ایسه ده صکره لری اغواتک اکثریسی
وزرا و کبار زاده لردن ترکیب اید کلدیکندن غنا و ثروتلرندن ضعیفاسی
دخی متمتع اولورلر و سرای همایوندن نائل مراتب اولان وزرا و کبرا
منشاء فیضاری اولان دائره لره معینات مقتضیه ترتیب ووقف ایتش
اولملریله بونلردن دخی استفاده ایدرلر ایدی

نظامات عسکریه مختل و دیوشرمه اصولی متروک اولدقدن صکره سرای
اغلرندن طوائف عسکریه او جاقلریک اغاقلرینه و یاخود نفراقی سلکینه
چیقمق قاعده سی دخی مقرض اولغله باب تفیض بز درجه یه قدر مسدود
اولوب فقط سلحدار و خزینه کتخداسی مثلاًو بعض اکابر اندرون نائل
وزارت و بعض ارباب علم و معارفدن بولنانلری دخی مدرسلک و خواجکانلق
و قیوجی باشلیق تو جیه یله بزابر چراغ اولور و حانلرینه مناسب خدمات
دولته استخدام قلنورلر ایدی اشبو اغلرندن سرای همایونجه و اصل
مراتب اولنلری استانبول و ادرنه و بر سده و اقم سلاطین عظام و وزرا
تولیت و کتابتلری و درجه ثانیه و ثانیته ده بولنان اغوات و سائر خدمه
مخصوصه پادشاهی طاهر برلی اغاقلری و بعض قلاع دزدانلاری

واصناف کتخدالقری و سرای همایون چراقلغنه مخصوص زعامت
و تیمارلر ایله علی مراتبهم حصه مند نعم تقاعدی اولورلر ایدی
عصر مزده جاری اولان بودجه قاعده سینه قیاساً مصارفات دولتک
ایکنجی قسمی داخلیه مصرفی اولوب انجق مقدمه تکمله ده بیان اولندیخی
اوزره کرک استانبولده و کرک طشره لرده بولنسان بالجه وزرا و علما
و مأمورینک معینات مخصوصه لری اولق حسبیه سلطنت سینه بولنره
معاش اعطاسندن مستغنی اولدیغندن ذکر اولنان مصارفات ابنیه میریه
تعمیراتندن و مأموریت مخصوصه ایله بعضی خدماته اعزام اولنسان
بندگانه و یریلان خرجرا اهلردن و اورو پا و اسیا حکمدارلری جانبندن
کلان ایلچیار ایچون عادت عصریه موجبجه اعطا اولنه کلان تعینات
مصارفاتندن و اسارتدن قورتلمش و یاخود برقلعه محافظه سنده اولوب
منصبی و ارداتی اخراجانه کسفات اید، میان وزرا و امرایه و در دولته
کلان بعضی سادات و علمایه و یریلان عطایای سینه دن عبارت اولوب
سلطان سلیم خان ثالث عصرنده هر ای عرض اولنان مصارفات مزبوره
دفترلرینک یگونلری سکر طقوز یوز نهایت بیک کیسه راده لرده اولدیخی
کورلمشدر

مصارفاتک اوچنجی قسمی مخصوصات عسکریه اولوب بونک جمع
و استحصاری اهم امور دولتدن ایدیکه تأخیری نیجه دفعه وقوع شورش
و اختلالی مستلزم اولمشدر بناء علیه علوفه اعطاسی عقیبنده صدر
اعظم و دفتردار افندی تشریفات پادشاهی به نائل و دیگر علوفه زمانه
قدر حضور و اسایشه و اصل اولورلر ایدی جیوش عثمانیه صنوف
عدیده اوزرینه مرتب ایسه ده من جهة المعایش ایکی نوعه منقسم اولوب
برنجیسی طوغریدن طوغری به خزینه دولتدن وظیفه خوار اولان
درگاه عالی یکچریلری و سپاه و سوار و علوفچیان عین و یسار و غربای
عین و یسار و طوپیچی و جبهچی و قالیونچی و بوستانیان و سائر بندگاندر که
علوفه لرینک کیت و کیفیت یوقاروده تواضیح قلندی دیگر صنفی زعامت
و تیماره تصرفله موظف و اشکنجی یعنی سیار اولان زعما و اصحاب تیمار
ایلّه مستحفظ تیمارینه متصرف بولنسان و یاخود اوجاقلق تعبیر اولنان

اقطاع ویا جزیه و مملحه مثل او رسوماتدن علوفه لری محمول اولان قلاع
و سرحدات اسلامیة محافظه لری و یرو نفقاتی اولوب بونلرک قواعد
و نظاماتی دخی مرة بعد اخی تسطیر اولمشدر
یکچیری بلوکارینه و ترسانه و طوبخانه و سائر صنوف عسکریه اوجاقلرینه
وسرای همایونه مرتب اولان ات واکمک و پرنج و سائر طرف میریدن
اعطا اولنور ایسه ده بونلر ایچون خزینه دولت بیوک و بلیکیده هیچ
مصرف اختیار ایتمز ایدی چونکه روم ایلیده بولنان اغنامک عدد اغنام
رسمی نامیله هر سنه اونده بری الله کلدیکندن بوندن ایکی اوچوز بیک
قیون عیناً النوب ماعداسی بدلاء استیفا و طاقم طاقم سوق اولنه رق
میری تعییناتی بونلکه اداره قلنور و حتی فضله سی اهاالینک تهوین احتیاجی
مقصدیله استانبول قصاب اصنافنه توزیع اولنور ایدی
ممالک محروسه ده برآ و بحرأ نقل اولنان ذخائر دن کرک النیوب بولکامقابل
اق دکر و قره دکر ساحلارنده اولان قضالردن و بعضی ذخیره یتاغی بولنان
موافقیدن مبايعه ذخیره سی نامیله و بهر کیلی یکر می پاره فیئات ایله هر
فضانک درجه ثروت و جسامته کوره الیشرو یوزر بیک کیل ذخیره مرتب
و مخصوص اولغله موسمنده هر طرفه مبايعه جیلر کوندریلوب ذخائر مرتبه
جلب و جمع اولنه رق استانبوله کوندریلور و دوائر میریه بونلکه اداره
اولنردن بشقه فضله سی استانبول اتمکچی اصنافنه فروخت ایدیلور
ایدی و بعضی قضالر ذخائرینک نقلنده صعو بت مشاهد، اولندیغی و یا خود
مرتبات مخصوصه فضله او کورنیکی تقدیرده بدلا استحصال قیلنور
یدیکه مثلا کوتاهیه سنجاغی قضالرینک ایکسوز بیک کیله مبايعه ذخیره سی
مرتبی اولدیغی رایج ذخیره یوز پاره راده سنده بولندیغی حالده یکر می
پاره سی فیئات مقطوعه یه بالمحسوب سکسار پاره دن بدلی اولق لازم کلان
درتوز بیک غروش نقداً استحصال اولنور ایدی
قلبه و حوالیسنده واقع چلمسکات یعنی پرنج ترلاری دولتک مالی اولوب
هر سنه ملتر مینه احاله اولنه کلکاء بدل التزامک لزومی مقداری عیناً
و ماعداسی بدلا استحصال و دوائر میریه اعطا اولنور و طوائف عسکریه
البسه و مفروشات ایچون بکلک تعبیر اولنان برنوع عبا و قالچه اسلیه

وشار کونی و سائر مواقع متعدده اعمال ایتدیریلور ایدی حاصل کلام
 مرتبات مذکوره ایچون ویریلان ائمان مقطوعه بدلاستحصال قلنان مبالغدن
 و فضله سندن اصنافه صاتیلان اشیانک منافعنندن حاصل اولور ایدی
 ترسانه و طو پخانه ایچون مقتضی اولان کر استه اقد کز و قره د کز ساحلارنده
 اولان کر استه کش قضالردن و کندر و بذیر یاغی و بز و کهر جیله مصر
 و جانیک و قونییه سنجاقلردن و باقر و قورشون و تیمور مثلاًو اشیادخی
 معدنلردن مرتب و مخصوص اولغله هر سنه مأمورلر کوندر یلوب ترتیبی
 وجهله جمع واستحصال اولنور و بونلرک فیئات مقطوعه لری یک
 جزئی اولدیغندن باد هوا کی کلور ایدی بیک التمش درت تاریخنده
 یازلش اولان ترخونجی لایحه سنده ترسانه عامر هک سنوی بیک التیوز
 درت کیسه مصارفاتی اولوب بونک التیوز کسور کیسه سی اوجاقلقلردن
 یعنی ترسانه یه مخصوص وارداتدن و طموز یوز بو قدر کیسه سی خزینه
 مالیه دن اعطا قلمقده ایدوی محرر اولوب لکن تاریخ مزبور کرید سفر لری
 اوانه و هر سنه کلیلو دونا چیفارلق محبوریتی زمانه تصادف ایدر
 بناء علیه ایام حضرده هر نقدر قیودان پاشار دونا ایله اق دکره چیتمق
 معتاد ایسه ده محاربه و قتلرینه نسبتله ترسانه مصارفاتی اهون اولدیغندن
 خزینه مالیه دن چوقلق اعانه یه محتاج اولمز ایدی

فصل سابقده بدرجه یه قدر تفصیل قلندیغی وجهله سلاطین عظام
 ووزرا و امر اوسائر اصحاب خیرات ممالک عثمانیه نک هر جهته ده ولزومندن
 فضله دنبله جک درجه ده جامع و مدرسه و مکتب و تکیه و چشمه و کوبری
 و قالدیرم و حمام مثلاًو خیرات و مبرات انشا و اعمار ایتدکلرندن ماعدا
 محوف دربندلرده و مواقع مقتضیه ده قلعه لر و خانلر یاپدیروب داین مقصبات
 اهالیسنی احتیاجات ضروریه دن وارسته و ارباب سیر سفری تسهیلات
 و امنیت پیوسته ایلشلا ایدی لکن افسادات دهریه ایله خیرات
 و مبراتک تعمیر و انتظامی ایچون تخصیص اولمش اولان واردات و قفیه نک
 بعضیلری متولی و یاخود متغلبه زمانه نک ماکلی و بعضیلری دخی اسباب
 سائر ایله مندرس اولدیغندن واردات تعمیریه دن معرا اولان طرق و جسور
 و مجرای اب مثلاًو شیلر مملکتکجه تعمیر و مصارفات واقعه لری توزیع

دفتر لینه ادخال و اهالی دن اسحصان قنور ایدی و بعض جسم
 کو پر یلرک و مهم طریقلرک جوارلرنده بولن ان قرا اهالیسی تکالیف
 دیوانیه دن معاف و علی الدوام بونلرک تعمیر و تنظیمه مکلف ایدیلر
 حکمت حکومت و اقف اولان ولایه و حکام باعث معمریت و ثروت اولان
 شیلرک اجر اسنه اهتمام ایدوب اگر چه بونلرک ابتدای اعمالنده اهالی
 بار کران خدمات عمومیه فی الجمله گرفتار تعب و مشقت اولور لر ایسده
 ایلر و سنده استفاده ایدر لر و بقای اثار ایلر بقای نام ایلر لر ایدی ازان
 جمله مشهور راغب پاشا مرحوم بولاودین ایلر ایساقلی بینده اولان
 طول اوج و عرضاً بر یچق ساعت بطاقلخی املا و تسویه و جسر
 و قالدیر ملرینی تعمیر و کو بلك بوغازینی رمضان اوغلی یا یلاسندن در بنده
 کانه اون زراع عرضنده طریق کشادیلر تنظیم و انطاکیه ایلر حلب
 بینده جسر جدید و بر قله و در بندانش اسنه موفق اوامش و محسن زاده
 مرحوم تبدیل منصب سببیه اثنای عزیمتده قجانیق بوغازنده واقع ایکی اوچیز
 زراع طو لنده بر جسم قیانک ایچندن طول یایدیروب مارین و عابرینک مبتلا
 اوله کلدکلی مشقت و تلفاتی ازاله ایلشدر بو تفصیلاتدن مقصد
 عصر مرزد، معارف و نافع، تخصیصاتی نامر یله مشهود اولان مصارف
 دخی صورت مشروحه اوزره رؤیت اولنوب خزینة دولتدن اخراجات
 مستلزم اولندیغنی بیاندر و الحاصل دولته مقتضی اولان ماکولات
 عسکر یه و ادوات حربیه و لوازمات ملکیه ممالک عثمانیه نك مواقع
 مناسبه سندن مرتب و مخصوص اولدیغنی مثلاً بالجمله و کلا و مأمورین و حکام
 و وزرا و امرا و مستحقین قلاع و بقاع و یرلی قولی تعبیر قلنان معظمت
 بلاد ضابطان و نفراتنک و ارباب زعامت و تیمار دنیلان سواری
 عساکرینک جهت معیشتلری محللارنده تفصیل قلندیغنی و جمله مرتب
 و منقسم اولغله خزینة دولت درگا، عالی یکچیری و سپاهی لری علوفه سیله
 مصارفات متفرقه اوله رق سنوی بر ایکی ملیون لیرا قدر مصارفانه محتاج
 ایدی

فصول سابقه ده توضیح اولندیغنی اوزره عصر اورخان غازیده اوچی
 بر درهم اولوق اوزره اقیه قطع اولنوب سلطان سلیمان زمانه قدر چوقلق

تغیرات کورهایش ایکن مصارفات دولت تکثر ایتمک و معاملات میریه
 اقچه اعتباری اوزرینه جریان ایتمک حسبیه مخصوصات عسکریه دن
 برنوع تنزیلات اجرایی ضمنه، اقچه نك وزن و عیارى تنقیص اولنه
 اولنه بیک تاریخلرندن صکره لری بر درهم کشیدن اون اقچه و بلیکه دهها
 زیاده قطع اولمغه باشلانلیغی مثلاً او چاقچه اعتبارند، پاره و اون اقچه نك
 کش سکه ضرب اولنوب بیک یوز تاریخند صکره طقسان اقچه اعتبارند
 ویدی درهم وزننده زولته نامیه برنوع سکه دهها احداث اولندی
 ورفته رفته تنقیص قیمت حقیقیه اولمغه برابر کیدرک قرق پاره یعنی یوز
 یکرمی اقچه رایج ایله غروش وایکی غروشلق و یوز پاره نك کش سکه ل
 قطع اولندی که سلطان مصطفی خان ثالث غروشلری الی درهم وزننده
 والی بر عیارنده در بناء علیه اسدی غروش وقاره غروش تعبیر اولنان
 درکلی وقوشلری یالدرک فیئاتی طبیعتله او چیوز اقچه یه طوغری والتونلرک
 فیئاتی دخی بونسبتله ترقی ایلدی

فاتح زماننده یالدرک التونی وزن و عیارنده وفیلوری نامیه التون قطع اولمغه
 باشلاوب بر طرفنه ضارب النصر صاحب العز والنصر فی البر والبحر
 یازیلوب بر طرفنه دخی پادشاه عصرک اسمی و محل ضربی و تاریخ یازیلور
 ایدی سلطان سلیم ثانی سلطنتنده بر طرفنه سلطان البرین و خاقان البحر
 السلطان ابن السلطان و دیگر طرفنه اسم پادشاهی ایله محل ضربی و تاریخ
 یازمغه باشلانلی و بوجیهله رسمی تبدیل و اسمی شریفی نامه تحویل
 اولندی ایسده وزن و عیارى تغییر قلمنامشیدی یوز سنه قدر دهها
 بوبله جه دوام اولند فدن صکره عصر محمد خان رابعه، التونک دخی وزن
 و عیارى تنزل ایدرک فقط کش مسکوکات کبی ایکی اوچ مثل راده سنده
 وار دیرلیوب یوزده اون درجه سنده تناقص حاصل اولدی سلطان
 احمد ثالث زماننده یالدرک التونی وزن و عیارنده اولمق اوزره فنیدی التونی
 نامی و بر طرفی طغرای همایون و دیگر طرفی ضرب فی اسلامبول نقشیه
 برنوع التون قطع اولندیغی مثلاً شریفی تعبیر قلنان قدیم التونلرک دخی
 ضربنده دوام قلنه رق زر محبوب نامی و استانبول التونی شهرتیه مشهور
 اولشدر بونلرک نصفیه و ربعیه لری و ایکیسی و اوچی و دردی بریده بیکلری

دخی اولوب عصر محمود خان اولد، استانبول التونی یوز پارهیه کچدیکی
وقت فنديق التونی یوزاون پارهیه و استانبول یوزاون پارهیه اولدیغی زمانده
فندیق اوچ غروشه تداول ایدر ایدی و شهریار مشارالیه عهدنده بر
بحق درهم وزند، ویکرمی اوچ عیارنده محمودیه نامیه بشقه نوع بر التون
دها قطع اولمش ایسه ده مسکوکات ذهبیده اساس فندیق و استانبول
التونلری ایدی

❖ احوال خارجیہ ❖

ویانه انہزامندن صکره سلطنت سنیہ نیچہ و لهوونديک و روسیه دولتريله
اوغراشمقده ایکن فرانسه اولر دخی برقاچ دفعه نیچہ دولتيله ابقاع حربہ
مباشرت ایلدريله من جهة سلطنت سنیہ ايله متفق حکمنده اولوب انکلتره اولر
یہ طرفلغی اختیار ایلدیلر ایدی اوستریا اولر ایران دولتی ممالک عثمانیه
تجاوز ایدیرمکه صرف وسع و مکننت ایلدیلری حالده دولت صفویہ نیک
حرب و قتالدن ازاده سر اولدیغی اوان پیر یسنه تصادف ایلدیکندن
الی سنه دن برو منعقد اولان مصالحه نیک فسخنه و دماء مسلمینک اسالہ سنه
جواز داده اولدی

سلطان احمد ثالث زمانده سردار اکرم بالطه جی محمد پاشا روسیه اوزرینه
علم افراز صولت اولدقد، له و اوستریا و ونديک دولترى یطرف قالدقلى
مثلاو موره فتحندن صکره سردار اکرم شهید علی پاشا قورقه جزیره سنی
تسخیره نصب نفس اهتمام ایلدک، بوندن مقصد نیچہ اوزرینه تسهیل
حرکات سفریه اولدیغی جهتله بالضروره اوستریا اولر اعلان حربہ مجبور
اولوب بووقعه ده دخی روسیه وله دولترى حربہ اشتراک ایلدیلر

یک یوز اوتوز بش سنه سی افغانلیر اصفهانه مستولی و دولت صفویہ
مندرس اولغله صدر وقت بولنان داماد ابراهیم پاشا سلطنت سنیہ نیک
غربا اولان ضایعاتنی شرقاً قرانق فیکری و شاهان صفویان ايله منعقد
اولان مصالحه نیک بالطبع زائل اولدیغی سر رشته سیله مرکز اجتماعلری
طغش اولان امرای اعجام اوزرینه سوق عسکر ایتدیردی سنی المذهب
اولان طاعستان اهالیسی دخی حکومت شیعه دن تخلص کریبان ایلک
اوزره زیر جناح دولت علیه صیغنیق هوسنه مسارعت ایلدیلر لکن

روسیه ایلم ممالك ایراندن حصه مند اختلاس اولق اوزره حرکت و بو
 خصوصه مدن طولای دولت علیه اوزرینه اعلان حرب درجه لرینه قدر
 اظهار شدت ایلمدک لرینه مبنی طاغستان روسیه لولرده و تفلیس و روان
 ایالتلری سلطنت عثمانیه ده، قالمق اوزره عقد معاهده او نمغله بیچاره
 طاغستانلیر ابراهیم پاشانک بو ظلم و غدرینی مشاهده ایله یغموردن قاچار
 ایکن طولویه طوتدقلرینی اکلایوب باشلری قایغیسنه دوشدیلر و بونک
 شامتی ابراهیم پاشا اقبالنک برکشته اولسنی مستلزم اولدی مؤخرأ ایرانده
 تسلطن ایدن نادر شاه دولت علیه علیه مسقو دولتیله عقد معاهده
 ایتمکله بیک یوز قرق مکز سنه سی روسیه لولر ممالك عثمانیه ده هجوم ایدوب
 فقط نادر شاه قندهار و هندستان طرفلرنده مشغول حرب و ستیر بولندیغندن
 مسقولولره معاونت ایده مدی نتیجه اولر دولت علیه ایله روسیه دولتی اراسنه
 کیروب بارشدر مق حیل مقدو خانه سیله بر مدت امرار ایام و بعتة نقض
 عهد، قیام ایلمدیلر بوسفرده و ندکولر حربیه اشتراک ایلمدک لری مثلاً
 له دولتی دخی مسقولولرک کندی حقلرنده اولان نیات و افکارینی تفرس
 ایتمکله اول طرفه اعانه شوویه طورسون دولت علیه ایله عقد اتفاقه
 تثبیت ایلمدک لری حالد، کمال خوف و تلاشلارندن بو کادخی موفق اوله مدیلر
 فرانسه لولر عرض توسط ایتمکله برابر بالاخره روسیه و نتیجه دولتلریله
 اشتراک محب و اوله جقلرینی علی طریق الاخافه صراحة بیان ایلمش لیر
 ایکن دولت علیه بلغرادک فتحنه قدر اظهار ثبات و تجمد ایلمدی و نهایت
 فرانسه هر خصی و مأمورلرینک اقدام و اهتمامیه له امر مصالحه نتیجه پذیر
 اولدی

روسیه ایمپراطور یچه سی قترینه اوائل سلطنتنده انکله تره دولته ارائه روی
 التفات و مساعدده و فرانسه لولره عکسیله معامله ایده کلدیکندن سلطان
 مصطفی خان هر حومک مسقو سفرینی اچق حقهنده اولان اصرار و تهالکنی
 در سعادتک بولنان فرانسه الچیسی تقویه و تشدید و برطاق دلائل و ادله
 مو هوومه سردیله حصول منافع و تأیید ایدرک اعلان سفره سبب
 قوی اولدی

نتیجه لولر ایله روسیه علیه نه تجاوزی و تحفظی عقد معاهده رسمیه اولنوب

مقابلنده بغداد مضافتدن غایچیا تعبیر اولنان اراضی اوستریا دولته هبه
وتملیک و مصارف سفریه اولهرق تقریباً اون میلیون فرانق قدر اعانه
نقدیه دخی اعطا اولمشیدی

اثار هزیمت و مغلوبیت جیوش عثمانیه جانبنده رونما اولدقد، نجه لول
سائک سمت تانی اولوب مؤخر آ روسیه و پروسیا دولتلری بدنده له ممالکینک
مقاسمه سی قرارلشدیرلق اوزره ایکن نجه لولک دخی حصه مند اختلاس
اولسنه مساعد اولنه جخی قترینه طرفندن تلمیح اولمغله تجارت ایکی طرفلی
اولق ایچون نجه لول درعقب تبدیل روش و حرکت و ثبات قدم و ایفای
تعهد مثلو ملاحظات هر دانه کیدن کف نظر رغبت ایلدیلر

انگلتره و وندیک دولتلری اقد کزه، اردا اولان روسیه دو تناسنه ضابطان
و نفرات اعطاسیله و لوازمات حربیه بیعیله معارنت ایلمشله ایسه ده بو
صورتی اجرتله ادم طوتمق و تجارت یولنه اخذ و اعطاسا ایملک رنیکنده
ابراز و ارائه ایدیلر

ایران دولتی نادر شاهک قتل و اضمحلا لاندن صکره طوائف ملوک هیئته
کیروب ذکر اولنان روسیه محاربه سی اوائلنده امرای اعجام یکدیگریله
محاربه و مقاتله یه قیام اوزره اولدقلرندن دولت علیه نک مغلوبیتدن استفاده یه
و قتلری یوغیدی

❖ احوال علوم و معارف ❖

اوائل دولت عثمانیه دن برو ظهور ایدن فضلا و اصحاب کمال تاریخ و طبقات
کتابلرنده مسطور و اثار قلمیه لری متداول و مشهور اولوب فنون حکمیه
و تنظیم مصالیح دولیه خصوصیلرنده اولان مهارتاری دخی اثر دن مؤثره
انتقال قاعده سیله معلومدر

شویله که از مدت ایچنده بویله بر عظیم الهیکل دولت تشکیل ایملک و عساکر
منتظمه و دو تنما ترتیب ایملک و باروتک ظهسورینی متعاقب طوب و تفنک
و خیره اعمال و ایجاد قلمق و ویانه و بغداد مثلو ممالک بعیده یه جسیم اردولر
سوق ایده بملک و قوه بحریه ارسالیله افریقا ساحلارینی تسخیر ایتدیرمک
و سوشد سفن حربیه انشا ایتدیرمک هندستانه طوغری اعزام و جزیره العرب
ساحلارینی ضبط ایتدیرمک و وعصر لره کوره موجب انتظام و مستلزم محاسن

عديده اولان قوانین مههمه وضع و تأسيس ايلك فنون حكيمه و سياسيه ده مهارته متوقف ايدو كندن اسلافك فضل و كمالی اشبو موفقيتلرندن استدلال اولنق لازمدر لکن بيك تاريخندن صكره لری علمای اسلاميه نك معلوماتلری علوم شرعيه و فنون ادبيه مهتممه و وزیرا و وکلانك دخی اكثری جاهل اولغله اداره پركار دولت مر كزینی غائب ايتكه باشلاری كيدرك ايش بو مرتبه ده دخی قاله سيوب بابا و ده دهر ينك فضل و كمالنه تعظيماً هنكام صباوتلرند، مدرسلارك رتبه سی توجیه اولنان مخادیمی سلسله طریق منصب عليه نك زروه علمای سنه قدر چكه كلديكندن تحصیل علم و كالاته احتیاج قالدیغنه و بعض وزیرا و اكابر دخی طریق عليه نك من جهة المؤاخذه خفته و بلا استحقاق قطع مراتب ايلك الت اولدیغنه نظر ايدرك شائبه حالرنده ضعف و عجز مشاهده ایلدكاری اولادلرینی طریق عليه ده ادخال و مدرسلارك رؤسی استحصالیله بهره دار ایتدكارینه مبنی طریق عليه ایکی مهتممه اولوب بریسی مخادیمدن و دیگرى نائل مراتب اولان درس خواجه لرندن مر كب ایدی لکن مخادیم هنكام صباوتده و درس خواجه لری مسن اولدقلری حالد، طریقه داخل اوله كملریله قاضیه سكرلك درجه لرند، مخادیم صنفی اكثر و بونلردن تحصیل علم و كمال ایدنلری ایکی صورته موقر اولوب بی بهره فضل و عرفان اولنلرینه علمای طریق و علمای رسمیه اطلاق اولنور ایدی

دولت عليه نك خصائص جميله سندن اولدیغی اوزره وزیرا و امرا مواد حقوقیه وضع بد استیلادن ممنوع اولدیغندن امر حكومتی اجرا ایچون حكام شرعیه طریقی ترتیب و تشكیل قلمش اولدیغی حالد و وضع اصلیهی تغیر ایتسیله و با خصوص نا اهل اولان قاضیه سكرلر قاضیلک منصبلرینی چراقلق صورته دأره لری مكداراننه توجیه ایده كملریله صنف موالیده نا اهلر حادث و طریقی قضا جهلای اغوات ايله مالا مال اولدی كرك منصب و كرك ارپهلق در عهد، ایدن نأبلر ایسه ملتزم نوعندن بولندقلرندن بالطبع تزیید وارداتدن بشقه شیئه عطف نظر یلزلر ایدی بناء علیه ممالك محروسه ده اجرای حكومت ایدن قاضی و نأبلرك علم و معارف ايله متحلی و اخلاق مدوحه ايله متصف بولنانلری نوادر

حکمنه کیردی و بوجه تیرله حکام شرعیته نک اسکی رونق و اعتباری
و حقیرند، دولتک و خلقتک و ثوق و اعتمادی قالدی وزرا و امرا
و مسلمین و و بودلر او مثلاً و جاهل و ظالم قاضی و نایبلری یا هدیه و پاره
اعطاسیه و یا خود حکومت ظلمدن انغماض عین ایله محبوب ایدرک
ایستدکری کبی اعلاملر الورلر و کندی و یغونسز لقلرینه ک سترینه
و منفعتلرینه ک جلمه آلت ایدرلر ایدی

قاضیلرک تعدیاتی حقنه پک چوق حکایات متداول اولوب اگرچه بعضیلری
مضحکات جمله سندن ایسه ده مرحوم صالح پاشا درامه مسلمی ایکن
بر حاکم کلوب ابدای ملاقاتنده سنزه استانبولدن هدیه کتورمک
لازم ایدی لکن بن مهرمی هدیه کتوردم دیو چیقاروب او کینه وضع
ایلدیکنی یعنی فصل اعلام ایستدکری کز اعطاسنده تردد ایقام مألنی اشراب
ایتدیکنی مرحوم مشارالیه حکایت ایدر ایدی

اوائل دولتده کریمانی یعقوب و شیخی نامیه مشهور اولان مولانا سنان
و شفا صاحبی حاجی پاشا و چلبی سلطان محمدک حکیم باشیسی کورد اورن
ویلوز سلطان سلیمک حکیم باشیسی انخی چلبی کبی حذاق اطبا و کال رئیس
و سیدی رئیس و پیری رئیس مثلاً و هیئت و هندسه خواهلری و معمار ایاس
و معمار کمال الدین و معمار سنان کبی ارباب هنر ظهور ایتش و علوم ریاضیه
تعلیم و تعلم اولنوب باخصوص سلطان سلیمان خان حضرتلری مستقل طب
و هندسه و هیئت مدرسهلری و تیارخانهلر انشا و اعمار ایتدیرمش ایسه ده
بو علملر تحریات و تحقیقات ایله اور و پاده استکمال اولند قجه بزده کیر و لدیکندن
بو باده اجنبی استخدامنه مجبوری حاصل اولدی معمار سنان قولندن
معمار داود اغا و سلطان احمد جامعی معماری محمد اغا و یکی جامع معماری
قاسم اغا متأخرین هزمندان اولوب اشیر قاسم اغا مینخانهلر انشاسنه رخصت
و یرمک تهمتیه قتل اولند قدن صکره جامع مذکور معماری مصطفی
اغایاننده بر ذات اکیال ایلدی و بعد ازین دولتجه معمار اغا قی منحصی
و معمار خلیفه لری وار ایسه ده بو مثلاً و ابذیه جسیه انشاسی ارمنی و روم
قلعهلرینه منقل اولدی بناء علی ذلک نور عثمانیه و لالهلی جامعلرینی

سمیون قلفه ودها صکره انشا قلنان ابنیه جسمیه یی چراغی اولان قومیانوس
قلفه بناء ایلشدر

متأخرین علماده اگر چه علوم حکمیه و فنون ریاضیه و واقف ذاتلر
ظهور ایلش ایسه ده موقعلری نایمل والات وادواتجه دخی عدم
استطاعتلری مقرر اولدیغندن معلوماتلرینک ما وضع لهنی اقتطاف
ممکن اوله، یوب فقط لاتین لسانده واقف اولان کاتب چایی فن جغرافیادن
جهانمای و فنون حربیه متعلق بعض رسائل و تاریخ یازمش و داماد
ابراهیم پاشا صدارتنده ابن خلدون مقدمه سی و سایر کتب تواریح
و نظامات عسکریه یی متضمن کتابلر ترجمه و تألیف قلمشدر فی الاصل
اوروبالو اولوب اهتدا ایدن متفرقه ابراهیم افندیکن همتیه صنعت
طبع و تمثیل دخی احداث اولوب خلیجه کتاب باصلدی لکن سلطان
مراد ثالث عصرنده بر اجنبی ترجمه حروف ایله کتاب طبع ایتک و مکمل
رسومندن معاف طو تملق اوزره رغبت استدعا ایدوب مساعدیه یی حاوی
فرمان ویراش اولدیغندن طقوز یوز طقسان الی تاریخنده و اصف
تاریخی حجهنده بر کتاب باصمیش و فرمان عالی مذکور دخی دیباجه سنه
عیناً یازمش اولغله بر نسخه سی شیخ الاسلام اسبق حسام افندی هر خومده
منظور فقیر اولوب فقط اسمی و قنخی فندن اولدیغی خاطرده قالدی
دیک ایسترم که فن طبع اشبو ابراهیم افندیکن یوز الی سنه اولی ترکستانده
حاصل اوایش ایسه ده ایلر ولیه هامشدر

فی الحاصل فرانسه او اولوب دونمای هر یونده طو یچیلق خدمتنده قولانلمش
و مؤخر اشرف اسلام ایله مشرف اوله رق کرجک داود اسمیه تسمیه
قلمش اولان داود اغا بیک یوز او توز ایکی سنه سنده حریق طولمه لرینی
ایجاده موفق اولغله یومی یوز اچمه وظیفه ایله طلومبه جی باشی نصب
اولوب معینه ضابطان و نفراتیه طلومبه جی او جانگی ترتیب و تنظیم
قلمشدر که بودخی جمله ترقیاتنددر

دوات علیه بیک یوز الی بر سند سنده واقع بلغراد معاهده سنه کلنجیه
قدر علی الدوام سفر بر حالنده بولوب جابجا مصطفیه نشین حضرتیت
اولدیغی مدت اون سنه یی تجاوز ایتمکله سوق الجیش و تنبیه الجیش

فناوری امرای عثمانیه به صنعت مألوفه حکم‌ننده ایدی کو پر یلی زاده
صدر شهید فاضل مصطفی پاشا مر حومک بلغراد محاصر سنده اردوی
همایونک وضعیتی و ترتیب اولنان موازیلری متضمن تنظیم ایتدیرمش
اولدیغی خریطه مؤخرأ اله یکمیش اولدیغندن فن حرب به وقوف
و معلوماتلرینک ادله قویه سندن اولدیغی ارکان حربیه دأره سنک جله
افادتندیر سردار اکر ملرک متأخرینی اکثریا سلحدارلقدن و مأمورین
ملکیه و قلمیه دن نشأت ایتش بولندقلری حاله واقع اولان موفقیتلری
غریب کورینور لیکن بروجه محرر امرای عسکریه و ارکان دوانک فرقه
غالبه سی مکرراً اردولده بولمیش و سوق عسکر و ترتیب لوازمات سفر
خصوص صلرند، تجربه لری سبقت ایتش اولدیغندن و باخصوص سرحد
امراسی احوال دشمنی و طرق و معسارک وضعیت و کیفیتلرینی یک اعلا
بیلدکلرندن عقد اولنان مجلسلرک مذاکراتی ثمره نافع حاصل ایدر
وسردار اکر ملر دخی عقل و درایتلری مرتبه سنجه مستفید اولورلر ایدی
طوب و خبره دوکک و تفنک و قلیچ و اسلحه سائر و باروت و کلاه
و قورشون مثلوشیلری اعمال ایملک و کمی و قلاع تعمیر و انشا ایتمک و حیوان
طاملری و چادر کبی مهمات سفریه تنظیم ایتدیرمک خصوص صلرند چوقلق
اجانبه احتیاج اولیوب علمی و عملی بوایشارک اهل و اربابی بولورلر ایدی
حتی عصر احمد خان ثالثه علی اوسته نامنده برهنمند سکسان قنطار
ثقلنده قالیون تیمورلری یامیش و اولوقته دکین اجنبیلردن النان تیمورلردن
استغنا حصوله موفق اولمشدر

فصول سابقه ذکر اولدیغی اوزره روم ایلی و اناطولیده و باخصوص
ادرنه جوارند، متعدد دوه و سائر حیوانات مرعا و مشتاری اولوب کایتلو
میری حیواناتی یتشدیریلور و اردوی همایونلرک نقلیاتی خدماتنده
قولانیلورلر ایدی بولاردخی درجه درجه تدنی ایتدیکی مثلویک یوزاللی ایکی
سنه سندن سکسان ایکی سفرینه کلنجیه قدر ممتد اولان ایام حضریت
اس اساس حرکات عسکریه اولان اشبو حیوان یتشدیرمه قاعده سنی
دخی محو و افنا ایتمکله مرعا و مشتارک بعضی شوکا بوکا تملیک
اولنهرق اراضی موقوفه عداینه داخل و بعضیلری متغذیان عمال ید

غصبه گرفتار اولدیغندن سکسان ایکی سفرند، اهالی حیواناتی جمع
وجلب اولنه رق قولالانلق اقتضا ایلدی حالبو که جسم اردولرک
نقلیاتی او مثلاًو غیر منتظم مکاری حیواناتیله ایفا اولنق مشکل اولنق حسبیه
بو خصوصیه پک زیاده ضرورت چکادی ودها صکره کی سفرلده
بومضایقه کتد کجه مشدو جیوش اسلامیه نک پریشانلغنه سبب قوی اولدی
بالجمله قلاع خاقانیه ده و بابا طاغی و صوفیه مثلاًو موافقه جسم انبارلر
و کلیتلر ذخائر مدخره بولوب هر سینه بر ثلثی استبدال اولنق و بوجهته
اوچ سنده تجدید ایتک اصول دولتن ایکن بودخی مختل و مشوش اولدیغی
کی کرک موکب صدر اعظمینک و کرک قوه مفرزه اولان سر عسکرلر
اردولرینک رجال دولتن مقدم و مقتدر نزول امینلری و قصاب باشیلری
واهل و اربابندن سادبان باشیلری اولوب اردولرک لوازمات و نقلیاتی
ترتیب و استحضار ایتک قاعده قدیمه سی دخی کلیدبغی اجرا اولنه مدیغندن
سکسان ایکی سفرینک برنجی سنده دخییره مضایقه سی حادث
و عساکر اسلامیه نک تلفات و پریشانلغنه باعث اولدی

برده عساکر عثمانیه تنه سندن اوله رق علوفه یومیه ایله موظف اصحاب
حرف ضابطان و تفراتی و ارایدیکه کیت و مقدار علوفه لری فصل سابقده
محرره واجب دفترنده مسطوردر بونلر اردوی همایونلر ایله برابر کیدر
واثنای راهده و مرکزله طوب و تفنگ و سایر اسلحه و حیوان و چار
طاقلری مثلاًو لوازمات سفریه یی اعمال و تعمیر ایدرلر ایدی هرور زمان
ایله بونلرک دخی قاعده و رابطهلری خلیفیر اولغله اردولر خروجنده
استانبولک هر نوع اصنافندن خلیجه اجلاف تجمع ایدرک کیدرلر
و مرکزله چادر و برقه لردن بربر و قهوه جی و مناو و ترزی دکانلری و فرون
و کچه دن جاملر یاوب عظیم بر بازار یری تشکیل ایلرلر ایدی ذاتاً
عسکر دنیلان یکجیری نفراتنک اکثریسی بورکچی و جمال و مناو
مقوله لردن مرکب اولغله و علوفه و انتظامدن عاری بولملریله بونلر دخی
اصنافه قاریشوب کار و کسبله مشغول و دشمن ظهورنده آلات و ادواتلرینک
استخلاصی قیدینه دوشوب ارباب حربک تلاش و فتورینی مستلزم اولورلر
ایلی وقتیه غایت منتظم و لوازمات حربیه و نقلیه لری مکمل اولان

و بلا تعب اوچر بشریوز ساعتک مسافله ره سوق قلان عثمانلی اردولری
ایشته بوحاله کیردی و غلبه و ظفردن محروم اولدی
بوفنا لقلرک اس اساسی خدمات مخصوصه یه معین اولان خاص و زعامت
و تیمار مثللو اقطاعانک ایضای خدمته غیرمه تدر عجزده و سبب آخری ایله
نا اهلاره توجیهی و علوفه عسکر یه نک ایراد حکمه کیروب ارباب حربک
بالضروره نظامسز و اطاعتسزلیکه مجبور اولملری قضیه لری اولوب
بونلر دخی بالتدریج اوچ درتیوز سنه ده حاصل اولمش شیلر اولغله کرک
مدبران دولتک و کرک طوائف عسکر یه نک بو خصوصه صلده اولان
قباحتلری اوقدر مدت طویلده کلوب چکن اسلافه تقسیم اولنسه
هر بر یسنه یک جزئی تهمت اصابت ایدر اصل سبب مرور زماندر که
هرشیئی افساد ایلر اگرچه سلطان مراد رابع و قویجی مراد پاشا
و کو پر یلیر اولدقجه تنظیم امور دولت ایلدیلر لکن اساسلی اولمدیغندن
وجودلریله قائم اولوب کندولرندن صکره ایشینه اسکی یوله عودت ایلدی
وان شاء الله تعالی فصل اتیده بیان اولنسه جنجی وجهله خلیل حیدر پاشا
و شیخ الاسلام حیدر زاده امور مأموره لریقی اصلاحه تشبثلری یولنده
قربان اولدیلر و سلطان سلیم رجالی و علمدار پاشا ایله همدست اتفاق اولان
ارکان دولت بتون قنطره خطره اوغرا دیلر بونلرک نتیجه احوال لرینی
کورنلر فداکارلقدن اجتناب و نفسلرینی مهلاکه یه القائلدکن اتقا ایدرلر
ایدی نهایت ثمره اقدام واقتدار ی اوله رق سلطان محمود خان ثانی
حضرتلری اصلاح مزاج دولته موفق اولدی

تمت الجلد الثالث و یلیه جلد الرابع

۷۰۲

خطا	صفحه	سطر
کلیبولیده	۵	۱
ابلقار	۵	۴
زانه	۱۴	۲۴
تسلیم قاعده	۱۵	۹
تسلیم اولمق قاعده	۲۰	۱۴
دیدکی	۲۱	۵
وقضاء قدر	۲۳	۷
سرحدات	۳۰	۲
نوش	۳۴	۱۳
ابراهیم پاشا	۳۴	۲۵
یاطرونه	۳۵	۴۰
(من عبره)	۳۹	۷
بصرایه	۴۰	۲۸
اواخرنده جانبدنه	۴۱	۸
اضرار آتده	۴۱	۹
قبرون	۴۲	۱۸
اللی بر	۴۳	۱۷
ممدود	۵۰	۲۷
فغیر	۵۴	۱۳
بیک بوز سکسان	۵۷	۲۸
بیک یوز سکسان	۸۴	۴
عنقنه	۸۹	۱۲
مبرات ایله قیاسیله	۸۹	۲۱
قیوجی باشیلرک	۹۱	۱۸
دربندات	۹۳	۹
اوچر بشر	۹۹	۱۰
کینک	۱۱۱	۲۴
ظلمه بی	۱۱۳	۱۲
سفیری		

نتائج الوقف

جلد رابع

مرحبی دفعه اوله رق اخوت مطبعه سنده طبع اولم شد

۱۳۲۷ هـ



افادۀ مخصوصه

بيك اوج يوز يدي سنه سنده اوقاف هايون ناظري ايكن داربقايه ارتحال ايدن مصطفى نوري پاشا طقسان اوچدن طقسان سكر سنه سنه قدر دفتر خاقاني نظارتنده بوانديني سردهده (نتايح الوقوعات) عنوانيله بر تاريخ عثمانى طبع ايتدرمكه باشلامش ايدى . وبواثرى اساساً دوت جلد اوزرينه ترتيب ايتمش اولديني حالده بونك انجق اوج جلدني پيدري نشر ايدم بيلوب دردنجيسنك نشرينى بمضاسبادن طولايي تأخير ايش ويا تصادف غرب ياخود اثر مله ميت اولق اوزردهده بر جمعه كوني آكسزين وقوع بولان وقتندن بر هفته اول قايين برادري بولنان پدرم داخله ناظري اسبق سعيد افندي يه خطاباً (برادر اكر بن اوله جك اولورسه م تاريخمك دردنجي جلدني بر زمان مساعدده طبع ايتدريكر) يولنده وشهود محضرنده وصيتده بولمش ايدى .

مصطفى پاشانك وقتندن پدرمك ارتحالنه قدر اون سكر سنه كبران اولمش ايكن مع التأسف اواسباب زائل اولمامش وبتاء عليه (زمان مساعد) حلول ايتمامش ايدى . پدرم ايسه شومو فقيتسر لگنندن ناشى تأسفلر ايدرك انشته سنك وصيتنى دائماً تذكار وبركون كايدهد امكان بولنورسه بو وصيتك يرينه كتيرلمسنى بو عاجزه امر واخطار ايدر ايدى .

فى الحقيقه پدرمده انشته سنك وصيتنى ايفايه مقتدر اولمقسزين بوندن برسنه اول مرتحل دار آخرت اولدى . فقط لله الحمد والمنه بوندن بش آي اول نسيم حریت ، طلوع آفتاب مشروطيته برابر وزان اولمغه باشلاينجه نيجه آثار مستحضره نك برر نهال شتادیده کي صار غيارندن چيقارلمغه باشلامسى وبوفيض ايله ساحه مطبوعات پك آزوقت ايچنده يوزلرجه مؤلفات مرغوبه ايله زينتياب اولمسي انشته دن پدرم وپدردن بو عاجزه مدوروصيت احكامنك اجر اسنه بر سائق مؤثر اولمغه جلد رابع مذکور كده باطفه تعالى طبع ونشرينه ابتدار قلمشدر .

برده اترك اقسام ثلثه اوليه سى اساساً آز مقدارده طبع ايتدیرلمش اولوب مع مافیه

نسخ منتشره سی دخی بالا آخره بعض کارگذارلرک آماج دانه انتفاعی اولغاه هیچ
بریرده آلتوب صاتیلمز اولمش وعمومك استفاده سی تأمین ایدر یولده محرر بولنان
بودکرلی اثر اسباب معروضه دن طولای بسبتون اورتهدن قالمش ایدوکی جهته اوچ
اولکی جلدلرکده بوکره یکیدن طبی - مؤلفك اودای متبایقه سنك اخطارینه وشو صورت
مشار الیهك نامنك خیر و رحمتله یاد ایدلسنه وسیله اوله جفته بناء - مناسب کورلمشدر .
شوراسنی ده علاوه ایدیم که (نتایج الوقوعات) کرجه درت جلد در فقط مندرجاتی اعتباریه
آتی باب منقسمدر که برنجیسی ابتدای ظهور آل عثماندن سکر یوز درت تاریخده کی
تیمور وقعه سنه قدر اولان یوز بش سنه لك وقوعاتی ، ایکنجیسی ییلدیرم بایزیدخانك
وفتندن سلطان بایزید خان ثانینك ترك سلطنت ایتدیکی تاریخه قدر تقریباً یوز اون اوچ
سنه لك احوالی ، اوچنجیسی سکر یوز اون سکر سنه سنده واقع یاوز سلطان سلیمك
جلوسندن بیك اوچ تاریخنده سلطان مراد ثالثك وفاتنه دکین سکسان بش ییلق حادثاتی ،
دردنجیسی بیك اوچ سنه سنده وقوع بولان سلطان محمد ثالثك جلوسندن بیك طقسان
طقوزده سلطان محمد رابعك خلعنه قدر اولان طقسان بش سنه لك وقایع - بشنجیسی
سلطان سایمان ثانینك جلوسندن بیك یوز سکسان سکر سنه سنده منعقد قینارجه
مصالحه سنه قدر اولان وقوعاتی میاند .

بشنجی بابی تشکیل ایدن اشبو جلد رابع ایسه بیك یوز سکسان سکر تاریخندن
سك ایکیوز الی یدی تاریخنه قدر جریان ایدن القس طقوز ییلق احوالی مختویدر .

« ومن الله التوفيق » محمد غالب

بِسْمِ اللَّهِ الرَّحْمَنِ الرَّحِيمِ

بشنجی باب

اشبو تاریخنک بشنجی بابی بیک یوز سکسان سکر تاریخندن بیک ایکی یوز الییدی تاریخنه قدر اولان وقوعاتی میندر .

باب سابقده بیان اولندیغی اوزره روسیهلو ایله عقد مصالحه اولنوب لیکن روسیهلولر قریمک ضبطنه مقدمه اولان تاتار سرپستایکنی قبول ایتدیرمش اولدقلرندن بمنه تعالی آتیده تفصیل اولنهجغی اوزره نوبنو اختلالر ایقاع ایدرک بالاخره غصب و تملک ایملکری جهته اون اوچ سنه قدر ممتد اولان اشبو مصالحه عادتاً بر متارکه حکمنده اولوب حتی بین الدولتین جریان ایدن منازعات و محاورات برایکی دفعه اعلان حرب مرتبهسنه واصل اولمشیکن جسارت اولنه مامشیدی . چونکه دولت علیه تنظیم عسکر و تمیم مهماته محتاج اولوب سلطان عبدالحمید خان حضرتلری ایسه بونلرک حصولی مقصدیله صدر اعظملره رخصت کامله و یرمش وارکان دولته تحمیل تمشیت مصاحبت ایس اولدیغی حالده ابتدا کی صدر اعظملری اولان عزت محمد پاشا غایت بطی و اقربا و تبعاعنه مغلوب وایکنجیسی درویش پاشا هوا و هوسی ایله مشغول اولدیغنه و اوچنجیسی اولان دارندهلی محمد پاشا تهدیدینی ایقاعه قادر کوپرلی طرزنده برپیر صاحب تدبیر ایدیسده سلیحدار محمد افندی ایله او یوشه مدینه مبنی بودخی کاینبغی برخدمته موفق اوله مقسزین منفصل و قلفات محمد پاشا مسند صدارته واصل اولدی . بو ذات یکچیریلکدن نشأت ایدوب چندان اداره مهام دولته لیاقت و کفایتی حائز اولدیغندن بیک یوز طقسان اوچ شعباننده عزل اولنهرق سلیحدار مشارالیه که قره وزیر نامیله مشهوردر . اخذ مهر هایون ایله بالذات مقصدی امور صدارت اولغه مجبور اولدی . صدر مشارالیه سلطان عبدالحمید خان حضرتلرینک معتمد و مؤتمنی اولغله هر خصوصده مستشار سلطنت ایدی عاقل و معارف شناس و صلاح حال ایله موصوف مقدم و مقتدر بر ذات اولدیغندن واستقلال دو بالا ایدوکنندن بر بحق سنه قدر ممتد اولان ایام صدارتنده حسن ادارهیه موفق و باخصوص استانبولک ضبط و ربطی و حوایجنک جلب واستحضاری خصوصلرنده ابراز مهارت و درایتله بین الانام مدوح اولوب امور کلیه دولتک اصلاح و تمشیتنه دخی مظهر اولسی امید اولنور ایکن بیک یوز طقسان بش صفرنده مرتحل دار آخرت

اولدی . عزت پاشا ثانیاً متکا پیرای صدارت اولوب سابق وجهله وظیفه صدارتی اقربا وقرناسنه تسلیم ایدرک برحق سینه قدر تعطیل مهام و خلفی اولان یکن محمد پاشا غایت بغیض و غرضکار بر آدم اولمغله دوت آیدن عبارت اولان ایام صدارتنده اجرای نفسانیه نصب نفس اهتمام ایدوب طقسان یدی محرمنده معزول و وزیر کتخداسی بولنان خلیل حمید افندی مسند صدارته ارتقا ایله نائل مسؤل اولدی .

خلیل حمید پاشانک تشبثاتی

قینارجه مصالحه سی متارکه حکمنده و دوات علیه لاجرم عهد قریبده حربه مجبور اوله جنی مرتبه بدهتمده اولدیغندن دونمانک تکشیری ضمننده کلیتو کراسته ولوازم سائر ترتیب و تنظیمنه اقدام اولندیغنی مثلوسر حداتک احکام و ترصینه و اهمیت موقعیه سی سفر سابقده متحقق اولان اسماعیله مجدداً بر قاعه بناسنه مباشرت و چرکس قبائلنک لدی الحاجه قواللاری مقصدیه تحت حکومت ادخال و اصلاح احوالاری ضمننده فرح علی پاشا صوغوجق محافظی نصب اولوب مشارالیهک تدابیر حیتمندانه سیله آناه قلعه سی بنا و قبائل مذکوره کوندن کونه دائره دین مبین و مدنیته ادخال اولمقده ایسه ده بونلر تفرعات قیلندن اوله رق اصل اعتنا اولنه حق ماده عسا کر موظفه نک تصحیح انتظام و اطاعتی قضیه سی ایدی لکن ضابطان عسکری اعتشاش نظامتدن مستفیدونفرا ت نامنه اولان اشخاص ایسه خیر و شری تمیزه غیر مقتدر اولدقلرندن تنظیم احوالارینه قیام و مفت خواران اللرنده اولان علونه عسکریه نک استردادینه اقدام اولندیغنی آنده ضابطانک جزوی تحریکاتیه رفیع علم نصیان و اوجاغمزده سوء قصد و معاملاتنه حقارت اولنه یور دیه رک انواع مفسدته اغاز ایددجکری درکار اولدیغندن بوخصوصه جسارت اولنه میوب یالکز تیمارلو سپاهینک توجیهاتنه و نا امل اولانلره تیمار وزعامت توجیه قانامسینه دائر بر نظام یاباشیدی . حتی ساطان عبدالحمید خان حضرتلرینه برادرکز عسا کر منتظمه ترتیبه نیت و نظاماتلرینی قلمه آلدیرمغه همت ایشیلر ایدی . سفر ظهوریه اجراسنه موفق اوله مدی دیدکلرندد الیه صفائی کوستروب ان شاه اوغلی موفق اولور دیو جامع الکلم بر جواب و یرمش اولدقلری منقولدر .

صدر جدید فطین و درایتکار و صبرلی و جسور کنج و دینج بر ذات اولدیغندن بوکار الزم و دشواره عازم اولوب اقدحجه ترتیب قلمش اولان اوچیوز نفر سرعت طوخیلرینی ایکی بیک نفره ابلاغ و مواعع مهمه ده ذخائر کلیه ادخار و سائر لوازم حربیه نک استکمانه

صرف وسعی و اقتدار ایلدی . لکن تنظیم عسکر مصارفات عظیمه یه محتاج و قارشولاق بولمق مقتضی اولمسیله اولامستحفظ نامیله سرحد تده بولنان طوائف عسکریه علوفه لرینی یوقلمه ایتدیروب کلیتو محلول بولدی . بعده استانبولده دخی یوقلمه اجراسنه و فیما بعد علوفه عسکریه نك منع بیع و شراسنه و تباع و اصناف کبی ایرادجیلرک عهدلرند بولنان عسا کر علوفه لرینک ابطالنه قرار و یروب بعض مرتبه اجرا آته دخی تشبث ایلمسیله اوجاقلو بئشده تحدث ایدن شراره قیل و قاله ایرادجیلر دخی لهیب افروز اولدقلرندن ولوله ساز مسامع اعیان اولمغه باشلادی . مع مافیه ابتدای صدارتنده اغراض شخیصه دن بجانب ایدجکینه یمین وارکان دواتی تأمین ایدوب برسنه قدر عهدنده ثابت قدم اولمشیکن صکره لری تغییر اوضاع ایسی و جمع نقود و امواله حرص و تهاکی و قریم استیلا سنک هنکام صدارتنه نصادفی پیمانۀ وقع و اعتبارینی شکست ایلشیدی . خلاف کیران صدر مشار الیهدن شیخ الاسلامقندن معزول عوض پاشا زاده ابراهیم بك همشیره پادشاهی اسما سلطانۀ تذکره تحریر و صدر اعظمك علوفه عسکریه یی تنقیحدن مرادی یکچریلری آیاقاندیروب تجدید سلطنت ایتدیرمکدر دیو تذکیر ایلۀ لیل و نهار آرزومند اولدینی مقام فتوایی تحصیله بو صداقتی آت ایدوب قیودان دریا غازی حسن پاشا دخی قول مذکوری تأیید و صدیق ایلدیکنه و دفتر دار بولنان سایم اغا زاده نظیف افندی که سلطان حمید خان حضرتلرینک شهزاده لکاری اواننده تولد ایدوب آخرتلك خانم نامیله مشهور اولان کریمه لری در شهوار خانمك زوجیدر حرمی واسطه سیله اشبو شراره القاء آته مروحه جنیان اشتداد اولدیغنه منی بیک یوزطقسان طقوز سنه سی حمادی الاولینک یکر می سکرنجی کونی عزل و بوزجه اطه سنه نقل اولنوب بش اوز کون مرورنده جده و الیلکی توجیه اولمشیکن متعاقباً قتل و اعدام اولندی . واقعا خلیل حمید پاشانک تشبثاتی باعث اختلال اوله بیلمک مظنون ایهده او یله برشی واقع اولسه طوپك آغزینه اولاکندوسی کله جکی آشکار اولمسیله بو وسیله ایلۀ تجدید سلطنت عزویاتی بی اساس و غیر معقول اولدینی بدیهیاتدندر . مقام صدارته کتوریلان شاهین علی پاشا امی و عامی بر آدم اولوب صدارتی ایه سفر سابقده اوزی قلعه سنک محافظه و روسیه لی مهاجماتنک مدافعه سنه موفقیتی ایچون بر نوع مکافات اولدیغندن سرحد اتده طبعی ممکن اولمیان نفایس اطعمه اکلیله گذارنده ایام و طقوز آی قدر متکا پیرای مسند عز و احتشام اولدقندن صکره معزول و اوچ درت آی مقدم قیودان پاشا کتبخدا لغندن رتبه وزارتله موره والیسی نصب اولنان قوجه یوسف پاشا ایکی یوز سنه سی اوائلنده صدر صدارته منقول اولدی بونک

زماننده روسیه و نتیجه سفر لری کشاد قلندش اولدیغندن بمنه تعالی احوالی آتیده تفصیل اولنه جقدر .

احوال جزایرلی غازی حسن پاشا

قیودان دریا جزایرلی غازی حسن پاشا دولت عبدالحمید خانی وقوعاتنده اکثریا صاحب رای و تدبیر اولدیغندن خدمات واقعه سیله احوال ذاتیه سی بیان اولمق مقتضی کورلمشدرکه سلسلهٔ حادثاتک توضیحه قوت ویرر .

جلد سابقده بیان اولندیغنی اوزره چشمه وقعه سننده ولنی جزیره سی تخلصنده مشارالیه دن مشهود اولان شجاعت و موفقیت سیبیه رتبهٔ وزارت ایله قیودان دریا نصب اولنوب عنوان غازی ایله منشور اعتباری توشیح ایدلمشیدی . محاربهٔ سابقه او اخرنده روسجق سرعسکرلکی و بعد المصالحه ایکنجی دفعه قیودان پاشاق خلعتیه دوش افتخاری تزیین قلندی . برالشام طرفلرنده ماتریمیندن ایکن تحصیل ثروت و قدرت و دوات علیه نك روسیه محاربه سیله اشتغالندن استفاده ایله سواحل شامیه یی ضبط و عکا قلعه سننده تحصن ایدن طاهر عمر نام متغلب مصرده تفرعن ایدن بولوت قیان علی بك ایله اتحاد و مسقو دو نماسی امیرالیه دوات علیه عایهنده اجرای مخابرات و مذاکرات ایتمکده ایکن ابوالذهب محمد بك سیف سطوتیه علی بك مقتول و او آراق مصالحه دخی منعقد اولمغله مشارالیه محمد بك جانب سلطنت سنیه دن طاهر عمرک تنکیلنه مأمور ایدلمشسه ده برالشامه وصولنده مرتحل دار آخرت اولمغله بو خدمت قیودان مشارالیه ک عهدهٔ درایتیه حواله اولندی . بناءً علیه سکسان طقوز سنه سی او اخرنده دو نمای هایون ایله عزیمت و عکا قلعه سنی محاصردیه مباشرت ایدوب طاهر عمرک اکثری عسکری مغربی و قیودان مشارالیه دخی غرب او جاقلری بیننده صاحب نام و شان اولدیغندن مغریلردن ال طوته برق باغی مرقومک قتل و ازاله سنه موفق اولدیغنی مثلاًو ایرتسی سنه دخی او الحوالیده بولنان اولاد و اتباعنک اشقیاسنی قتل و اعدام ایله بقیه سنی استانبوله کتوردی . ینه سفر سابق سیاتندن اوله رقی هنکام محاربه ده موره رعایاسی علم افراز طغیان اولمغله آرئودلندن عسکر سوق اولنوب جمعیت شقاوت پریشان ایدلمشیدی . لکن آرئود طائفه سی موره جزیره سننده یراشوب تجارت صورتیه کرک اسلام کرک خرستیانلری پنجه قهر و ظلملرینه آلدقلرینه و بونلرک دفع تغلب و تسلطلرینه والیرک قدرت و لیاقتلری قاصر اولسنه منی بیک یوز طقسان ایکی سنه سننده قیودان مشارالیه موره والیکلی ضمیمهٔ بالتوجیه ارسال

قلندی . مقر ولایت اولان طرابلسیه تقریباً آرنوودلر استحکام انشاییه مدافعهیه قیام ایلدکلرندن عظیم بر محاربه وقوعیه ایکی اوچیک شتی اعدام اولنوب بقیه سی استیمان ایلدیلر . اهالی اوزرند اولان مطلوبلری یوزبیک غروشه قطع و کندیلری جزیره دن دفع اولنوب فیابعد کلاملریچون کرک ارنوودلر کرک اهالییه نذرلر تخصیص و تعیین قلنه رق آسایش مملکت اعاده اولندی . جزیره صرقومه ده واقع مانیه رعایای مناعت موقعیه لرینه استناداً اوتهدنبری شقاوت و عصیان اوزره اولدقلرندن مشارالیه ایرتسی سنه دونمای هایون ایله آق دکرزه خروجنده انلرک دخی تأدیپ و تربیه لرینه مباشرت و شمدییه قدر مسبوق اولدیغی وجهله حرباً مانیه طاغیرینی آورده قبضه جلادت ایلدی بوندنصکره هر سنه معتاد اولدیغی اوزره دونمای هایون ایله آق دکرزه سفر و جزیره لرده و آناتولی ساحلرند مخالف طور تابعیت حرکات باغیانیه متجاسر اولان دره بکاری مثلومتغلبه یی کشته تیغ ظفر ایتمه کله کوندن کونه وقع و شانی مترق اولوب اتانک دولت و محارس تحت سلطنت مقامنده بولنور ایدی . بیک ایکی یوز برسنه سی بغاۃ امرای مصریه یی تأدیپ مأموریتیه اولجانبه عزیمت و خطه مصریه یی عصاة امرادن تخلیص و تحایه یه همت ایدوب انجق روسیه سفرینک ظهورینه مبنی بروجه مسارعت استانبوله دعوت اولدیغندن امر نادی لایقیله اکال ایتمکیزین عودت و تحصیل ایلدیکی اون ایکی بیک کیسه ذمات امرای خزینه یه نسیم ایلدی مشارالیه مهیب و وقور و کثرت ثروت و قدرت ایلله مشهور بر وزیر شجاعت سمیر اولوب حتی اعانه سفریه اوله رق اون بیک کیسه ویرمشدرکه دیرکلی ریال ایکی غروش اعتباریه شمدیکی حساب اوزره یوزبیک کیسه یی تجاوز ایدر . چشمه وقعه سنده دونمای هایون کلیاً محترق اولمشکن ازسرنو انشا و اکالی اثر غیرت و اقدامی اولدیغندن بشتمه ترسانده مجدداً قالیونجی قشله سی و جسم برجامع شریف و سائر ابنیه خیریه انشاسنه موفق اولوب آق دکرز اطه لرند و دونماثک کشت و کذار ایلدیکی ساحلرده چشمه و سائر مثللو آثار خیریه سی بولموق محل یوقدر . عصرینک مورخلری جمع ماله انهماک ایلله اتهام ایدرلر سده هر حالده محاسنی سیئاتنه غالب اولدیغی درکاردر .

قریم وقوعاتی

کله لم قریم وقوعاتنه : طائفه تاتارسربست اولوب ایستدکلرینی قریم خاناننه انتخاب ایللری قینارجه معاهده سی احکامندن اولمق حسبیله عقب مصالحه ده قریم علما و امرای

صاحبکرای مقام خانی به انتخاب ایدوب لیکن موسقولونک نیت و افکار غصب کاریسنی
تفرس ایتملریله طرف دولت علیهیه ارسال مبعوثان و تقدیم معروضات ایله سربستلکک
رفعنی و قدیمی وجهله جانب سلطنت سنیه دن صاحبکرایه خانلق توجیه اولمسنی استعدا
ایلدیلر. بوماده معاهده مذکور دنک اس اساسی اولوب روسیه لولرک بوکا بروجهله موافقت
ایتمیه جکی معلوم ایسه ده هیچ اولمازسه بر صورت متوسطیه ربط اولمق اوزره پادشاه انام
خلیفه اسلام اولدیغندن خان مشار الیه ارسال تشریفات ایله تصدیق امارتی لوازم
مذهبییه دن اولدیغنی هنوز استانبوله کلان روسیه ایلیچیسنه افاده اولوب قرق بر کونده
پترسبورغدن جواب موافق کیکله میر علم محمد بک ایله ازمان سابقه ده معتاد اولان شریفات
ارسال قانندی. سفر هنکامنده سابق خانلردن دولت کرای خان جانب دولت علیه دن
مأموراً قوبان طرفلرنده بولندیغندن عقد مصالحه عقبنده قریمه گذارایلدکده طائفه تاتار
صاحب کرای خلع و مشار الیه مسند حکومته اقعاد ایدرک طرف سلطنت سنیهیه
عرض محضر تقدیم و صاحبکرایک خانلغی اوان مضایقه ده اختیار اولوب دولت کرای
کلدکن صکره آکا کیسه نک اطاعت و انقیاد ایتیه جکی بدهی اولدیغندن رفع ربقه
اطاعت و دولت کرایه تجدید بیعت اولدیغنی تذکیر ایتملریله برابر روسیه دولته دخی
بومأله تبلیغات رسمیه ایفا ایلدیلر روسیه لولر محاربه سابقه ده قریمه دخول و طائفه تاتار
ایله عقد مصالحه ایلدکلی اوانده صورت سفارته پترسبورغه کیتمش اولان شاهنکرای
آرایش دنیا به فریفته و صیدهای حکومت هوسیه بصر بصیرتی بسته بر میرزای اقبال
یرست اولدیغنی روسیه لولرک معلومی اولدیغندن قوردقلری دولاب استیلانک اداره سنی
مشار الیه کردن بلاغتته تحمیل ایلیکی تصمیم ایلدیلر بناء علیه باره لر صرف ایدرک
وانواع دسایس اجرا ایلیه رک پیدا ایتدکلی طرفدارلری واسطه سیله بیکی یوزطقسان
روسیه سنده شاهنکرای مقام خانی به انتخاب ایتدیروب معاونت فعلیه اینچون دخی معینه
مقدار وافی روسیه عسکری ترفیق و دولت کرای قوه عسکریه ایله اخافه و فراره مجبور
ایلدکن صکره مخالفت اظهار ایدن وجوه تاتاری جبراً و کرهاً شاهنکرایه بیعت
ایتدیردیلر. بو خبر طرف دولت علیهیه منعکس اولدقده قریم خلقی حقنده روسیه لونک
قولاً و فعلاً واقع اولان مداخله لری معاهده منعقد دنک تمامیه خلافی اولدیغندن بوبابده
هر درلو شکایات و دعوا به قیام اولندیسه ده اصلاً بر ثمره حاصل اوله مدیغندن جانب دولت
علیه دن دخی بوندن مقدم ایکی دفعه قریم خانلغنده بولممش اولان سلیم کرای خان انتخاب
و قریمه ارسال قانندی. شاهنکرای ایله سلیم کرای بیننده بالدفعات محاربه لر واقع اولوب

لیکن شاهنکرای طرفی روسیه عسکرینک اغانه سیله قوتلو بولندیغندن سلیم کرای ایشی باشه
 چیقارمییوب بالضروره استانبوله عودت ایلدی. آرتق بونک اوزرینه قریم امورینه
 دولت علیه نك دخی فعلاً مداخله ایلی بین الوکلا قرار کیر اولوب بوندن طولانی روسیه
 دواتی اعلان حرب ایدراسه متوکلاً علی اد مدافعه سنه قیام اولمسی اختیار اولمغله جانیکیلی
 حاجی علی پاشا قریم سر عسکری نصب و حوزة حکومتی اولان طربزون و جانیك طرفلرندن
 قرق بیك قدر عسکر ترتیب اولنوب بمنه تعالی ایلروده ایجابی وجهله حرکت اولمق اوزره
 شم دیك سگزاون بیك قدرینی بالاستصحاب دونمای هایون ایله قریم جانبیه مرور ایلمسی
 ضمانتده ارسال منشور و قیودان دریاغازی حسن پاشا دخی هم دونمای هایون ایله سر عسکر
 مشارالیری قریمه کچورمک و همده بالاتفاق مطالب دواتی یرینه کتورمک ایچون مأمور
 بیورلدی طقسان ایکی سنه سی ربیع الآخر نده دونمای هایون ترتیبات سفریه ایله مملو اوله رق
 بشکطاش پیشگاهنه چیقوب موافق هوایه مترقب اولدیغنی خالد بحکمته تعالی قرق کون قدر
 لدوس روزکاری اسمدیکنندن حرکت ایدمدی. فرانسه لولر سکسان ایکی سفر نده سلطنت
 سنییه حربه تشویق و ترغیب ایتیشلر ایکن بوکره روسیه لولره بر خدمت ایتک و قترینه نك
 نظر خشنودی و ممنونیتی قزائمق پولتیقه لری اقتضاسندن اولدیغندن فرانسه ایاجیسی
 در اولدائل و اخانه لره قریم مسئله سنی صاحباً بتورمکه چالشمقده اولدیغندن بونک تأثیریه
 دولت علیه نك قرار سابق تو هن ایدوب روسیه جنرالیه بالخبره ایجاب وقت و حاله موافق
 حرکت اولمسی ضمانتده قیودان و سر عسکر مشارالیه مایه تعلیمات ویرلدی بنابرین دونمای
 هایون سینوب لیانندن علی پاشا عسکرینی آلوب قریم ساحل لرینه وصول بولدقده مستقولولر
 قرنتنه بهانه سیله مخبره مالدسنی قرق کون قدر تأخیر ایلدکارندن مشارالیه مایه تعلیمات جدیده
 و قطعیه طابنه مجبور اولدیلر بونک اوزرینه عساکر اسلامیه نك مناسب بر محله اخراج
 واکر روسیه لولر محاربه یه جرأت ایدرلر سه مقابله و مدافعه لرینه قیام اولمسی ایچون
 مأموریت قطعیه ویرلمش ايسه ده قردیه عسکر چیقارلدیغنی تقدیرده مستقولولرک حربه
 مباشرت ایددجک لری میدانده بولنه رق موسم دریادخی کذار ایلش اولدیغندن حربه جسارت
 اولنه میوب دونمای هایون ایله مشارالیه ماسنه مزبوره رمضاننده سینوبه عودت ایلدیلر
 فرانسه ایاجیسنک پیدرپی واقع اولان افادات صاحبو یانه سیله سنه مزبوره ایام شتاسنده
 دولت علیه نك درجه درجه حرارتی زائل و مطالعه مشکلات سفریه ایله بر صورت تسویه یه
 مائل اولدیغندن عبدالرزاق باهرافندی مرخصانی و فرانسه ایاجیسی توسطیه آینه لی قواق
 تنقیضنامه سی تنظیم و طقسان اوچ محرمنده نعلاتی اولنه رق قوه قریبه یه کلش اولان حرب

وقال بر مقدار تاخیر ایتدی. بوتقیخنامه قینارجه معاهده سنک بعض موادی مفسر حکمنده اولوب فقط روسیه لولر شاهنکر ایدن وازچکمکدن ایسه اختیار سفر ایلک بزجه دها مرجحدر دیهرک مشارالیهک مؤبداً تصدیق حکومتی خصوصنده اصرار ایلر یله مؤبد لفظی یرینه محلولیت حقیقه تعبیری وضع اولنه رق بو قدرجه تعدیلات ایله اکتفا واوزی قیری دینیلان اراضینک جانب دولت علیه یه عائد اولدیغی تصریح و ممالکت حقننده معهود اولان احکام دخی توضیح قلندی.

بوصورتله شاهنکر ای مسقولولرک نصب کرده سی اولدیغندن طرف خلافت اسلامیه یه پک بارد معاملهلر کو سترمکه برابر روسیه ایمپراطور یچه سی قترینه دن بررتبه عسکر یه رجا وعادتا استحما اتمکه استدعای قرین قبول و نشان و قوالیرک رتبه سی اعطاسیله واصل مسؤل اولوب یاور صورتنده یانه برقاچ مسقو ضابطی دخی ترفیق قلندی. مشارالیه انلرک اعلم والقا آتیله عسا کر منتظمه یازمنی وقریمده بولنان اوقافی الغا ایلک و آلافرانغه سفرده طعام یمک و علناً شراب ایچمک کبی اها لینک حوصله لرینه صیغشمیه حق حرکاته مباشرت و طعن ایدنلر حقننده مجازات شدیدیه جرأت ایدوب بو حال ایله درت بش سنه قدر جابرانه حکومت ایلد یسه ده مسقولر هم مشارالیه ی بو وادیلره سوق والقا و همده برفساد چیقار هق ایچون پس پرده دن امرای تاتاری تشویق و اغرا ایلکده اولد قلرندن عاقبت طقسان آتی سنه سی اواسطنده شاهنکر ایک برادر لرندن بهادر کرای و آرسلان کرای اها لینک اوکلرینه دوشوب شاهنکر ایک اوزرینه هجوم ایلر یله مشارالیه بحرأ یکی قلعه ده بولنان روسیه قوماندانه التجا ایلدی. وجوه تاتاردخی بهادر کرای مقام خانی یه وارسلان کرای قالغایلق مسندینه اقماد و عرض محضر و مبعوثلر ارسالیله کیفیتی طرف دولت علیه یه و روسیه یه اشعار ایلدیلر. روسیه لولرک تاتار سر بستلکندن و انتخاب قاعده سیله خان نصبندن مقصدلری قریمده اختلال و فساد اکسینک اولماق و بر صرد سی دوشوردیکی آنده غصب و استملاک ایتک قضیه سی اولوب بو واونده ایسه انکلتر دلولر آمریقا اختلالنک دفعی تدارکیله مشغول و فرانسه لولر ایسه انکلتر دنک تباعد طبعی سنندن ناشی قترینه نک نظر خشنودی سنی قزانق املنده بولنغله و آوستریا ایمپراطور یچه سی ماری تره زک و فاتیله جالس تحت حکومت اولان ایمپراطور جدید غایت ساده دل و دولتشک منافع و مضراتی ادراکدن غافل اولوب ممالک سلطنت علیه دن بعض یلرک نتیجه دولته الحاق قانجه سی حقننده قترینه نک عرض ایلدیکی مواعید ابله فریبانه یه قاپیلهرق عقد اتفاق ایلمکه مشارالیه انک آرادیغی فرصت میدانه کلش و مارشال پوتکینی عسا کر کلیه ایله قریم

جوارینه کوندروب تصمیماتی تهیه ایلد کدنصکره بودفعه کی اختلالی احداث ایشدی .
 بناءً علیه شاهنکرایک یانه مقدار کافی عسکر ترفیق ایدرک قریمه ارسال وقوه جبریه ایه
 تکرار مقام خانی به ابعاد ایتکهله نقش بر آب حکمنده اوله رق مشارالیه بوکره دخی یدی
 سکنز آی قدر مسند حکومتده بواندینجی حالد مارشال مزبور موجود معیتی اولان اردو
 ایه طقسان یدی سنه سی اوائلنده قریمه داخل ووسط مملکتده واقع آق صوحر اسنده
 وجوه تاتاری جمع ایه روسیه ایمپراطوریچه سی قترینه قریم وقوبان مملکتلرینی کشور
 حکومتده ضم و الحاق ایلدیکنی بالاعلان جبراً تبعیت ایتدیردک نتیجه تشبثاته واصل
 اولدی برمدت ده اغفال قصدیه شاهنکرایه سنوی سکنز یوز بیک روبله معاش تخصیص
 قانمشن ايسه ده اوچ درت سنه مرورنده استتقال اولندیغندن مشارالیه چارناچار ممالک
 عثمانیه به رحلت وبالا خره ردوسده مقتولاً دارمجازاته مواصلت ایشدر قوم تاتار بونتیجه
 فلاکت اشتمالی مشاهده ایه گرفتار اندوه وملال اولوب چاره وتدبیره اقتدارلری مفقود
 اولدیغندن اون بیک قدرخانه اوزی قیرینه مرور وبرطاقی دخی بحرأ اناطولی ساحلرینه
 عبور ایدوب عجزه وضعفاسی کردنداده ربقه اسارت اولدیلر . بوندن صکره یعنی طقسان
 یدی سنه سی اوآخرنده وخیل حمید پاشا صدارتنک برنجی سنه سنده اوزی صوی کنارینه
 جسم روسیه اردولری کلکه برابر درسمادتده بولان مسقو ایاجیسی قریمک روسیه
 ممالکنده الحاق اولندغنی مصدق سند ویرمک اوزرد تکالیف شدیدیه ابتدار ونیجه
 ایاجیسی دخی شریک ایدوب حدودده بولان قوه عسکریه یومیه یوز بیک غروش
 صرف قلمقده اولدیغندن بحثله سریعاً باسند مطلوبنک اعطاسی ویاخود جواب رد
 ویرلمسی خصوصنده فوق الغایه استعجال ایلدی . ارکان دولت بالدفعات عقد انجمن
 مشورت ایدوب ایکی میلیون نفوس اسلامییه یی حاوی اولان قوجه براقلمک مسقولینک
 گرفتار ید استیلاسی اولسی دیناً و مالمکاً سلطنت سنیه یی حربه مجبور ایددجکی بدیهی
 ايسه ده دشمن تدارکات قویه ایه حدودلرده حاضرودولت علیه ايسه لوازمات حربیه سی
 هنوز اکال ایلدیکی باهر اولوب باخصوص قریم روسیه لونک ید ضبطنه کیرمش وشمدی
 اختیار اولنه حق سفر مقدمه استیلانک وقوعنه ممانعت دائر دسی تجاوز ایدرک تخلیص
 مملکت مقصدینه مبتنی بولنش اوانغله اکال لوازمات حربیه ایچون سکوت ایه براز
 زمان تزانبق صورتی قرار پذیر اولدی لکن روسیه لو سند طلبنده اصرار وفراسه
 ایاجیسی بلا محاربه اشک بتورلمسی خصوصنده صرف وسع واقتدار ایتکهله نهایت قینارجه
 معاهده نلک اوچنچی ماده سی که قوم تاتارک سرباستلکنی متضمندر انک کائن یکن حکمنده

اولدیغنی مشعرسند اعطاسنه قرار ویرلدی . وکویا دولت علیه قریمک روسیهلو حکمنه داخل اولدیغنی صراحة تصدیق ایتیوب یالکز قریم حقنده اولان معاهدهسنی الغا ایش اولدی مع مافیه ارکان دولت سند ویرمیهرك سكوت ایله کچشدیرمک خصوصنه چالیشدقلى حالدہ بودرجهسنی طوتدیره میوب وقریمک روسیه ممالکینه الحاقنی تصدیقاً سند اعطاسنی دخی کوزه آلدیره میوب ایکیسى اورتاسی اولهرق قوم تاتارک وقریمک بیطرفاغنی مقاولهسنی اسقاط ایله تنظیم مصاحت اولنق ترجیح ایدلدی بوماده کویا بر دیپلوماتاق اولوب ایلروده سلطنت سنیه نك دعوايه قیام ایدہ بیلمسی حقنی محافظه مقصدینه مبتنی ایسه ده دولتلك بومثللو دعوالرینی فصل ایدہ جک محکمہ انجق قوه حریبه اولمغله بوکی تکلفاتدن هیچ بروقتده استفاده اولندیغنی کورلما مشدر . حتی ایکی یوز التی سنه سنده عقد اولنان زشتوی عهدنامه سنک ایکنجی ماده سنده قریم و طمانک روسیه ممالکینه الحاقنی مین اولان سندده اختیار اولنان مطالعات و تکلفات هپ بیهوده اولمشدر . بوکی شیلر ایکی سببدن منبعث اولوب برنجیسی حقیقه فائده امید و خلیاسیله یاپیلور . ایکنجیسی همعصر اولان معترضاره نوعما مدافعه ایچون حاضر انور . ننه کیم عصر مزده باغرادى صربستانه ترک ایدنلر بزلعه یی امارتک امتیازینه ادخال ایتیوب بافرمان مخصوص محافظاغنی صرب بکنه تفویض ایتدک وقلعه ده صرب بایراغیله برابر عثمانلی سنجاغنک رکز اولنمسنی دخی شرط قوشدق دیرلر ایدی بوبابده جریان ایدن مذاکرات ونشر اولنان اعلاننامه لر واعطا اولنان سند مفصلات توارینخده مسطور اولمغله ومرة بعد اخری اشعار اولندیغنی اوزره مقصد عاجزانهم هر عصرده اداره امور دولتی بیانه منحصر بولمغله سمت تفصیلاته کیدلیوب فقط بوماده حقنده وقوعات سابقه و آتیهدن استنباط اولنان احکامنک برنبده بیانه ابتدار قلندی .

حکم زمان چوق شیلری جریان اصلیسندن چیقاردیغنی درکار اولدیغندن بیلور بیلنمز احوال اسلافه طعن انذار اولمق مسلك عاجزانه حجه مغایر انصاف ایسه ده بوبابده وارد خاطر اولان شیلرک اتیانی فائده دن خالی اولماقلا بروجہ آتی ترقیمنه ابتدار اولندی روسیه لولرک قریم حقنده اولان اقوال و افعال لرینک حاصل ایدہ جکی نتیجه مرتبه بده ائده اولوب او یله برکشور اسلامک استیلاسی ایسه بلا محاربه هضم اولنق قابل اوله میه جغنی آشکار ایدوکندن یدی سکنر سنه صکره واقع اولان محاربه طقسان اوچ سنه سی یعنی شاهنکرایک خاناغه انتخابی زماننده اختیار اولنش اولسه دولت علیه ایچون اهون اوله بیلمسی مأمول ایدی . چونکه سلطنت سنیه نك وقت قزانوب حربه حاضر لنمسی

اندر دیلری اسماعیل قلعه‌سی بنا و چرکستان طرفلری تحت انضباطه وضع اولنق و بر مقدار ذخایر ادخاریله ترسانه و طوپخانه‌جه بعض تنظیمات اجرا قلنمق قضیه‌لرندن عبارت اولوب دشمنه جوابی ویریه‌بیله‌جک درجه‌ده برتدیر کلی اولدیغندن بونلر مهمما ممکن اولوقت دخی یاپیه‌بیلوردی لکن مسقولولر تأخر سفردن دوت بیوک فائده‌یه دسترس اولدیلرکه برنجیسی نمچه ایمپراطوریمچه‌سی ماری تروز قترینه‌نک مزاج و مشوارینه و بالا‌آخره اوستریا دولتی دخی اضرار ایده‌جک‌نه عارفه اولدیغندن قولاً و فعلاً حرکاته معارض اولدینی حالدده هم کندوسی هم‌ده بالا‌آخره جالس مسند حکومت اولان اوغلی ایمپراطور ژوزف روسیه‌و ایله عقد تفاقه مجبور اولمغه بالضروره قوه اسلامیه ایکی دشمن اوزرینه منقسم اولنق لازم کلدی ایکنجیسی طقسان اوچ تاریخنده دها قریم‌اوجانی کلیاً سونامش و قوم تاتار طاغلمامش ایدوکندن مسقولو ایچون بر چبان اوله‌بیلوردی. اوجنجیسی تاریخ مزبورده روسیه‌لر قرد کرده‌دونمای هایونی تهدید ایده‌جک درجه‌ده قوه بحریه‌سی تأسیس ایلامش اولمسیله سفر آتیده واقع اولان مشکلات بحریه‌یه محال یوغیدی. دردنجیسی روسیه‌لر هنوز تفلیس‌خانی ارکلی‌خانی تحت حکومته آلامش اولملریله اولجانبدن سلطنت سنییه‌یی ازعاج و اضراره مقتدر دکل ایدیلر بونلردن باشقه پواتیقه‌جه و تدارک‌اتجه اولان منافعلرینی بی حد و قیاسدر.

سفر ایران

عصر عبدالحمید خانیده خفیفجه بر ایران محاربه‌سی دخی واقع اولمش اولدیغندن آنی دخی اجمالاً بیان ایدم : نادر شاهک قتلندن صکره عجمستانده صفویه ونادریه منسوب‌اتندن خلیججه آدم دعوای شاه‌یه قیام ایده‌رک یکدیگریله محاربه‌لر ایتیشلر سه‌ده هیچ برسی علم افراز استقلال اوله‌مدینی حالدده طائفه‌زندیهدن کریم خان شیراز طرفلرنده امثالنه نسبتله کسب عظمت و قدرت ایدوب کمال عقل و درایتندن ناشی اسلافی کبی شاهلق دعواسنه عدم نصدی ایله ایران و کیلی نامنی اشعار و کویا مسند شاه‌ی ایچون مذهب ایرانیانه موافق بر بستی اختیار ایده‌جک‌نی ایما و تذکار ایلدی. مع مافیه دولت علیه‌نک مشغولیت حربیه‌سندن استفادده ایله بغداد طرفلرینی ضبط ایده‌بیلور سه ایرانیان بیننده وقع وشانی برقات دها تزايد ایده‌جکی مجزومی اولدیغندن سکسان طقوز سنه‌سی اوائلنده بر قوه مفرزه ایله برادری صادق‌خانی بصره محاصره‌سنه ارسال و بغداد ملحقاته دخی اطاله دست تجاوز ایتسیله وقوع حال اقدمجه سفارتله مشار ایله زند کریم‌خانه کوندرلش اولان شاعر

مشهور و هبی افندی طرفندن و بغداد و ایسی عمر پاشا جانبندن انها و عساکر کلیه ارسالیله
 اغانه و امداد اولمسی استدعا قلندی بناءً علیه دیار بکر و ایسی اسپناچی مصطفی پاشا و اوزون
 عبدالله پاشا و کرکوک و ایسی عبدالجلیل زاده سلیمان پاشا و کیکی عبدی پاشا مشار الیه
 عمر پاشا معیتنه تعیین و ارسال اولندی فقط استیضاح ماده‌ی متضمن اولحوالی مأمورلرینه
 یازیلان امرنامه‌لره کلان جوابلر یکدیگرینه موافق اولمیوب باخصوص مشار الیه سلیمان
 پاشانک تحریر اتنده زند کریم خانک بغداد طرفلرینه هجومی عمر پاشانک زوار ایران حقنده
 متجاسر اولدیغی ظلم و تعدیسندن و بغدادده وفات ایدن عجملرک مخالفاتلرینی ضبط و نابان
 پاشالرینی رشوت اخذیه صیق صیق عزل و تبدیل ایلسندن نشأت ایلدیکی اشعار اولندیغنه
 و عمر پاشا سکنز اون سنه دنیرو. بغداد و ایلاکنده بولنوب عزلی اوتهدنیرو جایبگیر ضمیر
 دولت بولندیغنه مبنی بغداد و ایلیکی بیك. طقسان سنه‌سی اوائلنده اسپناچی مصطفی پاشایه
 و دیاربکر و ایلیکی عمر پاشایه تفویض اولنهرق توجیه فرمانلریله برابر شاید عمر پاشا
 اطاعت ایتمیوبده بغدادی تسلیم ایلز ایسه قتل اولمسی متضمن آیروجه بر فرمان دخی
 خفیاً مصطفی پاشایه تسلیار قلندی. عمر پاشا امر سلطانی یه اطاعت و بغداددن خروج
 مسارعت ایشیکن مصطفی پاشا مالنه طمعاً یدنده کی فرمان عالی‌ی سوء استعمال و بر تقریبه
 مشار الیهی قتله استعجال ایلکله برابر عجملرک صالحی متضمن اولان اخبار اغفال انکیزلرینه
 فریفته اوله‌رق عمر پاشانک ازاله‌سیله مخاصمات بر طرف اولدی ظن ایدوب معیتنه مأمور
 اولان امرا و عسکری طاغندی. بصره محاصره‌سی ایسه اون درت ماهه بالغ و امداد
 ظهوری دخی متمتع اولغله صادق خان سکرار هجوم ایدرک بصره‌ی تسخیر و مسالمتی
 بوانان سلیمان اغا ایله اشراف بلده‌ی اسیر ایدوب اموال و فیره ایله شیرازه ایصال ایلدی.
 بوخبردر دولته واصل اولدقد و یریلان فتوای شریفه موجببنجه زند کریم خان اوزرینه
 اعلان حرب اولنوب آنجق آزر بایجان خانلری جانب دولت علیه ابراز محبت و زند
 کریمدن عرض شکایت ایدمکدکلرندن آنلره استمالنامه‌لر تحریر و ارضروم جانبندن سوق
 عسکر اولتمق صورتی تأخیر اولنوب بغداد و ایلیکی مقتول عمر پاشا کتخدالرندن عبدالله
 آغایه و کرکوک ایلی ماردین و یوده‌سی حسن آغایه بارتبه وزارت توجیه اولنوب مصطفی پاشا
 دیار بکرده قلعه بند و متعاقباً قتل و اعدام قلندی.

کردستان طرفلرنده بعض مرتبه محاربات و مدافعات واقع اولمش ایسه‌ده بصره‌نک
 استخلاصی ممکن اوله‌میوب عبدالله پاشا دخی وفات ایلدیکندن ایالت بغداد مشار الیه حسن
 پاشایه توجیه بیورلدی. صادق خان بصره‌ی ضبط ایتدکدنصکره اون ایکی بیك عسکر ایله

برادر زاده سی علی محمد خانی محافظ براقشیدی . خان مومی الیه منتفك عشیرتی شیخی
 تامری تحت اطاعتہ آلمق اوزردہ اون بیك قدر عسکرایله بصرہ ددن حرکت و تقابل وقوعندہ
 عسکر ایراندن اوتوز بش قدر آتلو آنجق تخلص جان ایدوب ماعداسی و خان مزبور
 الیه ایکی نفر برادرلری مقتول اولمغله بووقعه زند کریم خانہ پک زیاده تأثیر ایددرک خسته
 و بیك یوز طقسان اوج سنه سی صفرندہ سفر آخرتہ کمر بسته اولدی . اوتوز سنه دنیرو
 مشار الیه زند کریم خان ممالک ایرانده اولدقجه علم افراز استقبال اولمشیکن وقوع و غتیه
 اقربا و علاقائی بیننده آتش اختلاف شرر افشان اولمغله و قاچار قبیله سندن آغا محمد خان
 عراق عجمده متصدیٰ دعوائی استبداد اوله رق کوندن کونه نشو و نما بولمغله دوات
 زندیه اون ایکی سنه صکره کلیاً منقرض اولمشدر بروجہ محرر زندیه طائفه سی بیننده
 مقاتلات ظهور ایك جهنیه ارتق بصره دی محافظه ایدهمیه جکری محسوسلری اولدیغندن
 سالف الذکر بصره مسامی سلیمان اغایه بصره دی توجیه ایدوب ارسال ایشلرایدی . حالبوکه
 اولجه عجمک بصره دن چکلمش اولدقلری خبری بغداده واصل اولدقدہ حسین پاشا
 طرفندن نعمان افندی نامنده بریسی مسلم اوله رق کوندرلمش و شیخ تامر دخی سلیمان اغانک
 خصمی بولنش اولدیغندن اغای مومی الیه هو یزده اقامت و وقوعات سابقه یی و کیفیت صداقت
 و خدمتی استنبوله تحریر ایدوب ظهور جوابه منظر اولدی . مومی الیه ک لیاقت و قابلیت
 نزد دولت علیه ده متعین و او آراق شیخ تامر دخی مقتول اولمسیله ایالت بصره و متعاقباً
 ایالت بغداد بارتبه وزارت مشار الیه توجیه بیورلدی . اشبوسایمان پاشا یکر می سنه دن متجاوز
 بغدادده حکومت و ضبط و ربط مملکتہ موفق اولمغله بعد ازین بیوک سلیمان پاشا نامیله
 کسب شهرت و عظمت ایلشدر .

ایرانلر یکدیگرینه دوشوب غوغا ایتکده اولدقلرندن و مطلوب دوات اولان بصره
 استخلاصی دخی حصول بولدیغندن طبیعتیله ایران محاربه سی برطرف اولدی .

روسیه و نمچه یه اعلان سفر

قینارجه معاهدہ سی سینہ دواتی مجروح ایدوب قریم استیلا سی ده داغ بر بالای داغ
 اولمشیکن طرف دشمنده کوریلان نشو و نما و بالعکس هیئت اسلامیه ده مشاهده اولنان
 عدم انتظام و فقدانی اسباب و قاچار ناچار ارکان دواتی صبر و سکوتہ اجبار ایتکده
 اولمسیله برابر سلطان عبدالحمید خان حضر تلری واصل سن فتور اولدیغندن و باخصوص
 کمال ورع و تقوی الیه متصف و سفر سابقده سرحداتده بولنان صبیان و نسوانک گرفتار
 اولدقلری نلا کتله واقف اولدیغندن وقوع حربی ایسته مز و زمانده عباداد پائمال

اوله جقسه جناب حق روحی قبض ایلسون دیودنمایلردی لیکن روسیه ایلیچینسک نوبنو واقع اولان تسکالیف طاققفرسانی وایمپراطوریچهنک کمال دبدبه ودارات ایله قریمه کلمسی غیرت وحمیت عامیانه وامیانه ایله متصف اولان صدراعظم یوسف پاشانک واکاپرواولان ارکان وخدامک صبرو آراملرینی احراق وافنا ایدوب انکلتزه وپروسیا ایلیچیلری دخی کندو دولترلرینک پولتیقهلری ایجابجه سلطنت سنیه یی حربه نشویق ایتمکده ایدیلر روسیه ایمپراطوریچه سی کندی حسابجه سفرك برمدت دهها تأخری آرزوسنده اولدیغندن ابراز رفق وملایمت ایچون ایلیچینسهنه تعلیمات کوندرمکده اولدینی حالدہ رئیس وکلاسی بولنان بوتمین قریم وبسارابییه ولهستانی برلشدیروب حکمدار اولق ماخلولیاسنده اولدیغندن وقوع حربہ متهاک وایلچی ایسه انک تحصیل رضاسنه منہمک اولمسیله ظاهراً ابراز ملایمت وحقیقتده استلزام سفری متضمن حرکاته نصب نفس مفسدت ایلدیکنه مبنی طرفین حکمدارلرینک مرضیسی دکل ایکن مقتضای قدر امر سفر مقرر اولدی بناءً علیه عقد اولنان مجلس مشورتده صدراعظم کشاد سفری التزام ایدوب شیخ الاسلام مفتی زاده احمدافندی صورت مماشات کوستردیکندن ورأی خلافته بولنان اکابر صدر مشارالیهک چهره خراش ازاری اولمسنندن وهمناک اولدقلرندن بیکی ایکی یوز برسنه سی شوال شریفنده اعلان حربہ قرار ویرلدی حتی اولجه آینه لی قواق قصرنده عقد اولنان مجلس مکالمه یی ورای باب خفادن سلطان عبدالحمیدخان حضرتلرینه اسماع وروسیه ایلیچینسک اظهار ایتمکده اولدینی رعونه بالذات کسب اطلاع ایله تهییج عروق غضب وغیرت ایتدیرلش وبو کره دخی ویریلاز فتوای شریفه موجبجه اعلان حرب اولنق ضروری اولدینی وتأخیری موجب مخافات اوله جفی صدراعظم طرفندن افاده اولنه رق ایسترایسته مزقبول واتصدیقہ اجبار ایدلمشدر شهریار مشارالیه حضرتلری اگر سفر اولمزایسه تختکده اوطوره مزسین دیورلر ومسقو کیلری بالا التزام سرای بروننده یاتوب قصداً وتحقیرآبی ادبلکه جرأت ایده یورلر دیو سویلیورلر لیکن بن اوپله شی کورمدم دیدکلری منقولدر .

عقد مجلس عمومی اولدینی کونکه بیکی یوز برسنه سی شوال شریفنک یکرمی سکزنجی کونیدر روسیه ایلیچیمی باب عالی یه احضار وتنفس اوطه سنه اقعاد اولتوب مواد منازع فیهادن اولا بغدادده مقیم مسقو قوئسلوسی مفسد بر آدم اولمغله بلا توقف ممالک محروسه دن قالدیرلمسی ثانیاً تفلیس خانی ارکلی خان حقنده روسیه دولتنک دعوی ایلدیکی صحابت مغایر عهد اولوب تفلیسده مسقو عسکرینک بولنخی دخی ایکی سنه دنبرو جلد و کر جستان طرفلرنده انواع شورش واختلاله یادی اولدیغندن روسیه عسکرینک اولخوالیدن

چکلمسی ثالثاً استانبولدن مرور و عبور ایدن مسقوکیلری ممنوعاتدن مال آدقلری محقق اولغله بلااستتنا یوقلانمسی رابعاً التی آی مقدم یاشدن فرار ایدن بغداد و یوده سی علیکساندرینک روسیه دولته التجا ایلدیکی تحقیق قلمش اولدیغندن طرف دولت علیه رد و تسلیم قلمسی خامساً بر موجب عهداوی اهاایسنه ویرلمسی مشروط اولان طوزک اعطاسنده تردد قلمامسی سادساً روسیه ممالککنده بولنان دولت علیه تجار و تبعه سنک حمایه سی ضمانتده روسیه مملکتلرنده جانب سلطنت سنیه دن مأمور لر اقامه سی قطعاً مطلوب دولت اولدیغنی شفاهاً و بالواسطه افاده اولندقدن ایلچی مومی الیه دولتدن استیدان ایتدکجه جواب ویرمه جکنی بیان ایلکله و بودخی وقت کچورمک مقصدینه مبتیدر دینکله ایلچی مومی الیه بر معتاد یدی قله ده بالتوقیف اعلان سفر اولندی صدر اعظم تدارکات سفریه ایله اشتغال ایلکده اولوب علامت حرکت اولان طوغ اخراجی رسمی اجرا اولندیغنی کون نمچه ایلچیس بر قطعه تقریر کوندروب موسقولو ایله اولان اتفاقلری حسیله انلردخی اعلان حرب ایلدکلرینی بیان و پساپورتنک اعطاسنی درمیان ایلکله بو کیفیت صدر مشارالیه موجب دهشت و تلاش اولمشسه ده اظهار تجلیدن بشقه چاره قالدیغندن نمچه دولتی حقنده جانب سلطنت سنیه دن فوق العاده رعایت و مساعدده ابراز اولمشیکن بلاموجب نقض عهد ایلدیکی حقنده قلمه آلمان اعلاننامه نك دول معظمه یه ارسالله بیان حال قلندی بونک اوزرینه حضور هایونده عقد مجلس اولنوب اردوی هایونک قنغی جانبه توجهی مقتضی ایدوکی مذاکره اولمش ایسه ده بر نتیجه استحصال اولنه مامغله ادرنه یه بعدالوصول ایجاب حاله کوره حرکت اولمغه قرار ویرلدی .

وبیک ایکی یوزسنه سی جمادی الاولنده سردار اکرم یوسف پاشا سنجاق شریفی و صنوف عسکریه یی مستصحباً در سعادتدن قیام و ادرنه صحراسنه ربط طناب خیام ایلدی یوزسنه دنبرو صربستان رعایاسنک دماغنه هوای استقلال صعود ایلش اولدیغندن نمچه سفرلری واقع اولدجه طرف طرف عقد جمعیت ایله ذروه عصیان عروج و قطع طرق و معابر ایده کلدکلرندن اردوی هایون سلسله طرفلرینه سوق اولندیغنی تقدیرجه بلغراد محصور حکمنده قاله جنغی مطالعه سنی مبنی روسیه جانبنک جهت بحریه سی قپودان دریاغازی حسن پاشایه و طرف بریسی اسماعیل سر عسکری صدر سابق شاهین علی پاشایه حواله اولنه رق موکب هایونک دخی ایکسی اورتیه سی بولمق اوزره و دین جهته سوق اولمسی قرار لشدیرلدی و اسماعیل سر عسکری معیتده و اوزی و خوتین و بندر قلعه لری محافظه لرینه صنوف متنوعه دن یوزبیکدن متجاوز عسکر ترتیب و اسرا قلندی .

نمجه لولره غلبه

نمجه لولر اول امرده بوسنه يه تعرض ايتمشلرايسه ده ارسال ايلدكلرى قوه مفروزه لر
 منهزم اولمغله بلغرادك محاصره سنه نيت ايشلر ايدى لكن موكب صدر اعظمينك ودينه
 طوغرى توجهنى استماع ايلدكلرنده قرانته موقعى اولوب نظارت دينيلان قصبه يه وكيروسنده
 واقع مهاديه بوغازينه استحکامات انشاسيله مترقب مدافعه وانجام کار اولديلر اردوى هايون
 ودين صحراسنه لى الوصول ايکي يوزايکي سنه سى ذى القعدة سنده ودين سرعسكرى بولنان
 ملك پاشا کتخداسى حسن پاشا که جنازه حسن پاشا دخى ديرلر قلفات طرفنه امرار
 واورادن نظارت اوزرينه ارسال اولمغله محاربات شديد و قوعيله استحکامات موجوده
 ضبط وعساكر دشمن طرد قلندى صدر اعظم سنجاق شريفى واردوى هايونك آغراغنى
 ودين صحراسنده براغوب عساكر منتخبه ايله فتح الاسلام صحراسنه وارد اوله رق پيدري
 سرعسكر اردوسنه عسکر ارسال و مهاديه بوغازينك تسخيرينه اقدام اولمى اشعار ايدوب
 بالآخره کيندوسى دخى مرور و ساحل طونه ده واقع اينلک نام براستحکام مشکل التسخيرى
 فتح ايلدى بوندن صکره زور بازوى مجاهدین ايله ذکر اولنان مهاديه بوغازى استحکاماتى
 ضبط وغايت صرب طاغله طويلراخر اجيله و نمجه ايمپراطورينك قوماندە سى تحتده
 اولان بيوک اردوسى تضيق اوله رق عساكر منتظمه دن مرتب اولان اويله جسيم براردو
 رجعت وفراره مجبور اولمغله عساكر اسلاميه نك تعقيب اتندن کلى تلفات و ضرره گرفتار
 اولدى بلغراد سرعسكرى دخى طونه نك قارشو سنده واقع پانچويه عسکر امرار ايلکله
 اورادن افلاق حدودينه قدر ساحلاً يکرمى وعرضاً کذلک يکرمى ساعتک اراضى که
 بنات اوودسى ناميله معروفدر کاملاً ضبط وتسخير و حاوى اولديغى قرا و قصبات يغما
 و تخريب قلندى بو محاربه لرده سکساندن متجاوز طوپ وعسکر و اهاليدن اللى بيکدن زياده اسير
 اخذ واعتنام اولمشدر . صدر اعظم غايت مقدم و غيور برذات اولديغندن ضبط وتسخير
 اولنان يرلرک ترکى حوصله حميته صيغشديره مامقوله محافظه لرى اسبابنه تشبث ايتمش ايسه ده
 مال غنائمله مغتم اولان جيوش اسلاميه طاقم طاقم مملکتلى جانبه روبراه فرار اولدقلىرينه
 وروزقاسم مرور ايدوب روسيه طرفى دخى فنا لشمقده ايدوکنه مبنى بالضروره ايکي يوز
 اوچ سنه سى محرمنده طونه يى برو طرفه کچوب شهر صفرده روسجق مشتاسنه داخل
 اولدى و مهاديه و نظارت طرفلرنده براغيلان مستحفظين دخى نمجه لولرک مهاجماته تاب آور
 مقاومت اوله ميه جقلرينى ادراک ايله مجبور رجعت اولديلر . نمجه لولر ابتدای سفرده

دارالاماره بغداد اولان یاش شهری اوزرینه براردو سوق ایدوب بغداد ویوده سنی اسیر و شهر مذکوری ضبط ایش اولدقلری حالد افلاق ویوده سی بولسان مارویانی بك بذل اموال ایله خلیجه عسکر جمع ایتیش واسماعیل سرعسکری طرفندن دخی معینه جیوش وفیره تعیین وارسال قلمش اولدیغندن طرف طرف نمچه ممالکنه هجوم ایله ممالک دشمنی پامال جند منصور ایلدیکنه وقوبان خانلی نامیله بسارابیا طرفلرینه مأمور قلنان شهباز کرای دخی عسکر تاتار ایله هیبت بخشای ورود اولدیغنه بناء نمچه لولر یاشی ترکه مجبور و خان مشار ایله جانیکی علی پاشا زاده مقداد پاشا شهر مزبوره داخل اولمشلر ایدی .

استیلای اوزی

روسیه فلدمارشالی پوتمکین معینه تعیین اولان یوزیکرمی بیک قدر عسکرک سکسان بیکنی بالاستصحاب اوزی قلعه سی محاصره سنه عزیمت ویکرمی بشر بیک کشیلک ایکی قوه مفروزه نك برینی یاش اوزرینه و دیکرینی خوتین تسخیرینه سوق ایلدی . یاش اوزرینه مأمور اولان مسقولولر بر نمچه قوه مفروزه سی دخی منضم اولغله شهباز کرای خان و مقداد پاشا اشبو ایکی دشمنه مقاومت ایدهمیه جکلرینی درک ایله اسماعیله کلر یله یاش شهری تکرار گرفتار استیلا اولدی . بنابرین اسماعیل اردوسیله خوتین بیننه دشمن خیلوات ایش اولدیغندن امداد واعانه قبولری مسدود اولغله بر آیدن متجاوز مدافعه دن صکره خوتین قلعه سی دخی اعدا اله کیردی . اوزی محافظی محمد پاشا ابتدای سفرده قله برون قلعه سنی ضبط ایتک داعیه سیله اوچ بش بیک قدر عسکری اوفق قایقلر ایله قارشویه کچوروب مسقولولر کروه چکلمکله اشبو خدعه حربیه یه فریفته اوله رق تکرار عسکر کتورمک ایچون قایقلر عودت ایلدکده مسقولر کلیتله هجوم ایلدیکندن عسا کراسلامیه دوکوشه دوکوشه واصل رتبه شهادت و بو کیفیت اوزیده مجتمع اولان عسکرک قلته وضع قلبه عات اولدیغندن محافظ مشارالیه تبدیل واسماعیل اردوسندن عسا کرجدیده ارسالیله بازوی اقتدارلری تشدید قلمشیدی .

قپودان دریا غازی حسن پاشا دونمای هایون ایله اوزی پیشگاهنه واصل اولوب لیکن صولر صیغ اولق حسبیله بیوک کمیلر قلعه یه تقرب ایدم مدکلرندن مستصحی اولدیغی اینجه دونمای سوق ایدوب برقاق کون محاربه اولندی ، مسقولولرک اینجه دونماسی کثرت اوزره اولغله و طرف اسلامدن صیغ محالره وضع اولنان نشانلر بر تقریبه دشمن طرفندن

تحويل اولنه رق سفن عثمانیه نك خط حر كترلرني شاشر تمش اولملريله صراكب اسلاميه نك
اکثریسی صیغله اوطوروب کیمیسی محترق و کیمیسی ایدی اعدایه گرفتار اولدی . بعده
روسیه لونك بیوک دونماسی سیواستپول لیماندن خروج ایله برولره طوغری کلکده
ایدوکلری استخبار اولندیغندن قپودان پاشا دونمای هایونی قالدیروب اوزرلرینه وارمش
وبالمحاربه ینه مذکور لیمانه فراره اجبار ایلد کدن صکره اوزی پیشگاهنه عودت ایلشسه ده
استانبولدن طلب ایلدیکی سفن صغیره ایله عسا کر جدید مدت مدیده لدوس روز کاری
اسمامسندن ناشی قره دکز بوغازندن حرکت و دونمای هایونه التحاقه مسارعت ایده مدکلرندن
و موسم شتا دخی تقرب ایتدیکنندن بالضروره قپودان پاشا عودته مبادرت وایکی یوز اوچ
سنه سی صفر نده در سعادت موصلت ایلدی .

مسقولولر اوزی قلعه سنی کمال کرمی ایله تضییق ایتکده اولدقلری حالد دونمای
هایونك عودتندن صکره قلوبون وهوجه بك وسائر ساحلرله استحکامات انشاسیله بحرآ
دخی محاصره بی تشدید ایدوب حکمت خدا بوسنه کی قیش قرق الی سنه دنبری کورلمدك
صورته شدید اولدیغندن كرك استانبولدن و كرك روسجقده مشتانشین اولان اردوی
هایوندن ودها اقرب بولنان اسماعیل اردوسندن بووجهله اعانه وامداده چاره بولنه مدی .
روسیه لولرك واقع اولان هجوملری تلفات کثیره بی مؤدی اولمقده ایدیسده مارشال پوتمکین
هر درلو مشکلات و ضایعاته تحمل ایدرك تسخیر قلعه یه نصب نفس اقدام ایدرایدی .
اوزی نهری منجمد اولمق و قلعه نك اوجهتی سهل التسخیر بولمق حسیله ایکی یوز اوچ
سنه سی جاذی الاولنده که اربعینك یگر می التنجی کونیدر . لایعد نردبانلر ایله هجوم ایدوب
اگرچه جیوش اسلامیه قلعه بدنلرنده مدافعه دلیرانه ایله یگر می بیك مسقولو تپه لاش
ایسه ده عسکر دشمن بیتر توکنور درجه ده اولدیغندن بالا آخره قلعه بی ضبط ایلدیله
و پوتمکین اوچ کون نهب و غارت و رخصت ویرمکه یگر می بش بیك قدر عسا کر واهالی
غریق لجه شهادت اولدی .

ارتحال سلطان عبدالحمید خان اول وجلوس سلطان سلیم خان ثالث

اوزی استیلاسی عامه اهل اسلامه موجب اندوه و ملال اولدیغی مثللو سلطان عبدالحمید
خان حضر تلرینه دخی زیاده تأثیر ایلکله عیش زندگانیلری کوندن کونه متغیر اوله رق
نهایت بیك ایکی یوز اوچ سنه سی رجب شریفك اون ایکنجی کونی واصل ریاض جنت

و برادر زاده لری سلطان سلیم خان ثالث حضرتلری جالس تخت سلطنت اولدیلر .
 شهریار مرحوم حضرتلری بیك یوز اوتوز یدی تاریخنده متولد و سکسان یدی
 اواخرنده نائل دیهیم عثمانی اولوب اون بش بچق سنه دن متجاوز پادشاهلق ایتشدیر .
 ورع و تقوی ایله متصف و عبادالله حقنده شفقت و مرحمتی مسلم برسلطان ولایت شعار
 اولوب قره سلحدار دیمکله مشهور سید محمد پاشا و جزایرلی حسن پاشا و کریمه لری در
 شهوار خانم زوجی نظیف افندی و اندرون رجالدن بعض مؤتمن و معتمدلرینک القاتی
 موجبنه حرکت ایدرلر و صدراعظمیره استقلال تام و یروب معروضاتلرینی رد ایتزلر
 ایدی . انچق صفوت قلیلرندن و دسائس کونیه یه عدم و قوقلرندن ناشی تشخیص اغراض
 خصوصنده چندان مهارتلری اولماغله جابجا واقع اولان القات مزورانه یی صحته حمل
 ایده کلشردر .

سلطان سلیم خان حضرتلری کنج و صاحب عزم برپادشاه اولغله و اصلاح مصالح
 دولت حقنده اولان موفقیتسزلیکی خاقان سابقک اختیارلغنه حمل ایدنلر کندوسندن
 امیدوار بولنلریله اسباب غلبه نك تحصیلی و امور مهمه نك تنظیمی ایچون هر درلو فداکارلغی
 اختیار ایده جکلرینی صادر اولان خط هایونلرنده بیان و توضیح ایدوب تفقد امور
 ضمانده دائماً تبدیل کزدرلر ایدی .

پدرلری مرحوم اکثریا صو یولجی قیافتنده و عملیری مرحوم دخی بعضاً سوخته
 هیئتنده کشت و کنار بیوردقلری مثللو سلطان سلیم حضرتلری غالباً خبره جی قیافتنی
 اختیار بیوردقلری منقولدر . شهزاده لکلری اوانده طرف هایونلرینه منتسب بولنانلری
 مناصب مناسبه ایله تطیب و برنجی لالاری محمود بکی والده کتخدالغی و ایکنجی لالاری
 ولی شمس الدین بکی قپوجیلر کتخدالغی ایله تلطیف بیوردقلری مثللو خلیل حمید پاشا
 ماده سنده ذیمدخل بولنان ترسانه امینی حاجی سلیم اغایی و اوغلی اولان وزیر کتخداسی
 نظیف افندی یی اعدام ایتدیردیلر . قپودان دریا غازی حسن پاشا دخی بوجهلندن ایسه ده
 مسبوق الحدمه غازی بروزیر اولدیغندن یالکز عزلیله اکتفا و اسماعیل سرعسکر لکیله
 اردوی هایون جانبنه اسرا قلندی . حتی اول عصری ادراک ایدنلردن منقولدر که مشار
 الیهک دائره سی خلقی درت بش بیك کشیدن مرکب اولوب استانبولدن حرکت ایلدیکی
 کون سلطان سلیم حضرتلری کاغد خانه کوشکندن آلانی تماشا بیورمشلر قصرهایون
 حذاسنه کلدیکنده مشار الیه زمین بوس تمنا اولدقدن صکره عادت عصر اوزره کوزک
 کیدیرملک ایچون درون قصره دعوت اولندقدن دها برخدمتمز سبقت ایتدی انشالله

تعالی خدمت ایدر و نائل التفات اولورز دیهرك آتی سوروب و در حال البسه رسمیه سنی سفری قیافته تحویل ایدوب عسکرینك ایچنه قارشمش و تکرار دعوته تشبث قلندی ایسه ده اولوقته قدر قارشوکی طاغده عسکرینك اوکنده کیتمکده ایدوکی مشاهده اولمشدر. روش حاله و بو روایتیه باقینجه انك حقنده دخی سؤ قصد ملحوظ اولدینی حالده کثرت خدم و حشمنی و قدم خدمت و حیثیتی بر درجه یه قدر انماض عینی موجب اولمشدر .

صدر اعظم یوسف پاشا غایت غیور و مقدم و تهدیدینی ایقاعه قادر بر ذات اولوب حتی شدت شتا مناسبتیه اوزی قلعه سنه امداد و اعانه طریقلری مسدود اولدوقده اوچ بیک نفر منتخب سواری یه قیشلق البسه یاپدیروب بالذات امداده کیتمک اوزره ایکن استیلا وقوعیه بالضروره تأخر ایتمشیدی. موسم بهارک حلولی جهتیله طرف طرف تجمع ایتمکده اولان عساکری یوقلمق ایچون کاه یرکوکی یه کچوب و کاه ملونه ساحلرینی کشت و کذار ایدوب لوازم حربیه نك تنظیم و تدارکیله مشغول اولدینی حالده بیک ایکی یوز اوچ سنه سی رمضانده خدمت صدارت و سپهسالاری و دین سر عسکری کتخدا حسن پاشایه تفویض و ذکر اولنان سر عسکرلک دخی مشارالیه یوسف پاشایه احاله قلندی . چونکه قیوجیلر کتخداسی اولان ولی شمس الدین بك عصر سابقده کوردیکی مؤاخذه لری یوسف پاشادن بیلوب غایت بغیض و بویله بروقت مضایقه ده تبدل صدارتدن طرف سلطنت سنییه عارض اوله جق مضراتی ادرا کدن عاجز اولغله مهر جدید سلطانی بی و ابقای صدارتی متضمن خط پادشاهی بی ایصاله مأموراً اردوی هایونه کلدکده یوسف پاشا هر نه قدر تطیب و تألیفه سعی ایتمش ایسه ده اغراض ذاتیه سنك تسکینه مقتدر اوله مدیغندن بعدالعوده پاشای مشار الیهك سنه سابقده نمچه دن آلمان اسرا قیزلرندن متمتع اولمق کبی احوال ذاتیه سنی و شونندن بوندن استماع ایلدیکی بعض قبایح واقعه و غیر واقعه سنی اعظام و ذات شاهانه بی اغضاب ایدرك عزل و تبدیلی استیصال ایلدی . لکن چوق کچمکسزین سلطان سلیم حضرتلری میر مشارالیهك امور مهمه ده استخدامه لیاقتی اولدینی تفتن ایتمکه نظر التفاتدن اسقاط بیوردیار . واقعا یوسف پاشا سنك مقتضی اولدینی مهمات و مشکلاتی لایقیله تدقیق و ارباب وقوفك سوزلرینه التفات ایتیهرك علی العجله اعلان حرب ایلسندن ناشی مخطی ایسه ده حد ذاتنده مقدم و غیر مفتور و تهدیدینی ایقاعه قادر اولدیغندن اصلاح موجود و پروسیالیر ایه عقد اتفاق ایدرك سبب اولدینی حربك ضرر سزجه ختام پذیر اولسی حقنده بذل مجهود ایلکده ایدوکی مشهود ایدی . یرینه انتخاب اولنان آدمک

و رجحانی ونه یایه بیله جکی موازنه اولنمق سزین شمس الدین بك كبی بر بدلانك سوزیله مشار
الیهك عزلی دولت علیه ایچون ضایعات عظیمه یی مؤدی اولدیغی وقوعات آتیه ايله
معلوم اولور .

بوزه بوزغنی

صدر جدید سنه سابقه ده مهادیه سر عسکری ایکن موفق اولمش ایسه ده سردارا کرم بولنان
یوسف پاشانك علی التوالی عسکر و مهمات یتشدیرمی و مکرراً بالذات موکب سر عسکری یه
کلوب تمشیت مهم ایلمی اعظم اسباب فتح و ظفر اولمشیدی امر عظیم صدارت مشار الیه
جنازه حسن پاشانك دوش بی اقتدارینه تحمیل اولندقدنه ییاجغنی شاشیروب ارکان
دولتک اقوالنه معقول و مناسب دیمکدن غیری چاره سی قالمدی . سلطان سلیم خان حضر تلی
ایسه کنج و غیور و قرناسنك لاف و کذافلرینی واصل و اساسدن عاری تداییر بی معنالرینی
صحیح ظنیله مغرور اولدیغندن اردوی هایونك افلاق طرفه کچوب مسقو و نمچه لولری
تدمیر و تحت محاصره ده بولنان بندر و آق کرمان قلعه لرینی تخلیص ایلمی ضمانتده سردار
اکرمی تضییق ایلمکده ایدی . بناءً علیه ایکی یوز دوت سنه سی محرمی که ایام حریف
ایدی . اردوی هایون ايله روسجقدن حرکت و ماچین طرفلرندن طونه نهرینی قایتلر ايله
مرور و بونده نهرندن دخی عبور اولنوب فوفشان جوارنده بر موقع اتخاذا اولندی ایسه ده
ایلروده دها مناسب بریر بولمق احتمالیله موکب هایونك کافه سواریمی کمانکش مصطفی
پاشا رفاقتیله ایلرویه سوق قلمشیدی . موکب هایوندن تقریباً ایکی ساعتک ایلروده
نمچه لونك برقوؤ مفرزمه سنه تصادف اولنوب قاعده حریبه اوزرینه کرو چکلمك مقتضی
ایکن حربه مباشرت قلمسیله ویا لکز سوارینك طوپ و تفنك قارشوسنده پایدار اوله مامسی
طبیعی اولمسیله یواش یواش کیرولیه رك موقع اردوی هایونه کلدیله و بو آره لقی بر روسیه فرقه سی
دخی ظهور و هجوم ایلدی که اشبوا یکی دشمن فرقه لرینك جمله سی اوتوز بیك قدر مکمل
و مرتب عسکردن عبارت ایدوکی مرویدر بش بحق ساعت قدر محاربه اولنوب آنحق
بروجه محرر سواریان اسلام درجنك اول زده لشمش اولدیغندن پیادگانك جناحینی محافظه یه
قادر اوله مامار یله اردوی هایون گرفتار کسر وانهزام اوله رق افتان و خیزان بوزه نهرندن
عبور ایلک صدندده ایکن پك چوق انسان و حیوان و مهمات و حتی رئیس الکتاب خیری
افندی دخی غرقاب عدم اولدیله . بوانهزام سبیلله تحت محاصره ده بولنان بندر و آق کرمان
قلعه لری مسقولو طرفندن و بلغراد حصن حصینی نمچه لو جانبندن گرفتار کند استیلا

اولدی . مسقولولرك بيوك اردوسى اسماعيل اوزرينه هجوم ايدوب سرعسكر بولنان جزايرلى حسن پاشا اولاً خارجده مقابله بعددوراي استحکامدن مدافعه ايددرک مسقولولر کييتلو تلفاته گرفتار ومنهزماً عازم سمت فرار اولدقلرى اخبار ساردهسى اردوى هايونك رجعتى اوانده وارد اولمغله نوعماً موجب تسليت اولدى . صدر اعظم جنازه حسن پاشا موکب هايونه مشتاً اتخاذا اولنان شمنى يه دخوانى متعاقب عزل وجزايرلى حسن پاشا مسند صدارته نصب اولنوب ابتدای صدارتنده مقدماً ويرمايله بندر آقكرمان وکيلي قلعه لرينى تسليم ايدن طيفور پاشا واکثر امرايى قتل ايلد کدنصكره شمنى يه وصولك اوچنجى کونى کتخدا سليمان رشيد افندى ايله مکتوبى امين افندى يى دخی بغتة اعدام ايلدى . بو بابده روايات عدیده يه تصادف اولنوب عقله قريبي صدر سابقك جربزه سزالکندن ناشى ايش بونلرك النده بولنديغندن هزيمت سابقه نك سببي کندولرينه عطف اولنه رق تأديبلرى طرف پادشاهيدن اراده بيورلمش اولمى و صدر جديدك دخی عداوت سابقه سى بولمى قضيه لريدن . صدر مشاراليه اول امرده استقلال تام و يرلمش يکن چوق کچمکسزين مباينت افکار ظهوريله اجرا آت و معروضاتى طرف هايوندن رد و ابطال اولمغله باشلادى هر نه حال ايسه اول بهار ايچون تداركات حربه ايله مشغول بولنديغى وسکسان ياشنى متجاوز اولديغى حالده صدارتنك دردنجى آي اولان ايکيوزدورت رجبك اون دردنجى کونى حمای محرقه دن شمنیده وفات ايلدى . مهيب و خونريز بر وزير غازى ايدى . رحمة الله عليه سلا نيکده اولوقتلرى مدرک بر پيردن استماع اولنمشدرکه اورنوس زاده لردن فاتحان ناظرى اولان احمد بك سفره مأمور اولمغله کندوسى و عسکرى حاضر لنوب سنجاقلر ديکلمش ووقت حرکت حلول ايلمش اولديغى حالده ميرمشار اليه آياق سوريوب وقت کچور مکده اولمسنه کيمسه برمعا ويره مز ايکن ناکاه جزايرلى حسن پاشانك وفاتى شيوعبولدقده درحال حرکت واردوى هايون جانبه سوق سمند عزيمت ايتمش اولمغله سبب تانى صدر مرحومك مهابتى خوفى اولديغى آکلاشلمشدر . اردوى هايون ارکانى دخی کال دهشت ايچنده بولندقلرى حالده مرحوم مشار اليه ک و فتيله تحصيل حيات جديد ايلدکلرى منقولدر .

مقام صدارته بريسك انتخابى خصوصى اندرون رجالى وقائم مقام پاشا و شيخ الاسلام افندى بيننده بالدفعات مذاکره اولنوب لکن مطالعة انجام کار ايله هيچ بريسى بو امر عظيمه رأى ويره مدکلرندن نهايت قرعة شرعية ايله انتخابنه قرار و يرلمکه روسجقلى شريف حسن پاشانك صدارتى موافق قرعة تقدير دوشدى . مشاراليه سکسان ايکى

سفرنده روسجق اعیانلغندن رتبه و زارته نائل و ختام سفردن صکره اوتوده بروده اقامته مأموریتله ثروت و سامانی زائل اولوب بوسفرده راخو و محافظه سنه مأمورایدلمشیدی. بناءً علیه حیثیت ذاتیه و زمانیه دن عاری برذاتک صدارتی نه کندوسنک ونه ده هیچ کسه نك اصلاً خاطری نه ظهور ایتمز ایکن سائق تقدیر بویله بر صورت غیر ملخوظه تصویرایلدی.

وقوع نصرت در یرکوی

بکرشده بولنان نمنجه اردوسی قوماندانی قوبورغ قرق بیک قدر عسکرله یرکوی قلعه سنی محاصره ایدوب صدر مشارالیه دخی کمال غیرت و اقدام ایله اردوی هایوندن و روسجق حوالیسندن پیدرپی عسکر و مهمات ارسالله تقویه بازوی مجاهدین ایلدیکندن بالاخره عساکر ایدرک رهروسمت فرار اولملریله بومظفریت و متعاقباً نمنجه لو ایله عقد متارکویه موفقیت صدر مشارالیه باعث ممدوحیت اولمشیکن بروجه آتی ماورویانی بکی قتل ایلمسی مقدمه نکبتی اولدی چونکه میرمشارالیه مدت مدیده ترسانه ترجانلغنده بولمغله جزایرلی حسن پاشایه منتسب اولوب انک همتیله عصر عبدالحمید خانیده افلاق ویوده سی نصب اولمش ایدی حد ذاتنده جری و جسور و غیور بر ذات اولمغله سفر ظهورنده خزینه ثروتی آچوب معیتنه تعیین اولنان عساکر و کندوسنک جمع ایده بیلدیکی بهادرلره ایثار ایدرک شهرت و شانی اولحوالی بی طولدیرلمش و مهادیه محاربه سی هنکامده طرف طرف نمنجه ممالکنه هجوم ایله کسب مظفریت و اردوی هایونه کلی خدمت ایتمشدی بوزه بوزغندن صکره افلاقده پایدار اوله میوب برقاق بیک آدمیله زشتوی طرفنه مروره مجبور اولمشیدی یاننده کلیتلو مجوهرات بولنق شایعه سنه مبنی صدراعظم آنلری غصب ایتمک طمعنه دوشوب بیچاره بی دماغنده خیانت اولمق و متهی فرار بولنق اوزره طرف پادشاهی یه عرض و اعدامنه اراده استحصال ایلمکله اولحوالیده بولنان مأمورین ایله اطرافنی بالاحاطه قتل و اعدامنه ظفر بولدی شو قدر و ارکه میرمشارالیه مقدا افندیسی اولان پتراکینک فاملیاسندن ضربخانه صرافنی بولنان دیگر پتراککی یه عداوت و غمز و سعایتله قتل ایتدیرمه درجه سنه قدر مجاسرت ایدوب حتی افلاق بکی اولدینگی کون الای ایله باب هایوندن خروجنده صراف مرقومک سرمقطوعنی سیر ایلمش و کندوسی دخی بالاخره مثیلله مجازات کورمشدر

استیلای اسماعیل

سکسان ایکی سفرنده اسماعیل موقعنک اهمیتتی تحقق ایلدیکنه مبنی بعد المصالحه غایت

متین و جسیم بر قلعه بنا و تجهیز و تسلیحه اعتنا اولنوب اشبو سفردده عسا کر کلیه ایله تحصین اولمش و حدود اسلامیة نك الك مهم استنادگاهی بولمیشیدی . کچن سنه روسیه لیلرک هجومنده اولوقت اسماعیل سرعسکری بولنان جزایرلی حسن پاشانك سیف سطوتیهله منهنماً ارجاع اولمشلر ایکن بوسنه دهها مکمل قوت و کمال شدتله محاصره ایلدیلر .

صدراعظم ایکی یوزدورت سنه سی ذی القعدة سنك دردنجی و تموزك التجی کونی اردوی هایونله شمنیدن حرکت و روسیه اوزرینه توجیه وجهه عزیمت ایتمشیکن نمچه لیلرک یرکویده مبتلا اولدقنری انهزام سببیه انلرک اوزرینه صولت اولمق دهاسهولتلی کورندیکنه مبنی تحویل نیت و روسجقدن یرکوی جانبنه مروره مبادرت ایلدی . انجق متعاقباً پروسیالیر حدود سابقه اساس اولمق اوزره آوستریا دولتی مصالحهیه اجبار وارضای وعقد متارکه سندلرینی امضا ایلدکلری خبری وارد اولمغله یرکوی صحراسنده الی کون قدر امرار اولنان وقت اوان حربی اضاعه دن بشقه برشی مفید اولمدی . بعده اردوی هایون روسجغه عودت و موسقولو اوزرینه عزیمته تجدید نیت اولنوب سلسلتریه قدر کیدلمش ایسهده موسم شتانك حلولی جهتیهله موکب هایونك اکثر عسکری طاغلمش اولدیغندن حصول مقصده امکان و اقتدار مفقود اولمغله بالضروره شمنی مشتاسنه رجعت اولنوب فقط صدراعظم کمال حیرت ودهشتندناشی بر مقدار سواری استصحاب واسماعیهله امداد ایلک خلیاسیهله دوبریجه طرفلرینه طوغری شتاب ایلدی . موسقولیلر کیلی قلعه سنی استیلا و طولچی و ایساجقی قصبه لرینی احراق ایلدکدن صکره بش التی آیدنبرو تخت محاصره ده بولنان اسماعیل قلعه سنی برآ و نهراً تضییق ایدوب صدر مشارالیه هر نه قدر امداد و اعانهیه دامن درمیان اولدیهده بر وجهله مقتدر اوله مدیغنه و موسقولولر هر درلو تلفاتی اختیار و کمال شدتله بالدفعات هجومه ابتدار ایلدکلرینه مبنی بالآخره ایکی یوز بش سنه سی ربیع الآخرینك اون التجی و کانون اولك اون برنجی کونی حرباً استیلا ایللریله طرفیندن یکر میشر بیک آدمدن زیاده تلفات واقع اولوب حتی روسیه لونك معتبر برجنرالی و محافظ قلعه آیدوسلی محمد پاشا دخی قنطره سیفدن مرور ایلدی . صدر اعظم بووقعه اوزرینه کمال خوف و خشیتله صحرالرده طولاشمقده ایکن عزل و قتلنه اراده سنیه تعلق ایلدیکندن ایکی یوز بش سنه سی جمادی الآخر سنك طقوزنجی و شمنی مشتاسنه دخولی کونی قتل و اعدام اولنوب و دین سرعسکری بولنان صدر اسبق قوجه یوسف پاشا ثانیاً متکا پیرای صدارت عظمی اولدی .

اسوچ اتفاق

ابتدای سفرده دوات علیه ایله اسوچ دولتی بیننده صالح و حربده برابر اولمق و جانب سلطنت سنیه دن یکر می بیک کیسه اعانه حربیه ویرلمک اوزره عقد اتفاق اولمغله دوات مشارالیها دخی حربه مباشرت ایتشیدی . واقع اولان محابوات بحریه ده اسوچلو مظهر غلبه اولمش ایسه ده محاربات بریده ده اکثریا مغلوب اوله کادیکنه و دولت علیه اردولری دخی مبتلای انهرام اولدیغنه نظراً اسوچ قرالی منوی ضمیری اولان استرداد ممالک قدرتیات اوله میه جغنی و روسیه لو افسادیه داخل ممالکنده دخی بعض مخالف فرقه لر ظهور ایلدیکنی مشاهده ایلسیه عهد نامه اتفاقک مغایری اوله رق ایکی یوز بش سنه سنده روسیه لو ایله عقد مصالحه ایلدی . دوات علیه مبالغ موعوده یه محسوباً بر مقدار اچقه اعطا ایش اولمغله بوکا مقابل بحر بالطقده بولنان روسیه دونماسنک آق دکره کله مامسی منافعه دسترس اولدی .

پروسیا اتفاق

سلطنت سنیه نك اعلان حرب ایلسنی متعاقب پروسیا و فرانسه واسپانیا دولتری عرض توسط ایدوب آنجق پروسیالورل اشبو توسطی عقد اتفاق ایله تأیید و تشدید ایدرک پروسیا دواتی طونه نك بو طرفنده اولان ممالک دولت علیه یی ضامن اولمق و روسیه ونمچه دولتری نی با تهدید قبول صاحبه اجبار و بوصولت ممکن اوله من ایسه ایکیسنه دخی اعلان حرب ایلمک و دولت علیه دخی پروسیالودن غیری بر دولت توسطیله عقد صالح ایتیه جگنی تعهد ایلمک شرائطیه تجاوزی و تحفظی اتفاق ایلمکی طلب ایدرلر و فرانسه لونک عرض ایتدیکی توسط مجرد رقیبلی اولان انکله تره لوی روسیه ایمپراطور یچه سی قترینه نك نظرندن اسقاط ایلمک ایچون روسیه دولته خدمت ایلمک افکارینه مبنیدر دیرلر ایدی . فرانسه لورل ابراز خلوص و مودتله برابر یالکز عرض توسط ایدوب پروسیالورل ایچون آنلرک مرامی دولت علیه نك زمام اداره سنی ید اداره لرینه آلوب دردست تقسیم اولان لهستاندن حصه جسیمه اله کچیرمک و روسیه و آوستریا دولتری نی اخافه و تهدید و دولت علیه اتفاقی بهالوصاتقی ضمننده در دیو بسط و تمهید و اذهان ارکان دولتی تخدیش و تشویش ایلرایدی اسپانیالورل بزم اصلا منفعت ذاتیه و پولتیقه جه استفاده من اولمیوب مجرد انسانیتیه خدمت و بو وسیله ایله تحصیل شان و شرف ایلمکدن بشقه مطالعه من یو قدر دیرلر ایدی .

تفصیلاتی جودت پاشا تاریخند مسطور اولدینی اوزره بوبابده بین الوکلا انواع مباحث
وسفر ايله اوزون اوزون مجاوبات و مکاتبات جریان ایدوب توسط ایده جک دولتک
اولدجه تهدیدینی ایقاعه قادر اولسی لازمه دن واسپانیالو محارب اولان دولتردن اوزاق
محلده بولندیغندن انک توسطندن ثمره نافعہ مأمول اولماغله ذهنلر پروسیا و فرانسه لو
اوزرنده قالب بالاخره پروسیا اتفاقی ترجیح و اجرای ایجابی تصحیح قلمقدمه ایکن
سلطان سلیم خان حضر تلیرنک جلوسلریله هواد کیشوب دشمنلرک دفع تغلب و تسلطریله
قریمک استردادی خلیالری تجدیدایلدی و شهریار مشارالیه حضر تلیری اخذ انتقام اولندجه
صالحه راضی اولدقلرینی خطوط متعددده ايله اعلان بیوردیلر برقاچ ماه مرورنده بوزه بوزغنی
وقوع بولماغله نظام سز عسکر و فقدان مهمات سیروسفر ايله غلبه ممکن اوله میه جنی و کار ایدیم دیر
ایکن ضروره اوغرانلدینی جهتله جزایرلی حسن پاشا صدارتنده پروسیا اتفاقی تمهید و سنداتی
امضا و تعاطی اولندی. انک اوزرینه پروسیالولر نیچه حدودینه بر قوه جسیمه سوق ایدرک
حدود قدیمه اساسیله عقد مصالحه یه اجبار ایلر یله متارکه اولنوب فقط نیچه لولر من جهة
روسیه لویه معاوتی الدن بر اقم دقلرندن مصالحه مذاکراتنی طقوز آی قدر سور و کلیوب
دوات علیه نک اوستریا حدودلرنده بولسان عسکرینی روسیه اوزرینه سوق ایتکه
میدان ویرمدیلر.

محاربه ماچین

اول بهار حلولنده روسیه لولر دو بریجه یه کچوب ایصال خساره مباشرت و عسا کر
مجمع اولقسزین اولحو الیده بولسان جنود موحدینه ایقاع پریشانی و دهشت ایلدکلرندن
صدر اعظم ایکی یوز بش سنه سی شوال شریفنک سکنر نیچی کونی اردوی هایونی شنیدن
قالد یروب دو بریجه یه طوغری عطف زمام و روم ایلی والیسی مصطفی پاشایی سر عسکر
نصب ایدرک معیتنه عسا کر کلیه ترفیقه یه ماچینه اعزام ایلدی. سر عسکر مشار الیه
دشمن طونه طرفدن ظهور ایدر ظنیه طویلری اوجهته تعبیه ایتدیرمش اولدینی حالده
مسقولولر اولطرفدن بر مقدار عسکر ابراز و قوه موجوده لریله ارقه طرفندن یوریش
ایتدیلر. کوردعلو و تپه دنلی علی پاشا و جبار زاده سلیمان بک و قره عثمان اوغلی محمد اغا
کندولرینه منسوب سواری ايله برقاچ دفعه دشمن آلایرینه هجوم و ابراز شجاعت
و جلالت ایتدیلر ایسه ده سواری ايله پیاده بی مدافعه قابل اوله مدیغندن بش الی ساعت
قدر محاربه دن صکره عسا کر اسلامی بر ساعت قدر برویه چکیلوب بو هنکامده موکب

صدر اعظمی دخی تقرب ایلمشیدی . محاربه نك غالییت و مغلوبیتی لایقیله تعین ایدمییوب روسیه لولر دخی کلیتو تلفات ویردکلرندن انلر دخی پایدار اوله میهرق طونه دن قارشویه کجدیلر . صدر اعظم حرسویه عودت ویکیدن استکمال اسباب مقاتله یه مباشرت ایدوب چندکون صکره تتمیم مهمات ایله تکرار ماچین صحراسنه نصب سرادقات اسلام ایلدی .

محاربهٔ بحریه

محاربه نك ایکنجی و اوچنجی سنه لری قپودان دریا کریدلی حسین پاشا دونمای هایونی بالاستصحاب قره دکره چیقوب اوچ درت دفعه مسقو دونماسیله محاربه ایلمش و طرفیندن اوچر بشرکمی تلف اولمشسه ده غلبهٔ مطلقه هرایکی جانبه ده نصیب اولدیغندن ختام سفره قدر قره دکر تحت امنیته الهمامشدر .

استیلای آناپه

مقدما چیچن قبیله سندن شیخ منصور نامنده برذات ظهور وباشنه طوپلادیغی قبائل خلقیله اولحوالیده بولنان روسیه فرقه لری اوزرینه هجوم ایدوب نائل فوز و ظفر اولمغله ولوله شهرتی عالمگیر اولمشدی سفر وقوعنده اقوام چراکسه دن استمداد نامه لر وارد اولمسیله جانیکی حاجی علی پاشانك اوغلی بطلال حسین پاشا آناپه سرعسکری نصب اولنه رق عساکرو فیره ایله اعزام قلندی چراکسه خلقی خفیف سواری دیمك اولدیغندن اچیقندن عساکر منتظمه دشمنه مقابل اوله میه جقلری مطالعه سنه واردوی سرعسکری بی نقله کافی عربیه و حیوان تدارکی مشکل ایدوکنه مبنی بطلال پاشا آناپه ده اقامت و اطرافه فرقه لر سوقیله تعجیز دشمنه مباشرت ایتکی تصویب ایلمش و روسیه لولرک برنجی هجوملرینی دفع ایتمش اولدیغی حالدده طرف پادشاهیدن بهمه حال عساکر اسلامیه بی قبارطای ایچنه صوقسی امر و تأکید و خاصکیانندن جلاد محمود دخی مباشر تعین و ارسال اولمغله بطلال پاشا خوف و دهشته دوشهرک چارناچار ایکی یوزدرت سنه سی ذی الحجه سنده آناپه دن حرکت ویش سنه سی صفر نده نهرقوبانی مرورایله قبارطایه موصلت ایلدی اردوده قرق قدر طوپ ایله یکچیری و کوکالو و قپو خلقی اوله رق اوتوزبیکه قریب عسکر موجود اولدقدن بشقه برطرفدن قبائل دلاورلری دخی تجمع ایتکله اولدقجه برقوت حاصل اولدیغندن رؤسای چراکسه سرعسکر پاشاییده ایلرویه طوغری تشویق ایتکده اولدقلری حالدده مشارالیه اول امرده جوارده بولنان بر روسیه فرقه سنی ازاله لازمدر دیه رك دلی باشیسی ایله بر مقدار

عسکرافراز وارسال وامرای چرا کسه باری هیئت مجتمعه مزله کیده لم دید که تعند و تجبر اظهار ایلدی لدی التقابل دلی باشی منہزماً عودت و دشمن دخی تعقیبه مسارعت ایدرک بونلرک تقریبی اردوده قارغشهلوق وقوعنی مستلزم اولدینی هنگامده سرعسکر بطل پاشا اوچاش آدمی ایلہ روسیہ عسکری طرفہ فرار و دخالت ایلدی بناءً علیہ عسا کر اسلامیہ فوج فوج رجعتہ آغاز و قبائل خلقی دخی بونلری تعقیب دشمندن محافظہ ایدرک قوبان نہرینی کچوب افتان و خیزان آنایہ واصل اولدیلر بطل پاشا کندو عہدہ سنده بولنان طربزون منصبک پدری کتخدالغندن نشأت ایدن ارضروم والیسی صاری عبداد پاشایہ توجیہ اولنمسندن و تبدیل خاصکیسی جلاد محمورک تعجیل قیام و حرکت ایچون مباشر تعیین قلمنسندن خوف و دهشته مستغرق اولوب خصوصیلہ بعض روایتہ کورہ جلاد محمودده بطل پاشانک قتلنی متضمن خط هایون اولدینی دخی جملہ تحقیقاتدن ایدی انسانک خوف جان ایلہ ہر فنانگی اختیار ایلسی طبیعی اولسنہ نظراً بطل پاشا بدرجہ یہ قدر معذور اولہ بیلور سہدہ معیتندہ مجتمع اولان قوہ موجودہ بی مقدمانہ و غیورانہ استعمال ایدرک دشمن ایلہ لایقیلہ چارپیشمش اولسہ یا غالب و یا خود مغلوب اولمقدن بشقہ احتمال اولیوب غالب کلور ایسہ حقندہ اولان سوء تصمیم مبدل الطاف و اعتبار اولور و مغلوب اولور ایسہ اولوقت نفسنی موسقولولرہ تسلیم ایدرک مجبوراً اسیر اولمش رنگنہ قویہ بیلور ایکن صرف وسع و قدرت ایتیمکسزین دشمنہ دخالت ایلسی کندوسنک مقدوحیتنی و اولاد و منسوبینک مقتول و محزون اولسنی مستلزم اولمشدر. بو خبر موخشی در دولته واصل اولدقدہ سالف الذکر صاری عبداد پاشا انایہ سرعسکری نصب اولنوب سیر سریع ایلہ یتشمسی تأکید و توصیه اولندیغی حالده مشار الیہ طربزون طرفارندہ بولنان بعض خصماسیلہ اوغراشمغہ ابتدار و مأموریت مهمہ سنی عقدہ تأخرہ دوچار ایتکله مسقولولر ایکنجی دفعہ آنایہ ہجوم ایدوب حرباً استیلا ایلدیار و مؤخرأ بو تہمت ایلہ عبداد پاشا دخی قتل اولندی .

متارکہ روسیہ

دولت علیہ قریمک استردادی خلیاسیلہ اعلان حرب ایلس اولدیغی حالده بو قدر قلاع و ممالک ید دشمنہ کچدیکندن امکانسزلغی میدانہ جیقدیغنہ مہنی ضرر سزجہ عقد مصالحہ اولنہ بیلور ایسہ موفقیتدن معدود اولہ جفی تسلیم کردہ انام اولوب فقط سلیم خان ثالث حضرتاری هیچ اولمز ایسہ بر محاربه قرانیلہرق اولدقہ اکل ناموس ایلہ صاحب

اولنسی ارزو سنده بولمغله بوبابده سردارا کر مه تأکیدات و تویجات اجرا ایتمکده ایدی. اردوی
 هایون ارکانی ایسه عسکرک انتظام و انضباط سزلغنی مشاهده و پروسیا دولتی فرانسه اختلالنک
 کسب اهمیت و جسامت ایتمکده اولدیغندن نه نتیجه حاصل ایده جگنی درپیش نظر ایدرک
 روسیه اوزرینه اعلان حرب ایتیوب یالکز تهدیدات ایله امر صلحی متمنی بولندیغنی
 مطالعه ایله غلبه دن بالکلیه مایوس ایدیلر بناء علیه طرف صدراعظمیدن قلاصده بولنان روسیه
 قوماندانی جنراله مکتوب تحریر واردوی هایونک عسا کر کلیه ایله ماچینه کلدیکنندن
 و بو کره وقوع بوله حق محاربه ده غالبیت نه جانبه عائد اوله جغنی مجهول بولندیغندن بحثله
 دولت علیه جنکه حاضر اولدیغنی مثللو صلحه دخی مهیا ایدوکی تزییر اولندی کلان جوابده
 طورله نهرندن حدود قطع اولنمق و قینارجه معاهده سیله انک متفرعاتندن اولان مقاولات
 کماکان مرعی اولمق و مملکتینه دائر بولنان معاهدات و مساعدات ابقا قلمق اساسلریله
 عقد متارکیه راضی اولدقلری اشعار قلمغله کیفیت اردوی هایون ارکانی بیننده لدی التذکر
 احوال حربیه و عسکریه یه نظراً بوصورتک قبولنده مجبوریت درکار اولوب محاربه یه دوام
 اولندیغنی تقدیر جهدها بیوک فنا لقلر ظهوری آشکار اولدیغندن هر حالده عقد مصالحه دولت و ملت
 ایچون خیر لو اوله جغنه اتفاق آرا ایله قرار ویرلمکله و بواوانده مذاکرات صلحیه یه مباشرت
 قلمسی ایچون طرف پادشاهیدن مأذونیت دخی وارد اولمغله مورخ مشهور واصف افندی
 ارسال اولنه رق چرکستان و آنا طولی حدودلری قبل السفر بولندیغنی منوال اوزره قالمق
 وید دشمنده بولنان قلاع و بقاعک طرف دولت علیه یه تسلیمی اساس اولمق اوزره ایکی
 ماده دخی علاوه سیله ایکی یوز بش سنه سی ذی الحجه سنک اوننجی و تموزک اوتوز برنجی
 کونی سکر آی مدته قلاصده عقد متارک اولندی .

مصالحه نمچه

پروسیا و انکلتره و فلمنک دولتلری توسطلری ایله زشتوی قصبه سنده عقد اولنان
 مجلس مکالمه یه دولت علیه طرفندن رئیس الکتاب عبدالله بری افندی واستانبول
 پایه لولرندن عصمت بک و مکتوبی دری افندی مرخص اول و ثانی و ثالث تعیین قلمش
 اولدیغندن نمچه دولتلری مرخصلری و دول متوسطه مأمورلریله لدی الاجتماع مباحثات
 کثیره و بالدفعات بسط بساط مکالمه دن صکره ایکی یوز بش سنه سی ذی الحجه سنک اون بری
 تاریخیه مورخ اولان مصالحه نامه یی تنظیم و تعاطی ایلدیلر قلاصده مقیم ویا برکاب سوی
 جیحیم اولان روسیه فلد مارشالی پوتمکین ایله بالخابره یاش قصبه سی موقع مذاکره تعیین اولنمغله
 مشارالیه مرخصلرک اردوی هایونه کلارینی متعاقب مرخصیتلری تجدید ایله قصبه مذکور
 جانبیه بعث و تسخیر اولندیلر .

مصالحه روسیه

طور له دن حدود قطعی اوزی ایالتی و اوزی قری دینیلان اراضی جسیمه یی مسقوولره ترك و تسلیمی متضمن اولدیغندن سلطان سلیم خان حضر تتری بغایت منفعل اولمغله و هر نقدر اساس سندنده مندرج ایسه ده بونك رفع و ازاله سی مطلوب و ملتزمی بولمغله بوبابده اقدام و اصرار اولنسی و ممکن اوله مدیغی تقدیرده مدت متار که نك ختامنده ینه حربیه دوام اولنق اوزره شمیدین تدارکات مقتضیه یه مباشرت قلمسنی صدر اعظمه امر و اراده بیور مقده اولملریله موکب هایونده بولسان وزرا و رجال دولت و اوجاق اغاری دینیلان ضابطان عسکری اوطاغ سردار اکرمی یه دعوت و افاده کیفیت اولندقدده مطالعات سابقه لرینی تکرار و عسکره نظام ویرلدجکه و مهمات سفریه استحضار و استکمال اولندجقه مسقوولره مقابله ناقابل و حربیه دوام اولندجقه ضایعات ملکیه و اتلاف نفوسدن غیری برشی حاصل اولیه جغی ظاهر اولدیغنه مبنی طرف پادشاهیدن وقوعی ملحوظ اولان مؤاخذه یه راضی اولور و دولت و ملت خیرلو اولان صورتی بیاندن اجتناب ایلمز دیهرك فداکارلق اظهار ایلدیلر و تفصیلات لازمه درجیله ترقیم اولنان عرض محضری بالاتفاق تمهیر و تقدیم ایتدیلر .

بونك اوزرینه استانبولده عقد اولنان مجالس متعددده آن بآن توسع ایتمکده اولان فرانسه سیل اختلالنك اوکنه سد چکمك قصدیله آوروپاده براتفاق دولی آرزوسی مشدد اولدیغنه بناءً پروسیالولر روسیه اوزرینه اعلان حرب ایتدکلرندن ماعدا مقدما کندولرینه حصر ایتدیردکلری توسطدن فراغت صددنده بولندقلرندن واردوی هایونك حالی دخی سالف الذکر عرض محضردن مستبان اولدیغندن چارناچار عقد مصالحه یه قرار ویریلوب طرف پادشاهیدن دخی قرین قبول اولمغله موکب هایون شمنی مشتاسنه عودت و یاش قصبه سنده بولنان مرخصلر مذاکراته مداومت ایدرك ایکی یوز آلتی سنه سی جمادی الاول سنك اون بشی تاریخیله مورخ و اون اوچ ماده یی حاوی اولان و یاش عهدنامه سی نامیله معروف بولنان صلحنامه تنظیم و تعاطی اولندی . غر ائبدندر که قینارجه مصالحه سنده سلطنت سیه بالضروره تاتارک سربستلکنی تصدیقه مجبور اولمغله بوکا مقابل مقدما وعد اولنان تضمین سفری یه محل قالماشیکن رئیس الکتاب و مرخص ثانی بولنان ابراهیم افندیك بوش بوغازلغی دولت علیه یی تضمین نقدی بلاسنه مبتلا ایتشیدی . بوکره آنك خلافت اوله رق استانبولده ارکان دولت تضمین سفری اعطاسنه رضا داده اولدیغی و مرخصلره مأذونیت ویرلدیکی حالده روسیه مرخصی شرائط صلحیه یی قبول و طلب تضمیندن عدول ایتشدیر . سکسان ایکی سفرنده اولان بریشانلعه نسبتله بو محاربه نك وقوعانی اهو نجه در . زیرا

سفر مزبور در دولت علیه نك امرا و عسکری متروکیت حائده بولنوب بودفعه ایسه سفر سابق سببیه اولدقجه تجدید ممارسه ایلمش ایریدی . اکر نمچه لو اعلان حرب ایلامش و بوجهتله سلطنت سنیه نك قوتی ایکی په منقسم اولامش اولسه بلکه بعض مرتبه موفقیت امید اولنور ایریدی . نه چاره که شیوه قضا حکمنی اجرا ایدوب قریمی تخلیص ایدم دیرایکن اوزی ایالتی الدن چیقدی .

بعد المصالحه صدر اعظم یوسف پاشا اردوی هایون ایله شمنیدن حرکت وایکی یوزالتی سنه سی شعباننده در سعادتته موصلت ایدوب رمضانك اون ایکنجی کونی طربزون وایلیکی و آناه سر عسکر لکیله مسند صدارتدن منفصل وعصر محمودخان اولده نائل وزارت اولوب سکسان ایکی سفرنده علی التوالی بش التی سنه قائممقاملقد بولنش ومنتفذان عصرک تحصیل رضالینه موفق اولمش اولان ملک محمدپاشا مقام صدارته نائل اولدی .

بو اوانده ایسه قوه بریه و بحریه نك تنظیمی ایچون بااراده سنیه ارکان دولت لایحه لر تقدیم ایتکده و امور مختلفه دولتك یولنه قونسی خصوصنه جالیشمقده اولدیغی حالد صدر مشارالیه پرکار ادره بی منتفذان عصره تسلیم ایلدیکنندن بین الظرفا بال بیجاغی نامیه مشهر اولمشدر بعض محرملری رخاوت اداره سندن بحث ایلدکده (بن نائل صدارت اولدقدن بش اون کون صکره سلطان سلیم خان حضر تلیله ایلك ملاقاتده یوقلمه نیته طوغریسی رجال دولتکیزی پک غیور وصادق ذاتلر بولدم دیدم ایرتسی کونی منتفذان عصر طرفندن عظیم تشکر وهدیه لر تقدیم اولندی اکلادمکه هر نه سویلرایسه در حال آنلره واصل اوله جق وانلره استشاره بیوریه جق بناء علیه او یوشمق یولنی طو تدم وصفای خاطرله امرار اوقات ایلدم) دیو جواب ویردیکی مرویدر لکن بوبرعذر واهی ظن اولنور زیرا ابتدای نشأتندن بروحالی بومرکزده در اسایش نفسی هر شیئه ترجیح ایدن ذوات بویه اعدار متوهمه تصنیع ایدرلر .

فتح وهرات

فی الاصل جزایر ملحقاتندن اولدیغی حالد عصر محمودخان اولده اسپانیه انه کچن وهرات قلعه سی مؤخرأ جزایر لوایله اسپانیه بیننده عقد اولنان مصالحه ده خارج از مکالمه طوتلش اولسنه مبنی بو اوانده جزایر غزائی برأ و بحرأ هجوم ایله ضبط وتسخیر ایلمش اولدقلری خبر مسرت اثری در دولته واصل اولدی .

کوچک حسین پاشا نك قیودانلنی

سلطان سلیم خان حضر تلرینك اوان صباوتندنبرو بنده خاص الخاصلری اولان

کوچک حسین اغا جلوس هایونده باش چوقدار نصب اولمش و بعد المصالحه بارتبه وزارت قیودانلق و اسم سلطان شوهر اکیله قدری دوبالاقانمشیدی سفر هنکامنده روسیه لو طرفندن کوندریلان مأمور لرك تشویق و اقداریله مورد جزیره سنده واقع صولوجه و مانیه اشقیاسی علم افراز شقاوت اولوب تدارك ایلدکلی اون بش بکرمی قدر سفینه نك قومانده سنی قره قچاق و لامبو نامنده ایکی شقیه تسلیم ایدرك سواحل و تجار کیلرینه خسارت ایده کلدکلی حالد مصالحه وقوعیله قیودان جدید بونلرك ازاله و استیصالرینه مأمور بیورلدیغندن دونمای هایون ایله شراعکشای عزیمت و چاملیچه اوکلرنده ملاقات ایدوب بالمحاربه کیلرینک کیمنی ضبط و کیمنی احراق و قره یه دو کیلان اشقیایی قتل و تدمیر ایلدکن صکره مرکز اتحاد ایلدکلی موقعلرده اولان استحکاملرینی دخی تخریب ایلدی بو خبر اشبو ایکی یوزالتی سنه سی ذی القعدة سنده واصل اولوب سلطان سلیم خان حضر تلری تربیت کرده سی اولان قیودان مشارالیهک بو وجهله موفقیتندن فوق العاده مسرور اولدی صدراعظم ملک محمد پاشا ایکی بحق سنه قدر مسند آرای وکالت اولوب رضای هایونه توفیق حرکت و متنفذان عصرک مزاجنه کوره حکومت ایتیش ایشه ده بواوانده شهریار انام حضر تلری نظام جدید عسکرینک تنظیمنه و ترسانه نك اصلاح احواله و ایراد جدید تدارکنه همت و اقدام ایتکده اولمسیله و مقدم و مقتدر بر ذاتک مقام صدارتده بولمسی لزومی متین اولغله ایکی یوز طقوز سنه سی ربیع الاولنک یکریمی التنجی کونی مشارالیه معزول و ایکی سنه دنبرو مصر والیاکننده حسن سلوکی مشهود اولان عزت محمد پاشا مقام صدارته موصول اولدی .

پاسبان اوغلی وقعه سی

ان شاء تعالی بوبابک تکمله سنده ایراد اولنه جنی وجهله اناطولی و باخصوص روم ایلی ممالکی اعیان و دره بکی و طاغلی اشقیاسی کبی متغلبه اللرنده اولوب بونلردن و دین محصلی اولان پاسبان اوغلی عثمان اگا که فی الاصل و دین یمقلرندن یعنی مستحفظ یکچیچر یلرنندن ایکن کسب قدرت و تمیز ایدرك محصلانی در دست ایتیش و مؤخرأ و دین والیدکنه دخی ظفریاب اولوب کوندن کونه دائره حکومتی توسیع و طرنوی و روسجق طرفلرینه قدریای اندازلقلری اولمشیدی .

روم ایلیده بولنان ولایه متغلبه مر قومنه نك تأدیپ و تنکیالرینه چالشمقده ایشه لرده پاسبان اوغلی طاغلی جسامت و اهمیت حاصل ایش و رفع و ازاله سی ولاتک حوصله اقتدارندن خروج ایتیش اولدیغنه منی بیک ایکی یوز اون ایکی سنه سی قیودان دریا کوچک حسین پاشا

بالاستقلال و دین سرعسکری نصب و معیتنه عسا کر وافیہ و طوپ و مهمات تعیین و ترتیب اولنہرق ارسال قلندی پاسبان اوغلنک روسجق و بلغراد جانبلرینہ سوق ایلدیکی ایکی فرقه اشقیا و الیلرک مدافعہ سیلہ منہزم اولہرق اردوی سرعسکرینک تقریبی جہتیلہ زیر حکمنده بولنان قلاع و بلدان دخی تخلیص اولنمغلہ و دین قلعه سی تحت محاصرہ یہ الندی برقاچ آی مقاتلات ایلہ کرکی کبی تضییق اولنمشکین فرانسزلرک مصری استیلا سی خبری وارد اولمغلہ و پاسبان اوغلی دخی فیما بعد رضای دولتدن خارج حرکتده بولنماق شرطیلہ استیمان ایتمکله حسب الوقت قرین عفو پادشاهی اولوب رتبہ وزارتله و دین والیسی نصب اولندی .

فرانسزلرک مصرہ استیلا سی

فرانسہ حکومتک جمهوریتہ تحولندن صکرہ در سعادتده بولنان مصلحتکذارک طلب و تشویقیلہ ایکی یوز طقوز سنہ سی جانب دولت علیہ دن جمهوریت مذکورہ تصدیق اولنمغلہ ورتبناق نام ذات ایلدیچیلکله در سعادتہ واصل اولمش و اول اواندہ جانب سلطنت سنہ دن آوروپا دولترینہ اقامت ایلدیچیلری نصب و ارسال قلنمقدہ ایدو کندن دفتر دار کیسه داری علی افندی دخی پارسہ سفیر تعیین اولنہرق اعزام ایدلمشدی . مومی الیہ ورتبناق دولت علیہ ایلہ فرانسہ حکومتی بینندہ تحفظی و تجاوزی عقد اتفاق استدعاسنہ اغاز ایدوب بونک طرفینہ فوائدی حقندہ لسان دیپلوماسی اوزرہ انواع دلائل ایراد و قریمک استردادینہ قدر توسیع منافعی مستلزم اولہ جغنی یاد ایدرک سلطان سلیم خان حضر تلرینک میل و خواهشی استحصالہ موفق اولمغلہ الحالہ ہذہ آوروپادہ جاری اولان محارباتک ختامندن اعتباراً آوروپا قطعہ سندہ وقوع عبولہ جق محاربہ لرده دولت علیہ و فرانسہ حکومتی مشترک اولق ویا لکز فرانسہ نک انکلتزہ ایلہ محاربہ سی حالندہ سلطنت سنہ بیطرف قالمق شرائطیلہ اون بش مادہ بی متضمن بر اتفاقنامہ لایحہ سی تنظیم و خواص وکلا بینندہ مطالعہ قلندی فرانسہ پولتیقہ سنک تغیرات متوالیہ سنہ و بو اتفاقدن اغبرار ایلہ روسیہ و نمچه دولترینک محاصمہ یہ قیام ایلری وارد خاطر اولمسنہ نظراً بعض ارکان دولت بونک شمذیلک تأخیری رأیندہ بولنمشلر ایسہدہ بوبابده طرف پادشاہیدن اقدام اولنمقدہ ایدو کندن شیخ الاسلام افندی ایلہ صدور و سائر لازم کلنلرک جاییلہ بالاطراف تدقیق و مطالعہ کیفیت اولنمغلہ تعلیق اولنہرق حضور ہایونہ عرض اولندقدہ بوایش صدورک بیلہ جکی شی اولمیوب بغایت مکتوم طوئسی دخی الزم اولدیغندن ہان امضا و تعاطی اولنمسی باخط ہایون تأکید بیورلمغلہ ایکی یوز اون سنہ سی ذی القعدہ سنک اون یدنجی کونی تمہیر و مبادلہ اولندی .

آراسی چوق کچمکسزین فرانسه لو ایله نجه لو بینده و ندیک اراضیی تقسیم اولوب
جزایر سبعة ایله قارشوشنده واقع پروزه ساحلری فرانسلرک حصه سنه اصابت ایش و بو
جهتله روم ایلی قطعه سی روسیه و اوستریا دولتلیله همحدود ایکن برده فرانسه ظهور
ایتمش اولدیغندن سلطنت سنیه نک اندیشه سی متزاید اولدیغی هنکامده فرانسه ترسانه سی
اولان طولونده عظیم دونما و قره عسکری حاضر لنمقده اولدیغی و بوتدارک مصرک تسخیری
مقصدینه مبتنی ایدوکی حوادثلی شیوعبولغله دولت علیه مصر قلعه سنده استحکامات
انشاسی و لوازم مدافعه استحضاری خصوصلرینه تشبث ایش ایشه ده اورالر و وقت قالمدی .
شویله که بو اوانده ایسه فرانسلرک ازغونانی مرتبه کالده اولدیغندن ایتالیا
محاربه لرنده تحصیل صیت و شهرت ایتش اولان جنرال بوناپارت تریدد وقع و حیثیت ایچون
بو امر عظیم و خیم نتیجه یه مباشرت و حکومت جمهوریه دن استحصال رخصت ایتکله
حاضر لدیغی آلتش بیک قدر عسکری یکر می بش قطعه سفن حربیه ایله اوچیوزدن
متجاوز مراکب نقلیه یه تحمیل و طولون ترسانه سندن خروج ایتدی . اول مالطه جزیره سنه
اوغرایوب جزوی محاصره ایله تسخیر و ردوسک فتحندنبری مالطه یه منتقل و اوچیوز
سنه یه قریب حکومت ایدن شوالیه لر اداره سی الغا ایدوب بعده بیک اکیوز اون اوچ
سنه سی محرمی واسطنده اسکندریه یه مواصلت و قره یه عسکر اخراجنه مسارعت ایلدی
اسکندریه یی حرباً ضبط ایتد کدنصکره مصر اوزرینه توجه ایدوب والی ولایت بکر
پاشا و رئیس امرا ابراهیم بک و مراد بک او توز بیک قدر عسکر جمع ایله مدافعه یه مبادرت
ایتشار و کوله من سوارسی دینانک برنجی اتلوسی ایدوکنی فرانسلره تسلیم ایتدیر مشار
ایسه ده طوب و تفنک ایله پر آتش اولان عساکر منتظمه دشمنه تاب اور مقاومت
اوله مدقلرندن هربری برطرفه پریشان اولملریله فرانسلر مصری تسخیر ایلدیلر .
انکلتره دونماسی فرانسلر کیارینی تحریده اولدقلری حالد برطاقم وقوعات جسیمه نک
ظهوری و بیک چوق قانلر دوکلیسی مقرر اولدیغندن اسکندریه یه عسکر اخراج ایتمکسزین
راست کتوره میوب اون کون صکره انجور پاشکاهنده بولدیلر و در حال ایقاء نأثره جنک
ایله بر مقدارینی حرق و غرق و ماعداسنی کمند تسخیره ربط ایلدیلر بونک اوزرینه فرانسه
اردوسنک پارس ایله مخابراتی منقطع و امداد و استمداد قیوسی منسد اولغله فرانسلر
مصرده محصور حکمنده قالدیلر جنرال بوناپارت افکار اسلامیه یی جلب ایتک قصدیه
مصره ورودی انکلتره لونک هند معاملاتی قطع ایتک و کوله من بکلرینی تأدیب ایتک
ایچون مساعده دولت علیه یه مستند ایدوکنی اعلان و شعائر اسلامیه نک کافی السابق اجراسی

ومملکتک اعمار واحیاسی خصوصاً لرینه نصب نفس اهتمام ایده جگنی در میان ایتمکده اولوب بوبابده عکا والیسی جزار پاشای دخی اغفاله چالیشمش و مخصوص ایایچی اعزامیله عقد اتفاقه دعوت ایتمش ایسه ده جزار پاشا جانب دولت علیه دن مصرک استخلاصنه مأمور اولمغه کلان ایلیچی پی حضورینه بیله قبول ایتیه رک اعاده ولوازم حربیه نک اکانه مسارعت ایلدیکندن بوناپارت مصر دن حرکت و جزار پاشا اوزرینه عزیمت ایلدی حیفا قلعه سنی ویردایله ویافه قلعه سنی حرباً استیلا و ترک سلاح ایدن بشبیک قدر ار نوذو عربان عسکرینی قورشونه دیزمک کبی غدارلغی اجرا ایدرک عکایه واصل اولوب اللی کوندن متجاوز کمال شدتله تضییق و بالاخره سیدعلی بورجی هدم ایله یوریش ایلدی جزار پاشا دخی مقدا حضرلمش اولدینگی ایکی عدد لغمه آتش ویرمکه خلیججه فرانسه برهوا اولوب قلعه یه داخل اولنلر دخی طرف طرف تدمیر و یوزاللی قدری اسیر اولندی حتی جزار پاشا کندی سراینک نردباننده بالذات ایکی فرانسه قتل ایلدیکی مرویدر.

بوناپارت بونک اوزرینه بردها هجوم ایتمش ایسه ده ینه شجیعانه وفدا کارانه مدافعه اولندیغدن مأیوساً عودته قرار و یروب بیوک طویلری اوتیه برویه کومهرک و کندی اغورنده مجروح اولان خسته لرینی آفیون روحی ایله تسمیم ایدرک مصره عودت ایلدی فرانسه ژورنال لرنده محرر اولدینگی اوزره مصره کلان فرانسه عسکری آلتش بیکه قریب ایکن بووقعه دن صکره اوتوز بیکه تنزل ایدوب مصر محاربه لرنده تلف و خسته لقدن فوت اولان فرانسلر اشبو عکا جنککه نسبتله جزوی اولسنه نظراً بو محاربه ده بوناپارت اون بش بیک عسکر دن متجاوز تلفات ویردیکی و عکا اوزرینه هجوم ایتامش اولسه فرانسلرک مصرده دهها زیاده اقامته مقتدر اوله جقلری استدلال اولنور. بوناپارت کبی هر طوطدیغنی قوباران برجهانگیرک عکادن منهزماً فراری جزار پاشایه بیوک بر سرمایه افتخار اولسه سزادر.

مصرک فتح واسترداد

فرانسلرک مصره استیلاسی خبری استانبوله واصل اولدقده صدر اعظم بولسان عزت محمد پاشا معزول وارضروم والیسی یوسف ضیا پاشا صدر صدارته موصول اولمغه ایکی یوز اون اوچ سنه سی جمادی الاولنده در سعادت کیش و فرانسه علیهنده انکلتزه و روسیه دولتریه عقد اتفاق قلمش اولدیغدن ایکی یوز اون درت سنه سی اوائلنده اون درت قطعدهن عبارت روسیه دوئناسی خلیج در سعادت وارد اولمغه قبودانه هایون

اولان شرمت قبودان رفاقتنه بر فیلسفن حربیه ویریلهرک مسقو دونماسیله معاً فرانسه‌و
النده بولنان جزایر سبعة نك تسخیرینه اعزام اولندی .

قورقه وچوقه اطهری حرباً وجزایر مدحقه استیماً تسخیر وایکی بیک قدر فرانسز
اسیر ایدلیدی مثلاً ساحلده بولنان پروزه وپارغه و دیگر ایکی قطعه قلعه نك دخی فتحه
مأمور تپه دانی علی پاشا دلوینه قربنده فرانسز لری مبتلای انهمزام و پریشانی وقلاع
مذکورده بی علاوه قلمرو عثمانی ایلدی . جزائر سبعة نامیه مذکور اشبو اطهرده
برجهوریت تشکیل و دوبره وندیک جمهوریه کی اوچ سنهده بر کره یتش بیک غروش
ویرمک اوزره تابعیت سلطنت سنییه ربط اولنوب ساحلده بولنان قلاع اربعه طوغریدن
طوغری یه حکومت دولت عاییه الحاق و بوابده سلطنت سنییه ایله روسیه دواتی بیننده
عقد مقاوله اولندی . بوناپارت منهنماً عکادن عودت ایلد کدنصکره بر مدت مصرده
مهمساز مصالح جمهور اولوب لکن کوندن کونه فرانسه عسکرینه تنزل طاری و فرانسه دن
امداد واستمداد قبولی منسد اولمق حسبیه مصرده پایدار اوله میه جنی شبهه دن عاری
اولمغله استکشاف احوال شایعه سیاه اسکندریه یه عزیمت و فرانسه یه آدم کوندرمک زمیننده
انکلتزه آمرانی اغفال و تحصیل رخصت ایله ایکی یوز اون درت سنه سی ربیع الآخرنده
ایکی قطعه کوچک کی ایله مارسیلیه عودت ایلدی . مصرده بولنان جنرال قله بره یازدیغی
مکتوبده کندیسنک فرانسه یه کیتمنه لزوم کورندیکندن بحثله مقام اداره ده جنرال قله بری
توکیل ایلدیکنی والی ماهه قدر امداد کوندره من ایسه مصری تخلیه ایتک اوزره عقد
مصالحه یه مآذون اولدیغی تحریر ایلدی .

اولجه جزار پاشا مصرک تخایصی ضمننده سر عسکر نصب اولمش ایسه ده حضورهایونده
عقد اولنان مجلس عمومیده صدر اعظم یوسف ضیا پاشا خفیفجه براردو ایله کندوسنک
عزیمتی خصوصی درمیان ایدوب هر طرفدن تقدیر و تحسین اولمغله ایکی یوز اون درت
سنه سی اوائلنده بر مقدار یکچیری و طوطچی و دائرهمی خلقیله اسکداردن حرکت و شام
شریفه مواصلت ایدوب ولایه وامرا وزعما و اصحاب تیمارک التحاقیله تقریباً الی بیک قدر
عسکر تجمع ایتمکه مصر اوزرینه تحریک لوای سطوت ایلدی . عیش قلعه سی تسخیر
و فرانسه عسکرندن مستحفظ بولنانلرک بقیه السیوفی اولان یوز الی قدری اسیر اولندیغی
متعاقب جنرال قله بر مصری ترک و تسلیم ایله چیقوب کیتمکه راضی اولدیغندن سردار
اکرم و انکلیر آمرالی و عمومی الیه جنرال طرفندن تعیین اولنان مأمورلر بالاجتماع شرائط
تخلیه بی قرارلشدیروب بیک ایکی یوز اون بش سنه سی شعباننک بکرمی سکرنجی کونی

عقد مقاوله اولندی . بناءً علیه فرانسزلر تخایه مواقعه مباشرت ایملریله مصر والیسی نصب اولنان نصوح پاشا و وزیر کتخداسی مورده لی عثمان افندی وجهه جی باشی و شیخ البلد ابراهیم بک درت بش بیک قدر عسکر ایله مصره سوق اولنوب انجق قلعه نك تسلیم اولنه جنی کونك کیجه سننده یعنی سنه مزبورده شوانك اون سکزنجی کوننده عکس قضیه ظهور ایلدی . شویله که انکلتزدهن آمیراله وارد اولان امرنامه ده فرانسزلرک سلاح ایله تسلیم ایملری اشعار قلندیغنه مبنی امیرال هزار شرم و حجاب ایله تبلیغ مأموریت ایلدکده فرانسزلر پر آتش اولوب در آن ساعت یکریمی بیک قدر عسکر ایله جنرال قله بر اردوی هایون اوزوینه هجوم ایلدی . عساکر اسلامیه متفرق و بیوک طویلر کیروده براغلمش اولدیغندن وقوعبولان محاربه ده موکب صدر اعظمی گرفتار انهزام و پریشانی اولمغله صدر اعظم شامه عودت و فرانسزلر مصره رجعت ایلدیلر . درون شهرده بولنان جیوش عثمانیه ایله زقاق آرملرنده جنکه آهنگ ایدوب بر هفته قدر محاربه تمتد اولدیه ده قله دشمن انده اولدیغندن نتیجه مطلوبیه وصول ممکن اوله مامغله عساکر عثمانیه چیقوب کیتمک و اهالی حقنده عفو عمومی اجرا اولنق شرطیه عقد مقاوله اولنهرق نصوح پاشا و عثمان افندی موجود عسکری آلوب اردوی هایون جانبیه عازم اولدیلر . فرانسزلر اگرچه بویله بر غلبه یه نائل اولدیلر لکن کلیتلو تلفاته گرفتار اولدقلرندن قوتلری بر درجه دها تنزل ایتدی . حلب اهالیسندن یکریمی یاشلرنده و سلیمان نامنده برفدایی جنرال قله بری قتل و اعدام ایتمکله فرانسه ضابطانك انتخابیه جنرال مینو مقام قوماندانی یه اصعاد قلندی . بیک ایکی یوز اون بش سنه سی اواخری که اول بهار ایدی انکلتزده لولر آلمانیا واسویچره و مالطه طرفلرندن تدارك ایلدکلری اون بیک قدر عسکری انجوره اخراج ایلدکلری مثلوقبودان دریا کوچک حسین پاشا دخی دونمای هایونده بولنان التی بیک قدر نظام جدید و طویجی وارناؤد عسکریه اولار رشیدی و بعده رحمانیه پی حرباً تسخیر و آلنان فرانسز اسیرلرینی انکلتزده لولر تسلیم ایلدکدن صکره مصره طوغری حرکت ایتمکله جنرال مینو التی بیک فرانسز ایله اسکندریه محافظه سنه شتاب ایدوب تحصن ایلدی . بوسنه سوریه ده قحط و غلا و متعاقباً علت وبا ظهور ایتمک جهتیله اردوی هایونده کلیتلو تلفات وقوعبولدیغنه مبنی عساکر اسلامیه یه نقصان طریان ایتمش اولدیغندن صدراعظم یالکز اون بیک قدر یکپیچری و طویجی و یکریمی بیک مقداری باشی بوزوق عسکریه شامدن حرکت و مصره تقرب ایتمکله مصرده قوماندان بولنان جنرال بلپار روم و قبطنی طائفه سندن مقدما عسکر یازدینی درت بش بیک کشی یه بش التی یوز فرانسز ترفیق ایدرک قبودان پاشا فرقه سنی اشغال ایچون

ارسال و کندوبی قله برک یابدیگی کبی اردوی هایونی اوروب طاغتمق اوزره سکنز اون بیک قدر عسا کر متخبه ایله موکب صدر اعظمی اوزرینه هجوم ایلدی . لیکن جیوش اسلامیة سنه سابقه کبی غافل و متفرق بولندقلرندن بیک ایکی یوز اون التی سنه سی محر می اوائلنده وقوعبولان محاربه ده فرانسلر منهزم اوله رق مصره عودت ایلدیلر . قپودان پاشا اوزرینه کیدن فرقه دخی جزوی محاربه دن صکره ترک سلاح ایئرله جمله سی اسیر ایدیلرک انکلتراه لولره تسلیم قلندی . بونک اوزرینه صدر اعظم و قپودان پاشا اردولری برلشدیکندن جنرال مومی الیه آرتق تسلیم مملکت ایله چیقوب کیتمکدن بشقه چاره قالمدیغنی تیقن ایتمکه یاپیلان مقاوله وجهله بقیه السیوف اولان فرانسلری آلوب رشید ساحلندن کیلره بینه رک فرانسه یه عودت ایلدی و عسکر اسلام مصره داخل اولدی . جنرال مینو بوناپارطه نک کوندردیکی امدادک ورودینه مترقباً اسکندریه قلعه سنک محافظه سنه اهتمام ایلدی ایسه ده ذکر اولنان امداد انکلتراه لولرک کرفتارنچه مدافعه کارانه لری اولدیغندن بالضروره تسلیم مملکت و معیتده بولنان فرانسلری مستصحباً مارسیلیه عزیمت ایلدی . فرانسلرک کرک مصره و کرک اسکندریه ده ترک ایلدکلری طوب و تفنک و مهمات و فیره دولت علیه ایله انکلتراه دولتی بیننده تقسیم اولندی . فرانسلرک مصره مدت اقامتلیری اوج سنه یه قریب اولوب کلوب کیتملری دخی قرق الی بیک قدر عسکر و بر دونما اتلافندن بشقه برشیئی مفید اولدی . خطه مصریه نک تخلیص خبری درسعاده واصل اولدقده یک بیوک شنلکلر اجرا اولمشدر . مصر والیلکی قپودان پاشانک کتخداسی اولوب اولجه عهد سنه رتبه وزارت احسان اولنان خسرو پاشایه توجیه و کوله منلرک رفع تسلطلری ضمنتده معیتده سکنز اون بیک قدر روم ایلی عسکری تعین اولنه رق صدر اعظم برآستانبوله رجعت و سکنز آی صکره انکلزلر دخی اسکندریه نک تخلیه سنه مباشرت ایلدیلر .

مقدمه و قعه سلیم خانی

بوندن صکره دولت علیه نظام جدید عسکرینک تکثیر و تنظیمه و روم ایلیده رفع لوای طغیان ایدن طاغلو اشقیاسنک تنکیانه و حجازه تسلط ایتکده اولان وهابیلرک استیصاللرینه تقید و اهتمام ایتکده اولمسیله برابر فرانسه ایمپراطورلغنی تحصیل ایدن بوناپارت انکلزلر ایله حربیه مداوم و نیچه و پروسیا و روسیه دولتریه کاه مصالحه کاه محاربه ایدرک مقام مظفریت و تعظمتده قائم اولمغله انکلتراه و روسیه دولترلی وقت وقت اتفاق سابقک تجدیدیخی طلب ایله سلطنت سیه بی تعجیزه ابتدار و بعدالمصالحه درسعاده

وارد اولان فرانسه ایلیچیلری ایکنجی دفعه اوله رق سلطان سلیم خان حاضر تلینی طرفلرینه جلب و امالهیه درلو درلو مواعید و معروضات ایله نصب شبیکه اختیال ایملریله ارکان دولت کمال حزم و احتیاط ایله اداره اضماده چالشمقده ایدیلر .

نظام جدید تکثر ایتدجه یکچریلرک خصوصت و عداوتی دخی ترقی ایده کلوب ارکان دولتک رأی ایسه یکچریلرک کلیاً رفع و ازاله سی مرکزنده اولدیغی حالدده سلطان سلیمک حلمی و جسارتسزلکی مانع اوله رق ایکی طرفی دخی تلطف ایله بروقه چیقارمقسزین حصول مطلبی متمنی اولوب حالبوکه کوندن کونه یکچریلرک شقاوتی آرتقمقده واستمالت اولندجقه شمارمقده اولدقلرندن بوکیدیشک برفنا نتجه بی منتج اوله جنی مرتبه وضوحه رسیدنه اولمسيله صدر اعظم یوسف ضیا پاشا تقدیم استعفا ایلدیکنه مبنی اقدامجه بوستانجی باشلقدن قیودان دریا اولان حافظ اسماعیل پاشا ایکی یوز یکر می ایکی سنه سی محرمنده نائل مسند صدارت عظمی اولدی .

روم ایلینک هر قضااسنده برر اعیان اولوب بونلرک اکثریسی کسب عصیت و قوت ایملریله والیلرک امر ونهی کما ینبغی جریان ایدمییوب یکدیگریله محاربه لری دخی اکسیک دکل ایدی . برده طاغلو اشقیاسی دنیلان فرقه لر واردی که بالقانلرک ایکی جانبلرنده اوچر بشر یوز کشتی اوله رق کشت و کذار و قرا و قصباتی نهب و غارت ایدرلر و طرف دولت علیه دن اوزرلرینه سوق اولنان وزرا و مأمورینی کوزلرینه کسدره بیلورلر ایسه مقابله ایدوب عکس حالدده صعب المرور طاغلره و اوزاق محللره چکیلوب صکره ینه سرنمای ظهور اولورلردی . بووجهله روم ایلینک اغتشاشی و باخصوص و دین و بلغراد یماقلرینک یعنی مستحفظ یکچریلرینک مظالم و تعدیاتی روسیه لونک تشویقاتنه منضم اولمغله صربستان رعایاسی علم افراز بغی و شقاوت اولدقلرینه وودین والیسی پاسبان اوغلی عثمان پاشا اگرچه مظهر عفو پادشاهی اولمش ایسه ده طرف دولتدن بروجهله امین اوله مدینی جهتله رئیس عصاة اولان قره یورکی ایله مخادنت اوزره بولندیغنه مبنی ماده عصیان مشدد اولدیغندن قونیه والیسی قاضی عبدالرحمن پاشا سر عسکر نصب اوله رق معیتنه سواری و پیاده یکر می درت بیك قدر نظام جدید ترتیب اولنوب ظاهراً صرب عصاتی اوزرینه و حقیقتده روم ایلی اصلاحنه و بلکه ده روسیه لونک ممالک عثمانیه یه هجومی ملحوظ اولمغله انک مدافعه سنه مأمور ایدیلرک ایکی یوز یکر می برسنه سی ربیع الاولنده ادرنه یه طوغری اعزام قانندی .

روم ایلی اعیانلری بو عسکرک سوقندن متوحش اوله رق بربرلریله عقد اتفاق و ادرنده اجتماع ایدوب مقابله یه و بعد الغلبه استانبوله هجومه حاضر لمقده اولدقلری استخبار اولندقمده

اگرچه نظام جدیدك آنلردن پرواسی یوغیسه‌ده مرکز سلطنت دخی اشقیای مزبورده ایله متفق‌الافکار اولان یکچیچریان ونظام جدید دشمنلری اولان سبک‌مغزان ایله مالامال اولدیغندن و مدیران دولت ایسه عزم قوی و بطش شدید اربابندن بولندقلرندن نظام جدید اردوسی استانیوله جلب و عبدالرحمن پاشا منصبنه اعاده اولمغله ادرنه جمعیتی دخی یرو یزینه طاغدی .

سلطان سلیم خان حضرتلرینك اندرونده امور دولته مؤتمنی و مستشاری سرکاتبی احمد افندی و امور ذاتیه‌سنجه محرم اسراری مابینچی کرد احمد بك اولوب طشره‌جده کیزلی ستمه دیو مشهور اولان حاجی ابراهیم افندی ایله کتخدا دینیلان ابراهیم نسیم افندی منظور و معتمد پادشاهی ایدی . والده کتخداسی یوسف اغا سنه سابقه‌ده اوج اقبالدن ساقط و قپودان دریا کوچك حسین پاشا ایکی یوز اون سکر سنه‌سندده لحد قبره هابط اولمغله میدان شہسواری مذکورالاسامی اوتاد اربعه‌یه قالمشیدی . سرکاتب عقلا دن بر ذات اوله‌رق حتی مابینچی احمد بك ایچون بو کرد يك ایلرویه کیدیور جمله مزك باشنی بلایه اوغرا ده‌جق دیدیکی منقولدر .

صدر اعظم حافظ اسماعیل پاشا قلباً نظام جدیدك خلافتده اولوب باخصوص ابراهیم کتخدانك اقبال و استقلالنه طاقت کتوره‌مدیکندن و طرف سلطنته اولان افاداتی دخی متمر اوله‌مدیغندن علی‌روایه روم ایلی اعیانلرینی خفیاً تحریک ایش و ابراهیم کتخدایی قایق ایله یالیسنه کیدر ایکن و یاخود یالیسنده اوردرمق کبی افعال و حشیانه تصمیم ایش اولدیغندن هم افکار عامه‌یی تسکین و همده یکچیچریلری تلطف یولنده بیوک بر توجیهاته لزوم کورنمکله ینه اوتاد اربعه مذکورمك تفسیلری اوزرینه ایکی یوز یکرمی بر رجبنده صدر مشارالیه اسماعیل پاشا و شیخ الاسلام صالح زاده اسعد افندی عزل اوانتوب مقام صدارته یکچیچری اغاسی بولنان و کچی بوینوزی دیمکله مشهور اولان ابراهیم اغا و مسند مشیخته دخی آل فیضدن عطاءالله افندی نصب اوانتوب اقبال و اجلال ایله زبازد انام ونظام جدید مخالفلری طرفندن مظهر دشنام اولان ابراهیم کتخدا و دفتر دار مصطفی رشید افندی که کوسه کتخدا دیو معروفدر بونلر دخی عزل اولنه‌رق بر عظیم توجیهات اجرا قلندی . لکن سنه سابقه‌ده اعلان عصیان ایدوب خوف قهر سلطانی ایله قریمه فرار ایدن طربزون والیسی طیار پاشا ایله ادرنه‌ده مجتمع اولان اعیانلرک و استانیولده کی یکچیچری یقاتنك شهزاده سلطان مصطفی ایله مخبره‌لری تحقق ایدوب واسطه اولنلرک تأدیپ و تربیه‌لری لارمه ذمت حکومت ایکن سلطان سلیمك حلم و شفقتی مالع اولدی .

وقوع سفر روسیه

مؤخراً وارد اولان فرانسه سفیری جنرال سباستیانی از سرنو سلطان سلیمك فرانسه یه میلی استیصال ایدوب جنك و صلحدہ متفق اولق درجه سی متحقق اولمغه و بو اوانده روسیه دولتیله فرانسه بینده محاربه تجدد ایلمكه دالماچیاده بولنان فرانسه عسکری طونه ساحلیله لهستانه هجوم ایدوب یلملری احتمالی سد ایچون روسیه لو بغته ایکی اردو سوق ایدرك ایکی یوز یگرمی بر سنه سی رمضانده سرحد خاقانیده واقع خونین و بندر قلعه لرینی استیلا ایلدیلر بو خبر در سعادته واصل اولدقدہ روسیه اوزرینه اعلان حرب اولنهرق تدارکات سفریه یه اشتغال قلندی .

انگلتره دونماسنك استانبوله ورودی

انگلتره دولتی فرانسه یه دوست اولنلره دشمن و دشمن اولنلره دوست اولق مسلکندہ پایدار اولمغه انگلتره ایاجیسی روسیه یه اعلان حربك تأخیری تکلیف و قلعتین مرقومتینك استردادینی ضامن اوله جغنی افاده ایله برابر سلطنت سنیه بو صورتلره موافقت ایتدیکی حالده انگلتره دولتی دخی دولت علیه اظهار خصومت و استانبوله دونما سوقیله حرب و قتاله مباشرت ایدوب جگنی بیان ایلدی . لکن فرانسه ایاجیسنك افاداتی نزد پادشاهیده بغایت مشمر و مؤثر اولدیغندن انگلتره ایاجیسنك تکالیفنه حواله سمع اعتبار قیلنمدی . بناءً علیه انگلتره ایاجیسی بغته فرار و بوزجه اطهده بولنان انگلتره دونماسنده قرار ایدوب موافق هوایه انتظاراً بوغاز محافظلرینی مخبرات ایله اغفال ایدرك نهایت سنه مرقومه قربان بیرامی کونی ایکی اوچ انبارلی و بش قیاق و ایکی فرقتین و ایکی قروتدن عبارت اولان انگلیز دونماسی قوتلی برلدوس هوا ایله آتش افشان اولهرق قلعه سلطانیه دن مرور و لغره بروننده لنگر انداز اولان التی قطعه فرقتیندن دردیخی احراق و ایکی عددینی ده اخذ ایتدکدن صکره قزل اطه لر پیشگاهنه کلوب لنگر انداز اولدیلر . پای تخت عثمانی یه دشمن ورودی غیر مسبوق اولدیغندن بو کیفیت کرك دولته و کرك اهالی یه پك بیوک وحشت و دهشتی مستلزم اولمسیله یدی قله دن سرای بروننه و قاضی کویندن اسکداره قدر استحکامات انشاسنه و دونمای هایونك تجهیز و اخراجنه فوق الغایه اعتنا و سرعت کوسترلدی . انگلیز آمیرالی بر تقریر ارسالیله روسیه لو ایله عهد سابق اوزره تجدید مصالحه اولنمق و فرانسه ایاجیسی استانبولدن طرد قیلنمق و دونمای هایون امانه کندولرینه تسلیم اولنمق شرطلرینك قبولی یگرمی درت ساعت مهلت ایله تکلیف ایلدیکندن ترسانه رجائی اولان مشهور ریاضیات خواجه سی اسحق افندی انگلتره دونماسنه اعزام اولنوب دونمای هایونك

تسلیمی مسئله سی کلیاً طی والغا و فرانسز ایلچیسنک طردی انکلتزه دوئمناسنک عودتندن
 صکره برمناسب زمین ایله اجرا اولنمق وانکلتزه دولتنک کفالتیله روسیه معاهده سابقه سی
 تجدید قلمق اوزره قرارلشدیریلهرق و اوچ کون دها مهلت آلنهرق افندی مومی ایله
 عودت ایلدی. لکن فرانسه ایلچیسی سباستیانی کرک مابین هایونی و کرک باب عالی بی تشجیعه
 دامن درمیان اولوب (انکلتزه دوئمناسنده قره عسکری یوقدرکه استانبولی ضبط ایدیه بیلیمک
 اجتماعی موجب خوف اولسون یا بسه یا بسه استانبولک بعض محالریخی احراق ایده بیلور .
 حد ذاتنده دخی طرف طرف قضاء یا تمقده در . بوندن دولت علیه یه بیوک بر ضرورت رب
 ایتمز انجق اون بر قطعه انکلز کیسنده قورقیلویده اظهار موافقت و مغلوبانه تنظیم مقاوله
 اولنورایسه پک بیوک نقیصه بی وسلطنت سنیه نک کسر ناموسنی مستلزم اولور) دیوبیان
 حقیقت حاله قیام ایتمکین بوافادات نزد دولت علیه ده قرین تصویب اولمغله انکلتزه امیرالنه
 خبرارسال و آق دکنز بوغازندن چیقمدقجه تنظیم مصالحه قابل اوله میه جفی تذکار قلندی
 اسکدار و استانبول ساحلرینه بیگدن متجاوزطوب وضع اولنوب یکر می قطعه سفن حربیه که
 اکثریسی فرقتین وقروت ایدی بشکطاش پیشگاهنه چیقارلمش اولمغله انکلتزه لولر حربیه
 مباشرت ایلدکلری تقدیرده بعض مرتبه ایراث خسارایته لرییه کندولری دخی زده لنه جکلری
 و لامحاله عودته مجبور اوله جکلری جهته تشید و تنظیم قلمقده اولان آق دکنز بوغازنده
 یکیدن بر آتیه طوتیه جکلری مطالعاتی مانع جرأتلری اولمغله استانبول پیشگاهنه ورودلرینک
 اونجی یعنی ذی الحجه نک یکر می ایکنجی کونی رجعت و اقدجه اخذ ایتدکلری ایکی قطعه
 فرقتینلری لاپسکی اوکنده براغوب بوغازدن خروج ایلدیلر. لکن چیقیشلری کیریشلری
 کبی قولای اولیوب ایکی قطعه فرقتینلری اغراق و قصور کیلری دخی کلیته رخته دار ایدلمکله
 بر مدت بوزجه اطه ده تعمیرات ایله مشغول اولدقدن صکره چکیلوب کیتدیلر ابراهیم
 کتخدا و ابراهیم افندی و سرکاتبی احمد افندی انکلتزه لو پولتیقه سینه مائل
 و فرانسه لولره التفات ایله انکلزلرک کوجندرلمسینه غیرقائل اولدکلری حالده سلطان سلیمی
 اقناع ایدمه مدکلری معلوم اولمغله فرانسه سفیری جنرال سباستیانی سبکمغز اولان
 یکیچر اغلی پهلوان اغایه و سائر اوعیارده بولسانلره انکلز کیلرینک استانبوله
 کلسی ارکان دولتنک دعوتی اوزرینه در یوللو القات مفسده اجرا ایلدیکندن و ذاتاً
 مشار الیه هم حقنده خصومت عمومی حاصل اولش اولدیغندن پک چوق آدم بونک موافق
 حقیقت اولدیغنه اعتقاد ایش و درلو روایات تحذیر که عاصم افندی تاریخنده تفصیلاً
 محرر در . حالبوکه سالف الذکر ذوات اصدقادن و عقلا دن اولوب پادشاهی اخافه ایتمک

ایچون پای تخت دولته دشمنی دعوت ایتک مثللو خطر عظیمی اختیار ایتیه جکلی شویله طورسون پک ساده دل اولنلرک بیله بویله وخیم العاقبه حالاته قولایلقله جسارت ایدمه جکلی درکاردر . بناءً علیه بواسناد ، سباستیانیکنک اکیکی تخم فسادک ثمره سی وبرطاقم سبکغزانک اقوال بی مالی اولدیغنده شبهه اولیوب فقط عاصم افندی کبی اصحاب فضل وکالدن اولان برذاتک بوکا وجود ویرمی جای تعجبدر .

خروج اردوی هایون

ایکی یوزیکرمی ایکی سنه سی محرمک یکرمنجی کونی که مارتک اونیدیسی ایدی صدراعظم و سردار اکرم ابراهیم پاشا قاعده قدیمه دولت اوزره سنجاغ شریفی استصحاب و مرتب آلائی ایلله داود پاشا صحرا سنه چیقوب صفرک اوچنجی کونی ادرنه یه طوغری حرکت وربیع الاولک اونالتنجی کونی سلستره یه مواصلت ایلدی واستانبولده مهمام امور دولت قائم مقاملغنه انتخاب اولنان کوسه موسی پاشانک دست خیانت و شیطنته تسلیم قلندی .

وقوع اختلال و جلوس سلطان مصطفی خان رابع

ایکی یوزیکرمی ایکی سنه سی ربیع الاولانک یکرمی برنجی کونی سلطان سلیم خان حضرتلرینک خلعلری ماده فجیعه سی واقع اولمغله بونک اسباب وتفصیلاتی بروجه آتی بیان اولنور شهریار مشارالیه حضرتلری طریق مولویه سالک وشعر وموسیقی یه مائل غایت حلیم وسلیم شاعر مشرب برپادشاه ظریف ونکته دان ایدی عسا کر منتظمه ترتیب ایتک وطوپخانه وترسانه مصالحنه نظام ویرمک وهندسه خانه وباروتخانه ومطبعه واقشه کار خانه لری مثلومدنیت ومعموریتی مستلزم شیلر ایجاد ایتک کبی دولت وملته پک بیوک خدمت لر اجراسنه تشبث ایلش وخیلیجه دخی ایلرولتمش ایسه ده اسباب آتیه ایلله محو وتلف ووجود هایونلری سهام آلامه هدف اولدی . اولایکیچریلر ویکیچریلرک علوفه سنی مأکل ایدینان ایرادجیلر نظام جدیدک دشمن قویلری اولدغی مثللو مرض جزام کبی عروق عوامه سرایت ایتش اولان یکیچری غیرتکشاکیله مفطور اولانلر دخی آنلره منضم اوله رق دائماً نظام جدیده لعن وطعن ایدرلر وبلکه کفره نسبت ایلرلر ایدی . ثانیاً عسا کر منتظمه نکلزومنی متفطن اولان علما وصدور ورجال دولت معدود ومحدود اولوب ساده لوحات وزرا ومتعصین صدور وارکان وروم ایلی وانا طولی اعیانلری عموماً طرف خلافتده ایدیلر . باخصوص سلطان سلیم خان حضرتلری ذوق وشوق ایلله آفته ومتنفذان عصر دخی اکا پیرو اولدقلری جهته بوغازایچنده مهتابارده وسیریرلرنده وقوناق وساحلخانه لردم اولان طرب وسفاهتی ونظام جدید تمه سنندن اولان بعض الافرانغه شیلری کورنلرک

تعصب واركان دولت حقارنده اولان خصوصتلى آن بآن قوت بولمقده ایدی . رابعاً
 شهریار مشارالیه حضرتلری طریق علمیه رجاله چندان اهمیت و یرمیوب حتی فرانسزلر
 ایله برنجی دفعه عقد اتفاق اولنه جنی وقت ارکان دولت بسط محاذیر و صدور علمانک
 جمعیله کیفیت بالاطراف تذکر اولمسنی عرض ایتدکلرنده بواش صدور دنیلان آدملرک
 بیله جکی شی دکلدر دیو خط هایون اصدار بیورمغله درحال اتفاقنامه تعاطی اولمشیکن
 متعافباً فرانسزلرک مصره استیلا ایلرینه و ایکنجی دفعه ینه فرانسزلره الدانوب وارکان
 سلطنتک سوزینی دیکله میوب عقد اتفاق ایلمسی انکلتره دونماسنک استانبوله کلمسنه و روسیه لونک
 قلاغ خاقانی به استیلا ایلمسنه سبب اولدیغنه مبنی طریق علمیه رجالنک اکثریسی مغیر
 و امور خارجیه به وقوفی اولانلر معترض ایدیلر . خامساً خاقان مغفورک ارباب قدرت
 وسطوتدن برمعین صادقی یوغیدی .

اولوقتک احوالنه واقف بعض اصحاب و ثوقدن استماع اولمشدرکه برقاچ سنه اول
 برفساد جمعیتی تشکل ایتش ایکن قیودان دریا بولنان کوچک حسین پاشانک مهابت
 و اقتداری مانع جسارت اولمشدر . چونکه قیودان مشارالیهک افراط عطایا و احسانی
 سببیه دائره سی خلقی و ترسانه چاوشلری و قالیونجی ضابطان و نفراتی اوله رق اوچ بش بیک
 قدر عسکر امر و اراده سنیده ایثار نقدینه جان ایتمه حاضر و کندوسنک دخی سلطان
 سلیم خان حضرتلری اغورنده هر درلو فدا کارلنی اختیار ایده جکی ظاهر ایدی . مشارالیهک
 حلم و مرحمتی حکم مقامیه متناسب اولدیغندن ابتدای جلوسنده بعض قرناسنک تشویقات
 و تشجیعاتیه اظهار ایلدیکی جرأت و شہامتدن آز وقت ظرفنده فطرت اصلیه سنه رجوع
 ایتمه خوف سیاستی قلوب عامه دن زائل اولمشیدی . جودت پاشا تاریخنده تفصیل اولندیغنی
 وجهله یکچیریلرک سرکشلکلی آرندقه تربیه و تأدیبلری شویله طورسون بالعکس
 تلطیفات متنوعده بولنور و شهزاده سلطان مصطفانک عونہ سی ایقاظفتهده دامن درمیان
 اولدقلری طیارپاشا و ادرنه وقعهلرند مرتبه ثبوتہ وارمشیکن مجازاتلرندن و هیچ اولمزایسه
 طرد و دفعلرندن بیله اجتناب ایلردی برده شیخ الاسلام اولان عطاء افندی ظاهراً
 زهد و تقوی اصحابندن اولمسيله برابر نظام جدید مروجلرندن کورینور
 ایکن قلباً طرف خلافتده اولدیغندن تقویت بخش اشرار ایدی متجربین صدوردن سیروزی
 زاده ظاهر افندی مرحومدن استماع اولمشدرکه سلطان سلیم علیهنده بولنان فئه باغیهدن
 بعضیلری خزینه کتخدالغندن مخرج رسم افندی و صالحیک نامنده ایکی نمک بحرامی خفیاً
 شیخ الاسلام مشارالیهک حضورینه کوتوروب شهریار شهیدک مقام خلافتہ منافی بعض
 احوالنه شہادت ایتدیرمشلر وانک اوزرینه فتوی المشلردر .

اشبو رستم افندی ایله صالح بك مؤخرأ شامه تغریب اولنوب منفور انام اولدقلری حالدہ اورادہ واصل دارمجازات اولدیلر قائممقام کوسه موسی پاشا مقدما بعض تأدیه اوغرامش اولدیغندن ارکان دولت حقندہ آتش عداوتی فروزان اولمشیکن درون شیطنت مشحونندہ صاقلیوب تبصص کلبی ایله قلوب کبرای ربودہ چوکان اختیال ایش اولمسایله لین الجانب برآمدردینیلہرک مقام قائممقامیہ اصعادلنمشدی . حافظ اسماعیل پاشا وقتدنبرو حاضر لنقده اولان جمعیت فتنہ بی حسن تلقی ودر حال شرزمہ بغی و طغیان دائرہ اتفاقه دخول ایلدی . اسباب مشروحه ایله هیولای فتنہ صورت بولمقده ایکن اردوی هایونک خروجندن صکرہ قره غوللره نظام جدید قونیلہ جق وقره دکنر بوغازی محافظه سیچون طربزوندن وقره دکنرک سواحل سائرہ سندن ترتیب و جلب اولنان ایکی بیک قدر قلاع یماقلرینه نظام جدید البسه سی کیدیریلہ جک حوادثلری شیوعبولمغله و باخصوص حرمین شریفه وهابی طائفه سی مستولی اولہرق بوسنه حجاج مسلمینی مدینہ منورہ یه قویمیوب زیارت روضہ مطهرہ دن محروماً عودت ایلدکلری خبرلری وارد اولمغله غلیان افکار مشتد اولدی . مع مافیه مصر سفری نظام جدیدک زمان ایجادینه تصادف ایتمشیکن عکایه وقیودان پاشا معیتندہ اسکندریه یه سوق اولنش اولدقلری حالدہ بو دفعه دها مهم اولان روسیه سفرینه کوندرلما ملرینه دائر مطالعہ رسمیه یه تصادف اولنامسی ایکی ملاحظه یه مبنی اولسی طبیعیدر : برنجیسی یکچیجری طائفه سی وروم ایلی اعیانلری نظام جدیدک دشمن جانلری اولدیغندن بر مقاتلہ داخلیه وقوعندن احتراز قضیه سی وایکنجیسی یکچیجریلرک اردوی هایون ایله عزیمتلری اوررینه نوعما استانبول اشقیادن تخلیه قلنمش اوله جغندن مرکز سلطنتک نظام جدیدہ تودیع و تسلیم قلنمسی مقصدی اولمق کرکدر

وقوع فتنه و تبدل سلطنت

بیـك ایکی یوز یکرمی ایکی سنه سی ربیع الاولنک اون یدنجی بازار ایرتسی کونی سالف الذکر قره دکنر بوغازی قلعه لرینک یماقلری عقد جمعیت و بزه نظام جدید البسه سی کوندرلش قبول ایتمیز دمدمه سیله رفع لوای شقاوت ایدوب قباجقی مصطفی نامندہ برفته انکیزی قوماندان انتخاب ایدرک اغالری اولان خلیل خاصکی یی و طابیه لر تعمیرینه مأمور رئیس سابق انکلیر محمود افندی بی پاره لدقلری خبری در سعادتہ واصل اولدقده استعداد دهر و شهره نظراً بوشراردنک بر آتش خانمانسوز اوله جغنی سلطان سلیمک اصدقاسی کندوسنه تبایغ ودر حال ده نظام جدیددن بر مقدار عسکر سوقیلہ تأدیب و تربیه لرینی تدبیر

ایتمشله ایسه ده شهریار مشارالیهک مزاج هایونلری عطف نظر جلادت ایتمهک مساعده اولدیغندن و (آمان افندم هم کندیکزه و همده بزه قییارسکن) دیندجه قان دو کولمکسزین سهولتله ایشک بتورلمسی رأینده مصر اولدقلرندن موجد فتنه اولان قائممقام پاشا ایله آنکهکله همدست اتفاق بوانان خونه یه جمعیت فتنهک حسن تدابیر ایله دفع و رفعی خصوصنی تحمیل ایلدیلر . حالبوکه براختلال عظیم وقوعبوله جفنی دور اندیش اولان اصحاب زکا چوقدنبرو جزم ایشلر ایدی . حتی دده پاشا مرحوم نقل ایدر ایدی که کوسه کتخدا دیمکه معروف اولان مصطفی رشید افندی وقعه یی استماع ایدر ایتمز حادثات مشکله ظهورنده عادت مألوفه و مشهوره سی اولدیغی اوزره بش اون قیلدن عبارت اولان صقالی انامل تفکر ایله قاریشدیره رق برمدت کزندکدن صکره کتخداسنی چاغروب عجا بزم دائره ده قباچقی یی بیلور آدم وارمیدر دیو سؤال و او دخی آشجی باشینک یکنی ایدوکنی اخبار ایلدکده آشجی باشی یی مابین او طه سنه جلب ایله قباچقی مصطفی اغا او غلمزه سلام ایدرم عامه نک معلومیدر که بن اتلی یه سوتلی یه قارشمدم هر نه امر اولندی ایسه آنک اجراسنه تقید ایلدم بو جهتهلر حمایه ایللرینی رجا ایدرم و شمیدی او غلمه بعض مصارف ایحون یاره لازمدر دیهرک بیکر عدد ییلدیز التونی ایله مملو ایکی طور به التون اعطا و بریسنی قباچقی خرجلق ایلسون و دیگرینی رفاقتنده بوانان سوز صاحب لرینه توزیع ایتسون دیو ارسال ایشکله اشبو التونلر اشقیایه واصل اولدقده کوسه کتخدا بزم بابامزدر بزدن اکا ضرر کلز مستریح اولسون جوابیله آشجی باشی یی اعاده ایشلر و بوجهتهلر تخلص کریبان حیات ایشدر .

صالی کونی شیخ الاسلام افندی و صدور علما جلب اولنه رق باب عالیده مجلس عمومی عقد اولنوب ویریلان قرار موجبنجه اجرای نصیحت ایله جمعیت اشقیایی تفریق اینک ضمنتده صنایدید یکچیر یاندن قزغانجی مصطفی بوغازه کوندردلی و مرقوم اخشام اوزری عودت ایدرک یماقلرک ضابطانی محمود افندینک و خلیل اغانک قتلندن بغایت مکدر و مضطرب اوله رق احاد عسکریه دن ظهور ایدن بو فعل مکروهک دامن عفو و صفح ایله مستور بیورلمسنی و نفرات عسکریه اولحوالیده خیمه نشین اقامت اولان نظام جدیددن متوحش اولدقلرندن عسا کر مرقومه نک قشله لرینه چکلمسنی رجا ایلدکلرینی سوبلیدی .

کیفیت حضور هایونه عرض اولنه رق نظام جدیدک قشله لرینه چکلمسی چون امر ویرلیدی و سلطان سلیم حضر تلیله اصدقای دولت بر درجه اغفال و اشقیای مرقومه نک استدکاری کی سیر و حرکت ایللرینه ارأه طریق احتیال قلندی . بو صورتله ایش یتدی

ظن اولنیورکن چهارشنبه اقشامی اشقیاطو پنخانه یه واصل وقائم مقام پاشا طرفندن بومصلحت
 جمله اتفاقیله اولمشدر صاقین مدافعه قیدنده اولسونلر دیو طوپچیلره خبر کوندرلمش
 اولدیغندن انلر دخی اشقیایه ملحق اولمغله صباحه قدر استانبوله کذار وجمع یکیچریان
 اولان آت میداننه قزغانلری چیقاروب مقام بنی و طغیانده قرار ایلدیلر . قلعہ یمقلری
 بیک قدر کشتیدن عبارت ایکن طوپچیلرک وسائر یکیچریلرک انضمامیله جمعیت عظیمه
 حاصل اولدی . پنجشنبه کونی علی السحر تکرار باب عالیده عقد مجلس اولنوب ابراهیم
 کتخدا نظام جدید ایله مدافعه اشقیا خصوصنی ایراد ایدر ایتمز روم ایلی قاضی عسکری ولی
 شمس الدین اطالہ لسان دشنامه اغاز وسائر متفقین دخی تصدیق ضمنی ایله اتحاد نهفته یی
 باز ایتمکله شمعی یه قدر تحت شبهه ده بولنان اتفاق فتنه میدان چقمغله ابراهیم کتخدا
 وحاجی ابراهیم افندی صاوشوب کیتدیله و شیخ الاسلام ایله قاضی عسکرلر جمعیت اشقیایه
 اعزام قلندی . نظام جدیدک کلیاً رفع والغاسی و ابراهیم کتخدا وحاجی ابراهیم افندی
 وسرکاتبی احمد افندی ومابینجی احمد بک و کتخدا وکیلی محسن افندی و رئیس وکیلی
 صفی افندی و ضربخانه امینی بکر افندی و بوستانجی باشی شا کر بک ووالده کتخداسی
 سابق یوسف اغا و نظام جدیدک ذخایرینه مأمور اولان قپان نائی عبداللطیف افندی بک
 قتل واعداملری طائفه باغیه نك مطلوبلری اولوب مساعده اولندقچه انحلال جمعیت ممکن
 اوله میه جنی قائم مقام پاشا طرفندن حضور هایونه انها و بوبابده مجمع اشقیاده اولان شیخ الاسلام
 افندی جانبندن دخی تأکید واستعجال اولندیغنی اشعار قلنمغله ارتق ایش ایشدن کچمش
 اولدیغندن بیجاره سلطان سلیم تخلص نفس ایچون اظهار موافقه مجبور اولدی . بناء
 علیه نظام جدیدک رفع والغاسی دلاللر واسطه سیله اعلان وطلب اولنان ذواتک دخی
 هر بری بر یرده دردست اولنوب اعدام قلندی . فقط یوسف اغا هنوز حجدن عودت
 ایدرک قونیه طرفلرینه تقرب ایلدیکنه و قپان نائی دخی طریق علمیه دن بولندیغنه مبنی
 ایکسی دخی بروسه یه نفی اولنوب ونائب مومی الیه میر میرانلق توجیه اولنوب بعده
 اعدام قلندیله .

رؤسای اشقیانک شدتلری زائل و دائره اطاعته رجوعلری متقرب اولمشیکن محرک
 فتنه اولان اعظم مصلحت بو درجه یه کلد کدنصکره سلطان سلیمدن امنیت جائز اولماز
 دیو القات خفیه یه مبادرت ایلملریله تبدل سلطنته قرار ویرلدی و ایکی بیک قدر عسکر
 ترفیق اولنه رق شیخ الاسلام ایله صدور علما جمعه کونی صباحلین باب عالی یه کوندیلدی .
 قائم مقام موسی پاشا خدنک مفسدتنک هدف مقصده وصولندن منشرح الفؤاد اوله رق

باب عالی رجائی وعلما طاقنی آلوب سرای هایونه بالعزیمه سلطان سلیمه افاده کیفیت اولندقدده بالضروره حرمسرای هایونه عزیمت بیوروب بعده ساعت بشه قریب سلطان مصطفی خان رابع حضر تلری جالس سریر سلطنت اولدی و رسم بیعت اجرا اولندقدن صکره آیاصوفیه جاشریفه سلاملق رسمی دخی ایفا قلندی .

احوال علمدار مصطفی پاشا

سنه سابقهده روسجق اعیانی ترسنکلی اوغلی برفدایی قورشونیه فوت اولدقدده متعلقانندن هزارغراد اعیانی اولان مصطفی بیراقداریرینه قائماولوب فقط جانب سلطنت سنییه عرض محضر تقدیمیه استحصال مساعده سنییه مبادرت و مطاوعتکارانه حرکت ایتمکه روسیه سفری ظهورنده رتبه وزارتله سلستره ایالتی مشار الیه توجیه اولنمشیدی . اصحاب قدرت وسطوتدن اولدیغندن اسماعیل ویرکوی طرفلرینه وقوعبولان تعرضات دشمنی مدافعه وغالبانه محاربه ایتمکه اولدینی حالد اردوی هایونک طونه سواحله تقربنده بش التی بیک سواری ایله استقبال ایدرک موجب تقویت جیوش مسلمین ولوای شریف سرعسکر لکیله تعظیم و توقیر اولنمشیدی . استانبولده اختلاک ابتدای ظهورنده اردوده یکچیری اغاسی بولنان پهلوان اغادن امنیت دولت منسلب بولندیغنه مبنی عزل و تبدیله اراده سنیه سنوح ایتمکه موجبینجه قول کتخداسی یکچیری اغاسی نصب اولنمشیکن طائفه یکچیریان زور بازوی تغلب ایله ابقا ایتدیردکارینی متعاقب جلوس خبری واصل اولمغله اغای مومی الیه دخی یکچیریلری تحریک ایله صدر اعظم ابراهیم پاشایی فراره مجبور ایتدی . بوخبر استانبوله وارد اولدقدده بوغاز محافظی چایی مصطفی پاشا صدر اعظم نصب اولنهرق ربیع الآخرک یکرمی دردنجی کونی مرکز اردوی هایون اولان سلسترهیه وصولنده بیراقدار مصطفی پاشا صدارتک تبدلندن دلیکیر و بوجهتله صدر جدید ایله میانه لرنده آتش عداوت جایکیر اولمغله ارائه روی درشتی ایله روسجق جانبده عطف زمام ایلدی . مشار الیه تأمین و تلطیف مقصدیه یکچیری اغاسنه الباس فروه وزارت ایسلیله عتو و طغیان صدچندان اولدیغندن بعض ارکان دولتک تحریکیله یکچیریلر بوکره مشار الیه علیه قیام و یاره لیوب کتام ایلدیلر . سلطان سلیم رجالندن رامز افندی و هیچ افندی برر طرفه نقل ایله تبعید اولنمش ایسه لرده علمدار پاشا طرفندن جلب اولندقلرینه و وزیر کتخداسی رفیق افندی ایله رئیس غالب افندی دخی سلطان سلیم طرفدارلری ایدوکلری جهتله حقلرنده معامله غدیره اجرایی متصور ایدوکنی تفرس ایلدکلرینه مبنی آنلردخی یکچیری اغاسنک یاره لندیگی کون بغته روسجغه فرار و علمدار

پاشا حمایه‌سنده قرار ایلدیلر . اردوی هایون بر بحران ایچنده ایکن فرانسه و روسیه
ایمپراطوری بیننده تیلسیتهده عقد مصالحه اوانوب دولت علیه ایله مسقولو بیننده متارکه
ومتعاقباً مصالحه اولمسی دخی شرط قلمغله رئیس سابق غالب افندی مأمور ایدیله رک جمادی
الآخره اواخرنده تنظیم متارکه اولندی . اردوی هایون دخی مشتانشین اولوق اوزره
ادرتهیه عودت ایلدی .

محاربة بحریه

انکلیز کمیلرینک عودتندن صکره قپودان دریا سیدی علی پاشا اوزسکر قطعه سفن
حریه ایله آق دکر بوغازندن خروج وانکلیتره دونماسی مصر طرفه کیتمش اولدیغندن
یونجه اطهده بولنان روسیه دونماسیله جنکه آغاز ایلدی . لکن سفن اسلامیه‌نک اکثریسی
قارنیتده قاهره غوغا ایدماملکه یالکز قپودان پاشانک را کب اولدیغی مسعودیه نام اوچ
انبارلو ایله قپودانه بکک سوار اولدیغی قیاق وبر ایکی کمی دهایدی سکر ساعت جنک
ایلدیلر . واقعا پاشا کمیسنده یلکن و دیرکدن اثر قالمیوب قپودانه کمیی دخی ایادی
دشمنه گرفتار اولدی ایسهده مسقو سفینه لرنده دخی ایلرطوتار یرقالمدیغندن یونجه اطه‌یی
ترک ایله قورقه‌یه رجعته مجبور اولدیلر و بوجهته آق دکر بوغازی محاصره‌دن قورتلدی .
حقا که قپودان مشارالیهک اظهار ایلدیکی شجاعت محیرعقول اولدیغی معلوم انام ایکن
لوندانه مشربی مزاح دولته غیر موافق اولدیغندن عصرینک مورخلری یعنی وقعه نویس
عاصم افندی وشانی زاده خدمات جان سپارانه‌سنی مداهنه طریقه قربان ایشلردر . بشقه
خصوصلرده فنالغی اولسه بیله بویله برغازی آدمک دین و دولت اغورنده سبق ایدن
فداکارلغی اضاعه ایلک لایق انصاف دکلدر .

انکلیزلرک اسکندریه‌یه تسلطلری

فرانسه‌لوردن استرداد اولندقدن صکره مصرک حالی پک قاریششمش وانکلیتره‌لور
بعض کوله‌من بکلرندن ال طوتمش اولدقلرندن جزوی اقدامله خطه مصریه‌یی ضبط
ایدیله جکلری امیدیه اواخر سلطنت سلیم خانیده درونلرنده سکر بیک قره عسکری
اولدیغی حالده قرق قطعه‌دن متجاوز سفن حریه ونقلیه‌دن عبارت اولان انکلیتره دونماسی
یغته اسکندریه‌یی ومتعاقباً رشیدی تسخیر ایتشلر ایسهده مصر والیسی بولنان محمد علی
پاشا کوله‌منلری تأدیب و تربیه ایله اولدقجه اداره‌یی یولنه قویمش بولندیغندن اول رشید
اوزرینه مهاجمه‌نمای سطوت اوله‌رق انکلیزلورلی تدمیر و بش‌القی یوز قدرینی اسیر ایدوب

بعد اسکندریه بی محاصره ایسکه انیکلیزر خلاف مأمول بو مدافعه بی کوردکارنده عقد شرائط تخلیه ایله عودته مجبور اولدیلر .

تبدلات داخلیه وجلوس سلطان محمود خان ثانی

قائم مقام موسی پاشانک اباواجدادن موروث چفتلکاتی عصر سابقده ایکی دفعه مصادره اولوب بعدهینه کندوسنه صاتمیش ومدت مدیده اینه بختی محافظه سندد ترک اولنه رق تذلیل وتحقیر اولمش اولدیغندن ارکان دولت حقنده حاصل اولان بغض وعداوتنی هضم وکظم ایده میوب اله فرصت کچدیکی آنده اخذ انتقامه مسارعت و مطالعه انجام کار ایله تبدیل سلطنت ماده فجیعہ سنه دخی جرأت ایتیش ومقتوللرک مجوهرات نفیسه و اموال کثیره سندن خلیجه شیء اختلاس ایش ايسه ده افعال ملعونانه سنک یاننه قالمیه جنی اندیشه سیله مسلوب الشعور ایکن پادشاه جدیدک قرناسی سلطان سلیمک اعدامنی تکلیف ایله تضییق ایده کلد کارینه و بوکار مکر وهه دخی متجاسر اولدیغنی تقدیرده ارتق کندوسی ایچون تخلص کریبان حیات حیزامکانده اوله میه جنی مجزومی بولندیغنه مبنی ایشدن چکلمک تدابیرینه تشبثله استغفایه آغزایلدیکنندن ایکی یوزیکرمی اوچ سنه سی ربیع الاخرینک یکرمی دردنجی کونی چاوش باشی شهسوارزاده حمداه بک مقام قائم مقامی به اصعاد وموسى پاشا بروسه ده اقامت ایتک اوزره ابعاد اولندی اون کون صکره شیخ الاسلام عطاءاه افندی دخی عزل وصمانی زاده عمرافندی مقام فتوایه ابعاد اولندقدده معزولک هوا دارلری القا آتیه یکیچری ضابطلری رفع پرده ادب وعطاءاه افندیکنینه مقامنه اعاده سنی طلب ایله اصرار ایلدکارندن بالضروره ایرتسی کونی مسندمشیختده تقریرقلندی وبونک اوزرینه مفتی مشارالیهک استبداد واستقلال صدچندان اولدی بناء علیه حمداه پاشانک قائم مقامنی قرق کوبه وارمق سزین متفق اولان موسی پاشانی دفعه ثانیه اوله رق قائم مقام نصب ایتدیرتدی عصر سلیم خانیده طرزون والیسی ایکن عصیان ایدوب بعده قریمه فرارایدن طیار پاشا پادشاه جدید اولان منسوبیت سابقه سنه مغروراً استانبوله کمکله نائل توقیر واحترام وموسى پاشا اوزرینه اواخر شعباتده قائم مقام اولدی لکن حبث طینت وسلطان سلیمه عداوت اصحابندن اولمغله شاید برغدر واهانته تشبث ایدر مطالعه سیله اردو رجالی بغایت متوحش ومضطرب اولوب رفع ودفعی ضمنتده صدر اعظم ایله بیخبری افساد و طیار پاشا مقام قائم مقامیده بولندچه ماجرای سابقه بناء جبارزاده ازدوی هایونه کلز دیوبزمطالعه اختراع وایجاد ایدرک ایکی یوز یکرمی اوچ محرمنده عزله ظفریاب اولمغله رجال دولتدن اکیلی مصطفی افندی مقام قائم مقامی به اعتلا ایلدی .

مقدمه و قعه ثانیه

علمدار پاشانك ياننده مجتمع اولان رفيق و غالب و تحسین و بهیج ورامن افندیلر سلطان سلیمك احساندیده و برکشیده سی و متغلبه عصرک منفوری اولدقلرندن علمدار پاشایه شهریار مخلوعك محاسن و مکارمنی تعداد وانك خلعیله دولت علیهك گرفتار اولدیغی اغتشاش و مصائبی بیان و ایراد ایده ایده عاقبت اعاده جلوس خصوصنه اقناع ایلدیلر لکن بوامر عظیم بك چوق مقدماته محتاج اولمسیله صره سی دوشدکجه اقتضاسنه کوره حرکت اولمق اوزره ترتیب و تصمیم اولندقدنصکره اولار رفیق افندی وایکنجی دفعه ده بهیج افندی استانبوله کلوب و مقربان دولته حلول ایدوب متغلبه دارالسلطنهك امور دولته مداخله بوذات شاهانهك بر شیخ الاسلام عزله اقتدارینی سلب ایتک درجه ده مغالبه لری اصدقای دولتی دلخون و خصوصیه علمدار پاشایی مکدر و محزون ایتکله مساعدت سینه ازران بیوریلورایسه تأدیب اشقیایه حاضر و ظهور امر فرمان پادشاهی یه منتظر در دیه رك انواع ریش خند و حتی سلطان سلیمك اعدامنی دخی تعهد ایله قرنانك بوم شوق فؤاد لرینی مطمح نظر اولان نقطه دن دانه ابله فرباب ایله صیدوبند ایلدیلر بناء علیه علمدار پاشانك استانبوله کلمسینه غایت خفی اوله رق رخصت سینه تعلق ایدوب یکدیگرینی متعاقباً رفیق افندی وزیر کتخداسی و غالب افندی رئیس و بهیج افندی دفتر دار و تحسین افندی چاوش باشی نصب اوله رق بو وجهله اردوی هایونك اداره سی متفقین انه کجدی و رامن افندی عقل خواجه سی اولمق اوزره علمدار پاشا یاننده قالدی . متفقین مشارالیه صورت ظاهر ده علمدار پاشایی صدراعظمه مطیع و منقاد ایدرك صدر مشارالیهی تحت امنیت و امتثانه اللدقدنصکره استانبول متغلبه لرینك تأدیب و تربیه لری کیفیتنی اشراب ایللریله و صدراعظم دخی ذاتاً متغلبهك تسلط و تجربندن بیزار و ایشك ایچ یوزینی ادرا کدن عاجز اولمغله تدابیر متصوره یی حسن تلقی ایلدی بونك اوزرینه ارتق مصلحت مرکز مطلوبه و اصل اولمش بو حسب التعليمات دور آیالت بهانه سیله علمدار پاشا اون اون بشیک قدر عسکرایله روسیچقدن حرکت و برولره طوغری عزیمت ایلش ایدو کندن مذا کره احوال سفریه ایچون ادرنه یه دعوت اولندی .

و برقاق کون لوازم مهماننوازی و تعظیبات فائقه اجرا قلندی بعده عقد اولنان مجلس مشورته متار که نك امتدادی سبیلله ادرنه ده اقامت بهوده مصارف کلیه یه سبب اولمغله استانبوله عودت ایدیلر رك تنظیم مصالحه مقدار اولمدیغی حاله تجهیز لوازمات حربیه ایله حرکت دهاسهولتلی و منفعتلی اوله جفی تذکر اولمغله و علمدار پاشا دخی بنده برابر کیدر و خاکپای هایونه یوز سوررم دیملکه

اولوجهله حرکتہ قرار ویرلدی. فقط رسماً استیدان اولنورایسه طائفه متغلبه نك جواز
 کوسترمیه جکلری درکار اولدیغندن استیداندن صرف نظر وبرقاج کون مارین وعابرینك
 سیر و سفرلری منع اولنهرق استانبوله تقرب اولندجقه طویلنامسنه اعتنا اولنق صورتی
 اختیار اولندی. رئیس الاشقیاء اولان قره دکر بوغازی ناظری قباجی مصطفی نك
 درجنك اول تدمیری ایچون بر مقدارعسکر ایله خصکوی اعیانی ارسال وجمادی الاولینك
 اون طقوزتجی کونی ادرنه دن انتخاب اولنوب اعیان مومی الیه بغته باغی مرقومك روم
 ایلی فزاری قلعه سنك خارجنده اولان خانه سنی باصوب قتل وقلعه یمقلری مطلع اولنجه یه
 قدر قلعه یی ضبط وتحصن ایلدیکی خبریله باغی مرقومك سر مقطوعی اردوی هایونك
 چورلی مرحله سنه وصولی کونی وارد اولدی. قباجینك قتلی استانبوله انواع کفتکوی
 موجب اولدیغی حالده اردوی هایونك علمدار پاشا ایله کلمکده اولدیغی ارکان
 سلطنتك معلومی اولدقده جمادی الاولینك یکر می اوچنجی بازار کونی باب فتوا پناهیده
 عقد مجلس اولنهرق کیفیت میدانه قونلدی. وقعه سابقه ده ذی مدخل اولنلرك جان
 باشلرینه صچرایوب بعضیلری مدافعهلرینی تدبیر وبعضیلری دخی قلعه قبولرینك سدیله
 دخوللرینه رخصت ویرلماسنی تقریر ایدرلر ایکن قائم مقام پاشا بوکون سلوری یه وصالی
 کونی استانبوله واصل اوله جقلرینی بیان ایسکله ارتق تدابیر وتدارکاته میدان قالمدیغی
 تین ایلدیکندن بالضروره بر معتاد طرف سلطانیدن دعوتجی ارسال اولندی. وبروجه
 ترتیب ماه مزبورك یکر می بشنجی صالی کونی سلطان مصطفی خان حضرتلری سنجاغ
 شریفی استقبال ایچون انجیرلی چفتلکنه دک چیقوب مرتب الای ایله اردوی هایون
 استانبوله داخل وصدراعظم باب عالی یه قائد اولوب علمدار پاشا ولی افندی صحراسنده
 مرکوز اردوگاهنده قرار ایلدی. ماه مذکورك یکر می یدنجی کونی علمدار پاشانك اوچ
 بش بیک آدم ایله باب عالی یه کلمسنی متعاقب شیخ الاسلام عطاءه افندی عزل وعرب زاده
 عارف افندی نصب اولنوب ایکی کون صکره روم ایلی وانا طولی قاضیعسکرلری چاوش
 زاده شمس الدین افندی ولحومی زاده محمود نورالدین افندی وانا طولی پایه سنی حائر
 مشهور خواجه منیب افندی نفی وابعاد ویکيچریلرك اشدهاء اشراسندن ایکی چورباجی
 اعدام قلندی.

متفقیندن علمدار پاشانك معیتده بولنان رامز افندی سلطان مصطفی نك سنجاغ
 شریفی استقباله ورودنده بالتوقیف سرعت سیر ایله استانبوله کیدیلوب سلطان سلیمی
 اجلاس ایلك صورتی تذکر ایتش اولدیغی حالده دیکرلری بونی تنسیب ایتیب

متغایه نك طرد و دفعندن صكره سراى هايونده بر مجلس عمومى عقديله سلطان محمد رابع
 خلعى طرزنده تبديل سلطنت اولمسنه قرار وير مشلردى. بناءً عليه شيخ الاسلام و صدورك
 عزل و نفى اولملىرى متعاقب قيودان دريا سیدی علی پاشانك دخى عزلى طرف صدر
 اعظمیدن عرض ایتدیرلمش ایسه ده والده سلطان حمایه یه قیام ایلدیکنندن صدر مشارالیه
 شمديلك بونك تأخیری لازم کلدیکنى و انتظام امور دولت حاصل اولمش ایدوکنندن
 ارتق عودت ایلری لزومى علمدار پاشایه اشعار ایلدکده علمدار پاشا بهمه حال قيودانك
 عزلى مقتضى و بزم عودتمز انك حصونه موقوفدر. دیوتند و تیز بر جواب ارسال
 ایلکله و صدر اعظم بعض قرائن حالیه دن سلطان سلیمى اجلاس نیتنده بولندقلرى
 استدلال ایدوب بوايسه کندى منافع و مطالعه سنه مغایر بولمغله کیفیتى مقربان سلطنته اشعار
 و رفیق و بهیج و تحسین افندیلك قتلارى خصوصنده طرف سلطنتدن ترخیص بیوریلور
 ایسه متفقینك ترتیب و تصورلری زائل و قلعه قیولرینك سدیله علمدار پاشانك دخى
 مدافعه سی قابل اوله جغنى تذکار ایلش ایسه ده مقربان سلطنت متفقین طرفندن اوله
 کرکی کبی اغفال قلنمش اولدیغندن صدر اعظمك اختاریته اصلا وجود ویرمدیلر
 و بویله شیک احتمالی یوقدر دیو جواب کوندردیله رفیق و بهیج و تحسین افندیله اشبو
 مخبرات خفیه یه مطلع اولدقلری آنده علمدار پاشا اردوسنده بولنان رامن افندییه
 ابلاغ ماجری و بعدازین بر لحظه توقف موجب و خامت اوله جغنى انبا ایلریله حمادی الاخره نك
 دردنجی پنجشنبه کونی علی السحر علمدار پاشا اون بيك قدر عسکر ايله حرکت و باب
 عالییه دهشتناى موصلت اولوب عرض او طه سنده قهراً صدر اعظمیدن مهر هايونی اخذ
 و چاوش باشى تحسین افندییه تسلیم و صدر مشار الیهى قرق الی سوارىیه تسلیمأ ولی
 افندی صحرا سنده اولان اردوسنه ارسال ایلدکن صكره شيخ الاسلام افندی ايله سائر
 اقتضا ایدن ارکان دولتی جاب و جمع ايله سراى هايونه عزیمت ایلدی. سلطان مصطفى
 خان حضرتلری احواله واقف ولدقده اورته قیوی سدا ایتدیروب سلطان سلیم
 و شهزاده سلطان محمودك اتلافنه امر ویرمش اولمغله باش چوقدار فتاح و خزینه کتخداسی
 ابه سلیم و میراخور محمد و خزینه وکیل نذیر و تبديل خاصکیسی بغدادلى علی و بونلره تابع
 بش اون نفر بوستانجی حرم هايونه دخول ايله سلطان سلیمى شهید ایدرك سلطان
 محمود خان حضرتلرینه دخى هجوم ایتمشلر ایسه ده لالاری عتبر و حافظ عیسی آغالك
 محافظه لریله سقف سراه چیفوب تخلیص کریبان حیات ایلدیله بعض سراى آغلرندن
 منقولدرکه سلطان مصطفى خان چراغان کوشکینه بینش امر ایدوب کیتك اوزره

ایکن علمدارك باب عالییه ورودی استماع اولمغله ترك اولنش و اگر علمدار پاشانك
كسی یارم ساعت قدر تأخر ایتش اولسه ایدی سلطان مصطفى سرایده بولمیه جق
وامر مطلوب سهولتله حاصل اوله جق ایتش نه چاره که مقدرات الهیه سلطان سلیم
حضر تیرینك شهادتنه و بو سببله پك چوق قان دو کلمسه متعلق اولمسیله حکم قضا قرین
امضا اولمشدر . علمدار پاشا باب السعاده یی آچدیرمغه چالشمقده ایکن سلطان سلیمك
شهادتی متین و سلطان محموده سوء قصد و قوعی محسوس اولمغله اصدقای دولته بر درجه
خشیت و ملال استیلا ایلدیکه کمال حیرت و دهشتدن نه یاپه جقلرینی شاشر مشار ایدی .

هله رامنر افندینك اخطارات متجددانه سی ایله آرتق سلطان محمودك صحت و سلامتنه
حصر همت اولنوب زور بازو ایله باب السعاده آچدیرلدی و مشارالیه حضرتلری دخی
بالای بامدن اینوب قوشخانه قیوسی جانبندن ظهور ایتمکه درحال تخت عثمانییه اجلاس
و بیعت عمومیه اتمام اولنوب علمدار پاشا مقام صدارته اعتلا ایلدی .

خاقان مغفور بیك یوز یتیش بش سنه سننده تولد و ایکی یوز اوچ تاریخنده جلوس ایدوب
یکرمی ایکیده مخلوع و اون درت آی مرورنده شهید اولمغله سن شریفلری قرق
سکز و مدت ساطنتلری اون طقوز سنه یه قریبدر . شهادتیرینك ایرتسی جمعه کونی لاله لیده
واقع پدرلری تربیه سننه دفن اولندیلر قتله منفورده ایله بو ماده مستهجنده قولاً و فعلاً
ذی مدخل بولان اوچیوزدن متجاوز اشخاص قتل و اعدام اولندیغی مثللو خونه سلیم
خانیدن قائم مقام اسبق موسی پاشا و طیارپاشا منفالری اولان ازمیر و شمنیده شمشیر مجازات
قنطار مسندن اصرار اولندیلر و وقعه خلعه آت میدانی جمعیتی ارکانندن اولان شیخ الاسلام
اسبق عطاء اه افندی ایله قاضی عسکرلر نفی و تغریب و قیودانلق بارتبه و زرات رامنر
افندییه توجیه اولنه رق سلفی سیدی علی پاشا بروسه ده اقامت ایتمک اوزره تبعید اولندی .
صدر اعظمك هیبتی و سطوت سیاستی یکیچریلری سوت دوکمش کدییه دوندروب
باخصوس مذاکره احوال سفریه و تنظیم مهام دولت علیه ضمنتده اناطولی و الیسی قاضی
پاشا و جبار زاده و قره عثمان زاده و سیروزی یوسف بك و سائر اعیانلر استانبوله جلب
اولمغله درس عادت صحرالری عسا کر متنوعه ایله مالامال اولدیغندن اداره امور دولته
تعرض و تعرض ایتمکه کیعسه نك زهره سی قالمدی . بناءً علیه قانون اساسی طرزنده
بر اتفاقنامه یازیلوب صدر اعظم و شیخ الاسلام و قیودان پاشا و قاضی عسکرلر
و رجال دولت و مذکورالاسم اعیانلر جانبندن تمهیر و ظرف پادشاهیدن باخطهایون تصدیق
بیورلدی و سکیان نامیه عسا کر منتظمه یازمغه شروع اولندی .

بعده سنه آتیهدده سفر مقتضی اولدینی حالدده عسا کر کلیه ایله سفره کملک شرطیه اعیانلره رخصت ویرلدیکندن عودت ایتدیلر .
 بو کره دخی یکیچریلرک کلیاً رفع و الغاسی تنسیب اولنش ایسهده طرف پادشاهیدن مساعده بیورلمدی . لکن بو عدم مساعده ایله سلطان سلیم مرحومک جسارتسزلکی بیننده فرق کلی واردر . زیرا سلطان سلیم زماننده اون اون بشبیک نظام جدید میدانده ککشیدی . بو دفعه ایسه هنوز عسا کر منتظمه تدارکنه تشبث اولنوب باخصوص آستانه علیه صدر اعظمک سکر اون بیک قدر قیرجه لی عسکر یله مملو اولدیغندن ایی فنا ینه دولت عسکری اولان یکیچریلرک محو وازاله سی حالنده مرکز سلطنت بتون بتون صدر مشارالیهک عسکری انده قالمق لازم کلوب بو ایسه موافق قانون عقل و سیاست دکل ایدی . حتی سند اتفاق حضور هایونه عرض اولندقدده سلطان محمود خان حضرتلری خواجه لری اولان شهر امینی ابراهیم افندی و باش چوقدار عمر اغا ایله لدی الاستشاره بو شرائط استقلال سلطنتی محل اولدینی میدانده ایسهده شمیدیکی حالده تصدیق اولنماسی ممکن اوله میه جغندن ایلروده الفا واجا اولنق لازمه ذمت سلطنتدندر دیدکلری و سلطان محمود خان حضرتلری دخی بونیت ایله خط تصدیق کشیده بیوردقلری منقولدر .

وقعه علمدار پاشا

صدراعظم استانبولک احوالنه غیرواقف و مدیر امور اولانلر یکیچریلرک کلیاً مغلوبیتته معتقد اوله رق صدر مشارالیهی اطرافدن تقدیم اولنان جواری ایله ذوق و شوقه مبتلا و کندولری دخی تکمیل دارات و احتشامه اعتنا ایدوب حزم و احتیاطی فراموش وروم ایلی عسکرینی خانلره و وکلا قوناقلرینه تفریق و تقسیم ایله عروس غفلتی دراغوش ایلدکلرینه مبنی منتظر وقت فرصت اولان صنادید یکیچریان هیولای فتنه یه صورت ویردیلر و رمضان شریفک یکر می یدنجی صالی کیجه سی امساک و قتلرنده بغته باب عالی یه مهاجمه نمای ورود اوله رق القای آتش ایلدیلر ایش بو درجه یه کلنجه یه قدر ارکان دولت خبر آله مامش و حین اقتضاده عسکرک تجمعی ایچون اعیانلره تعلیمات و بعض علایم کبی شیلر اعطا و ترتیب اولنماش ایدو کندن صدر مشارالیه دائرة صدارتده بولنان توابعیله مدافعه یه قیام ایلدی ایسهده امداده دسترس اولنه مامسیله و آتش هولناک باعث تفرقه جمعیت اولمغله بالضروره بر محزنه کیروب تحصن و هجوم ایدنلره قورشون آتمغه اغاز ایلدی . سکر طقوز ساعت قدر بو حال دوام ایلدکدن صسکره یکیچریلر محزنک قبه سنی دلمکه شروع ایلدکلرندن

صدر مشار الیه یاننده بولنان جبخانه‌یه آتش ویرمکه قبه‌ده و جوارده اولان ایکی اوچبوز قدر شقی پابرهوا و کندوسی دخی عازم دار عقبا اولدی .

اشقیانک برطاقمی بونکله مشغول ایکن برطاقمی دخی رئیس غالب افندینک قوناغنه کیدوب مسافر بولنان الی التمش قدر روم ایلی عسکرینی طلب ایملریله افندی مشار الیه بلا مخالفت تسلیم ایلدی . اشقیا دخی بزم خصومتیز وزیر اعظمک ذاته منحصر وانک ایشی ایسه تمام اولدیغندن سزه برکونه ضرر رمز یوقدر دیوب و اوکلرینه آدم قاتوب قلعه قپوسندن اخراج و خانلرده و سائر یرلرده بولنانلری دخی بووجهله طرد و دفع ایلدیلر . وزیر کتخداسی رفیق افندینک قوناغنه کلنلره خاصکوی اعیانی اولوب نفراتیه برابر اوراده مسافر بولنان سلیمان اغانک رأی و تنسیبی اوزره دانه تفنک ایله جواب ویرلمکله آنلر دخی جنکه ابتدار و بالاخره برچرخه طوپی کتوروب انک صدمه سیله قوناغک قپوسنی رخنه دار ایلدکلرندن افندی مشار الیه لاجل الاستیمان بنک طاشنه ایندکده اوزرینه هجوم ایله پاره پاره ایلدیلر جهادیه ناظری بهیج افندی اختفا ایدوب دفتردار تحسین افندی محتفی اولدینی محله طوتلش اولدیغندن آنی دخی پاره لیوب درجنک اول کشته تیغ شقاوت اولان یکچچری اغاسنک اغا قپوسنده اولان نعشی یاننه القا ایلدیلر . اولوقتی مدرک اولان بعض ارباب وقوفدن استماع اولندیغنه کوره غالب افندی یه عدم تعرضک سببی بوایمشکه رمضان شریفده رفیق و بهیج و تحسین افندیلر آیاصوفیه و سائر جوامعده اجتماع ایتدجکه تصحیح امور دولتی مذاکره ایدرلر و غالب افندی آنلره قارشیمیوب قرائت قرآن کریم ایله مشغول اولور ایمش . یکچچریلرک جاسوسلری بونلرک احوالنه مد نظر دقت و استراق اقواللرینه حواله سامعه ملغت ایده کلدکلرندن غالب افندینک بو حالی باعث سلامتی اولمشدر . قپودان رامنر پاشا ظهور فتنه یه واقف اولدقده کویا سلوری وادرنه طرفلرندن یکچچریلره امداد کله چکی جمله تحقیقاتندن اولمق حسیه آنلری مدافعه ایچون ادرنه قپوسی طرفلرینه برفرقة عسکریه کوندروب کندوسی ترسانه ده آرام و بویله بیهوده برمطالعه و تدبیر ایله افاته وقت ایلدی .

وقعه هونلک منظور پادشاهی اولدقده عسا کر منتظمه سرعسکری قاضی پاشا و قپودان رامنر پاشا و جر خه جی علی پاشا و اسکدارده مقیم قپودان اسبق صالح پاشا و سلیمیه قشلا سنده بولنان عسا کر منتظمه دن اوچ درت بیک عسکری سرای هایونه جلب و نتیجه مصلحته انتظار اولنوب فتنه باغیه ایسه وکلایی افنا ایتدکدنصکره سرای هایونه هجوم ایملریله جیوش منتظمه سر کرده سی اولان سلیمان اغا ساعت طقوز راده لرنده ایکی اوچ بیک قدر

عسکر ایله خروج واشقیایی قهر وتنکیل ایدرك چنبرلی طاشه قدر کلوب اورادن باب عالی طریقیله صغوق چشمه قیوسندن سرای هایونه دخول ایلدی و فرو نلرده بوله بیلدیکی اتمک و سمید و چورك مثللو ما کولاتی آلوب کتوردی . سلیمان اغانک بو سیر و سفری ایکی ساعت اول واقع اولسه و رامین پاشا کی دهاته عصر دن بولنان برذات تدابیر بیهوده ایله امرار وقت ایتیموب باب عالی یه امداد ایلسه صدر مشار الیهک تخلیصی ممکناتدن اولمسنه نظراً عن قصد اغماض اولندیغی تحت شبهه در حتی سرای هایون ارکانک وقعه دن اول خبردار ایدوکلری بعض قرائن ایله استدلال اولمشدر .

سلطان مصطفانک تکرار سلطنتی زبازد اشقیا و سرای هایونه هجوملری دخی بونی مؤید اولدیغندن چهارشنبه کیجه سی شربت شهادت اشراب اولندی . پادشاه مشارالیه غایت سادهدل و میوه نارسیده سلطنتی اله کچورمک ایچون ایقاظ فتنه یه متجاسر اولوب دولت علیهک انواع فلاکت و ضایعاتنه سبب اولمسیله برابر هم سلطان سلیمک و همده کندوسنک اتلافنه بادی اولدی . بیک یوز طقسان اوچ سنه سنده متولد و ایکی یوز یگر می ایکی سنه سنده جالس اورنک عثمانی اولوب اون درت ماه مرورنده مخلوع و اوچ آی یگر می کون صکره شهید اولمشدر . اختلالک ختام بولدیغی جمعه کیجه سی پدرلری یاننه دفن اولمشدر . فرداسی چهارشنبه کونی فتنه باغیه ینه سرای هایونه مهاجه نمای ورود اولدیغندن سائف الذکر سلیمان اغا اوچ درت بیک عسکر ایله اخراج و خونریزانه چنکه شروع اولمغله درت بش بیک قدر شقی رهرو وادی عدم اولوب دوتنمای هایوندن دخی مجمع امرای یکچریان اولان اغا قیوسنه کله انداخته مباشرت قلنه جغنه مبنی طائفه باغیهک بنیان ثباتلری متزلزل اوله رق اقدجه اغا قیوسنه احضار ایلدکلری قاضی عسکرلری عفو بجرایم رجاسیله حضور هایونه کوندردیلر و فیما بعد مرکز اطاعتده قائم اولمق شرطیله عفو پادشاهی ارزان بیوریلوب طوب و تفنک منقطع اولدی . بو وجهله ایش بیتدی ظن اولنور ایکن ایرتسی پنجشنبه کونی صنادید کیچریانندن قاندره لی نامنده برکشتنی علی الصباح غاطه طرفلرنده علم افراز طغیان اولوب خوف قهر ساطاتی ایله دونکی کون هر بری بر یرده اختفا ایدن اشقیا اجتماع ایدرك در حال طوپخانه و ترسانه یی ضبط و طوپخانهک قزغانلرینی میدان لحه ایصال ایلمکه آتش فتنه یکی باشند علو افشان اولدی . ایکی کوندنبرو وقوعبولان مقاتلاتده مومی الیه سلیمان اغا و بعض ضابطان و الی یوز قدر سکبان مقتول اولوب اشقیا ایسه سرای هایونک صولرینی کسمک و آیا صوفیه منارلرندن درون سرایه قوزشون آتمق درجه لرنده ادبسر لکه جرأت ایتلریله و سبک مغزان اهالی جانبندن قولاً

و فعلاً طائفه باغیه به معاونت و حتی سرای پادشاهی آشجی و قپوجیلری مثللو بعض خائلیر بیله عساکر منتظمه به اظهار خصومت ایتمکده بولنلریله آرتق امید غلبه بر طرف اولدیغندن قاضی پاشا و رامز پاشا و ترسانه امینی موردلی علی افندی فراره مجبور اولدیلر بعده چرخه جه علی پاشا و قاضی عسکر لر مجمع اشقیایه کوندریلوب طول و دراز محاوراتدن صکره سکبان اوجاغی لغو اولنق اوزره سداب فتنه اولندی و ایرتسی جمعه کونی یکچیچریلر سلیمیه ولوند چفتلکی قشله لرینی احراق والارینه کچن عساکر منتظمه ضابطان و نفراتی اعدام و افنا ایله تتمیم شقاق ایلدیلر .

اشقیانک طعن انداز اوله کلدکلری شیخ الاسلام عرب زاده افندی عید شریفک اوچنجی کونی عزل و دری زاده عبدالله افندی نصب اولنوب بدایت وقعه ده چاوش باشیلقدن قائم مقاملغه انتخاب اولنان محسن پاشا دخی صدر صدارته اعتلا ایلدی رؤسای اشقیادان قاندره لی محمد چکدیر کوندروب بروسه ده اقامته مأمور اولان قپودان سابق سیدی علی پاشایی کتورتمش اولمسيله طلب اشقیایله مقام قپودانی به اصعاد اولندی قاضی پاشا مملکتی اولان علائیه به واصل اولمش ایسه ده یکچیچریلرک ابرام والاحارلیله صادر اولان فرمانلر موجب نهجه تکه لی اوغلی محمد اظا هجوم ایدوب سلح سنه مزبورده اعدام ایلدی بهیج افندی و موردلی علی افندی دخی دانه دام فریب ایله میدان چیقاریلوب سنه آتیله اوائلنده ازاله اولندیلر رامز پاشا روسیجه مواصلت ایدوب لکن سالف الذکر قاندره لی محمد میر میرانلق توجیهیله تعقیبه کوندرلش و سلستره والیسی خسرو پاشا دخی روسیجق اوزرینه مأمور ایدلش اولدیغندن بالضروره قارشویه کچوب روسیه لولرالتجا ایلدی و درت بش سنه اورالرده آرام ایلد کدنصکره بعد المصالحه بلغراد محافظتی نامیه اغفال و جلب اولنه رق یرکویده اعدام قلندی .

انگلتره ایله تجدید مصالحه اولندی

دولت علیه فرانسه خاطری ایچون روسیه به و انگلتره لولر روسیه خاطری ایچون دولت علیه به اعلان حرب ایلش اولدقلری حالده فرانسه و روسیه دولتری عقد مصالحه و تنظیم اتفاق ایلش اولدقلرندن سلطنت سنیه ایله انگلتره لودخی تجدید مصالحه به عرض خواهش ایتدکلری جهتله باخباره طرف دولت علیه دن مرخص تعین اولنان وحید افندی ایله انگلتره مرخصلری چناق قلعه سنده اجتماع ایتملرایدی . افندی مشارالیه اصحاب درایت و مکانتدن بر ذات اولغله یک کوزل بر معاهده عقد و تنظیم ایتمکله سلطنت سنیه بی برغائله هائله دن تخلص ایلدی معاهده مذکوره ایکی یوز یکرمی سنه سی ذی القعدة سنک اون طقوزی

تاریخیه مورخ و محافظه حقوق دولت علیه بی متضمن اولوب عهدنامه مجموعه سند مسطور
اولمغله عیناً درجه تصدی اولندی

تجدد سفر روسیه

سلطان سلیم مرحومی درلودرلو مواعید دلفریب ایله اغفال ایدرک روسیه لویه اعلان
حرب درجه سینه قدر کتورمش اولان فرانسه ایمپراطوری پوناپارته یتلستده روسیه
ایمپراطوریه عقد مصافات ایلدکده دوات علیه نک دخی روسیه لویایله متارکه و متعاقباً معاهده
ایلمرینی شرط ایلدیکنه مبنی روسیه نک ضبطه کچمش اولان قلاع و ممالک دولت علیه
وبوزجه اطه محاربه سنده ضبط اولنان قالیون عقب متارکده جانب سلطنت سنییه تسلیم
قلنمق شرائط اساسیه سی ایله ایکی یوز یکرمی اوچ سنه سی جمادی الاخره سنک یکرمنجی
کونی عقد متارکه قلنمش و مذاکره مواد صلیحیه پارسده اجرا اولنمق اوزره اوراده
بولنان دولت علیه سفیری محب افندی یه مرخصلق فرمانی کوندرلمشیدی . مؤخرآ
روسیه و فرانسه ایمپراطورلری ارفورتنده ملاقات ایدرک بیلرندده منعقد اولان مصالحه
مرتبه اتفاقه ایصال اولمغله و باخصوص فرانسه ایمپراطوری سلطان سلیمک خلعلیه دولت
علیه نک برخیلی وقتدنبرو چالیشدیغی تنظیمات عسکریه و ملکیه سی برآنده محو و هبا
اولدیغی مشاهده ایله اصلاح احوال دولتن بالکلیه مایوس اولمغله ممالک دولت علیه نک
تقسیمی مذاکره سیله مسقوولرک حریص و منهمک اولدقلری نقطه دن ارائه دانه فریب
ایدرک روسیه ایمپراطورینک شهباز فؤادینی شکار ایلدی . لکن بوصورت پکده قولای
اولیه جغندن بشقه استانبولک مسقولر انه کچمی بوجهله تجویز اولنور مواددن
اولدیغندن نهایت شمذیلک افلاق و بغدادنک تملکیله روسیه ایمپراطورینی ارضا ایده بیلدی .
بناءً علیه مذاکره صلیحیه مباشرت اولنمق ایچون محب افندی طرفندن فرانسه خارجیه
نظارتنه افاده واستعجال اولندقجه کاه پترسبورغدن ایلچی کله جک دنیلوب و کاه سلطان
سلیمک شهادتندن ناشی عرض انفعال ایدیلوب بویله جه برخیلی زمان اصرار اولندقدن
صکره بالاخره مسقولولر افلاق و بغدادنی ترک ایتیمور و مقدما عقد اولنان متارکه شروطنه
روسیه ایمپراطورینک مساعدیه سی استحصال اولنه میور دیهرک و توسطدن دخی اعراض
ایدیلهرک عادتاً محب افندی بی استتقال ایلدیلر بو حالک ظهورنده آرتق دولت علیه نک
طوغریدن طوغری یه مسقولو ایله مخبره ایلمی لازم کله علمدار مصطفی پاشا صدارتنده
بکرشده بولنان روسیه فلد مارشالنه مکتوب یازیلوب جواب موافق الندیغندن
بعدالوقعه رئیس غالب افندی و حرمین پایهلورندن محمد رضا افندی و بکلکچی

عزت بك مرخصی اول و ثانی و ثالث انتخاب اولنوب یکر می اوج سنه سی شوالنده اعزام قلندیلر غرائبندرکه فرانسه ایمپراطوری سلطنت سنیه یی روسیه وانکلتره کبی ایکی دولت عظیمه ایله بوزشدیردقدنصکره اورته ده براقیویرمش و بوکره دخی واقع اولان بیوفالغی دولت علیه داغ بربالای داغ اولمشیکن ایکی سنه یه وارمقسزین روسیه و فرانسه دولتری بیتنده اولان مصافت و اتفاق مبدل خصومت و شقاق اولقله بوناپارته دولت علیه یی یکی باشند اغفاله چالشدی ایسه ده دولت علیه اوچنجی دفعه اوله رق الدانمقدن اجتناب و کندوسندن اوکرندیکی لسان دیپلوماسی ایله کچشدیروب نهایت روسیه لوائله فرانسه لونک کرما کرم حرب و قتال اولدیغی اوانده مسقولر ایله عقد مصالحه ایلشدر حتی بعض فرانسز تاریخلری بوناپارتنک خطیاتی تعداد ایتدکلری صروده دولت علیه یی نظر اتفاقدن براقسی سببیه مسقولر فرانسز لک هجومی مشاهده ایتدکلرندن درحال سلطنت سنیه ایله عقد مصالحه ایدرک طونه سواحلنده بولنان یوزاللی بیکه قریب عسکرلرینی جلب و فرانسه علیه ده اعماله مقتدر اولدیلر دیوبوناپارته یه طعن انداز اولمشدر در علمدار پاشا و قعه سنده صدراعظم نصب اولنان محسن پاشانک عدم اقتدارندن وسیدی علی پاشانک زوربالر التزامیه قیودانلق مقامنه اصعاد قلنمش اولمسندن ناشی یکر می اوج سنه سی ذی القعدة سنک اونجی کونی محسن پاشا و یکر می درت سنه سی صفرینک دردنجی کونی سیدی علی پاشا عزل اولنوب مهر صدارت حلب والیسی صدرا سبق یوسف پاشایه ارسال و چرخه جی علی پاشا قائممقاملق و مؤخر آقپودانلق ایله اجلال قلندی و صدر جدید دخی ربیع الاولک طقوزنجی کونی در سعاته و اصل اولدی اسماعیل و یرکوی و ابرائیل قلعه لرینه هجوم ایدن مسقو فرقه لری مدافعه اولنمقده ایسه ده دشمنک طونه نک بو طرفنه کچمک صد دنده اولدیغی محقق اولمغله صدراعظم سردارا کرم نصب اولنهرق سنجاق شریفی مستصحباً موقع حربه عزیمتی قرار کیر اولدیغندن یکر می درت سنه سی جمادی الاولیسنده قاعده قدیمه دولت علیه وجهله صدر مشارالیه اردوی هایونله حرکت و شمنی یه مواصلت ایلدی .

یکرمی درت سنه سی محارباتی

روسیه لینک بیوک اردوسی دو بریجه یه کچد کدن صکره ایکی یه منقسم اولوب بر فرقه سی وارنه و دیگر فرقه سی شمنیده بولنان اردوی هایون اوزرینه صولت ایلدی و یک قدا کارانه جنکه کیرشدی عساکر اسلامیه دخی امر مدافعه ده دلیرانه حرکت و تدمیر دشمنده ابراز

شجاعت ایلر یله مسقولو خلیجه تلفاته دوچار اولدقلرینی مشاهده و برایشه مقتدر اوله میه جقلرینی استدلال ایدرک عودته مضطر اولدقلری مثللو دونمای هایونک وارنه یه وصولی جهته اوراده بولنان دشمن فرقه لری دخی کاینیخی تضییق اولندیغندن انلردخی رجعت قهقری یه مجبور اولدیلر بناءً علیه اردوی هایون روسیغه سوق اولنوب یرکویه کچمک و بکرشه طوغری حرکتله طونه نک بو طرفنده بولنان دشمنی عودته اجبار ایلک خصوصنه قرار ویرلشیکن طونه سر عسکری خسرو پاشا رسوانده بر فرقه روسیه عسکر یله محاربه ایدرک منهزم اولغله و مسقوبیوک قوماندانی کافه جیوش متفرقه سنی جمع ایدرک التمشیک قدر عسکر ایله سلستره یی محاصره ایلکله بالضروره بکرش اوزرینه مصمم اولان حرکت ترک و شجعان غزاتدن پهلوان ابراهیم اغا و بوشناق اغا و فوج فوج کلمکده اولان دره بکلری و اعیانلر سلستره طرفه اعزام اولنوب و صدر اعظم دخی اردوی هایونی روسیچقده براغوب عساکر منتخبه ایله بالذات عازم سمت غزا اولدی .

روسیه لولر سلستره پیشگاهنده انشا ایلدکلری استحکاملرنده جزئی عسکر تدارک ایدرک قوه کليه ايله سلستره نک ایکی ساعت بعدنده جنود اسلامیه یی قارشولدیلر و رمضان شریفک اون بشنجی کونی حربه مباشرت اولندی سکر طقوز ساعت آتش جنک و قتال کرما کرما اشتعال و احشامه قریب تپه دانلی علی پاشا زاده مختار پاشانک ارنبود دلاور لریله امداده یتشمسی دشمنک باعث انهرامی اولوب سالف الذکر استحکاماتده دخی پایدار اوله میه رق دو بریجه یه طوغری فرار ایلدیلر بو محاربه ده اون بیکنن متجاوز روسیه لولر تلف اولدیغی مرتبه تحققه واصل اولمشدر . بعده صدر اعظم سلستره صحرا سنه اردو قوروب مشارالیه پهلوان ابراهیم اغایه وزارت توجیه و سائر غزات موحدینی عطایای مناسبه ایله تلطیف ایلدی . روسیه لولر یاره لولرینی و مهمات و آغر لقلرینی و عسکر لرینک چوغنی قلاص طرفنه کچروب بروده برقاق استحکام ایچنده بر مقدار عسکر براغوب حال تدافعی یه کیرمش اولدقلرندن و موسم شتا دخی دخول ایلدیکنندن صدر اعظم شوال ایچنده واقع قاسمک اون التیسنده اردوی هایونی مشتای شمنی یه ایصال ایلدی .

بوسنه طونه نک بروجه تنده اگرچه خلیجه موفقیت اظهوره کلدی لیکن التی یدی آیدنبرو محصور اولان اسماعیل و ابرائیل قلعه لرینه معاونته امکان بولنه مامش اولدیغندن مذکور قلعه لرک گرفتار آیدای اعدا اولدیغی خبری اردوی هایونک مشتایه دخواندنصکره جه واصل اولغله موجب تزايد اکدار و آلام اولدی .

ارضروم و الیسی و شرق سر عسکری اولان فرهاد پاشا و طربزون و الیسی و جرکستان

سواحلی سرعسکری شریف پاشا و چلدیر والیسی سلیم پاشا اولحوالی خاندان قدیملرندن و ذاتاً یکدیگریله منافس اولدقلرندن هنگام سفرده اولسون اتحادایلری فریضه ذمتلری ایکن بالعکس تشدید خصومت ایلریله بونلرک اتفاقسزلغی اولحوالیده برایش کوریه مامسنی وفاش قلعه سنک روسیه لو اله کچمسنی موجب اولمغله جمله سی عزل وتنکیل اولنوب سنه آتیه ایچون شمیدین ولایه وعسکر ترتیبینه مباشرت اولندی .

یکرمی بش سنه سی وقوعات حربیه سی

یوقاریده بیان اولندیغی اوزره روسیه و فرانسه ایمپراطورلری بپننده عقد اولسان مقاوله نامه حکمنجه دولت علیه یی افلاق وبغدان قطعه لرینی ترکه اجبار ایتک ایچون مسقولولر کمال کرمی وشدتله جنکه میاشرت ایدوب اگرچه اسماعیل و ابرائیل قلعه لرینی ضبط ایده بیللمشلرایسده شمنی و سلستره محاربه لرنده منهزم اولدقلرندن وسلطنت سنیه بلافتور مدافعه یه دوام ایتکده بولندیغندن ایکی یوز یکرمی بش سنه سی اول بهارنده روسیه لو تکرار تدارکات جسیمه ایله دوبریجه ده اجتماع ایدوب وارنه و سلستره و شمنی وینکبولی اوزرلرینه درت قول عسکر ترتیب ایدرک هجوم واقتحامه مبادرت ایلدیلر وارنه یی محاصره ایدن فرقه دونمای هایونک اورایه وصولیه عودته مجبور و شمنی اوزرینه کلان قلمار شال اردوسی دخی بش اون کون محاربه ایتد کدنصکره تلفات کلیه یه گرفتار اوله رق رجعته مضطراولدی ایسده دوبریجه جوارلرنده بولنان بابا پاشا و جرخه جی سروری پاشا و قوشانجه خلیل پاشا مفرزه لرینه غلبه ایدوب بابا پاشا ایله سروری پاشایی اسیر و خلیل پاشایی شهید ایلدیلر و بالا آخره سلستره و روسجق قلعه لرینی ضبطه ظفریاب اولدیلر نیکبولی اوزرینه سوق ایلدکلری فرقه اوجهتدن بالقانلره طوغری ایلروملک و ممکن اولورسه تجاوز ایدرک دولت علیه یی تهدید ایتک مقصدینه مبنی اولوب کرچه لوفچه یه قدر تسخیر ایللمشلرایسده مدافعات شدید ثمره سیله اضمحلال درجه لرینه قریب تلفاته گرفتار اولدقلرندن لوفچه ده پایدار اوله میوب طونه ساحلنه عودته مجبور اولدیلر بوسنه نك ایام صیفی محاربات مذکور ایله مرور ایدوب انجق روسیه لولر الی بیکدن متجاوز عسا کر معلمه ضایع ایتلریله قوتلری خلیجه تدنی ایلدی .

صدارت لاز احمد پاشا

صدراعظم یوسف ضیا پاشا عصر سلیم خانیده نظام جدید مرتبلرندن اولمغله یکیکچریلرک

منفوری اولوب کندوسی دخی بونی اندیشه ایدینه رک بغاة یکچیریانک تلطف واستمالترینه مکب وساعی وبوجهتله اردوی هایونده طائفه مرقومه نک متجاسر اولدقلری سیئاته اغماض عین ايله تربیه لرندن متحاشی اولمق تهمتیه عزل وتبدیلی نزد پادشاهیده قرار کیر اولمش واولوقتی ادراک ایدن بعض ارباب وقوفدن استماع اولندیغنه کوره تزیید وقع وحیثیتی ضمانتده خالق پایه سی طلبنه متجاسر اولمی اغبرار طبع ملوکانه یی استلزام ایش ایدوکنه مبنی ایکی یوزیکرمی التی سنه سی ربیع الاولنده عزلی واقع اولدی ومقام صدارته علمدار پاشا چاشنیسنده ارباب حرب وضربدن بریسی آرانلدیغندن ابرائیل ناظری لازاحمداغا بومثالولرک مرجحی کورنمکه خدمت صدارت وسرداری محول عهده اشتهاری قلندی یوسف ضیایاشا صاحب معارف وفن تاریخه واقف برذات اولدیغی حالد خالق پایه سی طلبی کی معاسر وطبع ملوک کران کله جکی شبهه سز اولان برشیئه تصدیسی عقله ناملایم ایسه ده پک زیاده زیب وزینته ودارات وحشمته مائل اولسنه نظراً بلکه بویله براصر نامعقوله جرأت ایتشدیر چونکه صدر مشارالیه اردوی هایون ايله داودپاشا صحراننده اقامت اوزره بولندیغی حالد شیخ الاسلام دری زاده عبدالمفندی مکتوبجیسنی استفسار خاطر ضمانتده ارسال ایلد کده لوازم تکریماتی بعدالایفا خزینه دارینی چاغروب مکتوبجی افندی اوغلمزه دائره خیامیزی سیرایتدیردیو امرایتمکه اوطاغ وتیاق چادرلری تماشا اولنورایکن بریسینک کمش آویزه سی ناقص اولدیغندن خزینه داراغا بورایه مقتضی اولان آویزه در دست اعمالدر دید کدنصکرم لاجل التنفس خزینه دار اغانک چادرینه وارلدیغی متعاقب قیومجی باشی یه عتاب و آل عثمان اردوسنک برهفته دنبرو تأخر عزیمتیه سبب اولدیغی بیان ايله آویزه نک سرعت تنظیمی تنبیه ایش اولدیغی مکتوبجی مومی الیهک اوغلی موالیدن عزیز افندی مرحوم نقل ایدر ایدی .

یکرمی التی سنه سی محارباتی

اول بهارک حلولیه عسا کر عثمانیه فوج فوج اردوی هایونه وارد اولمقده اولدیغندن صدر جدید روسجفک استردادینی تصمیم ایدرک ایکی یوزیکرمی التی سنه سی جمادی الاخره سنک التجی کونی شمنیدن حرکت وروسجق اوزرینه صولت ایلدی .

مسقولولرک مدافعه قصدیه کوندر دکاری قوه مفروزه منهزم اولمغله وروسیه دولتیله فرانسه دواتی بیننده محاربه وقوعی مرتبه تحققه وصول بولمغله مسقولولر(له) حدودینه عسا کر

کلیه سوقه مجبور و بوجهته کچن سنه طونه سوا حلتده واقع اولان ضایعات کلیه عسکریه لرینی ا کماله غیر مقتدر ایدوکلرینه مبنی هجوم اسلامیه تاب آور مقاومت اوله میوب ماه من بوردک اون سکرانجی کونی روسجنی ترک ایلدکلرندن جیوش موحدین قلعهیه داخل اولدی .

اشبو روسجق مظفریتی اوزرینه سلستره و دو بریجه طرفلرنده بولنان مسقوفرقه لرینک طرد و تنکیلی متصور ایهده طرف هایوندن طونه نک قارشو طرفه کچلمسی و بگرشه طوغری حرکت اولنسی امر بیورلدیغندن و دین والیسی ادریس پاشا و سیروزی اسماعیل بک قلفاته امرار اولنوب صدر اعظم دخی اون بیک قدر منتخب عسکر ایله خلال رمضانده یرکوی جانبه مرور ایلدی . روسیه لولر ایکی ساعت قدر کیرویه چکیلوب استحکام آلتیه کیردیکی مثلاً صدر اعظم دخی استحکام انشاسیله مشغول اولدی . بعض ارکان دولت مادام که طونه عبور اولنمشدر باری بلا توقف ایلرویه کیدیلور ایه خصمک ضعف حالی مشهود اولسیله بلکه برایش کوریلور دیو صدر مشار الیهی تشجیع ایلدیلر ایهده کار کیر اولدی . رمضانک اواخرنده روسیه لولر روسجنگ براقچ ساعت آشاغیسنندن اوچ بش بیک عسکر امرار و روسجق خارچنده بولنان تیه دنلی زاده ولی پاشا اردوسنی باصوب تارومار ایسکله وزیر کتخداسی غالب افندی ایله برابر قالان کتبه و خدمه و اصناف مثلاً درندی جمعیت بربرینی باصهرق درون قلعهیه جان آتدیلر . روسیه لولر دخی محاصره صورتنده ساحلری احاطه ایسکله صدر اعظم اردوسی مبتلای اضطراب اولدی . زیرا ذخایر و مهمانلری منقطع اولدقدن بشقه پک احتیاطسز کچلمش و حتی لزومی مقدار مراکب بحریه بیله استحضار قانماش ایدی . صدر مشار الیه هزار مشقتله روسجغه عودت ایده بیلوب قسم اعظمی حال محبوسیتده قالدیلر . بو اوانده ایه فرانسه ایمپراطوری بونا یارت روسیه ممالکنه هجوم ایتک اوزره اولدیغندن روسیه لیلر عقد صلاحه خواهشکر اولملریله باخباره وزیر کتخداسی غالب افندی مذاکره صلاحیه ضمنتده بگرشه کوندلیدی . آنجق مسقولولر عساکر اسلامیه نک عودتنه رخصت و یرمیوب فقط ذخیره اعطا ایدرلردی بو حال ایله براز زمان دها مرور و موسم شتا حلول ایدوب چادرلرده آرام ممکن اولدیغندن مسقولولر عساکر اسلامیه نک سلاحرینی آلوب مسافره افلاق کویلرینه تقسیم ایلدیلر .

مصاحفه روسیه

بوندن اول وقوع بولان مکالمه لرده مسقولولر افلاق و بغداد ممالکنی وفاتش نهرینه قدر جرکستانی تماماً طلب ایده کلدکلرندن بشقه صربلورده دخی بیوک امتیازلر ایستلردی .

شمدی ایسه فرانسه لو ایله متهی حرب اولدقلرندن هر نصل اولور ایسه دولت علیه ایله عقد صلحه مجبور ایدوکلرینه مبنی پروت نهرندن حدود قطع اولنه رق خوتین و بندروکیلی و آق کرمان و اسماعیل قلعه لرینک تمسکیله اکتفا و صربلورلی دولت علیه نک آغوش مرحمت و عاطفته تسلیم ایلدیلر. روش حاله باقینجه ا کرهزیمت مزبوره واقع اولمیوب دولت علیه اظهار ثبات ایده بیله حدود سابقه اوزره عقد صلح میسر اوله جنی امید اولور ایدی. اولباید بکرش عهد نامه سی نامیه مشهر اولان وایکی یوز یکر می یدی سنه سی جمادی. الا آخره غره سی تاریخیله مورخ بولنان صلح نامه رساله عهدیده مندر جدر.

احوال صرب

ویانه انهرامندن صکره نمچه لولر بلغراد ونیشه قدر تجاوز واستیلا ایلدکلری هنکامده صرب رعایاسی تحصیل استقلال سوداسنه دوشوب علم افراز عصیان اولمشلر ایسه ده بیك یوز ایکی تاریخنده کوپرلی زاده صدر شهید فاضل مصطفی پاشا صربستان قلعه لرینی نمچه لولرک آیادی تغلب لرندن تخلص وعصاة صربیه یی تازیانه شمشیر ایله تأدیب ایشیدی. اوتوز سنه صکره بلغراد و سائر قلاع صربیه تکرار نمچه لولرک گرفتار استیلاسی اوله رق یکر می سنه قدر زیر اداره لرنده قالدقدن صکره ینه جانب دولت علیه دن استرداد اولندی و صربلورک آرزولری استقلاله دسترس اولق مرکزنده اولمسیله نمچه لولرک اداره. لرندن دخی چندان محظوظ اوله مدیلر. سالف البیان عصیان واستیلار سببیه قرای صربستانده اولان اسلام طاعیلوب بعد ازین دخی امنیت کامله حاصل اوله مدیغندن اهالی اسلامیه بلغراد و سمندره و بو کردانی و فتح الاسلام و اوزونجه و صوقل کبی صربستانده واقع قاعه لرده تمکن ایتکله نوعما صربیه اراضیسی اسلامدن تخلیه اولمشیدی. بوندن صکره اجانبک القای مفاسدیه کوندن کونه فك ربه تبعیت هواسی ذهنلرنده تزايد و تقرر ایدوب سلطنت سنیه دخی بو حاله مطلع اولمش و حق ایکی یوز ایکی سفرنده اردوی همایونک روسیه و آوستریا دولتلرندن قنغیسی اوزرینه سوق اولنوب دیکرینه سرعسکر کوندلمسی تذکر اولندیغی ائنده صربستانک ملحوظ اولان عصیان و طغیانی در پیش نظر مطالعه قانه رق موکب صدر اعظمینک و دین جانبیه سوقی مقتضی کورلمشیدی. عصر سلیم خاتیده روم ایلمینک هر جهتی برر متغلبه النده اولدیغی مثللو بلغرادده دخی قلعه یمقلرندن یعنی مستحفظ یکچیریلرندن جزایر غرب اوجاغی طرزنده ذایلر تغلب ایدرک صربیه رعایاسی حقنده انواع مظالم و تعدیاته قویلدیلر وایکی یوز اون التی تاریخنده والی

بولنان مصطفی پاشای دخی اعدام ایلدیلر . بناءً علیه صربستان رعایای روسیه ولوردن
 کوردکاری تشویقات و داییلردن مشاهده ایلدکاری تعدیات اوزرینه ایکی یوز اون سکر
 سنه سنده زروء عصیانہ عروج ایدوب قره یورکی نامنده برکنزی یعنی کوی کھیاسنی
 عموم قوماندانی انتخاب ایلدیلر . داییلر بو وجهله ایشک فناشدیغنی کوردکارنده کرک
 جانب دولت علیه دن و کرک بوسنه وودین جهتلردن استمداد وبلغراد الدن کیدیور
 دیو فریاد ایتشلر ایسه ده نظر دولته متهم اولدقلرینه وقره یورکی دخی صرب رعایای
 دولت علیه عاصی اولیوب داییلرک مظالمه طاقت کتوره مدکلردن بالضروره
 انلرک علیه قیام ایش اولدقلرینی بیان ایله بوسنه وودین والیرینی اغفال ایده کلدیکنه
 بناءً کرک جانب دولت علیه دن و کرک ولایه مزبور طرفدن کما ینبغی معاونت و امداد
 اولنماغله صربستان قلاعنده بولنان اهالی اسلامیه محصور حکمنده قالدیلر . یکر می تاریخنده
 بلغراد محافظنی سلیمان پاشایه توجیه اولنوب فقط صربستان طریقاری اهل اسلامه مسدود
 اولدیغدن نیچه ممالکندن مرورایله بلغرادک قارشوسنده واقع زمونه کادی . اول آراق
 بوسنه والیسنک ایکی اوچ بیک آتلو ایله بلغراد امدادینه کوندردیکی قوشانجهلی خلیل اغا
 حمله صف شکنانه ایله بلغراده واصل و بغتة قلعهیه داخل اولوب اهالینک اکثریسی
 داییلردن بیزار اولدقلردن خلیل اغایه عرض معاوحت ایلر ایله سلیمان پاشا دخی درحال
 بلغراده مرور و رئیس بغا اولان درت نفر دای پی اعدام ایلدکن صکره قره یورکییه
 خبر ارسال و سبب فتن اولان داییلرک ازاله سی جهتیه بعدازین اهالی صربییه مظهر عدالت
 دولت اوله جغندن ترک سلاح ایله یرلی یرینه طاغلملری بیان اولندقدن ترک سلاح ایتک
 شویله طورسون بر درجه دها قلعهده تقرب ایله دائره محاصره پی تضییق ایلدیلر . نهایت
 ایکی یوز یکر می بر سنه سی عید اضحی کیجه سی بغتة وبلغرادلی راشد پاشا تاریخی قوانجه
 واروش قیوسی محافظی بولنان عزیز بک نامنده بر خانی بیک مجار التونی اعطاسیه
 اطماع ایدرک واروشه مستولی اولملریله قره یورکی قلعهده بولنان محافظ سلیمان پاشا و قوشانجهلی
 خلیل اغایه خبر کوندروب دولت علیه بلغرادک محافظه سی بزه حواله ایلدی چیقوب
 کیتسونلر دیو تکلیف تخلیه و تسلیم ایلدی . بلغراد اوچ درت سنه دنبرو محصور حالنده
 اولوب بوکره واروش دخی الدن کیتمش اولدیغدن بلا زاد و ذخیره درون قلعهده اوتور مق
 تحت امکانه اولدیغنه مبنی خلیل اغا کندی عسکرینی و اهالیدن بر مقدار کسان استصحاب
 ایدوب بر تقریب ایله نهراً سمت سلامت واصل اولمش ایسه ده محافظ پاشا و سالف الذکر
 عزیز بک نیشه کیتمک اوزره بلغراددن سکر اون ساعت مفارقت ایلدکلرند صرپلور

باصوب جمله سنی اتلاف و اهالی قلعه حقنده دخی انواع مظالم ایله قتل عام قاعد سنی اجرا ایلدیلر بو وجهله بلغراد الدن کیتد کدنصکره صو قولدن ماعدا قلعه لر پاپدار اوله میوب جمله سی عصاة صربیه ید تغلبنه کج دی متعاقباً روسیه سفری ظهور ایتمکه دولت علیه بونکه مشغول ایکن بوسنه و ودین و صوفیه طرفلرندن عسا کر کلیه تعیین اولنوب عصاة صربیه نك تأدییه اوغراشیلوردی . صرب قومی بدویت و جفا کشلکه مألوف و بش اون سنه دنبرو کرک کندیلرینک ممارسه سی و کرک مسقولرک تعلیمیله قواعد حربیه یه ذی وقوف اولدقلرندن پک کیتلو تلفات و ضایعاته مبتلا اولدقلری حالدده شدائد مقاتله یه تحمل ایدرک اصلا فتور کتور مدکلرینه و طاغیر باشنده تحسن ایده کلدکلرینه بناءً استیصاللری ممکن اوله مامشیدی . روسیه محاربه سی ختام پذیر اولدقن صکره ایکی یوز یکر می یدی سنه سی رمضاننده صدراعظم لاز احمد پاشا معزول و صوفیه سر عسکری خورشید پاشا مقام صدارته موصول اولوب اردوی همایونی ادرنه یه کتوردی و اغرائی استانبوله کوندردی مسقولر حسب المصالحه صربلوره آچیقدن معاونت فعلیه ایده مامکده ایه لرده تشجیعات و ترغیباتدن و اعمال شدت اولثماسی ایچون دولت علیه یی تعجیزاتدن خالی اولدقلرندن صرب رؤسای بکرش عهد نامه سنده مسطور اولان مساعداته قناعت ایتیوب استقلاله قریب امتیاز طلبنه جرأت و حرکات عصیانیه یه مداومت ایلدیلر . بناءً علیه صدر مشارالیه اوچ قول عسکر ترتیبیه اوزرلرینه هجوم و راست کلدیکی فرق عصائی تدمیر و تنکیل ایلکه ارتق مقاومتیه طاقتلری قالمدیغدن بالضروره استیان و قلاع مغصوبه یی تسلیم ایله دائره اطاعته کیردیلر و سلاحلری دوشیریلوب قلعه لره وزرا و احرا و مستحقظین نصب و اقامه اولنوب صدر اعظم دخی یکر می طقوز سنه سی اوائلنده استانبوله واصل اولدی .

احوال حجازیه

جودت پاشا تاریخنده تفصیلاً بیان اولندیغی اوزره عصر عبدالحمید خان اولده حادث اولان وهابی مذهبی جزیره العربده کوندن کونه توسع ایدوب بونلرک دفع شر و شورلری ایچون بغداد و شام و الیرینه مأموریت ویرلمش و بغداد طرفلرنده بالدفعات مقاتلات واقع اولمش ایسه ده دفع صائل صورتنه منحصر و مرکز اجتماع وهابیان اولان درعیه یه مواصلت غیرقابل اولمغه کیتدکجه اکثر قبائل مذهب مذکوره مائل و درعیه ده مقیم اولان نجد شیخی سعودک اطاعتنه داخل اولملریله شیخ مزبور حرمین شریفینی تهدید ایتمکه پاشلادی . اول اوانده سلطنت سنیه فرانسزلری مصردن چیقارمق تدارکاتیه مشغول

اولدیغندن وهابیلرک استیصاللرینه باقمه وقتی یوغیدی . بناءً علیه اواخر سلطنت سلیم خانیده وهابی طائفه سی حرمین شریفینی ضبط ایلدی . متعاقباً روسیه سفری وتجدد سلطنت وقوعیه دولتک مشغولیتی تزیاید ایدوب خصوصیه حرمین شریفینک تخلیصی مصردن اعمال قوته موقوف اولدیغی حالده سردار اکرم یوسف ضیا پاشانک مصرده براقدیغی اون بیک قدر ارنبود وروم ایلی عسکریه کوله من طائفه سی بیننده مقاتلات جریان ایتمکده ایدی . بمنه تعالی فصل مخصوصنده تفصیل اولنه جنی وجهله محمد علی پاشا مصر والیلکننده مستقر و کوله من بکلرینک استیصالیه استقلال و اقتداره نائل اولدقدن صکره ایکی یوز یکریمی الی تارینخنده اوغلی طوسون پاشایی عساکر کافیه ومهمات لازمه ایله ینبوعه ارسال ایدوب محاربات عدیده ایله حرمین شریفین تخلیص اولنمغله یکریمی سکز سنه سی اوائلنده اولاً مدینه منوره نک و مؤخرآ مکة مکرمه نک مفتاحلری والی مشار الیهک انختار اغاسی لطیف آغا و اوغلی اسماعیل پاشا واسطه لریله استانبوله واصل وعظیم آلائی ایله خرقه سعادت دائره سنه داخل اولدی . احوال حجازیه نک اصلاحی وطائفه وهابیه نک استیصالی ایچون والی مشار الیهک بالذات جانب حجازه عزیمتی امر و اراده بیورلدیغندن مشار الیه ایکی سنه قدر حرمین شریفین ده اقامت وشیش وهابیان اولان سعودک کتخداسی عثمان طامی نام شخصی بالمحاربه اله کتیروب استانبوله ارسال ایلکله الای کوشکی پیشکاهنده اعدام قلندی . بعده والی مشار الیه اوغلی طوسون پاشایی بالاستصحات مصره عودت ایتسنی متعاقب طوسون پاشا مطعوناً مرتحل دار آخرت اولدیغندن منحل اولان جده والیهکی رتبه وزارتله دیگر اوغلی ابراهیم پاشایه توجیه بیورلدی . مشار الیه برقاج سنه دها وهابیلرک تعقیب واستیصالنه اقدام وبالاخره مرکز اجتماعلری اولان درعیه پی تسخیر وسعود ایله اوغلی عبدالاهی اسیر ایدوب روضه مطهره دن اختلاس ایلدکلری مجوهراتی استرداد ایلدیکنندن جمله سی آستانه علیه وارد اولدقده سعود وعونه سی قنطره سیفدن امرار ومجوهرات مذکوره بالتعمیر محل عالینسه ارسال قلندی .

دره بکلرینک استیصاللری

سلطنت سنیه نک غائله سفریه سی برطرف اولدقدن صکره بروقتدیری اناطولی وروم ایلینک هر طرفنده حادثات اولوب دره بکی واعیان تعبیر اولنان و اوامر دولت علیه کپیبتی انضاد ایلیان اشخاصک رفع وازاله لرینه تشبث اولوب بوتلردن تکملی اوغلی

وقلیونجی و طاغ دویرن اوغلی و سائر معلوم الاسامی اشخاص مأمور تنکیلری اولان وزرا و امرا معرفتلیله اعدام اولنوب سیروزلی یوسف بك و قره عثمان زاده و جبار زاده دره بکترینک اصحاب قوت و سطوتندن اولملریله برابر مرکز اطاعتده قائم و سفرلرده خدمتله مسبوق اولمغله انلرده تعرض اولمندی .

احوال تپه دئلی علی پاشا

یانه والیسی تپه دئلی علی پاشا ذاتاً ارنبودلق خاندانندن و اصحاب درایت و شجاعتدن اولوب یالکز کندیسینک امارتی قرق سنهیه قریب ممتد اولمسندن ناشی یانه و یکیشهر و سلانیک و مناستر سنجاقلرنده ایکی یوزدن متجاوز جسیم چفتلکله مالک اولدیغندن ثروتی کوندن کونه متزاید و قوت و مهابتی مترقی اولهرق اولحوالیده علم افرازا سستقلال اولمش و روسیه و نمچه و فرانسه سفرلرنده خدمات مبروره اظهار ایلش ایدوکنه بناءً اوغلی ولی پاشایه وزارت و دیگر اوغلی مختار پاشا و صالح پاشا و حفیدی محمد پاشایه میرمیرانلق احسان اولنوب مورد والیسی و جوارده اولان سنجاقلر مشار الیه توجیه اولنوردی . علی پاشانک افراد حقنده مظالم و تعدیاتی فوق الحد ایسهده یوللر تنظیمی و زراعتک تکشیریه اولحوالی بی اعمار ایتک خصوصنده اولان اقدام و غیرتی غیر منکر اولوب حتی طویجی نامیه سکز اون بیک قدر عساکر منتظمه ترتیب ایلدیکی حالده استانبولده یکچریلر تعریض و شکایته اغاز ایلدکلرندن عساکر مرقومه بی قلعهلرده تقسیم ایلش ایدی .

اولویه متصرفی وزیر ابراهیم پاشا که علی پاشانک بیوک اوغلی ولی پاشانک قائن پدریدر علی پاشا عادت مألوفه سی اوزره اورالرینی دخی حوضه حکومتده ادخال ایلک ایچون یکرمی بش تارینخنده اهالی بی تحریک ایل ابراهیم پاشا اوزرینه غلو ایتدیروب اعانه صورتنده بر مقدار عسکر ارسالیله ابراهیم پاشای تخلص و یانهیه جلب و حبس ایلدی . بو کیفیت سلطان محمود خان جضرتلرینک باعث غضب و انفعالی اولوب ابراهیم پاشانک تکراریرینه اقامه سی ایچون متعدد خط هایونلر کوندرلمشیکن برطاقم اعذار واهیه سردیله عدم مطاوعت اظهار وبالاخره روم ایلیده استخدام اولنماق اوزره پاشای مشار الیهک تخلیه سبیلی اشعار اولندقدده بونده دخی مبادلاتسزلق ابراز ایلدیکنندن تأدیب و تنکیلی لازمه ذمت سلطنت اولوب فقط مستعد فساد اولان مورد اهالیسی علی پاشانک هیبت و سطوتیله اجرای مافی الضمیره قادر اوله مدقلری معلوم اولدیغندن یک ایلرویه کیدلیوب کاه تهدید

وگاه تلطف ايله معامله اولئوردی. اول عصرده مستشار سلطنت و مؤتمن پادشاهی اولوب زمام اداره ید استقلالنده بولنان ناشیجی حالت افندی علی پاشانك معتاد اوزره تقدیم ایلدیکی مبالغ وهداییه عدم قناعتله مقطوعاً سنوی بیك کیسه طلب وعلی پاشا دخی بویه ویرکوی معین کبی تقدیمه اعطاسندن بجانب ایلدیکنندن حالت افندی مفعول اولوب علی پاشانك قهر وازاله سنه نصب نفس اهتمام ایلدی. وقتا که علی پاشانك کتخداسی اولان پاشو بك بعض اسباب ايله مشارالیهدن خوفه دوشوب فراراً استانبوله کلدی. علی پاشا بر ارنبود فدایسی ارسال ایدوب میرمومی ايله سلطان بایزید جوارنده ساکن اولدیغی قوناغك پنجره سنده اوطورر ایکن قورشون ایدیرمش اولدیغندن علی پاشانك دارسلطنت سنیه ده بوجیهله فدایی استخدام ایسی کندوسندن بالکلیه امنیت واعتمادی سلب ایلدیکنه و برجه مشروح حالت افندی دخی شراره فساد و مروجه جنبان اولدیغنه مبنی علی پاشانك تنکیلنه قرار ویرلدی اشبو قورشون آتلق ماده سنی بعضی حالت افندیك تصنیعاتنه حمل ایتیشلر ایه ده عقلاً ضعیف کورینور اول امرده علی پاشا و اوغللرینك حوزه حکومتلرینی یانیه سنجاغنه حصر والویه سائردهن کف یدله اورالرده اولان چفتلکاتی سائر اصحاب املاک کبی اداره ایتدیرمیسی امر اولوب علی پاشا عفو جرایم رجاسنه اغاز ایتدکجه شدت غضبی مؤدی و رفع وزارت و امارت لریله تیه دلنده اقامت ایللری اراده بیورلمسینه بادی اولوب بالاخره اوتوز التی سنه سی اوائلنده مورده والیسی صدر اسبق خورشید پاشا سرعسکر نصب و تعیین وروم ایلی والیسی ايله جوارنده بولنان وزرا و امرا علی پاشا توابعاتنك رفع تسلط و استیلا لرینه مأمور بیورلدیلر بناء علی ذلك طرف طرف مقاتلاته بدأ و مباشرت اولمغله و علی پاشانك اوغللری ولی پاشا و مختار پاشا و صالح پاشا و حفیدی محمد پاشا بلا مخالفت موکب سرعسکریه دخالت ایللریله علی پاشایانیه قلعه سنده تحت محاصره یه آلتوب اوغللری کوتاهییه و انقره یه نفی اولندیلر.

ایام محاصره ممتد اولدقده مصاحته سهولت بیان ایدنلر خوفه دوشوب علی پاشا خاندانك اضمحلالی کورلمدکجه ارنبود طائفه سی عاقبت اندیشلک ایدر ولایقیله علی پاشا عاینده اوله مزلردیه رک سلطان محمود خان حضر تلرینی غدر صریحه سوق ایتلریله سالف الذکر ولی پاشا و صالح پاشا و محمد پاشا منفارنده اعدام اولندیلر مختار پاشا روسیه سفرنده اردوی هایونك مضایقه سی حالنده یتشوب غلبه اسلامیانیه سبب مستقل اولمغله حضر پاشا دینلور ایدی ایکی سنه نی تجاوز ایدن مدت محاصره ده علی پاشانك منتخبی اولان درت بیك قدر عسکرینك بك چوغنی تلف و بر مقداری دخی قرار ایتکله ناچار علی پاشا استیماز ایدوب قلعه دن جیقش و خورشید پاشا سنه و قدم خدمته بناء مظهر عفو عالی اوله رق استانبوله اقامه سنی

بالدفعات عرض و نیاز ایلمش اولدینی حالدہ قرین مساعدت پادشاهی اوله مامغله ایکی یوز
 اوتوز سکنز سنه سنده قنطره تیغدن امرار اولندی . بعض تواریخ خصوصیه ده کورلدیکنه
 نظراً علی پاشاده مأمول اولان درجه مجوهر و نقود چیقیمیوب املا کنندن ماعدا قرق بیک
 کیسه یه قریب نقودی ظهور ایلمشدر .

روم اختلالی

موره جزیره سنده بر روم حکومتی تشکیلی خیلی وقتدنبرو روسیه لولرک آرزو کرده لری
 اولدیغیدن واقع اولان تشویق و ترغیب لریله سکسان ایکی سفرنده موره رعایاسی علم افراز
 عصیان اولمش ايسه ده محسن زاده محمد پاشانک ومؤخرأ جزایرلی حسن پاشانک سیف
 سطوت لریله تأدیب اولمش لرایدی دهاصکره لری تپه دلنلی علی پاشانک حاصل ایلدیکی قوت
 واقتدار مانع تصمیما تری اولمقده ایکن علی پاشانک قولی و قنادی قیریلوب یانیه ده تحت محاصره یه
 وضع اولمغله وموره والیسی خورشید پاشا دخی جزیره موره طوائف عسکریه سنی
 بالاستصحاب عزیمت ایلمکله مسقولولرک ارادینی وقت وروملرک منتظر اولدقلری زمان
 مساعد یوز کوستردی وعلی پاشادخی تخلص کریبان ایچون روملری عصیانه دعوت ایلدی
 بناء علیه اوتوزالتی سنه سنده افلاق ومورده ده آتش فساد علوانداز اولوب اگرچه افلاق
 اختلالی دائره سنی تجاوز ایده مامش و ابرائیل ویرکوی کبی قلاع طونه ساحلنده اولدیغندن
 پیدرپی اعانه و امداد اولندیغنی جهتله کید عصا تدن مصون اولمش ايسه ده موره نك مقر و لایتی
 اولان طرابلیجه قلعه سی وسط جزیره ده و امداد و اعانه دن مأیوس و ذخیره سزلکدن بی تاب
 اولمغله درجنک اول تسلیمه مجبور اولدی یانیه ده مشغول جنک وستیز اولان سرعسکر
 خوشید پاشانک حرمی دخی طرابلیجه ده بولمغله دائره اسارته داخل اولدقلرندن مشارالیه
 کلیتلو پاره اعطاسیله تخلص ایلمشدر اشبوروم اختلالنده کرک استانبول بطریق خانه سنک
 و کرک طشره لرده بولنان پک چوق پاپاس وقوجه باشیلرک ذیمدخل و متفق الکلم اولدقلری
 اله چکن اوراق مزایا سندن معلوم اولمغله مظنه سوء اولان اشخاصک قتل و اعدامنده استعجال
 و طرف طرف اطه لره و ساحل لره وزرا و امرا و محافظین تعینیه تقویه لرینه اعتنا اولندی
 اوتوز یدی سنه سنده سرعسکر خورشید پاشا انتخابیه درامه لی محمود پاشا موره
 سرعسکری تعین اولنوب یکریمی بشیک قدر عسکر و معیتته مأمور ورزا و امرا ایل
 ازدیندن تحریک و موره دربندندن امرار اولنوب محصور بولنان اناپولی قلعه سی
 بیشکاهنه نصب سرادقات سطوت اولمش و اولحوالیده بولنان اشقیا طرد و تنکیل و قلعه یه

قرق کونلک قدر ذخایر جمع و وضع اولندقدنصکره طرابلیجه نك استردادى ضمننده سوق
 موکب عسکری اولمنسنه تشبث قلنمش اولدیغی حالده یدی بیک قدرارنبودعسکری گذشته
 علوفه لرینی طلب ایدوب ایفاسنه چاره بولنه مامسی سببیه بغته عودت ایش اولدقلرندن
 بو کیفیت عسا کر سائر نك شاشقنلغی مستلزم اولدی چونکه بواردونك لوازمات نقلیه
 و مهمات مقتضیه سی پک ناقص و موره خرسیتانلری عموماً ایاقده و طاغ و دره و اورمانلر
 ایچلرنده مترصد فرصت اولدقلرندن مخبره طریقلری و جلب ذخایر و مهمات یوللری
 بالکلیه مسدود اولمسیله اناپولی یه کلورایکن چکیلان مضایقه و مشقت یوماً فیوماً مزداد
 اولدی بنابرین طرابلیجه یه کیدمک شویله طورسون اناپولیده دخی اقامته
 امکان اولمديغندن افتان و حیزان عودت و کردوسه مواصلتده اناپولینک آچلقدن
 تسلیمه مجبور اولدیغی استخبار اولندی و بو غموم ایله سرعسکر محمود پاشا وفات ایلدی .
 تپه دئلی ایشی بتدکدنصکره موره اختلالی برطرف اولور امیدى بالکلیه خلاف حیقوب
 کیتدکجه آتش عصیان کسب اشتداد ایلدیکندن بوفناقلره سبب مستقل عد اولنان حالت
 افندی اوتوز سکر سنه سنده مقتول و خورشید پاشا دخی موره اردوسنک پریشانلقه
 عودتندن ناشی کندیسى تحت مسئولیتہ آنور واهمه سیله خسته لنوب ایکی اوچ کون
 صکره دار آخرته موصول اولدی . بوندنصکره موره سرعسکری نصب اولنان بوسنه
 والیسی جلال پاشا موقع مأموریتنه واصل اولقسزین وفات ایدوب خلفی ابوکبود محمد
 پاشا دخی یکیشهردن ایلرویه کچه مامکله روملر موره جزیره سنه کاملاً استیلا ایتدکدن
 بشقه خارجه دخی تجاوز ایدرک آتیه یی ضبط و ساقزه براییک بیک اشقیا ارسالیله اهالیسی
 آیاغه قالدیروب قلعه یی محاصره ایلدیلر . محافظ بولنان وحید پاشا قرق کون قدر مقام
 مدافعه ده قائم و قپودان علی پاشانک دونمای هایونله ورودی اوزرینه اشقیا بالکلیه منهزم
 اولوب قرای رعایا سرتاسر یغما اولندی . خورشید پاشا مرحوم معیتنده ابراز حسن
 خدمت و اظهار شجاعت و لیاقت ایتش اولان و دین والیسی رشید محمد پاشا ایکی یوز
 قرق سنه سنده روم ایلی سرعسکری و مصر والیسی محمد علی پاشانک اوغلی ابراهیم پاشا
 موره والیسی نصب اولنغله مشار الیه ابراهیم پاشا چند سنه دنبرو مصرده ترتینه اقدام
 اولنغده اولان عسا کر منتظمه دن اوچ آلاى عسکر ایله موره جزیره سنه داخل اولوب
 طرف طرف اشقیایی تشکیل و طرابلیجه یی تسخیر ایلدکدن صکره سرعسکر رشید پاشا
 ایله بالملاقات روملرک دارالحرکات آنخاز ایلدکاری مسلنک استحکاماتی محاصره ایلدیلر .
 قپودان دریا خسرو پاشا دخی دونمای هایونله وارد اولوب روملرک بحرأ امیدوار اولدقلری

راه اعانه‌ی سد ایتمکه محصور بولنان الی یدی بیک قدر فدای اشقیادن پک جزوئی
فرار اید بیلوب ماعداسی قطره شمشیردن مرور و مسلنک قلعه‌سی ایدی اسلامیه
دخول ایلدی. قپودان مشار الیه قرق برسنه‌سی خلانده مجمع سفائن اشقیا اولان سیسام
اطه‌سنی اوروب استحکاماتی تخریبه و یوزدن متجاوز سفائن اعدای ضبطه موفق اولدی.

وقعه خیریه

عسا کر موظفه دولت علیه‌نک اک کزیده‌سی اولان یکیچریلرک نظام وانتظامی بالکلیه
مختل اولدینگی مثللو لوازمات سفریه ترتیباتی دخی محو و مندرس اولدیغندن مورد قلاعنه
بش الی سنه‌دنبرو سوق اولنان اردولرد ذخیره و مهمات یتشدیریه میوب بو حال ایسه
میدانده و دشمن خارجی اولسه بیله موجب پریشانی اوله‌جنی درت یوز سنه‌دنبرو دولت
علیه‌نک رعیتنده بولنان روم طائفه‌سنک متجاسر اولدق‌لری عصیانک رفع و ازاله‌سنه قدرتیاب
اوله مامسیله متین و تنظیم احوال عسکریه و سفریه‌یه تشبث و اعتنا اولم‌دینگی حالده دوام
دولت تحت مخاطره‌ده ایدوکی آرتق عقول بسیطه اصحابنک دخی کرکی کبی منظورلری اولدیغنه
مبنی اتفاق ارکان دولت ایله یکیچریلردن اشکنجی عنوانیه عسا کر منتظمه ترتینه قرار
و یریلوب قرق برسنه‌سی اواخرنده تعلیم و تعلمه شروع اولنمشیدی. لکن صنادید یکیچریان
بو خصوصده اظهار مطاوعت و اعطای سند ایتمشلر ایسه‌ده امنیت جائز اوله‌میه‌جغندن
عصیان و طغیان ایدرلر ایسه تأدیب و تربیه‌لرینه حاضر بولمق ایچون طوپیجی و خبره‌جی
ولغمجی و ترسانه اوجاقلری رؤسای و ضابطانی ایقاظ اولندقدن بشقه روم اختلالی سببیه
قره دکر بوغازینک جانبینی محافظلری اولان آغا حسن پاشا و عزت محمد پاشانک معیتلرنده
بولنان ایکی اوچ بیک قدر سکبانک در حال استانبوله نقلی لوازماتی دخی تهیه ایتدیرلمشیدی
فی الحقیقه ظن و تخمین اولدینگی اوزره تعلیمه مباشرت اولندقدن برآی کچرکمزفه باغیه
علم افراز شقاوت اولمق اوزره عقد اتفاق ایدرک قرق برسنه‌سی ذی‌القعدة سنک طقوزنجی
پنجشنبه کیجه‌سی باب عالی یی و آغا قپوسنی باصوب یغما ایتمشلر ایسه‌ده صدر اعظم یالیسنده
بولمغله و یکیچری اغاسی جلال‌الدین اغا دخی اختفا ایتمکه تعدی اشقیادن مصون اولدیلر
صدراعظم سلیم پاشا و مشار‌الیهما حسین پاشا و عزت پاشا و معزول و منصوب شیخ الاسلام
وقاضی عسکرلر و درس خواجه‌لری و رجال دولت سرای هایونده مجتمع اولوب سلطان
محمود خان حضر تلری دخی بشکطاشدن سرای مزبوره کنار ایلدی. عسا کر مرتبه
مذکوره فوج فوج سرای هایونه واصل اولمغله سنجاق شریف اخراج اولنوب سلطان
احمد خان جامع شریفی مرکز حرکت اتخاذا اولندی. اشقیا ات میداننده واقع قشله‌لرده

مجمع اولدقلرندن حسن پاشا و عزت پاشا و طویچی باشی قرهجهنم ابراهیم اغا و خبره جی باشی دده اغا کندولرینه منسوب عسکر وایکی قطعه طوپ ایله اعزام اولندیلر. فئه باغیه میدان قبولرینی سد ایله تحصن ایتک ایسته مشلر ایسه ده طوپ صدمه سیله قپو قیریلوب برقاق نوبت صالقم انداخت اولنه رق بر مقدار اشقیا عازم داربوار اولسنی متعاقب پراکنده و پریشان اولدیلر. قشله لر دخی درحال یاغلو پاچاوره ایله احراق اولندی. یکیچری اوجاغنک بقا و یاخود الغاسی بین الارکان تذکر اولندقدن فیما بعد بونلردن حسن خدمت مأمول و امنیت جائز اولماغله برغلبه واقع اولمشیکن اضاعه فرصت اولنماسنی رئیس المکتاب سیدا افندی و سائر اصدقا ایراد و اتیان ایلمکه و اراده سنیه پادشاهی دخی بومر کرده متعلق اولمغه یکیچری اوجاغنک کلیاً الفا اولندینی ممالک محروسه یه اعلان و یکیچری ضابطان و نفراتندن اسئت سابقه لری معلوم اولان بیکدن متجاوز اشقیا کرک در سعادتده و کرک عنفالرنده اعدام اولنوب اهون شر اولانلریتک نفی و تبعید یله اکتفا قلندی.

بشیوز سنه دن زیاده تمتد و وقوعات جسیمه یه مظهریتله اس اساسی مشد اولان یکیچری اوجاغنک بویله اوج بش ساعت ایچنده محو و نابود اولیور می نفرت عامه یه مبتلا اولملرندن و بو دخی نظامات موضوعه لریته بالکلیه محو و مندرس اولمسندن نشأت ایلمشدر. بمنه تعالی تفصیلاتی تکمله ده ایراد اولنه جق ایسه ده یالکز فقره آتیه نک بیاننه شروع اولندی. مومی الیه دده اغا که الی اوج تاریخنده فریقلق رتبه سیله قرانتنه ناظری نصب اولنوب مأموریتنه نسبتله حفظی پاشا نامی ویرلمشدر. مشار الیه شویله سویلر ایدیکه واقعاً یکیچریلرک ملحوظ اولان طغیانلرنده نه وجهله حرکت اولنه جنی اولجه مصمم بولنش و طویچی و خبره جی اوجاقلری ضابطانندن بر درجه یه قدر امنیت النش ایسه ده تمامیه اطمینان حاصل اوله مامشیدی. وقعه نک ظهورنده درحال خاصکویده اولان خبره جی قشله سنه کیتدم قشله قپوسنده ضابطان و نفراتک مجمع و بکا مترقب اولدقلرینی کورمکه بعض مرتبه خوف و تلاشه دوشدم لکن ای اغار وقعه معلومکز اولمشدر. نه ییاجتسکر دیدیکمده جمله سی یکنزان اوله رق سلطان سلیم خان مرحوم بزم اوجاغمزک تنظیمنه چوق همت اییش و حقمرده احسانلر ایتمشیکن هر نصاسه اووقمه ده یکیچریلره اتباعمزدن نانی مهم اولدیغمزدن بولکه نک اوزرمزدن ازاله سی ایچون بر خدمت ابرازینه منتظر ایدک بناء علیه شمعی اراده دولته جان و باش فدا ایتکه حاضرز دیدیلر بن دخی او یله ایسه بیورک کیده لم دیدیکمده کمال سرعتله قایقلره بنوب و ارقم صره یالی کوشکنه کلوب جانسارانه خدمت ایلدیلر دیو توضیح افکار ایدر ایدی. سائر اوجاقلر و علما و اهالینک دخی عموماً متنفر بولنملری ایشک بویله سهولته بتمسنی موجب اولمشدر.

ظهور سفر روسیه

بالاد مسطور اولدیغی اوزره مورد جزیره سیله حوالیسند بریونان حکومتی تشکیلی روسیه لولرک نصب نفس اهتمام ایتدکاری شی اولوب بو خصوصده انکلترة و فرانسه دولترینک موافقتلرینی دخی قزانمش اولدقلرندن دول مشار الیهم طرفندن اقچه و مهمات و کوللو ضابطان و نفرات اعطاسبله فسدۀ روم اقدار اولمغله برابر مورد رعایاسنه امتیاز اعطا اولمسنی هربار تکلیف ایتمکده ایدیلر اولجه مسلنک و مؤخرأ رشید محمد پاشانک سیف سطوتله آتنه دخی فتح اولنوب اشقیای روم کرکی کبی تضییق اولنمش و بوحالدن برمدت ده دوا ایدر ایسه بالکلیه مقاومت اقدارندن ساقط اوله جقلری میدانه چیقمش اولمسیله دول مشار الیهم سفراسی تکلیفات سابقه لرینی تشدید ایدوب مقدما مورد قلاعی اهل اسلام انده بولمق اوزره امتیاز طلب ایدر لر ایکن شمدی مورد و حوالیسنک بالکلیه اهل اسلامدن تخلیه سنی و بر ویرکوی مقطوع ویرلمک شرطیله اداره داخلیه لرینک کندولرینه ترکیبی طلب و موافقت اولمدیغی حالده ترک سفارت ایدم جکلرینی قطعاً بیان ایتدیلر طرف هایوندن دخی مورد اهالیسی سلطنت سنیه نك تبعۀ قدیمه سندن اولوب تأدیب و تربیه لری متختم ذمت حکومت اولمغله اجانبك مداخله یه حقلری اوله میه جنی و بو باده هر درلو حادثاتك اختیار قلنه جنی صورت متجددانه افاده و بیان اولندیغندن سفرای مومی الیهم قرق اوچ سنه سی اوائلنده استانبولدن افتراق وانکلترة و فرانسه و روسیه لونک مورد ساحلارنده طولاشمقده اولان سفن مجتمعه لری بغتۀ هجوم ایله ناوارین لیمانده لنگر انداز اولان دو نمای هایونی اغراق و احراق ایلدیلر بوجه تله مورد مصاحتی فنا لشمش و تکالیف مزبور دنك عدم قبولی حالده روسیه لولرک اعلان حرب ایدم جکلری مرتبۀ وضوحه رسیدده اولمش ایسه ده طرف سلطنت سنیه دن طونه ساحلارینه و مورد جهتلرینه عسا کر و مهمات ارسالیه ابراز متانت و صلابت اولندیغنه مبنی ایکی یوز قرق اوچ سنه سی شوالنده روسیه عسکری مفصل حدود اولان پروت نهرینی مرور ایله حرکات خدمانه یه مباشرت ایلدی .

اغا حسین پاشا طونه سر عسکری و قپودان دویا عزت پاشا وارنه محافظی تعیین وارسال و طرف طرف مدافعه تشبثاتنه ابتدار اولنوب انجق دولت علیه عسا کر منتظمه ترتیبه اشتغال ایدلی ایکی سنه یه وارمق سزین روسیه سفری کبی بر بار کران آتنه کیرمش و دو نمای هایون ناوارین وقعه سنده تلف اولق حسیله موجود اولان و یکیدن تدارک قلنان بش اون قطعه سفن حریبه قرد کزک محافظه سنه غیر کافی بولنمش اولدیغندن روسیه لولر

طوچی و ایساقی و ابرائیل قلعه لرینی ضبط و استیلا و وارنه یی برآ و بحرآ تضییق ایلدکلری خبرلری وارد اولدقده اول و وارنه یی تخلص وبعده طونه ساحلارینه عزیمت ایتک اوزره صدر اعظم سلیم پاشا سکرز اون بیک قدر عسکر ایله قرق درت سنه سی اواسط صفرنده اعزام اولنوب ذات پادشاهی دخی داود پاشایه خروج و اوراده بولنان رامی قشله سی مرکز موکب هایون اتخاذایتدیلر اوچ آی قدر محصوریتدن صکره وارنه قلعه سی گرفتار دست اعدا اولمغله محافطی بولنان عزت محمد پاشا صدر اعظمه اسناد قصور و رخواستی متضمن خاکپای هایونه عریضه لر تقدیم ایلسنه و صدر مشارالیه ک دخی وارنه نک تخلصنه موفق اوله مامسنه مبنی عزل اولنوب مشارالیه عزت پاشا صدر اعظم نصب اولندی غرائبندرکه سلیم پاشا موکب صدارتده عزت پاشانی کوز حبسنه وضع ایدوب ترتیب مجازات شدیدہ عزمنده ایکن کندوسنه خلف اولمش و سلیم پاشانک کافه اموال و اشیای و حتی ادرنده برصرافه براقدینی تحقیق کرده عالی اولان بشیوز کیسه ک نقودی دخی عزت پاشایه احسان اولمشدر .

دول ثلثه دونمالری موره یی ابلوقه تحتنه آلمرله موره سر عسکری ابراهیم پاشا بعد ازین اوراده عسکرینک ذخایر و مهماتی تدارکده عاجز اولدیغندن و بروقتدنبرو پدری محمد علی پاشا مشارالیه ابراهیم پاشانی مصره جاب ایلک استدعاسنده بولندیغندن هر نقدر مساعدت سنیه ارزان بیورلماش ايسه ده بالضروره عسکرینی مستصحباً مشارالیه ابراهیم پاشا مصره عودت و درحال موره یه بر مقدار فرانسر عسکری چیتوب ید اسلامده بولنان برقاج قلعه یی ضبط ایلدکلری خبری وارد اولدی فرانسه و انکلتره دولتلری روسیه لو ایله متفقاً دونمای هایونی یاقش و علناً روملره اعانه ایتکده بولنش ايسه لرده رسماً سلطنت سنیه یه اعلان حرب ایتدکلرندن مقتضای وقت و حال الجاسیه استانبولدن مفارقت ایدن ایلچیلری دعوت اولندیغندن قرق درت سنه سی اواخرنده وارد اولدیلر و حقلرنده تکریمات فوق العاده اجرا اولنه رقینه موره مصلحتی مذاکراته مباشرت قلندی موسم شتانک تقریبی و وارنه نک الدن چیتومی سبیلریله صدر جدید موکب صدارتی شمنی مشتاسنه ایصال ایلسیله برابر فحشیاته انهماکی و خلاف رضای عالی بعض حرکاتی شیوعنه و ایفای خدمته مقتدر اوله میه جفی تحقق ایلدیکنه مبنی قرق درت سنه سی رجبنده معزول و موره محاربه لرنده ابراز شجاعت و تحصیل شهرت ایدن رشید محمد پاشا مقام صدارته موصول اولدی . مسقولونک قفقاسیه اردوسی انابه و صخوم و اخسقه و قارص قلعه لرینه استیلا ایتدکدن صکره ارضروم اوزرینه یوریتکده اولدیغندن و ارضروم و ایسی

و شرق سرعسکری اولان صدر اسبق غالب پاشا مدافعه نك امكانسز لغندن بحثله عقد مصالحه نك لزومنی عرض ایلش ایدوکندن بو کیفیت فتور ورخاوتنه حمل اولنه رق عزل اولنوب اکیللی صالح پاشا شرق سرعسکری نصب اولندی . قرق دوت سنه سی بوفلا کتله ره مرور و قرق بش سنه سی موسم حربی حلول ایلدکده تکرار مقاتلاته مباشرت اولنوب بعض محالرده اوفق تفك مظفریتلر ظهور ایتش ایسه ده دشمن برقاچ آیدنبرو تضییق ایلدکده اولدیغی سلسیره قلعه سنه استیلا و شمنیده اردوی هایونی محاصره ایلدی . شمنینک استحکامات موقعیه سی و ایچنده اوتوز بیك قدر عسکر بولمسی جهتلریله ضبط و تسخیری ناقابل اولدیغی مسقولرک معلومی اولدقده شمنی بی تحت محاصره ده طوتوب دیگر براردوی ادرنه یه طوغری سوق ایللریله بالقانده و قزانلقدده مدافعه سنه چالیشلدیغی حالده موفق اولنه مدیغندن و ادرنه شهری استحکاماتدن خالی ایدوکندن قرق بش سنه سی صفرینک اواخرنده اول پای تخت قدیم گرفتار دست اعدا و متعاقباً ارضرومک استیلا سی خبری دخی هویدا اولدی بناءً علیه هر نه صورتله اولورسه اولسون مصالحه دن بشقه چاره قالمدیغندن دفتر دار صادق افندی و موالیدن امین بك زاده عبدالقادر بك و آمدجی کوسه عا کف افندی مرخص تعیین و ادرنه یه اعزام اولمغله قرق بش سنه سی ربیع الاولی اواسطنده شروط آتیه ایله عقد صالح قلندی .

ادرنه معاهده سی نامیه مشهور اولان اشبو معاهده حکمنجه موره حکومتی تصدیق اولندقدن بشقه کاملاً چرکستان و آخسقه قلعه لری روسیه لویه و افلاق اراضیسندمه بولنان قلاع هدم اولنه رق امارته ترك قلنمش و مملکتینک و صربیه نك امتیازاتی تزید و احکام واتی ناحیه علاودسیله صربیه حدودی توسیع اولمشدر تجارت تضمیناتی اوله رق بر بچق و سفر تضمینی اولنه رق اون ملیون مجار التونی و یرلمک دخی جمله شرائطدن اولدیغی حالده مؤخرأ روسیه ایمپراطوری کال فتوتندن اوچ ملیونی عفو ایلشدر . سلطنت سنیه موره یه امتیاز و یرمامک سوداسیله بوقدر مال و جان اضاعه ایلدکدن صکره هم موره نك قراللق وجهله تصدیقنه و همده ضایعات مذکورده نك اختیارینه مجبور اولدی اولوقتک اصحاب نفوذندن و سفر طرفلورلندن پرتو پاشا برلایحه سندده اگرچه مسقولویه غلبه امید اولمز لیکن بلا محاربه موره قراللی قبول اولنورایسه یول اولور و پک چوق محالره سرایت ایدر بناءً علیه و سعمزی صرف ایتدکدن صکره بالمجبوریه اختیار ایلر ایسه ک دشمن هر وقت بوقدر تکلف التزام ایلز دیمشدر . بونک محاکمه سی اوزون مقالاته محتاج ایسه ده طقسان اوچ سنه سندده بوقضیه نك عینی

مع زیاده بزم دخی باشمزه کدیکنندن بویه شیلر حکم زمانک اقتضاسنه تابع اولدیغی اعتراف ایتک ضروریدر .

احوال بغداد

فصل سابقده ذکر اولندیغی اوزره بغداد ایالتی یوز سنهیه قریب زماندنبرو کوله منلر انده اولوب بونلر طرف دولت علیه اطاعت ابراز ایدرلر سده دولتک حکمی کینبغی جریان ایتمز ایدی . ایکی یوزیکرمی التی تاریخده مشهور حالت افندی بغدادک مخصصات سنویه سی اولان ایکی بیک کیسه یی تزید ایتدیرمک وبقایای تحصیل ایتک مأموریتیه اعزام اولوب اولوقت والی بولنان سلیمان پاشا بورلره یناشمدیغندن حالت افندی موصله عودت و حائز اولدیغی استقلال ویدنده بولنان فرمانلر موجبجه بابان پاشالرینی وموصل والیسنی معیتنه بالاستصحاب بغداده رجعت وبالحاجره سلیمان پاشانک قتلیهینه کوله منلردن عبدالله اغای معالوزاره والی نصب ایش ومؤخرأ بیوک سلیمان پاشانک اوغلی سعیدپاشا مقام ولایت انتخاب قلمش ایسهده سوء اداره سی جهتیه پدرینک کوله لرندن داود افندی تغلب ایلدیکنندن ایالت بغداد مشارالیه داود افندی به بارتبه وزارت توجیه بیورلمشیدی بو ذات فضالان واصحاب لیاقت واققداردن اولدیغندن تزید قوت ومکنته موفق اولوب حتی اوتوزطقوز تاریخده ایرانلو ایله دولت علیه ینتہ شقاق طاری اولغله ایرانلورک شهزاده عباس میرزا ومحمد علی میرزا معیتلریله ارضروم وبغداد طرفلرینه سوق ایلدیکی ایکی اردونک برنجیسی شرق سرعسکری نصب اولنان جبارزاده جلال الدین پاشا عسکرینی پریشان ایلدیکی حالده ایکنجیسنی مشارالیه داود پاشا منہزم ایش اولدیغندن تجدید معاهده خصوصنده منافع کلیه سی مشاهده اولنمشیدی سلطنت سنیه عسا کر منتظمه ترتیبندن ومورده وروسیه سفرلرینک تتابعندنشای مصارف کلیه یه مبتلا اولوب اگرچه بغدادده دخی عسا کر نظامیه تشکیل قلمش ایسهده مخصصات سنویه نک تزیدینه بغداد خزینہ سنک تحملی آشکار ایدوکنندن مخصصات قدیمه یی اون ایکی بیک کیسه یه ابلاغ ایتدیرمک مأموریتیه دفتر دار سابق صادق افندی قرقیش سنه سنده بغداده اعزام قلندی صادق افدینک احوال محلیه یه لایقیله کسب وقوف ایتمکسزین بغداد والیلکنی داود پاشانک دأرهمی متخیراندن بعضیلرینه وعدایلی کندوسنک سبب اتلافی اولدیغی خبری طرف دولت علیه منعکس اولدقدہ بغداد ایالتی حلب والیسی لازعلی پاشایه توجیه ومعیتنه عسا کر نظامیه وتجارلو سواریسندن مقدار کافی عسکر ترتیب وترقیق اولنهرق ارسال اولنغله وبواوانده بغداد

وحوالیسندده شدتلو برطاعون ظهور ایدرك داود پاشانك قوت ومكننتی اضاعه ایتكه طقسان کون محاصره دن صكره بغداد قلعه سی فتح وداود پاشا در دست اوانوب استانبوله کوندرلدی وکوله من طائفه سندن اکثریسی كرك اثنای محاربه ده و كرك بعدالفتح مقتول اولدیغندن کوله من اوجاغی بالکلیه منطفی اولدی داود پاشانك علم وفضلنه حرمة و تپه دلنی علی پاشانك قتلی امثالی مثللو وزرانك وباخصوص مصر والیسی محمد علی پاشانك موجب توحشی اولدیغنه بناءً اعدامنه تصدی اولمیبو استانبوله اقامه اولمش ومؤخرأ بعض مناصبه بولندقدنصكره شیخ الحرم ایكن ارتحال داربقا ایلشدر .

احوال اشقودره لی مصطفی پاشا

اباعن جد اشقودره والیسی بولنان مصطفی پاشا هنگام سفرده و دین سر عسکری نصب اوانوب مسقولونك ادرنه یه تخطیسی اوانده معیتند بولنان اون بش یکر می بیك قدر ارنبوو عسکر یله فلبه یه جلب اولنه رق بر درجه یه قدر مصالحه ده حسن تأثیری کورلمشیدی بعدالمصالحه روم ایلی ایالتی صدراعظم رشید پاشا عهد سنده بقا وارنبودلغك اصلاحنه مأمور بیورلمغله صدر مشارالیه ایله مصطفی پاشا بننه شقاق مستولی اولدیغندن قرقیدی سنه سنده مشارالیه مصطفی پاشا صورت ظاهرده رشید پاشا عایینه و حقیقتده دولت علیه اوزرینه علم افراز طغیان اولوب بوسنه وارنبودلق طرفلر نده بولنان امرای تحریك ایله صوفیه یه قدر تحت حکمنه آلمشیکن صدر مشارالیه عساكر نظامیه ایله پرلپه ده مدافعه ومنهزم ایتكه اشقودره قلعه سنده تحصن ایلدی وبر مدت محصوریت حائنده بولندقدنصكره نفسنی تسلیمه مجبور اولدی . بودخی اصحاب علم ومعرفتن اولوب عینیه داود پاشا کی مظهر عفوها یون اولمش وعصر عبدالحمید خانیده مناصب عدیده ده بولنه رق شیخ الحرم ایكن وفات ایلشدر .

غرب اوجاقلری و فرانسه لونك جزایره استیلاسی

فصل سابقده مسطور اولدینی اوزره غرب اوجاقلری اوروپا دولتریه حرب وصلاحه مأذون اولوب توارنج مختلفه ده اوروپالولر جانبندن یالکز جزایر غرب اوزرینه اونیدی دفعه هجوم واقع اولمشیکن ضبطنه مقتدر اوله مدقلرینه مبنی سفن تجاریه لرینك تأمین مقصدیه برر مقدار بدل مقطوع اعطا ایدرك صلح اولورلر ایدیکه بونا پاره کی بر جهانگیر بیله بوججهله عقد مصالحه ایلشدر . حتی مورخ واصف افندی سفارتنامه سنده یازار که ایلچیلکه اسپانیاده بولندیغم اوانده جزایر لولر کلیتو مبالغ وهدایا اخذ ایدرك اسپانیالولر ایله عقد صلح ایلش اولملریله جزایر ضابطانندن بر قاق دای ایله مادرید شهرنده ملاقات وسرك مدار تعیشکن

اسپانیا سفائن و ساحل‌لرینی غارتہ منحصر ایکن نصل صلحہ راضی اولدیکیز دیوسؤال
ایلدیکمده بوصلحک غایتی انجق ایکی سنہ تمتد اولہ بیلر و بوکرہ الدیغمز مبالغ وهدایا
اغتنام ایدہ جگمز اموالدن زیاده در دیو جواب ویردکلرینی بیان وصلحلرینک
مبنی علیہنی وماہیتنی ایضاح ایشدر . اشبو جزایر مجاہدلرینک محاربات بحریہ دہ اولان
ورزش والفتلری ونائل اولدقلری غلبہ ومظفریتلری حیرتدہ عقول اولہ جق درجہ دہ
ایدی لیکن اورویادہ صنایع حربیہ واسلحہ ناریہ ترقی ایتدجہ اولکی کبی دشمن کیلرینہ
چاتوب رانیہ ایلک قابل اولہ مدیغندن بازوی ہمتلرینہ فتور کلشیدی جزایر بکلر بکیسی
حسین پاشا احوال عالمدن بی خبر برجاہل جسور وادخار ایلدیکی نقود وفیردیہ مغرور اولمغلہ
فرانسہ تجار سفائنندن ضبط وتسخیر اولنان کیلری و درونلرندہ بولنان مال وملاحلری
فرانسہ دولتی طلبہ آغاز ایلدکدہ رد وتسلیم ایتدکدن بشقہ فرانسہ قونسلوسی حقتدہ
معاملہ باردہ دخی اجرا ایلش اولدیغندن اول امردہ فرانسہ دولتی جانب سلطنت سنیہ یہ
عرض شکایت ایتکلہ طرف دولت علیہ دن جزایر والی و امراسنہ خطاباً اصدار اولنان
فرمان عالی مأمور مخصوص واسطہ سیلہ تسیار ومطلوبات مذکورہ نک اعادہ وتسلیم سیلہ برابر
ترضیہ ویرلسی دخی امر وتذکار اولنمشیکن والی مشار الیہک حق و بلاہقی وامرا
وارکاننک بوبابدہ مشارکتی اندفاع مضرتی حاصل ایدہ مدی مرویدرکہ والی مشار الیہ
طرف دولتدن کیدن مأمورہ قلعہ نک متانت ورضانتی وطوپلرینک جسامت وجبہ خانہ سنک
کیرتی ونقود مدخرہ نک وفرتی تماشا ایتدیروب بوقدر قوت وقدرتہ فرانسہ لویہ نصل
سرفرو ایلہ یم دیدکدہ مأمور مومی الیہ بوالتونلر بوجبہ خانہ بی طوپلرہ وضع ایدوب
آتہ من دیو جواب ویرمش ایسہ دہ والی غافل بوالتونلر بندہ اولدجہ آدم تدارکنندہ
زحمت چکلمز دیہرک رای وقرارندہ اصرار ایشدر . بناء علیہ برفیو فرانسہ دوتماسی
ایکی سنہ قدر جزایر لیمانی آبلوقہ ایلہ اضیق ایتدکدن صکرہ قرق یدی سنہ سی واسطندہ
برفرقہ فرانسہ عسکری طولون ترسانہ سندن حرکت وخارج لیمانہ قریدیہ خروج ایدوب
جزایر قلعہ سنی تحت محاصرہ دیہ آلدی درون قلعہ دہ آنجق درت بیک قدر ترک عسکری
بولنوب پاشانک امیدوار اولدیغی عربان دخی امدادہ شتابان اولماملہ بش اون کون طرفندہ
امکان مقاومت بالکلیہ مندرس اولدیغندن حسین پاشا کندوسنک وامرانک اموال ذاتیہ لریلہ
چیقملرینی مقاولہ ایدرک اموال وفیرہ حکومتی و دارالمجاہدہ اولان جزایر قلعہ سنی
فرانسزلرہ تسلیم ایتدی وبودہ بویلہ کیتدی . مؤخرآ قلعہ مرقومہ نک ردی جانب
سلطنت سنیہ دن فرانسہ دولتنہ تکلیف اولنمش وبعض مرتبہ وعد دخی آلمش ایسہ دہ

علت فرنگی کبی التیام پذیر اوله مدی جزایر ملحقانندن قسطنطنیه قلعه سنی مرکز اتخاذ ایدینان مشایخ عربانندن شیخ عبدالقادر اون بش سنه قدر فرانسزلر ايله اوغراشمش ایسه ده بودخی بالاخره نیل مقصودن مایوس اولغله فرانسه لویه دخالت وانلرك التماسیه شام شریفه رحلت ایدوب اوراده عازم دارعقبا اولمشدر .

قره مانلی خاندانندن طرابلس غرب بکمر بکیسی اولان یوسف پاشا فوت اولدقده بیوک اوغلی علی پاشا مقام امارته صاعد اولوب جانب دولت علیه دن دخی تصدیق اولمش اولدیغی حالد برادرلری عصیان قیام و طرابلسی محاصره یه اقدام ایلرله علی پاشا طرف دولتدن استمداد ایش اولسنه مبنی الی ایکی سنه سنده برقاج قطعه سفن حربیه ايله سکر طابور عسکر فریق نجیب پاشایه ترفیقاً ارسال قلمشیدی . وصوللرند علی پاشا قلعه قبولرینی آچوب عسکری ایچرویه آلمسی عقبنده نجیب پاشا کندو والیلکنی اعلان و علی پاشایی بالمله عیال و توابعیله استانبوله اعزام ایلدی بوجهتله طرابلس ایالتی طوغریدن طوغرویه حکومت سلطنت سنیه کیرمش و علی پاشانک قرنداشلری مندرس اولمش ایسه ده عربانک اطاعته آلنلری ضمنده قیودان دریا طاهر پاشا کوندریلوب برقاج سنه حرکات عسکریه متمادی اولمشدر . علی پاشا حقنده الطاف سنیه ارزان بیوریلوب اون بیک غروش شهریه تعیین وقوناق تخصیصیه توقیر اولندی لکن بو کیفیت تونس حکومتنک طرف دولتدن توحشنه بادی اولغله نه نتیجه یی انتاج ایلدیکی بمنه الکرم محنده توضیح اولنه جقدر .

احوال مصریه

عصر سلیم خان ثالثده قیودان دریا اولان کوچک حسین پاشا فرانسزلرك ید غصبندن مصری تخلص ایلک اوزره دونمای هایون ايله مأمور اولدقده کندوسنه منتسب بولنان قواله چور باجیسی حسین اغایه مکتوب کوندروب بر مقتدر ضابط ايله برایکی یوز کزیده عسکر طلب ایش اولدیغندن حسین اغا دخی یکنی محمد علی اغای انتخاب و معیتته ترتیب ایتدیکی عسکر ايله ارسال ایتکله حسین پاشا بونلری دونمای هایونه بالارکاب صوب مأموریتته عزیمت ایتشدی . بعد الفتح آرنبودلقدن وروم ایلینک سائر جهتلرندن کیدن طوائف عسکریه نك اکثریسی اوراده قالدقلى مثللو محمد علی اغا دخی قالمش و کندوسی امی ایسه ده درایت و شجاعتله متصف و حکمت حکومت و واقف تهدیدینی ایقاعه قادر بر ضابط متبصر اولمق حسبیه سرچشمه لک یعنی بالمله باشی بوزوق عسکری سرکرده لرینک رئیس مقامنه قائم اولمشدر .

سردار اکرمك عودتنده مصر والیسی نصب اولنان خسرو پاشا عساکر نظامیه ترتیبی وقشله بناسیله مشغول اولوب باشی بوزوق عسکرندن مصری تخلیه مقصدیله بعض سرکرده لره رخصت ویرمش ایسه ده گذشته علوفه لرینی اعطایه مقتدر اوله مدیغندن باشی بوزوق طاقی عصیان قیام و دفتر دار جانی افندی پی اعدام ایتدکلرندن ماعدا خسرو پاشایی دخی فراره اجبار ایملریله میرمیراندن ارنبود طاهر پاشا قائممقاملغه انتخاب وجانب سلطنت سنیه دن والی کوندرلمسی عرض محضر ایله استدعا اولندی .

قبودان سیدی علی پاشانك برادری جزایرلی علی پاشا مقدما خیلی وقت مصرده اقامت ایدرك احوال مملکته کسب وقوف ایلدیکنه وبو اوانده استانبولده بولندیغنه مبنی والی نصب وبجراً ارسال قنوب آنجق حجازه مأموراً مصره وارد اولان یکیچریلر علوفه طلبیله طاهر پاشایی قتل اییش وکوله من بکلری دخی علی پاشادن سوء قصد توهمیله مصره تقربنده تلف ایتدیرمش اولدکلرندن مصر والیسی خورشیدپاشایه توجیه بیورلدی ومکمل دائره سی خلقیله قاهره یه داخل اولدی ذکر اولنان وقعه لر بتون محمدعلی اغانك تصنیعاتی آثارندن اولدیغی متین اولمغله قولایلقله مصردن چیقارلمسی ضمننده خورشیدپاشانك انهایسی اوزرینه جده والیسی رتبه وزارتله محمدعلی اغایه توجیه قلندی ایسه ده مشارالیه محمدعلی پاشانك معیتنده بولنان عسکری طائفه سی ینه عصیان آغاز وخورشید پاشایی قلعه ده محاصره ایلدکلری خبری در دولته واصل اولمغین قرناى شهریاریدن صالح بك ارسال وقغنی طرف قوتلو ایسه اکا ویرملك اوزره برقطعه ابقا وبرقطعه توجیه فرمانی اصدار وتسیار اولندی . محمدعلی پاشا هدایای کلیه اعطاسیله میرمومی الیهی جلب ایلسکله مصرک محمدعلی پاشایه توجیهی متضمن اولان فرمان ابراز اولندیغندن ایکی یوز اون طقوز تاریخنده ولایت مصر محمدعلی پاشا عهده سنده تقرر ایلدی .

محمدعلی پاشا شمعدی یه قدر کوله من بکلریله خوش چینوب اقتضا ایتدکجه والیرعلینده آنلری دخی استعمال ایدر ایدی . زمام اداره ید اقتدارینه کچد کداصکره بالطبع کوله منلرك رقیب حکومت اولملری حقنده اولان مضمربنی اظهار وبعضلرینی قوله آله رق دیگرلرینی اوروب ازمکه شروع ایلدی . محمدعلی پاشانك کیدیشی ومصری تحصیل ایدیشی سلطنت سینه نك نظر دقتی جلب ایلسکله ایکی یوز یکرمی برسنه سنده ایالت مصر موسی پاشایه واندن منحل اولان سلاطینك وقواله سنجاقلری محمدعلی پاشایه توجیه اولوب موسی پاشا قبودان قدری پاشایه ترفیقاً ودونهای مایوه ارکاباً اسکندریه یه کوندرلدی . محمدعلی پاشا اسباب مدافعه نك استحضارینه مسارعتله برابر کندوسنك ابقاسنی متضمن مصر علمانی واشرافی

طرفندن تنظیم ایتدیردیکی عرض محضرلری قیودان پاشایه واستانبوله تقدیم وکلیتو مبالغ وهدایا دخی تسیار ایلمکله موسی پاشا سلانیکه ارجاع و محمدعلی پاشانک بیوک اوغلی ابراهیم بک که مشهور ابراهیم پاشا در رهن صورتیله استانبوله اقامت ایتک شرطیله ایالت مصر محمدعلی پاشا عهده سنده ابقا قلندی . بو خصوص حقنده ارکان دولتک مذاکراتی متضمن اولان مضبطه خزینة اوراقده محفوظ اولمغله منظور فقیر اولمشدر ایکی یوز یکرمی ایکی سنه سنده انکلتزه دو نمانسی استانبول لیماننه ولوج و بش اون کون طرفنده خروج ایتدکدن صکره اسکندریه یه عزیمت و سکرز اون بیک قدر عساکر بریه اخراجیله اسکندریه ورشیدی ضبط ایتدیکی زمانده محمدعلی پاشا کوله من بکلریله محاربه اوزره بولمغله در حال کوله منلر ایله باریشوب بالاتفاق انکلیزلر اوزرینه هجوم ایلدیلر

وقوعبولان مقاتلاتده انکلیزلرک پک چوغی مقتول و بر مقدار دی دخی مرکزده دو کلمکه مجبور اولمغله دو نمانلری رجعت قهقری یه مبتلا اولدی و محمدعلی پاشا تشریفات پادشاهی ایله تاطیف بیورلدی بوند نصکره بر طرفدن مأمور اولدیغی حجاز سفری تدارکاتنه اقدام و بر جانبدن دخی کوله من بکلرینک تنکیلنه نصب نفس اهتمام ایدوب کوله منلری مغلوب و اقطار مصریه حاصلات و اداره سنه مداخله لرینی قطع ایتدکجه حکومتک وقع و نفوذی و واردات و اقتداری ترقی ایتدکده ایدی نهایت حجازده اردو چیقاره جغی کون آلایده بولمق اوزره مصرده موجود اولان کوله من بکلرینی قلعه یه دعوت و ترتیب ایتدیکی عسکری بغته اوزرلرینه هجوم ایتدیروب بر آنده برقاق یوز امرا و کاشف اتلاف ایتدیردیکی مثلواطراف و نواحیده بولنانلرک دخی اکثری اله کچیریلوب قتل و اعدام و بر مقدار دی افریقا چوللرینه و طراباس طرفلرینه فراره اجبار اولندی و کوله من اوجاغی بالکلیه سوندی و بو دفعه ده بیکدن متجاوز بهادران چرا کسه محو و نابود اولدی یوقاروده بیان اولندیغی وجهله حرمین شریفینی وهابی طائفه سندن تخلیصه موفق اولسی بین الاسلام موجب توافر شان و شهرتی اولمغله برابر مصرک زراعت و عمارتی تزیید و باخصوص نهر نیلدن اسکندریه یه آچدیغی جدول که محمودیه نامیله مشهوردر اقطار مصریه نک فوق العاده ثروت و ترقیسنی استلزام ایلدیکندن محمدعلی پاشانک موفقیتلری دللرده داستان اولمغه باشلادی صدر اسبق یوسف کامل پاشا محمدعلی پاشادن استماعاً روایت ایدرایدی که ایالت مصری اون اوچ بیک کیسه وارداتله بولوب بو واردات ایکنجی سنه سی اون سکرز بیک کیسه یه ترقی ایتمشیکن اوچنجی سنه سی اون بیک کیسه یه تنزل ایلمشکه غالباً بونک سببی انکلیزلرک اسکندریه ورشیدی ضبط ایللری غائله سی اولمشدر . دردنجی سنه او توز بشیک کیسه یه چیقوب بعدد ترقی ایده ایده

محمد علی پاشانك اواخر ایامنده غیراز برالشام درت یوزبیک کیسه‌نی تجاوز ایلدیکی محققدرو. بو ترقینك بر مقدارى فیثات مسكوكاتك تقریباً بش مثلى راده‌سندده تزايد ایسی قضیه‌سی ایسه‌ده قسم اعظمی کوله‌من بکترینك مضبوطاتی اولان اراضینك حکومتیه انتقال ایلمسندن وزراعت و تجارتك تکرثندن منبعث اولمشدر.

طرف دولته ویریلان مال مقطوع بالترقی اون ایکی بیک کیسه‌یه بالغ اولمش ایسه‌ده حالاته نسبتله پك جزوی بولندیغندن و محمد علی پاشانك عزمی قوی و افکاری بلند ایدوکنندن کندوسنه قالان مبالغ کلیه ايله برطرفدن عساکر منتظمه ترتیب و تکثیریله طوپ و تفنگ و باروت فابریقه‌لری و ترسانه و حوض انشاسی مثللو لوازمات حربیه‌یه اقدام ایدر و بر جانبدن دخی کوله‌لرندن و اولاد اهلیدن اوروپایه شاگردان ارسال ایدرک علوم حربیه و فنون ریاضیه‌یه مالک آدم یتشدر و آوروپا ارباب معارفندن جلب ایلدیکی اشخاص واسطه‌سیله هم نظامات عسکریه‌سی اکیال و همده شکر و منسوجات فابریقه‌لری انشا ایتدیرمک کبی وسائط تمدن و ترقیه اهتم ایلر ایدی مع مافیه بو وجهله دول مستقلده جاری اولان قاعده و آیینیه تطبیقاً تدارکات حربیه‌یه مباشرت ایسی نزد سلطنت سنیه‌ده قرین جواز اوله‌میه جغی طبیعی بولمنسی درپیش مطالعه ایدرک بونك ازاله تأثیری مقصدیله طرف‌هایونه و متفذان مقربینه و سائر ارکان دولته پیدری هدایای کلیه تقدیم ایدرک‌لیدیکی کبی ممالک محروسه‌نك هر جهتندن حجب شریفه کیدن علما و مشایخ و اشرافه پاره‌لر و هدیه‌لر ویرر و بعضارینه کیزلوجه ماهیه و - ایلر تخصیص ایدرک عامه ناسك قلوبنی جلبه بغایت اعتنا ایدر ایدی حتی یوسف کامل پاشادن استماع اولمشدر که کمرچی عثمان پاشانك سلحدار علی اغایه چوق‌پاره ویردک‌لیدیکی و بر کره اوچیوز کیسه‌بردن تقدیم ایلدیکی بالمناصبه محمد علی پاشانك حضورنده تفوه اولندقدده اوچیوز کیسه‌نك لقر دیسمی اولور بن سلحدار اغایه بالدفعات آغرنجه آلتون اعطا ایلدم دیمشدر. رجال دولتیله دن مشهور حالت افندی وهابی غائله‌سی بتدک‌نصکره که تقریباً اوتوز بش تاریخلریدر شام و حلب و یاخود بغداد و موصل ایالتلری برلشدیریلرک صورت تلطیفده محمد علی پاشانك بو قدر خدمت و موفقیتی اوزرینه بو وجهله ازعاج اولمنسی لایق شان سلطنت دکلردیه‌رک منعه نصب نفس اهتم ایلدیکی مرویدر. سر عسکر اسبق سلیمان پاشا مرحوم که سرای‌هایوندن مخرجدر مصر مسئله‌سنك ظهوری اثناسنده بر رسم کونی سرای‌هایون اغالینك متخیزانیله برابر بر معتاد حضور‌هایونده قائم ایکن سلطان محمود خان حضرتلری سلحدار اغای مؤاخذه‌یه باشلامغله اغالر طهریه چیغمق استدلکرنده صالیور میوب وقعه مذکورده‌نی تذکار و اغالر خطاباً محمد

علی پاشانك بو درجه‌یه کلمسناك سببی بو احمقدر دیو سلحدار اغایی اراؤه ایلمش ایدوکنی نقل ایله تأیید روایت ایدر ایدی

استانبولده یکیچریلرک الغاسندن اول محمد علی پاشا مصرده عسا کر منتظمه ترتیب وتأسیس ایدوب موردده ابراهیم پاشا معیتنده استخداام ایلمش ومحسناتی دخی کورلمش ایدی روسیه سفری ظهورنده جانب دولت علیه‌دن وقوعبولان طلب اوزرینه اون ایکی بیك عسا کر نظامیه وعد وترتیب ایلمشیکن او آراق مصر آلتونلرینك فیئاتی بر مقدار تنزیل اولمغله بونی بهانه ایدرک عسا کر مرتبه‌یی کوندرمیوب یکر می بشبیک کیسه قدر اعانه نقدیه ارسالیله اکتفا ایلدی بلا استیذان موردن عسکرینی چکمیسی ومسقوسفرینه اعانه عسکریه‌ده بولنمادی بروقتدنبرو حقه‌ده مضمراولان شبهه‌یی تأیید و مرکز مطاوعتکاریدن انحرافی تحقیق ایلمکله روسیه سفری بتدکدن وبغداد تسخیری حاصل اولدقدن صکره صدر اسبق سلیم پاشا شام والیسی نصب اولنوب علی روایه مصرده بر حادته احداثیه محمد علی پاشانك تنکیلی اسبابنه چالشمق اوزره مأموریت خفیه ویرلمش ایلمش ومحمد علی پاشانك ایسه اقچه قوتیه اندرون هایونده و ارکان دولت ایچنده متعدد جاسوسلری اولدیغندن کیفیت کسب اطلاع ایدرک ذکر آتی تشبثاتنه ابتدار ایلدی چونکه محمد علی پاشا یکر می اوتوز بیك عسا کر نظامیه و قیاق وفرقتین اوله‌رق اون بش یکر می کمی‌یه مالک اولوب اوته‌دنبرو ارزوسی دخی شام و حلب ایالتلرینی حوزة حکومتته الحاق ایلمک ایدی حتی بو صورت ارکان دولتك مجزومی اولدیغندن وقت سفرده شرق سر عسکر ی غالب پاشا مذکور ایالتلرک محمد علی پاشایه تفویضیه اناطولی حدودینك محافظه‌سنی عهده اقتدارینه تودیع ایلمک حکم زمان ایجابندن اولدیغنی یازمش اولدیغندن بو کیفیت غالب پاشا حقنده موجب اغبرار هایون اولمشیدی جزار احمد پاشادن صکره عکا والیسی اولان عبدالله پاشا چندسنه مقدم فرمانلی اولدیغنی حالد محمد علی پاشانك توسط وشفاعتیه مظهر عفو پادشاهی اولمشیکن محمد علی پاشانك عکایه فرار ایدن کوله‌لرینی ویرمامسندن طولای بی‌نلرنده حاصل اولان مخالفت اوزرینه محمد علی پاشا سوق ایتدیکی عسکر و دونما قوتیه عکائی تضیق وتسخیر ایلوب عبدالله پاشایی استانبوله ارسال ایلدی وبعض وسائط ایله شامده اختلال احداث ایدوب والی بولنان سلیم پاشایی اتلاف ایتدیرمکله شام اهالیسی مؤاخذه دولتی درپیش ملاحظه ایدرک محمد علی پاشایه دخالته مجبور اولدیلر بوبابده نصایح وتهیدی حاوی اصدار وتسیار اولنان اوامر علیه‌دن برثمره حاصل اولیوب باخصوص محمد علی پاشانك اشقودره‌لی مصطفی پاشایی عصیان تشویق ایلدیکی مرکز ثبوت و ارمغله ظرف

شیخ الاسلامیدن و پریلان فتوای شریفه که بالجمله معزول شیخ الاسلاملر ایله صدور علما و مشهور درس خواجه لرینک امضالریله دخی توثیق و تصدیق اولمشدر انک موجب شریفی اوزره محمد علی پاشا ایله عوننه سنک تدمیری ضمنتده ادرنه والیسی اغا حسین پاشا سردار اکرم و مصر والیسی نصب اولنوب معیننه ترتیب اولنان اوتوز بیک قدر عسا کر منتظمه و غیر منتظمه ایله اعزام قلندی .

عسا کر عثمانیه نك طلیعه سی اولان اینجه بایراقدار اوغلی محمد پاشا معیتندگی باشی بوزوق عسکر یله میرلوا بکر پاشا قوماندده سننده بولنان اوچ آلا ی پیاده و میرالای عصمت بکک سواری الای خمس و حورانده واصل اولدقلری کون ابراهیم پاشا یدی الای پیاده و بش الای سواری ایله خصه داخل اولغله و سردار اکرم مدیق قلعه سننده و جیوش دولتعلیه مذکور ایکی نقطه نك ادره سننده واقع اوتوز ساعتک مسافه ده طاقم طاقم کچمکده بولنملریله قاعده حرییه یه توفیقاً عسکرک اجماعیله حربه مباشرت لازمه دن ایکن امرای عسکر یه جاهل و حرکات عسکر یه دن غافل اولدقلرندن قرق سگز سنه سی اواخر محرمنده ذکر اولنان طلیعه فرقه سی همان جنکه کیریشوب بوزولدیله بوانهزام کیروده اولان عسکر و سردارا کر مه موجب دهشت و تلاش اوله رق اولای حاجی طوتمق ایچون اولجانبه حرکت ثانیاً اسکندرونه کلان مهماتی محافظه ایلك مطالعه سیله اسکندرونه رجعت ایدرک یتش سکسان ساعتک مسافه نك قطعیه عسکر ده تاب و توان قالمیوب بر طرفدن قولرا علای دخی ضایعات کثیره یی موجب اولدیغندن اردی هایونک ایلر و طوتاریری قالمدی بناء علیه سردار اکرم عزل و او جوارده بولنان صدر اسبق رؤف پاشا قائم مقام و مشارالیه محمد پاشا سر عسکر نصب اولندی . مسقوسفری ختامندن برو ارنبودلق اصلاحیه مشغول اولان صدراعظم رشید محمد پاشا معیتندده بولنان عسکرک بر مقدار یله استانبوله جلب و ابراهیم پاشا اوزرینه مأمور ایدیلهرک اولکی اردودن دهامکمل براردو ترتیبیه اعزام قلندی ابراهیم پاشا قونییه کیرمش و موسم شادخی حلول ایلمش اولدیغندن صدراعظم بهاره قدر آق شهرده اقامت و خفیف سواری ایله قونییه یی تحت محاصره یه الوب مصر ایله مخابراتی قطع و محتاج اولدیغی لوازم و مهماتک ورودینی منع ایله تضییق ایلك افکارنده ایدی . زیرا اولوقنک حکمنجه قونییه نك اطرافنده بولنان والی و متصرف و مسلملرک بشرا التیسر یوز قدر قبورلری خلقی اولدیغندن قریب و بعید بونلری قونییه نك اطرافنده دور ایتدیرمدرک ممکن اولان تضییقاتی اجرا ایتدیرمک قابل ایدی لکن سلطان محمود خان حضر تلری حسین پاشا اردوسنک پریشانلغندن پک زیاده متأثر و راحت و آرامی منساب

اولمغله صبره اقتداری قالمیوب اولوقت مابین هایون مشیری بولنان فراری احمدپاشایی ارسال و بلافاصله وقت حربه مباشرت اولنمنی قطعاً امرایلدی بناءً علیه قرق سکنز سینه سی رجینک اواخر یله کانون اول اوائل ایدی که آق شهر دن حرکت وقونیه صحرا سینه موصلت اولنوب شدت شتادن ناشی موقع طوتمق واستحکام یایمق کبی شیلره زمان وامکان مساعد اولمدیغندن همان عسکرک ایاغی توزیله حربه مباشرت قلندی الی ساعت قدر جنکه دوام اولنوب آثار غلبه نمایان اولمش و صدر اعظم قونیه درونه عسکر صوتمق ایله مشغول بولنمشیکن هوا غایت سیسلی اولدیغندن واقشام تقرب ایلدیکندن صدر مشار الیه کندو عسکری اولمق ظنیه دشمن سوار یسی ایچنه کیریویر مکله اسیردوشدی وبونک در حال شیوعی عسا کر عثمانیه نك رجعتنه بادی اولدی عسا کر عثمانیه جیوش مصریه نك ایکی قاتی درجه سنده ایسه ده مصر عسکری هم معلم و همده فرانسر جنرال لرندن اولوب سلیمان پاشا نامیله مشهور اولان برفن حرب ماهرینک ترتیب و پلانی تحتده اولمغله نائل غلبه اولدیلر .

بو وقعه اوزرینه ایش کسب اهمیت و دهشت ایلدیکندن سلطان محمود خان حضر تلری روسیه ایمپراطورندن استعانه ایسکله سنه مزبوره ذی القعدسی او اسطنده برفرقه روسیه عسکر یله برفیلودونما بوغاز ایچنده واقع خنکار اسکله سینه وارد اولدی .

وابراهم پاشا دخی کوتاهیه یه کلدی عقب وقعه ده طوپخانه مشیری خلیل پاشا و آمدی رشید بک که صدر اسبق مشهور رشید پاشا در مصره اعزام اولندقلری مثالو روسیه لو طرفندن دخی مأمور مخصوص کوندزلمش وانکلتره و فرانسه دولتلری سریعاً ایشه بر نتیجه ویرلر ایسه پک بیوک وقعه لک ظهورینه سبب اوله جغنی تفرس ایدرک انلر طرفندن دخی محمد علی پاشایه اجرای نصایح و تهدیدات اولنمش اولمغله محمد علی پاشانک عهده سنده بولنان مصر و کرید آیالتلرینه الحاقاً شام و حلب و صیدا آیالتلرینک و ابراهیم پاشانک عهده سنده بولنان جده و الیاکنه الحاقاً اطنه آیالتنک توجهیله اصلاح ذات البین اولنمنی قرار لشدیرلدی ورشید بک استانبوله بعد العوده کوتاهیه یه کیدوب ابراهیم پاشایی ارجاع ایلدی .

سر عسکر سابق نامق پاشا که قدمای ارکان دولتن اولوب وجودیله افتخار اولنور و هر وقتده طوغری بی سویلر بر ذات اولدیغی جمله نك معلومیدر الی تاریخنده میرلوالق رتبه سنی حائز ایکن محمد علی پاشا حقنده اوروپا دولتلرینک افکارینی یوقلمق و دولت علیه یه نافع بر صورت استحصال ایلک اوزره سفارت مخصوصه ایله اوروپایه کوندزلمش وانکلتره دن بدأ ایله فرانسه و نمچه و پروسیا و روسیه حکمدار لر یله کوریشوب بوبابد استحصال ایلدیکی معلوماتی کلوب سلطان محمود خان حضر تلرینه عرض ایلشدر مشار الیه دن

شو وجهه مرویدر که محمد علی پاشا کوندن کونه تزید قوت و تکثیر ثروت ایتسیله برابر دولت علیه نك گرفتار اولدیغی مهاجمات خارجییه و داخییه دن ناشی اعاده اقبال ایتسی غیر ممکن کی کوردیکندن سلطنت عثمانیه و وارث اوله بیلمسنى ذهنده قرار اشدیرمش و بونك مقدماتی استحضاره نصب نفس اهتمام ایشیدی . اوغلی ابراهیم پاشانك موردیه مأموریتده چونکه اولجه عسا کر منتظمه ترتیبه موفق اولمش اولدیغندن عصاة رومی تکمیل و استیلا ایلدکلری قلاعی استرداد ایلدی و یالکیز طاغیر باشلرنده بعض اشقیا فرقه لری قالدی بو حال اوروپا لولرک مشهودی اولدقده یونان حکومتك تأسیسی بین الدول مقرر اولدیغندن بو ایشدن ال چکمسنى محمد علی پاشایه تبلیغ ایلدیلر مشارالیه دخی شمديکی حالد کندیوسنك اورادن چکلمسى دولت علیه دونماسنك محاسنه موقوف اولدیغی و اولوقت خط رجعت منقطع اولدی اعتذار یله عسکرینی موردن جلب ایدیه یله جکنى تعهد ایتکله فوارین وقوعه سی ظهور و ابراهیم پاشا دخی عسکرینی بالاستصحاب مصره عودت ایلدی بونك اوزرینه روسیه محاربه سی آچیلوب اون ایکی بیک عسکر امداد کوندرمك اوزره تعهد ایشیکن بعض اعذار واهیه سردیله آنی دخی بدله ربط ایتدیردی و ایکی اوچ سنه مرورنده اجرای مافی الضمیره قیام ایلدی .

بوروایتی مؤبد اولمق اوزره لطفی افندی تاریخنده مسطور بعض خطوط هایونده (محمد علی مورد حقنده اوروپا دولتریه مذاکرات و مقالاته کیرشمش بونه دیمکدر هیچ بروالینك بویله شیلره لیاقت و استحقاق وارمیدر) مألنده بعض فقره لر واردر لکن نه چاره که اولوقتدرده محمد علی پاشانك بو تصمیماتی احاد ناسه دکل ارکان دولتك اکثریسنه آکلامق غیر قابل ایدی . چونکه محمد علی پاشا اصحاب خروجك دول قدیمه حقنده اختیار ایدمکدکلری ابن خلدونده مسطور اولان قاعده و مسالکه تمامیه توفیق حرکت ایدر ایدی بناء علیه حکمت بین اولان ذوات محدوددن غیرى کافه خلق محمد علی پاشا دولتك صادق اولوب تنظیم احوال نخبه آمالی و مسقودن اخذ انتقام نتیجه مقصد مافی البالیدر اعتقادنده ایدیلر حتی بو افکارك بقیه سندن اوله رق لطفی افندی بیله تاریخنده حیف صد حیف که بعض ارباب نفاق پادشاه آنام ایله بویله بروزیر ذی قدرتك آرملرینی بوزدیلر دیو تأسف ایدر .

ارباب نفاقدن مراد خسرو پاشادر چونکه بین الانام مشهور اولدیغی اوزره خسرو پاشانك تا مصر والیکندن برو محمد علی پاشایه غیظ و خصومتی اولوب دائماً علیهنده بوجور ایش . حالوکه خسرو پاشانك الی وفاته مصر دن موظف اولدیغی صکره دن

تحقق ایلدی مع مافیه خسرو پاشا مصر دن پاره آلمغه سلطنت عثمانیه یه اولان صداقت واستقامتنه خلل کلیوب هم پاره آلور و همده دولت علیه حقنده اولان تصمیمات مضر دنك اندفاع و ازاله سنه چالیشور ایدی ظاهرده مصاحبت بتمش ایسه ده حقیقته تدارکات و تهیاته دوام اولنسی ضروری ایدی چونکه ابراهیم پاشا قونییه ایله اطنه نك آرسنده واقع کولك بوغازینی استحكامات جسیمه ایله ترصین ایدوب مصرده دخی دونمانك تزییدینه اقدام و عساکر نظامیه نك تکثیرینه اهتمام اولمقده و آیالات سائر دنك مقطوعات معینه لرینك اعطاسنده تسامح و خصوصات سائرده مستبدانه معامله قلمقده ایدی صدر اعظم رشید پاشا کوتاهیته موقوف ایکن معزول و صدر اسبق رفیق ثابت پاشا صدر صدارته موصول اولوب بش اون کون صکره رشید پاشانك سبیلی تخلیه قلمقغه استانبوله کلش و ایکی یوز الی سنه سی اواسطنده سیواس ایالتی و مؤخرأ دیار بکر و خرپوت طرفلرینك اداره سی عهده سنه تفویض و معینته براردو ترتیبیه صورتا کردستانك اصلاحنه مأمور ایدلشیدی خلیجه کردستانده اصلاحاته دخی موفق اولش ایسه ده اساس مأموریتی اولان مصرلو مدافعه سنه حاضر لقمقده ایکن الی ایکی سنه سی شعباننده مرتحل دار آخرت اولمغه عهده سننده بونان دیار بکر و سیواس ورقه ایالتلری بارتبه وزارت کوتاهیته فریق حافظ محمد پاشایه توجیه بیوریلوب اردوی هایونك استکمالنه اعتنا ایلدی .

پروسیا مارشالی مشهور مولتکه اولوقت خدمت دولت علیه ده و حافظ پاشا اردوسنده ایدی آنك رأی اردوی هایون فرات نه رینی کچمیوب یالکز ارائه سطوت و مهابتنه اکتفا ایدلدیکی حالده آز وقت ایچنده مصر عسکرینك طبیعتیه پریشان اوله جفی مرکزنده ایدیه ده طرف هایوندن جنکه مباشرت اولنسی خصوصنده تأکید و تعجیل بیورلقمقده اولوب حتی قرنا ی شاهانه دن محمد علی بك که صکره داماد و صدر اعظم اولمشدر تنفیذ امر پادشاهی ضمننده اعزام اولنشیدی بنابرین الی بش سنه سی ربیع الاولنده حافظ پاشا اردوی هایونی مستصحبأ فرات نه رینی مرور و حلب جوارنده واقع نزب نام محله ده محاربه یه آغاز ایدوب سوء تدبیر ثمره سیله معسکر عثمانی بوکره دخی رهین انهزام و پریشانی اولدی .

سلطان محمود خان حضر تلری مصر وقوعاتیله خواب و حضوردن مهجور اولدیغندن دفع اندود و ملال قصدیه استعمال ایلدکلری مشروبات شدید طبع هایونلرینی تغیر ایتمکه چاملیجه ده واقع اسما سلطان باغنه نقل بیورمشدر ایدی .
خبر انهزام واصل اولمقسزین الی بش سنه سی ربیع الآخرینك اون طقوزنجی

کونی الی الی یاشنده وساطتتک اوتوز ایکنجی سینه سنده مر محل دار آخرت اولوب
 وصیتلری موجنبجه دیوان یولنده واقع اسما سلطان سرای عرصه سینه دفن وبعده مکلف
 تربیه بنیاقانندی خاقان مرحوم حضرتلری یوز الی سینه دنبرو کلان پادشاهلرک اعظم
 واعقلیدر هنکام سلطنتلری دولت علیه نک اوان انحطاطنه تصادف ایلدیکندن ممالکجه
 خلی ضایعات واقع اولش ایسه ده برمدتدنبری طوائف ملوک حکمنه کیرمش اولان اعیان
 ودره بکلرینک ازاله سیله حدیقه سلطنتی خار آزاردن تطهیر ایلدی باخصوص بغاة
 عسکریه یی تأدیب وجنود منتظمه تأسیسنه موفق اولملری غیور ومقدم ومصلح دولتک
 وخدمه سلطنتک دقایق احوالنه واقف تهدیدینی ایقاعه قادر وبالذات اداره دولته مقتدر
 برشهریار جلیل المآثر ایدی .

جلوس سلطان عبدالمجید خان حضرتلری

بیوک شهزاده سلطان عبدالمجید خان حضرتلری اورنک عثمانی اولوب صدارت
 عظمی مجلس والا رئیس خسروپاشایه ومجلس والاریاستی سانی رؤف پاشایه وسر عسکرلک
 چند کون اولجه تجارت ناظری نصب اولنان خلیل پاشایه ونظارت مذکوره سر عسکرلکدن
 انفصال ایدن سعید پاشایه توجیه بیورلدی . ایرتسی کون تزیب انهرامی خبری و بش
 اون کون صکره قپودان دریا فوزی احمد پاشانک دونمای هایونی اسکندریه یه کوتوروب
 محمد علی پاشایه تسلیم ایلدیکی پیام غریبی واصل اولدی . چونکه احمد فوزی پاشا
 معتمد ومؤمن محمودخان ایدی . اولوقت کسب اشتهار ایدن روایته نظراً گویا سلطان
 محمود خان حضرتلری خلیل پاشا وخسرو پاشادن سلب امنیت ایله بعضی مرتبه وسوسه یه
 مبتلا اولدقده احمد فوزی پاشا شهزاده جوانخت حضرتلرینه سوء قصدی درعهده
 اییش ایدوکنندن شمعی جلوس هایون وقوعی وخصمانندن خسرو پاشا وخلیل پاشانک
 صدراعظم وسر عسکر اولدقلرینی استماع ایله جان خوفنه دوشوب بوخباتی اختیار ایلشدر .
 شویله که دونمای هایون قلعه سلطانیه ده ایکن تبدل سلطنت خبری واصل اولدقده احمد
 پاشا کتخداسی بولنان شریف اغا وانک اوغلی اولوب ریاله هایون اولان عثمان بک که
 تحول حکم زمان ایله مؤخرأ استانبوله کلوب مع الوزره بوسنه والیسی اولمشدر . انلرایله
 بالذکره صورت فراری قرارلاشدیردقدن صکره امرای بحریه یی بعضی اقوال ابلفریبانه
 ایله اغفال ایدرک همان حرکت ومصره طوغری عزیمت ایلدیلر .

دونمای هایونک بوجهله کیدیشی ارکان دولته موجب اندیشه اولغله مجلس والا
 کاتبی محسن افندی یه بریسی احمد پاشانک ابقاسی ودیگری قپودانه هایون بولنان مصطفی

پاشانك قیودان دریا لقبی متضمن ایکی فرمان ویریلوب اولابقا فرمانی اعطا ایله احمد پاشایی اغفال وبعده مصطفی پاشانك مأموریت فرمانی ابراز ایله اجرای مأموریت ایتسی تعلیم قلنه رقی مخصوص واپور ایله اعزام قلندی. مومی ایله محسن افندی ردوسدن ایلروده دونمای هایونه موصلت و احمد پاشایه ابقا فرمانی اعطا ایلد کده احمد پاشا فرمانی قرائت ایتدیروب محسن افندی بی کتخداسی شریف اغایه مسافر ویردی. و محسن افندی کرك مصطفی پاشا و کرك امرای بحریه ایله ملاقات قبولری مسدود اولدیغنی کوروب شاید تحری اولنور خوفیه مصطفی پاشانك مأموریت فرمانی دکره آتمغه مجبور اولدی. .

اگر مصطفی پاشانك قیودان پاشالغی رسماً اعلان و فرمانی دخی طوغریجه کندوسنه اعطا اولنش اولسیدی احمد پاشانك هیچ برشیئه قادر اوله میه جنی بدیهی ایکن ارکان دولتک عقلالغی ایشی مشکلاته کرفتار و بالعکس احمد پاشانك ابقا فرمانی تقویه نفوذ و اجرای مافی الضمیری امرنده تسهیلاتی استلزام ایلدی. خارجیه ناظری رشید پاشا مصر علمینه دول معظمه ایله عقد اتفاق ایچون ایکی سنه دنبرو اوروپاده بولنوب موفق دخی اولمشدی. تبدل سلطنت عقبنده استانبوله کلوب الی دوت سنه سنده اجرایی تصمیم اولنشیکن بالایجاب تأخیر اولنان تنظیمات خیریه بی اعلان و اجرا ایتدیروی بوبابده کلیخانه ده قرائت اولنان خط هایون ایله سنه مزقومه ده تنظیماتک ایلرویه تعلیقنی متضمن اولافرمان عالی صورتلری دستور نامنده اولان مجموعه ده مسطوردر .

مصر محاربه اخیره سی

انگلتره و اوستریا و پروسیا و روسیه دولتلیله باعه دنامه عقد اتفاق اولندی . فرانسه دولتی محمد علی پاشانك مجلوبی اولدیغندن قرال بولنان لویی فلیپ و خارجیه ناظری کیزو بواتفاقک حاصل اوله مامسنه پک چوق اقدام ایتشار ايسه ده مقتدر اوله مدیلر . و مع مافیه اتفاق دوله داخل اولدیلا ايسه ده مصره دخی اعانه یه جسارت ایدم مدیلر بناء علیه مصر ایالتی بالورائه و عکا قلعه سیله صیدا ایالتی قید حیات ایله محمد علی پاشایه تفویض اولنق اوزرده شام و حلب وجده کرید واطنه ایالتلرینک ردی و دونمای هایونک اعاده سی تکلیفیه صدارت مستشاری رفعت بک مصره کوندریلوب مذاکرات و مخبرات طویله جریان ایلدیکی حالدده محمد علی پاشانك ارضاسی قابل اوله مدیغندن الی الی سنه سی واسطنده حربه مباشرت اولندی .

استانبولدن کوندریلان بر قپاق و بر قپاق قطعه سفن حربیه و نیجه لولرک چند قطعه سفینه لری انگلتره دونماسیله بالاجتماع مصر و بر الشام سواحلی تحت ابوقعیه الندی و مرکز

عسکری آنخاد اولنان قبریس جزیره سینه تقریباً یکرمی بیک قدر عسا کر عثمانیه سوق اولنوب اردوسر عسکر لکی صدر اسبق عزت محمد پاشایه وعسکر قوماندانلغی سرویلی سلیم پاشایه احاله قانندی بیروت قلعه سی جزوی محاربه ایله تسخیر اولندقدنصکره ابراهیم پاشا درزی طاغی اتکلرنده چند دفعه مقاتله یه تصدی ایتش ایسه ده جمله سنده مغلوب اولدیغندن طوئق راده سنده ایکن شامه فرار ایدوب اعناده ایلدیکی عکاقلعه سنک دخی اوچ بچق ساعت ظرفنده قوه بحریه ضربیه فتح اولندیغنی استماع ایتدکده ارتق شامده دخی آرام ایددمیه رک چوللره دوشدی وتعریف اولمز مضایقه وشائد ایله آج عریان مصره طوغری حیقوب کتیدی .

ابراهیم پاشا رشید پاشا وحافظ پاشا اردولری مثللو جسم قوتلره غلبه ایتمشیکن بوکره عسا کر جزویه قارشو سنده تحته پرده قدر مقاومت ایدمه مامسی غریب کورینه جکندن بونک اسبابی تفصیل ایتک اقتضا ایلدی .

مقدمه بمحمد ترقیم اولندیغنی اوزره محمد علی پاشا حج شریف ایچون مصر دن کلوب چن مشایخ وخواجه لره و اشراف ممالکه عطیه لر و خرج راهلر اعطا ایدرک و قابل خطاب اولنلرینه دولتک اغتشاش احوالندن ومسقوک غلبه سندن یانوب یاقیله رق دین و دولتیه خدمت ارزوسنی اظهار ایده کلمکه وبر طرفدن دخی کرک استانبول و کرک طشره لر اشرافه خفی و جلی پاره لر کوندر مکه اوپله بر توجه عمومی جلب ایتمشیدیکه اکثر خلق ولایتیه ومؤید من عنده اولوب قریمک تخلیصی بونک یوزندن اوله جغه اعتماد ایدرلر و حرمینک خوار جدن تطهیرینه موفقیتنی براءت استهلال عد ایدرک مدح وستایشیه امرار اوقات ایلرلر ایدی . باخصوص مرض جزام کی عروق انامه سرایت ایتش اولان یکیچری غیر تکشلکندن وعسا کر نظامیه احداثندن و آنک تفرعاتندن اولان بعض معاملاتدن والیسه اجنبیه یه میل ورغبت قلمسندن طولانی کافه انام بیزار اولوب بوشیلرک سببیتنی خسرو پاشایه عطف ایله پادشاهی بویوللره سوق وترغیب ایدن خسرو پاشادر دیرلر ایدی . حتی محمد علی پاشا ایله خسرو پاشانک فی الاصل بیلری بوزوق اولدیغندن محمد علی پاشا بونی سر رشته ایدینه رک ابله فریب اولان بومثللو سوزلر ایله اصلاح مزاج دولت ضمنتده اتفاقه دعوتی متضمن بعض والیله مکتوبلر کوندر وب اغفاله چالشمش وبو مکتوبلرک اکثری ولایه طرفندن جانب دولت علیه یه تقدیم قلمشدر . توجه عامه شول درجه ده ایدیکه حسین پاشا اردوسنه دفتر دار نصب واعزام اولنان عظمای رجال دولت علیه دن ظاهر افندی عقلادن واصدقای دولتدن بر ذات اولدیغنی حالد یولده کیدر ایکن بونه کیفیتدرکه بن جانب سلطنت سینه دن مضر

اوزرینه سوق اولنان اردونك دفتر داری اولدیغم حالد کولم اوطرفه محب ومتوجهدر دیو بعض محرملرینه سویلدیکی محققدر . ایشته ابراهیم پاشانك غلبه سی توجه عمومینك کندو طرفه معطوف اولمسندن وقدمنه هر کسك دیده کشای انتظار بولمسندن منبعشدر . بودفعه کی پریشانخی ایسه یدی سکر سنه دنیرو زیر ادا رسنده بولنان سوریه اهالیسنك انعکاس امید عدالت ایله نهیه اوغرا دقلرینی اکلاملرندن ناشی کمال نفرتلرندن وطائفه عسکریسنك روگردانلغندن نشأت ایتشدر . چونکه حربه مباشرت اولمسیله برابر جبل لبنان اهالیسی وعشائر و عربان مصر لو علیه قیام ایدوب جنود مصریه دخی فوج فوج وحی صادق بك نامنده بر میرالایك تحت قومانداسنده بولنان الای هیئت مجتمعه سیله اردوی هایونه دخالت ایلدی . بونلرك جمله سی دوبریجه یه کوندریلوب اوراده اسکان اولندیلر امرای مصریه دن اولوب کذلک طرف دولته دخالت ایتش اولان کلیسیلی محمد پاشا ومیر آلا ی صادق بك نقل ایدرلر ایدیکه ابراهیم پاشا درزی طاغندن شامه عودت واطرافده بولنان عسکرینی جمع ایتدکده کیجه لری طاقم طاقم فراره اغاز ایلر یله محافظه لریچون قره غوللره ضابطان اقامه اولمش اولدیغی حالد فرار یلرك اوکی التیق شویله طورسون ضابطان دخی فراره شتاب ایلدکلرندن برقاچ کون ایچنده عساکر مجتمعه نك نصفی قالمیوب قالانلرك دخی کوزلری اویولده اولدیغی مشاهده اولمغین ابراهیم پاشا بالضروره چوللری طوتوب مصره طوغری عودته مجبور اولمشدر

عکا قلعه سنك تسخیرندن صکره اسکندریه نك ضبطی تصمیم قلمقددا یدی لکن محمد علی پاشا آرتق قوه نقودیه اعمالی زمانی کیش اولدیغی تفرس ایدرك انکلتزه باش وکیلی بولنان ذاتی دام اطماعه دوشورمش اولدیغندن مصر ایالتی وراثتله توجیه اولمق صورتنه محمد علی پاشا راخی اولورایسه ایشك بتورلمسی ضمننده امیراله تعلیمات کیش والی یدی سنه سی شوالنده بو بابده محمد علی پاشانك رکاب هایونه استعطا فنامه سی ورود ایتش اولمسیله مصر بالتوارث محمد علی یایه توجیه بیوریلررق ایشه ختام ویرلدی ودونمای هایون استانبوله واصل اولوب ایالات مستحصله ولایه عظامه توجیه بیورلدی اولوقت انکلتزه ایلیچیس بولنان بونصوبی بوقرارك علیه نده اولدیغندن مقتضای مأموریتی اوزره رسماً قبولی باب عالی یه عرض ایدر وخفیاً انکلتزه دواتی محمد علی پاشانك کلیاً قالدیرلمسنه باعه دنامه بورجلی ایدوکنندن قبول اولنماسنی اخطار ایلر ایتش لکن هر نصلسه قرار واقع نزد دولته لیه ده قرین تصویب اولمشدر واقعا مصری حرباً ضبط ایتك بیوک تکلفاته وکیتلو تلفاته محتاج اوله جغندن بشقه انکلیزلور دخی برانکده بولنه جنی جهته ایلروده نهرنك کسب ایدمچکی مطالعه سی

جای دقت ایدی بناءً علیه بوقدرله اکتفا مناسب کورلمشدر خارجیه ناظری رشید پاشا مرحومک امتیاز شرائطی حاوی قامه آلدیغی فرمان عالی مصره ارسال اولندقدده محمدعلی پاشا ایکی شرطنک تبدیلی استدعاسیله اعاده ایسکله بوکا دخی مساعده اولنمق اقتضا ایلدی مذکور شرطک بریسی وراثت ایالتک اولاد ارشده منحصر اولسی شرطنک اولاد اکبر شرطنه تبدیلی وایکنجیسی مصرک حاصلاتندن اوچ ربع مصارف محلیه ایجون بالتوقیف ربع دیکرینک خزینئه دولته تقدیمی فقره سنک دخی سکسان بیك کیسه مقطوعه ربط قلمسی ایدی مذکور فرمانلر دستورده مسطوردر بوندنصکره مصرک تغیرات احوالی بمنه تعالی جلد آتی یه عائد اولمغله بو فصلک تکمله سنه شروع اولندی .

بشنجی فصلک تکمله سی

سلطنت سنییه بو فصلک حاوی اولدینی زمانده ضایعات عظیمه یه مبتلا اولدی اولا سکسان ایکی سفرینک نتیجه سی اوله رق اقلیم قریم الدن چیقمغله بوماده ارکان دولت وافراد اسلامیه یی دخنون ایلدی چونکه بوندن سکسان سنه مقدم مجارستان دخی حکومت سلطنت سنییه دن منفک اولمش ایسه ده اورالرده اهل اسلام یالکیز قلعه لرده ساکن ومسافر صورتنده اولوب کافئه اهالیسی خرسه تیان ایدی قریم ایسه ایکی ملیونه قریب سکنئه مؤمنینی حاوی بولندیغندن بوجهتله بالطبع اهل اسلامه زیاده تأثیر ایلشیدی بناءً علیه قریمک تخلصی نخبه آمال انام اولوب موقوف علیهنی لایقیله مطالعه وموازنه یه دخی صدر اعظم یوسف پاشانک شدت تهالکی مانع اولمغله وانکلیز لر ایسه فرانسه لونک روسیه ایمپراطور یچمسی نزدلرنده حاصل ایلدکلری اعتباره رغماً سلطنت سنییه یی حربه شوق وترغیب ایده کلر یله ایکی یوز ایکی سفری کشاد اولندی لیکن بونک نتیجه سی اوله رق قریمی تخلص ایدلم دیر ایکن اوزی ایالتی اوسته ویرلدی فرانسز لو ایله عقد اتفاق قلمق حسیله ایکی یوز یکرمی بر سنه سنده ینه روسیه سفری ظهور ایدرک بوکره دخی طوزله نهریله پروت نهری بینشده اولان اراضی وسیعه وقلاع متعدده ضایع ایلدکدن بشقه صرب ملتیه امتیاز ویرلمک مجبوریتی حادث اولدی بوندن صکره روم اختلالی ظهور ایدوب بونک نهایتی دخی هم موردنک قراللق اولسنی وهمده چرکستان وچلدیر ایالتلرینک روسیه لویه ترک قلمسنی وافلاق ایچنده بولسان قلاع خاقانینک احساسی و صرب امتیازینک توسیع وتأکیدینی مستلزم اولدی وبونی متعاقب فرانسز لر دخی جزایر غربی استیلا ایلدی .

سلطان محمود خان حضر تالرینک جلوسلارنده ارنبودلغک بر جهتی یانیسه والیسی
 تپه دانلی علی پاشا و برجهتی اشقودره والیسی قره محمود پاشا خاندانی تحت ادارلرنده
 و سیروز و سلانیک طرفلری سیروزلی اسماعیل بک عهدده سنده وروم ایلینک سائر بلاد
 و امصاری اعیان دنیلان متغلبه ضبطلرند اولدیغی مثللو جزایر غرب اوجاقلری داییلرک
 و حرمین محترمین وهابی طائفه سنک ید غصبند و مصر محمد علی پاشا حکمند و بغداد
 کوله من پاشالری و چلدر و کردستان ایالتلری دخی امرا نامه اولان بغاۃ اللرند ایدی
 اناطولینک بوزوق طرفلری جبار زاده و آیدین طرفلری قره عثمان زاده لرده اولوب
 قصور بلاد و قصباته دره بکلری دنیلان متغلبه مستولی اولمغله والیلر یالکیز مرکز ایالت
 اولان یرلرده اوطورور و بونلره مداهنه ایله جلب منفعت و امرار ایام حکومت ایلرلر
 ایدی جبار زاده و قره عثمان زاده لر ایله سیروزی اسماعیل بک هم عظما و اشراف اعیاندن
 و همده اوامر پادشاهینک اجراسنه مداوم مطاوعتکاراندن اولوب سفرلرده دخی
 خدمتلری سبق ایش اولدیغندن مومی الیهم حقلرند معامله تأدیبیه اجراسنه محل
 اولما مغل خاندانلرینه تعرض اولمیب مؤخرأ اسماعیل بکک اوغلی یوسف بک و جبار زاده
 جلال الدین بک و قره عثمان زاده یعقوب ازا رتبه وزارت نائل و تغیر اداره امور دولت
 سببیه ایالات عدیده ده والی اولمشلردر وقوعات صرد سنده مسطور اولدیغی اوزره بونلرک
 غیرسی پنجه سطوت محمود خانیده نابود اولوب طوائف ملوک رنگنه کیرمش اولان
 ممالک دولتعلیه قوه قاهره پادشاهی ایله هیئت منتظمه سابقه سنه رجعت ایلدی و سلسله
 انضباطی قرین انحلال اولان نسخه کبرای سلطنت شیرازد بنند انتظام اولدی .

سالف الذکر اعیانلر ایله دره بکلری یوز سنه یه قریب زماندنبرو کسب قدرت
 و تمیز ایش اولدقلرندن بونلرک منشائی بوجه آتی تفصیل اولنور : فصول سابقه ده
 مسطور اولدیغی اوزره ولایه و متصرفین طرفندن برسنجاق اداره سنه مأمور اولان کسانه
 متسلم و قضا اداره سنه مأمور اولانلره ویوده تعبیر اولنور و هر شهر و قصبه ده اهالی
 طرفندن منتخب برده اعیان بولنور ایدی ممالکتک ضبط و ربطی ولایه و متصرفین و متسلم
 و ویوده لرده و امور حقوقیه و نرخ ارزاق حکام شرع شریفه عائد اولدیغی مثللو مراتبات
 امیریهنک و ممالکت مصارفی اولان مبالغک توزیع و تحصیل و دفترلرینک ترتیب و ترقیه
 خصوصلارنده ولایه و حکام طرفلرندن مخاطب اعیانلر اولمغله اعیان بولنلر
 بواشلری اشراف ممالکت ایله بالاجتماع تسویه ایدر ایدیکه اعیانلر اهالینک و کیلی و حکام
 ایله اهالی ارم سنده واسطه دیمک اولور ایدی اشبو اعیانلر ممالکتلرینک اغنیاسندن

واصحاب حیثیت و نفوذدن اولملریله ولایه و متصرفینه امیدلرندن زیاده منفعت ابرار ایدرک
 متسلمملکی و و یوده قلمری درعهده ایتکه باشلادیلر ایچلرندن لیاقت و درایتی حائز اولانلر
 هم ولاتی و همده حکامی خشنود ایتکه تزیید حشمت و ثروت و تأسیس بنیان عصیت
 ایدوب و فاتلری وقوعنده یاخاندانندن و یا منسوبینندن بر مقتدری انک مقامنه قائم اولور
 ایدی بونلرک پک و حشی اولنلری چوقلق پایدار اوله میوب دور اندیش و حکمت بین
 اولنلری مملکتی کا ینبغی اداره و ولاتی مطیب ایتدکن بشقه ارکان دولتدن بعضیلرینه
 کسب انتساب ایدرک و کندوسنی دواته طانتدیروب سفر و حضرده خدمات مقبوله ابرار
 ایله رک کوندن کونه توثیق حکومت ایلرلر ایدی سلطنت سنیه عسا کر منتظمه ترتیبینه
 موفق اولدقدن صکره تنظیماتک مقدماتی حکمنده اولان اصلاحات ملکیه دخی یوز
 کوسترمه باشلامشیدی شویله که والی و متصرف و و یوده لرک کیف مایشاء قتل نفوسه
 مجاسرتلری بافرمان عالی منع اولنوب قصاصاً و یاخود سیاستاً ازاله لری مقتضی
 اولنلر حکام شرعریفک تحت تصدیقنه التمدیجه اجرا قلمامسی امر اولندی
 و مخلفات ضبطی فی الاصل نوعاً معقول و مشروع بر درجهده یعنی مخلفات واقعه اموال
 امیریهدن مختلس و مدخر اولسی مظلون اولنلر حقنده جاری ایکن صکره لری سوء استعماله
 وارد یغندن میری ایله معامله سی اولسون اولسون و خدمت دولتده بولنسون بولنسون
 اغنیادن بریسی فوت اولدقده ورثه سنه جزئی برشی ترک اولنه رق مصادره قلمور و بعضاً
 دخی مخلفات ورثه یه ترک اولنه رق مقطوعه ربط اولنور یعنی بر مبالغ معین اخذیله بتریلور
 ایدی بودخی بافرمان عالی الغا قلمدی یکچریلرک الغاسیله انلره متعلق منصب و قلملری یعنی
 یکچیری افندیلکی و سپاه و سلحدار کتابتلری و بونلره مماثل مأموریتلرکه لغو اولسان
 او جاقلرک محاسبه جیلکلی دیمکدر بونلر دخی الغا اولنوب عسا کر منتظمه سرعسکرلکی
 و مقاطعات و مصرف نظارتلری خاصه و نظامیه محاسبه جیلکلی مثللو منصبلر احداث و ماهیه
 معاشلر تخصیص قلمدی فصول سابقهده برنبذه بیان اولدیغی اوزره اوقاف سلاطیندن فتح
 و سلطان سلیم و سلیمان حضراتی و قفلرینک اداره سی صدراعظملره و سلطان بایزیدک اداره سی
 شیخ الاسلاملره مخصوص اولوب قصور اوقاف سلاطین ایله نسللری منقرض اولمش بعض وزرا
 و امرا و قفلری قرنا و خدمه مخصوصه پادشاهی یه چراقلق اوله رق توجیه اولنور ایدی
 بر دفعه وقف ترتیب ایدن اصحاب خیرات و قفلرینک شرائطی تعیین و خیرات و مبراتلرینه
 صرف اولنه حق مباحی و خدمه سنه و یریه جک وظائفی تخصیص ایتدکن صکره تولیتی اولاد
 و اعقابه و نظارتی صدراعظم و شیخ الاسلام و دارالسعاده اغاسی و استانبول قاضی مثللو

ارباب مناصبه تفویض ایلمش اولدقلرندن بونظار تترك برر مفتشی اولوب تحت نظارتلرند بولنان اوقافك هر سنه محاسبانی رؤیت ایتدیرر و شرط واقفك اجرا قلممدیغی و یا خود خیرات و مبراتك محتاج تعمیر ایدوکی خدمه وقف طرفلرندن و یا محله لیسى جانبندن افاده واشتكا قنور ایسه متولیلری شرائط اوقافك تمامی ایفاسنه اجبار ایدرایدی وقتاً بوقت واقفلرك سلاله لری منقرض اولدقده تولیتلری نظارت طرفلرندن مناسب آدملره توجیه ایتدیریلور و ارتاق اولاد مشروطیتندن چیقمش اولدیغندن بومثللو تولیتلره صدقه تولیتلری اطلاق قنور ایدیکه توجیه پادشاهی ایله تصرف اولنور برنوع مأموریت دیمکدر استانبول شهرى سرور زمان ایله کاملاً دیه جك درجه ده وقفه منقلب اولمغین معاملات بیع و شرانك توثیق و اجراسی متولیلرك و جایلرك اللرنده قالدیغندن انواع فساد و تزویر واقع اولمقده ایدوکنه معنی ذکر اولنان مناصبك حق نظارتلری برلشدیریلرك اوقاف هایون نظارتی احداث قلمدی انحق بوصورتك موافق حال و مصلحت ایدوکی مسلم اولمسیله برابر ناظر اولنلردن بعضیسنك مزاج غصبکارانه سی و بعضیسنك امر مهم حقوقدن بی خبر لکی جهتلیله خزینه اوقاف سؤاستعمالات ایله مالا مال ایدی شویله که سلطان محمودخان حضرتلرینك وقفلرینه ایراد بولمق فکریله اسم بی مسما اوله رق کدك ایجاد قانیدی بو کدكلرك برصنفی محدود اولوب مثلاً استانبولده یوزسکسان قلایحی کدیکی احداث واصفانه بیع اولمقله بومقداردن زیاده قلایحی دکانی کشاد اولنه مز ایدیکه برنوع انحصار امتیازی دیمك اولور ایدی برصنفی دخی قوندره جی کدیکی مثللو غیر محدود کدکلردر که هر کیم طالب اولور ایسه ویریلور و هیچ کیمسه بلا کدك قوندره جیلق صنعتی اجرا ایدم مز ایدیکه بودخی من جهة اوصنعتك ده اجراسنه رخصت دیمك اولور ایدی بو کدكلر اصناف بیننده آ انوب صاقله عادتاً مستققات اوقاف کی خرج فراغ وانتقال واحاره مقرر اخذ اولنور ایدی مع مافیه بر دکان و یا خود بوستان ده برقاج سنه مستأجراً مقیم اولنلر مال صاحبك خبری اولمقسزین خزینه اوقافدن برر کدك الوب صکره مال صاحبی مستأجری چیقارمق و یا کرایه تزیید ایلک مراد ایلد کده مستأجر بنم بوراده کدیکم بولندیغندن مقرر اولان کرادن بشقه بر شی طاب ایلکه حقك یوقدر دیو دعوا یه قیام وتنفيذ مرام ایلکه او مثللو دکان و بوستان و سائر دنك هم وقف قدیم و همده صاحبلرینك حقلری مصادره اولمش اولدی .

سوء استعمالاتك برنوعی دخی فراغ وانتقال خرجلرینك و محمولات معجلاتنك نصفی متولی وجانی و کاتبلره ویریلوب نصف دیکرینك خزینه اوقافده توقیف اولمسید .
بو اصولك اتخاذهندن مقصد کویا بویارلر خزینه اوقافده تجمع ایدم جك و هر وقفك

خیرات و مبرات آ تعمیرہ محتاج اولدقدہ نقود مترا کمہسندن تسویہ اولنہجق ایدی .
 حالبو کہ اوقاف خزینہسندہ متعدد قلملر ویک چوق مأموریتلر احداث اولمغله .
 بونلرہ و خارجدن شوکا بوکا معاشلر و معیناتلر و ثواب اعتقادیلہ نو بنو تحت ایدن
 تکیہلرہ طعامیلر و تعینلر تخصیص و بیکر و بیک بشر یوز کیسهلر صرفیلہ مجدداً و تعمیراً
 تکیہلر انشا اولمغله و قفلرک مبالغ مترا کمہلری اضاعه قلندی و خیرات و مبراتک تعمیرہ
 احتیاجلری محلہلی و متوالیلر طرفلرندن اوقاف نظارتنه خبر ویرلدکجه و قفلرک حاصلات .
 مترا کمہسی دفترلرده موجود ایسهده و زنہده مفقود ایدو کندن بالضروره کچوشدیریلور
 اولدی اوقاف خزینہسی بوخصوصده مدعی علیہ اولدینی حالده حاکمک صفتنی دخی حائز
 اولمسیله و قفلرک حامیسی اولهجق ایکن مخربی اولدی .

نظیماتک ظهوریلہ بالجمله سلاطین و سائرہ اراضی موقوفہسی مالیه خزینہسی طرفندن
 ضبط و انعشیر اولنوب عندالحساب اراضی موقوفه مزبورہ حاصلات عشریهسی سنوی
 قرق درت بیک کیسهیه بالغ اولمغله شهریهیه بالتقسیم خزینة مالیهدن اوقافه اعطا قانور
 ایدی . صکردهلری فؤاد پاشا مرحوم اشبو بدل مقطوعه مالیهنک اوقافه ویردیکی پارهیه
 اعانه نامنی و یروب موازنه عمومیهده آچیق کورندکجه تنقیص ایدہ ایدہ ربع درجهسندن
 آشاغی تنزیل ایلدی جوامع سائرہ خیرات سلاطینک ایسه اکثر وارداتلری اراضی موقوفه
 حاصلاتی اولدیغندن و بروجہ مشروح بوندن تنزیلات کلیه وقوعبولدیغندن مصرفلری
 قارشولقسز قالمق حسبیلہ بالضروره شونک بونک و قفلری حاصلاتیلہ اداره اولملری ایجاب
 ایلدی بناء علیہ یک چوق اصحاب خیراتک مبراتلری خراب و متروک اولدیکه مشهود آنامدر
 کلهم تنظیماتک اجراسیلہ اداره امور ملکیهده اتخاذ اولنان اصول اداره جدیدہنک تفصیلاتنه
 کلخانہ و تنظیمات فرمان عالیلرندہ بیان اولنان شرائط ایله تنظیمات خیریه اعلان اولندقدہ حکومت
 کیفیهیه مألوف اولان والی و متصرف و ویودهلر و عموماً ملتزمملر بونک علیهنده بولندیغی مثالو
 حکمت حکومتدن غافل و منافع شخصیه لرینه منہمک بعض سادہ دلان ارکان دخی طعن
 و تشنیع ایدرلر و انواع محاذیر بسط و بیان ایلرلر ایدی لکن حقیقت حالده قیام و دوام دولت
 ایچون تنظیمات خیریهک اهم و الزم اولدینی کوندن کونه میدانہ جیقدی و تفرعاتی نو بنو
 اصلاح قلندی بویله امور کلیهده کوچک کوچک یا کلشقلر ضروری اولوب حالبو کہ
 هر شیده نظر و اعتبار کلیاته راجع اولدیغندن بشقه بدایت حالده یولسز کوریلان مواد
 درجه درجه حسن نتیجهیه ایصال قلنمش و الا آن قلنمقدہ بولنمشدر .
 تنظیماتک اس اساسی امیت جان و مال و ناموس قضیهلرندن عبارت اولمغله شرعاً

وقانوناً حکم ترتب ایتدکجه هیچ کیمسه حقننده مجازات اولنماسی ومصادراتک بالکلیه رفعی ومظنون جنایت اولانلر حقننده جاری اولان اشکنجه ماده فجیعہ سنک ترکی متعدد فرمانلرله تنبیه وتأکید وهرقنغی مأمور اولورایسه اولسون ونه رتبه وحیثیتده بولنورسه بولسون افعال مردوده مزبوریه متجاسر اولانلرک مجازات شدیدیه گرفتار اوله جقلری اعلان واشاعت قلندی زیرا ولاته ومتسلمین شهر وقصبه لرده اغنیادن بریسی کوردکاری آنده یاقباححت جزویه یه بناء ویاخود کلیاً بی اساس برافترایه ابتناء قتل ونفی مثللو مجازات شدیدایله تهدید ومال واملاکی مصادره وتجريم ایتکی اعتیاد ایدنمشلر ایدی . عصر سابق وکلاسندن اولوب آیدین وادرنه وبروسه وسلانیک والیلکلرنده بولنان طاهر پاشاوعاکف پاشا وناغد پاشا وصدر سابق خسرو پاشا وحسیب پاشا کی عظاما خلاف تنظیيات حرکات تهمتیه تحت محاکمه یه آلوب مأمورین سائریه عبرت کوسترلدی اگرچه بولر حقننده اولوقتده خارجیه ناظری اولوب تنظیياتک مؤسسی اولان ومتکلم وحده بولنان رشیدپاشانک بعض مرتبه اعراض شخصییه سی مروی وتقویم وقایع نسخهلریله نشر اولنان مقالات نوعما بونی مؤید ایسه ده تنظیياتک تقرری بومثللو تهدیدات وعبرته محتاج ایدی .

تنظیياتک اساسلرندن بریسی دخی هر نوع واردات دولتک طوغریدن طوغرییه خزینه یه کلوب هر درلو مصارفک دخی خزینه دن اعطا اولنسی ماده سی ایدی . چونکه فصول سابقه ده بیان اولندیغی اوزره سلطنت سنیه نك الباشلو وارداتی اولان اعشارخاص هایون ومقاطعات میریه وزعامت وتیمار ومالکانه مقاطعاتی ویوردلق وواجقلق ووقوف ناملریله منقسم اولمغله خاص هایون ضربخانه عامرهدن ومقاطعات میریه خزینه طرفندن ولاته ویاملتزمینه الزام ودیکرلری دخی اصحابی جانبندن یابالذات تعشیر اولنور ویاخود الزام قلنورایدی تنظیياتک برنجی وایکنجی سنهلری کافه اعشارورسومات امانه اداره ایتدیرلدی لکن معشرلرک ارتکاباتندن بشقه ذخائر مدخره یی حفظ ایتک ووقت وزمانیه صائمق دولت مأمورلرینک یاپه ییله جکی شی اولمدیغندن کلیتو خسار نمایان اولمغله تنظیياتدن اول ملتزمک متجاسر اولدقلری مظالم وتعذباتک ازاله سی وقاعده معتدله وجهله استیفای حقوق عشریه قلنمسنی متضمن نظامات وضع ویاتأسیسیله ینه الزام اصولنه رجعت قلندی مالیه ناظری اسبق صفوتی پاشا مرحومدن مسموع فقیر اولمشدرکه بدایت تنظیياتده درت سنه قدرمالیه نظارتنده بولندیغی حالد امانتاً اداره اولنان سنهلرک کار وضرری شویله طورسون قایچ غروش حاصلات اولدیغی میدان چیقارمق ایچون نصب نفس اهتمام ایلشیکن مقتدر اوله میوب خلفی اولان نافذپاشا مرحومک دخی بوبابده واقع اولان اقدام واهتمامی نتیجه

بخش مطلوب اولیاً مغاله تعیین ماده محکمه کبرایه قلمشدر دیر ایدی

برده و قتیله اراضینک قوه نابتیه سنه کوره اونده و طقوزده و سکزده بر اوله رق تعیین
اعشار اولمش و قیود خاقانی ده هر مملکتک مقدار اعشاری و رسومات متنوعه نك کمیت
و کیفیت تحریر قلمش ایکن بدایت تنظیماتده کار فرما بولنانلرک عدم و قوفلرندن ناشی عشر
دیمک اونده بر دیمک اولوب طقوز و سکزده بر اوله رق عشر استحصال اولنان یرلر ماترملرک
غدر و ظلمنه اوغرایوب تأسیس ایلش ظنیله اونده بردن زیاده عشر النامسی مؤکداً امر
و اعلان قلمشدر . شیخ الاسلام اسبق رفیق افندی مرحوم یا کاشقله بویله بر حقوق
مشروعه اضاعه اولندی دیو تأسف ایدر ایدی .

مقاطعات امیرییه نك غیریسی اولان و اعشاری اصحابنه عائد بولنان اراضی که بر وجه
بالا خاص همایون ایله مالکانه مقاطعاتی و زعامت و تیمار و اوقاف و یوردلق و اوجاقلق
ناملریله منقسم اولان اراضیدر بونلرک امانه اداره اولندقلری اوچر سنه نك حاصلاتی
بالتلث بدل تعیین اولمق و سنه بسنه جانب خزینه دن اصحابنه و یرلمک اوزره قرارلشدیریلوب
اجرا اولندی . انجق بر طاقم ارباب نفوذ اعمال قوه نفوذ ایله طشره لردن حاصلات
واقعیه نك بر قاق مثله مضبطه لر کتوروب موجبنه مالک اولدقلری مقاطعه و زعامتلیرینه
اضعاف مضاعفی اوله رق بدل تقدیر ایتدیردیلر و هنوز بدله ربط اولنمیان مقاطعات اصحابندن
اشترا ایدرک و اولوجهله خلاف واقع مضبطه لر جلب ایلیه رک عشر تعیین ایتدیردکلری
پک چوق واقع اولمشدر .

ینه تنظیمات اساسی جمله سندن اولمق اوزره و یرکونامیه طشره لرده توزیع اولنان مبالغ
سنه بسنه خزینه مالیه یه کوندرلمسی امر اولندی فصول سابقه ده تفصیل اولندیغی وجهله
و یرکونک ماضع لسی اولان شیلردن ولایه و متصرفین حضریه و سفریه لری توزیع دفترلری
تصدیق ایتدکلریچون حکام شرعشریفه و یریلان خرج امضا و کلوب کیدن مباشرلره
اعطا اولنان خدمت مباشریه و مسافر خانه مصرفلری کلیاً الغا اولندی چونکه حسب تنظیمات
بیوک و کوچک کافه مأمورینه معاش تخصیص قلمش ایدو کندن جمله سی مصارفات واقع لری
معاشلرندن تسویه ایلک و هیچ کیسه دن بر آچیه و بر حیه مطالبه و اخذ اتمام
شروط اعظمندن ایدی و ینه و یرکودن تسویه اولنه کلان حکومت قوناغی و کویری
و قالدیرم مثللو شیلرک مصارفات الشائیه و تعمیریه لری و منزلخانه مصرفلری خزینه
جلیله دن اعطا اولنه جنی اعلان قلندی بناءً علیه هر قضانک محصلی هر سنه توزیع اولنان
مبالغت مقداریغی تحقیقه قیام و بعضلری شمعی یه قدر بلا فرمان توزیع اولنان مبالغی

سلطنت سنیہ متجاسر لرندن استرداد ایدہ جکدر دیو وجود مملکتی اغفال ایدرک توزیعات سابقہ یکوئی قیادتیلر و اعتقادلرنجه دولته خدمت ایلدیلر. لکن بعض مملکتلرک وجوهی نتیجہ مصلحتی درک و تفتن ایلسکه غایت خفیف دفتر تقدیم ایلدیلر.

واقعا توزیعات دفترلری استانبوله کلک و قومیسئون مخصوصندہ بالتدقیق قبولی حاوی فرمان عالی صادر اولمق نظامی اقتضاسندن ایدی لکن ولایة و متسلم و ووددلر خارج از فرمان چوق شیلر علاوه ایدرلر ایدی اشبو دفترلرک موجبنجه هر قضا و قرایه ویرکولر تخصیص اولندقدن صکره شهر و قصبه لردہ واقع املاک تحریر و ارباب تجارتک تمتع مخمنه لری درجات وضعیله ترقیم اولنهرق آرو آرو ویرکولر طرح و توزیع اولندی. لکن تحریر املاک و تمتعات ماده سی امر عظیم و وقوعات یورتک تکلفات مادیه یه موقوف اولدیغندن بوقاعدہ باشه چیقاریله میوب ایکی سنہ مرورنده هر شهر و قصبه و کویلرک معین و مخصوص اولان ویرکولری قومشوجه توزیع و تقسیم و بالتحصیل خزینہ یه تسایم قانمسی اختیار قلندی یدی سکیز سنہ بوقاعدہ جاری اولدقدن صکره الآن مرعی اولان تحریر املاک اصولنه تشبث و سنہ بسنہ اکلانه اعتنا قانمشدرکه الی هذه الآن سعی و غیرت اولنمقده در.

کراسته و کندیر و کهرجله مثللو تکالیف عینیه ایلہ مکلف اولان قضالره دخی ویرکولر وضع اولنوب او مثللو لوازمات حربیه یی دولت پارده سیله مبايعه ایدہ جکدر دینلدیکی کبی بعض کویری و طریق تعمیر و تنظیمی مقابله سنده ویرکودن معاف اولان کویلره دخی ویرکو وضع اولنش و مکلف اولدقلری شیلرک جانب خزینہ دن تسویه قلنه جنی اعلان قانمشیدی. برقاج سنہ مرورنده خزینہ نک تعمیراتی درعهده ایلدیکی شیلرک خراب اولمغه باشلادیغندن پیدرپی محملرندن استدعالر کلدکجه پک جزئیسی اجرا اولنه بیلوب ماعدالری استعمالر ایلہ و بو سنہ خزینہ نک وقتی یوقدو جوابیله کچشدیریلور اولدی لکن کیتدکجه خرابی تکثر ایدرک خزینہ ایسه واردات مقررہ سیله مصارف دائمه سنی اداره دن عاجز قالدیغندن اومقوله مملکتک مصارفی رؤیت ایتک ایچون شهر و قصبه لردہ بلدیہ صندوقلری کشاد اولنوب قنطاریه و کیالیه مثللو رسومات متفرقه بوصندوقلره ترک اولندی.

فصل سابقده ذکر اولندیغی اوزره ذخیره یتاغی اولان محملردن کیله سی یکر میشر پارده فیئات مقطوعه ایلہ و مبايعات امیریہ ذخیره سی نامیله ذخایر کلیه مرتب اولوب بو ذخیره استانبوله کتوریلوب و تعینات عسکریه و سائرہ بوندن ایفا اولندقدن صکره بقیه سی رایج وقته کورده فرونلره توزیع اولنور ایدی. حسب التنظيمات بو دخی رفع اولنوب اکمکچی

اصنافك دیله و کله یی یزدن ذخایر مبیاعه ایدرک طوتیلان چاشنی به تطبیقاً تعیین اولنان نرخ ایله صائماری اعلان قلندی. لغو اولنان اشبو مبیاعات ذخیره سنک اداره سی ایچون دولتیجه مناصب معتبره دن اوله برق ذخیره ناظری و خزینه کتبه سی وار ایدی. آرتق بولره لزوم قالمیوب فقط وکلا لاق مناصب دن اولمق و ممالک محروسه نك تکثیر زراعتنه چالشمق اوزره زراعت نظارتی احداث اولمقله معیتنه مستشار و مجلس و مکتوبچی و محاسبه جی و کتبه و مأمورین ترتیب و تشکیل اولندی شوراسی غرائب دندرکه اینکی اوچ سنه ظرفنده نظارت ممبر بوره ذخیره خزینه سنده مدخر اولان مبالغی معاشات مخصوصه ویردکن صکره ا کمکچی الصنافدن اولان بقایای تحصيل و معاشره توزیع صرف همت ایدوب بو دخی ختامه برسیده اولدقله غیر یی ایش قالمدیغندن هیئت نظارت طاعلمشدر .

جزیه شرعیه اوروپا لولرک اک زیاده کوزلرینه باتان دیکن اولوب بو اوانده ایسه اوروپا لولری خوشنود ایدمک دولتیله نك دول متمدنه مسالکله سلوک ایتدیکنی کو مترو جک شیر التزام قلمقده اولدیغندن درجنک اول علی الرؤس جزیه جبا یتنی الغا و بطریق قهخانه لر معرفتیه عن جماعه تحصيله قرار ویرلدی لکن تنظیما تک ایکنجی سنه سنده مؤسس و حامی تنظیما ت اولان رشید پاشا موقع اقتداردن ساقط و عزت پاشا صدارته و صفوتی پاشا مالیه یه صاعد اولمقله مشیرلک نظامی نامیه تنظیما تک مواد متفرعه سی اصلاح اولدیغنی حصرده جزیه نك علی الرؤس جبا یتی اصولی اعاده قلندی زیر ا بطریق قهخانه لر دخی عن جماعه استیفای حقوقدن اظهار عجز ایتشلا ایدی بش آلتی سنه صکره که رشید پاشانک کوکب اقبالی تکرار ضیا پاش کال اولدیغنی زماندرینه عن جماعه تحصيله رجوع اولوب نهایت قریم محاربه سی اوانده صادر اولان اصلاحات فرمانی حکمنجه بدل عسکری به منقلب و صور اجرائیه سی برقچ هیئته متحول اولدیسده آلان برقرار صحیح و سالم تحتنه وضع اولنه مامشدر .

وقعه خیره دن صکره اصول اداره دولت تحویل اولمقله باشلا دیغندن اگرچه وکلا و مأمورینه معاشر تحصیل اولمقده ایدی حسب التنظیما ت کافه مأمورین و کتبه یه ایاقلر تخصیصیه انه کلان خرجلری بعضلری کلیاً الغا و بعضلری خزینه یه ایراد قید اولندی مقام صدارته یوز بیک و وزیرایه یتش بشر بیک و عظمای رجاله یکر میشر اوتوزر بیک و اوچنجی درجه ده بولنان مناصبه اون بشر یکر میشر بیک غروش و قلماره دخی مقدار کافی معاشر تحصیل و ات اکمک تعینلری دخی ترتیب و اعطا قلندی مرکز ایالت اولان سنجاقلره بر والی و بر محصل والویه ملحقه یه امرای عسکریه دن برر

ضابطه مأموری و برر محصل و قضالره دخی کذلک برر ضابطه مأموریه برر محصل و مال و تحریرات کاتبیری تعیین اولنوب و الیلره یتش بشر و کافه محصل و ضابطه مأمورلرینه یدیشربیک بشر یوزغروشدن اونر بیک غروشه قدر و کاتبلره بیک بشریوز ایکیشربیک غروش راده لرنده معاشلر تخصیص قلندیغی مثللو حکام شرع شریفه و انشکیل اولنان مملکت مجلسلری اعضالرینه و ترتیب قلنان ضبطیه و تحصیلدارنفراتنه معاشات متناسبه تعیین قلندی قدیماً مرتب اولان ایالتلر اگرچه ظاهراً ابقا اولنمش ایسه ده قضا محصلنک سنجاقل و سنجاقل محصلنک مرکز ایالت محصلنه ارتباطی اولمیوب جمله سی مستقل اولمغه بر والی ایله قضا ضابطه مأمورینک و عموماً محصللرک وظیفه جه یکدیگرنندن فرقلری یوغیدی بر ایکی سنه قد بو وجهله اداره اولنوب لکن ترتیب اولنان معاشاتک یکونی وارداتی امحا ایش و حتی بعض قضالرک کافه حاصلاتی مصارفنه مقابل کورنمشدر بناءً علیه سالف الذکر مشیرلک نظامی وضع اولنوب بونک حکمی موجبجه ولاتک الویه ملحقه یه حکمی جاری اولمق قاعده قدیمه سی اعاده و معیتلرینه برر دفتردار و هر سنجاغه برر قائممقام و قضالره اهلینک ارباب حیثیت و اقتدارندن برر مدیر نصب اولنوب اشبو مدیرلره معاش مقابلی قیو آلتی حاصلات موضوعه سیله اراضی فراغ و انتقال حاصلاتی و ایکی بیک غروشدن اشاغی اولان محلولات معجلاتی تخصیص قلندی حکام شرع شریفه بر موجب نظام اخذ اولنه کلان خرج موثیق اعاده اولنهرق معاشلری قطع و مجلس اعضالری مملکتلرینک خاندانندن اولنهرق خدمتلری فخری اولمق اقتضا ایدجکندن معاشلری بالکلیه الغا اولندی.

احوال عسکریه

فصول سابقه ده تفصیل اولندیغی اوزره دولت علیه نک بدایت ظهورنده ترتیب و تشکیل اولنوب اولوقتلرده اکثر دولده موجود اولیان عساکر موظفه منتظمه نک ثمره نظام و انتظاملریله سلاطین عثمانیه حضراتی فتوحات متوالیه یه نائل و دشمنلرینک دفع و تنکیلیله کوب شان و شهرتلری اوج کماله واصل اولمشیدی عصر سلیمان خاندن صکره اداره دولت بشقه رنک و هیئته منقلب اولمقدن ناشی موظف و منتظم اولان عساکر عثمانیه نک یعنی یکپیچری و سپاهینک دخی انضباط و انتظاملری مختل و مشوش اولدیغندن تحدث ایدن عتوو طغیانلری درجه درجه تزايد ایدرک سلطان عثمان وقعه فجیعیه سی مثللو نسیانی ناقابل بر مصیبت عظیمه یه قدر منتهی اولدی مؤخرأ سلطان مراد رابع و کوپرلی محمد پاشانک سیف سطوتلریله تأدیب و تربیه اولندیلر ایسه ده هیئت منتظمه سابقه لرینه

ارجاعی ممکن اومدی مع مافیه معایش عسکریه اولان علوفه مخصوصه نك بيع و شراسنه مساعدده اولندقدن صکره مختصات عسکریه نك قسم اعظمی ایرادجیلره منتقل اولمغله جیوش موظفه اطلاق اسم بی مسمی حکمنه کلوب یکچریلک فخری بر خدمت دیمک اولدی پیدر پی ممالک دولت علیه استیلای اجانبه گرفتار اولمغه باشلادی .

بناءً علیه احوال سیاسییه واقف اولان ارکان دولت بیننده عسا کر منتظمه ترتیب نك لزوم و اهمیتی میدانه چیقوب حتی داماد ابراهیم پاشانک اواخر ایامنده بر مقدار عسکر ترتیب و اسلکدارده بر قشله تنظیم اولمشیکن طریق وقعه سننده محو و مندرس اولدینی شمععدانی زاده تاریخننده مسطوردر عصر محمود خان اولده یننه بوداعیه تجدد ایدوب بعض نظامات ولایحله قلمه الیرلمش ایسدهده اجراسنه موفق اولنه میوب فقط طویچی خبره جی اوجاقلرینه عسا کر منتظمه ترتیبه شبیه نظام ویرلمشدی سلطان مصطفی خان ثالث حصر تلری بومقصدک حصولی پک زیاده ارزوایش اولدینی حالده یکچریلک سرکشاکلرندن خوف اولنه رق میدان کتوریلهمدیکی محققدر عصر سلطان عبدالحمیدخان اولده صدراعظم اولان خلیل حمید پاشا عاقل فطین وحمیتکار بر ذات اولمغله عسا کر عثمانیه نك اصلاحنه تشبث ایدوب اوله سرعت طویچیلری نامیله اولوقته کوره منتظم و مکمل وقشله نشین اوله رق ایکی بیسک نفر طویچی تحریر و خبره جی ولغمچی اوجاقلرینی دخی بر درجه دها تنظیم ایلدی ثانیاً سرحدده بولسان یکچریلری یوقلمه ایتدیروب کلیتو محمولات میدان چیقارمش و مخرب نظامات عسکریه اولان علوفه بيع و شراسنی کلیاً منع ایدرک استانبولده بولسان یکچریلک دخی یوقلمه مسنه شروع ایش اولمسیله تحدث ایدن قیل وقال خصمانه سر رشته اعتراض اوله رق القات مفسد تکارانه ایله بیچاره بی قتل و اعدام ایتدیردیله و بقای دولت ایچون اهم و الزم اولان اوله بر تشبث خیرک تأخرندن حاصل اوله جق نتایج وخیمه بی یادرک ایدهمدیله و یاخود اختیار ایلدیله متأخرین ارکان دولتدن قیوجی مراد پاشا و کوپرلی محمد پاشا سکسان طقسان یاشنده اولدقلری حالده اصلاح مزاج دولت ایچون راحت و حضوری ترک ومدت صدارت لرینی سفرلرده آت اوزرنده و انواع مشاق و مخاطرات ایچنده مرور ایشکن تتابع دهور مزاج ابنای زمانی افساد ایلدیکندن مشارالیه مزاج و مشوارنده جوان طبع و یأس و کسلدن عاری ذاتلر و اوصاف برگزیده بی جامع آدملر یتشدیرمکه مزرعه دولتک قوتی قالممغله نه راغب پاشانک فضل و کالندن ونه ده قوجه یوسف پاشانک امیانه فدا کارلغندن برثمره نافع حاصل اولمامشدر یوز سکسان ایکی وایکی یوزایکی سفرلرنده اورویالولرک عسا کر

منتظمه سینه باشی بوزوق حکمنده اولان جیوش اسلامیه نك مقابله ایدمیه جکی عامه ارکان دولت نظرنده مرتبه ثبوتیه واصل اولمش اولمغله سلطان سلیم مرحومك اوائل سلطنتنده نظام جدید نامیله عساکر منتظمه ترتیب وقشله وسائر لوازماتی تئیم اولنوب تکثیر وتنظیملرینه اقدام وهمت قلمقده بولنمشدی لکن مدیران سلطنت بوعسکرک یکچیچریلرله برابر دوام وبقای حیزامکانده اولدیغنی تفتن ایتکله وبرقاج سینه ظرفنده عساکر مرقومه یکچیچریلری الغا ایدمیه جک مرتبهیه رسیدم اولمغله بغته یکچیچری اوچاغنك رفعی خصوصنده متفق الکلم بولنمشلر ایسه ده سلطان سلیم خان حضر تلیزینك حلم وشفقتلری مانع محاسرت اولدیغندن یکچیچریلر فرصتی دوشیروب شهریار مشارالیهك خلعیله ارکان دولتی کشته شمشیر اعتساف وعساکر منتظمه یی دخی محوواتلات ایلدیلمر علمدار پاشا وقعیه سی دخی اشبو مقدمه یه تالی اولدی .

بوندن صکره یکچیچریلرک کانون عتووطغیانلری لهیب افروز اشتعال اولوب وقعیه خیریه قدر بر اختلال دائمی ایچنده بولندیلمر بوجله امثالی غیرمسبوق صورتده متمد اولان آزغونلقلری نفرت عامه یی مستلزم اولدیغندن وقعیه خیریه ده پک قولایلقله تنکیل والغالری میسر اولدی نظام جدید عسکرینك یکریمی بیکنن زیاده یه واصل اولدیغنی تاریخلرده روایت قلمقده ایسه ده بونلرک ساکن اولدقلری سلیمیه قشله سی شمدیکی قشله نك ثانی راده سنده ولوند چفتلکی دها کوچک اولدیغنی اووقتلی مدرک اولنلر متفقاً روایت ایدرلرایدی بوحواله کوره مذکور قشله لرک اولمقدار عسکرلی استیعاب ایدمیه جکی درکار اولدیغنه وقونیه والیسی قاضی پاشا معیتنده وبولی متسلمی احمد آغا رفاقتنده تنظیم قلممش وقونیه وبولیده انشا اولنان قشله لرده اقامه اولنمش اولان نظام جدید دخی ایکی اوچ بیك کشیدن عبارت ایدوکی کذلک مسکنلری دلاتیله میداند بولندیغنه نظراً یکریمی بیك راده سینه وارمق مستبعددر اکثر خلک مشهود اولان جمعیت عسکریه یی اوچ مثلی تخمین واشاعه ایللری طبایع بشریه اقتضاسندن اولدیغندن بوروایتك دخی اوقیلدن اولمسی ظن اولنه یور بروجیه مسطور استانبول وقونیه وبولیدن غیری یرده نظام جدید یاپیله میوب جبار زاده دخی تعهد ایتمش ایسه ده فعله کلامشدر چونکه جبار زاده عاقبت اندیش بر آدم اولدیغندن بوخصوصده جانب سلطنت سینه دن وقوعبولان تکلیفی ودایده میوب فقط بنده بند برلایحه تقدیم ایدرک مألنده امر دولتی اجرا ایدمیه جک ایسه ده ایشك نيك وبدنه متداخل ومسؤولیتنه شریك اولمیه جغنی بیان ایتمش و صدر بولنسان کچی بوینوزی ابراهیم پاشا دخی هر بندنک اوزرینه شرح ویروب تمهیر ایشدر بولایحه

منظور فقیر اولوب تاریخچه نظراً سلطان سلیم مرحومك اواخر ایام ساطنتی اولق حسیله موقع اجرایه کله مدیکی وقوعات دلالتیله متبییندر .

وقعه خیریه نك ایرتسی کونی عسا کر منتظمه تحریرینه شروع اولنوب پیدرپی تکثیرینه اقدام قلممقدمه اولدیغی حالدده ایکی سنهیه وارمق سزین روسیه سفری ظهور ایدوب عسا کر منتظمه ایسه هنوز اوتوز طابوره بالغ اولمامشدی حسب القدر مسفولولر مظهر غلبه اوله رق ادرنهیه قدر پای انداز تجاوز اولملریله استانبولده یکیچری بقیه سی وغیر - تکشلی اولان اجلاف بومغلوبیتی یکیچریلرک الغاسنه وجیوش منتظمه ترتیبینه عزو واسناد ایدرک انواع قیل وقاله جرأت وبعض مرتبه نمایشه محاسرت ایتشلر ایسه ده سلطان محمود خان حضرتلری مهیب وغیور برشهریار قوی العزم اولدقلرندن اصلا فتور کتور میوب لازم کلنلری تأدیپ وتأسيس نظامات عسکریهیه فوق الغایه اهتمام ایتکله برطرفدن قشلهلر وخسته خانهلر ودبویلر یاپیلور وبرطرفدن عسکرک تکشیریله برابر اورویادن تعلیمجیلر وخواجهلر جلب قنهرق تعلیم وتعلمك اکلنه چالیشلور ایدی عسا کر منتظمه موظفه خاصه ومنصوره نایله ایکی صنفه تقسیم وبعض وزرا معیتلرنده دخی طابورلر تشکیل اولونوب الی التمش بیك راده لرینه بالغ اولدیغی حالدده الی تاریخنده اناطولی وروم ایانك ایالات مناسبه سنده عسا کر ردیفه ترتیب وتحریر اولندی اشبو عسا کر ردیفه هر سنجاقدده اوچر دردر طابوردن عبارت اولمغه هر ایالتك اونر اون ایکیشر طابور ردیفی حاصل اولوب ولایة عظام بونلرک مشیری وقوماندانی ایدی اهلینك شوق وغیرتلیرنی مستلزم اولق اوزره عسا کر مذکور دنك بیکباشی وقائمقام ومیرالایه قدر ضابطانی ممالک تلیرنك اعیان ووجوه زاده لرندن ترتیب اولنوب عسا کر منصور دنك ربع معاشلری ویریلور . وهفته ده ایکی کون البسه عسکریه یی لابس اوله رق تعلیم ایدرلر وسائر کونلرده ایشلریله مشغول اولورلر ایدی .

سلطان محمود خان حضرتلری بدایت نظامده اندرون اغالرندن برطابور ترتیب ایدوب تعلیم ایتدیرر وبعضاً بالذات کندوسی قومانده ایلر ایدی سرعسکر خسرو پاشانك اوتهدنبرو دائر دسندده یتمش سکسان کوله اکسیك اولیوب بونلری او قودور ویازدیرر وبعضیلرینی اوروبایه کوندروب تحصیل فنون ایتدیرر ایدی . نوبنو کشاد اولنان عسا کر خاصه ومنصوره طابورلرینه بونلردن ضابطان انتخاب قلممقدمه ایسه ده فنون حربیه یی تعلیم وتعلم ایتدیرمك اس اساس نظام اولدیغی تبین ایتکله الی بر سنه سی مکتب حربیه انشا وخواجه وشا کردانی ترتیب وتنظیم اوله رق مقتضیات عسکریه اجرا قلندی . یعنی

ردیف‌لر عسا کر منصوره‌یه قلب و ضابطانی مملکت‌لرینه ارجاع قلوب بش سنه خدمت
عسکریه‌ده بولندقدن صکره ردیفه چیقماق نظاماتی و تفرعاتی اعلان و خاصه ودر سعادت
وروم ایلی و اناتولی و عربستان اردولری نامیله بش اردو تشکیل اولنوب هر بریسنگ
سواری و پیاده و طوپیچی اوله رق اوتوز بیک کشیدن مرتب اولسی تصویب قلندی .
چونکه بدایت نظامدن برو عسا کر خاصه و منصوره‌یه النان نفرا تک خدمت‌لری مدتی
غیر معین اولدیغندن خلق عسکره کیدن اولادلرینه فوت اولمش نظریله باقرلر و بوجه‌تله
عسکرلکدن کمال مرتبه نفرت کوسترلر ایدی .

وقتیله سلطنت سنیه‌نک صنوف عسکریه‌سندن بر شعبه اولان تیمارلو سواریسی یوز
بیکدن متجاوز منتظم و مکمل و امور حربیه‌ده و فن فروستده ماهر ایالات عسکری
ایکن فصول سابقه‌ده بیان اولندیغی اوزره درجه درجه نظام و انتظام‌لری مختل
اولدیغندن وقتاً بوقت اصلاح احوال‌لرینه اعتنا اولنمش و عصر عبدالحمیدخان اولده توجیه‌اتلرینک
اجراسی و بر طرفه مأموریت‌لری وقوعنده صورت حرکت‌لری حقنده نظامات جدیده
وضع اولنمشیدی . ایکی یوز بش سنه‌سنده اناتولی ایالتنک بالجه سپاهیسی اسماعیل قلعه‌سی
محافظه‌سنه مأمور اولدقلری حالد روسیه‌لو حرباً قلعه مرقومه‌یه مستولی و یک چوق
تلفات واقع اولدیغندن شهدانک کیفیات و مقداری تبیین ایدنجه‌یه قدر محلول دینیان
تیمارنک توجیه اولنماسی خصوصنه اراده سنیه متعلق بیورلمشیکن بعدالمصالحه اصحاب
تیمارنک اکثریسی حیاتده و بلده‌لرنده استراحتده اولدیغی نمایان و سفره کلیوب برر صورته
الای بکلرینی و سائر ضابطلرینی ارضا و اسکات ایلدکلری عیان اولمغین هم ارباب تجارتی
بر نوع تأدیب و همده نظام جدید ایچون واردات بولمق مقصدیله تیمارات محلوله جبه‌لورینه
یعنی ملازم‌لرینه توجیه اولنمیوب جمله‌سی مقاطعه‌یه تحویل و میری‌یه ضبط اولمق جاری
ایدوکی فصول سابقه‌ده اتیان اولنمشدر بناءً علیه زعامت و تیمارلرک مقداری تنزل ایتیش
ایسه‌ده ینه یکر می اوتوز بیک سپاهی موجود اولدیغندن بونلرک عسا کر منتظمه هیئته
قونلسی تصمیم و آلایلر ترتیبیله امرای عسا کر موظفدن و کندولرندن ضابطلر نصب
اولنهرق تعلیم و تنظیم‌لرینه اعتنا قلندی یدی سکر سنه بویله‌جه مرور ایلدکدن صکره
آلتمش تاریخنده عسا کر ضبطیه وظائفی ایفا ایلملرچون حکومت اداره‌لرینه جلب اولندیلر
صدر اسبق مترجم محمد رشدی پاشا مرحومدن استماع قلندیغنه کوره ذکر اولنان سپاهیله
سنوی ایکی یوز بیک کیسه‌یه قریب تیمارات بدلاتی اعطا قلنمقده اولدیغی حالد لایقیله
استفاده اولنمه‌دیغی و بو قدر پاره ایله مکمل و منتظم یکر می بش سواری اداره

اولیه بیه چکی تذکر و مصالحه قنبدیغندن التمش اوچ سنه سی کافه ارباب تیمار باقید حیات نصف بدل تیمار ایله تقاعد ایدلدیلر .

واقعا وزرا و امرانک سوء استعمالاتیله اکثر زعامت و تیمارلر نا اهل و ضعفاالترینه کچوب عادتا ماکل حکمنه کیرمش اولدیغندن بونک اصلاحی لازمه دن ایدی لیکن کلیاً الغا اولمقدن ایسه تحت نظام و انتظامه آلمسی دها خیرلو اوله جنی شمیدیکی خالد متفق علیهدر چونکه لسان قانونده صاحب ارض دینیلان سپاهیلر تیمارلری داخلنده بولنان قیرانک جدبجد ضابط و حامیسی اولدیغندن اهالی نظرنده قدر و حیثیتلری و قوه عصیه لری وار ایدی و زراعت و حرثتدن خالی قالماسی منفعتلری اقتضاسندن ایدو کندن اهالی به اقتضاسنه کوره چفت و تخم ادانه ایدرلر و صو باصمق و بطاقلق حاصل اولمق کبی مانع زراعت حالات وقوعنده اهالی بی جمع ایدوب علی قدر الاستطاعه دفع مضرت ایلرلر ایدی . برده بونلرک لوازماتلرندن بولنان الک برنجیسی آت اولدیغندن دائماً حیوان یتشدرمکه اعتنا ایدو کملریله ممالک محروسه ده استنادیکی قدر حیوان بولنور ایدی که بوماده مهمه یتمارلورلرک الغاسندن یکرمی یکرمی بش سنه صکره لری عسا کر نظامیه ایچون ممالک دولت علیه ده حیوان بولنه میهرق ممالک اجانبه مراجعت اولمق مجبوریتیه ثابت اولمش واسلافک بومثللو تأسیساتده اولان دقایق و مطالعاتی بونکله دخی تحقق ایلمشدر .

بالاده تسطیر اولندیغنی اوزرد طوپچی و خبرده جی و انجی او جاقلری الی آلمش سنه دنبرو فی الجمله نظام و انتظام تحتنه وضع اولمش ووقعه خیریه ده خدمت دولته بولمش اولدقلرندن بونلرک الغاسی طرفنه کیدلیوب اصلاح احوال و توثیق نظاماتلرینه مباشرت و جورباجی و اوسته و سائر یکیکچریلر منسوب ناملرله مسمی اولان ضابطلرینه عسا کر منتظمیه تطبیقاً یوزباشی و بیکیباشی دینلوب طابورلر و آایلر ترتیب قلندی و جمله سی بر اشدریلوب طوپخانه مشیرلکی احداث اولندی جلوس عبدالحمید حانیدن صکره حربیه نظارتی که اولعصرک اصطلاحنجه اعمالات لوازم حربیه ایله مکلف ایدی بومأموریت و بار و تخانه لر نظارتی کاملاً طوپخانه مشیر لیکنه علاوه و الحاق قلتمشدر .

ترسانه عامره نک کدکلو تعبیر اولنور طوپچی و آرمادور نفراتی ایچون جزایرلی حسن پاشا مرحوم قشله انشا ایتدیروب علی الدوام ترسانه ده توطین ایش و نظام جدید شروع اولندیغنی وقت بالجمله قیودان و کمی خواجه لرینک و طوپچی ضابطانک وظیفه لری تزیید و تنظیم قلتمغله برابر کیلر مطبخلر انشاسیله عسا کر بحریه چوربا و پلاو ویرلمکه باشلامش ایسه ده بنه هر سنه روز حضرده ساحل اولان یرلردن بیراق عسکری تعبیر اولنان

کوکلو عسکرلری کاوب کیلر دالتقسیم سفر دریا ایفا اولندقدن صکره روز قاسم د مملکتلری یه
کیدولر و بونلر قوری تعیین و یریه کلدیکندن کیمک ایچند بقال و مناود کانلری آچوب
سفینه لرك ایچنی چارشو و بازاره دوندیررلر ایدی .

آرمادور نفراتنك اکثر بسی روم طائفه سندن ایکن روم اختلالند بونلردن سلب
امنیت اولندیغندن طرد اولندیلر ایسه ده فن دریاده کسب مهارت ایتشن اوللریله عصاتنك
خیلیجه ایشلرینه یرادقلری اول عصرده یتشمش اولان قپودانلردن استماع اولنور ایدی
وقعه خیره دن صکره ارتق بایراق عسکری ابطال و عسا کر منتظمه بحریه ترتیب اولنوب
روملردن ینه نفرات آلمغه باشلامش ایسه ده جیخانجه کی مهم ایشلردن و اونباشی
و چاووشدن بیوک ضابطا کده استخدام اولنمز لر ایدی آلتش دوت تاریخنده ینه ترک اولندی
سلطان محمود خان حضر تلری عسا کر منتظمه نك ایلروله مسنه بالذات اقدام بیوردقلری
مثالو ترسانه نك دخی اصلاحنه اهتمام بیورملریله اوروپادن خواجهلر و معمارلر و مهندسین
جلب ایتدیروب مکتب بحریه یی تشکیل و فنون بحریه یی تعلیم ایتدیرد کلرندن ماعدا
طالبه نك مستعدلری لوندرده اعزام وانکلیز کیلرند سیر و سیاحت ایتدیریلرلرک علماً
و عملاً فن دریاده ماهر ضابط و قپودانلر یتدیرلرک اعتنا و غیرت قلندی

سفن جسیمه نك تعمیر یچون عصر سلیم خاند بر حوض یاپلدیغی مثالو سلطان محمود
وسلطان عبدالحمید زمان سلطنتلرند دخی برچوق انشا و ترقیات فن بحریه تطبیقاً فایزیه
و دستکاهلر و محزنلر بنا اولنوب ترسانه عامر نك کوندن کونه اکمال نواقصنه همت قلندی
وسلطان عبدالعزیز خان حضر تلرینك اقدام مجددانه لریله اوروپاده و ترسانه ده اون بش قدر
بیوک و کوچک زرهللی سفن حربیه یاپدیرلدی ضبط و ربط ممالک و محافظه طرق و مسالک
ولایه یچون و متسلمین و ویوده لر کندی بدنلرندن دلی و تفنکچی و سکیان ناملریله عسا کر متنوعه
استخدام ایدرلر ایدی تنظیماتدن صکره هر ولایتک اقتضاسنه کوره ضیطیه نفراتی و اموال
امیرییه نك استیفاس یچون تحصیلدارلر تعیین و صکره لری عسا کر منتظمه یه تطبیقاً آلا
وطابورلر و ضابطان ترتیب اولنوب الحاله هذه استکمال نظامات و انضباط ادارملریه
چالش مقدمه درکه بو کونکی کونده یعنی اوچ یوز بر سنه هجریه سنده مقدار ضابطان و نفرات
اللی بیکی متجاوز و مصارفات واقعه لری ایکی ملیون لیرایه قریبدر .

احوال مالیه

سلطان مصطفی خان ثالث حضر تلری مبالغ کلیه ادخار ایتشیکن سکسان ایکی سفری
اوغورنده استهلاک اولنوب حتی خلیل حمید پاشا برهند ایلچیسینه مکالماتده سفر مزبور

ایچون یالکز خزینۀ دولتدن ایکی یوز بیک کیسه صرف اولندیغنی سویلمشدر اول عصرده یلدرز التونی دوت دوت بحق غروش راده لرنده اولق حسبله سالف الذکر ایکی یوز بیک کیسه شمیدی حساب کوره اون ایکی ملیون لیرا درجه لرینه بالغ اولور و مذکور سفر ایسه بش سنه تمتد اولدیغندن ظاهر حالده بوقدر مصرف آذربشی کورینور لکن فصل سابق تکمله سنده بیان اولندیغنی اوزره سفره مأمور اولان ولایه و متصرفین حوزه حکومتلری ایچنده بولنان اهالی یه سفریه نامیه ویرکو توزیع و تحصیل ایتدکلرندن ماعدا صیف و شتا ترتیباتی اوله رق هر بر مملکتدن تحریر اولنان جیوش اسلامیه ناک لوازمات سفریه لری و الی ایلق علوفه کذلک مملکتلری اهالیسنه بالتوزیع استحصال اولنه کملکه وزعامت و تیمار اصحابی دخی ذاتاً دیرلکلری حاصلاتیله موظف بولمغله بونلر خزینۀ دولتدن ویریلان پاره ناک خارجنده در قینارجه مصالحه سندن صکره سلطنت سنیه ناک آز وقت ظرفنده ینه حربیه مجبور اوله جغنی تحقق ایتک حسبله دونمانک تکثیرینه وطونه سوا حانده استحکامات انشاسنه و ذخیره ادخارینه اقدام اولمغله برابر اس اساسی لوازم اولان پاره استحضرینه دخی اعتنا اولنوب ضربخانه عامرده اوتوز بیک کیسه تهیه ایدلمشیدی ایکی یوز بر سفری ظهورنده در حال اوتوز بیک کیسه قدر مبالغ دها تدارک اولندی که جزایرلی حسن پاشانک مصردن کتوردیکی و اعانه حربیه اوله رق کندوسنک اعطا ایلدیکی یکر می بیک کیسه ایله حلب جوارنده واقع مقاطعات امیریته ناک مالکانه مقاطعاتنه تحویللیله طالبلرینه صائلسندن حاصل اولمشدر

حساب سالف الذکر اوزره بونلرک مجموعی دخی دوت ملیون لیرایه قریب بر مبالغه بالغ اولور عصر سلیم خانیده نظام جدید تنظیمنه شروع اولندقدن مصارفنه قارشو لاق تدارکی لازم کملکه قدیم شق ثانی دفتر دارائی نظام جدید دفتر دارلغنه تحویل و مستعمل خزینۀ تشکیل اولنوب بموق وانفییه و افیون کبی شیایر یدواحد اصولی اوزره تحت انحصاره الهرق و زجریه رسمی ازسرنو تنظیم قلنه رق بونلرک حاصلاتی نظام جدید خزینۀ سنه ایراد قید اولندقدن بشقه محلول اولان جسم مالکانه مقاطعاتی و تیمار وزعامتلر دخی خزینۀ مرقومه طرفندن ضبط و سائر صورتلرله واردات بولندقجه ضم و علاوه قلنور ایدی حتی سلطان سلیم مرحومک خزینۀ اورا قده منظور فقیر اولان برقطعه خطا هابونلری مفادی (والدهم مرحومۀ ناک خاصلری نظام جدید خزینۀ سنه ویرمکی تصور ایلدم ایسه ده والده خاصلری ایدو کندن و قتیله اخراج قلنور مطالعه سنه مبنی ترسانه ده انشا اولمقدن اولان حوض مصارفنه قارشو لاق تخصیص ایلدم) حکمنی متضمندر که نظام جدید خزینۀ سنک توسیعه نه درجه لرده اقدام قلندیغنی بوندن معلوم اولور

بعض تواریخك روایتہ كورہ نظام جدید خزینہ سی وارداتی یتیم بیك کیسہ یہ رسیدہ اولمشیکن وقعہ معلومہ دہ خزینہ مذکورہ الغا و وارداتك بعضلری دخی ابطال و افنا اولنوب قصوری ایچ خزینہ شعبہ سی اولان ضربخانه عامرد خزینہ سنہ نقل اولندی چونکہ مرتہ بعد آخری ذکر وتفصیل اولندیغی اوزرد دولتک میری خزینہ سی وایچ خزینہ نامیلہ ایکی خزینہ سی اولوب مصارف دائمہ حکمنده اولان علوفہ عسکریہ ایلہ بعض مصارفات متفرقه میری خزینہ سنندن رؤیت وتسویہ و فضله واردات ایچ خزینہ تعبیر اولنان اندرون هایون خزینہ سنہ وضع اولنه کمالکله سفر ظهورنده ویاخود مهم بر مصرف کالی وقوعنده اورادن اخراج واعطا قلمور ایدی

ینہ روسیہ سفری ختامندن صکرہ بیك ایکی یوز یکر می طقوز سنه سنندن اوتوز الی سنه سنه قدر واردات مرقومه دن خلیجه مبالغ تراکم ایتیمش اولدیغی خالد روم اختلالنده صرف و استهلاك اولمشدر قرق بر تاریخنده عساکر منتظمه تنظیم اولمغله ینہ قارشولق تدارکی ایچون کرک استانبولده و کرک طشرده واقع جسیهجه شهرلرده رسوم احتسابیه احداث اولندیکه یومیه دکاکن وسائر ددن عبارت اولوب برنوع پانتت رسمی دیمک ایدی حتی شامده حادث اولان فتنه وسلم پاشانک اتلافی بونلردن نشأت ایتمشدر برده اناطولیده واقع اون بش قدر سنجاق ولایه و متصرفینه توجیه اولنیوب متسلم ایلہ اداره ایتدیریلهرک ولایه و متصرفینه عائد اولان منافع مقاطعات خزینہ سی که عساکر نظامیه خزینہ سی دیمک ایدی اورایه ایراد قید قلندی

نافذ پاشا مرحومدن استماع اولندیغنه کورده تنظیمات خیریه قدر معینات مرتبه دن بشقه سلطنت سنیه نك كافه وارداتی الی یوز بیك کیسہ رادلرندہ اولوب بوقدر یازده ایلہ روسیه و مصر سفرلری اداره و روسیه تضمیناتی اوله رق بشیوز بیك کیسہ قدر مبالغ اعطا قلمش اولدیغی خالد عساکر ردیفه دن ماعدا خاصه و منصوره و بحریه و طوپچی اولق اوزرد یوز بیکه قریب جیوش موظفهنك و یکر می قدر اوچ انبارلی و قیاق و فرقتین و بر چوق سفن صغیره نك معاشات و مصارفاتی کونی کوننه تسویه اولنور و مصارفات معتاددن بشقه فضله اوله رق مسقو سفرندہ خسار دیده اولان محللر اهالیسنه ایکیشر اوچر بیك کیسہ ادانه قلمور ایدی که تفصیلاتی اسکی تقویم وقایع نسخهلرندہ مسطوردر بودخی سلطان محمود خان حضرتلرینك كافه مصالح سلطنت سنیه یه بالذات نظارت و حسن اداره یه اهتماملری ثمره سی ایدی خافان مشار الیه حضرتلرینك ارتحاللرندہ طویقپو سرای هایوننده واقع شوقیه دائر دسندہ سکسان بیك کیسه لك التون و مایه و مقاطعات اوقاف و ذخیره

خزینہ لرندہ دخی مبالغ و فیرہ مدخر و موجود ایدو کی ینہ نافذ پاشا مرحوم دن استماع قائم شدہ .
 تنظیمات خیریه اجر اسندہ واردات دولت دفعهً بر مثلی رادہ سندہ ترقی ایتیمش ایسہ دم
 انک مقابلی اولان مصارفات دخی یکون مصارفاتی او نسبتده قیارتدی و تغییر اصولدن
 ناشی واردات تأخر ایدرک خزینہ جه مضایقه حاصل اولدیغندن یوز بیگ کیسهک قائمه
 نقدیه اخراج قانیدی که خزینہ صورتلری مثللو یازمه و مالیه ناظری بوانان صائب پاشانک
 مہر یله مہور ایدی ایرتیی سنہ صفوتی پاشا مرحوم بالاستقلال مالیه ناظری نصب قلنمقلہ
 و مشار الیه فن ادارده ماهر و درایت و لیاقلہ متصف بر ذات اولمقلہ درت سنہ قدر
 تمتد اولان اشبو برنجی نظارتندہ سالف الذکر قوائم نقدیه یی احما و بدایت
 تنظیماتده تخصیص اولان معاشات لایتمصایب تنقیح و الغا ایدرک خزینہ یی بر حسن حالہ
 قویدی که معاشات و مصارفات کونی کونہ اعطا اوانوب حتی بعضاً ای باشندن برکون
 اول عسکرک توزیع معاشاتہ مباشرت قانور ایدی . مع مافیہ وزرائک یتیمش بشر بیگ
 وعظما ی رجالک یکر میشر اوتوزر بیگ و طشرہ دفتر دار و متصرفلرینک اونر اون بشر
 بیگ غروش آیاقلری وار ایدی . تصرفات مشروحه عموم آیاقلردن یوزده شو قدر
 بوقدر کسمک قاعدہ غیر صحیحہ سیلہ اولمیوب لزومسز مأمورلری و اہم اولیان مصارفاتی
 تنقیح ایلہ حاصل اولمشیدی .

دولت عایہنک داخلاً و خارجاً اصلاً دیونی اولمیوب بعض تجارتدن مباہیمہ اوانان
 اشیانک ائمانی اعطا قلنمق اوزرہ تجارہ تکلیف اولندقیجہ مصارف نقلیہ سندن اجتناباً
 المقدن استنکاف ایدرلر ونہ وقت اقتضا ایدر ایسہ اولزمان اخذ ایدرز دیرلر ایدی .
 مشار الیہ التیمش برسندہ و رضا پاشانک انحطاط اقبالندہ عزل اوانوب یرینہ نافذ پاشا
 مالیه ناظری اولدی و خزینہ دم یوز طقسان بیگ کیسہ اموال مدخرہ بولدی بوندن صکرہ
 رشید پاشا دوری ظهور ایدوب امور مالکیہ و مالیه و خارجیه دم تغییرات کلیہ حاصل اولمش
 اولوب آنحق انلرک تفصیلاتی و نتایج طبیعیه سی احوال آتیہ وقوعاتہ عائددر .

سلطان مصطفی خان ثالث عصرندن سلطان سلیم مرحومک اواخر سلطنتہ قدراللی
 سنہ مقداری مدتده بالتدریج سیم مسکوکاتک وزن عیاری تنقیص اولنمقلہ التونک فیاتی
 بر مثلی ترقی ایلدی یعنی یلدیز التونی درت بحق غروش رادہ لرندہ ایکن طقسوز اون
 غروشہ طوغری فیرلادی . سلطان محمودخان حضرتلری زمانندہ کرک التون و کرک کموش
 مسکوکاندہ تبدلات کثیرہ واقع اولمقلہ ابتدای سلطنتلرندہ یکر می بش غروش فیاتلہ قطع
 اولان محمودیہ التونی کہ بر بحق درہم و یکر می ایکی عیارندہ ایدی اواخر سلطنتلرندہ

یتیمش غروشه چیقدی چونکه اگسکره قطع اولنان مدوحیه التونی یکر می عیارنده و یارم درهم وزننده اولدینی حالدده یکر می غروش فیاتله تداخله چیقارلمشدر . سلطان سلیم مرحوم شهزاده ایکن اجداد عظامنک سکه لرینی جمع ایدوب عیارلرنده اولان تفاوتی نظر تأسفه کورر و کندولری نائل سلطنت اولدقده اصلاحنه عزم و جزم بیوررلر ایتیمش . حالبوکه جلوس هایونلری اوان سفره تصادف واسوچ دولتنه اعانه حربیه اوله رق و یرلمسی شرط اتفاق اقتضاسندن اولان سکنز بیک کیسه نک ایفاسی کسب مشکلات ایتمکله بالضروره کموش مسکوکاتک عیاری تنقیص اولندی و بوتدیر ایله دفعه برایکی بیک کیسه منفعت کورلدی . سلطان محمودخان حضرتلری دخی بعض سبکمغزانک القا آتیه ایچ خزینه ده مدخر بولنان نقودی نوبنو احداث اولنان مسکوکاته تبدیل ایتدیرمک غروش حسابیه اولان ترقیاتی منفعت صحیحه اعتقاد ایدرلر ایدی . واقعا بوصورت یکیکچری علوفه سی مثللو معیناتی تنقیص دیمک ایه ده اشیا فیاتنک اوتوز سنه ظرفنده اوچ درت مثلنه ترقیسی مستلزم اولدی . اوائل سلطنت عبدالحمید خانیده یعنی التمش درت تاریخنده تصحیح سکه اولنوب یوزلک التون و یکر میلک مجیدیه واقسامی قطع اولندی . شوراسی جای دقتدرکه سیم مسکوکاتک اگ کمیاری اولان متالک اقسامنک بشاکنده طقسان بش پاردلک قدر مالیت اولدینی حالدده الی سنه دن متجاوز اتونندن جزوی فرق ایله تداول ایلدی . یعنی یکر می بر عدد بشاکه بر یوزلک التون تبدیل اولنور ایدی . بوندن استدلال اولندیغنه کوره بر ملیون کیسه لک قدر نقود مغشوشه قطع اولنمشیکن ممالک عثمانیه منتشر و منقسم اولمق و دوائر امیرییه قبول اولمق و تناسبی مرتبه افراطه و اصل اولماق حسبیه مالیتندن بر مثلن زیاده کسب اعتبار ایتمشدر . بوقضیه یی مؤخرأ قطع اولنان و درجه افراطه ایصال قلنان باقر مسکوکاتک احداثی تأیید ایشدرکه تفصیلاتی احوال آتیه یه عائد اولمسیله اولبابده اطناب مقال اولندی . فقط اشیانک تزیید فیاتی یا لکنز تغیر مسکوکاتدن اولیوب ترقی طبیعی دخی ظاهر اولدی . چونکه ایکی سنه دنبرو مسکوکات بر حالدده ایکن اشیاده بر مثلن دهها زیاده ترقی مشهود اولدی . منلا التمش تاریخیه یتمش تاریخنی بیننده بغدایک بهر کیله سی سکنز و طقوز غروشدن اون بش غروشه و لحم یاز و قیش اعتباریه اوچ غروشدن بش غروشه طوغری ایکن تاریخ تحریر اولنان اوچیوز سنه سی خلانده بر مثلن درجه سنه ترقی ایتمشدر . التمش سکنز و طقوز تاریخلرنده شعیرک کیله سی و خطبک چکیسی التیشیر غروشه مبایعه اولدینی خاطر نشان نامق الحروفدر . سکسان بش و التی تاریخلرنده بعض محالسنده واردات عشریه بر مثلن تزیید ایلدی بودخی اخراجات کمرکنک الغاسیه زراعتک

تکثرندن منبشدر دنیلوب بعضلری دخی بونی رد ایله فیسات ذخائرک برمئلی ارتمسنی واردات عشریه نک دخی اونسبتده تزیایدینی مستلزم اولدی دیو مقابله ایشدرکه برنجیسی حساب تخمین ایکنجیسی حساب بسیطدر . دولتک احوال مالیه سی بومرکزده اولوب ارکان سلطنتک دخی ثروت وسامانلری ودارات واحتشام وعلو جنابلری ایرادونمونه طرزنده بعض واقعات موثوقه لری ذکر وتعداد ایلمک نوعما فائده دن خالی اولمامغله بیانه مباشرت قلندی : ارکان دولت دنیلان صدر اعظم وشیخ الاسلام وقپودان پاشا واجله صدور ووزیر کتخداسی ودفتردار ورئیس کبی عظمای دولتک یالی وقوناق ودائرہ صاحبی کتخدا ومهردارلری اولدقدن بشقه اوتوز قرق دانه ملبس ومزین ایچ اغلری وبر اولقدرده چوقدارلری بولنور واشجی وسایس وقایقجی وسرایدار مثللو خدمه دخی داخل حساب ایدلکده بر ایکی یوز کشی یه بالغ اولور ایدی وسائر دارات واحتشاملری بونسبتده اولوب حتی ابراهیم کتخدا بر دفعه اتلرینک بر مقدارینی بعض بندکاننه اعطا ایتدکدنصکرده ارتق التمش آتم قالدی بعد ازین کیسه یه ویرم دیدیکنی عاصم افندی مرحوم تارینخنده حکایه ایدر . خلیل حمید پاشایه برهند ایلچیسی عرض معاونت زمیننده جانب سلطنت سنیه یه بشبیک کیسه ویره بیلجک لرینی افاده ایدلکده مشار الیه اولقدر پاردی بن وحاضر بالجلس اولان قپودان پاشا پدرمز دخی ویره بیلور دیشدرکه حساب عصره کوره ایکی یوز الی بیک التون قدر ایدر . وقعه سلیم خانیده مقتول اولان والده کتخداسی یوسف اغا و ابراهیم کتخدا و کیزلی ستمه حاجی ابراهیم افندینک اکثر اشیای نفیسه لری قائممقام موسی پاشا وسائر یغما کرانک دست غصب لرنده نابید اولمشیکن مخالفاتلری اوتوز بیک کیسه یی تجاوز ایشدر بونلرک عطایا وتصدقاتلری حقنده ایشیدیلان حکایه دخی عقل قبول ایدهمیه جک درجه لرده مبالغه لی ایسه ده رمضانلرده و سائر اوقاتده فقرا محله سی اولان یرلره مخصوص آدم لر کوندروب محله بقال و آتمکچی وقصابلرینک ذمت دفتترلری رؤیت وفقرا دینلرینی کاملاً اعطا ایتدیرمک عادات جاریه لرندن اولدینی و محبس لرده اولان مدیونینک وقت وقت بورجارینی تسویه ایدمک لکاری متواتر آتابدر . روایات موثوقه دندرکه طویقپولی صالح افندی شیخ الاسلام ایکن سلطان مصطفی خان ثالث حضرترلری تبدیلاً خانه لرینی تشریف ایدوب انشای صحبتده (افندی هر وقت کلمک ایسترم فقط قوناغکنز پک اوزاق یرده در) دیدکده جوابنده (بشقه بر قوناق تدارک قابل ایسه ده جوار مزده بولنان ومنظور شاهانه کیز اولان شو اولرک هیچ بریسنده مطبخ بولنجوب سایه هایونکنزده طعاملری بنده خانه کیزدن

کیدر و بو جهته محرومیتلرندن اخترازا تبدیل مسکن ایدمه‌یورم (دیمشدر
کوسه کتخدا نامیله مشهور اولان مصطفی رشید افندینک چاملیجه‌ده واقع کوشکی که
حالا سامی پاشا مرحومک ورثه‌سنده‌در و کوسه کتخدا بناسیدر بر مقدار باغچه‌ی
حاوی ایدوکندن بعض بندکانی اتصا‌النده واقع بر باغی مباحه ایتک اوزره تشویق
واوزومندن استفاده اولنور دیو ترغیب ایلدکه اوزوم و سبز یئتشدیرمک زراع اهالی‌یه
عائد برشی اولوب انلرک منافعه اشتراک طبیعی بزه یاقشمنز مناسب اولان باغچیلر اوزوم
کتورمک و بزپاره ایله آلمقدردیمشدر مع هذا مشارالیه خست و اداره‌یه اعتنا ایله
مشهورلردندر

محمد علی پاشانک انسلاب شعوری حسبیله اوغلی ابراهیم پاشا مصر والیسی اولوب
انجق متعاقباً وفاتی وقوعنه مبنی التمش درت تاریخنده عباس پاشا ایالت مصر ایله کامروا
اولش و عیسنک و بیوک باباسنک مساکلرینی ترک ایله طرف سلطنت سنییه ابراز تمحض
ایتمشیدی لاجل التشکر اسباببوله ورودنده وکلا و مأمورینه و حتی قلملره قدر عطیه‌لر
اعطا ایلدی مالیه ناظری بولنان نافذ پاشا که بودخی خست و اداره امور بیتیه ایله
معروف و ثروت و غنا ایله مشهوردر حصه‌سنه اصابت ایدن بشیوز کیسه‌ی تذکیر ماسبق
ایلّه قبولدن استکاف و صدر عصر اولان رشید پاشا بوصورت ملتزم اولان مضی ما ماضی
قضیه‌سنی اخلال ایده‌جکی جهته قبولانی ابرام و الحاح ایتمکه نهایت مشارالیه پاره‌ی المنه
مجبور اولدیسده‌ینه کندوسی وضع ید ایتیوب بعض اصدقا و بندکانه تقسیم ایلدیکی
مشهودات عاجزانه‌مدندر .

فصل سابقده ذکر اولنان منابیه منصباری که مالیه خزینه‌سنه نظام ویرلدکه جمله‌سی
لغو اولمشدر ازان جمله‌باش محاسبه‌دنیلان قلم خزینه عامه‌نک اس‌اساسی اولوب دولتک کافه
واردات و مصارفاتی و نظامات و قوانین مالیه‌سی و حتی اندرون هایون و خاص اخور
خزینه‌لرنده بولنان مجوهرات و هر نوع اشیا یوقلمه‌ده مقید ایدی قلم مذکور بر کیسه‌دارک
والتی صنفه منقسم اوله‌رق‌التی خواجه‌نک تحت اداره‌سنده اولوب هر خواجه طوپخانه و ترسانه
و مطبخ و ذخیره و حرمین خزینه‌لری مثلاًو شعبات خزینه‌نک حساباتنه مأمور اولغله
علی‌الدوام واردات و مصارفاتلرینی تدقیق ایدرلر ایدی قنغی خزینه‌دن اولورایسه اولسون
اصحاب مطلوبه و یریه‌جک دین صورتلری مطلقاً باش محاسبه‌دن اعطا اولنور و ذکر
اولنان شعباتک امنا و مأمورلری و خزینه کتخداسی و میراخور اغا تبدیل اولندقدده حسابی
رؤیت و قیودیه تطبیق قنور ایدی

اشته باش محاسبه جی دینیلان ذاتکه اکثریا وزیر کتبخداسی و دفتردار و رئیس کبی
عظما معزول قالدقچه بو منصبی و دفتر امانتی و نشانجیلانی حائز اولورلر ایدی بو قلمک
خواجهمسی اولوب نادراً خزینیه کلور و اکثریا خانه سندده مقیم اولوب کیسه دار افندینک
کوندردیکی اوراقی صحیح و تمهیر ایدر ایدی مصالح جاریه دن انسان خرجلردن قلمک
شاگردان و کتبه سینه توزیع خصوصی اجرا اولندقدن صکر دباش محاسبه جیلره سنوی یوز
یکرمی بیک غروش مقدار حاصلات قالدیغی بعض معروضات قیودندن استنباط اولمشدر
اشبو قلم دفتردار بولنان ذاتک معیتده ایسه ده خلاف نظام ویا خود مغایر منافع
خزینیه بر امری صادر اولسه بلا تردد جواب ویریلور ایدی چونکه قلمک حامیسی
اولان محاسبه جی عظمای دولتمدن و بلکه دفترداردن حیثیتی ذواتدن اولوب دفتردارلر
بر وجهله بو قلم اوزرینه اجرای نفوذ ایدمزلر ایدی اشبو اصول پک
حکیمانه بر شی ایسه ده بالالتزامی وضع اولمشدر یوقسه کیف مالتق می تأسس ایتشدر
بوزاری محل شهیدر .

مواد خارجیة

اشبو فصلده بیان اولندیغی اوزرد پروسیا و اسرچ دولتریله تجاویزی و تحفظی عقد
اتفاق اولوب بو اوانده واقع اولان ایکی یوز ابکی سفرنده اگر پروسیالیر حربه اشتراک
ایتمه شار ایسه ده جسیم بر اردو سوقیله نمچه لولری تهدید ایدرک قبل السفر معین اولان
حدود اوزرینه تجدید معاهده یه موفق اولدیلر فقط روسیه حقنده اولان تعهدلری
(له) تقسیمندن حصه اخذی منفعتی اوغورنده ترك وفدا ایتدیلر اسوجلولر دولت علیه ایله
برابر حربه قیام ایلدیلر ایسه ده نه چاره که برقاچ دفعه مغلوب اولملریله اكمال تعهده قدرتیاب
وسلطت سینه نک عقد مصالحه سینه قدر یا ایدار اوله میوب بالضروره بعض فدا کارلق اختیاریه
مسقولولر ایله تجدید معاهده ایلدیلر دولت علیه حسب المقاوله اسوجلولره سنوی سکزر
بیک کیسه ویرمک تعهدی اتنده بولندیغندن خلیجه پاره ویرمش و بونک مقابله
اسوج دوئماسی بحر بالطقده بولنان روسیه دوئماسه غلبه ایلدیکی جهته روسیه دوئماسنک
آق دکره کله مامسی منفعتنه دسترس اولمشدر .

ایکی یوزاون بر تاریخده سلطان سلیم خان حضرتلری فرانسزلرک یاغلی باللی سوزلرینه
آلدانوب عقد اتفاق ایتشیکن ایکی سینه مرور ایتمکسزین فرانسزلر بغته مصره استیلا
ایملریله سلطت سینه دخی انکلتزه و روسیه لولر ایله اتفاق ایدرک خطه مصریه تخلیص

اواندی چونکه اولوقتلرده انکلیزلر فرانسه لولرک دشمن دائمیسی و مسقولر دخی فرانسزلر ایله بوزوشوق اولدیغندن منافع تقابل ایلدی چند سنه مرورند فرانسه ایمپراطوری بوناپارته ایکنجی دفعه اوله رق سلطان سلیمی اغفال وعقد اتقاقی از سرنو استحصال ایلسیله بو کیفیت انکلتزه دونماسنک استانبوله ورودینه و روسیه لونک اعلان حرب ایلسنه وبالاخره سلطان سلیمک دوچار فلاکت اولسنه سبب اولمشیکن فرانسزلر تیلست نام شهرده مسقولولر ایله عقد مصالحه ایتدکارنده دولت علیه یی براقیوردیلر و دها غیری ممالک عثمانیه نک تقسیم می مذاکراتنه کیریشدیلر ایشته فرانسه اتفاقلری دخی بو نتیجه یی حاصل ایلدی. بوندن صکرده روم اختلالی ظهورنده سلطنت سنیه بر متنق بولمغه موفق اوله میوب بالعکس فرانسه و انکلتزه و روسیه دولتلری دولت علیه علیه عقد اتقاق ایتلریله مورد قرالغنک حدوشی منتج اولدی. مصرلولر کوتاهییه قدر کللری اوزرینه سلطان محمود خان حضرتلری روسیه لولره مراجعته مجبور اولمغه بر فرقه عسکر ایله بر فیلو دونما بکقوزه کلشیدی یوقاروده اسمی و اوصافی مسطور اولان نامق پاشانک تحقیقنه کوره مصر والیسی محمدعلی پاشا صاحب قوت و قدرت اولان ولایه دولت علیه یه مکتوبلر کوندروب سلطان محمود خان حضرتلرینه بر طاقم عزویات بسط و بیانیله شهرزاده سلطان عبدالجید خان حضرتلرینی اجلاس ایدرک امور مختلفه سلطنت سنیه یی یولنه قویمق و بعدد بالاتفاق روسیه لو اوزرینه هجوم ایله اخذانتقام ایلک دعوای ابلهفریبانه سیله اتقاقه دعوت ایش و ولایه صادق طرفلرندن بو مکتوبلر طرف پادشاهی یه تقدیم اولنمش اولدیغندن سلطان محمود خان حضرتلری تلاشه دوشمش و حتی روسیه ایمپراطوری نیقوله دخی معاذاد تعالی بویله بر غائله عظیمه ظهوری احتمالندن توحش ایدرک عرض معاونت ایش اولدیغندن سلطان محمود خان حضرتلری دخی حسن تلقی ایدرک مذکور عسکر و دونما بروجه محرر بکقوزه کلشدر

بعد ازین سلطان محمود خان حضرتلری روسیه ایمپراطوریه متفق حالنده بولنوب بونک علت غاییه سی دخی مصر مسئله سی اولمغه و بواتفاق اوروپالولرک و همنه الویر مامکله بالاخره انکلتزه و اوستریا و پروسیا و روسیه دولتلری سلطنت سنیه ایله مصرلو علیه نه بالاتفاق نتیجه معلومه استحصال قلندی بوفصلک جاری اولدینی زمانده دولت علیه نک احوال خارجییه دائر معاملاتنی بواساساره مستند اولوب تفرعاتی ایسه وقوعات صردسند مسطور اولمغه بو قدر اجمال قلندی

اعتذار

بلطفه تعالی اشبو اثر عاجزانهم بوراده ختامه رسیده اولمش ایسه ده من غیر حد
بعض اخطارات خصوصیه نك دخی تذیلله قصور و خطیئاتك خلوص نیت فقیرانه مه بناء
عقوی و بلکه تصحیح و توثیق مطالعه به رغبت بیوران اخوان کرامدن مرجودر
اولا وقایع سابقه نك نتیجه منبغه سی اعتباریه بادی نظرده تحسین و یا تقبیح اولنق
طبیعت بشریه ایجابنددر انجیق بو باده تعمیق افکار یعنی قبل الوقوع حکم
حال و زمانه قیاساً ایشی نه نظره کورمك ایجاب ایده جکی امثالی دلاتیه
ویا خود سائر قرائن ايله تدقیق اولنق لازمدر مثلاً یلدرم بایزیدخانك تیمورله محاربه سی
تقیح اولنوب او قدر شدت کوسترماملی ایدی دینلور .

یاوز سلطان سلیمك شاه اسماعیل ايله محاربه سی تحسین وقوجه ارسلان شویله هجوم
ایتدی بویله قیردی کچردی دیه مدح اولنور شمدی بونلرده اولان فرقی تعداد ایدلم:
برنجیسی تیمور ممالك عثمانیه به کیرمش و سیواسی تخریب ايله شهزاده علاءالدینی اتلاف
ایتمشدی شاه اسماعیل ایسه کوندردیکی نامه لرده پدریکزله بابا وغل ایدك نه ایجاب ایلدی که
اوزریمه هجوم ایده یورسکنز مقالنی تحریر ایدر ایکنجیسی تیمور ممالك رومی تملك ایتمی قابل
اوله میوب بعدالغلبه ییقلوب کیده جکی طبیعی وشاه اسماعیل ایسه ممالك عثمانیه به ملاصق
بولندیغندن اگر غالب اولسه اناطولی نك اکثر یرلرینی تملك ایده بیله جکنه نظراً مخاطره سی
بالنسبه ده قوی ایدی اوچنجیسی یلدرم خان زمانه قدر رایات عثمانیه مغلوبیت کورمده
یککندن صرارت انهرام هنوز دماغ دولته طوقنماش اولوب سلطان سلیم زمانده ایسه
دها تیمور وقعه سی اونودنماش اولغله اندن عبرتین اولق ایجاب ایدرایدی بونلری ایراد
ایتمکدن مقصد سلطان سلیمك حرکاته تعریض معناسنی متضمن اولیوب بویله شیلرده حکم
عصره کوره حرکت اولنق ضروریدر

اما بعضیسی موجب منفعت و بعضیسی مستلزم مضرت اولور دیرلر بو دخی اوقیلنددر
یوقسه کافه محاذیردن سالم ایش بکلمك محض مضرتدر بناء علیه یالکیز نتیجه به حصر
نظر ایلک طوغری اولماز ثانیاً سردار و قپودان باشلرک اکثریا امور خیریه و فنون بحریه به واقف
آدلردن اولماسی معترضدر حالو که سردار اکرم اولنلره کافه مهام دولت مفوض اولد
یغندن ایکی صفتی حائر اولق مقتضی اولوب برنجیسی اصحاب رأی و تدبیردن و ایکنجیسی
فترن حریه به واقف ذواتدن اولقدر لکن هر وقتده بوا یکی صفتی جامع آدم بولق قولای

اولمديغندن برنجی صنفك اربابی ترجیح اولنه ككشدر چونكه صاحب عقل و درایت اولان سردارلرهم امور مهمه دولتی اداره ایدر و همده ارباب حرب اولان وزرا و امرا و غزات اسلام ايله بالاستشاره آرای متنوعه نك معقول و صائبی فرق و تمیز ایدرك او یوله کیدر و مستفید اولور نته کیم کوپرلی اوغلی فاضل احمدپاشا رتبه و فعلاً مدرس ایکن یکریمی الی یاشنده وزیر وایکی سنه مرورنده صدر اعظم و سردار اکرم اولوب اون الی سنه مدت صدارتنده فتوحات متوالیه مظهر اولمشدر کذاک بالطه جی محمد پاشا موسیقی شناساندن کوزجه مؤذن نامیله مشهور بر بالطه جی ایکن برایکی سنه ظرفنده وزیر و متعاقباً صدر اعظم و سردار اکرم اولوب فتوحات عظیمه معلومه یه نائل و شهید علی پاشا دخی سلاجدارلقدن وزارتله چیقوب نشانجی و قائم مقام اولدقدن صکره ایکی اوچ سنه مرورنده صدر اعظم و سردار اکرم اولوب بر آیه وارمقسزین کاملاً موره قلاعنی فتحه موفق اولمشدر. عهد محمد خان رابعده و سلطنت احمد خان ثانیده قیودان پاشا اولانلردن مراد پاشا یککیچری اغالغندن و قیلان مصطفی پاشا میراخورلقدن و عموجه زاده حسین پاشا ملکیده دن یتشمش ذاتلر ایکن معیتلرنده بولنان اصحاب فنون بحریه یی حسن استخدا مه قادر و تهدیدلرینی ایقاعه مقتدر ذواتدن اولملریله فتوحات غاخره بحریه یه موفق اولمشلردر عصر مزده دخی بونک مثالی واردرکه مالیه ناظری اوله جق ذاتک مطلقاً فن حسابه ماهر اولسی التزام اولغیوب اداره ده صاحب لیاقت اولسی ارانیلورزیرا الدقیق حساباتی ایکنجی و اوچنجی درجه ده بولنان مأمورین پایه بیلورلر.

ثالثاً خلق بیننده بعض مبالغات و بعضاً دخی هیچ اصلسز برطاقم حکایات تأسس ایتمشدرکه شبهه دن وارسته وقوعات محققه کی تلقی اولنور مثلاً صدر اعظم لر عزل اولندقدن مطلقاً بالقیخانه یه کوتوریلوب اکثریسی اعدام و بعضیسی نفی اولنور ایش حالبوکه سلطان محمود خان حضر تلرینک اون الی صدر اعظم لرندن یالکز بندرلی علی پاشا قبر یسده و سلطان سلیمک طقوز نفر صدر اعظم لرندن یالکز روسجقلی شریف حسین پاشا اردوی هایونده و سلطان عبدالحمید خان اولک اون نفر صدر اعظم لرندن خلیل حمید پاشا بوزجه آطه ده و سلطان مصطفی خان ثالثک کذاک طقوز نفر صدر اعظم لرندن مصطفی ماهر پاشا مدلولوده و یاغلقجی امین پاشا ادر نه ده قتل اولنمشدرکه قرق درت ذاتک ایچندن بشی مقتولدر دها یوقاریلره نظر اولندقجه بعض زمانلرده بر درجه تکثر و بعض اوقاتده بر درجه تنزل ایتدیکی کوریلور هله بدایت دولت علیه دن فاتح زماننه کلنجه یوز الی سنه یی متجاوز مدته صدر اعظم قتل واقع اولما مشدر و قیو آرمسنده و سرای هایونک سائر مواقعه ده بالاده مسطور

اولان مقتولیندن اول بعض صدر اعظم اعدام اولمش ایسه ده هیچ بروقتده بالقخانه ده بردانه اولسون قتل واقع اولمامشیکن بو شهرت کاذبه اولقدر تأسس ایتشدیرکه هر کیمه سویانسه بدیهیاتی انکاره حمل ایدر وقنغیسی قتل اولمش دینلسه بریسنی تعیین ایده من صدر اعظم لک حین عزالرنده بالقخته یه ایندیرلملری اکثریا آقدکر اطه لرینه کوندریله کلدکاری جهته اوران کمی به بندیریلوب اعزام اولمق مقصدینه مبنی ایدی بو شایعه یه قوت ویرن شی رؤف پاشا مرحومک حکایه مشهوره سیدرکه گویا رؤف پاشانک صدارتدن برنجی عزالنده بالقخانه یه ایندیریلوب قتلی تصمیم ولوازماتی احضار اولمشیکن سلطان محمود خان حضرتلری رؤف پاشا کنج وکوزل آدمدر قلاوی دخی پک یراشور دیه قتلندن عفو یله نفی ایش ایدوکنندن پاشای مشارالیهک صکره کی صدارتلرنده کوشکلکنندن بحث ایدن محرملرینه شمدی کنجلاک وکوزلاک قلمدی قلاوی دخی ابطال اولندی جوابیله حکایه مسطوره یی تلمیح وتذکیرایده کلسی قضیه سیدر حالبوکه رؤف پاشانک آسایش حال و آرامش بالندن بشقه ملتزمی اولیوب هر صدارتنده عصرینک متفداننه تسلیم زمام امور ایتک عادتق اولدینی عصرینی مدرک اولملرک معلوملریدر حتی تنظیلاتدن صکره دخی بالدفعات صدراعظم اولمش ومدار اعتذار ایلدیکی خوف اعدام بالکلیه مرفوع ومندرس بولمش اولدینی حالد سرعسکر رضا پاشا ومالیه ناظری صفوتی پاشانک دست اقبالرینه تسلیم ریش سفید ايله وقتنی خوشجه کچورمشدر برده فلاکت اعدامه اوغرایانلر بیوک بیوک ایشلره تشبث ایدنلردر مثلاً بندرلی علی پاشا حالت افندیکنک ازاله وجودی ایچون یککیچریلری تحریک ایلک وشریف حسین پاشا اسماعلی قلعه سنک استیلاسنه سبب اولمق وخلیل حمید پاشا اصلاح احوال عسکریه کبی امر عظیمه مباشرت ایتک سیلربله قتل اولندقلری مثللو یاغلقچی زاده امین پاشا سکسان ایکی سفرنده سرداراکرم اولوبخوتین محاربه سنده عساکر اسلام پریشان اولغله قاچوب کلان یککیچریلرک بز دشمنی قزل المایه قدر سوره جک ایدک لکن یاغلقچی اوغلی براقمدی دیهرک اصل واساسدن عاری اولان نشریاتلری لاف وکذافدن وجهله مفتریاتدن عبارت اولهجنی معلوم ایسه ده بالضروره ایشی اویله اکلامق وطوائف عسکریه یی تألیف وتصدیق ایتک واهمه سیله اعدام اولمشدر حتی شیخ الاسلامقندن معزولاً وفات ایدن عمر وحید افندی حنفیدی حسام الدین افندی جندن روایه نقل ایدرایدی که! بدایت سفرده عسکر اسلامک پریشانلقندن سلطان مصطفی خان مرحوم بغایت منفعل ویک طقسان سکر سنه سنده اولدینی کبی عسکریننده اختلال ظهور ایدر وهمیله متوهم اولوب کمال اضطراب وحیرتندن ناشی علی الدوام تبدیل

قیافله گشت و گذار و بالذات تحقیق احوال ایده کلدیگندن بر کون وفاده واقع امینه سلطان سراینه کلوب قارشو سنده قوناغی اولان رکاب دفتر داری عمر وحید افندی بی جلب ایله اردونک حالی نصل اوله جق و خزینه ده پاره قالدیغنی حالد هه کون پاره ایسترلر دیویانوب یاقلدیغنی صروده امین پاشانک دخی قتلنه امر ویرمش اولدیغنی افاده ایلد کده عمر وحید افندی عفونی استرحامه قیام ایلسی اوزرینه امین پاشا ذاتاً بیتمش و شعوری مخل و بلدکه ویریلان امر شمدی به قدر اجرا قلنمشدر دیمسیله عمر وحید افندی شدیداللسان بر ذات اولدیغندن امین پاشایی اوچ دوت سنه ایچنده مکتوبجیلقدن رئیس ومؤخرأ معالوزارده نشانجی و داماد و متعاقباً صدراعظم و سردار اکرم نصب بیورمش اولدیغکزدن انک ایچون دیوانه اولمقدن بشقه برشی قالدی دیو جواب ویرمشدر .

مصطفی باهر پاشایه کلنجه مشارالیه اواخر محمود خان اولده اعدام اولنانه دارالسعاده اغاسی بشیر اغانک بر کشیده سی ایکن قتل ایتدیرمه ترتیب مقدمات مکر و فریب ایلسیله عموماً اندرون خلقتنک خصوصتته مبتلا اولمشیدی سلططان مصطفی ثالثک لابوین برادری اولوب عصر عثمان خانیده و پاشای مشار الیهک ایکنجی صدارتنده مغدورأ وفات ایدن شهزاده سلطان محمدک اتلافنه مانع اولق اقتدارینی جائز اولدیغنی حالد تقید ایتامسی تهمتی عزو اولنه رق و خاندان عثمانی به خیانت ایدنلرک بقاسی جائز دکدر دینلهرک اعدام ایتدیر-
مشدر وؤف پاشا ایسه بویله اغرایشلره تشبث شویله طورسون خاطرینه کلسه برقاچ کون اویقوسی قچار و کولکه سندن اورکر بر ذات اولسنه نظراً مجازات اعدامدن وجهاً من-
الوجود عاری ایدی بو تفصیلدن مقصد التزام راحتدن حاصل اولان تکاسلاری ستر ایچون بویله حکایه لر تصنیع اولنوب سلطنت سنیه نیک یار و اغیار نظرند بلاء سبب صدر اعظم قتل ایتمک و قلاوی یاقشیمق کبی غایت کوچک بر سببله عفو ایتمک مثلاًو حرکات کودکنشانه دن اولدیغنی بیان و حقایق احوالی میدان قویوب بو قییلدن حکایات منتشره
غیر واقعه و غیر معقوله به وجود ویرلما مک ایچون براخطار خالصانه و بیغرضانه در .



افادہ مخصوصہ ده عرض ایتدیکم اوزره اشبو اثر مفیدک دردنجی جلدنی شوصورتله طبع و نشر ایتدیکه و بناءً علیه وصیت واقعہ نی یرینه کتیرمکه موفق اولدیغمدن طولانی جناب حقہ حمد ایلرم .

ینه او افادہ مخصوصہ ده بیان اولندیغی وجهله اثرک نسخ منتشره سی قالماش اولان اوچ اولکی جلدلرینکده صرہ سیله یکیدن طبعی والشاہد الرحمن قریباً موقع انتشاره وضعی مقرر در .

دولت عثمانیہ ده جریان ایدن اصول ووقایعه دائر شمدی یه دکین مورخین سالفه طرفندن یازیلن تاریخلر میاننده بر قیمت مخصوصه نی حائر بولمان (نتایج الوقوعات) ک مضبوطاتی بیک ایکی یوز الی یدی سنه سنه قدر اولوب او تاریخدن اشبو بیک اوچ یوز یکر می یدی سنه هجریه سی ربیع الاخرینک یدنجی کوننده کی جلوس حضرت محمد خان خامسه قدر مرور ایدن یتش ییلق وقوعاتک دخی بواثر نافعہ ذیل اولق اوزره تحریری جملةً تصورات عاجزانه مدندر حتی در دست طبع اولوب نیجه حقایق و معلومات مهمه تاریخیه نی محتوی بولمان (سعداء پاشا - یاخود مزاردن ندا) نام اثر ناچیزانه مک مقدمه سنده افاده ایلدیکم کی اشبو ذیلہ سلطان عبدالجید خانک جلوسنه مصادف اولان بیک ایکی یوز الی بش تاریخدن تا بیک ایکی یوز طقسان بش تاریخنه دکین کذار ایدن قرق سنه مک وقایعه متدائر پدرم سعید افندی مرحومک قسماً تحریر وقسماً تقریر ایتدیغی خاطراتنکده علاودسی مصمدر .

مقدمه ده کی (افادہ مخصوصه) نک صوک فقره سی که اشبو جلد رابعک بیک یوز سکسان سکیز سنه سندن بیک ایکی یوز الی یدی سنه سنه قدر جریان ایلان آلتش طقوز ییلق احوالی احتوا ایتدیکنه متعلقدر او فقره نک باشنده (آلتنجی بابی تشکیل ایدن) دینیله جک ایکن سهواً (بشنجی بابی) دیو ترتیب ایدلمش اولدیغنکده تصحیحاً بیاننه مبادرت قانمشدر .

محمد غالب

Date Due

APR 8 1974

DEMCO NO. 38-298

